

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一八四冊



責任編輯：孫言誠 賀 偉

ISBN 7-5333-0615-5



EB32/09

四庫全書存目叢書·集部一八四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一八四冊目次

集部·別集類

妙遠堂全集四十卷(二)

〔明〕馬之駿撰
上海圖書館藏明天啓七年刻本

一

東極篇四卷

〔明〕文翔鳳撰
遼寧省圖書館藏明萬曆刻文太青先生全集本

三四九

文太青先生文集二卷

〔明〕文翔鳳撰
江西省圖書館藏鈔本

四〇八

漆園卮言十七卷

〔明〕莊起元撰
中國人民大學圖書館藏明萬曆刻本

四三五

銅馬編二卷

〔明〕楊德周撰
原北平圖書館藏明崇禎刻本

六六〇

無欲齋詩鈔一卷

〔明〕鹿善繼撰
湖北省圖書館藏清刻本

七〇九

妙遠堂全集四十卷(二)

〔明〕馬之駿撰

上海圖書館藏明天啓七年刻本

附《四庫全書總目·妙遠堂集

四十卷》提要

妙遠堂詩宿集目錄

七言絕句

枳花

戲徐子卿納妾三首

新月三首

寄調孟和廣陵二首

和范長倩觀國華諸歌童作劇二十首

有小引

妙遠堂全集

七言絕句目

一

孟和盛譽其姬人畫蘭之妙詭之以一詩

支硎曲五首

送歸四首

送方子振之粵東藩幕三首

七夕雨

歌兒有爲上谷遊者聞以疫死悲之四

首

獲鹿道中種柳夾路可十里餘傍日綠

柳廊二首

省鹿

途曉

香泉題壁二首

馮郎

送張起望之濟上看郎君秋試四首

息夫人三首

聊園八詠同遺民賦
芥菴 藤香幄 金粟廊 香雪樹

妙遠堂全集

七言絕句目

二

雄映亭 園花砌 環白堂 引碧軒

賽神謠六首

別汪君采四首

送鸞友歸宛二首

祝雨二首

爲查仙客贈所私

有贈

題歌郎阿壽
羽兼懷張子雲明府

女俠遊仙曲四首

得文弱書欲入山買姬爲棲遁計漫賦

四絕調之

劉孟肩花燭詩五首

湯陰公署後有奇石數拳竹栢掩映春

陰作雨天氣如秋濡墨倚欄率然成

句二首

妙遠堂全集

七言絕句目

三

妙遠堂詩集

新野馬之駿仲良著

門人魏濟衆君約閱

七言絕句

枳花

幾樹啼鶯映曉霞
綠陰不斷接人家
一時桃李渾飄盡
却放春風到枳花

戲徐子卿納妾

妙遠堂全集

七言絕句一

四

橋成親挽七香車
荳蔻梢殘泣露初
夢醒試披羅幌看
較他東郭美何如

霧暝花房不易尋
博山香字藝同心
啼鶯語燕渾難住
無復更深奏越吟

半帳歡濃百戲兼
燈花含笑撲星奩
但知京兆新能畫
不怕參軍舊有髭

新月三首

人似乍逢還斂態
客如久別反含悽
偶窺野

水能先見纔出疎煙已欲低

歷盡窮陰非快夕
望來纖影恰新晴
難期他地光相似
亦覺前朝雨有情

炎天與馬方無緒
涼夜池臺漸有思
算到此番重晦夕
或當前路欲殘時

寄調孟和廣陵二絕

秋半看山取次行
看花一倍有心情
看山宜遠花宜近
和霧和煙較不明

妙遠堂全集

七言絕句一

五

須擇幽寄安手眼
正愁豔麗損風神
尋常衰草迷樓地
真解關情有幾人

和范長倩觀國華諸歌童作劇二十首

有引

國華諸郎者往爲廣陵汪氏歌兒以
急歸長倩長倩意甚嬖之子曾同俞
羨長席上戲排險韵十八爲詩以贈
之矣一時詞彥侈爲美譚遍響國中

合辭花底而長倩意未愜也復舉所

賦絕句二十首索和則予竊爲難其

詞夫美孺變童雖不乏故實而至如

安陵子都分桃斷袖前車後鈞奪篋

賜山寧惟搜剔不遺抑且更番無暇

貌生者豈借妍于粉本薦鼎者何飭

味于塵羹則不得有所割棄而追

治之也美長偶過衙齋相與命酒賈

妙遠堂全集

七言絕句一

六

勇務推實際以傳新聲故所模皆飛

楊離合之情與邂逅贈遺之事覺鴻

驚龍矯盡現毫端草豔花香都標格

外當不使繁華絕奏明下孤傳耳長

倩和予險韻詩末云使君自有婦五

馬未須探幾欲捉刀而起故予之卒

章亦以實案相報倘長倩毅然不受

更爲二十絕句備極其婉戀之私則

筆墨之貴今方駿駿未已也

新開金屋瑣文梁別選璫姿萬樹霜已遺身

能輕粉黛爭教耳不厭笙簧

朱欄初隱半開花曾卷秦衣浣越紗共對朝

霞看莫辨朱顏真擬鑄丹砂

畫堂宛轉隔重砌廿四橋邊掌上身不爲春

林風雨惡一枝爭肯傍詞人

木蘭載去衆爭憐密語頻交御史前記得心

妙遠堂全集

七言絕句一

七

挑仍日許馬卿家法有朱絃

紀長倩拾楊修
齡及子遊上沙

舊

綺筵初敞繡屏開絕技應知有別才蝶粉鶯

魂嬌作隊隨風齊入舞場來

燈前玉佩未堪要漸覺肌香透冷銷看到雪

歛風颭處始知垂柳不名腰

半面爲歡半作嘆獨將澹冶出丰神絃繁調

促應無暇騰出斜波惹醉人

尙嫌脂粉浣何郎多少青娥廢早妝願取龍
陽爲屬國隣封子已署花王

綠霧輕鬆不受簪挽將髮髮儼雲雲爭教歌
舞通禪性密坐先憑鼻觀參

祇宜袖草與籠花圓頰微醒帶落霞最是防
人羞澁慣偶行獨立也欹斜

專席同車暗取妍亦愁人喚老奴憐臨籠鸚
鵡能言語萬索千呼不敢前

紀事

妙遠堂全集

七言絕句一

八

歌喉初斂月輪高爭障春寒覆襖袍故把詼
詞挑笑口半回丹臉利雙刀

愛着輕裙犯曉寒醺醺紅落唾花殘女兒一
樣生香骨何待裁荷與製蘭

蟻也復畫連卷沙暖鴛鴦學並眠試揭合
歡衾底看雌雄爭得辨雙纏

戲持搔玉惹餘膏着肉甘爲錦繫俗殺石
家廝養卒擬人那擬鄭櫻桃

遊賞還邀共繡鞍鑄朱鏤碧作纓繁等閒看
殺人如玉汗濕春衫莫浪彈

貧婦終是少年心情字難教辨淺深偶爲踏
青南陌上錯教人贈路傍金

芙蓉江上采芙蓉爭奈吳姬妬不容預恐香
魂離不返先教道士覓臨卣

看多不醉亦成狂興劇都無可斷腸爲問嚙
衾臨寶幄何如待酒泛沙棠

妙遠堂全集

七言絕句一

九

誰論故主與新人玉樹光中奉錦綉玄圃重
關桃失去可知塵世有鸞輪

孟和盛舉其姬人畫蘭之妙謔之以詩
墨池香浸洗殘脂煙水湘南別有姿作葉作
花都已了合情多在點心時

弱腕淋漓墨未乾章華九畹怯朝寒雙枝並
蒂圖俱好莫寫閩山荔子酸

支硎曲

雨晴新水半槽通綠淨黃疎麥浪風東去洞
簫西畫舫始知春不在城中

一幅簾衣面幾層雕欄皓腕語斜凭天花陣
裏尋常看輸盡篙工與寺僧

趙家池上滿蹄輪懷刺腰輿日幾巡几席杯
杵分欸出住山忙比上山人

麗日酣人結隊宜奪將雙眼作琉璃昏歸朝
出緣何事水態山容總不知

妙遠堂全集

七言絕句一

十

漫論市賈笑村翁亦有青娥悅較童一樣戲
棚呈態出難言岸上看舟中

送歸

堤楊未絮水初荷欲贈將離恨轉多不解何

歌堪送爾翻云爾更爲余歌

炎天涼月早秋颺何夕過從輟舉危獨有門

前春草色相逢相別記同時

花源萬樹比霞堆風遣飛將水送回但作此

心應罷想祇云原未入都來

新鶯略可比新聲爾去春還忍再鳴醺酒向
天私有祝願南多雁北無鶯

輒及

送方子振之粵東藩幕

子振以奕冠海內數十年故章

三載鑪頭酒債并孤雲嶺外客裝輕于今却
羨羊玄保一賭宣城過此生

文楸久掛絕同班技望翻令手就閒驟向殊

妙遠堂全集

七言絕句一

十一

方名未識有人爭道一開顏

詞人捧檄初低首新婦登庖乍斂眉局勢稍

殊情味在恰如爭到劫殘時

七夕雨

柝散空城涼氣深星河無際總秋陰可憐苦

雨悲風意不管遊人思婦心

歌兒有爲上谷遊者聞以疫死悲之

釀盡涼州淚點垂炎天從此送金羈沙場一

去無歸日不獨征夫與戍見

誰收香骨返春江地下明蟾作玉鉦應爲塞垣憐寂寞天教青塚忽成雙

腕脫香鈎臂斷紗蘿歌一派是蘆笳遊魂夜傷歌樓入猶見胡塵雜唾花

朱顏誰分委佳城壁碎蘭枯總歎聲省得鬚眉遲暮日有人憐死不憐生

獲鹿道中種柳夾路可十里餘榜曰綠

妙遠堂全集

七言絕句一

十二

柳廊

千絲深碧漲晴谿閣日搖雲未肯齊不信勞
勞與馬夢等閒移上白公堤

漫誇堤上與河干黃染朝霜遍亦難恰比西
川娘子陣馬前十萬闌腰看

省鹿

雨濕莎寒何處眠奚童親見藥欄邊也知安
穩無驚意如在舊山聞澗泉

途曉

菜田半黃飛亂鴉長堤十里連村沙前山欲
雨濕煙黑東風初折櫻桃花

香泉題壁

院門殘雨上新苔赤脚緇衣到不猜却笑華
清文石底一泓能賺玉環來

半扉髯影接虬枝扶石盤崖歲月遲松性自
寒泉自熱無人閒去看霜皮

妙遠堂全集

七言絕句一

十三

馮郎

髮鬢華襦一樣新舞場疑幻立疑真殘更明
燭妝成坐難道東風不醉人

送張起望之濟上看郎君秋試

張工

吳江楓葉幾榮枯重對殘燈將舊鬚仲腕腕
君頻問訊窮愁如許得瘳無

疎樹輕陰作早涼嘯歌回首卽茫茫銷愁一
味宜狂藥肘後何曾載此方

探遍青山碧水涯
肉芝如掌箭如砂
擔囊又帶春風去
金粟催開玉樹花

佳兒自授田何學
上客爭迎秦越人
五色掌中鱗角起
底須東國死麒麟

息夫人

殘陽禾黍恨難栽
珠玉叢中托死灰
默倚繡床天又晚
監宮惆悵侍兒猜

城郭春深飛雉雛
宮花寂寂閉金鋪
楚王自

妙遠堂全集

七言絕句一

十四

是無男慧不及腰弓
賈大夫

雲解歸山月解沉
受他憐惜轉愁深
只今萬里尊前面
冷盡金戈翠羽心

聊園八詠同遺民賦

芥菴

人鳥須彌路幾層
廊陰殘雨亞修藤
十年惆悵人間事
細把南宗叩嶺能

藤香幄

落英春盡紫香吹
載酒鋪裯坐每遲
猶恨伯倫曾未見
幕天席地亦何爲

香雪榭

漫以栽多薄素姿
梅花零後雪枝枝
綠珠未入翔風老
爭不風流讓及時

金粟廊

一夜秋香引客懷
雨籬月徑與風堦
歌殘簌簌低枝落
似爲名姝鈿寶釵

妙遠堂全集

七言絕句一

十五

雉映亭

舊藉城隅半畝分
映簾雉堞漾溪文
可知百遍經過熟
殘柝殘鍾每醉聞

國花砌

貴客燕京誇百畝
新名洛下別千叢
數株傲殺能依托
開落詩場酒陣中

環白堂

小築菟裘喜地偏
酒醺日耗買山錢
仲長有

志終近闊種樹穿池得幾年

引碧軒

荷藻分香碧一灣竹牕臥聽鳥間關便疑夢
入廬山去三峽寒泉在枕間

賽神謠六首

立有班行拜有儀擬金衣繡列參差女巫紛
舞迎神曲好把方言証楚詞

法曲金元舊部妍口傳耳食半非全烏騅赤

妙遠堂全集

七言絕句一

十六

帝揮戈起別是人間漢楚年

村姬年少不知名同伴相邀始入城窮袴華
襦相問處風前人亦美身輕

鐘鼓聲中百拜虔別開尊酒話喧闐稚兒偷

藝添醺紙廟祝貪分上供進

皂帕黃荆共一行自酬宿願跼焚香阿旁羅
刹猱獐立鄉姬驚心看兩廊

半遵官譜半鄉談角觚魚龍總未諳坐客乍

窺爭撫堂不勞重唱望江南

別汪君采

覆雨翻雲市態新却從離別一沾巾年來檢
點關情客半屬忘機落魄人

燒燈按拍與傳杯一夕懷同一笑開從此空
園冰雪裏夜深惟有雁聲來

梅信江南犯早寒更留芳草待春殘東風姚
魏多黃紫遲雨同凭七寶閣

妙遠堂全集

七言絕句一

十七

盡道梁清是侍兒長干煙月踏歌時江花江
草饒情態可憶山中桂樹枝

送鸞友歸宛

怨入琵琶曲易殘情多轉覺去畱難爭憐君
似雲間月纔過中秋不久看

座有深杯袖有詩香車往返桂花時倘逢女
伴應相詫親見揚州杜牧之

祝雨

每從妬月恨浮雲雨到離觴却喜聞欲把君情比天意爲恩爲怨總平分

難久持觴捧研身淚脂和雨背偷勻信知別後非輕薄曾聽長干念遠人

爲查仙客贈所私

青螺幾點上眉尖羞慣偏於近燭嫌要使人誇小垂手不教羅袖掩纖纖

有贈

妙遠堂全集

七言絕句一

十八

學按秦箏未入腔每來清夜共秋缸願爲屬玉同飛去日向寒塘照影雙

題歌郎阿壽扇兼懷張子雲明府

曲室秋宵蠟炬光坐依荀令喜分香六年重乞尊前句鶯老鳬飛各斷腸

女俠遊仙曲戲和友人之作

豔曲閨愁字字灰遊仙新句手頻裁麻姑狡殺終村嫗只解人間擲米來

舞裳親製製花幡羯鼓禪燈與閉門兜率到時輕一笑始知難滅是情根

愛逐西陵畫舸移藕花纔了霰花吹六橋悟出朝還暮稽首湖光是導師

精舍新開水木清蓮花爭向舌端生容誰洗鉢焚香侍明月滿簾聞磬聲

得文弱書欲入山買姬爲棲遁計漫賦

四絕調之

妙遠堂全集

七言絕句一

十九

一疏明光六傳迴菟裘新築傍香臺牙籌腕熟難閒却等算冬脂與月煤

幾夜茄聲警塞榆空山蘿蒿漫相扶臥龍早送乘鸞帖便倩黃家許肯無

分身總覺笑啼難說劍籌邊與稍聞消息繡簾香閣畔願傳烽火報平安

罪業風流籍幾行懺除惟有惡焚香年來怪減封君橘日日銷紅入飲湯

劉孟肩花燭詩

萬樹梅花玉作魂
女羅何意得通根
須憑手註孤山譜
和靖他年有子孫

擘箋頻寫步虛詞
白石高雲夢斷時
莫恨棲鴉無大樹
梳翎今上合歡枝

玉杵茫茫豈待尋
便移禪榻就香衾
西來須信無多法
天女花前好試心

綺閣酣眠盡日閒
深盟全托鳥關關
春風意

妙遠堂全集

七言絕句一

二十

緒方多悔買笑錢
元足買山

銀漢先秋望不孤
涼宵蘭火背流蘇
但知董

祀爲佳偶莫同文
君問故夫

湯陰公署後有奇石
數拳竹栢掩映春

陰作雨天氣如秋濡
墨倚欄率然成

句

荒城曉角亂楊啼
草色春深碧未齊
惆悵故

園風雨夢駝笙還過
白湍西

爭云竹石冷宜人
把酒巡檐暫可親
閱盡去

鴻與歸燕征夫誰
是自由身

妙遠堂詩宿集終

妙遠堂全集

七言絕句一

二十一

妙遠堂文列集目錄

記一 山水一

新田夜泛記

虎丘記

遊嶧山記

遊霧巖山記

霧巖山贖山記

讌雪記

妙遠堂全集

記一 目錄

一

妙遠堂文列集

新野馬之駿仲良著

古吳陳元素古白閑

記一 山水一

新田夜泛記

白水右城而南奔至新田一折猶巨人坦卧
引其肱于腹也途窮而津一葦可達余春早
有楚行抵岸見有龍從若敗簾者倒載着水

妙遠堂全集

記一

二

中私心賊之登而見爲官舫蓋特魚舩障其
四隅者耳長年曰明府命也往晤明府語故
明府曰嘻是以給貴人之問津者雖然可圖
卜夜矣比暮返清颶瀨波片月才曙舫隘不
能受衆僅設一榻三几容二小史行觴餘肉
簿胥卒厄鐺鼓吹之屬咸于別舟從焉明府
命挽而上邇則月中天矣積沙皚皚千里一
碧纖雲不翳上下對峙鏡月光攝水水氣漉

而不能敵覺空濛遠近絕無水者流所流
不自知其膽魄之墮于水壺也遠樹隱見如
齊如髮又如皎兔走朝露中張其羽毫迫不
得直視洲平如掌麗洲者各以其爲喜愕怪
怖立者如望仆者如睡欬者如怒峙者如俟
不復謀吾目矣明府忻然樂之酒數行亟反
舟繫岸憇焉余指其巔巖千尺以屬明府曰
是非居恒所見枯崖瘠土耶何以遽蒨寘也

妙遠堂全集

記一

三

月之神得水而盪沙之媚水不夜不酣靚姬
綳粧而外施粉澤凡半面破頰皆忘其故矣
鍾動蟻聚販夫勞人所蹂躪區耳月之施于
崖者大矣哉明府曰不寧唯是蘭亭赤壁詎
必蓬丘而千古芬人齒牙夫月之於水于沙
者其常也吾與子翺塵容而求息焉計此于
夢久矣且吾與子行且分轡而馳彈冠而去
舉烟雲巖壑調謔歌呼等之飄風邁隙而不

可駐而何有于培塿爲月勝而幸耶抑人勝
而幸耶命注酒巨觥沃之徘徊沙礫間黯焉
未去余乃呼長年而告之曰識之吾儕之聚
而得散常而得變方輟轉于斯而未已也几
席之間夢寐之上其所失于烟雲水月者可
勝道哉可勝道哉退次其語爲記而明府及
余伯氏皆有詩邑人馬之駿

虎丘記

妙遠堂全集

記一

四

文章與山水互爲映發者也然相值而相格
者二曰重之而其氣荏狎之而其衷嫵今夫
青蓮之于黃鶴香山之于巫山非不足于詞
也筆終閣而佛能下蘭亭列坐金谷行觴至
畢讌鮮隻字者則予所稱二端之致然乎哉
往香山虎丘詩云一年十二次非少亦非多
予經年抱關往還不啻三倍之而迄無以名
茲山邇者千頃雲圯予任新平遠堂石級廢

予任葺生公講臺虎丘劍池二古碑泐予任
徒舊者而摹新者寺僧乃羅拜予謂不可無
言記之予謂否否瑣事烏足記乃記虎丘曰
夫虎丘者山之變體而洲阜之別調也無峰
巒嶺嶂之異止係以丘名甚常入寺以徑勝
苔班樹文可幽囂者而遠凡者稍上以千人
石劍池勝晦冥風雨寒暄冬夏致各不襲而
月之夕尤皚皚矣再上以千頃雲平遠堂勝

妙達堂全集

記一

五

勝以望遠故憑千頃雲見西北偏喬章美箭
翳之不堪了了若得古鍾鼎字未必盡辨而
意自弘遠平遠堂則注瞬四天靡所弗際遠
山繡野俯拾環翔而虎丘之觀止矣若夫舫
竹肉遞引絃珠璫方冠圓趾來無
晷刻去不籍記則人之爲也而非天也嗟夫
是魁然者丘耳使列在他郡國亦樵牧農佃
之區耳而烏足以侈然予每一登覽回輒默

思他郡國疆里中欲得此魁然之丘足芻蕘
牙娛耳目者以比擬之而不可再也吾固終
無以名之矣

遊嶧山記

嶧去鄒十八里出交已見北地山多瘠膚赤
土而嶧純以骨勝望之作蒼玉古鐵狀不忍
移瞬也路從山背環出其前彌望皆石石皆
磊落參錯如累基如覆錯或翼而翥或竅而

妙達堂全集

記一

六

竚或倚而垂墮或突而無跗或味而鳥或蹲
而虎潤而坂如脂不能留踵確而級如齒不
能受趾種種非意想所可及憩山後有巨石
孤懸道左風蓼蓼出其中客目之以噓巖題
字其上稍前卽易山與與窮則步數代以爲
常前爲讀書洞彌陀庵皆無奇前至山館邑
令所闢以居停遊客者也由山館往途始偃
側有流泉在山半瀦爲池以亭覆之景小佳

前爲顏子岩岩左爲古桐觀有枯桐處亭中記所云嶧山之桐是也旁造一洞最深邃奇詭出觀不數武復得一洞泉漱之名甘泉焉至是復出顏子岩道蜿蜒而上度片石橋爲蓮池池僅半畝許踞山最高處故最勝前爲仙人宮予之遊嶧止矣道士云前爲萬壽宮萬壽折而西爲白雲宮嶧乃畢時以日旰弗及竟然萬壽業可目及道士亦云白雲無他狀止宮室鉅麗爲禋祀上帝處耳予曰否否不爲是下循故道返觀于迷洞洞奇儼前却距館左以向鮮導者不知也太抵嶧之勝以岩洞洞悉嵌空浮立下不見地左右望咸若扉戶往還詰曲各不相知步一轉輒得一異境奇石冒之隙處卽見天日雲光樹影搖動下漏不復知人間矣道士云野人有墮者數日不能出乃在山後理或然也馬子曰嶧

各有詩

遊靈巖山記

山之慧者也中霽幻而外勁削知已哉秦政乎山以樹衣雖不至髡而垂蔭無及二畝者猶貴介處子不屑屑爭艷縞練也山以泉液以烟喜以嵐怒嶧時時有之琳剌小弗飭然坐是得留其朴獨洞壑亭館鮮雅稱者望不及岱稱善避否則兒孫之久矣李斯故碑移在縣署久去嶧無從讀時癸丑夏五之十有三日辰至申返所偕客曰商家梅閩人吳予予之遊靈巖山也蓋以夜至山行可六七里無所見亦昏黑不辨草樹第聞大聲洶洶與風相激如數十萬人趨至寺宿寺卽故館娃宮址也質明起出寺左方見塔梁天監中所造以藏舍利者小燬于火猶鉅麗折而右爲涵空閣閣前俯一池名浣花繇池取道而西

路小磴礧曼棘翳之稍前乃純石行數十武始造山顛有片石刻琴臺字名琴臺不詳所自起下爲響屨廊址向行磴礧時卽已見廊而從琴臺迤降循廊東行復與所取池西道合廊倚削壁而瞰層崖中獨整潔夷坦繫廊名甚肖至廊而下睇如是者三意昔吳宮時皆飛樓傑閣窳窳參差繇廊以陟山顛故不一而足耳閣中有智積菩薩化象甚猗異背

妙遠堂集

記一

九

爲吳王井方圓各一製古秀折而東北爲寺後扉稍稍具竹樹一池可數掬名洗硯池關左榮復轉入寺此山之大凡也踞巔見匹練直如矢爲採香涇俗云徑誤旁一水橫亘之爲香水溪對面高峰巔劣爲蘇臺池云吳王自娃宮爲複道登臺果如斯言綿繞幾二十餘里其盛可想此山之支委也大抵山之勝在閣登閣靡所弗見小金天池穹窿觀音莫

釐縹緲遠者如避近者如拒大者如睨小者如跂烟帶之則爲色草衣之則爲鋒正而視湖可當一曲時晨霧未卽了了若或有帆影出沒而已登琴臺又俯視閣其境益廓落蒼莽向所見避者如遠鳥翔翥拒者若武夫環侍睨者如拱揖以相竚而企者如含鏃以待發也東南偏皆視湖不獨正面赭原繡野逾無遁形矣此山之要領也出寺東步得石級

妙遠堂集

記一

十

巨石堆塞撐拄咸以意名之道至山半得西施洞亦無奇山趾遙望見高碑如堵墻者爲韓蘄王墓亦以足繭未及竟馬子旣登山反酌于閣舉觴屬客四顧而嘆曰嗟夫差古之有心人也今夫泉石妖冶皆通人之所溺也而不必兼卽兼矣而非橫絕時代跨軼江海其卑卑何稱焉梯剗岩淪蒙蒼節筍鏞以澗壑飭婢娟以雲霞其所爲非苟焉而已也且

泉石者不與國俱亾者也而妖冶者能亾國
非所以亾卽古義軒姚以逸矣而後人經其
遺墟拾其斷簡慨然如前峙而後趨者其所
以主之者在也吳社已飄風冷埃矣而至今
於斯踵猶倏然而若欲往目猶樊然而若可
追者則此山之以乎何也凡通人而不必兼
有溺乎泉石妖冶者皆山之所爲主也同遊
者俞義長王季高戚不磷黃伯傳汪遺民商
妙遠堂全集 記一 十一

孟和潘伯玉凡七人

靈巖山贖山記

予既登靈巖周覽形槩因作而嘆曰邈哉千
古不盈睫矣已而視山之趾班班然石鮮完
者駭問寺僧故僧曰先世有無賴寺僧鬻民
間以起丙舍者侵尋命斧斤今且衣食其中
不可問矣僧孱不任與民構地僻遠復不任
入郡構曾往白之有司曰張皇布約束而夫

夫且克耳也度可誰何予曰將奚底焉僧曰
往佐郡沈君有言餽寺而愛石旦暮計也苟
壁石而寺完之又何辭矣予曰有是哉斤俸
金十二鍰以償原值且檄吳邑幕往疆界之
村氓談業等乃上牒吳邑云民受之父若祖
者也自

皇明之有國已然烏得掩爲寺有予咲乙之
曰夫天地之有靈巖昉自夫差之有國而必
妙遠堂全集 記一 十二

欲窮石之所自乎則請質諸渾沌氏議方持
未決會直指薛公來登靈巖其咨嗟于鑿石
而思愛護之者更殷予諭寺僧曰倘若輩
弗格心有柱後惠文在復以疆界檄吳令袁
袁君曰若以爲受之父若祖乎哉戶有版可
籍也版以內歸若寺無能爭版以外歸寺若
無能爭且今日之舉以石歸寺非歸僧也寸
膚非寺有片石亦非民有乃以六月某日往

履畝定之業輩始頭搶地屈服去蓋業故素封而好猶多行金錢左右與中撓止袁君高朗能堅持之而郡縉紳縫掖以爲山在坤維不宜琢洩傷川陸之需故合策佐之如此寺僧乃羣謂予曰是役也使君志也願藉使君言以不朽茲石斯山霽金湯之護予遜謝曰二三大夫之烈也雖然抑亦知夫不住相乎夫世法中所稱疆盛赫奕籠罩區宇其權莫

尊于人王而出世法中所稱出顯入微攝持大地者其道莫尊于空王然霽巖固夫差棲窈窕考歌鐘之地也當時詎不謂鸚鵡之樂世世弗替乃不克有借爲敵資亦不有而遁得遁矢卒歸之梵寺寺所祀三世丈六身又世人之歡喜恐怖舉眊眊士女之皈誠焉而恐後者也乃亦不得有而僧以之質子錢民以之施椎鑿是亦足明石之爲空花泡影矣

乃以滑稽焉爭之而屑屑焉私之惑乃滋甚矧去靈巖數里有梵然馬鬣者則秦伯氏所藏蛻也噉易文身而衿裾臂則河之星宿地脉傷震及躬矣若輩無念其父若祖則已念之而窮若祖之祖以及入吳之初一人又奚忍焉予特爲直紀其事以告夫後之宰官長者願勿作不住觀修墜者警佚者以無忘二三大夫之休寺比丘村三老願作不住觀以

石麗山以山麗寺而無與聞焉可也薛公諱貞陝西韓城人辛丑進士袁君諱熙臣浙江慈谿人癸丑進士

讌雪記

讌雪者癸丑嘉平十九夜赴友人戚不碑之招也方讌而雪作讌乃不于舟而于橋避境以遠爲勝也與讌者凡五人一客幅巾長髯立蓋下啞啞笑而沈沈酌者雲間王季高也

一客瑣巾褐衣以袖障歌兒立髯客右貌微
瘁而神揚者吳超欽子淵也一客長身勁削
髯鬚如澗松立橋柱旁反嚮舟有所呼者
不磷也一少年晉巾俯躬手叵羅進客者不
磷子戚時風也一客篋衣執大斗依蓋立在
前髯客之左者則關使者不佞也歌兒凡三
人一白皙卑衣寒粟隆隆起頰輔間身臞就
客卽褐衣者之所障也一色微深黝有聲立
妙遠堂全集 記一 十五

次單衣兒其一清麗柔冶衣舊紵着履立關
使者傍若有所耳語而不聞也侍史凡二人
方肥類駟賈傭立橋下一微澤工顧盼燃火
樹竹爆以佐歡小奚二人迭出供酒脚鹿邀
如奔馬遙視如鳥近至乃如鬼矣橋勢夔出
蛇若癰龍山巒原野屋廬帆檣缺岸斷崖田
腴村家與雪生態靡不了了遠既森近逾
瑩徹寒波不聲燈出蒼翳余顧而樂之

目酬空色無主意在語則忘歌意在歌則忘
語觴至或旁求貸觴虛或自求益以故觴籌
不可算也客曰南雪不積地者三年于斯矣
蓋不磷之折簡也期中更焉更乃得雪不更
或不雪也余及二三子入舟則雪大如掌登
橋則小間再入舟且大如卵雪之媚吾酣而
其工也則今日之役雪賓也余及二三子
皆主也古之獻酬必須禱故主萬年客千秋
妙遠堂全集 記一 十六

余何以祝吾雪文辭其可已乎

妙遠堂文張集目錄

記二 山水二

祠山記

橫山記

敬亭記

景山記

遊凌雲山小記

黃山凌歊臺記

妙遠堂全集 記二目錄

采石記

雜記

妙遠堂文張集

新野馬之駿仲良著

毘陵張劒光冶生閱

記二 山水二

祠山記

山在桐川郭西孤峰無蒂半崖被藤竹籠蔥
糾結目往神赴使人意溪門逕以斜取高方
塘渟潔老樹數十本影之每酣丹浸綠空水

妙遠堂全集 記二

自花稍上卽神祠鎔鐵肖二介士峩峩立中
道爲碑亭勒

高皇帝御製詩上爲閣頗壯麗再入陟石級
過亭得殿血祀之盛奔走一方桐人夢囈室
語及神無不髮立者往往兩造質成輒庭矢
以明無他然真不勝僞余時扑而止之旁及
吳興陽羨士女以禱子祓災至者月可指計
綵帶翠葆繡崖黼川在仲春元填溢據誌稱

神張姓名渤武陵人佐大禹東南治水有顯
庸再著于丹陽

皇祖草昧初默相王師故被帝號余竊謂治
水事經傳無所據且姓名近甚不類三代人
以丹陽著者爲的然聞武陵亦有神廟僅僅
曰公而已桐四面阻山無巨津洪壑舟楫橋
櫓之利而水神獨享奢報是不可解舊俗坎
地爲穴每椎牛刲牲以實之肉陵酒池恬不
沙遠堂全集 記二 三

爲怪刺史其爲文告神嚴禁而止神固使人
代受德耶山最勝在憑閣面羣峰如壯夫拱
揖密友偶語瀟風縹霞坐者忘去恨閣微卑
不能出林樾上深夏或翳目耳寢殿後閣尤
隘東窻當二古楓蔽晝有夜氣鳴秋有冬氣
陰人有神鬼氣道士好以茗盞人每至輒苦
水厄又恒出所藏贗卷凡珠以爲古玩必欲
強人觀尤可厭獨宣和玉磬似是北宋物余

另有詩識之畱桐凡七十日計此山可十餘
至亦旅交之最深者也

橫山記

橫山之勝以逕逕勝以秋山巉秀聳拔直不
受步乃旋折而升如蟻之附磨終日見大圓
焉上苦僂其疲在背下苦眩其御在足更相
遇必相視纍纍若登樹之猿故曰其勝在逕
蘿叢棘蔓深可沒踝霜林木脫着地如篩屐
沙遠堂全集 記二 四

般輒響作丹黃踰籍故曰逕之勝以秋也登
頂四望靡所不頽郡脉自南來雉堞逆踞之
東饒氣而北稍衍非茲山處乾維幾緩不收
矣凡登山使人怡者其觀治使人悲者其觀
幽使人冷者其觀僻使人危者其觀峻山理
爲主而人以氣聽之予窮高俯仰旁揖雲霧
之頻駛訝此身之何來不覺迢然而
登歌泣焉而出涕其悲固以秋而不以山也

松栢之大者皆不逾握日嘗童子斧斤寺雖
淺而潔向亦經

高皇帝駐驂勒詩巔巔間旁有龍王廟廟前
有池僧云盛夏屢涸誌傳爲聖泉誤祠山之
鼓如雷相聞白石青崖恒數月間無履迹噫
桐人之廢遊也久矣

敬亭記

宛陵六日夜雪檻處公屏蜩縮而鶴伸自咲
妙遠堂全集 記二 五

甚故人王郡丞謀爲敬亭東道主與司理黃
君偕焉出北郭仰盼見玉龍亘天奮鬚振鬣
知山以雪壯絲城趾取小道蛇行沮洳間數
步輒一蹶然四望皆白冷光逼心目如在異
境羣峰截峙見兩危壁挿天凹處林閣浮出
心知是敬亭也從曲逕緣上石隘處卽格輿
旣登得寺寺前得閣爲觴客地然觀如是止
恨欠深宵耳旁上別有亭可遠眺寺僧導之

對郡丞司理語甚辯然舌熟雜詼氣其右峯
稍峻僧云登可望江計是地去江可二百餘
里似非魁丘可以拓眼然積雪滿山勢不可
上故無以難也大略茲山初升盛徑曲紆似
澗之北固憑閣下眺似吳之大石第大石空
澗可杯杓挹太湖此中固微遜之而六花皚
皚千岩無色城郭陵谷點暎空濛奇自可直
一灰雪着松杉間得風條枚易墜獨樹頂存

妙遠堂全集 記二

六

圓白如素葉舍房慈烏引頸尤屬妖觀夫雪
之施于遊人也惠矣哉山下見雙塔對植製
朴而色舊還往咸心注之偶與湯嘉賓先生
談及云是黃葉師道場甚悔不入因附記之

景山記

景山一名月盤山土人稱爲雷峰以上有雷
神殿故出城遵堤行三里過小橋萬松倚崖
立下皆寶宮雲霧濤沸鬼欲畫山稍上逕漸

高興中覺來擊領運盡得亭列石數十方
悉作踞獅眠虎狀稍折而下復亭之旁一洞
僅受人更上尋嶺首有亭冠焉西望見江從
天際白下視姑溪西走縈綰如帶遠山環睨
淡冶韶秀獨謝家青山磅礴峻嶒高入雲漢
如偉人立羣稚中其魄固足籠蓋此郡也余
凡兩遊茲山一赴李郡伯季重招一赴林陽
仲明府招最後看落日如銜雨天門中時

妙遠堂全集

記二

七

積陰乍解駁金蛇晃射煜若在鎔之金餘光
掠溪栢杉赭綺不可爲色客中之快觀也

遊凌雲山小記

凌雲在景山稍西南隅境皆埒而高遜之獨
下望郡城親甚丹樓雉堞吐日飲烟姑水鏡
澄羣帆林立闌市田畛雄壘有霸氣知是古
今戈戟爭逐之場也山頂僅一窄堵波高閣
數楹獨便者遊餘三時無久立理是日大風

余貂帽攜二奚往從輿人指點問遠近巖壑
名行旅過山下者咸目訝而去之

黃山凌歊臺記

黃山在姑孰城北是采石入郡道山趾爲東
嶽廟赴林陽仲招已曠黑坐雷神殿中背屏
面屏如墮智井亟呼炬登山行蒙茸磳确間
足繭而睫快巔爲凌歊臺劉宋故蹟許丁卯
詩所謂三千歌舞宿層臺此其處也地圖而

妙遠堂全集

記二

八

平定是臺址荒蕪冷烟巢鷹穴兔想昔日笙
鏞黛睪之勝令人腸結雲歛月出前視羣山
後視大江田畔村落俱自了了月被山爲薄
雪殘粉如美人處輕容中既不礙觀而轉益
其嫵友人潘景升方輟黃海備新安掌故茲
山亦同名不詳所繇始然凌歊戴首自可千
古予暇語景升汝黃爲海此黃爲勺有天人
焉斷不分芥子須彌觀也

采石記

余童子時繇江行過采石心領其勝然僅僅目之而已已未秋赴桐川謫從渡口濟舟始識山面迫不暇及登覽事其冬以較警滯姑孰會新都潘景升自金陵來邂逅驩甚十年意中人一臂輒昵乃相止度歲因謀曰姑孰固饒名勝遊無大於采石者然貴遊苦喧旅遊苦寂惟閑能秉之客之趣饒閑以閑府愁

妙遠堂全集

記二

九

不善用長歲除閑無如兩人者期以廿與景升暨余客王廸之往晨起雲重如墨淅淅作花景升來策行止余猶爲兩持午乃決甫登舟十里餘斜輪掛崦嵫間積霾頓豁舟大不能破風晚僅迫山下姑溪鰲媚平駛大類吳越洲渚兩岸皆平林曲堤蕭緘掩映受水烟增其冷幻遠峰如簇相向皆露頂倚肩余及景升迪之時時登艫首望似饑

兒赴王石宴海珍鼎載猶未羅列盤中餽釘

茗菰固已堪一飽也篝燈各賦一詩就寢質早暖霽甚余咲謂景升使昨日止不來今豈堪惆悵耶步登岸偕拜太白先生祠下先期李季重郡伯馳使供張登謫仙樓飯焉樓頗多詩額余一二讀輒罷去夫夫不畏太白先生神遊至耶西北偏正視江日光攝波瀾如素錦俄見江豚出沒風颭然勁南舟皆絡繹

妙遠堂全集

記二

十

飛下帆影片黑帖水如羣蝶舞其快可想出樓取道登山稍上得水府諸神祠神貌悉惇異再上爲五顯廟卽僞漢陳友諒倉卒僭立處再上爲廣濟寺破廢不可入景升咨嗟者久之余戲舉似不見夫惇異者赫如與如乎人世善不可爲古先生亦爾爾景升大噱再上爲蛾眉亭亭踞崖石突出江濤下視巉巖平削卽牛渚磯溫太真燃犀所也亭旁松五

章森擎秀不可狀再上爲問月亭呼酒至爲
十餘引滿候人歛釜滌鐺作下山計矣余及
景升曰未也促山輿陟其巔輿人憊甚爭作
語相給誘悉置不聽乃蜿蜒從萬松間行蒼
鱗翠針時來撲人漸高稍歇乃然終不礙輿
可二里許遂造山頂俯江空濶混濛始收其
全在蛾眉亭望姑溪一線耳從頂視固自具
體向欲歛其情以遜江耶俯眺獨望夫磨笄

妙遠堂全集

記二

十一

兩山稜稜爭長餘直培塿耳千家鱗次如萍
浮澤中北望隱隱見歷陽浮屠頂計此是余
十日後歸路爲之心飛循故道下復至謫仙
樓向津吏覓小刀遡泗山背石壁峻嶒立波
面無尺寸膚每轉輒得一奇相與大叫蓋山
際水者非純骨理不能久且濤紋雲氣經數
千年激射洗濯故酣其蒼潤陀而盤如虎丘
之千人坐者以方計嶄而直如蜀之峽者以

堵計突而洞如西湖之呼猿者以口計其峴
巔參錯處處皆黃鶴山樵白石翁皺墨巨靄
斧茶缺折矣舟歷寶積山已竟西北背乃命
返棹去引右脰歸引左脰酸疲正等揖祠別
登大舟入郡歲除日下春矣漚菴外史曰山
遊無止法凡遊采石者輿入太白祠登樓看
江上蛾眉酌問月歸而韻于文涎于齒可以
止矣不必知山巔也躋巔猶百一遇山而復

妙遠堂全集

記二

十二

舟焉以周其背非癖且貪者法無不止余固
非能貪山水者幸而倂盡之且向來日月窮
不肯止雨雪兆不終止有勇者必有癖差無
負隅焉遊凡兩日予及景升各得記一首詩
如干首其未同遊而治具饌賓客者李郡伯
季重貸舟逸往還者方郡丞人伯載酒需慰
勞者曹進士元甫宜備書之不得槩以一止
抹殺向山需受蔽賢責也

雜記

桐汭在萬山中。逶宣城道。陂陀曠衍。無他奇。逶建平。皆赤土瘠膚。尤惡聞。彌山去城可七十里。饒泉石洞崖之勝。舉問郡人。罕有至者。余曾與夏長卿。戈行可。諸孝廉。期往遊。終未果也。長卿又言。郡南接歙州。處高峰峻谷。迴合障塞。其中生齒甚腴。有老死不見城郭者。地僻可避兵燹。予以迎謁貴人。曾至南十里。

妙遠堂全集

記二

十三

村落時遇清溪。泚泚白石。細可數脩篁。淺碧娟瘦。欲啼每徘徊。不忍移踵。因信長卿言不謬也。宛上如華陽。陵陽諸山。皆去郡遠。非羈客所易探索。嘗繇春穀。趨青陽。巖巒竹樹處。處可繪可廬。雪中望九子。翠欲分天。會寒且病。僅作諧語相寬。而返將慳此芙蓉半面緣。耶姑孰山。皆秀遠。且附城。便往返。最號佳麗。惟會稽襄陽二郡景物。可以伯仲。然襄陽苦

乏韻。士客不能久棲。入會稽者。必先錢塘飽樓姝宮嬪之餘。卒遇仙鬟閨秀。非具真賞。不無神奪。未如茲郡之善於據勝也。余目涉趾及。皆作小語系之。其期而未至者。曰白苧。曰青山。其望而未親者。曰望夫。曰磨笄。曰金柱。曰天門。闢而未期者。曰橫山。曰龍山。龍山相傳。卽孟嘉落帽處。辨者云。實在南郡。胡助之司李。謂予言。山有帽痕。入石類刻者。彼落者。迹深寸許。夫矯趺輕幘。皆得比于藍田射虎之矢。真可絕倒矣。

妙遠堂全集

記二

十四

妙遠堂文寒集目錄

記三 碑祠一

重修馬渡堰建設石閘碑記

新野縣重修三泉堰水利碑記 代

樊城新開張公路碑記

新野縣修復水利均定水法碑記 代

新野縣申准驛馬錢糧本縣兌支碑記

宋葉尉黃公祠記

妙遠堂全集 記三目錄

新野縣重建題名碑記 代

重修儒學記

靈寶縣定亂碑

妙遠堂文寒集

新野馬之駿仲良著

永年馬任遠教仲閱

記三 碑祠一

重修馬渡堰建設石閘碑記

源之水不詳厥源其自白水分流於宛城之北以名其村曰溧河店者此水之所繇始也溧蜿蜒而南經郡絡邑仍漚于白以注之漢

妙遠堂全集

記三

二

惟昔召杜諸公引之以資灌溉之用乃設堰而控之曰馬渡堰者邑所受溧水之始也邑之支流曰丈渠邑之堰在馬渡下其大者四曰苦竹堰曰駙馬堰曰土堰曰三泉堰而馬渡所引之水灌及于田者曰馬家陂曰程家陂曰聶家陂曰蔡家陂其苦竹堰所引灌者曰安陽陂曰李家陂曰紙方堰其駙馬堰所引灌者曰李家陂曰田家陂曰上洋陂曰下

洋陂曰沒隱陂曰曲尺陂曰白家陂其土堰
所引灌者曰馬曹渠曰曹棋營其三泉堰所
引灌者曰白虎陂曰魚鱗渠曰羅陂曰小枋
堰曰花陂曰漂陂曰楊家堰曰孟渠此堰之
大凡也水所經之道必以下爲歸或仍入于
漂或入于丈渠以達于漂此分合縈繞之細
也譬之人焉以馬渡爲咽以諸堰爲腹壅于
咽者七箸不能納則腑藏中乾血脉逆驚故

妙遠堂全集

記三

三

欲導水之利以滋諸堰則必先事馬渡而扼
其關此地形水脉之勢也堰於昔固有之率
障以土薄而善潰積久填塞水不得繇中行
置之則諸堰受其燥乃必歲脩之歲一脩之
驩嗟誼詠所繇叢孽矣此無閘之弊也邑侯
司公疏堰而閘以石望之如張箕卽之如半
月設三版焉水微則渚水肆則洩於以操縱
惟我而不授水以利害之權此立閘之意也

邑東北壤地皆階下斤鹵不宜菽麥胡麻惟
黍生之計歲登畝饗百錢耳以植稻則什一
倍之農鈍而偷憚於水耨復使湟流以借之
口實其孰能興自建閘而水得以無乏演漾
溝塍間於以鼓其于耜之心而豐其厚望秋
成滿車民以殷富此設閘之利也夏雨甫晴
百川猝涌爲蔽防以殺其怒及閘而聲大者
鐘鏞小者琴筑跳璣濺玉鏗鏘嘈呶此諸堰

妙遠堂全集

記三

四

之致也繇堰而縷分萬畦錯繡小溪灑灑于
町疇林樾之中榆柳縱橫萑葦森蔽此諸堰
之態也易土而石以百逸赴一勞儲材庀工
可三十鍰皆出自邑侯廉祿之餘毫毛不以
煩民此築堰之費也環堰而田計田受役不
得以窶辭不得以勢匿不得以詭詐智巧相
凌奪於以排濬隄防此守堰之制也西門豹
史起杜預王景其人邈矣夫孰能家視邑而

身先農郊居露出荒度周爰爲虫出者規百
世之利此邑侯之賜也後之繼侯者守而勿
失或濶澤之俾邑常有堰而堰常有閘凡我
新民仰事俯給裕于斯卽不幸而陵谷變移
豪強者全出於以紊疆理之宜恣其橫議而
尚有此七尺之蟲負瞭然如鏡於以備方冊
質圖經此堰與閘不可無記也嗟夫誰爲此
言蓋田畯役夫之志而不佞某特載筆以從

妙遠堂全集

記三

五

事也司侯名迺疆大名內黃人起家癸卯鄉
進士工始于天啟庚申落成而碑于側者則
壬戌之歲也

新野縣重修三泉堰水利碑記

代

余以司農郎移疾還里道出新野與白鹿司
明府傾蓋促膝相得甚歡也爲止兩日夕杯
酒抵掌凡圖史琴奕山川丘壑以及黃衣虞
初之記載靡所不際則心儀明府闕覽博物

據文士之勝場而比進邑父老子弟問明府
治狀何似則交口戟指於撫綏匡濟大略卽
使孟堅削觚蔚宗潤色所不能寫萬分一允
巋然足樹循吏勞臣之軌而於水利一舉尤
歡呼無間言矣蓋新雖斗邑八水環繞爲漢
晉間饒美之地明府所孜孜興舉以貽此土
百世利者邑之人宜歌舞不忘而竊避明府
之才與識合時與志合有非尋常所敢望者

妙遠堂全集

記三

六

余謬以民曹子部與聞國計 朝廷歲仰
漕八百萬石以相灌輸而往往豐凶則與年
爭潰決則與河爭比妖民揭竿水濱復岌岌
與盜爭舳舨一却步京庾輒隄戶不調賦民
驚然喪其樂生之心有不終日之憂而談者
謂西北寔有遺利如潞水客談所紀有可引
之水不毛之地而甘置之豪傑多扼腕焉明
府之於新教然擔荷破盈庭之見而先慮始

之勞誠使有民社者人人如明府安見水利不可興於西北必以喉咽視漕倒持其重乎故明府之才可及識不可及也語有之耕當問奴織當問婢往往長老言責東南人禦虜西北人治河皆爲失策言非所習也明府家邢魏間泉深而土肥今令邑又天中樂土水耕火耨民耳目之所不狎苟遽廬其官歛頽而處錚於時譽固無害而規遠圖大俯仰皆

沙遠堂全集

記三

七

有成畫時屯田使者議責令長單騎周爰翔實報塞然人情偷安習嬉得符檄輒用掛壁耳惟明府侃侃發舒勇于實效故明府時易得志不易得也今東園方棘內地蠢蠢俱爲伏莽之戎誠得明府中驚羽車以柱後惠文彈治於以瘴害害去興利利滋卽漆室發緯之憂庶可少有乎余旣以傾蓋得明府乃不敢逆新人父老子弟之請爲撮其大略

貞觀三泉堰側俾詔來者若其疏鑿控引之詳枯勵土石之費余年友馬太史伯仲業妮妮言之矣不煩贅一詞矣

樊城新開張公路碑記

張公路碑者記襄陽別駕張公所疏樊城兩溝路也樊舟車綰轡五方雜居井衍錯列如緇大江東其前繇北而南有溝濶二丈許于以流惡而通氣自慶萬以來未之或改也遵

沙遠堂全集

記三

八

溝而街則街以溝名曰前溝曰後溝夾街而居居不掩溝鈴鐸相望肩輹相踵利不獨一端已歲乙巳樊大燬敗垣焦土填委其中水陰梗不能往而居者新室輒越畔而設版焉後溝之口飛樓櫺比於是兩塗偏廢悉倣一軌以通往來每積霖久晦城北千止汨沒沮洳如螺蚌之棲畦澤而行旅子子偏仄率赤胼而趨客歲嘗有鬱攸之警避者及此壘弗

前烟燎所及積骸如丘仁人知士所繇掩目而酸心付之誰何者矣鄉之更老茂異咸苦之乃盟衆陳希曾蔣夢暘輩投牒兵使者何公何檄府府守李公轉以屬公乃周行咨度曰嗟胡民之蚩蚩哉譬人之有身一氣帥而百軀役賡者賡理者理肢者肢絡者絡脫一綫闕不通亡論神弗綰也墳而爲瘡潰而爲癰木強而爲異物弗能禦已有溝與利忌無

妙遠堂全集

記三

九

溝乃與諸害爭不亦慎乎力主清復豪右請託皆尼止弗爲聽焚而又念居民久不必害其成第使出原址七尺足以行水而止亦不瑟瑟於按圖膠柱也蓋不踰時而溝疏道闢羣流下注如漚尾間街無病溝居無病街如曩日觀矣合樊之人出入是路者咸手額足踊曰非張公將無路乃歸路以系公而尸祝之生來謁予言予謂是役也有四善焉

水脉得便而奔氣暢勢揚可以蕃息生理其壯在地築泥淖既清得擇地而蹈婦子之出者不施屨可詳步且以省寢濕瘴下之病其益民生火盜之游至去者去格者格直如繩而平如砥其備在非常積苦之後有額必酬下令流水之原使人知上官惠我益著于共其翕在人心樊人之式歌且舞而顛顛以表之功有以也夫鄭國之姓于渠也香山

妙遠堂全集

記三

十

之氏于堤也其利在萬世而名因之公之盡力溝洫猶挑鯁于喉而出刺于掌余尤謂緩急較親切焉公仁衷義質才敏而識淵所裨福襄人士者不可指僂而是役之爲德尤著新路斧如之石固宜與竿叔峴山同時不朽矣余外家樊城中故稔聞公伐因蔣生之請欣樹管焉且使後之人知所考焉而無敢湮也

新野縣修復水利均定水法碑記

代

新野隸南陽漢縣也召信臣守南陽教民通溝畊勤種植境內殷富民翕然歌之迄今可二千餘年而所疏濬陂塘渠堰之屬固章章可考也德靖間關中劉公某叅藩宛上銳意修信臣之烈其在邑爲陂之屬三十有六堰之屬七十有二絡穿鈎帶綱總縷分邑郭北有專祠歲時祭祀與召父等而厥後復稍稍

妙遠堂全集

記三

十一

蕪廢矣蓋農情而驟以爲汨沒泥淖拊剔秧針不若舉踵于邦之徑省而邑不皆受水水所從出者遐而待澤者衆豪者多把其上以徼利黠者或煽其旁以害成遂使成蹟舉而漸湮美利置而弗究非一日夕之故矣余忝牧斯邑自受事來嘗周覽四履有河于邑之西曰白水勢迅下如竹箭之流立沙善奔隕不任步澗而涓澣無能容刀聞之邑人云秋

漲時兩岸間幾不辨馬牛禾黍多被蕩徙去是田畝也不足以澤田邑東有水曰漂河源自南陽之北厥底及岸皆純土淪漣蜿蜒與邑無所不受意者信臣所疏通引漑必在此而不在彼然莫能悉鏡其故也余旣已目而臆之會屯田使者臺左公慷慨疏于朝言水田之利下尺檄屬邑俾亟講求不佞不遑寧處單騎戴星偕父老及邑人之明習者咨訊

妙遠堂全集

記三

十二

跋履閱月而羸得其概蓋漂之水於邑可無所不受而特患無以挹而取之漂之上流以潑唐國賜田比其洩也以白水爲尾間直棄之耳余敬爲啟白王曰惟國田漂上新民田漂下王資漂之餘稍寬一版焉以福新民幸甚毋爲漫棄之若富人委梁肉于壑而市乞恒啼饑也王曰善不穀租稅斯土方圖所以利賴父老者矧川澤之事天地所自然轉無

用以供有用不穀豈有愛焉命司田者報如約爰爲闢于溧所入邑之口曰土堰而勒貞珉載其語如右且爲之盟曰維溧之水國田飲脊民田飲尾用水之候國先若授民次若漱民罷而爭以咨邑長國專而靳以咨王吏各有常刑罔或失墜是役也屯田使者臺之威命霽寵寔憑藉焉唐國大王明惠慈允相與以有成也邑之人耕于斯穫于斯以長其

妙遠堂全集

記三

十三

子孫其無忘臺使者及王之賜余且將勤于溝洫阡陌次第舉之務盡地之利以迄水之功庶幾承召劉兩公後稍追療曠責萬一固

有餘榮矣

新野縣申准驛馬錢糧本縣允支碑記

道新野者呼馬則馬應而不知馬之糈不盡食于邑也王制以他邑之僻在一隅者來給我糈爲數可七之五夫固曰均勞邑衡繁簡

通緩急云爾以歲之不易履畝而稅二猶不足也當事者悉力于正賦而駢贅視糈人者每負其額不時給人有恒言則秦人之視越人肥瘠也而邑所出以供他倉口米麥費復若干緡嗟夫饑人仰吭而號而轉市梁肉以委之壑其慎已甚矣邑侯司公奉持斧使者慷慨然力請之曰與其日徵馬糈他邑而不應也毋寧以邑所他供者畱之以自食其馬

妙遠堂全集

記三

十四

乎臺使者善其議報行之邑之馬食邑之糈無往返道里之勞守候羈延之苦營求轉貸之費筆牘請謁之煩一舉而衆善備焉卽道新者呼馬則馬應而可以不病也是役也先公者嘗有意乎建白之矣然以爲紛更王制必請于朝覈之所司道旁之舍三年罔成功矣公一身視邑而臺使者以一家通于一部民之鼓舞而歌誦之其幸何如也嗟夫尸其

利者漸積若故有之耳當萬曆初江陵張公
執國柄爲一切之法卽藩守大吏無敢置郵
而馳觸網者治不二人側目柱口多以爲苦
者迨後三十年中使貲郎皆虎而冠符檄如
雨莫辨真贗騎者求金一馬費可數銀甚有
供一馬破一家者鞭笞摧拉流血載塗而後
謳吟張公不置也於戲司侯于以知其沒世
不忘矣

妙遠堂全集

記三

十五

宋葉尉黃公祠記

王蓋卿明府宰葉之二年舉問流通百度修
舉暇日循覽故乘念朱黃魯直先生曾尉茲
土而俎豆之所無專官爲喟然者久之乃度
地邑東南偏建祠三楹翼以門廡旁無室棲
掃除者俾鼓鐘香火其中縣聖丹碧整潔燁
煌蔚爲一邑之偉觀而禋使屬記于余余考
先生初舉進士卽調尉于葉後舉四京學官

以文優教授北京國子監蓋唐宋以是職爲
登第筮仕之階如白傳繇盤屋尉入爲集賢
較理而先生亦以此起家洊升史局非後世
奔走蒲伏斥爲卑僚也且一官曷足以重先
生而先生以茲官實爲地重然不佞嘗概先
生生乎不能爲廢卷三歎矣文士以文章鳴
有勃然不可禦之才灝然不可回之氣卽有
的然不可掩之名而傭夫僕子必欲恃其權

妙遠堂全集

記三

十六

粒撓折之其撓折之法無多端必還卽其文
字語言間撓拾論說以快其謀而迨響銷景
沉其所縣中爲罪者終必以此伸于天下後
世此無他吾氣足以持之耳先生典著作再
遷起居舍人秘書丞兼國史編修官俾筆承
明司斧鉞予奪之任乃見惡于章蔡之黨至
譏以實錄多誣摛條見問如所對鐵龍瓜治
河爲兒戲者先生直以官北都時目所親見

折之意先生削牘時政事人才法令舉動觸
于睫間腕下欲泣欲憤者不知幾許亦明知
直筆所留犯權奸之所甚護而不逞顧惜乃
區區欲挾虎豹九關之威賊蠱一矢之利詰
責竄逐欲使奪所守以殉吾利嚙亦愚而左
于策矣先生至孝天植有韻之言得法少陵
臨池以奇險枯勁自立壇宇宙時最爲子瞻
先生所重始以實錄版繼以承天院記貶用
妙遠堂全集 記三 十七

在宜宜重而矧筮仕之始地如葉甚神當有
眷顧而憑依者試令披荒榛履遺址草木若
憂而韻山阜若增而高不其宜哉明府處不
諱之朝政事文章皆踴躍絕軌從四百年後
奮而爲一堂之想章之廟貌俾爲一邑之重
易所謂氣相求者庶幾矣予既操是說記之
仍爲迎神送神之二歌使歲時用祠饗焉
孔鸞蘊彩兮輝其枳叢旃檀之處于林
妙遠堂全集 記三 十八

兮逆則從風惟哲人兮黃綬同流香譽
兮垂豐功洪州烟墟兮皖谷霜蓬乃左
顧今天之中駕文蚪兮駟奔虹霓憐留
兮居新宮 右迎神
彼奎宿兮帝前紫氛兮瀉銀潢惟公
奮異兮相翱翔左挾秦米兮右晃張彼
封狐兮尾張額完錦兮撻珪璋趾九折
兮神彌揚青燈刻刻兮青編光遺老拜

舞兮嗚呼不忘神安遊兮白雲鄉 右

送神

新野縣重建題名碑記

代

吏于土者例有碑以籍姓氏舊在邑廨之右方予暇日尋覽之則自萬曆己庚而後闕如也石垂盡不受礱余乃伐于山而新之因慨然嘆曰嗟夫君子之服政也罔弗懼焉非特簡書功令之謂也吏奉七尺之銀艾割

妙遠堂全集

記三

十九

天子之百里而長其民寧無比于遽廬郵舍以輕去漫嘗者哉然其名弗可掩矣繫于心則有後讐觸于目則有淑慝程其往則有黜陟要其終則有思忘一夫之微口寔有碑寧俟堅珉負哉故官寄也名不與寄往惟其人之精神爲之精神之用于邑者不能無純駁偏全精神之留于名者卽不能無沉揚久近若衡忝然勿之爽已新野小國也賦中下

最號爲易登亦罕山澤螟螣之害第民鮮生

而保農故聽成于歲地處楚蜀戶牖多車馬力役之所踐更故耗餘于入市豪之室不能名五斗而競五木又谿谷其黨而飽隣豪焉大抵視吏之精神移之夫人志氣高朗則矜宇清揚而手足矯厲吏綏民而懼豪惟自絕駁自爲偏全焉故余叨廁諸君子後嘗俯仰討論于諸君子之側而自慶得師也矧後視

妙遠堂全集

記三

二十

今猶今視昔卽官之石不朽以旭書峴首之淚無諉于羊德何也重所藉也吏一蒞于土無能掩名而無能輕爲名是可懼可思矣因系辭碑之陰而列名其陽併簿若尉附之

重修儒學記

自宋六君侯之蒞吾邑而廨舍闕弗修飭城堞罔弗增崇比歲辛亥雨師肆淫學宮就圯古瓦或游蒼鼠空窻時網蟻蛸脰寧減於居

夷窮有同於過宋侯恫乎其有憂焉周環審
度竭歷籌維貲用給于俸餘工徒徵諸力役
埏植並舉畚鍤兼興氓庶蒸蒸以子來班俚
彬彬而廩集始自門池迄于殿廡未匝兩月
百廢咸新屹乎數仞之崇垣蔚爲一方之盛
事丹堊賁其異采輪輿爛其宏模庶幾斯干
之咏可賡薪樛之化益普矣官私弟子席蔭
無窮爰徵鄙言以勒之石夫三代之教皆以

妙遠堂全集

記三

二十一

明倫六德之規無非造士東序西序夏法朔
於當年上庠下庠虞制範乎來禩非有烏革
翬飛之宇罔儲龍文鵠舉之英其來尙矣俗
降吏竄罕崇文範競簿書之末則籩豆有司
之事委諸隸人侈遊豫之觀則琳宮梵剎之
修徒焜金碧孰有亟泮芹之葺嗣僖公於魯
邦廣風厲之功繼文翁於蜀郡如我君侯者
乎多士幸際昌辰躬逢雅化偕茲游息慎爾

趨搦舍其舊而新是圖升其堂而室是入棖
桷柱礎俾並進於明廷木屑竹頭務兼收於
大匠志貞磨杵奚容藉口天荒力奮移山寧
許妄咎地脉庶率作之心於斯無負而繕營
之典亦聿有光哉若或縱以自豪誕而不率
塵封鄴架時呼五木于梟廬雲集偃庭日競
三寸于雀鼠胡顏斯地實非吾徒侯有炯戒
可不念與君侯才授運斤守甘茹蕒洋洋與

妙遠堂全集

記三

二十二

人之誦無待三年班班循吏之風皆垂百世
茲其一節亦足徵矣

靈寶縣定亂碑

萬曆四十四年三月河南撫巡臺使者上言
靈寶有礦盜之變變起突然蓋先是寶有里
豪以入貴竄衣冠多行非義詭糧蠹民民譁
而爭之至蟻聚蠭起相恟恟不解縣官各繼
以三尺衆稍帖然餘孽遺孽詭詭未息環寶

之郡邑如永如陝如嵩如盧鳳饒有礦洞蓄
不逞窟之血肉其中渠魁高二匪眦殺人多
蓄亡命謂可藉口抒民之憤以蒙訛煽亂恣
所欲爲其黨小李兒趙應周邦聰宋三等又
施蠱相濟跳擲自快誘愚脅弱幾數百人揉
木爲戈因村傳餽遂以三月初二日薄城斬
關分三道入一攻邑治一剽市肆一收里豪

妙達堂全集

記三

三

拏息諷曰偵敗當自爲死所義無返圖危坐
麗譙中鳩列胥卒虞譁民內疑反挺而走乃
榜示之曰轅城者盜無與民事治盜宜誅誅
有厥賞于是戶禦巷戰人人自力乘屋飛礮
呼聲震天賊附譙而登且及令令起手刃之
摧臚抉睛血濡于指邑人益大奮關係民李
近陽李光賜等陷伏而入與內兵合賊衆始
潰城因以完或戡或俘可九十人令又下檄

拊循勿或寬濫弔恤撫傷民心益固乃請命
省憲爰稟籌竿乃告急隣疆爰樹犄角區畫
周慎敵無所乘顧螳背蟻牙躍吸不已復屯
聚老君原火燒關離子山諸境方計芻構謀
再舉會兵使者按縣命將勒師一接而敗之
賊各鳥獸竄遂擒高二于文水捕小李兒于
盧氏繫趙應等于疆內亂乃平臺使者復疏
聞若言洛大藩也靈寶定爲項背無寶尋當

妙達堂全集

記三

三

無洛且維時齊有稷寇有訐使率然之勢成
魚腐龜坼必斷開隴提魏鄴禍將不知所終
今賴 國家威靈旋就勘定乃如令石奮
萬死出一生指揮綏靖獄社無恙杯水滅燎
原功什伯焦爛者當議旌爲人臣定傾盡瘁
者之勸下章所司具如臺使者言移牒天官
曹錄令勞悉論磔高二等如法俱報可夫古
有豐功顯績則必勒之金石以昭示無窮捐

身而保邑豐矣顯矣筆札余職矧又習鄉里
之口是不可以不書石令名應嵩起家庚戌
進士滇之永昌人也余既爲書之乃復銘之
銘曰

弘農之封地衍土沃河澠中襟嶠函外束灌
叢廣澤狐蜮所憑躡陰蹈沴小醜乃興寄命
惟鑿泓醲懸齒山川亾精延及人體瞋目攘
臂烏合如麻躡野若掃陵城亦瑕縣令在譙
妙遠堂全集 記三 二五

其衆濺濺鬼嘯于梁雨泣于室令曰死職我
何所濡欲生吾氓匪戰曷圖義旅既集狂鋒
乃挫盤盂皆聲逆膽潛破有兇騰上令啖其
睛袍花濺赤舌本留腥噓而鼓衆武且十倍
捕蝨絮中韋肉汪滅賊雖怙黨其視多岐孰
若我昨一惟令依言覆其巢言械其頸昔聞
鄰哭今歌餓項蜂蟻櫻懷壯夫色移搏擲匪
艱寔惟粹而孰是韋矜屹乎如山運奇于定

策全以閒我思厥倫禦苗討叛近許樂陵古
趙廣漢民素附令令是益彊豈惟令庸寔邑
之慶乃父乃子乃兄乃弟免膏原野無忘令
賜向勇私鬪蚩蚩孔多倘非令仁孰辨莠禾
被此餘風可以百祀頑華弱植令澤所暨嶽
神誕祥爲德茲都何以表信姓名若符爰伐
貞氓麗崧之麓山或有騫令名永穀

妙遠堂全集

記三

二六

妙遠堂文集目錄

記四 碑祠二

直指丘公昆水祠碑記

邑侯慈谿石樓錢公去思碑記

署鄭州事開封司理會一王公生祠碑

記代

邑侯霖蒼張公生祠碑記

襄陽府司理學海洪公去思碑記

代兄

妙遠堂全集

記四 目錄

一

邑侯白鹿司公去思碑記

興安州重修禮拜寺碑記

文昌祠碑記

重修玄帝行宮及觀音閣碑記

重修黃臺慈雲寺碑記

普化庵常住田碑記

妙遠堂文集目錄

終

妙遠堂文集

新野馬之安中記

皖城阮大鍼集之閱

記四 碑祠二

直指丘公昆水祠碑記

司馬遷志河渠槩而論之曰甚哉河之爲利

害也嗟夫是非獨繫天下之全勢爲然也偏

邑有之支流亦有之蓋水所濬出異源所從

妙遠堂全集

記四

二

受異委所借資異用或利與害觴爲重輕以

不相當或各爲利害不相知而交相持掣書

人肘築道旁舍紛紜謠詠之論所浸集矣非

超然曠覽之智烏能兼顧統貫破盈庭之見

克圖其成乎葉方城外之巖邑也在漢爲昆

陽地有昆水經其南水出于山曰西塘而田

葉以入于舞其地在葉者以里計可五十餘

而在舞者僅五十里乃水之在舞者浮淮達

泗舟櫓商賈之利日夜貫輸其間列而爲聚
烟火千家號稱縮穀之口而在葉者淤厥弗
治壅而中墳不任杭葦每秋漲沸騰彌望焚
澤田廬禾秫輒蕩沒歲以算水一也而葉舞
自爲利害相去倍屣相視如秦越人之肥瘠
伊誰之咎乎涇人王公蓋伯來令葉諏詢於
衆惻然心憂之修廢墜剔蠹蟲既奉屯田使
者德意墾田數千畝引昆流以溉注之而念

妙遠堂集

記四

三

河口未疏水無絲地中行終苟道也於是請
之直指臨川丘公公亟報曰俞令其竟乃事
無有愛蓋伯稟檄以警于民舉師如雲錯趾
如蟻乘朝銳之勝氣鼓樂趨之衆心甫月餘
日而河之在葉者五十里故道畢復澆濶之
流變而受餘腥舄鹵之區增而登鐘豆會有
所格不竟復如直指指而葉之父老子弟臨
河而思相與咏歎歌舞之不置也於是創祠

于昆之陽肖丘公像俎其中而介使乞不佞
言銘諸擊牲之石不佞竊謂是役也有三善
焉時詘舉羸昔人著以爲誠春秋浚洙必書
而傳者以爲苟哺民之欲雖左洞庭右彭蠡
無所用之葉固非無事之國也然能乘息肩
之餘用其整暇以舉遺利若趨市者恐後時
焉是曰得天扶輿之氣結則爲山融則爲川
發祥道脉則聖人裁成輔相之責居多故周

妙遠堂全集

記四

四

公卜洛曰澗水東瀝水西晉之謀遷于新絳
也曰有汾澮以流其惡史伯爲鄭桓公謀云
前莘後河右洛左濟主芼鰓而食溱洧若是
乎水利之繫于人國也葉固名區公卿俊傑
輩相望而比登賢能之書者乃稍稍有聞矣
形家言謂河水漣塞寔崇之今一旦還古初
之觀而滋其霽淑澗澤之氣寧惟樹穀且利
在樹人是曰得地西門豹令鄴引漳水十

二渠民皆苦役豹曰使百年後父老思我蓋
里虫之衆不堪慮始所從來非一地矣王公
一下令而葉人子來其浸灌固結誠有近非
朝夕粗非聲貌者是曰得人大抵蓋伯如冢
婦當戶料醢醢謹囊箱與奴課耕與婢課織
親切透快不效不止而丘公如千金之翁視
伯叔昆季均爲毛裏一錢尺帛之利思出而
共之不欲其偏贏偏膏也子與氏曰仁言不

妙遠堂金集

記四

五

如仁聲之入人深昆水之功雖未卽竟役而
明德之所被深矣金碧斧藻以奉之往牴牢
醴以將之寧可但已耶蓋舞葉間復有郵政
利害相謬者丘公採輿論亟欲釐正之蓋伯
念其議重大耻居多事名因置未悉請昔賈
生見文帝卽欲改車旂變制度文帝謙讓未
遑而後世卒成之前史誌之曰其議皆原于
賈生趙廣漢有言亂吾治者馮昭三輔也天

下非一家一人私事有如虛公以籌之武毅
以任之使兩邑利害相通不類金火相激射
如漢史言制度推明出自賈生樂樂利利衍
于無窮不至如廣漢所歎恨尙以俟後之君
子則凡游泳昆波而俯仰廟貌丘公之澤不
永永百世爲烈哉余旣重違葉人之請而重
惕于太史河渠之言因不辭而握管識之如
此

妙遠堂金集

記四

六

邑侯慈谿石樓錢公去思碑記

才士之需于世如以橐鼓氣以軸轉輪而世
罕遺其真者乃目之曰文人無用以爲文人
必高子簡貴一切物情夷險米鹽竹木之瑣
瑣或不能類首顙析之耳卑赤無當不知才
士嚮心專寄于文章卽以文章商吏事尤近
今夫酸風淒雨閃忽鞞鞞其音嗚嗚而嘒嘒
其國爲周之季其象束濕其人類張蒼郅都

取敝絮而絳縹之求腴耳而不必當心其音
偷其國爲隋梁間其象粉飾其人類阿大夫
尹蓋之徒至夫掾之無可驚而咀之悠然其
忘五味煜煜然不可爲狀而畫然繫遐慕則
二雅兩京響也其象熙皞其人類中牢密類
洛下嗟夫詞賦家鼻祖唐韋蘇州所至焚香
宴坐子賤之治單父僅僅取于鳴琴古今亦
知兩賢所以合哉吾侯錢仲舉文士也其書
妙遠堂全集 記四 七

自汲冢以來其詣自霧均以下靡弗精討煥
發足霸東海而衡中原其令新也不知有令
晨旦蒞廳事恤勉者勞勩者平寃者零格而
禱伸然其遠襟之于圖書巖壑者在俗推不
必盡戢其儒課賦時以歲蠹戒尉傳了勾攝
恒分日之七然其玄想之于烟雲草木者在
子視縫掖曹拔一尤適然若獲帖括之丹鉛
字櫛而句縹之類鄉塾師而其古趣之于孟

盤鼎彝者在侯性坦朗健發笑無畱情設意
然其環識之于崇山大海九疑萬壑者在俸
入半斤供客自給取一勺一爐雖家人啼饑
不問也暮月中胥忘其手足鄧遂忘市農忘
朱女忘杼侯乃灑然喜曰是奚煩乃公雖泥
甕風檐常若喉吻間碎銅作韻而但見白水
之廢基荒隴隻樹寸丘皆蒐內其奚囊已耳
嗟夫蓋侯去而始知吾侯也勉者曰侯寔恤
妙遠堂全集 記四 八

我勞者曰侯寔勤我寃者曰侯寔平反我賦
登而郵安曰侯寔貽我君子懷曰昇哉安小
邑而不忘遠馭其往必達小人悼失其怙者
又涕相屬也而侯亦時時書及曰不較在白
水久安能忘并州思蓋爲德使人忘乃大大
乃思思乃永矣故曰侯去而始知吾侯也侯
以兩漢之政政其詞而以三唐之詞詞其政
文人無用當視侯爲鵠卽不佞之沾沾索筆

寧獨工爲諛哉侯名文薦丁未進士

署鄭州事開封司理舍一王公生祠碑

記代

司理非古官也國制用爲進士選人高等顧其職以寄綜核而精文法爲德不專在民小遜于守令卽間以居攝聞者率遽廬視之甚有節屋之幽遐不知誰何姓氏而迹已若掃矧去後思哉乃司理王公之攝鄭也不數月

妙遠堂全集

記四

九

大治鄭之人相與構祠貌公像祀之而走使介余族兄馬生應乾以紀事請余謂公方蒞郡姑以例難之而最後生躬謁余里以披露其私曰不穀之來也全鄭之邪屬焉而忍斬諸一言夫民有拂而去之者不必以例格也其安而報之者固不當以例泥也至一再請公而急矣乃不辭而徵公治狀于生以縷悉之曰鄭敝國也催科之政風乘于里中豪

故彼得以箕歛厄漏賦用不登公至立罷之

第諭令自緘以往而已乃顧樂輸視宅日先

鄭當子午孔道輜軒驛騎之使踵相囓于刻

公一裁以法毛髮不肯徇當路者某被言歸

仍騷繹如故公詰符繻何在怒逮其舍人子

置鬼薪夜以僱募遁去中使假上命侯王

其自奉而魚肉郵舍比抵鄭投刺謁公公重

扶關者以袒而示之用以不擾郡有運石之

妙遠堂全集

記四

十

役往必自鄭達于梁困累甚夥莫敢言公第令達中牟曰無庸中牟可逋達也運木者視如石且備貲借他邑役鄭鄭息肩者手之在額可掬也郡苦賜則公主畢苦霾則公主曦威桴鼓應無爽而猶時時討其父老子弟而規約申之俗目不一一使乾庠士也在庠言庠曰公旦望蒞學宮與諸生約次第課所誦書剖析疑義人人果其腹去時值試童子諸

郡邑之乙不收者譁于門學使者命公較而
遜之公卽爲甄拔以進它郡之戴公不啻鄭
矣蓋自公來而其民日嚙而忘于野其胥卒
伍伯有饑腸而鮮怨色其就鞠者無耗信宿
紫間觸公三尺有面媿而無後言園墻之隅
往往掬草而公猶別藉以時稽之曰一夫繫
一室之哭也得無鈞距乎市有價不知有官
公自鋪蔬芋算器而已總之公之御下恒持

妙遠堂全集

記四

十一

法以抑其情而公之御民恒依情以全其法
迨公行而泣相屬也爭以肩承公輿爲快蓋
馬生之娓娓若此嗟夫鄭之先大夫有公孫
僑者用猛始而惠終然當其未歌不謏也
彼猶用伯術哉公之誠乎而提入眇蒨姁矣
公徽聲翔上下非久當膺徵召入侍金華右
一方丈宮局足引重第令後之人仰而思類
而訊取公之章程而畫一守之所謂布在數

月者且利在百世是不益爲鄭重耶公之對
大庭與不佞偕其肄政民曹與家弟偕號稱
莫逆一拜開封命輒從數千里外預析其利
便如掌其自開封而析鄭也寧啻觀火哉卽
不佞之津津握筆與有榮施矣公名弘祖陝
西同州人庚戌進士

邑侯霖蒼張公生祠碑記

妙遠堂全集

記四

十二

天下之羣然以例相蒙者則必應之以誕緩
而勉跂及之若夫無解之情不磨之德不得
不俯出于例而無嫌者可以察民可以觀俗
可以衷譽吏于土者去而祝于祠幾例矣故
祠往往能病吏嘗讀漢書循吏傳所至民富
所去見思其吏民相與爲祠堂歲時祭祀者
頗不乏人至元始中天子且下詔書祀嘗有
益于民者以風動當世則又不徒家享野祭
而已也史稱何武居官無赫赫名常有去後

之思嗟夫赫赫之名去後所爲不見思也今
之祠吏尤去後務爲赫赫者耳吾獨於碑吾
霖蒼張公之新宮無媿詞公令邑時值燁灼
之後能濯之以清涼刪繁茶煩疎網一切色
矜意炫以煦沫斯民飭庖廚餽算食以稱過
賓客皆鄙弗事而真醇開朗揭揭然吐肝肺
持示人竟五年來囊未嘗溢一錢耳不受片
語也以禮束士以法繩下敏讞決恤彫疫日

妙遠堂全集

記四

十三

高春而起五官畢效甫斜睨縣廨宇闔矣拊
循之餘間出與二三冠紳孝秀造勝選奇一
敝篋載切雲冠夏一縞紵冬一復陶竟數歲
弗更置也故當公治時人于于視而耆耆樂
無非常之原以聳挾其耳目比其去也農云
吾何以保吾耒賈曰吾何以保吾肆富者曰
何以毋浚吾生貧者曰何以毋廢我耜卽胥
史伍伯之徒磨牙吮血素開公之繇勸而弗

敢動者亦曰吾何以仰父母俯妻孥而母麗
于法乃時時酌醴水以思厥源撫甘棠而歌
勿翦也余謂公之績直姬何武蓋兒不譽乳
汲不德井一旦釋而遠之而始嗔嗔而啼燥
脂而歎也故去後之思赫赫者所斷不能爲
公之澤於是信其深矣蓋公初捧檄非以長
吾邑而卒長之無厭色公以資閔久遷守蒲
吏士相與心愕曰胡不使公卽爲京朝官而

妙遠堂全集

記四

十四

循煩以簿書爲已聞治蒲如治新譽問流通
使者疏以聞又怡然譚曰公旦夕京朝官矣
此主爵者奉上德意磨砥仕流其言曰務在
獎廉而進恬以公之五年不溢一錢耳不受
片語者當之必且褒然冠冕顯揚而光大之
遠莫可期吾邑之父老子弟其相與歌咏于
斯宮以俟之不佞荷公知尤深爰粗爲敘述
樹之貞珉用以見吾邑民之愿俗之淳樸之

篤且明夫俯出于例而非以相蒙者公名起龍字子雲真定之高邑人起家庚子鄉貢士

襄陽府司理學海洪公去思碑記

代兄

今天下所以長治久安者人主拱手受成巡方使者得以柱後惠文彈治郡國其肅如霜其炎如日其震動灼爍如雷電之不可狎視足以逆銷奸宄之萌而畢達疾苦之狀然使者勢不能獨任則必以科條耳目分寄之諸

妙遠堂全集

記四

十五

郡理而理又多繇進士選人高等厥後且儲爲清華禁近之選以故得侃侃行一意快于守令蓋守令多附下理多附上守令多緣情理多緣法嘗見繇理官以通顯者其挈比撻發風裁角距易以武健見長至去而貽方輿謳吟頌慕之思以較守令十不可望五此亦仕宦之大概已襄陽扼蜀豫之吭而據鄢郢之上流屹然一都會也其民濶達多匿智舐

臚御尾五都之貨所灌輸其士漸于耳目之

好其胥史卒伍恒舞文上下以智巧相先吏其土者卽沫煦而手摩之如守令陽有顯庸陰有微譽代不能名數人矧於理尤徑庭矣獨關中洪公佐郡幾五年所民戴而稱之如一日比徵入而壺漿玄纁卧車前之轍者繼屬也則不佞進而肅父老孝秀理何以治襄使其民鼓舞閭閻至是乎爲臚指其凡曰公

妙遠堂全集

記四

十六

於文法精瑩而不刻深輔以仁恕自城旦鬼薪以下多所縱舍雖名在丹書之籍者公不忍之色浸淫于擊斷間嘉石所聽隨驂馬先後民皆以稱不冤公好禮士側章甫而前者待之無媒語情容每娓娓談說經義以穠叔之三立相切劘額無不申叩無不達而士之冥行跳越者率避匿不敢見以謂爲公片語不相當詎于懷楚也郡缺守則以公攝守邑

缺令則以公攝令平大徼劑大賦奠生之饋
逆却于桎梏之間比增饒簡兵材官騎士驛
騷蹂踐無虛日民得安枕而卧者其烏敢忘
公賜爲之徵其文曰在讞畧及條議諸篇蓋
讞畧公所著爰書也不佞讀之終卷乃悉公
大指如于定國徐有功其鈎抉揣摩如郎顗
談星倉意切脉其屬詞綴事爾雅現麗卽管
夷吾吃公子授簡爲之無以讓至所條上方

妙遠堂全集

記四

十七

畧如遠餉徵派堰田清查夫馬報替修飭嚴
禁債商諸皆鯁鯁鑿鑿爲褻規百世之利雖
使羊杜復生於籌策蔑有加矣則不佞又試
難父老孝秀司李法官也如所稱公治獄寬
御士讓出政平卽沾沾一時之譽如職何乃
對曰不覩武王蔭賜人楚子式蛙西巴放麇
之事乎蓋澤之所及者有限而意之所攝者
無窮也公仁于庶獄寧獨洗法而出卽應法

而入者以爲誠自陷于大戮涕洟悲悔相誠
以前車也公進士之良者而媿其非類夫然
後如負霜雪如蒼蒼素罔有越志以干斧斨
也是公以未然之禮佐已然之法又豈啻勝
舉其職而已公功名滿前路所至輒效吾儕
所不必知獨此煦然之意肅然之象與峴山
岌嶮而漢流淼瀰後之君子則而像之褻庶
幾有瘳乎不佞曰諾敬如父老孝秀指載其

妙遠堂全集

記四

十八

語於龜螭之石蓋不佞嘗衡士楚聞得與公
共事固已心折公爲偉人而今復獲採輿人
之誦以效不朽誠泚筆無媿詞矣公名如鐘
陝西南鄭人南宮氏癸丑丙辰大對成進士
邑侯白鹿司公去思碑記

天下盡僞也聲貌名位相傳以愈外耳有豪
傑之士出矯之賤榮勢而貴風節驕視闕而
悅皐林鄙錢刀而嗜縑素勝情曠識默與古

今名雋相往來苟一旦致身握尺寸之柄則必思所以守官之道而事其事然自身視之官外也其事外之外也苟取陳芻蕘塗膠革以塞吾局而奚卹焉此所謂一鄉一國之士而非天下士也天下之士何如也出如其居變如其素而窮達升墜無以撓其心今白鹿司侯其人哉侯固邢魏間豪傑之士也其勝情曠識可睨古而踔今乃其領吾邑而治之

妙遠堂全集

記四

十九

三年民大悅侯治邑所爲導渠堰甃踐更寬征輸禁游惰美善不可更僕數大抵根極于心之欲爲而曲暢其才所能至以故送迎蒲伏至苛碎也諮詢荒度至卒瘠也敲扶鈞鉅至喧呶也握算量籌節縮吐納至纖細亾類也及夫建一議倡一謀或撐抵上下之間其轉圜而移迎機而發納牖而投至曲折憤懣不能發舒也乃侯皆身入之而品不傷迫退

食之餘自公之暇琴樽錯左圖史陳右侯脩然出其素以當之不作欣歎理俗二想也故國之小人椎安其所以治我者曰生我也百年之利賴也君子達索之勝情曠識而驚按之實政真心而服乃確信侯天下才非止豪傑之常致矣亾何擢丞淮陽郡以治河行則旁觀者竊惑焉天下事往往以緩急爲重輕數十年嘗急河矣爲之集才人智士以畀之

妙遠堂全集

記四

二十

河而今稍不然最急在朝謂侯宜班交戟維國是再急在邊謂侯宜秉枹仗鉞當一面之雄而今乃置之所緩若人情何嗟夫此非爲侯言也夫量而後予者有不勝量者也効而後庸者有不必効者也侯天下士也邑則如身河則如邑知根極于心之欲爲曲暢其才之能至而已矧廉頗思用趙人朔方軍士日望子儀而帥周公之袞廉叔之襦安知其不

再爲歌舞哉噫嘻士宦之一途僞君子與真豪傑之所交乘也巧獵捷收之數豪傑或不相敵然所至見德所去民思則大有逕庭詎非以能者人而不能者天乎蓋民之思有三端焉曰甚感而不釋則思甚疑而不解則思甚覲而惟恐其後則思嗚呼此國之父老子第所繇肖侯像以俎豆斯宮而徘徊其下之故也

妙遠堂全集

記四

二十一

興安州重修禮拜寺碑記

孟子與氏生七雄之國以紹明孔子道術自任其所斥棄爲楊朱墨翟之學者至比於洪水而厥後稍進而子之望其逃而歸歸而受說者謂其中有淺深次第焉蓋氣因涵泳而漸融量必併苞而始大其意固欲收二氏爲吾用而若悔其始藩笠之過嚴者唐號爲開佛莫如韓昌黎氏然不廢與大顛往來至宋

諸儒倡彌近理大亂真之說始揭揭焉建鼓而討之若水火之必不可入烏喙嘉穀之必不可投而佛之徒乃轉盛日尋於意攻口角而靡有艾止也於是知宋諸儒之見出孟韓下遠矣西方清真之教不詳入中國所繇始幸而晚出得免于宋儒之抨彈亦不幸而不早出不獲受孟韓之裁劑然其掃羣祀而尊一天固大雅陟降之旨也歲恒月一持禁禁

妙遠堂全集

記四

二十一

竟日不食固動心忍情之資也速葬無事鬼神歲時觸忌必上冢緝誦固不以喪爲家慎終追遠之義也通有無濟困阨可行千里不齋糧罔八荒一聞仁民公物之用也卽其後泥之爲杓鑄之爲戾則傳習之過非教旨所本設矣地必有宮于以膜拜講肄猶郡邑祝釐之位桑門莊嚴之場一在興安者久而頽圯衆乃族謀而更新焉以貞珉之辭來請余

姑闢繹其大都俾有事于斯宇者仰而深思
俯而力踐毋徒曰是墨冠而儒服姑爲和會
之言以章甫質保國也庶幾善學子與氏者
矣

文昌祠碑記

祠在邑南郊之東偏舊爲馬氏地已售之光
祿王君兄弟肖像爲神祠偕陶民部魏劉諸
茂才相與崇事之歲時定盟釀資牲牷修潔

妙遠堂全集

記四

二十三

邊實之羨藉爲祠管其宇拓湫隘而弘麗其
地拓紆袤而寬平拱翼有支廡祝釐有常主
伏臘有專田斯不亦炳然巍煥之觀乎而巖
巖之石缺不支茂才等乃謁余使言余惟祀
神以祈後於古牒恒言之神稱文昌亦稱張
仙小說所載張亞子神於蜀梓潼甚著故又
稱梓潼而或曰張仙非以蜀昉也詩所咏張
仲孝友其人矣余嘗讀天官家言文昌第四

星曰少司命夫司命則凡爵祿文章宗姓修
短其權當靡所不筭焉蓋夫名有雜出不馴
者宜求諸雅而事有牽引互證者宜折諸古
故予謂神之號斷當定其尊曰文昌而其爲
張仙則斷斷係周之張仲也諸君子金碧以
張之玉帛以將之豈寧獨是入而告虔出而
責報謂足衍茲斯麟趾之慶爲愉快乎蓋必
諭于神旨而後神憑而福之神旨維何則孝

妙遠堂全集

記四

二十四

友之咏是入告祀事仰瞻棟桷而俯念宗祫
至孝也出洽同好則絲羽邇飛難遽迭奏通
彼我而豁見聞至友也矧子以及子里閭之
素匪夕匪朝於以各孝其孝而互友其友其
昭爲神休寧有既乎且文昌之職爵祿文章
靡所不筭則綿衍之餘鍾爲智慧雍睦之積
蔚爲章光又理之可以逆說者諸君子欲事
神其求諸孝友之旨而庶幾矣是爲記

重修玄帝行宮及觀音閣碑記

距新野之東偏四十里爲聚曰蒼臺地隸于唐饒商賈桑麻之業初有宇祀玄天上帝已而殿圯莫爲之興者善男子王君自高慨然而起曰無殿將無帝象教之設以獎善牖頑也殿無帝心將從之安得土木偶而芻脊棄之爲重蘭遠近以請凡三年餘工始訖爲門爲廊爲正殿爲翼室後爲閣以祀觀音大士

妙遠堂全集

記四

三五

士佐釋迦宣化導愚拯危隨所感觸各現其身而爲說法然古德有云一念清淨卽爲普賢一念智慧卽爲文殊一念圓通卽爲觀音是大士不在心外矣今王者御世之法析楊桎梏至慘礪也簿書要約至苛密也詩書圖史至燦備也然而賞焉未必勸刑焉未必懲獨望獄而趨響震川谷悲懼交至涕洟垂如縋縻褐父紅女暗室孑處一呼大士名如見

妙遠堂全集

記四

三六

所親如蔭如杖此何以故人心之靈自爲騃徹古聖人神道設教教所繇不能廢也有殿而後有帝有閣而後有大士有帝與大士而觀者神悚卽者意消其陰禪於此土不亦大乎王君嘗修開壽亭行祠其爲善自健嗣天性余淺味其言而廣之俾永垂諸貞珉若夫主石工役之費恆施男女之名均附于碑陰使觀者有考焉

重修黃臺慈雲寺碑記

黃臺慈雲寺其地在唐新之間不詳所自昉歲久地剝不可以施像設僧如魁偉然動色謂往者之湮來者之責也爰募資于衆而新之又念五百應真經所云無漏聖流不可以棲托無所則新之其事在

萬曆三十四年又念貝多十二部之文莊嚴賢劫百千萬億賢聖之所垂教釋迦四十九

妙遠堂全集

記四

二十七

年之所闡說矇者之杖暗者之燈渡者之後也曷可不宇而庀之俾昭諸日星則新之其事在四十六年於是緇衣赤足雲委水歸然晏息經行之無地壁觀唄唱之雜居弗曠也則以四十八年爲禪堂鞋裝手杵名曰祛魔衛法者莫如韋馱而隸側之弗虔也則以泰昌元年爲韋馱殿若水陸變像則三界萬靈之燁赫羣陰六道之瞻依於是焉賴爲官

焉以張之故全矣則僧明山施官房爲之而其意則出自僧如禪二衲益與魁志叶力比於是有嚴有翼以承仰案枕堅良髹彩壯麗寺之觀偉于舊矣魁求相顏于予而併以貞氓之詞見屬余溪維其事不覺喟然起歎也當不佞爲京朝官時維

神宗末襍伐山算緡之餘黃白刳積忠諫之士往往用詬厲而會

妙遠堂全集

記四

二十八

長樂好善樂施片言請額輒揮數千萬無憑色以故長安金銀宮闕賁相望于十步之內有識者謂可籍檀波福潛消譏誦之聲乃未幾

孝孫嗣服倅遶邊警遂以大渙王居說者又謂

神宗之藏有以預儲之而

孝定之施有以先導之也比海內東疲于建

南擾于蜀于黔履畝增賦敲骨浚膏民鬻然
喪其生死緩之衆與揭竿之雄肝腦塗草莽
骹骼蔽原野敲朴之下出一錢如剜心肉三
空四盡莫今爲甚矣彼圓顧方袍者無督責
輸歛之權文字期會之法而持鉢叩門藉其
名氏無不驩然發其私藏不謀妻子則何以
故意者因果災祥之說有以懾之乎夫割贏
而種福至隱也猶孜孜焉競趨恐後夫孰若

妙遠堂全集

記四

二十九

奉上急公勇者輸力富者輸財俾 朝廷得
藉以戡定亂父子兄弟相依室廬塚墓相
保聚其爲因果災祥也著矣蓋上躁于法而
下束于勢故憚苦在彼不在此耳自遼難以
來上不愛高爵重權招徠豪俊芻糗之饋朝
達夕聞內帑之頒者且千萬矣而不肖者窟
穴其中外以飽虜腹內以潤家囊裹蹄龜貝
出國門輒不可問彼魁及山如及禪者一山

癯孱衲耳前奚黠後奚驅竭二十年之精力
簣覆粒壘迄成環偉之觀此其人可易得哉
人血誠無所不至僞者自鑿真者自立是舉
也余竊謂雖極困之民可鼓以好義終事而
深嘉魁及山禪之忠信堅決能懋成乃功以
媿世之蟬冠而豕行者爲敷述其語以詔來
茲雖與竺乾本旨河漢逕庭所不辭矣其他
土石金錢之費緇素男女之名俱備載十碑

妙遠堂全集

記四

三十

陰不具述

普化庵常住田碑記

普化庵者維揚北門外精舍也其江山環抱
之形槩土木初始之因緣載在余年友陶給
舍路叔碑中已詳哉言之矣庵有檀施田三
百餘畝寺僧海覺謀勒石識之斬傳于永永
而介余姻李居士乞記于余則余旣聽其志
而竊難其詞因舉以語居士曰凡人之愛所

有而唯恐其失也守之之術無他智與力而已矣至已無所施而托重于言以言者之智之力其喻勝或相倍蓰人之尊信其言以及吾之所有也蔑論維陽衣冠勝區名公貴人輩相望疵賤如余從千里外持人郡國權驢而顧其姓名必胡盧掩口以去而萬一余名先碑朽碑先寺朽又安所取無益之事而驅染紙墨爲也請辭而弗記便居士曰否否較

妙遠堂全集

記四

三十一

智者智有贏詘角力者力有盛衰不有智力兩無所籍而別有挾以自存者乎嘗試與子論之翹材之館廢爲馬廐汾陽故宅僅餘夕陽古槐而珣也維也捨宅爲寺千百年姓氏其梵宇而無改也子瞻爲其父施四菩薩像曰此明皇帝所不能守而付僧寺歷求其守之之法乃斷之曰天下豈有無父之人哉迄于今畫板精藍皆蕩爲飛烟寒燼而凡謂子

瞻之文者卽四菩薩之面貌神骨恒在目前此其所挾以爲重者可想也今試籍庵之田而記之施不一人人不一姓其田所從授與所繇來皆已不可知而一旦無繩約膠固之勞削鑿質成之費悉舉而供段食飽苾芻亦足以明佛法之廣大而不可踰澹而親私而溥自然而不容已矣語有之曰飯凡人百不如飯一沙門飯沙門百不如飯一阿羅漢昔

妙遠堂全集

記四

三十二

宋武夢人就乞曰君前世供維衛一鉢飯遂居此位福田之自利利人不誣如此縱智能謀力能奪夫天下豈有無心之人也與哉故有田而弗碑焉可也碑焉可也卽使從千里外而屬子使記奚不可者余聞居士之說而額之曰辨因哀述其大都勒于貞石其他善信之名廣狹之數疆里之宜各附于碑陰俾後人知所考焉

妙遠堂文集終

妙遠堂文暑集目錄

記五 遊歷

滁行日記

北征日記

妙遠堂全集

記五 目錄

妙遠堂文暑集

新野馬之駿仲良著

宛平侯昌胤述鄴閣

記五 遊歷

滁行日記

京兆馬曹故事有問寺謁仲冬之三日余乃
之滁陽先一日雨出城小間猶空濛淅瀝辨
濕在衣入舟四望空江動人前遠峰疎樹出

妙遠堂全集

記五

二

沒濃烟密霧中不卽了了畫者悟法詩者據
材賈人競涉漁子志獲皆各以意與江爭而
江分鑿之嗚呼江哉登岸陸行二十里抵江
浦秋時絲小溪達江纜舫城堞之下茲潤不
任載浮葉取道于敗蘆枯樹間使人易愁浦
令楊郎人也昔黃大中丞填郎多暇開館碎
士修文章之業甚盛余及楊皆與焉楊張燈
命飲談舊事甚歡計就枕子夜矣四日發江

浦抵滁宿道潭不可行也棠邑之北山勢翺
翥饒短松積雨沾裊長烟覆之山處於烟如
輕容之障美姝文籠之棲嬌鳥仲冬序凋落
木脫蘚枯癭者烟使之肥缺者烟使之滿微
霽景出舊態畢呈心目惘恍莫卽前境亦詭
幻之觀也五日晨興了公謁卽謀爲瑯琊之
遊余甲寅冬自吳關歸曾一涉趾於醉翁固
不爲生客矣山行六七里涓涓聞水聲覆誦

妙遠堂全集

記五

三

歐公記語千古如畫知古人文字雖點綴敘
引俱極工力不若後人隨手塗染也釀泉距
門左向久胥廢州守某濬之稍存掌故入亭
地漸高前爲樓三楹級石登焉始爲祀歐公
香火庭禮之下觀蘇公碑字于廊折而右爲
屏者二見修竹數十竿瑩綠欲滴竹旁有古
楊樹傳者謂自歐公手植然天矯斂折余不
敢直以爲梅也環觀靜審凡世所爲梅之理

之狀之態之影之拙之老之秀之奇若分爲
數十本不止者而猶覺其神韻淵固欲軼歐
公而上之吾不敢直以爲梅而尤不欲定其
出自歐公也憇于亭酒焉亭後皆立壁山鳥
時效其間旁一石如堵墻爲宋紹興十八年
進士題名碑上勒制題下署名凡五甲朱元
晦先生名在三甲中曰小字某某甚奇其他
綴卽籍倚侍等語亦如今制是時宋已南渡

妙遠堂全集

記五

四

卽龜趺螭篆不獲處慈恩曲江間不知何以
置此空山杳絕地也下出梅樹外爲方池注
澗水日夜鳴漱勿復爲池曲之以待流觴水
不卽入而聲于下如楚子之地懸卻克所驚
而走也其觸石而瀏澆清越如碎簷馬如觸
哀絲縹然而來者南子之佩飄忽嘈雜者湘
夫人之瑟也久立悄然幾不欲去問祀僧水
所從出云自豐山卽歐公所記豐樂亭地余

竊念歐文鋪敘藝祖清流關武功甚侈滁陽爲我

高皇帝天造第一郡實錄中載

高皇帝初得滁陽苦饑謀取全椒 上已用

奇入而傳者誤云陷敵滁幾不守後自采石

濟師下集慶號令天下寔以滁爲始基此其

事奇而功卓較藝祖詎止倍屣今學士非留

心典故者不能言其凡而清流關戰功緣廬

妙遠堂全集

記五

五

陵碑榻下至廨亭賈豎無不煩著屏障之間
良以今之爲守不必皆廬陵卽使才如廬陵
而多遊讌嗜文章白簡且信信議其後以故
無有能闡釋追原與古人爭千秋之名者夫
以吏習偷下不敢遊讌不能爲文章其弊使
高皇帝燦美經營之迹不克與藝祖並傳甚
矣俗之一字無當于官也雲合欲雨遂去抵
烏衣鎮宿是夕風厲寒甚六之日早發飯葛

城青衣旁迤白云令楊移具相遲于珠泉踐

始約也珠泉去江浦邑治十五里去浦口五

里繇葛城東別取道皆山行多磽石斷阜泉

出四山之坎渟泓演漾可方十餘畝深而清

故直見底藻花石文鮮秀瑩潔不可名狀泉

自地中空出其上如縷纍纍如串珠約似茶

鼎欲沸時蟹眼也上有小叢祠祠龍神亦可

登闕石爲圓下循磴道富桃李樹春時想見

妙遠堂全集

記五

六

綺艷泉漚爲池中爲舫齋爲廊爲橋爲樓爲
亭皆穹窿有意致大抵茲泉絕類共城百泉
而差小峰嶺環匝荒寂綿邈似過之宜風宜
雪宜月恨不從盛夏或密霰時遇之爲狂叫
直一死耳晚寒逾酷余雖被酒猶齒相擊仍
抵江浦夕焉明日返入都漸晴霽蓋是役也
余始終于風雨矣

北征日記

七月六日辭里抵林水宿夜漏已向午矣七
日至郡晤司理南陽令劉將軍王將軍戚不
磷諸交遊罄折委頓肺時入慰郡伯已設具
衙齋相遲齋不甚弘爽而曲逕逶迤竹樹荷
荷坐間郡伯談其被謫事甚詳然神趣蕭然
無少戚戚意心殊服其曠達也鼓動赴不磷
招大雨如注時旱久農急無年聞檐間泔泔
聲爲之一快不磷固寓軍署是日以不便招

夢遠堂全集

記五

七

佐觴者改席新居中肴楮皆自里餘移來呼
不時應奴客復醉而囂主人以著書事有所
構于郡人酒酣狂言使人不能成數故僕僅
成禮別去八日雨甚午赴唐國譙旋赴索
璫招晚赴劉將軍招泥淖没人蹀往返艱楚
九日午前猶雨餘申刻始開霽攜具入省郡
伯見其二子焉十日辰刻謝里中送客發宛
城未刻抵博望宿作家報遣蒼頭之送於疆

者晚晴月淨如洗坐清風亭大槐樹下涼颼
氷骨四望官然記是家園呼盧將竟錄事巾
明酒條鳴也十一日早發過方城賈孝廉朱
茂才史茂才來晤謝賈朱之招約移楹郊園
許之茂才談里胥蠲糧裕民不堪命狀令人
扼腕因故余數年所曾到者今已更主荒砌
植花較昔整潔盆蓮擲擲開千瓣可安大士
獅子座爲稍闊連別行三十里抵龍泉鎮曠

夢遠堂全集

記五

八

黑矣脂燥甚呼茶喉人登輿燃炬而行漏下
二鼓宿保安驛次早聞隣館有冠蓋詢之知
爲彭中翰家太史門士也遺判相聞十二日
發保安置頓昆陽見市北有新祠祠黃山谷
先生葉令所嘗謁余記勒石者也禮焉再北
道傍立木屏四東祠古葉公諸梁卽所稱好
畫龍怖真龍者西祠漢仙令王喬皆入而揖
之讀彭用沉及家時良所爲碑東祠一卧石

刻葉令及陰程兩博士吾黨直躬辨語各晰
甚然吾黨二字實問答口語耳坐以葉人故
事固誣委之葉公鄉間亦強痴人前不可說
夢耳向來此地止有仙令祠祠在東隅其改
置于西及增祠諸梁皆出今令王蓋伯意蓋
伯強幹多標韻茲其一端論者以是列爲罪
呂寃矣未刻抵葉蓋伯以被言杜門聞余至
勉出相對憤懣適入其署報謁慰勞久之晚

妙遠堂全集

記五

九

招查仙客飯廨中月下舉首望西北陰雲濛
墨電光熠熠逗霄漢間十三日辰發十里餘
沙途俱沾濕溪流瀾瀾如瀉瓶始知夜來雨
正在其處特不及葉治耳午置頓襄城行二
十里餘觀西山雲起縷縷俄而雨足下垂白
如拖練頃刻漲及中天則淋浪載塗矣日雨
行抵閭寨宿夜中雨大注十四日辰發雨
去潁川尚二十里行人譁言山水至頃之間

道混混皆成巨川輿夫浸及髀骨勢不可前
亟覓民舍之稍凸者遷興避之雨急水悍飛
濤颺浪洄湧畏人坐念使更盈兩版以上余
不類蘇代所言木偶人逐流而去耶未刻水
漸平亟驅車至潁川將入城十餘里林木杳
忝俱漾漾立白波中輿夫三步一蹶爲之心
折抵嶽館始有人色其難可知也田叅藩遣
使久候于此來叩投其書署州者爲長葛令

妙遠堂全集

記五

十

李君來晤壬戌榜蜀人也已而王職方具茨
來晤連茂才昆仲來晤俱折簡焉飯後報謁
李令君過連茂才止之酒焉詢其叔九如孝
廉方病瘍就醫于鄉詢其弟則方以遺珠入
試闈未歸也所呼優童能作南音頗佳問之
爲朱邸中舍人子演汧國數劇而散赴職方
席于園亭月皚皚在東方矣職方氣骨才情
不可一世而屢困萋菲酒間聽其談遼瀋破

亾榆關武備及用大將馬世龍始末爲之色
飛蓋職方久官遼習遠情復以用大將事觸
忌掛議故媿媿不厭職方又爲余言年來背
肉墳起憂之以爲疽已而延醫視之非疽也
云心鬱而肝橫乃以有此余調職方君磊塊
在背耶然思念余嶽嶽淪落同于職方而默
默低首不能復向人吐一伉浪語非氣能平
也乃日趨于衰沮耳憂來攻中潛然欲泣園
妙遠堂全集 記五 十二

固馬氏物職方加飾亭橋竹石蒼蔚雄麗移
坐石梁旁荷葉盈池月彩露香殊快心目爲
引大白亾算席間奴來持刺云謝孝廉訪邸
中蓋余同年友思中也十五日辰刻年家李
茂才來晤發家人輿往報謁思中酒馬坐甫
定聞屏後吃吃聲已出則三麗人余識其中
毫而敏視者曰非青鸞耶鸞曰諾屈指曰自
壬子春侍明公觴今十有三年矣復日夜來

謝公使者叩扉急鸞驚起曰余老矣門前冷
落車馬稀顧安得昏暮及扉者是誤叩也使
者曰非誤趣侍觴明公耳且詢家太史起居
及別來數年狀余深感其言視其首雪霜離
離在雙鬢矣其一中年而貌計者頗工歌使
之名曰團草其一少年膚玉瑩人目第苦如
昔人所拈諺豆在面上何稱名曰墜兒墜者
耳璫諺語也酒數行思中持數筵及長箋十
妙遠堂全集 記五 十二

餘瀝墨索余書三姬亦乞書不已檢巾箱得
一扇爲絕句以贈青鸞云十載征衣客路塵
霓裳重見掌中身畫樓莫問金門事一樣蛾
眉解妬人復書箋贈團草詩曰連理曾聞宿
紫鴛爭教爲草不團圓春來南陌青青處知
向何人襯醉眠贈墜兒詩曰知是藍田玉琢
成腮香侵透粉珠輕幽牕有約誰能負耳畔
時時記小名與三姬遙拇戰手叵羅轟飲思

中豪于酒余似猶不能敵也催兩郎君出拜
長者已爲諸生幼者年可十餘頭角穎豎使
人解頤申刻辭行余已醉興中夢行四十里
抵姚店宿焉是日得讀董大叅哭子詩十六
日早發午過新鄭中過郭店抵鄭宿計行百
三十里族兄行徒率羣從來晤十七日入蒸
濕坐邸閣燥甚辰刻過飲行徒家則張筵命
劇以待久矣庭事前葡萄纍纍覆架鮮綠可

妙遠堂全集

記五

十三

人已而漸瀝作聲雨復大作不減過潁川時
行健自寒暄外無長語優人俚聞可笑獨杯
中醇酎不作郊醞甘滯態是則征途一快耳
申刻雨止發鄭行二十五里阻賈魯河瀑漲
不能渡止宿民舍中兀坐手如懸椎旋昏然
就枕矣十八日質明遣騎偵水聞稍殺乃疾
行及岍觀其狀猶激射河濶不盈數武以受
嵩密羣山水故急且濤不受步耳篙工磨集

以首戴輿而過已刻置頓樂澤過發間渡大
河又舟四顧黃雲浮天兩岸不辨牛馬蓋秋
水灌湧不覺心怖幸風歛浪恬布帆安穩寔
拜神賜憇王祿店見壁間有題黃河篇五十
韻者爲詩書其旁郵舍題詩固偶然何勞禿
筆灑長篇河流較勝廬山瀑句洗徐凝得幾
年暮抵亢村宿十九日早發積水時時軹車
迂道村落町疃間不甚爽捷途中雨作午刻

妙遠堂全集

記五

十四

抵新鄉其令爲先大夫舊治封中人以聞艱
謝事未及晤改服弔同年賈貞復蓋兩尊人
相繼仙去轎車俱在堂也貞復以名御史
上初踐祚時抗章請保全選侍犯不測之怒
削籍里居又生平意氣交把晤歡甚酒次縱
談時事物情且歎且快余別有秘記載其事
別時日下春矣行二十里卽列炬行殘月出
雲如斷環半缺蟲聲淒切與遠村犬吠相應

使人意悲漏二下抵衛郡宿殊不覺其疲也
二十日早發已過淇縣自里閑至此所經率
苦旱然雨後禾菽布野生意淪然獨淇境土
燥草蕪短苗僅如箭鏃入城尤荒落聞縣令
以勘災遠出爲咨嗟者久之未刻過高村讀
有斐亭題詩不能滿志獨鄒爾瞻先生手書
一絕字畫古勁如渴猊斷蚓可與其人並重
千秋蓋向年東省以妖變途塞先生取此道
妙遠堂全集 記五 十五

南還時書也申刻抵宜溝宿二十一日早發
午過鄴郡伯白公來晤致相慕之意甚殷晚
抵磁州兵使者同年張華陽來晤旋赴其招
歸可二鼓矣二十二日午過邯鄲制府張公
先枉車駕旋謁于其家止而飯焉是日班役
之迎者至直指宋一衷遣使久遲予境上得
其書晚抵洺關宿舊葉令馬毅仲來晤白礪
甫山人來晤熾燭報毅仲謁酒焉毅仲韻人

夙饒飲趣比更揚提風騷商略山水亭亭有
千尺獨上意二十三日辰刻興作家報遣奴
子歸報渡河之耗午刻訪礪甫赴其招毅仲
已先至幽居花木楚楚追撫余舊過時踪跡
業十四年而往矣壁間揭名流故人詩句幾
滿然前方亦間雜貴人名刺意以震俗目也
盤飧簡而不穢招二姬佐觴俱能雄飲有態
恨杯中之物冷冷如甘泉不面頰而腹果耳
妙遠堂全集 記五 十六

毅仲出筵裂素索余書仍卽席占二絕贈二
侍觴者別時日已分春鼓動抵沙河令施君
來詢之爲同年施肩吾之叔恂謹君子也是
日始聞沈千秋不祿之耗二鼓卽抵邢州與
夫健馳幾於傳翼矣二十四日早發午過內
丘晚至栢鄉宿廿五日早發已過趙州晚至
樂城宿二十六日早發已刻至真定郡守馮
公景魯來晤鄉人也談笑諤然西刻抵伏

宿焉廿七日早發午過新樂庚戌冬宿此曾
有偷兒之警後家兄賦詩有候吏不須談往
事空囊無恙舊青瑣之句爲之一慨未刻卽
抵定州州守王君來晤日甫斜暎以倦繄不
欲行是日有所聞因和家兄初度題壁舊韻
成詩病骨征途倦不支中山空負酒盈卮宦
情駭鹿奔猿後鄉夢殘砧亂柝時宣室夜長
憐問左玄都座滿笑來遲秋前松檜雖無色

妙遠堂全集

記五

十七

已見繁英謝野籬廿八日早發已過慶都令
原君來晤蓋晉產而居于淮上者有通家誼
短小精悍人也未過涇陽驛驛後小亭庚戌
余初過之有李少保于田先生題云某年晤
會某公及某公於此各有詩後過傷不復見
其詩云數行遺墨猶難保何況玄都觀裏花
意致淋漓筆墨飛動及丁巳秋余過之則于
田先生作已泥去而梅瓊宇大叅適過其地

題壁記是事始末甚詳今則墜人加帶併梅
題皆烏有矣竊不勝感慨爲口號識之云未
見紗籠存翰墨又看胡粉煥茅茨浮名不信
終塵土頻過郵亭應自知戍刻抵保定宿時
久燥飛沙障天夜聞檐溜稍爽使婢起偵之
旋霽矣二十九日早發午過安肅丞潘君一
鳳迎於道左視其手版固始人也抵署延之
坐丞具述向以相人術遊公卿曾過余邑出

妙遠堂全集

記五

十八

家時良所書字卷良信復備道比爲丞爲驢
賈所訟業業道路不得休近驪院毅然持三
尺始獲吐氣余因調之曰官與遊孰樂豈君
未嘗攬鏡自相耶丞復遺余所刻冢卿趙公
議臺四六啟及宿修武記名次孫說兩帙而
別西刻抵定興宿三十日辰發宿涿鹿申刻
驟雨州貳王君來晤其兄翼儼余同年也八
月初一日宿良柳初二日午刻入都

終

妙遠堂文往集目錄

序一 書籍一

漢疏類編序

四書說要序

纂修新野縣志序 代

增訂新野縣誌序

高文襄公集序

高蘇門先生集序

妙遠堂全集 序一日錄

大忠安撫略後序

居士傳宗贊序

差菴燕語序

妙遠堂文往集

新野馬之駿仲良著

關中來 復陽伯閱

序一 書籍一

漢疏類編序

以言入人舌功于牘而至于通尊卑極控揣
鑿指陳則牘之功亦伍于舌故疏者代天下
之舌而功一人者也三代後漢曆最悠久高

妙遠堂全集

序一

二

文皆以不世出之聖煩綱建軌迫業數傳而
幾失失而復得且以後亾一時遷固之所哀
著無論典冊之言法而裁絲綸之言葩而巽
凡三九將相公車草莽之雋所殫其謀謨以
腕雨筆霆者蓋古今莫能埒盛世儒賢憤乃
以始之申韓中之黃老季之宦戚晚之標榜
毛舉而溢畧之以爲駁不純王嗟夫不駁不
漢矣夫天下之病矣甚于同而孤人主故同

非世之利也今試覆按其言者與所以言之故隨觸而定傳響而止有纓冠無佐鬪有破的無曲徇有顯諍無微諂有徑剖無羹沸間雖譬不譬殊遘利不利異時其以天下之舌功一人則東西猶禰也嗟純而舌出于一人則人人爲功功不在國矣故疏者是非之所合而拒順鬱者也嘗試與世言水千里之浸使尺壅則宣尺寸壅則宣寸何至嚙隄滯山

妙遠堂全集

序一

三

哉疏之順而覈見申韓順而忘見黃老鬱而慎見宦戚鬱而爭見標榜然申韓黃老之不畛其國而標榜畛之不殊宦戚是何以故重所借也人主不以疏收其真而人代借之于外是以天下之舌予奪天下何守府之是爲故有言責者所以善其言不可不講此予友伯玉類漢疏意也語云前事之設後事之鑒詩書規周動稱桀受梟賈以之而其規模宏

遠漢稍稍有故伯玉類疏錄漢始若夫結樓之置于漢夫人而能知之治體之儲于漢又夫人而能知之是非伯玉意所在也伯玉曰否否孔子之諫有五術焉傳之旨曰非文辭不爲功疏失其幹而俳而遊而慢辭且失疏權是舍漢其奚鵠雖然伯玉休矣疏漢之與疏今異舌之不同然忠臣義士川原之需未耗如其面吾且與子論疏功嗚呼今之舌猶

妙遠堂全集

序一

四

古之舌也

四書說要序

少陵詩云回恍覲賞延佳處領其要余嘗取其語爲遊山水法赤城霞起瀑布飛流天台之要也橫看成嶺側成峰匡廬之要也昔人云盡則安能身到處不輕放過耳惟身到不輕放過然後能盡而可以不必盡余頃來留都濡首簿書卒卒無筇屨之暇嘗一航秦淮

登清涼則峰壑之洞縈烟樹之羃歷雲鳥之
飛走樓觀之綺壯約略十五得之盡則何敢
言不可謂所領之非要也會年友張二酉氏
南遊出所著四書說要相與披覽凡洙繹以
來千餘年之微言滯義莫不鈎抉點露如津
植表如晦引燈嗟夫二酉之力勩矣註疏家
文字之障也二酉神襟清迥足以玄對山水
而屹屹窮年現塾師身說法欲使人遊筌蹄

妙遠堂全集

序一

五

之中作解脫之想故其旨質而不紊簡而不
芟今夫山之爲山一而已孫登輩棲之以爲
適宅達公輩面之以爲禪機鄧艾輩象之以
爲兵資竊運輩開之以爲文趣各領其要而
山分應焉山卒無與也讀說要者以余遊山
水之法概之其可矣

纂修新野縣志序

代

古者千乘之國以反附庸皆有史官掌記時

事凡征伐會盟之迹君卿大夫言論舉動之
詳於是乎在而厥後易封建以郡國畫疆食
采比于古諸侯然悉稟一王之制法不得設
私吏唯是封域兵賦藉而爲志於是鏡往知
來備公車職方之採擇蓋綦重也新故有志
頗蕪穢不治如消陽爲漢縣當時與新並隸
南陽而注丹李善俱消人今祀新鄉賢樂廣
樂法才子雲亦消人列新名臣傳咸屬不倫

妙遠堂全集

序一

六

其他訛舛掛漏尤未可以一端舉也予亟思
竄正不敢以不文委之後賢乃謀諸馬太史
伯仲開局辟士網羅舊章斟酌特制門區類
別甫浹歲而告殺青爲考者一爲表者四爲
志者八志餘附焉視舊志凡六倍之庶幾彬
彬一方之掌故矣在昔文人領邑如潘陸大
手於河陽浚儀惜皆未有所論著而他如陸
廣微吳記范致明岳陽記高簡明斯足稱三

長之逸才子駢淺不能望潘陸後塵而妄謂
寧該無裁寧贅無佚俾觀者燦然可稽或亦
善師陸范之意乎蓋予既覽志而低回有餘
感也新俗淳古民力田孝第女尚節烈士大
夫雖都華廬而不失澹泊純素之性猶有三
代之遺風焉然地衝而夷無高巖峻谷堅壙
廣池之利家鮮蓋藏薪榮皆外給無事後受
治而有事先受亂後之君子考得失因革之

妙遠堂全集

序一

七

林收損益潤色之效問之守府不至如杞宋
之無徵則茲編或小補云爾

增訂新野縣誌序

余嘗讀司馬氏及班氏所爲史而躉之夫司
馬氏敘述二千四百年之迹而成文五十餘
萬言班氏述二百餘年而言浮者且三十萬
益嘆遷之材卓出弗可及也蓋談史者徵事
則尙備而討文則尙裁然余謂必備而後可

論裁曄之稱固曰贍而詳乃龍門之撰亦何
嘗不并包昭顯哉矧編年變而紀傳遷創之
固則之夫固之與遷名第易而實祖禰陳氏
之史三國歐陽氏之史五代裁矣而君子猶
憾其不備不備而裁猶摧車之輪而責以捷
耳國析而郡而邑史析而誌其體小類而用
相因故誌者太史所採之副金匱石室之庀
材也夫以近舉遠以隻夫舉終古不贍不備

妙遠堂全集

序一

八

猶爲譌詬乃以一邑之人徵一邑之掌故而
疎舛繆悠奚以號乎子墨之林故余尤謂誌
無問裁求備焉其可也余生晚不及見邑之
故乘今志修自邢州傅侯傳侯之于乘力勤
矣然每讀他書邑事有溢于乘外者輒丹注
之而不勝收也家太史氏嘗謂余曰邑昉于
漢以迄六季陰鄧華盛朱轂椒櫨之連泰諸
庀材美芙蓉杞梓之炳郁其他神仙幽怪鬼

行崎聞散于縹緗固非僻隱而誌之所及十
不得三天下將無因其誌而疑其地哉且夫
邑有詳于古而畧于今有詳于今而畧于古
者蓋詳于今則多嫌而詳于古則多致其難
易不侔也余曰唯唯以俟當世之賢者而會
邑大夫張公意與此合慨然念邑志之蕪蕪
且謂秩官一則掛漏尤多間爲考索增飾之
而委予使言余曰夫誌有三要焉原本山川

妙遠堂全集

序一

九

極命草木舉稂祥臚甸賦以及建置風會所
謂其例也自有邑以迄方今凡隸邑者無吐
焉所謂其事也授之以筆而質有其文所謂
其法也夫例不能不爲同亦猶治史者之不
編年卽紀傳也而竊謂當通潤之俾目浼其
俗以追雅辭澤其黯以近華形槩藻咏通刪
之無取于弗實弗叶者夫闕則猶不悖也若
其事所謂隸于邑散于縹緗者則當通益之

惟其備而法則存乎其人惟其裁庶幾彬彬
一方之良史哉張大夫贊龍虎之章淑禮樂
之訓猶逡巡謙讓以爲未遑且余固陋不足
勝載筆聊以是復之而引其大都如此又嘗
聞之王元美氏世卽有遷固亦不能成國史
彼猶謂詔令典章稍遜于古則亦以其法哉
夫天下猶天下也今之事猶古之事有遷固
之人而遷固其文矣奚爲不史哉余第在

妙遠堂全集

序一

十

言邑而已

高文襄公集序

皇明至

世宗入纂復爲天地一大開闢當其時人主
神聖材臣蠡起三事九德之彥所培養以貽
諸社稷子孫者不可殫指而隆萬間所稱最
名相二曰高新鄭公文襄張江陵公文忠兩
公鍾異姿膺殊寵履鼎貴之位監震世之勳

皆大畧相埒第不幸而以相傾之材處相軋之勢以故祖文襄則紬文忠祖文忠則紬文襄然有識者恒致嘆兩賢之厄何渠不換枿鑿而填筮之要皆豪傑之致也予過新聞長老談文襄瑣屑遺事甚詳及卒業公全集則愾然如見其人公所長在邊略諸書然疆場之事未可易言也嘗按

世宗季年宜大圖薊中虜無虛月塞上暴骨

妙遠堂全集

序一

十一

如莽撫戎議起廷論沸羹不啻會昌之議濤路景德之議澶淵而公慷慨擔荷亦寔不下李冠今試睹公所約疆吏公事至今三載一舉視以殿最文武四十餘年偃烽卧抱邊民安堵如內地者伊誰之力也夫劉稹一孔臭兒兩河諸鎮挾以脅世傳非痛創則畿外皆異域矣於其時不得不戰契丹舉國犯順幸蜀幸金陵之策方欲謀動六飛非黃蓋渡河

寧遽奪氣于時不得不以戰爲守以守爲和而公之當國時圉臣方畏法而習爲欺戍卒苦乘障而耗于伍一旦解辦內附列于屬國于時不得不以和爲守以守寓戰至于處叛胡處安氏綸扉幕府之懸絕吸呼關通而以竿尺代樽俎靡不纒纒鑿鑿中情實玅權衡恐又非李冠之所敢望也顧白敏中之于文饒丁謂之於平仲皆居平所卯翼師友者不

妙遠堂全集

序一

十二

反瞬而操戈公之去國亦復類之然而朱崖雷州奄忽旅襯公歸老河洛猶幸得高朗令終未幾而天子追思公勛晉上卿錫上謚所以慰之九京者差備以視見夢令狐英棗可畏轡車過嶺挿竹抽笋者所得于身後爲孰多乎今公集具在也代述之言莊而裁敷奏之言剴而盡侍經策士之言確而正宏肆而淵博以至表詞致語咸高華詳麗有端

門之士所不敢望者斐斐乎可謂備文武之質者矣說者微以量譬公則殊不然夫

穆皇之端拱以天下寄者也而公之靖其以天下任者也秉銓端揆皆非常之原功名以之成恩怨以之生矣第公直以行其才故見爲失人而他曲以行其伎故公且幾失身且前公者妙于收譽而後公者工于用驟公之幸不幸又何如也今天下思襲割仔肩之用妙遠堂全集 序一 十三

高蘇門先生集序

明興詩凡數變要莫勝于成弘之間蘇門先生負名世之資業獨早成而亦獨早夭折以死薦申學士傳而悲之余少讀先生集卽有奇嗜然竊慨於持論者未足以當先生也

或曰唐例例明則北地象杜陵先生象摩詰而或又以偏至專詣歸先生曰李何尚有廢興此道終當獨貴是若貌尊先生矣而實不然夫古豪傑千秋自命的的乎各有壇宇不欲苟爲異同先生常李何同時且與北地櫛比里閭一切號召之氣不能中先生而特自成其高古玄澹之致斯其心手所置何地神韻性情所寄托果何倫也余固隆準師北地妙遠堂全集 序一 十四

試持較先生當如江河並行辰曜雙麗之不相掩勝而至如北地所稱引王叔武言出之清寡而工之詞多吾尤謂先生無間矣嗟夫豪傑之所期庸衆之所借也襲者必掇其所長而變者必反其所短如水委波如燭續燭其孰能止自李何以雄麗持世濟南繼之而有夸心以務爲擴其未盡踴棘矜厲之氣遂滿域中今不再薦而餒素清虛者逆爲帝矣

乃李何之雄麗詎忍一矢相加夫雄麗清虛美德也而偽雄麗偽清虛者之至于河漢矛戟借之勢浸然也先生生李何時能不爲李何則生今之時者豈獨可爲偽不爲濟南足以謝責哉先生集大梁舊刻有二種且板漸蝕不能行遠余以屬友人戚不磷較而新之乃私爲論列若此雖然余贅矣以後歿之任而亟亟表彰先生則不免爲鄉人云爾

妙遠堂全集

序一

十五

大忠安撫略後序

王孝標先生輯大忠安撫略成凡六卷其人則漢諸葛忠武唐張睢陽宋宗忠簡國朝諸名公其事則持傾勘亂之績其旨則先生心憤遠變幾幸于一遇者也嗟夫千金之子稍稍違霜露之宜乘醉飽之過委身以聽里暨猶虞有悔乃或卒然之變與外墳中乾百骸沉瘠里暨皆昨舌束手謝不任則莫若簡古

人之方書取其經世之迹而效之語曰不習爲吏視已成事蓋古人才識權用雖人人殊要其切脈有發藥有機持局有膽要非苟然于功名之會者故先生所輯皆古人之暨案也主不擇暨暨不師古而旁觀熱腸揭揭爲剪滌方書懸之通國幾幸其一遇嗟夫心綦苦矣遠以一隅中甌騷動海寓至兵窮於荷戈農窮於轉餉智者敝舌勇者摧筋而不

妙遠堂全集

序一

十六

足以釋

天子東顧之慮蓋其始若有家

者參朮不具樊然攻補之雜投而厥後暨攻則主補厥補則求攻蓋以身試暨非以暨功身也嗟夫與其試人孰若選人與其選今人孰若考古之人古之人之爲得是編行必有剗心脫手洞見垣一方者無徒謂先生旁觀腸熱悠然有抱膝之心也

居士傳宗贊序

淮陰侯信對漢祖論諸將所能至已與帝將
兵有差妙于稱量如有定則吳道玄畫玄元
廟壁廝御與儼已極美麗觀者真其不繼比
至帝王嬪贊冠佩旌幢奇偉百出各不相襲
此無異故淮陰能會衆身爲一身故衡尺在
手道子能分一身入衆身故或近惟心蓋古
今有餘巧者必其有大力者也震旦自達摩
至後始立教外別傳之旨其初禪代惟有緇

妙遠堂全集

序一

十七

徒而其後羽衣多居士自唐宋以來諸公
或露心博學德豐功掀揭無前不可一世
者一遇黃面徒墨機鋒相逼如蚊嚼鐵牛無
着口處故氣不得不降而悟不得不徹夫緣
信生悟下法末世卽能疑諸禪僧不能不信
衆居士卽能疑居士與禪僧所以問答乎勢
一故必不能信衆居士所爲露心博學宿
豐功之輩所以信居士之心以信居士

所不得不降不悟不已之故而參究研露出
焉此槎菴所以贊居士也以居士得度者現
居士身爲說法吾知槎菴婆心切矣雖然奚
爲其不贊禪僧也夫將百萬之將與將十萬
之將其法有以異乎筆繪千百人與繪一人
其法有以異乎法有定而巧無盡故巧不可
傳而必藉法以傳槎菴奇正互出朱墨迭施
其所爲贊如接如開如喝如唱如影如指舉

妙遠堂全集

序一

十八

三百年來衆居士言下之音意中之解牙後
之慧畢爲煥發使壁壘重新面貌再拭燃燈
高閣層層皆明故贊居士者所以深贊禪僧
也然則誰建三百年來居士旗鼓誰爲三百
年來居士畫手卽槎菴是誰爲槎菴卽三百
年來衆居士是豈惟開示學人亦且併了前
案此道不孤斷有勃發大信以擔承者不佞
願與之約俟語言斷絕時求居士身不可得

併求祖師身亦不可得然後與槎菴相見未晚也

槎菴燕語序

清言之興昉于魏晉然皆取簡屈煩懸機赴響故理必資于羣辨帙亦罕夫孤行迨沿六朝以究兩宋偶而諧聲則連珠之製啟平而微理則語錄之宗分入明以來操觚尤盛如新都瑯琊之撰運菁華于輿博然精裁者比

妙遠堂全集

序一

十九

聚訟苦其沸雷東越泰州之倫扶性命爲玄微然敏雋者厭塵羹有如嚼蠟蓋因境有專詣反使趣闊分通乃如都生標清于壺玉屑氏播響于娑羅彼固沾沾斯亦矯矯者已吾友來道之懷吞鸞之奇騁雕龍之慧凡猶迹蟲書之帙以及茲函楚夾之文皆精討曲研舌流手薈爰以塵譚之間條爲燕語一編匪

其幽棲云將貽爲家訓焉余既獲卒

約其要歸晰事範道旨非一端概古準今語無定體或凜乎若誨或憐焉若懲或逮衆以負奇或比同而見志莫不泉絲五瀉香屑繞飛大抵使筆如刀置鏡于腕是以含吐則情文藻蔚指發則竅卻刃迎鋒云粹全無慙完

妙遠堂全集

序一

二十

妙遠堂文往集

終

鈔遠堂文秋集目錄

序二 書籍二

張大木印譜序

程原仲鑒按序

實政錄序

梁明府德政錄序

鄉賢曹公崇祀錄序

旌節曹母栢舟錄序

鈔遠堂全集

序二目錄

一

宜大武舉錄序

代

應天武舉鄉試錄序

代

武舉鄉試錄後序

辛酉帖就

鈔遠堂文秋集

新野馬之駿仲良著

方城吳阿衡平子閱

序二 書籍二

張大木印譜序

六書惟篆最古至程邈王次仲變隸以便簡冊而篆法寢亡然鐘鼎璽印篆之爲用獨專古人凡小道鄙事皆有全力而於金石尤重

鈔遠堂全集

序二

二

馬援武人能辨伏波將軍印文其後如鍾元常李北海有所揮染恒手自勒石意其時家傳習而人通曉故秦漢璽印遺于今日者靡不醇古工妙然未嘗沾沾以一藝名也宋元以來猶代自爲法 國朝則義取表重彰信不復問工拙乃一切委之役夫之手且古印有玉金白金中金鐵石諸品而今鑒範中金石印有官有私今官印自廷錫外無敢干

者而學士逸民精蟲魚蝌蚪之學皆殫其能于私印以標其長故今之側注縫衣長揖齒次遊公卿大夫之門者詞翰十八印章十二然正嘉以前尙無有哀然稱專家者稱之自長洲文氏新安何氏始而比者人挾一喙家宗一燈蜩蟬鼠璞不復可辨詰矣予束髮卽友明州張大木氏見所鏤刺心醉之而大木遊天下可三十餘年所交勝流名士莫可籍

妙遠堂全集

序二

二

記其評鑒如胡元瑞錢仲舉亦靡不推賞大木謂於此道有獨解深詣者蓋大木之言曰章莫重于法字莫重于致秦漢有秦漢法六朝有六朝法宋元有宋元法譬之於詩騷賦也漢魏也古選也三唐也如別淄澠弗可爽也遲遲春日鰾學歸藏昭明已前病之今使舉長慶之胎而蒙以黃初之面人寧薦之哉刀有別鋒非刀也筆有別構非筆也壁有之於

書或力可扛鼎或不堪塗鴉或譽跳虎或誚墨豬天授之性成之矣余反覆大木之論而越其辨其淵源深厚波瀾老成所繇來固遠耳嗟夫肩同而售偽浮慕而淺嘗此當世通病鼎起貴人呵嚙震路損數環於長安市上庸兒販夫皆得奏其技無貶詞而號爲墨池雅談之士又多強作解事語泛愛則怖葉公之龍刻舟則效壽陵之步大木獨兢兢挾持

妙遠堂全集

序二

四

古法心摹手追不肯但已宜其三十年遊天下猶抱虞齠知已之感也余於序大木印譜寔爲之投管三歎矣

程原仲鑒按序

余向從鄉閭師績溪胡中丞坐上初識原仲時原仲甫釋帖帖治青囊家言卽業青囊言者人人北面也自是余家霜露醉飽小失常曉夜以原仲爲命而原仲遊公卿間所至奏

奇效且被服儒雅卽之高朗冲夷故無不倒
屣原仲者原仲性警敏好爲深湛之思每察
脈候氣值所疑必冥討旁搜甚有竟夜不一
闔睫者已而躍然以通排衆議脫往蹊其捷
如桴鼓其陰如鬼神其難如摧堅城其易如
搖危葉今刻中所錄什九皆余所見所知者
然寔原仲千百之什一耳不沾沾以自名
也余嘗恠古人技道雙合神孤詣如史遷

妙遠堂全集

序二

所傳扁鵲倉意范蔚宗所傳華佗無論其設
藥下意今絕不知其解卽其時人所患苦與
其膈腑骨肉似與邇時迥不類者此無他血
氣之變無常而精神之用不至也以鑒喻國
人有恒言東方之患漸深矣郭玉所言治貴
人不能盡意有四難自任不在醫將身不謹
嗜慾無節好逸惡勞今彊事得微少類之原
仲雖入貲爲郎以一黃綬自隱然慷慨負當

世志頃條上邊議皆鑿鑿中情實非懸牛頭
列土龍者人安得以一青囊言蔽原仲卽欲
以一青囊言蔽原仲彼警敏好深湛之思如
茲錄所載已事詎易得哉詎易得哉

實政錄序

朱乘六明府之令新也再朞而政成當事者
競才明府謂西陽巖邑非明府不任寄疏於
朝移之新人悼失所怙恃走上都會城願如

妙遠堂全集

序二

六

漢河內故事借久治而會西陽亦亟欲得明
府明府始叱馭去新新之吏士父老以及幼
女稚子乃爭如西陽願明府得其起居談笑
狀歸相告邑中爲快已而復泣下相屬也明
府亦時時進新民與語煦煦如家人爲之計
生殖念疾疢不啻手摩而乳哺之暇時綜緝
所爲蒞新之牘曰實政錄者如許以械寄予
兄弟曰不殺無狀如此其何以報新民哉余

受牘未終篇撫而歎曰觀於此而知上下之
所以入也予幸以同籍久明府大抵明府仁
衷義質遇事焱發其嚴毅類屈突通其威猛
類西門豹而精勤瑩潔不啻戴星之期而投
錢之渭也姑撮其大者如藏巨寇于駒榻之
間爭加賦于竭澤之候下至修廢舉墜導養
作人抑何其諄至剴排乎語曰有治人無治
法夫亦視人所習耳昔廉頗爲燕將意恒在
妙遠堂全集 序二 七

梁明府德政錄序 代兄
梁明府宰盟津之三年其民謳于郊其士謳
于序亦旣彬彬多所誦述矣乃更哀所爲鴻
猷良法可垂不朽者壽之東萊介李生莊然
來問序于余余從史局後受公車之副夙熟
明府名比于瓊林玉樹而更于李生得明府
治盟津狀甚詳譬之于河凡崑崙以東扶桑
以西滙爲巨川析爲卑壑洸洋灝漭枯雲盪
妙遠堂全集 序二 八

趙曰我思用趙人明府之加惠於新當視錄
矣雖然以明府之身治新一世利也取明府
之治治新因而損益則效之百世利也矧明
府聲華在日月之際寧假以試之斤斧爲沾
沾第今後之人發策或爲新而討故實知此
彈丸情俗如指掌而因併知三代直道在單
赤如桴鼓影響其爲新重乃甚噫嘻又安見
明府之果爲去新也

霞無不可望而知如不佞之于明府而舟者
親其神旣者躬其潤汲者旨其味則李生之
謂也余信李生不佞益用知明府匪獨得民
能得士矣抑漢書所傳循吏甚備乃吳公守
洛下獨以治平第一稱其時于部中得賈誼
其人者隨傳車徵上長安迄今芬人齒頰盟
津固洛下支邑如明府治狀詎非今日吳公
李生寧無思自奮比跡長沙予以張明府之

伐而永邑人之思乎余不佞且握金篋之簡
俟之千秋矣是爲序

鄉賢曹公崇祀祿序

余初識徽垣曹君于長安時瑩然如行玉山
上已而稍進與定交通其家世知其母常太
孺人之以節婺稱而其尊人霽壽公之以長
者名里中也既常往來恒涿間復聞畿輔人
稱曹霽壽循吏狀迄今不衰未幾唐人士以

妙遠堂全集

序二

九

鄉先生沒而祀社之義僉推舉曹先生學使
者覈輿論傍懿典先生遂儼然俎豆宮牆中
矣昔漢宣帝念王渙洛陽之績勅有司歲修
其祠且錄其子石官之而朱邑自言我有德
于桐鄉子孫祀我不如桐鄉人祀我乃曹先
生之爲德霽壽何減于朱桐鄉而兼能使里
人感而祀之于身歿之後又且有今子如徽
垣自致通顯不徒假食先德爲進用地先生

所邁視王朱二君亦不倍莛隄隄勝乎哉徽垣
弱冠登朝如耀霸之始且文章政事往無不
宜錄此以言曹氏將日大矣

旌節曹母栢舟錄序

余讀趙世家高程嬰公孫之誼立孤殉死兩
人從容審決卒副所期輒爲廢卷欷歔也以
客事人可庸自擇且猶鬚眉丈夫耳若夫閨
閣黛笄之秀處勢不容諉之任當計無復之

妙遠堂全集

序二

十

之時而能較然不欺其志勵懿節昭鴻名如
茲傳所紀常太孺人事其難易又何如也易
曰地之道無成而代有終代終誠難言矣或
有圖無成或雖成不揚草木腐而禽犢愛者
可勝道哉霽壽公垂絕以子屬常太孺人太
孺人一身曹氏之鬼繫其餒食當時茹荼飲
血寧知其終成子之名還以自成其名有今
日哉故觀于常太孺人而知天人忠孝之理

宛轉鈔合也杵臼之言曰立孤難殉成易趙氏先君待子厚子勉爲其難者從一之義不可以厚薄論報然常需人所爲獨直其難而天所以成常需人獨居其厚天子復爲之隆其典侈其事以風天下之爲難者是需人一身又不獨曹氏繫重輕也讀是錄者可以觀可以勸可以奮蓋觀者在天人之際勸者在忠孝之關奮而酬遇亢宗則在曹氏之

抄遠堂全集

序二

十二

子若孫矣

宣大武舉錄序

代

國家公車之令三歲一舉介冑士亦如之而皆必於秋制也方鎮之役提衡於持斧使者會客歲宣雲直指久乏指不得行京山周公以丙辰被新命來南按部輒鰓鰓焉急于城免且之選集材官良家子三試之如司馬法籍其人以獻不佞某輩濫聞事宜有言夫升

士必秋而升於春變也非常也維癸丑先之矣爾諸士始鱗次待擇久乃淪其常期彼其時寧得無旁猜重望迫其舉之而後釋然也今日參視爲故事矣天下事有習安之而漸忘之者往往類是夫升士必於秋而乃於春亦猶夫談邇者言不於戰而乃於款何也皆變也非常也爾宣雲固款地也愚竊計之先皇帝決策定盟固謂於中國體恭大名恭尊

抄遠堂全集

序二

十二

聊取羈縻弗絕用爲修戰修備地實以款爲變也而今則恃爲常不寧以款爲常且以戰爲變以故虜受封焉則徃爲常要而始受則指爲變封而易我尙玩爲常庶孽之自爲蠹食自爲蠹動則駭爲變恐亦大失圖款初意矣蓋未有戰而可忘者也嘗試閱覽古今匈奴之禍盛于漢而陳湯班超之徒橫行異國刈其君長如刈枯管唐之土蕃回鶻時入汧

渭時創之二代寧必無患而不至于烈宋之
始輕其戰于契丹而國致瘠其終重其款于
金于遼而致危此豈戰之罪哉成敗之數可
覩也愚且與諸士稽雲中上谷往事李牧之
爲將也堅壁清野與虜不一矢相加遺日椎
牛酒饗士當時虜且侮其不能戰士亦憤其
不戰而卒然用之霆激焱發如飈如焚蓋息
而取之怒而奮之善於用戰非巧于避虜也

妙遠堂全集

序二

十三

今諸士生塞下其得保丘壠聚骨肉以有今
日何莫非 先皇帝之賜而今復用孫吳
言起家豈僅僅五表三餌彌縫其間足報稱
上意乎哉晉華林之會羣臣謂天下已平當
偃武修文而山公獨言不去兵評者謂其黠
與孫吳合慮變故也惟慮變乃可執常惟執
常乃可馭變惟善款乃能裕戰惟善戰乃能
制款爾諸士揣摩簡練之謂何矧諸士繇塞

而通所歷常變之途未有已也以聞抱鼓敢
決深入爲常願以觀望規度托之持重爲變
以枕戈裹革畢命不爲家爲常願以橫玉珥
貂澤身延世爲變以急病讓夷不盈不伐爲
常願以齟齬伊咍善傾曲詆爲變不然金注
則昏闕穴而捷一身之不足恃而何有于國
凡款凡戰皆敗道也大非我周公鯁鯁于城
鬼且意矣士之得舉其常也其不負舉乃不

妙遠堂全集

序二

十四

妨常而舉之變而舉之固足重也是役也

某

官

某官 例得備書

應天武舉鄉試錄序

代

上元年之十月郡國例應舉武試其在畿以
南者御史臺易公寔持斧臨之比以建醜陞
梁

上原本于武人之途積輕是以不兢至誕敷
明詔切大風猛士之思直指公奉將德意甚

飭有加合六郡材官良家子三試之決拾籌策如司馬法又奉

天子明詔比文闡功

令廣其額以收之得五十五人

其

濫竽執事

宜有言竊嘗觀

國家文武並進如大路

之輔兩輪寧遽有畸重輕而武人以承平久

不得不積輕者蓋氣摧于蒲伏叢假于寅緣

位置關于笑噸功罪格于文墨母亦積倚必

趨之勢乎抑武人自蹈于不足重以漸取輕

彭遠堂集

序二

十五

關穴集羶規便宜習謾設如懸棧之馬甘頰

而就勒銜也一旦咨嗟錯愕屋

聖明蒿

目拊髀之求矯觥輕爲騎重誠千載一時矣

比議者僉謂得非常之材如韓白卽且釋蔬

蹄夕建節旄亦固不可而四顧縣寓方斤斤

難其人愚竊以謂今日之役上必以輕予之

而後可以成其重下之人必自處于重始以

微重于上而畢用其輕以爲報塞則何也爵

祿名賞上所重也稽言考功量而後授上所

重也重于予則輕于擇毛舉瑕摘豪傑之生

幾何故欲以輕之意收之而士所重莫如身

至束身以惟上所使則崇勳奇節悉倒筐皮

而出焉故士見身重于家可以授命而忘家

矣見有用之身重于無用之身可以援抱鼓

而忘身矣蓋忘者輕之積極也下積其至輕

故重而上究受其重則不得不先予其輕亦

彭遠堂全集

序二

十六

矯偏之勢也古今立語登壇獨淮陰韓信蕭

何固云陛下拜大將如呼小兒蓋何素窺漢

高之推心善任故巧轉其機耳使常其時尙

之以良平而角之以嬰噲恐於淮陰不能無

異議也投於至輕之心而成其至重之禮何

不獨用信兼能用漢高矣關中之役疏綱濶

目以羅之較立語難易何似若五十人問豈

遂無一可翹然足當龜螭之佩者此直蒞公

報稱 明詔之微意乎第知人固不易矣

昔人論將五材八證其說甚明備而他如曰
季之知冀缺來敏之知費禕皆于其閒李白
之知汾陽宗澤之知武穆皆于其卒似乎挾
神遇之賞焉而以彎弧命中發策陳謨遽思
得非常之人寄壇坫亦幾太輕而或售羊公
之鶴臚葉公之龍矣雖然請譬之制科制科
以待章縫也而卿相錄以興積章縫而卿相

妙遠堂全集

序二

十七

非一日之重也顧精神所奮耳諸士生豐鎬
舊都休養暢遂一旦睹蚩尤書見烽火接于
甘泉察其神不能無憤憤 國耻之未湔
則宜爲吾國以重吾身憤民生之日蹙則宜
爲吾儕伍以重吾身憤胥溺之無日則宜爲
吾身吾家以重吾身區區寵祿位勢何啻一
毛而矧上虛非常之左席求我于彎弧命中
發策陳謨之間其自待宜何如者愚不能謂

五十五人之盡爲淮陰諸雄而亦不敢謂五

十五人之之盡無淮陰諸雄也何也時爲之
也嘗讀詩當周之中衰色警昏聩心憂寇虐
民勞與板之章何欻歔腴惻乎未幾宣王中
興文武之吉甫顯允之方叔武功爛焉于紀
載間意是時上以重求而下以重報惟謹謹
踟躕所以一憤而棲棲駸駸也今景運方隆
奴癘疥疾斷不至如周詩所慮而上勃然中

妙遠堂全集

序二

十八

與咨詢寤寐可謂敬天之怒不敢戲渝矣諸
士仰繹 明詔曲體直指公廣厲採擇盛
心以吉甫方叔自重亦惟此一時蓋銜遇酬
知宜於身無所不重定傾軋亂慷慨赴功名
之會宜於身無所不輟是自今以往登歌而
升之推轂而遣之皆上之日以重士而士所
爲日輕而忘其身之漸也諸士懋勉之哉六
月采芑行取以代答太風之歌矣

武舉鄉試錄後序 辛酉姑孰

天下有非其用而涉其途非其人而商其事
不亦相蒙之甚哉武人以技擊摧拉豪耳甫
釋三尺之筈而握以三寸之管使之駿等雕
蟲拾蠹代衡其得失短長之差即使士盡如
今之駿等所期潑墨成虹轉舌如電則世固
不乏古衣冠而揖人於九淵之溺者且將大
爲調詬安所得一當而任之是以之駿等奉

妙遠堂全集 序二 十九

臺檄于役相與忽然汗且飲冰也於是議稍
稍於尺幅間近而遠之以觀其氣曹劇之對
魯莊公曰戰勇氣也一鼓而盈再而衰三而
竭孫子亦曰朝氣銳暮氣墮漢人經春陵遙
歎曰鬱鬱蔥蔥氣佳哉釋者解之曰鬱蔥繇
鬱而浸暢也夫氣繇純而結繇約而通惟恒
盈恒銳斯其往也靡堅弗爲瑕靡罅弗能入
茲者縱觀諸士之籌策卽料敵審已未能盡

乎標智設奇不必盡中而其氣幾幾勃勃太
引之若巨浸之瀨洙而側軫之若羣突之細
組固可於尺幅間得其四五也此亦庶幾盈
而銳者之一遇乎蓋天下事孰者惟氣能持
之仆者惟氣能拄之齟者牙者惟氣能縫合
而膠紉之故善觀氣者不於其盈於其約諸
士生長畿南習聞

高皇帝初起時一切干城之傑熊羆不二心

妙遠堂全集 序二 二十

之臣皆奮起草澤中攀鱗附翼彼從吹簫販
繒宰肉椎埋之時氣先籠蓋一世矣不然試
引村翁牧豎衣之以繡黼而羣拜焉有反走
而啼耳某等卽不敢謂善相氣而俛得十之
四五於諸士尺幅間不欲圖醢鷄豚望之藩
以失魁奇俊乂之選諸士宜思所以用其氣
矣夫五行之沴也而害氣乘之六疾之末也
而淫氣蠱之此吹籥者之所暗移而投石者

之所卻步也諸生繇約而盈此日變盈而淪
 亦此日嘗考之月令王者以孟冬講武舉蒐
 獮之典斯時也游氛以歛萬寶以成故王者
 則而象之合肅殺厲清明也夫惟有清氣之
 守而後爲純氣之固此養勇者之所宜講矣
 諸士草茅被知遇繇姑孰左盼鍾草佳氣如
 虎如龍盈面盪銳豈特區區尺幅之能哉藉
 手以釋一日之媿幸甚葢撤闌之前一日有
 妙遠堂全集 序二 二五
 隼集于庭側日愁胡羣羽紛避某與同事相
 視而嘆禽之相制在氣非特爪距翎翮以爲
 武也嗟乎此公望之祥也於諸士更有厚期
 矣

妙遠堂文收集目錄

序三 詩文一

彭太史蒼雪齋詩集序

荆伯鸛三山遊草序

周象石先生詩集序

官孝廉遺草序

代

胡助之江南百詠序

林陽仲青山囊草序

妙遠堂全集 序三目錄

一

茗園集序

商孟和詩序

王亦芳廢詩草序

青

妙遠堂文集

新野馬

武陵樵

序三 詩文一

彭太史蒼雪齋詩集序

惟昔東觀北門之彥如劉崔閔覽燕許大手
皆足以散粉帝猷丹青冊府而不必兼長于
詩若夫唐山之閨秀蘇李之羈虜供奉拾遺

妙遠堂全集

序三

二

之間關亂離徽纒譏詬王江寧李新鄉之卑
散沉滯而傳其學者尊之若典型重之如彝
鼎則何以故意者詩之爲道祇以剔抉風雲
雕繪魚鳥無論用世者所不急亦以文章家
之別端或館閣大儒有所夷焉而弗嗜也
國朝挈文翰之柄專歸館閣他途謝不敢望
然亦往往具體之稱繁而顯門之業寡往如
劉文靖之抑李何論已他如長沙之敏公

宜之悻皆欲攘騷客之片長踞四聲之左席
而知者弗以畀也蓋詩主風握要于趣競勝
于韻使垂纓曳革效蟬緩之音繡棟珠題求
奇篠之致憂不相入理固宜然矣繇是言之
詩之途與文異閣館之文之詩復與他途異
涯同寵異寔難其人今何幸于吾用沉先生
見之先生夙慧早貴高峙著作之庭冲夷澹
遠其用莫倪其藏莫際往丙辰在都曾手一

妙遠堂全集

序三

三

編示不佞亦既參之伍之涵之泳之矣比休
澣之暇乃盡梓其生平所爲詩以傳不佞快
讀竟三日夜乃見先生空諸衆有獨出性靈
凡飛躍之情動植之理一經揮斤覺山水能
語草木能香蓋融才法于意先工精神于色
外昔人所謂彈丸脫手羚羊掛角又何以易
之不佞即黠淺不足以知先生竊謂先生性
空諸有所爲載之以趣擇之以韻有異乎張

積蒙蔓飯何詰曲之所爲使古今來劉崔燕
許所不能兼者至先生集其成又以信館閣
之詩之文盡逸人曲士之變而迄無異同美
斯傳傳斯久其奚疑哉蓋不佞嘗觀諸水矣
水潤萬物長百川天下皆尸其功然風之則
漪烟之則態月之則色世以趣與韻勝者莫
水若也故繇空諸衆有者以觀先生之詩而
知先生之空諸衆有其用不獨以詩敬題簡

妙遠堂全集

序三

四

端俟之他日

荆伯鸚三山遊草序

往伯鸚潤州時與予數相聞也予問之曰令
君無恙乎伯鸚曰我何知令知溯江而東瀨
滌黏天者海門也其喬然而峰翳焉而樹麗
靈焉而烟雲朝夕我風則柳月則觥饌則齋
醉則墨固樵人緇侶所狎而羣焉者也吾忘
潤州矣而客有書抵予曰否否伯鸚深于潤

妙遠堂全集

序三

五

州者也爰書以類次波委山積輪未午已掃
去四顧虛無人則手一青絲出之津貴之竿
尺望車門而遙却焉拊瘵剔蝨有徑法無徑
情三山之迹未旦而踵躡民之不能忘伯鸚
也甚于令余爲喑然咲夫伯鸚深于世者也
乃功令稍稍迹之矣嗟夫世操其可勝以參
不勝謂絲馬在我卽甚通人猶介二三尺組
夫且頸日黃我噫是可冷伯鸚哉使伯鸚出
入青蒲一席地必能瀝血諍面在關比朱汲
間芥水之迂卽霆號霆勢屹弗動奈何以一
令稱之古人未嘗廢吏卽率爾造事威風華
朕編袞而今重爲諱訖者之蠶尾無所伺以
中而據伯鸚三山迹謂且以三山忘潤州嗟
夫三山能祟人哉余見伯鸚未嘗不修色以
往而伯鸚色固加愉神加王曰予且忘三山
矣余曰子之風能柳月能觥饌能齋醉能墨

者無恙乎伯鸚曰以君之霸幸不隨腐鼠盡然予且亦忘世矣予數徵其詩歌數不應而暇日掌記者潛攜重篋來令君無長物賴有此耳而又半得之佛廬圍壁即使君將忘此矣予啟械而讀之爲竟日夜夫伯鸚詩名在人口所不必論乃終不敢論世獨所知者潤之不能忘令深于伯鸚耳夫宇內不終晦苟一旦環睨思折錯愕禦非常又奚能忘伯鸚

妙遠堂全集

序三

六

姑爲梓之而寓書報客曰嗟此伯鸚深于不
忘三山者也

周象石先生詩集序

大叅藩周象石先生填宛之暇出其詩授梓則自先生成進士後凡宦轍之所經地爲一編編爲一目余始爲之誦遊燕婉而裁雋而備態勃乎春茗之乍榮而瀏乎王雎之初轉也爲之誦燕山思深乎勞歌之餘斌斌文質

剗矣爲之誦襄國劇而不寒閤而不駭饒悲歌節烈之概其以郡風衷乎爲之誦勺塵漱流如布六花之陣而奇正開合惟麾是瞻也玉肪也劍鏘也而雷車之砰磕而霞錦之爛斑也爲之誦一喀梁父風水渙如鸞節秩如矣意到而象隨之情到而法與才隨之卓乎一家之言成矣馬子曰余觀唐宋薦紳大夫能雅談習聲詩者蓋與官同業焉白香山蘇子瞻歐陽永叔諸公以詩爲境而政從之政

妙遠堂全集

序三

七

文其詠詠之山川酬接之倫物升沉去留之歲月可按牘而稽躡影而數也如元魯山真文忠諸公以政爲境而詩文從之詩從于政故其擘劃之長剔抉之用憫世悲人之旨可叅比宮商推測齟齬而俛得其什九也至明乃稍稍夷于技然士錄觚槩起家多好飭以標所長故不必工焉輒詩而詩之爲

道其流弊又足以佚心志鄙案牘實客或
功令跡之矣故詩焉而不竟工也先生治術
通敏爲望郎爲良二千石爲名監司且暮取
開府節如寄耳而深沉鴻特以事比興風雅
之致固卓然成一家言也且地爲一編編爲
一日使覽者可以概先生之生平如鏡如譜
于以有比往賢而洙沾來彥端在斯編矣端
在斯編矣

妙遠堂全集

序三

八

官孝廉遺草序

代

才之用足以挾天地之要眇以傳吾所必至
而天地乃出其意外勝之故夫欽崎困頓歿
亡者皆天地揀其幻以絀才者也然出不必
恒於其偶故人又爭言不朽以闕其定官孝
廉質門余同籍友也工輔欬美風儀望之亭
亭如初陽之積玉甫弱冠領賢書得公車傳
聲餘聽爲詩歌又芳烈轡于羣嗜以爲舉千

里無戚趾而舉千秋無隱瞬者不數年孝廉
死死又不得下壽旣而其兄給舍公哀之爲
輯其遺詩一帙以託余傳訂余每讀未嘗不
泫泫泪承睫也嗟孝廉何以死昔之稱詩者
謂能窮人而極推其不虞能崇人然亦必枯
髯腐腸閱歲月而弃倫物者當之余楚人怨
而自殪亡如左法氏然逐臣故老之憔悴豈
翩翩少自喜者而胡以擬孝廉使孝廉委蛇

妙遠堂全集

序三

九

皇路隳華臚躋耄耄固耳目間極常事可不
死卽使孝廉竟困頓不遇亦復枯槁腐腸於
以綜屈氏之遺而擅藝林之豪傑不遲暮猶
可死今孝廉胡死也卽就遺詩叩之冷冷有
餘音而隆隆有餘骨法不必死乃孝廉竟死
死又不下壽宜乎給舍之悲非阿也矧夫物
有托慕而重者稽之鍛阮之履是托哀而重
者夫光之毛馬鬼之機中郎之典刑是乃孝

廉之死僅托此如掌之赫蹄以馳四方其輯而傳猶可已耶嗟嗟惠連擬步于落花子安謝年于松栢天下之悼孝廉者能誦其詩而凡誦孝廉詩亦還馮以見孝廉乃知天之所姑予以崇孝廉者端在此矣

胡助之江南百詠序

萬曆丙辰間長安多暇楊修齡柱史嘗大合名雋人修禪海浚李戚畹園時助之柳汁漬

妙遠堂全集

序三

十

裳溫然玉立也已助之拜姑孰李閨譽斐蹕輶軒簪橐之餘咳唾成集余以放逐再滯南服復得親其人讀其詩助之之言曰余不談詩而詩以江南經始卽向者偕子于戚里園未之嘗及也余詩或不盡于江南而舉江南之詠百以初考吾詩之成子試爲我論之余曰否否吾向者接助之席次于斜端栩栩揣知之矣夫詩靈于韻而溢于情譬彼已氏

之園卽飛樓綺錯霞標霧縹相糾蟠然翦綵以肖花而緡錢以開埒欲求其情韻之生動無有也若夫遵大川入名嶽見峯巒饒露之迹猿鳥悲喜之音雲烟生死明滅之狀而心手隨以遷有惝然自不能已者矣助之襟宇冲穆每于批紛定厯時作藻綠流丹想卽使捧之以牙纛隼旗閉之于曲房深邸以彼神韻猶將泛挾以出而况天割江以南界之漱

妙遠堂全集

序三

十一

液然則助之于江南不相得益相長耶杜少陵詩不始于蜀而識者謂夔州以後尤致微入神大蘇遊廬山還寄友人書僅僅得絕句四十五章耳助之詩以百詠紀成較之少陵似稍儉而于大蘇固不啻奢吾亦欲以季孟間處之助之許我否

林陽仲青山囊草序

林陽仲宰當塗青山屬其部內以故起居

仰嘻笑唾涕皆山也官餘輒詩詩成表之以
山夫青山之迹初著于謝朓太白南遊樂之
館于斯蛻于斯尸祝于斯山若分其重以系
太白者至陽仲乃苞舉之地有偏霧而代邁
其盛人有後起而提收其全理固宜如是哉
陽仲才情淵注宮商在衣履之間余嘗鑒披
其詩磊砢磅礴者得山之氣卓詭竚篠者得
山之情環合蛇演者得山之勢皺透黛倩者

妙遠堂全集

序三

十二

得山之色蓋山之處囊也久矣夫人厭城郭
則言山而鄙案牘則言詩此通人之所領受
而恒人之所浮托也浮托之者山與詩不得
不以名聽之而寔不在焉故嚴整或蒙嘲而
筆墨或冒辱惟有陽仲之詩乃無規于茲山
山既以實歸陽仲而名復藉以表其詩即用
太白郎官湖例例之誰云不可政恐謝李二
君地中未免色妬耳

荅園集序

古今文章得失不過兩端曰是與非而已然
非以譬是者也不足虞虞亂是者其似是也
詩道入至萬曆來號爲極盛學士大夫斤鉅
飭聲牙之習而原本性情經緯風雅方駿駿
明四始而紹二南而乃有似是之詩以冒真
而售贗其蟬緩也似溫柔其寂寥也似高簡
其萎颯也似深婉其膚末也似清曠而且腸

妙遠堂全集

序三

十三

肥腴溢仰天而唾曰詩在是夫猗頓張筵賈
胡列肆九品七菹之弗矜怡炫奇於豆粥水
機鮫杼之久仰而聞麗于奇光乃足貴耳豈
其空猷垂脰之夫而曳綬牟壺惡莫乃云吾
不屑爲彼所爲不亦冤乎矧夫詩之爲道致
精而易粗致峻而易濫者也嘗試離觀古人
之詩靡不含意筆先據色象外率然而夷澹
率然而短絕繫日夜研索欲求一深且長之

語易易而不可得乃知神境極則不可以貌
取力舉也是境也予何足以知之而今乃得
范東生先生東生爲性情風雅也寔先江左
之士鳴而其恒憂憂焉難之每同予闔題拈
韻以語未會心卽踉蹌輟去及興集神來取
辦于叉手擊鉢時亦復游思于九地九天不
輕落紙墨一語嘗卒業其茗園集高妙蕭散
若不復爲今之人以其合之求之者陶韋王

妙遠堂全集

序三

十四

孟岑賈鮮弗肖也而東生之爲東生自若卽
舉其不合者而欲卒然亡之而顯然瑕之無
有也斯不以林壑之逸響而吟咏之真準哉
東生每從予飲凡名山大川霸符怪牒絲肉
彝鼎異聞遐域之致無不縱橫談說而酒酣
耳熱每抱漆室之悲搥腕流涕一往而深嗟
夫喙者似鳳角者似鱗莖者似蘭瑩者似珠
其亂是也寧獨詩哉嗟夫東生休矣

商孟和詩序

癸丑夏予自燕之吳得孟和爲朝夕屏汰他
慮一意課詩孟和嘗謂予曰凡海內所稱大
詞人縱橫壇壝數十年名交與徧垓垓而
旣其殺青之業不能寸許卽未交臂吾心下
之若夫行盛贊人啟櫝而作騷賦白雲黃澤
郊廟饒歌等次第則吾不覺已伸腰眇目矣
此不足畏也予用其法驗之良然夫詩要歸

妙遠堂全集

序三

十五

于可傳耳草木昆蟲精神湛滿可以動天地
變日星矧人以三寸管入玄洞冥苟意至才
竭寧弗有千古如見者乃自匿其精神笑貌
取他人已傳之迹而尺尺寸寸之卽今毫髮
無遺肖顧其人亦自傳矣而安所容我此近
世詩文之陋習也孟和初爲詩取穠縟彫繪
少年負秣林盛名已折節鍾伯敬淡遠古質
之致名稍稍去之而比在吳中刻意賦詩詩

成衆輒譁然以爲未當孟和私心獨喜曰今
庶幾爲商生之詩哉予曰奈羣咻何孟和曰
吾吾不知已而毀寧惟不受不知已而譽尤
非所甘也吾苟晚四方于闕有曹能始于楚
有伯敬譚友夏于中原有吾子吾所得實多
不則于閉門得小友焉嗟乎大哉言獨以予
配諸君子則未安其云小友者孟和所納廣
陵姬人也偕隱秦淮上日扃戶弄筆研作墨

妙遠堂全集

序三

十六

蘭拂拂欲舞此其致已足傳矣

王亦房廢詩草序

善夫嚴氏之論詩也曰別趣非理別材非書
而又曰非多讀書盡窮理不能作予謂制義
之文字亦然今天下詩日賤矣而文獨日工
非由一代精神風會之所寄也文出而衆皆
爲可無所兄奇一不可而得失利鈍且立剗
霄淵卽售矣而可其所不可其所不可其

之公于一世者不能奪也持韻語示人無諛
詞輒介介見于色以爲不知已否且反唇而
詈隨之矣以故世之工詩者每不如其工文
而世之不能文者又往往逃之詩詩得不日
賤且靡靡也吾友王亦房異才絕世在百穀
先生衆嗣中最號象賢而所稱語又不必皆
肖百穀先生予採詩于吳獨心於亦房時以
文質旣已卒業其集復秀孤迥不落人牙

妙遠堂全集

序三

十七

後一語乃歎亦房之才具美兼通不可以偏
至寸長論也夫濂洛之理竺乾苦縣之理皆
理也而以之入文不能名何理先秦兩漢六
季三唐紀乘裨官之書皆書也而以之入文
不可名何書亦房妙得此解故卽法馭情卽
境繪色而時時靈襟涉遊戲不欲精湛廢其
解妍持是以往常無衡壘矣亦房以讀禮格
致試將北遊齊魯燕趙消其邑邑所覽頗益

廣將風氣益道也他日讀其詩當知其文子
於此兩道皆枵然無當少治博士家言自謂
稍具解識而謬以糠粃先收今每披一佳猗
不無見獵而喜且悔恨使假我三年豈止如
今日馬生者比甫解褐治詩又以拘繫吏事
不能一振靡靡之音還之大雅此責將在亦
房哉姑爲我語亦房詩得早譽且已之而以
此篇先務爲登峯絕頂庶異日不至如馬生

妙遠堂全集

序三

十八

沾沾撫卷且茫然悔恨也

青檜軒詩選序

吾友李叔賓自東髮工詩初刻有凌波社草
後有六李集最後有遊燕草東訪余于吳關
則手彙其詩若干卷受成于予予爲梓而傳
之而總題之曰青檜軒詩選乃叔賓必欲得
一言以導其首余切切然謝不敏夫習其人
而有侈辭則臆不可信也行其言而有諛稱

則徇不可徵也予雖有言烏足爲叔賓重而
卽覆案叔賓所著詩蓋初終且三變矣凌波
者劇于已者也意必笨而後選情語必迫而
後傳韻仰屋覆被穿石伐山蓋競勝于苦思
以取妍于羣賞六李者繩以人者也萃會稽
之竹聚玄圃之沙而括之汰之彬彬焉透十
扎照四乘矣比其遊燕至矣則材靡所弗庇
境靡所弗探穀紱徐展驚濤自飛蓋盡變于

妙遠堂全集

序三

十九

已而滙其妙于人也叔賓且不啻自重而
又奚所藉于予言雖然作者固難解人非易
予不暇詳論叔賓之詩而論叔賓之所繇爲
詩夫吾宛自漢唐以往乎予子山嘉州君平
之流亦稍寥寥絕風雅響矣中邨之詩草路
藍縷寔昉杏山先生子由襲美兩先生繼而
光大之而叔賓稱才子弟隱然握後勁以當
前茅今兩先生墓草且宿鉛槧之士汗漫寡

統今庶幾以叔賓鵠哉夫程古則射穀而師
心則斲輪清華者與江左而虞其中萎完樸
者與中原而虞其姿索劑而神明之則存乎
其人耳叔賓之爲重又寧獨自以其詩耶客
有從旁進者曰子之詞則嫵矣然叔賓有三
反而子不及何也叔賓儒趨女守似得洙泗
家法而汲心葦珠天竺之學胸富千古意似
不可一世而獨於雕蟲之技虛衷攻苦必求

妙遠堂全集

序三

二十

至當而後卽安善病却步似終日坐一匡床
不輕出而遇佳山水輒陟嶺窮僻流連忘返
不謂之反而何予曰有是哉予貌叔賓之詩
以三變而容貌叔賓之神以三反若是乎予
之不能爲叔賓重而叔賓之自爲重也客爲
不信請藏之謝羅山

妙遠堂文集 終

妙遠堂文冬集目錄

序四 詩文二

借竹軒四詩序

蘭言序

竹吹堂詩序

廣莫居詩序

吳惟初詩草序

白礪甫洛詞序

妙遠堂全集

序四目錄

一

張輝之 稿序

程凝之責髯齋詩序

春秋二房同門經義序 代兄

春秋二房同門稿序 代兄

合刻陳夏兩先生制義序 代

吳台卿制義序

妙遠堂文集

終

妙遠堂文冬集

新野馬之駿仲良著

姑孰曹履吉元甫閱

序四 詩文二

借竹軒四評序

客夏偕友人商孟和南征論詩竟日夜予戲
豎一義曰夫士必攻苦公車業于以揣摩聖
賢之唇脣傳其才藻而後可以盡文章之變

妙遠堂全集

序四

二

而後可以入詩孟和啞然曰此非子之言而
臨川義仍湯先生之言也客冬偶及楊修齡
杜史論人謬以爲人必孤癖疎誕明有可指
之病而後能遺艱荷鉅歷久遠發其晶光杜
史曰此非子之言而溫陵李先生之言也夫
臨川少治公車義以奇與冠絕一時去而治
詩復執牛耳而李先生者自以孤癖疏誕之
身發其剖乾裂坤之議才人韻士掇其餘藩

目空一世者不可勝計而予以爲今之公車
業似獨能用之何也以倒日洗窠之法日新
焉而未有極也帖括小技耳舉天下腐腸斷
髭枯毫入藥僅僅博一日之遇合乃以一日
之過行其生平之探咀而一人懸的萬人跋
射是非毀譽之權亦略相當迨乎日月游更
江河相委聲華銷歇離落空翻舉天下復能
覆案逆順之曰某也得某義某題惟某作所

妙遠堂全集

序四

三

謂代不數人人不數首名山之藏無媿而清
廟之響並宣又非人毀譽是非之所得爲也
嗟乎是道也主之以霸心而幹之以元氣以
治文文有定價以治詩詩有極則以治人人
有要歸夫士也亦治其是非毀譽之所不得
爲者足矣借竹四評竊取此義不徇名不取
盈惟吾意之所近以求其可悲可喜將無媿
于異日之可覆案者而已雖然予何能爲成

而懸之國門大書以謝當世曰此非予之言而吾師治生張先生之言也

蘭言序

馬子曰詩有四至而人力不與焉曰地曰人曰物曰候蓋比興騷雅之言與烟雲水石較近其地最不宜于都會而取友者不廢焉人萃故也語曰造適不及咲士何所慕提三寸管烏烏仰屋若咲有闕而必吐爲此其中厥

妙遠堂全集

序四

四

物主之然調有偏習鋒有孤詣竅有偶窺故候尤難言矣候之說昉于服食家曰火候明其成以漸也四時之序逝王寒暑既至亦曰候得微風會有必開哉予夏來抱安仁之慟意卒卒解歡會友人王亦房氏用曹監籍射策有司僥得而失之時時磊塊相過從率以酒爲日酒之餘卽寄之詩每拈一題各扃戶削觚意求獨勝已各相虞也或偶偵得佳句

又未嘗不色妬乃成而輒相賞狂咲復大醺
卜算也亦房嘗謂予曰今天下未有不售屨

者取途捷而享報奢故凡世宿名之久與獵名之暴者吾皆心疑而去之囊行卷一巾箱中字漉滅不敢輕示人示人而泛目之曰佳曰才子此其衷柵詞且游矣吾有苦心莫之喻而奚能得甘蓋今天下寔無詩非無詩也夫人而能爲詩也敢以質諸予予曰然與否

妙遠堂全集

序四

五

哉詩奚其無蓋爲詩者之無之也其弊在乎以同伐異以曹冒獨以似亂真昔持詩柄者率言尊氣格矣調非囂囂語非亢浪輒乙之不名爲行家已而尊性情者起而篡取之大羹不載嗜而羣嘿上者數句下者數字叅伍而錯出之寧渠令彼法心折耶大抵浪戰耳有人于此意恍然筆墨之外而法森然矩矱之中出之若未經有而咀之則後必可傳材

以副腕卽黃齋白雪指點皆虛神以領趣凡
臭腐神奇鑪錘不擇將足以當子之苦心獨
研而不向世人索解者乎亦房躍然曰吾嘗
與子飲矣其具爲杯爲杓前人之杯杓也其
質爲麴糜他人之麴糜也吾甫持竿而陶陶
然吾各有吾之適不予貸吾一日有吾一日
之適不我移青蓮詩曰但得醉中趣勿爲醒
者傳所稱勿傳者乃子之所謂候至而人力

不與者也刻兩人所偶和詩題曰蘭言因次
其語于首乙卯陽月下泮新野馬之駿題

竹吹堂詩序

余論詩取友海以內得二人焉曰吳門王亦
房新都汪遺民亦房之詩剗削靈秀遺民之
詩鮮絳菁英余婆娑其間歌而和之相樂也
亾何亦房夭折談者微病其詩過于刻露謂
宜不能致老壽而余獨謂不然夫轍不窮而

意無盡使竭其刻露之力久當務所欲兼一
入而苞蓄再入而深微度何足以限之然亦
房死世無復有爲亦房言者遺民苦思續學
又數年而竹吹堂詩出其自舉以向余曰少
日氣銳鋒溢每廣筵嚴韻取擊鉢立成老宿
咸辟易賞服漸入而知憂憂乎難之又漸入
而境日異心日空凡片意之近遠寸景之新
故隻字之沉揚靡不洗白滌窠礪斤準墨乃

至泱日始創一稿稿三四易卒非其本設者
余披繹其帙良然向所謂鮮絳逾蒼淵菁英
逾澹香衷百家而取材眇衆慮而標旨使分
其偏長餘慧人挾之皆足壇宇自豪遺民乃
能苞舉而精出之不佞耳目偏陋竊以爲當
吾之世舍遺民更無能爲遺民言者矣今談
詩之舌競起而迭新然天下得名之人與所
以得名之故皆非有遠絕不可測而幾也昔

龍門之史身歿乃貴少陵之集入宋始尊余
嘗謂此道心競力爭俱無所着要須苦思續
學持滿以俟之遺民所自舉甘苦生熟之候
有味乎其言之也白太傅少與微之齊名稱
元白晚與夢得齊名稱劉白余視二君何能
爲役然十年來筆墨風誼心口不能自欺言
念亦房墓楊可柱茲竹吹堂詩具在不搔首
問天上便須酌酒問地下耳

妙遠堂全集

序四

八

廣莫居詩序

古今詩品不一要先于洗脫窠臼雖如王籍
之學謝靈運皎然之學韋蘇州識者猶爲謾
詬重儷之謂不獨在書也吾友張大木奮起
明州明州之詩以大木家司馬導其源屠緯
真旅節暢其緒沈嘉則輩張其羽翼使大木
原之家庭師資耳目所甚便近其勢可以得
名卽使名不集焉亦庶幾有辭于閭黨之口

而大木不屑也所爲詩情韻蕭閒意象彌動
劇不落障輕不立膚項斯馬戴之間可以踞
左席矣大木森森如千尺松任俠多藝運斯
魏小篆於方石上足奪漢人之壘名甲海內
無兩印章道古無專家近世乃爭推新安何
長卿比來新安與非新安無不人人長卿者
人人長卿而失之異時必將以爲長卿善累
人矣大木爲詩耻勦其里豪宗碩又寧肯從

妙遠堂全集

序四

九

他郡國寄長卿籬落下其標勝行遠無怪也
大木詩系以廣莫蓋取漆園逍遙遊篇中大
樹語夫漆園之學出於子夏乃沈洋白恣成
一家言詩文脫洗此其山祖大木以此命名
深遠矣

吳惟初詩草序

渥洼之駒生而千里亦其氣具有之耳至夫
謹銜勒範馳驅尙待王良造父之御故對凡

骨當縱其所欲之而選逸足須裁其所必騁
用愛有淺深未可泥也新安吳惟初英英負
才所著村居三十首蒨蒨媚如幽花美箭
令人時發塵外之想其餘諸詩落筆卽成饒
歷塊減影之意三都霸瀨盡在錦囊惟初自
吳入楚久留鹿門峴首之間所倡和多朱郎
子侯忽投一漉滅刺叩我園樓不介而合此
其氣欲奄四部而狹九垓爲何如者昔僧齊

妙遠堂全集

序四

十

已謁韋蘇州擬蘇州所爲詩奏之韋不見賞
後出已調乃相推挹陽慶謂淳于意須忘其
故方始可教以新余何能望蘇州風調萬一
而竊以陽慶所期于淳于者舉似惟初知惟
初必能見鞭而馳也

白礪甫洛詞序

唐世以詩爲業行卷贄人正與今坊刻舉子
義等而古所稱處士如陶弘景盧鴻林逋魏

野其人皆膏肓泉石豹隱鴻冥無意於詩文
之名而名集之附所重也近代山林風雅代
不乏人而孫一元謝榛冠自余束髮交名雋
乃稍稍有盛衰矣夫行卷之遊日盛而處士
之詩日亾伊執其咎哉洛州白礪甫少乘諸
生卽工詩所著洛詞二卷大指皆揣摩意象
離去溟滓疑遠疑近可解不可解之間以求
肖乎古人之所爲使礪甫與今人競遊吾不

妙遠堂全集

序四

十一

敢知使礪甫與今人競詩長城寧易敵耶予
讀礪甫之刻徑而無弁嘗舉詢之其言曰生
晚毫鼓篋出入冠蓋嚴敷之場數十年矣擲
四本而引三都力詎弗得然謂竊滿卽於所
同如禪者之必求證記仙者之必資封位也
否卽青黃而鼓吹之多奚以當嗟夫礪甫之
識闊遠矣夫魏收藻舉徐陵有臧拙之譏信
明苦吟世翼有迴船之誚文士惛簿所遺不

齊爾爾不佞謬得幸於礪甫雖汗無能爲役
而比覩世之遊人色散舌吐漫遜泛應以爲
和雅其寔非短則僞耳礪甫沾沾自喜不知
者將用誦詆夫自靡而短且僞以胥於公母
寧自喜而詩存乎嗚呼此不佞所以心折礪
甫也

張輝之 稿序

輝之之南遊也嘗過不佞吳闕與快語竟日

妙遠堂全集

序四

十三

夜而徐察其色若微以病示者余嘗欲與僕
指吳門岩壑之美將尋筇杖蠟屐焉以比於
枚乘之濤孔章之檉而會日滿首治簿書未
暇也輝之別予則已泛洞庭上虎丘復能盡
其高深幽微之致以詩發之嘗一緘示予予
躍然稱善而過且走建業櫬三山六季長江
名都之勝實之一古錦囊中乃盡發其南來
詩以馳示予予既賞且歎之而悟曰向者輝

之之病坐苦吟耳今夫詩之爲道與遊相發
而與病爲近其人而無烟嵐艸木之變于胸
中者必其杜而不可運思者也其人而非瑯
鏤鏡鉢之真宰之用于紙上者又必其淺而
不可中程者也然耽遊而吟吟富而遊宜廣
耽吟而病病忘而吟始工二者相尋如環寔
無終始輝之將奚擇焉予鉅川坐山水窟中
每技癢不禁而反借以簿書之冗得以小間

妙遠堂全集

序四

十三

程凝之責韓齋詩序

余向譏吳關客過談次詎曰吳幾人不詩予
訝其言近謹客曰夫人而能爲詩是以詩亡
也詎不詩曰幾人貴之也余味其言嘗試觀
之能矯一世矜而爲局者一二人耳而羣照
而象之夫今之羣象者將授以後之羣冒者

也爲詩爲所詈下矣故能荆爲局與夫不爲
爲詈者可相悅而不可相非也余初識程凝
之魁岸挺持有俠丈夫之概讀其詩清泉漱
石高烟走雲有偏致而無斲氣予蒙不測凝
之所至知免于詈的矣凝之以責髯名齋取
秦子羽頭責之意而反之其言奇橫厲準于
昌黎昔人不云乎齒髮無關於神明髯要于
髮而逃于齒似可無厚責且余識凝之介自

潘生景升景升願間林林時作蚓毛碌而凝
之與掉鞅桃苑並驅爭先明矣其不必相非
也併及此爲髯解嘲

春秋二房同門經義序

代兄

夫人居長安中談天下事五方之士可方而
合卒然遘所親與言間閉故舊意覺其倍親
而口覺其倍詳公車之以書稅相質猶之居
長安談天下事也退而區區經論文猶其遘所

親談間閉故舊也麟經尤號孤簡如岷峨之
言蹲踞海南之言丹荔終歲意滿無可告語
一值某人齒頰焉刺刺不復已故諸君子之
力不盡于書義者必盡于經義以經義相諸
君子所覆躬尤不爽矣麟稅之弊今昔有之
昔以經例經敝今以書例經而亦敝例經者
貌取左國而染之淺易之手跬武相師但取
成篇無關創解乞人餘腐舍我寶山例書者
嘔心于書以餘力及經漫緩不收僅僅充數
鑒者間或賞其前不能不略其半以至經事
不相符合傳意不相流通夫麟之文有案有
斷有手有眼有攻有避焉可誣也三復諸君
子之言庶幾免是予之樂遘所親終日者誠
或有當也在昔服子慎杜征南諸子專有所
嗜遂各以一人名家今合諸君子之武庫在
是予授之鑰矣

春秋二房同門稿序 代兄

長安之市于廟也百貨畢呈五方爭鶩然適市者視其意所欲得而止否卽掉臂去耳客之浮嗜古者商周秦漢不自名而實人之口以爲賤而鼻之手之其不以賈售者什一矣夫且沾沾焉以歛識之完半絲蠶之存蝨是獎是矜習爲賈者之樂售也迎而奏諛焉其自是益壘不可攻且轉以是于人相須而之

妙遠堂全集

序四

十六

悞如波弗可挽已真能鑒古者不然朝笥而出夕捆而入緘藏以什襲展對以晨昏不因人之慕毀輒爲忻怫何者內足于賞故也余嘗一再入市見夫不終朝而唯恐弗售者賈者也遞低昂之遞取舍之而卒售者其器之聲光與人之解會恒畧相當或望之黯黯而卽之斑駁然奇匹四射異質中完終日在懸罔過而問俄而不轉盼又已捷收詢其所歸

必世之閎覽玄 士也乃知物賡而遇真而

遇遇之無常一也 真有常矣今夫列文于闡猶其列百貨于市也亦惟視其意所欲得而已余之竿濫是役急遯諸君子寔倍于諸君子之望遯每至朝旭未升夕陰重晦玄黃雜舉肺肝受鳴燭且欲泣筆且欲語几案且欲距踊聽耳目於鬼神焉而卒然願解如電灼斜如露沁膚不自覺其起舞冠纓欲絕也

妙遠堂全集

序四

十七

持示人有吐有咀盡人之嗜而覆之又覺無能易我者因歎性情心目各不相代如此迨出接之諸君子而灑然其自足于賞也又覆以諸君子夙昔之言禹金宣鼓敲雲走烟橫側各成嶽嶽四望乃逾有灑然者予之不稱爲真鑒固也而有以信諸君子之不爲賈古也轉而之天下予之鼻之神將告之余同年友李長叔奇快士客行其庭有訾其不蓄舊

玩者長叔大哈曰鑪吾取能熏者鑪吾取能
烹者杯盂吾取能酌者舊之一字生平之所
厭聞旨哉言野人耕于隴獲和氏之斷弓夏
后之殘璧墜而目眇曾不若鉏耒之適諸君
子之不爲賈古予信之其進而不徒爲真古
也長叔之言可念也夫

合刻陳夏兩先生制義序

代

陳公舉氏起閩海夏長卿氏起江左其間譽

妙遠堂全集

序四

十八

飛翥要皆天下才也公舉以一璫吏隱百寧
不佞既幸得朝夕其人而長卿罷公車之役
輒改轅二千里訪馬太史民部伯仲里門此
於誼甚高文之拔絕沈奧固其所也不佞已
旁睨局外而欣二君子躍然爲延津之合爲
各促其新草捐貲梓以傳二君子抽諸行笥
所得僅僅然安石之碎金吉光之片羽足以
炫見聞當賞識矣昔司馬長卿倦遊梁過薛

人臨邛令王吉謬爲恭敬卒成琴心之挑以
彼司馬才而不使噓其凌雲之氣俾程鄭知
取販仰徒市貌諛市重以恣其荒葢吉寔爲
匪交焉徐疑張祐並求薦于白蘇州各斷斷
不相下而香山左徐右祐致有遺譏杜牧之
所贈兩首詩輕萬戶侯之語頗損香山人倫
之鑒乃余心重兩君子皆天下才他日蜚英
踐華必且並驅爭先烏能置甲乙論第猶知

妙遠堂全集

序四

十九

行兩君子文以作新百寧人士耳目庶幾追
于臨邛謬恭之誚差自沾沾耳

吳台卿制義序

凡古今才士能盡文章之變者要必得力于
鬱而始滿志于快非必有屈折摧拉而然也
卽都華廡際昌明登高臨下獨卒卒有無端
之悲不必然之憤以填遏其胸中而後奇情
彩色所從溢焉今夫人之於文也方其目支

願湛專一不分出九天潛九地迫之而不可
卽引之而不可通則沾沾喜之比筆墨既落
而意移境遁矣試更陳之其中必若蔗滓滿
殼不可復理蓋小鬱則小快大鬱則大快此
其象于天爲深秋爲積陰于地爲窮微爲異
域于人爲女之失寵士之不過於水爲噓堤
滄滄感縮而不能越于風如觸垣嚙呴鏘鏘
而不忍去而天下之至文至情畢妍極態往

妙遠堂全集

序四

二十

往於此故凡不能鬱者皆其衷之枵然無物
者也陽羨吳台卿才士也席先世鼎湖衿詩
紳禮而不獲自致于功名負雋抱彊記博聞
年踰冠矣而屢宅憂不得試於有司暇過不
佞僕焉若疾淵然若懷乃獨其文則大快不
佞曰善承之天天相若于文也台卿故紆其
詞曰蒙竊有質焉慶卿之筑張顛之髮無與
相書劍事而一悲一怒至流涕濡墨也曷道

何故哉不佞曰巧于取快耳無他故也台卿
曰雖然先生何以益吾文不佞曰予固已言
之矣亦無他談

妙遠堂文集 終

妙遠堂全集 序四

十一

妙遠堂文藏集目錄

序五 贈賀一

賀大京兆董公榮膺覃恩誥蔭序 代兄

賀撫郾大中丞心翁陳公奏績加恩序

賀周學臺考績序 代

賀劉靜臺晉領右轄序

賀懷隆備兵使者充翁胡老師三載奏

續序

妙遠堂全集 序五目錄

賀邑侯霖蒼張公奏績馳封序

賀白鹿司父母屢膺臺薦序 代

邑侯司公考績序

邑侯司公考績序

妙遠堂文藏集目錄 終

妙遠堂文藏集

新野馬之駿仲良著

西陵來斯行道之閱

序五 贈賀一

賀大京兆董公榮膺覃恩誥蔭序 代兄

今制凡宮廷有大慶推廣德意敷恩先京朝

官而三品以上大臣得賞延于世尤號隆渥

有非外吏所敢萬一望者四明董公以江藩

妙遠堂全集 序五 二

左丞入尹京兆值上有虹樞之瑞得以新銜

受綸綍而擇長孫某入曹監齒髦俊于園橋

之間公歷敬藩臬有年先是曾拜三品之誥

者再是役也雖于國為懿典于公為固有而

獨上以近臣優公與公之子若孫繇公微世

臣寵于上者則為始事公屬吏治中劉君等

介子弟推不佞使言為公賀良以余弟出公

門而予為公舊政四履中人宜有以習公之

樞雖不嫻于辭無能謝也蓋嘗考京兆古右
內史其職以彈壓勳貴鋤剪豪彊爲整齊輦
下之任在漢世最雄緊如張敞之沐絮倚袍
鼓絕鳴延篤之拒梁冀市藥韓延壽至更不
忍欺趙廣漢摘伏如神王章飢侃上封事大
抵皆以威嚴武毅爲愉快而下逮唐宋甚且
以親王皇弟領之何重入明雖總
珩赤芾列于卿班然往往爲公卿借徑或建
妙遠堂全集 序五 三

葉筆無停濡而國計民岩咸秩秩于聲音色
象之表所條上方畧如秦越人視病鍼者鍼
石者石筋骨膚理無遁情如汎勝之談農桑
晴雨陰燥位向秣芟扶透切至言言家珍也
計公之一日鈎較五之籌想三之懷刺閉閣
十不得二目蒿唇敝不以言勞所知者或舉
以調公毳葛殊時酸辛殊嗜奈何以外之治
治內公胡廬曰吾性之弗可解也矣蓋公夙
爲望郎爲名督學爲赫赫監司大抵所至以
方嚴治辦去蟻封而卽莊馮宜六轡之如絲
耳今天下爲紳之士每每規經而處錚岐內
與外而二視之以故急外將以迎內而卸內
欲以距外又或身避就于職之外而心盈誦
于職之內賤漢文而貴推成所由來矣誠如
公所爲京兆而後京兆千百年之職卽播
在風謠趙張邊延豈能 哉夫有不二心之

臣可以治內可以治外有救時之乎致外之
治飭內以內之治控外且上以近臣優異公
而公第率外臣已試之效以爲靖共是不逾
足術乎雖然京兆固重任猶是獄市筆算有
司之餘技耳上固已簡在公旦夕昇建節鎮
方隅或虛六曹長貳席以待公將奚以應之
我知仍不改所治京兆之治治之而已彼三
命九命貴相望于庭文饒賈至世掌絲綸諸

妙遠堂全集

序五

五

嗚矢也

賀撫鄖大中丞心翁陳公奏績加恩序

鄖在楚西北陲連接開隴其地山巉巖而江
險惡叢箐曠土往羣不逞多營窟其中稔爲
亂嘉靖末廷議監司守令權輕不足資彈壓
特遣大中丞兼持四省節以填撫之後雖議

中廢而卒建府蓋恭重也武林陳公撫鄖之
三年奏三品績 天子褒嘉予誥赫如煥
如其在中原屬邑南陽令吳君等僉謀謁賀
而謬推不佞駿使布言不佞推不文又新屏
居田間義不當與戟門之間獨念于公爲年
家子又編于氓戶嘗從京邸一再接公顏色
揆分誼烏敢辭竊觀古大臣之處人國如日
麗天如水行地天下莫不傾輝仰沐而亦有

妙遠堂全集

序五

六

示有用之用有示不用之用夫庭宇節則思
耀肢體肇則思曝行者飲井田者潄泉其于
日之灼水之潤非有勞也而當之或私快偏
誣形領迹受乃如大明翔宇萬彙昭蘇江湖
環抱之偃動植滋秀現奇夥發豈必擇物而
功之乃見德哉宋寇萊公對虜使曰朝廷無
事北門鎖鑰非準不可其言雖涉權宜而古
大臣匪躬之忠險夷一節理實如此公之撫

鄭其職以繕卒徒備不虞也乃比者赤子漸
習憲典罔有跳踴以干斧斨者而公淵中博
外祛靜謐閑一切布以寬大相與休息南而
鄢郢西而蜀漢稟策杖箠千里同軌而不佞
宛人習宛事惟時時見公疏水旱剔蠹蠹拊
循百姓之疾苦凡兩郡十一邑之間自吏民
以至紅女無不人人如攀扶桑之溫而仰海
若之澤也斯固公鎖鑰之弘用哉且 國

妙遠堂全集

序五

七

制督撫得仗鉞專征古行師之任也嘗讀師
之辭曰剛中而應行險而順亦曰左次無咎
公以容民蓄衆之畧肩鎖鑰重寄固長子之
選矣蒞鄖以來組練精而不必試蒐獮熟而
不必禽迹復涉左次者以丈人之吉而得无
咎之象其三錫命被于師中烏足異哉是可
賀矣公繇小鳳起家晉爲中執法過以明發
之懷鹿裘烏几尚羊于湘山之間者十有餘

年而再起長臺班旋漪大僕以開鄖府蓋皆
類不用之用而公神完鋒淬如義輪之方中
溟渤之始漲其昭明傾洞寧有紀極或者又
疑 天子固旦夕詔公然今遠左告訑拊
髀急材司啟事者奈何仍以佐邦禁舉夫不
觀虞廷命臯陶之辭乎曰蠻夷猾夏汝作士
師大臣固有勅法明刑于內而建威銷萌于
外者非公又孰當之蓋表度日蠡測海小夫

妙遠堂全集

序五

八

之見也不佞獨謂公之用于國與國家褒公
用公有合于易書之旨乃敬述而奏之俾吳
君等得以往卽不佞于公爲年家子終不敢
啗緩以私薦矣

賀周學臺考績序

代

天子神京自炎漢前未有並建者卽姬公營
洛亦祇曰作大邑已耳逮光武東遷始置京
兆河南二尹唐宋因之遂有四京之目本朝

龍飛淮南與沛上同則今畱都卽古之京兆也

文皇帝起幽燕實多南陽故人繇是兩京並峙直做漢家而加詳焉何也漢第以畿輔屬司隸而不設刺史司隸得以非時譏覈意外卽今繡衣使者省方輦下之任然是時察孝秀舉方正秉鐸之職邈焉無聞宋乃置管勾西京國子官亦第如成均故事其于郡邑子

妙遠堂全集

序五

九

衿疇擁臯比而繩督之矧以柱史雄重嘉惠豐錫開二百餘襖菁莪盛事此非

聖祖曲軫湯沐不及此而蘭臺中膺此玆選者必積勞勩深著譽望久始克奉簡書以往前後在事諸君子雖名賢鉅卿項背相望而文武爲憲如吉甫其人者則惟我响嶠周公之視金陵學政也時迫棘闈期且無幾矣顧試僅閱月而八郡告峻比賢書出其得雋

者皆公所賞拔前茅士人已交口頌公之明他所片語一盼皆默就型埴而不自知以故江左南楚之風變飛揚而沉摯益秀治以冲融褒衣之彥知公綱文矣而猶未能悉公立躬行邊諸偉異也始公按宣雲再浹歲身籌兵食手飛金鼓卽卑嶽窮障靡不討軍實而訓定之偶額餉缺士將脫巾而呼公屢抗疏馳聞獲肯發帑金大資士士以帖然代邸溺

妙遠堂全集

序五

十

堯簞愛將以裨王開赤社舉朝非之公所建明論難最爲辨晰統系一正他藩無敢生心皆繫公力是賴凡在邊所著略至四十四疏至三十六魄力精采猶飲石梁有餘勁也公才殆天授乎余不佞嘗目擊辛亥以後亨天子高拱淵嘿難以控揣致縣寓脊脊多故而士大夫忤爭巷闕時自爲局人自爲腸公獨以淵識定力持其靡古道真心回其薄班

行中拱手而儀公者百喙如一口宜夫試之
武則武試之文則文其豐功偉烈班班尤如
此哉夫隨陸終灌往牒已多貽譏後賢之于
言路同異尤憂憂稱難昔白香山之善奇章
公也天下莫不聞至于維州悉怛謀事則必
右李文饒之議不難抗章諍之坡翁在元祐
處禁林每曰昔之君子惟荆是視今之君子
惟溫是隨雖所主不同而有所隨則一也余
妙遠堂全集 序五 十一
嘗掩卷歎息服白蘇二公固以文章照映千
古而能以一葦障狂瀾一拳作砥柱豪傑之
致今再見于我公故凡名公文名公武名公
氣節風槩皆得公膚貌耳其直以古人高世
之心行大人持世之用者耶公今已奏績書
上勳三錫拜命十乘啟行皆目前事何足以
爲侈而竊以爲天子分以文武試公既效矣
則必將合文武之責而畀諸公鴻龐之業隆

隆伊始矧公所造畿輔挾冊傳衣之輩皆分
公之精神以自靖共又合其才諳而爲幹濟
何釜鬻不能轉天下事之不可爲哉昔楊文
襄督學于晉最號得人用之五十年猶爲未
盡公試挈比殆或過之誠足以重舊京而掩
前代稱上作八至意甚都且休矣余幸與公
同梓里往爲宕渠李官時公正稱神君子渝
淵相得驩甚公先被徵書召入余亦相繼需
妙遠堂全集 序五 十二
次春明復得偕拜臺員通同籍之好持斧之
役載馳載驅半公之四履以佐下風彌有逢
生麻中之慶故知公爲古人爲大人今修爵
之詞寔撮其關於嚴寧邊隅之大言之不獨
沾沾臭味之私也
賀劉靜臺晉領右轄序
大方岳劉公之以右轄行也其民謳于野其
三老彥士謳于社其文武吏相與謳于其境

已而諸守令謝爲公行李重乃羣質諸子曰
不穀輩幸以一日誼事公惟母取吳簡書是
祈而公故寬之卽不穀輩爭自滌濯以弗卽
安于不肖而其稍材足自振者公且毋我傳
我匡我覆持我得一長輒頰流色溢若身見
之凡吾黨得藉手以無忝命圭固旦暮視公
爲命而胡奪之驟也俄有起而疑者曰公之
是遷爲公重抑重藩耶以地則大梁雖肘掖
妙遠堂全集 序五 十三

予姑驗之曰唯唯否否自公之來果張皇其
三尺朝討而夕訓之以東濕市名高抑鬼神
其言咲化下之人臆射而趾立爲淵深哉兩
者固亾有也余幸屬公編戶不得深覲其治
蹟而竊用賭公則詩酒遊宴之日恒半之乃
民用蒸蒸而吏用濯濯則何以故蓋公才巨
也才之用勞于分猷而逸于受成故紛則鎮
之閒斯其運廣閒則練之紛斯其養完羊之
帶謝之墅庾之胡牀其整暇不在肴膳也公
紛于宛而能鎮故守令得人罄其技無忤心
無留力及秩然告修舉公第爲之從中指攜
已閒定矣今脫紛而就閒所爲祛伏其神明
深沉其勇智部署其臆畧且奪公詩酒遊宴
之口而預練之苟一旦環顧邊腹思有以寄
節鉞劔履之任舍我公誰先者今日之優其
地而需之成者 廟寧不有微意哉于是諸

守令爲賦羔裘曰世世之望也有同心矣余
爲賦甘棠曰公所憩也其敢忘封殖公亦輒
然而起賦板之三章曰不佞于二三君子交
相成也今日之事寧唯重去我爲予賦鹿鳴
曰吾子命之矣閒而紛綽之請從事焉立盡
大斗驅車魯陽之關而別

賀懷隆備兵使者充翁胡老師三載奏

續序

妙遠堂全集

序五

十五

凡建天下非常之畫而不顧者其用在氣其
衡在品夫任以責効者也夫格以需成者也
聲以副實者也獨居其勤而衆冒其酬卽志
士或灰心焉矧羣諉而羣冒之一人焉且手
拮据而口卒瘡衆必以爲不祥以予所睹卽
才人通人未易免此而獨純臣則不然外大
吏則愆臬重然分省者其瑣屑纖悉皆有司
者任之大機宜利害率請成中丞御史臺而

後行以譬之車輻者輻輪者輪膏轄而轉之
差易易耳而分邊者則不然彼卒伍饑饉烽
稜城隍阡陌罔不捐捐焉與俱上俱下而所
取非羶羶則裨褫子其難又什百倍之以故
國制爲差次治邊者一考率當治省者再考
雖然非蠻厲掉鞅濶武賦中烏能勝而愉快
乎故治省有治省之習而治邊亦有治邊之
習焉乃吾師胡先生之治懷隆也高識鴻力

妙遠堂全集

序五

十六

赤衷白意合而罔所不宜不替月邊人嘔吟
之厥祠斧如厥碑翼如矣不佞之駿嘗迹其
貞珉之辭而讀之其頌先生難僕指算而大
約謂墾田通水利畝以三萬四千餘計遠斥
埃樹崇墉堞以數千計里以數十計而節縮
出入贏餘金錢以四萬餘計日請金矢及一
切軍需又以二萬餘計積穀以爲不虞謀者
復以二萬六千餘計嗟夫此所墾所樹者皆

昔人所謂堅瓠舉之恐不勝而任其蠹壞者也所積所蓄又常人所謂取諸胃懷而予之者也先生以銳氣將之振其靡而改其弊轍試計先生治事以來議寧必無桀舍衛寧必無處錚乃先生氣務沉而不驟盈政務實而不浮猥今且報三年滿矣夫三年者自先生視之始終如一日耳而其在邊之澤斷將利賴百世故取他人之治懷邊者銖兩之難

妙遠堂全集

序五

十七

真再考未必及先生然則先生之一考不足當四考乎哉其嘗從諸長老後聞譚吏治情壞謂救一時之宜宜令久住以收必臻之効間峻遷以開功名之門卽先生之品自定不貴報若市交或乘銓者懸大位以招一世舍先生奚鶴矣駿竊比擬先生之治懷隆約畧類召信臣之治南陽李牧之治雲中趙充國之治金城陶侃之治荊州而先生之勤國服

忠又大類王鹽山劉華容馬鈞陽之出入疆場時推以當代純臣誠哀然無兩蓋不佞駿已酉舉于鄉先生實奉命典鑒衡迫出門牆後時時謁函丈前湛於文章道德之華冷然當心也而先生之爲今官自武部郎出以故韜鈴劈割之畧如運之掌余友別駕杜生庇在先生屬以賀聞而微言不佞因屬墨卿籍之若此客或曰予之知若師以文而杜之知

妙遠堂全集

序五

十八

若師以武所頌爲純臣甚中乃文與武實所以純胡不之詳也之駿辟席受教曰唯唯蓋不佞竊好讀史古今朝所稱爲純臣大臣則必兼有文武矣

賀邑侯霖蒼張公奏績馳封序

位祿有崇卑名譽有彰昧因上之權哉而不知卽上之所以教也三載黜幽陟明法自虞廷始兩漢最爲加意吏治諸守令之賢者多

增秩賜金張皇璽書以勞勉之而甚至如卓
密縣茂王洛陽渙或奕世崇其祠或身後任
其子詎不懇懇鄭重哉而獨不聞推榮于其
親夫人之欲榮其親甚于欲榮其身此無論
于必伸之情無已之念未能深體婉導也且
使人貿身而遺親豈可以樹標縣鵠哉

國制考績必三年用虞制也然方其舉職一
持之以法不爲媼聒兒煦褻如綸之用迨及

妙遠堂全集

序五

十九

受成則必本原于所生使潛者揚賤者貴法
至善矣鄙城張公之宰吾邑也守介而氣和
惠密而致簡刑裁而惠醴不數月邑人謳謠
之公喟然曰得微子諛哉其色未嘗一日忘
臨谷而出入靡不戴星也甫蒞治理流聞上
郡郡伯信之上監司監司信之謙輕重之獄
不再移詞臧否之耳不旁寄奏興革之牘不
中格而公猶歔然曰得微子試哉居無何直

指使者疏公治狀聞于朝署考上上父
老文學磨集爲公慶而公終退然曰帆飽無
中折哉弓急無反彈哉擔遠無半弛哉予思
無以副上下之意爲家大人羞公之急榮于
親與不自有榮于身固如此已而報政成銓
司奏公績茂異援故事請 天子誕敷明

命褒予兩世鸞板犀文昭回雲漢公命服而
朝太公于寢太公被繡受之而後喜可知也

妙遠堂全集

序五

二十

蓋公必伸之情克遂而無已之念少紓也雖
然操奇居贏市夫之事也量予度反匹夫之
交也然負者且顏沮背標焉公仰而歷觴俯
而娛綵太公若曰使吾及此何以報吾君公
若曰使吾親與吾身及此何以報吾君則寧
有異術哉亦惟是以公之所爲父子者報之
而已夫必伸之情無已之念寔人人有同情
以之殖德亢宗則必不安爲敗類爲偷民以

之立政有教則必能爲綱其甚感予其甚忻
而禮樂軌物從出焉夫公之于太公子也而
視一邑之士庶則父也其吏舉也能父也其
親豫也能子也繇是而當州郡方岳之任猶
之其視爲父繇是而入交戟振鷺之班猶之
其視爲子則惟公所自致矣夫知公之爲密
縣茂洛陽渙一時之烈也繇此以思受績推
恩之法鼓勸厚而寓旨微俾知明吏治踰勝
妙遠堂全集 序五 二十二

賀白鹿司父母屢膺臺薦序

代

古長民而爲之宰者多選致之情因有非常
之迹如西門豹之投巫時苗之畱犢陸雲之
錄訟妻薛宣之牘貪猾孔翊之投囑託書戴
封之卧薪虞延之放囚何易于之焚茶詔董

宣之格主家奴也其人灼然行之無反顧其
民翕然頌之無異辭其上畫然用之無後言
卽漢最重考課薦舉法而亦不聞氣加毛舉
養奸而冒真以故爲之吏者率得信才法于
情事之外章章芬人齒牙而今乃大徑庭矣
踈令而上者以慮數十曹其權皆足以喜羽
毛而怒瘡痍又率多徵期會于符檄責疎密
于造請寄詞刺于徑竇故古之令精神一而

妙遠堂全集

序五

二十二

今之令精神常二早者寵嬖壁倚蛇行蟹伏
以當先爲逢同齟齬無當雖賢者精白承之
而不能不聽提衡于甲乙之令其或上之非
譽與民之從哪左而守吾官則譙在上工吾
事則譙在下規規焉奉一身而試兩的于是
乎常令之精神猶一而良令之精神恒三難
矣卽如所僂數往牒諸君子迹其行事使在
今日寧必無析撻詆病耶司侯之宰吾邑樸

東雋氣勁骨壯猷靡所不致而其大者在禁
絕六博蹋鞠無以游情耗閭閻資議稍稅私
錢以甦邇遞之困軍興調賦緩急中程市騎
選兵鼓舞以忠孝大義身數請命上官戴星
往返引潑水溉田教民植秔稻瀦洩隄防肇
畫皆自侯手單衣瘦馬周行哇囂間咨咨觀
析不置斥鹵之地驟登區鐘凡此皆類乎古
人所爲常令之所逡巡喁喁遜爲非常之原

妙遠堂全集

序五

二十三

者也侯旣灼然行之民亦翕然戴之矣亾何
填撫大中丞報命疏侯績于朝已而鄖之制
府及釐符屯田使者相繼採治狀達之天官
曹于以籍手上聞猶擬之耳旌書至邑之父
老子弟嘔吟拊舞者接于途蓋非慶侯知遇
之隆而謂上能知侯必使覃究乃續慶吾邑
之得長有侯也語曰兩姑之聞難爲婦在昔
悲下堂于織作探食性于小姑著之詩歌形

于諷歎而矧臨長非一人責治辨非一事使
侯當先爲途區區揣其衷而中之其智能或
出今人下而侯第調瀹吾苦甘綜貫我機杼
冥冥者已聽而賞之矣此顧不反易耶蓋孔
子之告子貢曰政在安上而致譽故章甫頌
而兆行彼婦謂而出走古之聖人必先計安
其身如此卽如所僂數往牒往君子亦其時
則易然矣非能有軼于孔子也侯之才旣撤

妙遠堂全集

序五

二十四

古人之所易而又能俛獲今人之所難計自
今以往侯所用子吾邑與天下之用于侯方
駸駸未有涯量雖謂以知遇之隆慶侯可矣
簿鄭君尉李君僉謀賀侯而謂不佞之言也
信爰次第籍之以代庭實

邑侯司公考績序

嘗考漢法舉士恒隨計吏上公車若官其土
者有方貢然何武爲刺史行部必先卽學宮

延見諸生試其誦論問以得失而文翁之於
蜀常袞之於閩咸患其地固陋無學或遣士
長安受書或卽本郡闢黌舍勤開導而王褒
歐陽之倫從出焉古人地以士重士以吏興
如斯宜其風教邅隆非後世刑名簞歛之治
可萬分一望也 國制禁庠士不得上書

言事於以厚其氣而發其深長之思然爲之
官師者非經術無繇進譬之草木其臭味矣

妙遠堂全集

序五

二十五

而寬者如奉驕子矯者苛暴賤簡如命役夫
如制新婦登枝而捐本吏法與士體究且兩
傷善乎蘇子瞻之論養士也曰戰國出于客
漢出于郡吏魏晉以來出于九品中正隋唐
以來出于科舉此其人勢不能惡衣食以養
人皆役人以自養而深歎秦不能爲之所如
縱百萬虎狼于山林而饑渴之斯言也爲天
下言爲一邑言俱無不可何也周舍有言千

夫之諾諾不如一士之諤諤今夫飛之有孔

鸞鸚翠也走之有犀豹獵虎也皆魁然自異

者也以鷄鶩之食食孔鸞鸚翠而以羊豕之

豢豢犀豹獵虎必心傷而脂棘人知其不可

矣凡民也而士凡士也而才吾異日所爲貢

于庭觀于國於是焉賴乃無所以鑒別而示

之重其聰明之壅塞綱領之倒持可勝旣乎

歲壬戌直指丘公來按中土丘公言語文章

妙遠堂全集

序五

二十六

妙天下而於舉子業一途尤有特授神解採
風之役所賞識者率非曹所好惡者也一時
人或遂巡不解所謂而獨吾邑司侯曰然又
或叅伍而覆射之曰某宜甲某宜乙已而丘
公報之如其衡靡有爽者丘公遴新士十餘
人月三課之司侯爲厚其脩重其體貌霽色
而誘之溫詞而勉之人人皆以爲親已屆課
期輒開後堂延士張燈呼酒誦繹瀾翻樹勝

場疏疑府士躍然振起冷然當心人人如卽
丘公也然丘公察吏與察士同密而所僕指
兩河循良殊卓之品必向人首舉曰新野新
野云然者人乃益歎服侯於丘公一德同心
針水契而函蓋合矣會侯報三年最徵明詔
推榮所生聞邑爭庭賀侯門下士梁生輩來
謁余言余謂士翹然自異以當知己夫誠欲
有所用之也昔人謂拔十可望得五計侯非
妙遠堂全集 序五 三七

邑侯司公考績序

吾邑司侯三年報政成拜上恩予卽偕馳榮
兩尊人如令甲不佞輩從邑縉紳長老後業
薦其欸欸之愚佐羔鴈矣庠諸生復僕而請
曰侯之於邑也其容天也其臨父也而士兼
師之侯之於邑也其潤海也其養母也而士
兼誨之惟先生三寸之管以代蒙三尺之喙
余爲難而後復之生固有所私德于侯乎請
徵其實則又羣對曰侯智足照臨仁足涵育
妙遠堂全集 序五 三八

春秋頒宮之祀牲脰肥循無不備也邊豆有
儼亾不省也漏未絕端見秉穀圭風雨寒暑
進止不失度其狀顯印其儀貫習此侯之身
教也堂皇擊斷之餘士執經問難如叩洪鐘
如鑒止水微詞滯義得片語卽有奇悟侯又
不鄙夷固陋廣之以三墳五典六季兩漢之
書其英可咀其實可蹈此侯之言教也歲較
童子甫受卷竣卽獨居別署緝定朱墨并下

嚴門壯謝無納尺書所拔擢必先才穎而在
單寒文體蒸變有與兩造之言者引公衷義
使無紉體無長傲又每貸貧振窮獎不及而
翼無告以故氣志日奮而穀率日嚴此侯之
意教也屬直指使者選士之雋者十人月凡
三試侯謂散而倫不如聚而覈屆期每引列
後署督課之文成呼醪構相勞苦寬衣對榻
畧去苛禮藏鈎投雉極談笑獻酬之歡念邑

妙遠堂全集

序五

二十九

乘蕪敝舉六士爲檢閱掌故乘一新有良史
風始有禮聘終有報謝一惟鈎體此公之色
於也凡此皆邑之所知而士之所私矣余爲
作而歎曰信哉侯孚化之深如斯乎古人爲
政恒後簿牒而先教化而尤最重禮士子產
不毀鄉校令遊者議可否以備執政之擇子
賤爲單父取父事三人取兄事五人取友事
十一人以故聲教翊洽而孔子稱之陳蕃爲

豫章不煥席式徐穉之廬何汲汲也晚近仕
者恒泰越其民而臣僕其士貴倨則主帝聞
兒也暴仇則墜淵生瘡也粉飾文具則塗墮
木駟也情實隱蔽而不聞編紀衰歟而無序
江河之下將奚底止如諸生所稱吾司侯詎
非經術之實用而循良之殊倫哉余因詳述
其詞而直布之以爲侯賀知侯不以陽鱉

妙遠堂全集

序五

三十

妙遠堂文閣集目錄

序六 贈賀二

賀邑侯司公屢膺臺薦序

賀邑大夫白鹿司公屢膺薦劄序

賀邑大夫白鹿司公奏績貤封序

賀張忠鼎先生舉子序

賀邑博士張君膺臺獎序

賀邑博士陳公榮膺薦劄序

少遠堂全集 序六目錄

賀北有高君三考榮滿題授冠帶序

賀乾岡戴君筦庫榮滿序

贈海濱邢君序

妙遠堂文閣集

新野馬之駿仲良著

竟陵李純元長叔閣

序六 贈賀二

賀邑侯司公屢膺臺薦序

尼父有言不獲乎上民不可得而治嗚呼寧

惟不可以治民也且不可以長士民蚩蚩耳

士乃縫衣韋帶以稱魯諸生道先王之言而

妙遠堂全集 序六

分半庭之禮銅墨爲之長者無不自起家諸

生而一旦嶽嶽焉坐臯比臨之故其情好規

于所甚暱其恩往往濟于無可加又士多迷

聽臆射後言何中丞御史臺何監司郡守廉

問是非之狀而語焉不必其詳設非立重震

于厥心則譁然謂何中丞御史臺有所不與

于吾君者予以誣張曹附而離邊動推二三

父老之志姦究泚以號令失據卽無離邊動

搖父老之志則目眵腹誹是無不自起家諸
生者何所操重而一旦嶽嶽焉坐臯比臨我
也又其甚者羣走大吏之庭卑陬操詔持兩
端以爲嘗事行則挈左責償不行則居厚而
以德市我故長與士聲相藉恒職相失亦不
得治民之大槩矣蓋善爲長者煦焉親士而
漠焉使無可是非毀譽其間第爲謹科條尊
坊表六物九德鼓舞于不倦之途士所效于

妙遠堂全集

序六

三

長者惟是通歲時之慨達忠敬之實而不及
其他夫然情志流耳目肅嗚呼是可以不獲
上致耶白鹿司公宰邑之三年諸中丞御史
臺稱引治狀疏薦于天子之前讀將十
餘上其他遺書勞苦者道相屬也爲之士者
上則吮墨懷丹質疑送難雍容函丈多鈞深
致遠之思次亦束身畫地冀以醇謹當公知
而其餘亦卽安于田里出入于膠序閭閻耳

雅雅耳無所得是時毀譽之端相驚以告也
侯信于民則退而頌于野侯譽于上則進而
賀于階以爲吾所通于歲時達于忠敬者宜
如是止此其薰蒸悚懾豈聲音輦笑之間耶
夫知長士知治民矣蓋是役也博士陳君輩
以授簡不佞而不佞爲道宓子賤魯恭之爲
人也子賤爲單父所師事若而人所友事若
而人然輿輪輒吸無取于陽鱗魯恭爲中牟

妙遠堂全集

序六

四

薦名士主乃徵詣公車至于三公所舉同擢
嗟夫士與事誠各以自重誠交相爲重哉

韓賀邑大夫白鹿司公屢膺薦剡序

今天下猶脊脊多事哉東弊于奴西絀于蜀
菟乘增賦闕左懸然一切詰責治辦無不于
鄴邑之長而邑尤親重在輦掖邊陲間者則
有蜚挽輓運之勞芻蕘函鏃之費僻而陋至
莫可以自立民耳目易相驚其孔道踐更又

多弓刀韋韠之所出入羊貪狼狼易釀非常
之憂令之難何翅什百曩時而當事者顧蒿
目歎乏才也近讀臺瓚及持衡者所條上守
令議重其典燬其辭澄簡其品流恢遠其程
效詎不謂磨世之一砥哉然而時情非有難
測士君子屏息嘔心冀一旦乘風雲之氣摠
爲龍鵷耳然無人乎天子之側則不得于天
子無人乎上官之側則不得于上官其他簿

妙遠堂全集

序六

五

書造請過賓游士一筭器食之供一顰咲俯
仰之失舉得嘗爲鵷媒而開狴狴之口自非
腰如栝棧智如炙輠胸如豁谷亦安能免于
季布之歎而希卽墨之封時艱才難惟時愈
艱則才愈難所由來非一日矣新之爲邑逃
于遠而過蜀旣不獲比于僻陋以自解免而
其衝適當南北襟喉鍵闡之區自吾白鹿司
侯來蒞事之三年則誌如瑟如盤如組如矣

侯邢魏雋士所與縑素琴樽相爲駘蕩耳

旦腰銀青而手金粟人謂是且旁眺中煩取
委蛇醇悶之致侯乃精焚其心志日舉國之
典章民之疾苦而鰓鰓焉覲析之乃爲周諮
漢晉陂水故道大播諸河沃田秔稻滋暢乃
爲調騶卒之祿俾逸于息肩而無令困乏往
來之行李乃爲挈租緩急以時無鞭撻權衡
之害乃爲除市墾私賦無以駟獫塵索裝乃

妙遠堂全集

序六

六

爲禁游惰鋤毘頑無以猥莠蠹我嘉禾乃爲
修備詰戎以固吾圉乃衆寡無慢大小之獄
必以情門以內若積水而門以外如懸鑑又
其大者楚援兵開于襄邑幾隣震侯沉幾密
筭善禮其長而衽席過其師卒享安靜之福
西帥之趨幕府者冥行蹂踐大誅賄侯令列
白挺以侯之脫蹕張卽拊之耳帥歛手行郵
以不病邑之人乃謳吟鼓舞于道以爲天

寵吾新乃私之以侯也居無何大中丞巡方使者後先得代各疏于朝若言以觀中州吏治無如新野令最者願上以備板擢屯田使者復專疏言海內吏治以屯田最者僅若而人而新野之令褒然其中邑之人復耳屬目屬以相報曰諸大吏誠寵新私之以侯而侯亦輾然自快曰庶幾畢吾志以撫綏茲土之父兄子弟乎諸大夫命之矣嗟夫得侯于今

妙遠堂全集

序六

七

時天耶人耶磨礪乏令懸諸日星倘必旌瑰異之品以濟時艱舍侯其誰哉抑不佞竊聞之精神之爲用至不一也有入于一官一地而效者黃公次之米鹽瑣屑亭樹豬子如數如睹者是也有出于一官一地而效者孔公二十九醉勝人二十九醒顧愷之垂簾韋應物焚香掃地是也有出入于一官一地而知其無所不效者陳平割肉思宰天下陳蕃不

事一室言丈夫當掃除四海是不佞輩幸獲數從侯讌遊談及奴酋狂逞奢樊僭叛時諸有封疆民社之司者望塵抱頭竄匿輒髮支目裂申申詈以非人矣又問與商兵食戰守之以異同甲乙之論靡不灑然于心瞭焉于掌噫嘻天子卽用諸大吏汲引知侯治狀不佞輩誠不敢以一邑私侯矣

賀邑大夫白鹿司公奏績貤封序

妙遠堂全集

序六

八

司大夫宰新野之三年報政如往例兩河撫巡大吏採大夫治狀異等疏聞於朝天子付所司覈之信以一命之服命大夫疏父爵如子官贈封大夫母若妻爲太孺人孺人如令甲勅書至大夫朝服郊迎邑薦紳孝秀三老庶士班庭賀乃相顧以屬不佞某曰大慶也不可無言不佞肅進曰夫三年報政而爵之何居乎曰信之也以代民報稱也人

無不可致于親而不獲乎天子賤者必不能使之貴故仕者寧自顯庸殆亦慰明發永孝思也天子既爲民樹吏迨保民而寵嘉之爲曲體其意之所至而權之所不得爲夫故使惕焉朝夕俾無卽於悖淫磨勵鼓舞之法何其婉而神微而盡也然必待三年何居曰信之以一日不若信以三年之貞且著也而且爲撫巡以鎮之監司守倅以綱之蓋時有所

不遽信而遞屬其聽睹以逮乎民明其難幾而知勉也今大夫旣信于天子矣問何術之據曰信于民蓋大夫嘗有意乎興水利矣諗于衆而善爲請於大吏跋涉眊眊疲神奮錡舉湮導滯罔不就緒而民翕然信之大夫嘗有意乎卹郵傳矣諗于衆而善爲請于大吏濫者裁剋者代枵不飽者爲斟劑補益而民翕然信之大夫又嘗有意乎輕緩贖清賄賈

正民俗平獄情矣諗于衆而善爲請于大吏如引明燭如斷亂絲如茹苦藥如扇溫風而民翕然信之嗟夫人無不可信于下于上而有時乎不信者毀譽亂之也然賢俊之士往往妙于所轉徐邈當毛崔用事時人皆變易車服以求名高而邈不改其常人目之爲通迨其後天下奢靡而邈雅尚自若人目之爲介此以已轉毀譽于世者也季布之告孝文

曰以人一言而召臣復以人一言而去臣恐識者有以闕陛下此轉毀譽已于上者也齊王因左右謗而封卽墨長以左右譽而烹阿大夫是轉毀譽用毀譽以詔于國者也今毀譽人者若曰吾力能間之使不信于大吏大吏能力間之不信于天子然民之情實卒不能枉故躁而轉毀譽于人不若俯而轉于民也今大夫以三年信矣是三年以前皆上

所不遽信而聽觀之日也難爲也而既信之
命之矣自今以往有所用于大夫究利焉痺
害焉上必曰信吾祝所爲新野者人將有病
于大夫上必曰否吾信所爲新野者其究能
使毀譽之口漸然而響銷毀譽之人廢然而
腸冷大夫俯仰君親生榮而歿靈其亦可快
然自信矣或又曰若是彈丸邑而大夫以三
年淹不惟久乎余曰否否廟堂懸鞞鐸以待

妙遠堂全集

序六

士

賢者頃方修舉舊典歲一發登延之綸上既
信大夫行將召而拜之吾姑退而聽于野其
可矣邑薦紳籍是說而獻之大夫用以代祝
史先乘章焉

賀張忠鼎先生舉子序

忠鼎先生自解崇明歸卽卜居于城之西偏
與予近而又爲晤園郭外在予聊園之南相
望僅數十武予兄弟得時時過從無間忠鼎

之爲晤園也構精廬祀古先生日延高衲科
誦其間而旁則拓池架橋維蔣花竹每春之
晨冬之夜月佳風快輒折簡召余兄弟修高
陽之政呼盧潑墨以爲常顧文酒竺乾之理
久不與邑人士耳目習則相率而疑曰忠鼎
夙艱胤茲特皈命西方以勝之而或又曰忠
鼎崇明之誣出意外牢騷公所寄將以醉國
代行吟也忠鼎噤然曰否否馬氏二良知我

妙遠堂全集

序六

十二

而余亦斷謂忠鼎意不出此第是時忠鼎寔
乏嗣亦不無幾微憾顏色而余兄弟粗能勦
宗門膚說謂宜付之定業歸之真空然忠鼎
之事樞施薰修益力矣未幾予北行忠鼎忽
馳書云後房有夢蘭者予亦効爲色喜未幾
而忠鼎果連舉丈夫子一女子一何之疑者
又啗啗信其說曰忠鼎之皈命西方良驗而
忠鼎又書馳予自喜甚曰我何知一官幸簪

此三尺以無爲宗祧憂惟知已是慰子因而
竊信忠鼎之必有子子之必昌也蓋儒者專
言定理而釋氏始兼論福田若萬石三槐實
椿鄧桂世所艷美以戢穀餘慶能食其所貽
然漢之伯道唐之摩詰香山彼寧有人道憾
而顧斯焉斯此將何所衷毘耶諦取無生而
于種福識臯又不啻詳割寧獨有漏因哉夫
理定者以餘造身而業定者以身造餘通之
妙遠堂全集 序六 十三

牀頭數卷矣吾因是而竊信忠鼎之必有子
子之必昌也雖然客有以陸宗伯之說進者
乎宗伯爲雲間平泉先生精禪觀逾艾始舉
子能目睹其成進士享綵衣之奉者且二十
年忠鼎所爲德廣狹不可知而舉子之算若
差次焉勉矣忠鼎益精進無退轉姑存子說
俟之或者猶愈于尋常湯餅筵中語也

賀邑博士張君膺臺獎序

遊無出里官無改術實無違聲三者人情之
所快也而仕版遽之尤難殉身七尺之組鯨
波鳥道與上與下以有涯之智而御無方之
民非其素嘗鮮不格矣矧臨而據我上者以
數十曹我精白其意以求中喜怒羽毛瘡痍
變幻在彈指間安能印首揚眉恬然以竟其
抱蘊乎故曰三者尤仕版之所難遽也博士
官雖在卑格然其選清貴法當得以本省人

任且所職自伶裾茲誦之外無有以撓濁其
神者第爲類夥而堊程迫令長而上咸得以
月旦持短長欲英英自拔如棟沙得金礪石
取璐才什百一二耳以故博士之官不難于
職內而難于職外乃如渭東張君豈非尤異
特達者哉君以名家子負幼清之譽固已茂
先遜其閱覽安世謝其淹通而以數奇不逢
僅棲于枳乃振鐸得吾邑吾邑去君家僅三

妙遠堂全集

序六

十五

百里而遙間里之豐凶親串之聘問半旬日
輒一相聞下至牢醴腊醢蔬茹粧每耗一
駃騠力悉可捆載而移之官而君身中繩度
經師人師咸饒爲之每度肅俎豆督厲諸生
見之者未嘗不神悚意消忘其感入之捷也
以故余邑安君君亦甚安其官居無何臺使
者之旌檄且下矣漢制公車令貢士至有與
諸生同日俱賜爲郎者宋胡先生教授湖州

時其所設規格章程天下聞以爲法以君遠
到之才入長六館出宰百里方旦暮次之豈
區區一旌檄足爲寵榮而第錄此見上官知
君君能自拔以當上官之知不必鞠臆僂僂
求中臨我者之喜怒而得一意發抒自淑淑
人于于然出入朝夕所稱遊無出里官無改
術實無違聲庶幾哉交值而獨旨其味詎非
人生之適境而仕版之嘉遇哉是可賀矣君

妙遠堂全集

序六

十六

兄方伯岐東先生與先大夫同奉丁丑對余
又用郡國錯繡風熟君穎異名遂因諸生之
請而樂爲授簡如此君聞之或引滿自笑曰
寒瓊况如積水馬先生乃以卮言薦豈飽芻
豢者反涎墮藜羹也計諸生必反觴而疇之
矣

賀邑博士陳公榮膺薦剡序

下所謂教學半者惟師儒之官爲然而

往往以明經久次者待除日暮途遠則行逆
施以故能自拔于泥淖者殊寡惟孝廉需次
公車者用爲借逕然恒謂吾所用於世者遠
隱然自規以爲重而上之人亦多疏節濶目
以遇之於是乎筐篚包匭無不營也徑竇嗽
蟻無不禱也突梯俯仰無不事也功令近且
日厲臺使按部加意廉採條爲之舉刺而攝
符蒞民者尤一切毛舉癡索之甚至有一肯

妙遠堂全集

序六

十七

註誤終身報罷者矣蓋始未嘗不清貴其品
而寢乃陵夷也景會陳公以八閩奇士登簡
能書天性孝友蓬蘽之居汙邪之產推與諸
弟季共之蓋一門之中衣無常主兒無常父
矣擁一瓊來蒞吾邑卽其色溫然聽其語斐
然諸弟子執經問奇如巨挺發洪鍾人人各
滿意去公時亦下帷攻苦伊吾之聲丙夜與
齋鍾相和也學使者旣竣試諸新隸弟子籍

者例先執雉而後肅衣冠賓于庠公於束脯
多寡無所問赤貧者憐而撫之陋習頽風前
刷殆盡公治胡氏春秋號謹嚴精密又旁通
攻古文詞閱覽博物饒勝情高致啣觴揮麈
令人解頤家載海珍奇味至輒爲具召門下
諸生飲抵掌談詡燭不屢跋不休以故上而
監司令次之鄉邦大夫罔不見公輪寫欽挹
謂當於古賢豪間求之而公遇人無貴賤衆

妙遠堂全集

序六

十八

寡坦然行其冒懷澄之不清淆之不濁誠如
黃叔度有令人望之意消者矣昔韓退之爲
國子先生著進學解其旨似猶感慨滯淫與
答賓解嘲相類近世如翁宗伯祝尙璽皆錄
廣文起家至袁然魁臚鳴然聞其秉鐸時多
遵輕薄長令以白眼睥睨之未聞所至悉亨
軌也公泰山北斗無忝昌黎而爲經師爲人
師心和氣平履素無咎且聞望蜚翥上咸傾

心如珪璋在筵環觀動色異日固優爲翁祝
較目前不亦踰勝哉會直指丘公上公考爲
奏薦于朝諸門下士華之而乞言于余以爲
賀因漫爲數次如此蓋以明薦雖未足重公
而公之品能自重其官爲足術也

賀北有高君三考榮滿題授冠帶序

甚矣秦法之僨也燔詩書愚黔首云學者以
吏爲師謂夫童而習之無不致精焉而厥後

妙遠堂全集

序六

十九

乃殘礫少思賈肌髓之怨于刀筆明與稍劑
之美其號曰三途益登然而精摯比傳情法
平亭亾害往往多出于儒者夫習者不必精
精者不必習其利害相去較然矣北有練習
端謹掌太史公記十四年入貲爲掾掾三報
滿及格主爵者屹于朝被冠服需次矣而其
身實事太史公自若也太史公文遊皆天下
名雋與余輩抵掌談古今北有靡不恃其于

章程名法往制時宜旣已涵而泳之咨而討
之矣而又身從太史公于燕于楚于吳越豫
章于粵東西所歷覽採摭吏治之麗瀟民生
之休戚風會之盛衰懸鑒按圖莫備于此矣
故北有之于吏饒爲之豈必左玉律而右金
科朝公廳而夕案牘乃稱明習哉北有自此
往當受天子命佐民社長有專職稱榮達矣
北有獨不見比所耳目以掾史起家者乎蛇

妙遠堂全集

序六

二十

冠虎翼噬不擇人蠅穢蟻羶攫且忌已重則
網羅夫三尺縱亦唾集于萬夫以北有練習
端謹固將反轍而趨于膺民譽而沐帝休其
何日之有是可賀也爲我酌北有曰昔李斯
首主秦法其原乃出于荀卿議者幾以弟子
累師而曹叅爲漢相擇郡國重厚長者除丞
相史至不按後園歌舞吏卒成清淨之效以
太史公鑄北有北有之明習端謹固宜而幸

不至專精秦法以累所從事他日之效基于今日幸舉不穀之觴北有悚然避席曰夫子何以規我則不佞既言之而北有既已耳而目之矣且不佞向聞若翁養吾君之治命也起家務自拔勿沾沾錢刀爲不佞且載其誼于翁麗牲之石矣予以知北有之不敢忘也

賀乾岡戴君筦庫榮滿序

郡國錢穀之司莫要于筦庫故主者非清勤

妙遠堂全集

序六

二十一

練習不以遽克其選然而仔荷鉅歷時久欲終事靡指摘詬訾尤未可幾幸逢也余友乾岡戴君性廉毅饒綜理之材絲潘省掾給事吾郡往攝郡者持筦鑰左右顧歎曰疇爲我司主納而無病者汝往哉君拜受事寔競焉不啻循牆而飲水也蓋庫所筦則十三屬輸轉之賦與肺石所登之鈎矢胥於屬焉故事人則昂之出則輕之而窟穴中以居爲贏以

故凡左右郡庭者咸得目攝意持之司筦者日夜鞠脰唯諾供具潔漿肺權子母以微一日之歡君獨喟然曰和以劑衆吾素也奚爲府穢而認爲容哉且吾昂之必有任累者吾輕之必有任抑者上有三尺法下有三尺喙奈何干之以故竟戴君筦鑰之三年銖兩出入罔不稱平與人交煦煦唯恐傷其儕伍亦內重焉無敢狎侮直者上靡摘發之隙下消

妙遠堂全集

序六

二十一

怨讟之聲於是君且報終事得代還里矣蓋不佞嘗讀吳隱之題石門貪泉詩而竊有感也史稱隱之治廣還妻私齋沉香一片隱之怒立取投諸水詩所云試使夷齊飲應知不染心其居平能行道于妻子非一日之積故耳見金不有其躬於掾史一途更甚頃司馬曹吏舞文多所寢闇至仰煩明詔赫如雷霆後世稱明治者將謂之何如戴君處脂

不潤寧獨一郡國之爲烈也蓋君經事太中
平儒顏公云顏公侃言行意不畏疆禦遇事
卽發不可忍然黎廉囊不能名一錢去之
日至負庫鏹不能償宛父老子弟言及之輒
感慕涕洟不衰也顏公最善遇君君亦承事
唯謹稱相得益彰故以顏公與今世巧宦較
攫顯名享厚實相去誠霄壤以君與尋常筦
庫史較罔上削下突梯深宵揚揚然歸廣田

妙遠堂全集

序六

二十三

宅以育子孫誠遠邇有規色然月旦之評具
在所艷羨歸仰者或在此不在彼余故於諸
間聞戚黨賀君之役特公言之以見明治自
有人可繼吳隱之胥史咸有觀感俾職千秋
之管者知所採焉

贈海濱邢君序

萬曆乙巳冬余兄弟應宛試初識海濱邢君
時雖入貲爲公府掾史然被服都雅恂如也

與之言多所通曉蓋君甫釋佔俾借以息租
調之煩海鶴之姿昂昂于鷄羣自出固其所
矣已別去可二十年君浮沉公府自如屬郡
伯趙君遶主藏者衆以君應于是敏練習勤
誌逾著聲上下之間不佞竊快向于造次能
識君不爽也夫士所重者才而其患有二曰
不能竟其才之患曰不能自用其才之患不

妙遠堂全集

序六

二十四

能自用者究在已越人之子御車持方枘納
圓鑿是也且俗嗷嗷以文無害詬厲者謂恃
氣盡行規利闢捷陰陽其智而舞素牘之以
爲身爲壑耳乃如邢君恂恂都雅其稱權握
算安知不卽如其刺經綴文也其入紫闥儕
朱衣安知不卽如其坐膏檠遊塾黨也頰首
于金科玉律之言安知不卽如其辨百家之
異日漱羣言之芳潤也通才之致隨試效長

寧詎謂申韓出于老莊與洙泗之言大相逕庭乎哉不佞嘗讀史見得人之盛無逾于漢名相列卿良牧賢守宰若蕭黃趙張韓君之屬皆起自胥吏史不絕書至如虎園齋夫代刑獄錢穀之對使絳侯內慙而退丙吉見通郡去急書案長吏瑣科條其人召對稱旨自吐茵小吏教之是何吏才之多也國制三途並用不以一端限人矧緣飭儒術如耶君其妙遠堂全集 序六 二十五

浸致通顯寧侯握卜而後知哉不佞輩以二十年交遊且目擊邇日窟穴多雜而政紀隳因附古贈言之義爲君期許者如此

妙遠堂文餘集目錄

序七 贈送一

送劉靜臺之任大梁序

送張君督學粵東序

贈二南王君擢江西憲副分守虔州序

贈中麓吳君擢叅藩分守興元序 代

贈郡伯丁見源入覲序

贈郡伯見翁丁公入覲序

妙遠堂全集 序七日錄

送五零來君擢守蒼梧序 代堂翁

贈邑大夫霖蒼張公入覲序

贈邑侯霖蒼張公入覲序

贈京兆少尹太室陳公入覲序

送印玄上人還山序

贈國醫團繼川先生序

妙遠堂文餘集目錄 終

妙遠堂文餘集

新野馬之駿仲良著

若上潘曾絃昭度閱

序七 贈送一

送劉靜臺之任大梁序

王正月劉公拜新命諸郡邑大夫有祖則既
屬不佞薦觴矣退而若有所未盡也已鄉紳
李君輩不能忍去公附古贈言之義復推擇

妙遠堂全集 序七

二

不佞曰非子無習公者乃竊擬自効在是烏
敢辭夫世態之岐有司長于薦紳士非以陽
矯弋媒即以崖異示峻矧上而監司之庭人
不必半面而已聲匿迹遁去矣乃獨公來而
歛歛焉若晝煦煦焉若春邑有不逞之衆虎
踞崔符間爲無義且將竿旗以起邑大夫悉
智力撲之乃一二蟻矢鴟牙陰陽於中變黑
白公力倡正議爲逆捫讒慝者之口新之父

老得安枕卧不以肝腦爲戲人咸歸德邑大
夫而不知稟衡決策者誰之力也民不天坎
禾黍之區以供陽侯一飽葢宛之毀讒澣者
十九而新尤甚公洞悉凋瘵力懇臺使者露
章請冀小緩于歲入之額民賴以寬須臾死
雖死亦不敢探赤白丸取扞三尺人咸知
朝廷德意不遺一隅者又誰之力也不寧唯
是公前茅之影一貴境中吾儕謬奉卮酒結

妙遠堂全集

序七

三

殷勤歡釣泳烹雌陶焉終夕諸凡莊言詼語
巨略微詞亡無所不縱橫其塵端而未嘗一
眩貴人之色則吾儕日遊于公之天而忘其
露雷風雨亦久矣安能去公李君復進曰雖
然是一邑私也公曩令汝其規繩剔扶咸垂
爲數十世利凡環汝而邑率以不得當公爲
恨今宛且有公一年安知環宛爲郡者不若
向覲汝耶茲入領紫微長其平賦役憫災苦

者動以省計所爲德愈大而使人忘愈深又何啻新哉不佞復廣之曰是猶爲一中土私也公才識瓌卓腹中兵甲足以吞閩氏而劃賀蘭廟堂名爲知公旦晚錫師中之命凡環中土爲省如薊如代如秦如榆關甘涼亡一不可試公者游晉而中樞而鈴鏡俾吾儕之進者有所稟承爲先覺棲者長保茲丘壑以無失太平之民其爲德鉅細又何可蠡測哉

妙遠堂全集

序七

四

噫嘻近而私則莫若鄖之軍府矣主爵者難其人不輕上啓事意者且優公秩爲之地乎余姑約言之相與齋玄黃以俟可矣

送張君督學粵東序

國家以經術致治尤加意造士之典自兩畿外崑命一學臣董之其官雖名監司然往往清華其秩而慎重其選邇吏習日嬭學使者每高卧取驟遷度三歲中臯比之所蒞僅一

編四履其校者諸生也又不以歲稱而以選俾才者多用刻羈罹網而不肖得終身老膠庠間予是從長老後聞先輩車巡行郡邑狀輒咨咨羨之謂不可幾幸獲也始張君之舉于鄉于禮闈皆用戴氏禮哀然冠軍尺幅之言詞林紙貴出令巖邑入郎南北曹皆聲實翔洽而其後爲民部也精心籌辦多淵謀讜慮又時以文學顯所視草輒鉅麗亡比予竊

妙遠堂全集

序七

五

爲器重而未幾廣東以視學往矣不佞嘗慨今士文不師古禮卿懸厲禁明光之學何翹數十上而益瀾倒不可回何者所風在此所穀仍在彼也乃學使者得以三尺操進退意之所嚮不難朝提耳而夕象指則成敗利鈍之路誠皎然束于法哉以法教者法勝而功倍矧以身教寧高屋弗餅建耶粵東延袤數千里羅浮浮丘屢嶺日吞吐天雲而大海之

榮光休氣又恒不發之犀象珠玉而發之文士 天子久道化成薪樞之盛超絕輓近今南宮之額一旦以宸斷增加行且采諸臣言廣郡國額如南宮矣粵東南郡會其間寧無有如張曲江九齡丘瓊州濬者出而應嘉運黼皇猷其勤履而精擇之事在君矣語曰終歲之計樹穀百年之功樹人其爲廣狹不可同日語而矧別淄澠于晉才肖妍媸于秦鏡

妙遠堂全集

序七

六

固君之除也昔人苦文之薰颺極于唐中業時而韓子興而振之號爲起八代之衰今古筆墨瀕瀚能以忠愛行文章率屈指宋蘇軾氏是兩人者皆嘗寓粵中顧困踣至無尺寸呼引之寄而粵迄今藉爲美譚君遭際明時當師位縫帳之所掄近者在鼎鉉棟隆遠者在黎民孫子萬萬非二子所可望爲語耳試攬轡而告之曰三年中士有能爲張丘者使

者之捷也其于諸大夫試予有慶而且併告多士勉旃毋負先達母爲使者羞夫今之使者即昔之能爲韓蘇者也

贈二南王君擢江西憲副分守虔州序

天下若大局然聖手國技往往於人意想不必經之地爲之明微而扼要焉乃終妙應以享其成功何也凡世之畫治居心皆不定于猝定于閒惟出于世之至閒而後可入于至

妙遠堂全集

序七

七

猝耳虔州負嶺嶠帶閩海章貢所匯漕瀕粘天草不逞每操飛艘出沒于驚颿駭浪間以肆其推埋之鋒銳縣官有所討擊輒奉首竄去莫可問多叢窟難治國家自郡縣以來臨守牧者上僅一分憲監司耳武廟末王文成公始建大中丞節來使虔益重夫文成之建中丞節以鋤盜非伺藩變也然卒收勘定勲表之宗社所謂意想不必經之地扼要而明

微者也厥後虔雖以大中丞重不能不寄重
于分憲監司蓋中丞摯上監司附下中丞任
武監司任哺臂之于農芟薙其稂莠使無滋
擾中丞之任也其疏溝畝任耘耔俾禾穎豐
遂則監司責尤親故非其人不以充選焉茲
二南王君所由以膳部郎往矣君用進士高
等官使署再遷爲儀部所守曹俱號爲簡寂
後雖正位郎闈奉三尺之組以相周旋然不

過討定故實敷揚聲教以佐 聖天子黼黻
之治初非有所牽阻體髀也今且釋交戟而
守方隅罷起草而攻城旦度謂君有難色者
是不然夫禮樂兵農刑政皆國之大策其事
雖不勞貸學士之通敏者類可互籌如君乃
所謂出之至閒而可以入于至狎者也君兩
服京朝官雖簡寂乎惟寂則清清則其洞朗
不濁簡則重重則雍容而不隘促試使之籌

利害規便宜斷非俗儒淺夫所能比擬安在
不勝其任而媿快乎王氏之閥重于晉風流
標寄爭言君家有軍彼固有言所謂通識正
當隨處行藏此無他裕至狎于至閒其算定
耳故其蘭亭行觴山陰握筆游閒都雅有真
人天際之思而迨其上書殿深源爭北伐賑
東土饑甍吳會賦役又何武健瞻政術也君
守京朝官無所不取重故廟廊特遴公以重

虔使虔而足恃分憲監司爲重何必大中丞
節始足自隆光寵哉君行矣遠視右軍近乃
視文成矣諸大夫進曰唯唯否否不擇地而
效者材也甄器而任者官材者也君於兵農
刑政固饒爲之然於禮樂教化猶機杼之緒
餘恐旦夕且當遷君余曰豈其然哉吾終以
局論又如君家之榮一覆基焉而俟之可矣

贈中麓吳君擢叅藩分守興元序

代

吳君之以司農郎治雲中餉也節惠寬平唯
此唯飭始徵鎡值固有積粟三軍之士方急
粟逾于鎡君偵其情溢額予卽出所留鎡爲
積粟以待權贏而得息復因息以居贏故竣
君三年而雲中不病餉也及瓜之日餘藏可
支一年竄戍窮堡咸有儲備蓋自不佞荒計
鎡來謂天下之事在以腹治腹以邊治邊而
已治腹於平日爲之軫軀其呻吟大而鋤剔

妙遠堂全集

序七

十

其蠹多先時之備廣不虞之防卒然遘方數
百里水旱未有不可撐拄者邊盡其利不必
如癡子向乳而號塞旁漏之隙杜中腹之根
封疆大吏皆權所可爲而効所必奏不然腹
有急而上籲邊有需而內呼太倉雖如海無
以沃焦釜以邊耗腹以腹殉邊此交瘁交斃
之道也蓋不佞居恒之持論如此君非其章
章者哉未幾君以資閣最久擢叅關中行省

政事所分憲爲興元路監司任寄逾雄峻可
以提衡文武綱維郡邑意之所向罔不朝暨
夕敷又禮樂訟獄皆肩承焉與省郎之專于
所司固大懸絕然君於分陝獨稱守曰守則
與民事較近矣余嘗曠覽東周之季惟秦號
爲富強蓋以其俗儉質而効勵故其民有車
犢鐵駟之雄其君有黃髮休休之想卒併包
而成大業非偶然也方今求迴明盛且軼唐

妙遠堂全集

序七

十一

漂虞豈其甘于俯蹈而予以謂今之世固不
乏仁義也於富強若少歉焉蓋富者強之源
而民者富之源也藏強于富藏富于民譬之
植木者欲茂其巔先沃其本則撫循之人是
急矣且興元肘巴蜀帶鄧荆江山扼塞尤稱
重地君西望而指褒斜則漢高從出之道丞
相何所爲轉餉不絕者也東履而按奉天則
唐帝之所播遷而陸忠宣之惓惓以恤人甦

役爲請者也以君之節惠寬平移其治餉者以治民寧不勝其任而煥快乎延陵季子聞奏樂曰此之謂夏聲大之至也君固延陵之苗裔歟採其風以知其民君當饒爲之君在邊能使邊重在腹且將爲腹重誠得如君數人參錯中外不佞不將藉手以造空虛之憂哉於君行特附古贈言且欲告夫有餉責而任民事者

妙遠堂全集

序七

十二

贈郡伯丁見源入覲序

語曰至功無功夫無功以爲功難言矣懸鏡取照操刃取割至于窮膽析髮剗犀斷蛟詎非天下之至瑩利者哉然當其匣處而室藏之固足干虹霓走魑魅不必試以蒼鷲之形頓之盤錯之地而後知其用也蓋示用則小示用則大惟不窮于用而其用始無藉示而知余讀史嘗有意于召信臣之治南陽也

史稱信臣于南陽績最著郡人號之曰召父春秋俎豆不衰而夷考其治狀不過訓民通溝畊勤種植立標定均水法使民無爭而已乃知良吏之精神默與蚩蚩之衆相往來當其時寧第無赫然之名卽駭然之迹亦遜弗居而民自富其生而自樂其性始憬然悟曰吾守之賜也上之人亦曰非守不能令吾民有此蓋其用微而功綦大矣後信臣之二子

妙遠堂全集

序

十三

餘年乃見今侯丁公公之治南陽僅二年所南陽夙困孔道間者飛蝗孽歲焦原如焚荏苒又時時警于郊會天子東急遼郡國各徵發金錢佐糗糒新令減庶人之食官者半廩日增陴疏池以固吾圉秋毫皆守事也公外宏而中朗綜審而運恬若玄冥盤龍比吾切玉皎然剗然而其神不搖不佞嘗從弱紳後一再謁公惟見公色愉氣閒酒食談笑冷

冷若甘泉浸人齒牙而往跡郡門質成者無宿糧胥史林立噤如偶節驚車赤嬉遊耕鑿竟夜枕無吠犬聲二郡十一邑之長令更老日勤職事以肖意指所爲撫問疾苦而講求又安者皆公之用不自知其軼掌也以故郡人父戴公不啻昔召蓋公卽不必躬襪履履川原襲已然之轍而以無功爲功辭赫然之名去駭然之迹致與信臣固相符矣且公嘗

妙遠堂全集

序七

十四

爲監司尊官前治濟上號大藩以高第爲二千石冠冕能韜其光芒鋒鏑之長而周于米鹽簿書之細於人情尤稱難今用述職會明堂當事者不以恒格待公必且超拜洊領衡軸之寄其爲照逾廣爲割逾大公第爲闕美蓉之彩拭鵬鵬之膏以俟其自效其往寧有量哉今天無功之功難知也亦難頌也頌禹者不能加平成迨觀江淮河漢而倍章也頌

稷者不能加粒食迨經作息飽煖而倍親也蓋至常者莫如父而人以名信臣夫惟常則無可踰耳南陽知頌公功不能名公用上官懸懸則實疎下民愿愿則意塞所爲通塞而詳疎援古而儷今者止二三縉紳之責也遂不擇而書之以祖公行

贈郡伯見翁丁公入覲序

南陽爲楚蜀喉嗑冠蓋日接于塗又所部多

妙遠堂全集

序七

十五

崇山瘠土効不任賦還史所稱孔■之豪如掃矣夙號爲難治屬丁巳歲之不易飛蝗蔽天其強探丸而弱蒙袂吏于土者較昔曩難倍之乃是歲也飢而不害姚江丁公寔爲守云余廁公版下鴻猷濺澤目眩耳聾卽更僕未易數未幾爲已未春天子當坐明堂受計吏修廡延陟明之政公先期戒行李凡宛屬守令若吳君等無敢以盤區濡公轅者推

不佞使言夫贈言古道也乃不佞烏能盡公
哉竊記漢書稱循吏之效莫盛于宣帝時暨
讀宣帝風厲郡國詔歸其重于良二千石乃
曰百姓安田里無疾怨之聲者政平訟理也
斯蓋未易言矣吏以長民民之休戚吏所爲
功罪善察吏者察于民之宜弗宜而得之第
天下有宜吏之吏有宜民之吏宜吏者自工
于計智能旣殫名實亦集宜民者工爲國家
計于吏之轍不必享也然衆蟻成雷萬口千
秋弗能翳之矣故反風滅火渡虎還珠喻威
稜于食德示鉏折于拔薤詎不壘冠振掉哉
然終不如黃霸之治潁川藝桑力田某亭豬
子某所大水周知無遺也公風幹挺特饒詳
密之思政術精深養教大之福余卽不能悉
公所以治南陽者何狀而第知南陽之宜公
所謂政平訟理無疾怨之聲誠哀然足當之

八抑不佞考往牒南陽固多賢守父召母杜
金石載之乃如宗資之畫諾也劉寬之蒲鞭
也彼寧以惰窳取適矧育示恩哉夫固有宜
之者矣今南陽雖恃公爲歲必不能久稽公
節鉞藩屏公功名自南陽邇茂余故敢以緇
衣之好昌言之凡前公以南陽名者皆未必
真爲南陽者也如丁公可爲爲南陽矣廟廊
行知公矣

送五零來君擢守蒼梧序

代堂翁

國家於凡大典章綱紀皆設爲一切法以繩
之而其後往往有所恪者上操下以法而時
錯出其情以行愛憎下守法以應上而不能
不隱視其情以爲伸紉宵小復從而蠱騰其
間於是乃有積甚重之勢於不返而舉難任
之責於至匱如今日者來君之于部司農也
粵以東隸其曹焉屬朱邸並叶標梅之古凡

陽燧大秦明月照乘之屬皆責辦治焉稽往牒天子納后儀費損於今且十之五乃昔禮成而不病陋今倍焉猶憂憂其難之何也君嘗慷慨持正論及同事者進成畫于余余補牘凡數爭一爭焉而不應再爭焉而且報罷聞矣若曰吾非不亟行咎在外廷耳蓋上意固侈大而其他權璫之聽焚奸商之腹墨寔繁有徒能掣吾之手而不使運結吾之口

而不使張扼吾之嗑而不使導此無他上下之情關故耳未幾君用積資擢守得粵西之梧州以去余考漢制二千石權最貴重凡丁夫錢穀皆得便宜興遣甚至論死獄皆朝報夕決且有先行令而後馳使者明法則不然踞太守之上有監司監司之上有填撫及御史臺吾試爲來君策之君固饒至計所爲爬梳一方齟齬百務者轉而進之監司監司進

之填撫及御史臺必其受成皆予若填撫御史藉手上公車又安知不時有所格如予也類而在下雖未必堂九級門九閭而分之爲丞若倅又分之爲守若令爲胥吏爲伍伯爲里三老彼匹夫匹婦之所呻吟讒慝者又安保其不有掣之手而不使運結之口而不使張抗之嗑而不使導者乎故願君之益勉之也宣帝詔云庶民安于閭里而無愁歎之

聲者以訟平政理也及考漢史所傳循吏如某亭樹可棺狗彘當畜溝壟當通豈屑瑟亾大體哉貴情通也惟情通而後能行法惟法行而後可守法故烏攫肉一問鉅觚可設桴鼓可捕來君之不盡發舒于省署者茲不益鴻鉅於千里之提封哉君由振鐸入爲國子先生翩翩乎質有其文典客蘭臺稍遷員外郎權河西關尤號廉慈蒼梧雖遠在百粵

今車書一家天子方旌席視之君其慎所往
哉予以一日雅特附古贈言之義若必徵往
事於郡乘則君之此行異于勾漏之砂而迨
其歸舟吾且以問鬱林之石矣

贈邑大夫霖蒼張公入覲序

戊午冬邑侯張大夫以述職行時侯宰邑逾
五年所法不得還治須新拜矣其民舌吟目
規愴恍如免乳兒余不佞業從諸大夫後志

妙遠堂全集

序七

二十

其不忘已博士賈君等率弟子員胡生魏生
等來謁余言贊侯行李後余乃進諸生而詢
所不能忘侯者狀生曰侯子保民而師保士
卽其色媿媿而眙眙然士間以事實成侯不
聽訴皆下理信者門伺輒滿意去意弗滿者
煩煩中辨不能盡其詞也以故諸生且望聚
不能人人名侯保士追聞侯將去而思枳侯
車者緼屬意者侯廉歟明歟莊而慈公嚴而

博厚歟余曰否否士頌侯當與民異頌侯之
廉與明與慈與厚者是諛女之貞而謂侯能
莊能公能嚴者是鑽火以焚貌冰以寒也夫
侯可謂能容而能別矣傳有之無違道以干
百姓之譽無違道易無干譽難八口之長使
良楮同精效奔走者心傷矣諸生寔繁繁則
不能無異同泛別則銷道氣泛容則銷道心
比侯之所以不聽生階下訴而令無能得盡

妙遠堂全集

序七

二十一

其詞也夫惟生有不得盡于侯之詞而後侯
成其無不盡于生之禮不佞謬幸于侯每相
從遊譙談稅文券得失鑿鑿如秦越人之洞
垣一方秋士戰于棘闥恒翹翹北引脰每舉
以語余曰安得空膠舍而貢之也哉他邑有
上公車者來徵屣屣賈侯折之曰渠寧卽謂
吾黨不自供屣屣也凡此皆侯之所自盡于
生者奚與于質成卑卑之一言以故諸生能

頌侯不必人人名侯余知侯亦不必人人論

以侯指而諸生自戀于侯之將去也可謂無
干譽而譽集之矣生曰唯唯余又進之曰士
頌侯當與民異民志不忘而已生何以報侯
昔吳公守洛中治平第一乃有賈生者出隨
傳詣長安文翁教蜀選童子若王褒之倫北
學京師蜀人沐其化傳之千古茲侯治平第
一何減吳公令之權既親于守而邑在中土

妙遠堂全集

序七

三十一

稍稍備文獻其教化之興又易于蜀生寧無
誼褒其人者乎生曰蒙輩何堪望兩君然不
敢不勉矣羣往庭賀侯侯賦鹿鳴之首章以
答曰不穀何能師願拜周行之惠諸生賦泮
之四章曰明德民之則也侯復賦白駒之卒
章辭昂加爵而別余睨侯之色而旁肅諸生
曰志之其言溫而襟虛不忘恭敬茲以純職
行法不得遷治必有新拜拜且不徒矣

贈邑侯霖蒼張公入覲序

銅墨而長專城者詎不稱多術哉急薄領精
米鹽期于簡書亡害則俗吏之致已乃夫焦
毛膚而倪孺其民擇濕于燥釋瘞專咻吐納
春陽衽席百里之命其斯以爲循吏乎而魁
奇丈夫卑視之好非常之原高談栗陸俯畫
百世風日霜電手幹舌磬卓然而異恒吏所
以號之曰卓異下是以酷吏稱士君子額泚

妙遠堂全集

序七

三十一

不道然漢書所傳酷吏如趙廣漢之擊奸董
洛陽之強項其在今日於六條寧次課也大
惟俗吏夥而有循吏進之有卓異吏至不幸
有酷吏詎不稱多術哉余居恒持論循吏奉
法循理惴惴自將大槩不甚別于俗吏而今
負赫赫名以卓異吏表見者卽望古人之酷
吏猶未能盡及也乃唐皮日休賦七愛詩獨
稱元魯山爲真吏其詩曰三年魯山令止食

魯山薇者余聞其語未見其人則今邑大夫
張子雲先生亡愧哉大夫高朗夷遂百聞于
頃未足方其含茹爲政每後剔抉而先拊循
兩造庭諍片語得遂立斥去往往情款于事
中絕無蔓及者束金鈎矢不以汚肺石胥徒
樂大夫易事然稍見謾端震霆纚纚臨其前
冰衿寡人色矣晨朝軸簾不下春卽聞其如
掃野夫紅女扶耒眠杼罔知有官間勃谿不
妙遠堂全集 序七 二十四

平卽直走控大夫如控家長閭無鬼堂無帝
披衣纚纚未嘗色驚邑孔道莫困于騶卒踐
更大夫預周其糈而旁節其力以故數年來
賦無後時役罕咨怨竊謂敝邑莫安于大夫
薄領米鹽而循吏之生養德意也大
弟侍大夫久履屨巾
帶之間于肝膽可望而知雅誼深醇極曠士
之標韻而式于矚止于符閣覽淹通多識于

前言往行而貫微聯瑣靡有遺慮蓋大夫表
不爲飾詞衷不爲釋情邑如其家官如其士
寒泉素絲滄歲如新此何論循吏意日休所
爲真吏魯山之儔伍乎大夫行矣竹帛鼎釜
功名滿前路何所藉里巷爲諛之口而邑人
則知安大夫大夫去則知思然不能寫其窾
綮也余故特標大夫爲真吏以加循吏之上
昔人又云見紫芝看宇名利之心都盡而余
妙遠堂全集 序七 二十五

常往來魯山訊紫芝食薇之迹獨有琴臺蟲
蟲孤峙于烟林霜莽間耳清風恬穆登之營
然叢爾邑久借大夫寧無培塿之丘爲彈絲
送鴻所乎異日者舉其迹以爲光重當不下
于魯山琴臺而方寓之士凡覲大夫看宇者
因而摹想其政術必以余爲知言余不佞可
藉手以緩爲諛之誚矣

贈京兆少尹太室陳公入覲序

于廷得片語輒惛服去奮筆治爰書快隱中
情屹如山立錄史數告恐腕脫不任其他如
江濱之干振棘院之慈飭園府之鼓鑄皆號
重大難任莫不賴公以底于成公指畫威嚴
科條精敏請寄謝絕罅漏杜消故諸臺使者
及大京兆凡有所舉事輒倚辦陳君而下及
單夫紅女寃思直滯思通呻楚思拊摩願一
望見陳使君死不恨也大抵公摘伏鈎鉅類

妙遠堂全集

序七

二十七

趙廣漢窮治桴鼓如張敞禁絕豪右如羊陟
秉憲不撓如劉子靖而都人之信之憚之真
有不畏御杖雨下無敢犯畫地之笏強宗大
姓聞拜減騶從聲伎者矣某嘗讀漢書見胡
常貽書所以戒翟方進者而甚陋其言夫僞
之言猛也而尼父惠稱之忠武之亡蜀之人
雖爲所損廢涕泣歌誦不衰也

折懸爲法皆仁天下之具也今遼事

原缺第二十八葉

世之最可病者莫如木色夫使吏而日談吏
賈而日談賈詩人而日談詩禪僧而日談禪
其所爲俗情惡態猶可交接于前耶夫人亦
視其韻寄之所在而已印玄上人少披剃從
師遊不知詩爲何物旣而稍稍通梵韻乃輒
以梵韻爲詩頃遊李叔賓遊吳關日課數詩
舌吟手揮略無暇晷所得詩忽已成卷衆皆
非笑之居士曰不然夫古之工論詩者莫如

妙遠堂全集

序七

二十九

嚴氏恒取禪爲喻曰禪貴悟詩亦貴悟盛唐
諸公透徹之悟也第其言猶未未也禪必至
于無可禪而後爲禪詩必至于無可詩而後
爲詩惟無可禪故無可不禪無可詩故無不
可詩此毘耶維摩之微旨而鮑謝陶韋王孟
白蘇所鍼芥合而衣鉢傳者也於上人何病
焉上人辭予歸乞言爲贈居士曰上人益矣
士人不以詩爲詩則其平日之必不以禪爲

禪可知上人者天下之本色人也非予所及也

贈國醫團繼川先生序

士生斯世不欲自淪於庸衆必且翹然有所托以自見其奇故凡官師醫卜農圃商僧以及星曆方技之屬莫不有至人存焉而一居其業要必有太常之心而後其奇始全今天下奇事至殺人止矣俗醫輒以爲常問其殺

妙遠堂全集

序七

三十

之之具則參耆苓朮皆上天所生爲瑞莖靈液而素問脉訣又古昔明王大聖所口宣手定以壽考斯民者也故予嘗謂不可不奇而不可奇者唯醫見宿名士多思避之愚其奇多也潤州爲東南要會其於醫也如粵之鑄燕之函齊魯之文學然予皆未嘗識其人適予峻吳閬役北還余室陡發危症日嘔血生餘骨炎炎如積薪夜不交睫趨至京口謀延

醫友人汪遺民曰非繼川團先生不可復卜

之吉乃延繼川來繼川旣診曰是病在鬱其象爲彊陽而其裏實虛羸從補想揚之波而從伐想撥其本姑清理之投數劑而血良已予曰奈骨焦何曰未也厥肝方張宜平之再劑而灑然清涼予曰可補乎曰未也厥脉未寧虞其嗽已而果嗽夜尤劇復投數劑而嗽漸衰止且安枕矣繼川視脉脫如蟬抱木面

妙遠堂全集

序七

三十

如死灰一逞如神遊胎化用藥如用五兵遠用矢近用刀銳用槍修用矛不相撓奪發病者蘊如響而取効決勝如丹在壺如鷄伏卵如狐履冰進止遲速不失尺寸且與予處旬有五日耳而初至睹危殆不示色以可驚馴致取平善不示色以可喜予及余室皆不自信而信繼川何者其神定也今夫好奇者之愛病人甚于庸衆人也然而其愛不深則其

智不獨其智不獨則其事不快有極快意之事而乃有大不快意既伏焉故治亂存亡之介得百庸衆必不如得一奇士而奇士之債敗恒甚於庸衆何也其神躁而不能恬其用急而不能緩其節凌而不能循也如繼川先生可以語道矣遺民曰繼川胗脉多奇中新安某氏子以負笈遊吳中素彊無恙偶引手示繼川繼川曰是必死然竭吾之技可任若

妙遠堂全集

序七

三十一

抵里門耳已而抵里果死從數年前懸斷人壽夭無或爽其事甚多不及詳予暇日間繼川曰近醫家當宗何書繼川曰書安有不善固用之何如耳嗟夫余固已言之矣曰士有所托以見奇醫卜之中有至人存焉觀此兩言繼川先生非僅僅以醫名者即予所稱如奇之害謂須神恬用緩節循者抑豈獨爲言醫哉是爲贈繼川先生序

序七終

妙遠堂文成集目錄

序八 贈壽一

少宰掌詹事府事玄圃蕭公六十壽序

代作

賀大中丞左海吳公六袞序

代座師胡公

壽藩伯劉靜臺初度序

賀大叅知周公孟嚴壽序

奉賀郡伯太屏顏公初度序

妙遠堂全集

序八目錄

一

郡伯猗南趙公

序

賀郡李譽皇徐八

序

賀郭太蒙刺史壽

賀邑侯白鹿謝公

妙遠堂文成集

新野馬之駿仲良著

鹽官徐伯徵譽星間

序八 贈壽一

少宰掌詹事府事玄圃蕭公六十壽序

代作

萬曆之壬子少宰蕭公以念太夫人故數謁告上以公學行優異屢詔眷之而公請益

妙遠堂全集

序八

二

急凡補牘十數上其陳乞之辭益懇惻不可讀上難于逆公意又不欲輕去公乃不以告予而予假曰假示即還也公叱馭歸里日侍太夫人七箸歡日未幾歲癸丑則公閱世之曆亦開六袞矣於是公門下士朱君綵等謀所以祝公而丐辭不佞其頌公者言人人殊然其旨不越三端曰古之純臣有全才不必有全際陟圯之詩不遑將母猶爲小臣職

効奔走者言耳苟如夔臯畢召之不可一日

舍巖廊復烏能卹其私乃公不以忠廢孝而

天子不以義廢恩舟楫之宏寄與烏鳥之至

情交持而卒交伸之俾公得以九列貴倨仰

娛母而伸太夫人得以數千里之外猶致子

其於官府天人之間何如也是必有異福不

百其年不止又或謂公以碩德長官寮抗論

旃厦之上去政事堂一尺地不尺五耳而小

妙遠堂全集

序八

三

領而息之其於老氏所謂知退知膏者頗合深根固蒂有壽理示後者曰公家古百粵地若飛龍石燕崑崙洪崖之爲峙湘灘橫槎東班秋風之爲流高者蔽雲泓者浴羽龍從滌影如真誥所稱三十六洞天者皆公几席間物而公生當名世期漱靈吸粹丹觀碧瞳此其悠久博厚寔惟天所鍾注不能兩也夫以公之里名公原始者也以公之用公之遘窺

公知來者也余不佞獨以爲古今之善稱言
壽不屬之老氏而屬吾孔子其言曰仁者壽
卽二三子亦知公之所爲仁乎公弘材博識
坦度雅望卽覲縷之不能易綸綍之所揚詔
而公自歷詞曹來凡一較禮闈一典畿試一
典會試一師太學一誨庶常一佐冢宰凡公
車之所辟者若而人大者建旄鉞次亦雄藩
垣舉九有六合而綱紀之何非公之霆鼓露

妙遠堂全集

序八

四

潤也函丈之所造者若而人上者徽纁帝業
下亦持皂囊班彤陛當耳目疏附之任亦何
非公之耳提心印也藻鏡之所收者若而人
賢者借以吐氣才者借以順風不肖者借以
泥汰而糠粃皇路日以夷民生日以紓又何
者非公之齒借翼暖也而公且化而不留舒
而若卷日惟以安仁之輿茅容之饌極團圓
雍睦之樂使天下無所矢報而第用斗杓喬

嶽儀其側其得于仁者之理何淵且邃也是
不特今日卽進而七十而八十顧丹而加腴
腫暫而加方亦端可卜矣雖然 天子僅以
餼予公其急公不下海內苟昕夕沛爰立之
命余不佞且倚公若左右手是其爲仁之用
將益弘而其爲壽之徵將益大公社稷身豈
太夫人所久有者易之象需曰雲上于天君
子以飲食宴樂夫飲食宴樂細故也而雲天

妙遠堂全集

序八

五

之候至故曰需須也公今日事也第恐二三
子之幣未布于車門而白麻蒲輪且西馳耳
姑爲先須其言以觴公

賀大中丞左海吳公六袞序

代座師胡公

萬曆甲寅歲御史中丞吳公解粵西節讀禮
新都里中越明年某月開六袞一時郡邑大
夫布羔鴈賀于堂間左簪紳嫺嫺五更庶士
潔脰脯賀于室則旣彬彬多所誦說矣而中

丞兄紹南先生於不佞肺腑之親稱長者行
嘏述公里中之德以修爵詞屬不佞夫微紹
南先生言不佞固欲有薦也抑不佞名爲習
公而智未足以知之卽附于公爲知而寔未
足盡公蓋余束髮治經生業與公筆研定交
號莫逆已公辟公車早凡諸生視其曹之先
辟者率私睨避匿不肯近而予偕公聯席攻
苦更三年歡如初竊窺公孝友雍睦博厚高
妙遠堂全集 序八 六

明尺寸以古聖賢自期許而公嘗以身後伯
氏胤復不自廢爲子生兩被渙汗而歿各致
易戚以並伸其情遠邇之人所豔爲盛邁而
不佞之居恒最習者也所謂徵紹南先生言
欲有薦意乃如此然公壯歲成進士歷理官
曹郎卽爲名理官曹郎爲名督學爲名監司
以至今官而愚向在跼伏時輒聞公平亭亡
害與循謹奉職之聲相屬也已奉 命典中

原棘試時去公督學時六年矣而所收雋士
多儲自藥籠中新標械櫟之化方蒸蒸嚮風
乃南陽人尤爭言吳叅知矣南陽爲中原孔
道日益彫劫輶軒驛騎之使相望於路歲之
不時民不憚釋鎌耒而探赤丸公至悉以三
尺一切之墨吏多解綬去符繻之僥倖者盡
格不行寬農勸穡熟斥鹵而布嘉禾南陽之
人以公爲命而公治南陽聲亦以卓越聞天
妙遠堂全集 序八 七

下比再治薊州兵與司庾者約糗糒無後時
與大帥約卒伍無中股薊之德不殊南陽也
邇以晉長秦藩未數月拜節鉞廟堂寔以不
次待公而公益得一意發舒棘菁之區若耀
而日月雕儻之俗如可格而風霜朝野之跂
公若德麟瑞風旦夕奏平格之勛者方隆隆
未艾政不佞所謂知公而未足盡公者其所
操以爲公壽乎抑聞老氏有言古之聖人其

精以爲身其緒餘以爲天下葛稚川云偃佺之道與周孔同周孔以道濟天下故捐其身偃佺以道濟身故捐天下彼道家七說夫猶岐而二之也宇宙惟此純氣耳以之經世則飗注霆擊以之葆身則嶽靜川流惟未有能發皇者不能飲固者也雜則斷斯斯薄矣跡公之範鄉服政急名義不急勢位爭道德不爭毀譽先公家而後已圖多介立而少污合

妙遠堂全集

序八

八

其氣幾於純矣 天子方銳意太平起二三黃髮躋銓家問以圖幾原之理公需次大拜以純氣之守勃發爲純節純誠如日之始中而木之方喬耳然則公之壽在天下不在一身而人所以壽公者猶在異時不在今日也紹南先生曰吾子之言信請寓以上大中丞佐一觴

壽藩伯劉靜臺初度序

往歲丙申先大夫建天津節時曹國靜臺劉公以司農郎來筦軍府餉相與共事驩甚去十六年所而公歷資藩臬久于鴈門上谷之間最後以方岳長填撫宛汝不佞復籍通家誼稱編戶中人修謁燕邸娓娓及往日事喟然神爽也宛當楚豫之衝稱孔道而所履郡縣非中下賦則車蹂馬躪之場與膚山瘠谷耳先是或急撻切之名而寔用卧理伍伯縛

妙遠堂全集

序八

九

崔待至輒慰這之吏束于法內民跳于法外守令父老目攝而足重罔曙所指及公來悉以寬大滌之晨朝鼓堂皇書獄之手成風郡縣以牘至提綱挈要拱手受成事如玉良造父之馭六馬輻視其輓輓視其轡不煩于勵銜振策也夕往視車門迹如埽矣交戟之士卧而屬鈴鐸而公復以游閒之晷與紅友墨卿共然兩郡守令之堂無不時時置一公以

提撕其耳目而郊圻數澤間又無不人人置
一公以爬搔其瘡痍芟薙其莠稂宛之人仰
白日而披清風乃信公之入深且異也守令
父老既毗倚公而又私念公用轄長秩蒞於
考功格於所加且旦晚建旄節都邦憲去恐
不能久有公而鴈門上谷之間似嘖嘖不釋
口當事者胡有意薄邊氓耶奪我劉公於宛
撤長城而保籬壁間抑又何輕也余獨以爲

妙遠堂全集

序八

十

不然公 天子之勞臣也不佞竊聞之均
勞軼者情程課貲者法衡內外者權且公向
起家銅墨者非卽今部中汝陽乎用循良高
第晉柱下惠文雖旋中斲者量移復致身郎
曹聲聞蔚起以彼其時計跬武八座脫屣耳
乃十六年而猶回翔外臺未嘗一萌速化之
意則以公之治皆不挫銳以市稱而務殫猷
猷中實哉當事者念公稍稍倦士馬且授以

所舊習地逸之以爲枝經脉絡之素嘗無足
當斧斤體髀者而公亦喜得其民駕輕就熟
則安知異日當事者不以公視汝陽者視鴈
門上谷復令袞衣而西重勞以彫弓黃鉞哉
要此皆非公之心也出而爲趙充國魏雲中
開屯練卒以振揚濯之靈入而爲羊太傅杜
當陽疏溝渠飭風紀緩帶輕裘貽百千世之
利于方鎮吉甫文武萬邦爲憲斯公之謂矣

妙遠堂集

序八

十一

斯公之謂矣春三月屈公誕嵩辰諸郡縣循
故事謂宜有言而謬以通家誼推不佞授簡
姑誌宛之所欲有公與公之所以有宛者爾
爾以侑公觴

賀大叅知周公孟嚴壽序

嘗讀臨川世說所目周郎者曰與公瑾交如
飲醇醪使人自醉未嘗不掩卷低回想見其
爲人被當鼎分瓜梨之時方顧曲知音風流

自命一旦奮起肺腑乘麾仗鉞屹爲江左虎
臣蓋薰浹上下之間固宜有不戒而孚者以
今觀之吾孟巖周公其苗裔歟何爲得之肖
也余叨附公驥尾同師門周旋長安之日長
今公來分憲宛又列在版戶飲公醇固饌且
久矣蓋嘗一謂公鈴下且待公飲適然而握
手無繻詞劃然而叩衷無匿緒續然而畢歡
無更端余謂庶幾簿書之習盡矣而公曰未

妙遠堂全集

序八

十二

也脩然而舉秋葉油然而卷夏波闌然而融
春雪余詫曰胡注之弗盈而挹之弗竭至是
乎庶幾冠裳之習盡矣而公曰未也迨至絲
竹滿庭莊誼並酬橫參就檐繁露沾袂而公
方鯨吸百川塵擲千古迫囂餘靜旨而告成
饒後思也余謂卽公飲可狀公治焉其初筵
之無繻詞匿緒更端也其天真也視痛癢如
蟲之嗜膚元元所爲托命也其中合之弗盈

弗竭也其施溥也如媪乳子如賈趁墟兒不
足母有餘焉規畫所以必百世而霖雨所以
不崇朝也其終讌而有靜旨饒後思也其力
厚其氣完也至人無智勇功名而大臣有穹
壻顯譽也向凡憲宛者每以孔道攢眉患疲
奔命而公曰是未足爲勞自遘事牽蔓徵兵
儲峙上籲下咨苦心敝舌幾無虛日矣而曰
是未必言瘁但疑然山嶽之藏溥焉淵泉之

妙遠堂全集

序八

十三

效是豈可尋常建旄節測哉會三月屆公初
度郡邑長貳三老庶更以及弁士衿儒耕于
紅女咸手額爭爲公祈年余業從諸大夫後
效一言之愚矣而竊謂夫列肆而酤其羣飲
者或烏烏而歌或傚傚而舞耳目筋骨皆不
自用而爲酒用夫亦醉能渡之也公用醇飲
吏吏效其共用醇飲民民若于理吾儕小人
何以報德是在小雅豳風之什矣曰隣彼公

堂稱彼兕觥萬壽無疆古農夫之愛頌其君
不憚瀝爵而獻和也和氣注國則俗淳和氣
導身則精翁且酒之言醇也一入兩糟再入
而漿三入而醇而醇出焉和之至也可以壽
公併可知公所爲壽昔山簡日造習郁池其
致固曠逸可詠而接離相向者一部將葛疆
覺僖氣未脫杜甫依嚴武可稱臭味之合然
數有酒失或收幾不能容吾世有公瑾公與

妙遠堂全集

序八

十四

余視二子遭會不大媿勝乎哉余用是陶然
而觴公且啞然以自慶矣

奉賀郡伯太屏顏公初度序

天下治象之轉必有生氣焉以先之而政與
法從出焉故愚者察迹智者察氣吾南陽嘗
難爲守矣地瘠賦薄爲仕宦所不樂道然其
俗多市魁強猾胥吏好矯舉以自張比或寬
大之過牘山積置弗省鼠子至銜擲而嬉甚

且市輦笑竇威福而谿谷其身故下益狎易
之攝者逃更人自行其喜怒哀惡之用反而
相射乃至以民之命國之令爲戲嗟夫亦甚
矣太屏顏公以望郎來冰其襟肘而砥其鋒
鏘始一切以法繩之胥吏之偃蹇者片語犯
無赦積案風掃詢利害興廢如列燭植標見
墨吏之浚民以生者去之若脫刺于指不須
吏愛也于是吏于郡者歸對鄉里舉趾始夷

妙遠堂全集

序八

十五

質成之民無宿裝一令布列城始畫然收指
臂之效往卽郡署庭宇若滌而明印綬若拭
而燦也蓋是時

嗣天子方凝圖立極用人發政沛然如流水
之原夫朝事之于郡事雖廣狹難同日語至
其弛衙養癰之病所釀于寬大者固不甚要
殊也聖人作而萬物覩公之來若預轉其氣
于先而稜稜秩秩又善承其風于下於燦哉

生氣之交相注射也昔漢宣帝加意元元其
詔令有云與吾共理天下者惟良二千石乎
唐玄宗于郡國吏來朝錫讌賦詩以相勵勉
說者謂宣帝起自民間諳疾苦故綜核鼓舞
得循吏爲最盛玄宗銳意太平初政與貞觀
媲美名賢輩出風雲之際宜爾今

天子方流唐漂虞下視唐漢而明習英武較

二帝似尤過之公以名碩當師帥之任精白

妙遠堂全集

序八

十六

以承休而俊偉以樹業其生氣磅礴自應如
此夫生氣之爲用如暘谷之初且煜如耀如
夏木之生怒條肥莢挾剔穿迸病之甫蘇清
陽浮動卧者晨起奮迅以趨事也不佞數月
來仰察于朝俯察于郡下至里嘔巷嘔卑婦
紅女其眉宇筋脉之間皆若有精明振肅之
象爲之翔裊而躍出者何莫非吾君吾大夫
賜固宜與郡之人相酌而賀矣秋九月屆

公懸弧之辰或謂宜操是言以往曰善夫吾
子之言生氣也君子觀其政可以知其身焉
郡伯猗南趙公壽序

上三年春王正月九日惟我南陽大郡伯猗
南趙公初度之辰時則若丞若倅若理肅衣
冠待于庭次十三屬若守若令麋至郡三老
孝秀弁士嚮夫長圍人甸人羣聚沸于門先
是公戒閹吏遠幣罷謁剝謝無敢通乃進丞

妙遠堂全集

序八

十七

倅理而勞之曰以時之不易左提右挈無取
戾于簡書繫二三兄弟是賴茲不穀之私慶
也請君無勤焉丞等觴而前曰置三十六輜
於河湍輪者輪幹者幹非得造父御而駕之
無以行遠惟公之於吾黨如衣裘之有領亞
旅之有主伯也公德則可師儀則可像吾儕
獲與朝夕而勉竭駑鈍以冀一割其敢忘公
賜公受爵而反醕焉乃進守若令而勞之如

所語于丞倅者則觴而前曰下吏之庇于公
宇固百穀之望嘉雨也

明天子在上羣公在下無日不取功令而張
皇之以禍至之無日貢賦之滋繁相與噓燼
植枯予之芻牧而無浚民以生下吏卽歛手
濯磨惘然以自奮而中丞御史臺耳目濶遠
甚且索瘢于毛疑虎于市毀譽煥情實痛癢
隨膚理使下吏一身以營職而復一身以獲

妙遠堂全集

序八

十八

上首尾其餘幾矣公誘掖扶持獎賢者而誨
不肖自簿書句業之外無或移其精神者上
亦一意裏公言爲殿最嚴師慈父交濟爲用
下吏固以公爲日豈敢於公之日而忘諸公
揖而謝不敏於是郡三老孝秀班入庭祝者
三公勞亦如之乃羣仰而對曰今天下誠脊
脊多事矣中州獨受無事名宛最衝劇彫瘵
乃殫力以供四方吾黨小人他不及知卽此

者益賦之令下他郡國皆爭乘惟宛無有乃

尾間其餘算而受之是宛之苦于中州獨也

他郡國之隸填撫大吏一耳宛寔兼卽之幕

府而二之縣官急在遼則宛傳中鄉析召之

甲而北縣官急在黔蜀則宛傳中鄉析召之

甲而南蹂躪騷靡有安枕不寧中州是宛

之苦于天下獨也自公蒞事期月餘含宏慈

割無念不在元元調劑客兵嚴設守備以故

妙遠堂全集

序八

十九

民雖勞止而無輟耕瞋目之謀公彊食自愛

以撫此子遺如日月之恒升竹松之苞茂萬

口有同願矣公輦額而言曰有是哉然不穀

何德之有某與聞諸祝史而籍之爲稍廣其

說曰公之生以寅月屈子有言攝提貞于孟

阪庚寅吾以降王逸解之曰寅爲陽正庚爲

陰正屈子以孟阪降得陰陽之中且東方之

神勾芒其義主長養於嶽爲岱宗萬物之始

也公寔產山以東是爲得天趙以國氏自顯
帝後凡數千年矣公諒然飲人以和成季之
冬日也爲保障無爲繭絲簡子使鐸之旨也
見微知著觸事盡端無邱之能得常山符也
老謀石畫不爲謾欺圖上方畧之充國也鈞
距中民隱境內桴鼓絕嚮京兆之廣漢也蕭
然往返琴鶴自隨入蜀之閬道也是爲得人
且是日也公謙讓未遑而頌者各伸其臆文

妙遠金臺集

序八

二十

賀郡李譽星徐公壽序

先民之垂訓有曰無爲刑官無爲諫官以爲
刑官撻一切法繩下虞有所殘礲于天地之
和而諫官別臧否陳是非搏擊一不當其貽
爲一家一路之哭者更易于斷敦龐淳固之
祿此其言類寬然長者乃漢于定國爲廷尉

令高其門戶曰吾治獄多陰德後世子孫必
有乘駟馬車者蘇子瞻氏之論諫臣曰凡奸
雄跋扈其終以干戈取之而不足者其初以
台諫折之而有餘是白簡皂囊之澤賢于朱
干玉戚之威此其致又不可以廣狹論也司
李刑官也其識以佐御史察治諸司平反庶
獄故他刑官之良楮關一郡而司李之威福
關全部較古尤號雄峻異日又得推擇其最

妙遠堂全集

序八

二十一

者入補天子侍從之臣是諫官刑官合而昇
之一身度以霆擊颺發勝其任所爲涵容退
讓以延祉昌後者道若有所詘矣鹽官徐公
崛起名家用進士高第來理宛郡余初卽其
色冲夷淵邃如含光之刃雖蒯緱什襲而其
鋒猶煥如者視兩造牘以情傳理多所縱舍
余出而與父老慶爲宛得理也公署給事胥
史往皆用以伺頽願寄詞刺故其睚眦可橫

加于守令背距直孽于蒨簪公廉得其魁立
置之三尺市人咸額手道舞而他郡國聞公
名皆股慄膽銷謂驄馬不可當宜避也余於
是又信爲全部得公矣夫霜之肅也惡蔓以
除游氛以歛而不知其實畢元功于凜烈滋
生意于種芽也故以公劑法名公仁以公摯
法名公威是皆得公之粗者公愼嘖笑聒事
機沉入而闕出此天下才有妙于行威行仁

妙遠堂全集

序八

三二

者矣會王正屈攬揆辰南陽令吳君等偕修
爵以往而辭不佞竊謂公治獄陰德不滅于
公駟馬之慶所後饒承之要必先享精明強
固之休爲膂力經營之用馴至以高第推擢
昌議殿廷之間其爲威愈伸其爲仁愈大夫
安見刑官諫官之不可爲必能烏伸而驟鹿
逸始以稱大平侈久視哉諸君以是言薦公
第引觴而頌之可矣

賀郭太蒙刺史壽序

漢制刺史秩重在守相之上得以按舉部內
如今填撫方嶽之任厥後稍夷之與太守名
位互爲重輕至明乃別州于郡其爵爲中大
夫居守令之間章綬權寄旣殺于守而異時
復不得推擢清近遜于令故刺史俯仰多所
牽阻然所領州恒多雄峻膾腴地上叢指下
側目憂憂乎稱難仕矣余邑隸鄧鄧唐宋來

妙遠堂全集

序八

三三

重鎮也土沃而農殖四境饒素封之家然往
往歸訟窟姦雀有角蜮有弓虎有偃狐有尾
乃風會之日下也社有鼠技有蠹甚且衣冠
有狼莠顰笑有矛戟又市多良馬西北大賈
所會聚王師討建誅蜀增餉調兵之苦與他
郡邑同而市馬之累較他郡邑獨倍蓋今之
鄧卽視昔鄧不更相逕庭乎哉乃太蒙郭公
領鄧之二年而熙熙然治也公漢上鼎族圭

組蟬聯牽絲令粵東以治行高第晉擢爲守
奏刀而中桑林固其所矣公慈豈高亮飲人
以和而復密于研幾謙于御物車門之內清
可飲冰自冬薪夏泉之外不能名土一毛兩
造質成公霽色而導之言摩膚提耳務盡其
情而後徐以片語折之屈者大媿服卽秦官
照膽鏡不晰於此入禮其叅佐如家人出禮
士大夫如師友下禮耄倪婦子如子弟雲仍

妙遠堂全集

序八

二十四

而且肅胥史遠便辟震霆擊電以不測示恩
威以故鄧人皆樂親公而無敢玩者平失賦
劑重役備極苦心民悉從衽席上過不知其
勞也蓋鄧在宋有名守曰范文正公仲淹彼
由朝廷侍從請郡以自優閒耳孰與公以今
日之治鄧化難而易卽文正寧足多哉總之
公性敏穎善談名理如晉子玄風超挺出爲
人倫所歸仰如漢林宗慷慨沉毅饒大略如

代公元振河潤九里壑寄止都亭不忍負竹
馬兒童約如潁川守細侯他日政理通聞有
三公黼黻之賜行部去襜帷使吏民迫見如
荊州刺史喬卿且不言酬矣茲九月初適
屈公攬揆辰郡人爭矢祝歌舞爲公奉千秋
之觴余竊謂公廉不名土一毛倘諛而遠情
必所擯吐蓋竊考之詩矣曰滔滔江漢南國
之紀公家潛江潛沱諸水俱達于漢而內方

妙遠堂全集

序八

二十五

紫蓋諸山逆距之至郢而渚注網緼以啟
世廟今奕世主七壟者且四葉矣其榮光休
氣所蒸燭必挺爲魁奇平格之臣宣髮鴈眉
之老此其祥公將承之而鄧去玄嶽不三百
里七十二峰之褰翥峻嶒其間多餌肉芝嗽
神漢度世神舉如謝張其倫者將無有叩庭
而薦藥一梓乎不佞兄弟庇公宇下無所效
第取公家世名雋比擬公治狀而稱引公鄉

士名勝之際以壽公知其不忍辭也

賀邑侯白鹿司公壽序

白鹿司侯宰邑之明年天子方集師東討楚蜀帶甲之士咸取道宛葉以爲戶牖然不無憑衆而譁剿敘蹂躪莫敢誰何其人實有戒心焉侯爲除舍給饌以禮禮其帥而飭法繩其下四境之守犬無吠夜聲至他邑不盡爾也會履畝益賦佐軍興費幾倍常賦之九催

妙遠堂全集

序八

三六

符踵相接侯爲調度緩急出帑貯供轉輸乃徐課以實之民不病追攝而邑又獨徼先事名非侯妙用不及此敝邑褊小蕩子弄兒率踴躍六博粘竿鳴瑟以爲驩旁縣猾威駭矚目之取寄外府侯爲巨校立五父之衢曰犯者辟無赦旁縣猾咋舌戒無闌入新野境而邑中父兄子弟相勸勉至童子無敢提局而嬉者于是爭歸心侯以爲寔父我保我鎮撫

利賴我時去侯蒞治期猶未朞月耳不佞兄

弟每間從二三大夫燕見侯則靡不鰓鰓考

古今間疾苦度非爲邑建數百年之利不止

者其局寬而意密猶未可旦夕測矣蓋不佞

讀漢宣帝勉勵有司詔知良令之難又嘗讀

元道州示官吏二詩而知師旅之世難爲吏

也方今之時有自吏之吏有吏國之吏自吏

者精神肝腎畢營其吏而止以茲髓血羔鴈

妙遠堂全集

序八

三七

也鞭笞鼓吹也垢簡鈞鉅歡籌也愁苦呻吟頌章祝版也巧者之效或立取尊臚以去而我后我譽三家之社雖百世弗可改矣吏國之吏忘其私圖而家視官子視民臧獲視胥吏毀譽通塞不以貳其衷翕卓之流其選已至如吾侯珠圓玉瑩絲解刃割耳目未嘗不穎察而旁寄之實不生意旨未嘗不流通而私干之端更絕百里之內若家爲置跡人爲

察省合一邑以爲一體詎非以卓然身吏者哉邑人士爭歸德侯求所以報侯誦侯者不可得乃于侯初度辰爭洗爵以往庶比于古千秋萬歲之獻酬不佞獨謂侯丹韞綠鬢功名岌業滿前路如義轡之方中天宜無庸厄詞掩誠欸而竊以爲敝邑雖褊小合一邑之人而籍記之其數不億合一邑之人之齒而籍記之逾不億也侯旣以一身視一邑則必妙遠堂全集 序八 三八

將總一邑之齒歸一身是則侯所爲自能壽者矣卽欲乞安期之棗玉山之禾方平之脯甯成之魚以薦侯知侯不以彼易此矣

妙遠堂文歲集目錄

序九 贈壽二

蔓消李公八十榮壽序

彭太翁七十榮壽序 代

彭太翁七十壽序 代

賀王孝標先生八十壽序

王太翁八十榮壽序

壽張太翁恂所先生六十序

妙遠堂全集 序九目錄 一

壽錢太夫人六十序

賀貞慈田母陶孺人六十有五初度序

賀顏年伯母許太恭人八十壽序

妙遠堂文歲集

新野馬之駿仲良著

稿李岳駿聲季有閔

序九 贈壽二

蔓消李公八十榮壽序

洪範之疇五福其首言壽齊公見麥丘老人
使之年曰八十三矣公曰美哉壽願以子之
壽壽寡人夫千乘之君色艷于山谷胡考之
妙遠堂全集 序九 二

叟信年齒爲造物所私不可幾倖獲也如吾
邑李公蔓消先生者詎非特達尤異者哉先
生弱冠以禮經魁于鄉筮仕司理鄖郡稍遷
守應州用骭髒不偶投綬歸構一園于邑
之北郊尚竿俯仰可數十年今春秋且八十
矣夫人情莫不欲壽而鹿鹿與草木同腐名
渾滅不彰奚稱焉先生初官祥刑多所平反
饒神明之譽應州爲雲朔邊徼地寒冽之氣

酸骨砭肌又時對貢議朱成虜騎時聞入齒
掠先生撫循之暇借席前籌與大吏持論相
上下倏歛其無盡之用歸而循遂初卷舒猶
龍其盛一也夫人壽矣未必有賢子孫先生
蘭玉環映長器嶽嶽以名士薦公車轍丹朱
而綬青紫猶掇之耳仲叔季俱負膠序雋聲
諸孫皆鸞翔鵠起鄴侯之架長吉之囊北海
之書供奉之筆無不騰軼超著冠絕輩流談
妙遠堂全集 序九 三

中原文獻甲族者爲屈一指其盛二也夫大
塊佚我以老故以肉飽以帛暖不以筋骨爲
禮道其恒耳而甚者風雨寒燠之候寄命芝
朮肢節拘攣嗟涕忘寐壽多辱世不乏以
年爲戚者先生神明湛王五官之用異人所
構圖文軒綺經饒窳窳與衍之致竹千箇樹
千章梅數十本禱禴隱囊取四時之適趾丘
峻坂步上下如飛先生復析著諸子而身授

百畝以自明農未暇求衣督僮奴東作別土
宜記賜兩人授以業而課其成盛夏短衣圓
笠混田庚褐父之班卒遇之不知爲貴人而
比其安神曲房州侯夏姬之侍天老軒皇之
圖人多疑言先生得度世神膏者間歲時赴
閭黨之會不策扶老不凭養和抵掌奮塵尾
凡黃衣虞初之籍廩所不際藏鈞呼五木角
勝航船夜分滅燭少年跛踣不任坐先生方

妙遠堂全集

序九

四

巍哉自如其盛三也語曰受命於地惟松栢
獨也信乎先生爲造物所私事匪一端也世
之談壽者窮其至歸之於仙彼山澤之癯熊
經鳥伸伐毛洗髓多近誕妄不可信即使果
有之巢蓬壺而凌倒景歸爲語鶴城郭是人
民非摩娑銅狄下見骨肉丘壟所與言皆曾
玄雲仍無有能知其凡者愁慘笑獨不尤陪
蓀于入境乎何如先生得全昌身康疆子孫

逢吉備箕疇之祉爲愉快也蓋先生生嘉靖
中襁以迄於今試質諸先生仕學儕輩郡國
簪紳凋謝衰遲者不知凡幾卽先生所自涉
歷八十年中人情物狀悲愉夷險起伏聚散
之象如雲飛沙散又不知凡幾而先生獨登
大耋吾黨所爲矜式健羨者爲吾邑慶有先
生也請以一邑之壽壽先生抑猶未也聞之
天官象言三台者三能也王者敬賢養老則

妙遠堂全集

序九

五

三台明儒者盛言大和在成周故其人率黃
髮皤耄而其後光嶽之氣漸分漸漓如齊高
帝語蕭綰曰人生得東西百年於事亦濟梁
任昉少時常恐不滿五十彼當偏安一隅之
世語固偷下乃爾 今天子以明聖嗣服
方衍萬年之曆貴老尚賢風象龐固先生卽
進不得膺安車蒲輪之聘于朝執醕祖割憲
而乞言而於家爲宗老於鄉爲祭酒使卽之

者薄夫敦鄙夫寬三台之的燦雲際於以於
昭當世之瑞不愈於雲星麟鳳多多乎請以
先生之壽壽 明天子知先生聞是言必
以爲大而非夸輟然起引滿矣

彭太翁七十榮壽序

代

上古人恒老壽蓋往往多絕意棄智能經鳥
伸或堪嘖廣莫之間衣蓬蒿而數薇藿得無
澆淳散朴伸其自致之年如所傳藐姑射神

妙遠堂全集

序九

六

人伯昏榮期牧犢商丘呂梁漢陰之流然其
他皆沕闇不章傳者必不足敵不傳者而今
世士自墮地卽慕嚮經術異以身得之雖身
不克昌顯而異得之于其子若孫當世亦率
由其身以傳或從子孫以傳其身潛德嫩行
光大著聞炳于丹青固于彝鼎享黃耆鮒背
之樂者靡可紀算談者固不得泥概一之論
尊古卑今右林藪而左軒冕也今浙川彭太

翁其人哉余家去太翁邑雖三百里而遙當
太翁爲諸生時稔聞其含英咀華爲陸澄書
厨邊韶經笥張憑理窟陸機文海竊謂旦夕
取青紫如携而比迹隱行則爲子孝爲弟弟
與人讓有鶴鵠行葦之思認還履飼暴牛之
節逾心儀之謂不可於今人中求之矣已而
嗣君用沈先生蚤貴太翁斥去帖括歛一切
于無何有之卿方杖鹿裘以烟雲魚鳥爲課

妙遠堂全集

序九

七

責庶幾夫古之隱君子而用沈先生躡紫闥
升金華凡交戟所出入珂佩所後先藻鏡所
收採無不歸德太翁如祭海之必先河汭霖
雨者頌太山之雲也太翁與食儒之報而去
其勞享隱之樂而無其僻卽軒冕林藪二端
無以名太翁又豈枯槁沈寂如向所稱諸
君萬分一足比擬哉太翁年七十矣飲噉起
居皆如少壯人質諸古齒固已貴于侯嬴富

十絳老逸于魯士上有綸綍章甫之華下有溫毳扶將之奉是太翁由用沈先生以傳天下由用沈先生以知太翁方日進未已也抑不佞某更竊聞之天所厚寄知覺一人者必先厚殖其所生今天子方銳意太平推誠疑弼而用沈先生望實孚允旦夕當踐陟九列步武立政事之堂蓋先朝相臣如崑山顧文康海虞嚴文靖江陵張文忠當宅揆

妙遠堂全集

序九

八

時皆有垂白之親人相傳爲盛事以此徵太翁難老於理固非誣者卽不佞謬點華貫步用沈先生後塵然於今日已不得稱爲人子所忍筆而修太翁祝史之詞寧無重豔乎哉太翁聞之或歡然勉加一變不吐棄矣

彭太翁七十壽序

代

上二年之三月宮庶彭用沈先生分校禮闈竣事心念封太翁請休沐還里八月太翁宴

屆七十攬揆之辰諸守令羔鴈間黨牛酒駢闐踰籍聲溢桎梏之間而同郡諸縉紳大夫或與用沈先生齒或從先生而後者爭飭詞命介修無算爵其言人人殊屬不佞擇而薦之或曰彭受姓自顓頊氏上世有名鑑者工治生補導之術迨殷末季年已七百餘餌水晶麋角之粉恒光澤有少容王欲命爲大夫稱疾不與政後數十年門人見於流沙之西

妙遠堂全集

序九

九

其迹渺忽詭卓神仙家豔稱之太翁其苗裔與是宜壽或謂沃土之民易滴瘠土之民易善太翁家漸在商於武關哈呀窳窳之間無一豪雕麗之習盡其聰明纖趨僂巧之智伐浮固而山海經所紀帝農之漿可以愈疾而飲之以爲朝夕是宜壽或謂太翁少爲諸生履忠信而蹈仁義閨門雍穆遠近則之復

得用沈先生爲子於以發抒其未竟之業著
之巖廊太翁衍衍燕息選物備養弗祿康彊
方隆未艾疑爲造物所偏厚者是宜壽使不
佞卽有言何加于諸大夫而妄謂徵宗者幽
玄微地者廓落竊欲緣飾後說而稍廣之蓋
古之仕宦有任子而無封親夫其身都華廡
翱翔日月之際而顧其親猶衣赭繫柴車
與田庚褐父齒雖勉樹立背能無泚然汗乎

妙遠堂全集

序九

十

而今制得以其爵爵所生故用沈先生爲史
官則太翁稱史官先生爲官家則太翁稱官
家身不必遊石渠著作之庭心不必勞旃幄
啟沃之業精醪法醴驛而致之守相屏騎式
閭門士卷轡上壽曾子輿所言大孝尊親何
以逾此且今法人子雖可用祿祿父然或經
營四方屹岫行役之嗟北門執掌之詠什九
不免而况陸行則虞鳥道水涉則犯鯨波以

故急家不能不妨官急官不能不妨家其所
爲陰傷老人心者寧必盡媮快乎乃官可以
時家居家居時可以當官者惟詞林爲然太
翁復身見之用沈先生念在 朝廷則太
翁車驅之而北念在太翁輒又微靈

妙遠堂全集

序九

十一

翁用漢張酺故事每一遷官其父輒一至邸
公卿卽舍起居其樂尤奢其言當更有進于
里閭交游之口者願以今日之觴爲嗚矢乘
韋可乎諸大夫聞是言也而頽之曰信爰命
副墨請質于用沈先生而寓以上太翁
賀王孝標先生八十壽序

盈宇宙皆氣也人得之充體吐之成聲其汚
隆修短咸視所受以爲銖兩善夫韓愈氏之

言文也曰言浮物也水大物之小大畢浮氣
盛言之短長高下皆宜故均是言或一世傳
之或千百世傳之則氣寔載之耳余迹稽文
苑古今號才士名人鮮有老壽者說者謂其
雕刻萬形取譬其宰冥搜尺幅坐鉢心靈以
故果未頽而食由此以言村野老土石堅
而禽豕贖者雖久視安所貴之蓋人之善攝
氣者在于無所奪之而有所用之無奪則常

妙遠堂全集

序九

十二

完有用則不腐彼才士名人或偏取儼巧既
易奪于所擅薌鏡極致折躁乘致翬復小其
用于牢慤溟滓之旨往往促遠而滴和夫不
竟其年于氣與不竟其用于文無兩軌也然
則天之賦氣文士與庸人殊文士之葆氣于
天其殊復與庸人殊彼文且壽可數數然哉
王孝標先生以名家子三令巖邑抱直道細
于時懸車以來無醇醲黛綠之好權蕤築息

之勞起居出入夷險悲愉一寄之詩其于氣
可謂無所奪之矣而先生之詩原本風雅邇
迴六季秉鵠矢于唐五七言近體尤骨沈味
腴別成老蒼冥壯之音人見先生頽然無所
嗜刺編綴類塾師幅儒坐銷居諸者而不
知其境日與目謀變日與手謀得失寸心揚
屹千古爲用未嘗不動也不寧惟是先生孤
嚴周慎食貧杜門非所好不接一語與人煦

妙遠堂全集

序九

十三

煦若春風自燭而秋旻冰雪之神自在二三
子從先生遊者猶獲式典型睹法物若渡江
之後復聆正始漁者入桃花源見秦漢人衣
服則其用寧獨一身耶以故先生之無所奪
者易知而其有所用者難知也甚矣天之相
先生當以目時之材暇以肥遯之日寬以久
長之算而先生無中劖外誘舉古今文士不
易舉者悉遯勃浮之其純一貞固嶽峙杌植

寧足稱異哉先生于是歲開八表諸稱詩社中人爭謀賀而屬詞于不佞不佞竊爲古之大儒如申公伏生皆八十九十矻矻一經之用潛發晚章不肯自已太公之戒丹書衛武之歌賓筵又何其動色相勉不自尊佚也夫不觀氣之行于水者乎去者常有所注而難滿來者故常見其浩而無窮夫善盈必善缺先生著述與曆俱進其先以是言往修爵焉

鈔遠堂全集

序九

十四

更十許年而拜先生教比于丹書之詞初筵之什又請得而論之

王太翁八十榮壽序

顯皇帝已未春吾友民部王以珍氏手疏請歸養驅車還穰侯之里是時太翁春秋逾七十禮所謂一子不從政者與甲令符合而又三年壬戌太翁開八表曆遠近豔爲盛事諸同以珍通籍如不佞輩者咸瀝爵布幣往躋

公堂於是穀核錯陳鍾鼓不僭不佞請爲三觴進而觴太翁曰語有之一日之養不以易三公此以喻人子之志耳然而策名致身則不有其家古所稱陟北山耻餅壘鞅掌于簿書車馬之場寧無所愀然心恫乎而今制獨子例得予告以故以珍朝叩閣而夕得請從容俯仰上食問安祝鳩哽浣厠踰無睽離阻越之歎且

鈔遠堂全集

序九

十五

嗣聖方孝治天下往往清華懸秩以重其品流是上之求忠與下之報禮者宜何如也易有之雲上於天需君子以飲食宴樂請誦是爲太翁壽太翁憫然避席曰吾君之賜也敢不拜客之觴不佞進曰壽者人所咸欲也然不可必于天故馬少爲駒老爲駑樹昔爲椿哉今爲叟所人自壯得艾自艾得耆精神膚體之用有默移莫能挽者當世貴侈家或醴

脛起居之過塗隙障風晨芝晡术使萬一類
此不將憂悴與年俱積乎乃太翁魁岸岐疑
晚益矍鑠與人交落落無町畦命服蟬冠篋
而弗御日徒步間肆混跡樵翁耕父之班每
卒然遇故舊輒踴歌牽臂呼酒家胡手大斗
佐以芹菹夜分馮小奚肩踉蹌入舍觀者訝
爲醉龍無市色無溢言機械不滑其和陽秋
不掛其脛所稱義皇標技之世非乎書洪範

妙遠堂全集

序九

十六

五福曰壽曰康寧曰攸好德寔兼有之請誦
是爲太翁壽太翁莞爾而起曰老人竊陰陽
之委和幸不至憊天也吾遊醉鄉之日長試
以較萬戶侯何若敢不拜客之觴不佞復進
曰子之能仕父教之忠以珍少爲端士兩令
嚴邑拊摩疾苦日戴星往來其仁則魯中牟
恭其斷則虞朝歌誦其才則李洛陽果識者
爭以執法禁近期之而用廉潔無長物至不

能修長安竿牘之間僅從常調量移所治司
農尊庾又豆區金鍾嵬瑣喧逖之地也以珍
持籌精辦七萃之士歌之罔非奉太翁之訓
無敢失墜蓋以珍爲令則人爭德之謳吟并
禱必先歸于所生爲郎則人爭有之而比奉
身歸爲太翁有無不嘖嘖交相慕也以祿養
不如以善養太翁見寧詎出尹惇之母下哉
詩有之教誨爾子式穀似之又曰黃耆台背

妙遠堂全集

序九

十七

以引以翼壽考維祺以介景福請誦是爲太
翁壽太翁逡巡曰野夫不悉公家事然客習
兒子久其言或有微也敢不拜客之觴於是
以珍起而反卮僂揖曰某幸籍兩朝恩以娛
庭祀又大人良食得相依鼓腹歌升平也庶
幾夙夜以永終譽敢不勉自振樹以副吾黨
之志惟二三子命之矣

壽張太翁伯所先生六十序

古人好自標寄雖骨肉間不欲受人位置如
大令父子伯仁兄弟皆未免有競心焉而亦
或故托之俳諧以明其私喜深慶如張憑之
於祖鎮靈運之於父奐者雖然猶可間也石
奮石慶簪笏蟬連而恂恂庭幃間人皆原本
于萬石君之厚德陳長文奕代顯揚張大太
丘之閔時有公慚卿卿慚長之目夫潛修之
光無附自耀世濟之美有開必先獨不覲夫

妙遠堂全集

序九

十八

四序之運與江河之行乎蓋夏之必有秋也
水之必有防也臨觀者方且悲其蕭滅苦其
盤旋而不知紅紫既凋水霜方浩培之芽之
孰長養是陽侯怒飛萬里直瀉觸山則襄泛
舍則墊得千丈之堤以殺其餘派乃益長而
流乃益沛何者有所息者善所洩者也余間
年友張含之韶年登上第妙選爲郎不佞時
相過從每樂徵其大父叅知公寅清藩屏之

蹟含之復媿媿稱恂所先生云不穀之無墜
大父緒非府君力不及此不佞因徵先生何
如人云以佳公子早蜚聲縫掖中每試輒冠
曹偶視一第俯拾耳比不穀既售公車府君
笑曰奈何提三寸腐毫逐兒輩夸父之步亟
謝去被章甫稱封公不穀媿無能圖報塞也
不佞復徵先生里居何狀云好振人之急嘗
爲婣母子婚娶不逆其給廩百餘金置不問

妙遠堂全集

序九

十九

撫亾友之子如已出終身衣食之鬻山氓產
知其不忍舍立還券不取值隣豪常侵市漁
泰然不與較豪俎復爲之解紛崇朴敦讓爲
長者行今六十年如一日不佞曰顏得無稍
衰髮得無稍斑乎曰賴二三兄弟之靈杖几
健亾恙顧且追授曆期不穀幾幾者其何以
上府君萬年觴乎不佞悚然曰如含之言先
生蓋深于道者也先生仰承名父下撫令子

人皆華先生之遺而不知其難席蔭之餘不
媿譬之善弓能裘爲難垂騁之譽不駕譬之
善刀能藏爲難前若手昇後若肩代先生嗜
爾于烟雲文酒之場善息哉抑養生家多言
息或比悠于龜或喻潔于鶴莊生亦云至人
之息以踵先生歛機于元化之先操坎于人
倫之際得秋之神爲防之固其於息寧獨一
身吐納之烈且夫祿位年歲天所雜然施有

妙遠堂全集

序九

二十

德者也然往往視所取以爲酌挹彼榮名鴻
績台閣鼎彝先生上推之叅知公下推之倉
之而不爭則夫視履考祥貽背鯢齒兼收其
勝而獨任其盈者天又烏能靳之試爲我進
觴先生曰入里門而有數馬之謹膝星之異
不復以三公五釜爲尊先生之爲萬石爲太
丘奚以讓更瀝觴觴舍之曰靈運用秘書故
登車被難千古舉爲恨端今之稱先生者體

原芝草山川出雲爲人子若此竟何如計先
生聞之必反觴而一輟然也

壽錢太夫人六十序

予束髮譚枕卽知海內有錢受之以名家子
負才蓋代比庚戌對公車與受之同出高陽
孫先生門相得歡甚今年余以權關之役來
則受之寔待次里居其於微逐讌遊之迹甚
密乃是時受之母太夫人顧年六十矣先期

妙遠堂全集

序九

三

受之私予曰太夫人修西方行恐守令之羔
鴈嫺嫺之牛酒多所推擊傷菩提心將以一
輕刀遠出避之請無復用賀聞而余竊念以
猶母事太夫人且偪處子舍則烏能已已姑
爲以言先之古稱婦人名行不出于閭第細
帙彤管之所垂勒炳煥與辰漢爭光而昔人
幃幃母子間或有獨伸之奇而不必有並徽
之際景讓之拜杖不疑之獻失陶侃之返鮒

千古頌母儀者猶不無憾于其子而至如巨卿登堂之拜安仁板輿之將仁人孝子之動色相嚮流美無窮者亦不必著其母之何姓氏行何則也太夫人爲政闡以內爲德里以內在人所稱述者不遑殫縷而余疎逖未足

妙遠堂全集

序九

二十二

于以知太夫人之慈而淑也末世好爲異同非茅靡則柴柵耳而受之慷慨獨行其意急窮交卹單寡所爲觀析咨討者非國家之典籍章程卽時事之機宜竅會百練剛而千尋直于以知太夫人之端以毅也受之言語妙天下自商周先秦以及六季三唐之業靡所弗工詰自蘭臺鄴架以至汲冢禹穴之籍靡所弗綜覽甫一濡染朝脫腕夕懸國門矣于

以知太夫人之慧而藝靜而通也而受之復備物養色曲承七箸之歡太夫人顏方哲鬢方翼其爲邁會夫豈曩諸母所敢望亨嘉雍穆之氣薰蒸流沁以結爲大年夫豈誣哉雖然受之有今日太夫人之以顧自今以往之身非太夫人之身也木天清近寔儲棟隆其進而秉藻鏡侍履旃躋台鉉方如日之初暉而漸以舒朗大官左藏之滌髓七命九命之

妙遠堂全集

序九

二十三

輪翟將迫而萃夫夫人矣余固用受之之知知太夫人而且用太夫人之年知受之嚮用之年其自七十八十而九而百又奚俟端策也蓋太夫人家近海海吐飲天日以王百川至潛之爲珠貝蒸之爲霖雨皆海也而寔載于地夫地以育海爲大而不必尸海之功受之則海象也而太夫人則地象也異日霖雨之功成而不有天下率以歸德太夫人其爲

西方菩提之行乃弘遠耳今且先屬子墨以
上太夫人

賀貞慈田母陶孺人六十有五初度序
蓋余外舅茂才田公再娶而始得陶孺人也
孺人歸稍稍艱子卽置貳何薦之有身庚辛
壬癸四浹旬耳而茂才公捐館舍孺人日夜
泣卽捫胸絕脰矢地下從無難也孺人左提
弱息右挈所後子沐血而襲寢安事里中業
妙遠堂全集 序九 三五

交口賢孺人矣何所後子天孺人哭之痛
甚月何免身舉承叔孺人掬兩孺子于股掌
洩溺之中與貳何並影而四相事也茂才公
廓落不爲家一弟之孤嫠及兩侄胥于食焉
孺人毅然持門戶則嫠及兩侄食于孺人不
異食于茂才公迨析產猶割贍遺之也汚邪
負郭歲時一小駟往來春課耘夏課穫身先
賦摩夜賦孺人先婢御而

何佐之孺人手瘠于緝緝目眩于組紃更二
十年一日矣孺人旣以息授子室則出入余
家視猶母余每偕寧孺人出好飲食食我與
何迭起治庖腐見余之搏永叔而嬉爲顏微
解也三年余失婦孺人腹悲而貌不益瘁哭
之艾于哭所後子時爲永叔疑疑豎其頭角
矣又六年而永叔有婦又八年而永叔補弟
子員多名流長者之交孺人爲之肄漿饋謹
妙遠堂全集 序九 三五

鏑鎗以默相之如所爲相茂才公者永叔率
婦子以朝于寢選甘而奉伺色而言惟恐失
孺人驪何猶終身執貳禮不敢尸爲母母永
叔婦子也嗟夫易坤之繇無成而代有終婦
道也臣道也通婦于臣此離死喪固板蕩絕
續之關也絳侯朱虛之于漢忠武之于蜀魏
公信公之于宋然其人揭宇宙芬旂常可指
而數也孺人黛笄而副褱者耳當茂才公捐

館舍義宜拞胸絕脰從地下所不拞胸絕脰
從地下則四浹旬腹中之以耳且婦人恒辟
女而矧有支子以形所愛喪息而貌不加瘁
艾于哭夭後子時孺人之明也其知體也造
家于危而觀其成是爲能終茂才公不然當
茂才公捐館舍時孺人悄悄然一拞胸絕脰
而從地下胡難矣古俠烈丈夫所難孺人易
之孺人之有今日非天哉余雖失婦恒出入

妙遠堂全集

序九

三六

孺人家孺人猶母視我爲哀其大都授永叔
使誦之孺人觀旌櫜在門賓禮在堂左顧何
而及裝昔事將必潸潸泣下也嗟乎以孺人
有今日雖觴而泣得無泣而觴哉

賀顏年伯母許大恭人八十壽序

孚孺顏公由冬官郎推擇守宛念許太恭人
春秋高欲投牒不赴而會不勝宛珉吏毫倪
之望爲一輕舫歸觀太恭人而後行太恭人

進于膝懋勉之孚孺奉以守宛可一年餘而
顧時時東望引脰心未嘗晷刻忘梁山太武
之間也 天子踐祚敷大慶孚孺以二千

石拜誥進太恭人如今稱而歲之八月廿五
日太恭人且舉八十之觴于是宛部士人暨
榜籍比季皆詫爲美譚盛事爭加遵介幣往
賀于郡庭卽不嫻于頌如某且毅然身先祝
史而孚孺意且倦遊會稍失常事指卽趣舍

妙遠堂全集

序九

三七

人治裝解印綬返矣人之欲賀太恭人而未
效于詞與惜孚孺之歸而無從解其故者輒
曰太守固亟念太恭人歸又適值太恭人八
十期卽三遷九命寧肯易一日而孚孺亦囂
然以得歸副初念不使太恭人初辰憂遠子
爲樂不佞某口吏其說而心猶謂窺太恭人
孚孺之淺也夫人所願于母者貴母也賢母
也壽母也然貴者親不可必于子賢者子不

可必于親壽者親與子之不可必于天乃壽
至八十九號爲超軼希有古思有倫如虞潭
母年垂百安車入都司徒王導以下就謁養
堂最爲寵貴王右軍祁夫人年九十與人書
稱齒髮無關神明至耳目那可便與人隔可
謂辨晰具超卓男子識賢矣而其晚不無零
落之歎也太恭人以孚孺爲子卽不必使朝
貴迎謁若虞母而入難芍藥之奉六珈象翟

妙遠堂全集

序九

三

之服起居無方備物盡禮且聞太恭人神明
湛王僅如五六十人以故進膝而勉孚孺無
慘色也孚孺之治宛其廉潔可飲水其剛決
可剝犀而每值簿書煩細禮文苛絞呼指齟
齬輒拂然曰曷歸乎奈何以一腐鼠易堂上
慈烏也宛人頌孚孺謂百年來所僅邁而廉
則不能無所形剛則不能無所忤鵲媒蛾工
實叢之矣故淺者謂孚孺數亟太恭人以歸

樂不以去戚而不知孚孺惟數亟太恭人故
爵祿不入其心爵祿不入其心故得一意畢
其才於治郡而忌者之偶晦不能敵頌者之
時章也向時孚孺違太恭人指僅戀戀膝下
人何以悉太恭人閤遠曙大體而或孚孺緩
親而急官于以嚶呪脂韋俯仰取尊顯又豈
所以光昭太恭人之令名哉故不佞其竊謂
信向說之淺也昔潘安仁著閒居賦嗟拙宦

妙遠堂全集

序九

三

滯淫沾沾以板輿奉母周覽王畿自喜乃考
其傳稱岳與賈謐等爲友其母誠之曰汝不
鑒止足之分猶乾沒不已乎是岳之奉母特
貌耳非真能悅母志也嚴延年守河南冬月
論囚其母止都亭不入垂涕譙讓太恭人以
孚孺爲子固已遠勝潘母嚴母而神明湛王
方齊祁夫人之年今得孚孺歸舞命繡而御
之曰兒不敢逆母命棄宛今幸母得罪宛匹

夫匹婦爲母憂又不失母初辰使以念游子
損減七箸且陳篋者在門登歌者在堂知太
恭人必顧而樂之卽虞母安車之迎何遜焉
雖然貴不可必子而太恭人得之乎孺賢不
可必母而乎孺可信于太恭人壽不可必天
而太恭人實凝承之乃以乎孺之治治宛可
必于下之頌而不必于上之知也人其謂何
不佞其爲太恭人修祝史之文而不能無介
妙遠堂全集 序九 三十

介者則猶是思賀太恭人而未效于詞及惜
乎孺之歸而無從解其故者之見也惟太恭
人輟焉舉觴不獨慰乎孺矣

妙遠堂文律集目錄

策

策一

策二

論

志伊學顏

先和而造大事

妙遠堂全集

策論目

妙遠堂文律集目錄終

新野馬之駿仲良著

繡水沈德符景倩閱

策一

問用兵者率言奇正則用衆用寡之殊矣乃有謂取荆非六十萬人不可者有請以十萬師橫行匈奴中而謂其可斬者亦有以三十六人成西域之

功以七百人胡服鳴角夜襲吐蕃以偏師風雪入蔡以從官未罷酒而奪崑崙者其制勝之道孰爲萬全也奴禍漸深邊臣日號援兵苦其不集然使卽如所議十八萬之衆盡赴廣寧山海間遂足以制奴之命乎是未可知矣抽調之未已而思召募召募之未已而思用西虜用朝鮮果保其無

得失與抑奇正衆寡之外別有要領

與諸士盱衡而憂時且摩厲以須效矣其悉摛有用之實著于篇

志有之奇正之變不可勝窮也則或用衆或用寡其概已而善治兵者衆亦勝寡亦勝衆不妨散而爲寡寡不妨聯而爲衆要必衆而正以張不拔之勢寡而奇以赴不測之機然後錯出如環而卒立乎不可敗之地奚以明

其然也秦欲伐楚王翦謂非六十萬人不可樊噲請以十萬師橫行匈奴中而季布謂噲可斬也似乎伐強敵非衆莫克矣然班超以三十六人往使絕塞懾鄯善焚虜使定于關不聞其請益兵也吐蕃寇渭源薛訥王駿禦之以七百人胡服大呼鳴角相應蕃人拉然驚潰不聞其煩大舉也李愬以九千人冒風雪夜襲蔡州談笑入元濟之舍而不聞其資

後勁也秋青元夜設讌召從官稱疾入內未
罷酒而報青三鼓奪崑崙矣不聞其容旁議
也由諸君言之翦布爲吳輒爲庸將矣而非
也翦布見其大而起輦中其微衆而正所以
自全凌虛陷危以標長而底績則非奇弗效
也蓋孫子有言兵者其勢儉其節短嘗觀古
人已事則用多而拙者比比矣王尋王邑之
伐宛也鉦鼓旗幟綿亘數千里雜以虎豹犀

妙遠堂全集

策

四

象之屬軍容之盛震古罕儷而無救于昆陽
之敗曹操之下江南號稱百萬而無救于烏
林之敗苻堅伐晉號稱六十萬而無救于淝
水之敗尋邑苻堅不足道操知兵善將淹貫
孫吳而甘出敗僂之轍者志驕而不審故易
乘其疎地異而未嘗故難防其懈於節短之
一言繫未有合耳竊以爲用兵之道正以張
勢而奇以赴機其說似未可易也東方之難

作侵尋四年奴焰益公我疆漸蹙邊臣疾聲
棘手以須士馬芻餉之厚集而猛爲之圖固
其情矣乃執事謂雖滿十八萬之數如原議
未必制奴之死命於乎誠不足以制奴也何
也試取遼已敗之局而覆商之其難可知也
四路之舉宿將授鉞勇士交綏兵非不衆也
而卒以全覆聞遼陽之守深池高城積米如
山輸金如水兵非不衆也而卒以叛潰聞蓋

妙遠堂全集

策

五

有兵而不練與無兵同也有兵而不戰與無
兵同也任議之岐觀帥卒之解體動靜之爽
算賞罰之稽時欺懦之成習與無兵同也今
日廣寧山海間號令明而壁壘新神氣稍稍
張矣然所謂任議帥卒動靜賞罰欺懦遂能
犁然盡改其舊乎即使王翦季布起而登壇
恐未可得志謂十八萬之衆遂犁庭掃穴不
旋踵而策盟府之勲生不敢浪言之而浪信

之也蓋四路之舉近于正而不得其正故一
鋤而退無生地近者鎮江之復似乎奇而不
得其奇故捷書甫馳益以挑奴之怒諸衛被
屠戮最慘且駸駸乎悉銳欲渡河矣嗟乎未
預定奇正之算而不能用所以正所以奇以
錯出無端之方此遼之有兵而無兵也至所
議用兵于遼又可爲長大息矣夫額兵之不
足而思抽調也召募也勢也非得已也其欲

借西虜之力資朝鮮之犄者意也非不可得
已也而愚以爲其名甚美其論甚快斷斷不
可久者則召募是敗夫蕩子橋度而語兵持
網者欲汰而擇之而不勝汰也欲待而擇之
而不勝待也則不得不姑以名收之方其膺
選而出計無終日而已有逃之之心矣則領
餉而人散而崇朝而已有剽之之心矣無論
驅不教之民饜方張之虜彙有用之帑資荒

飽之夫而囂凌蹈籍咨臆冥行如楚兵之計
于襄淅兵之謀于杭道路且有聞矣矧其出
關而趙趙則清人河上之詩可虞也或不出
關而離颶則涇原奉天之亂可戒也故召募
不可不止也又有其名甚美其論甚快斷斷
不可嘗者則用西虜是大羊相比奴狡而虜
貪墮其術中固甚易且彼以不由衷之言而
望其代我爲不切已之怒虜雖羯恐未肯俯

而牽鼻也今條報以四十萬至矣此豈僅僅
弦高之十二牛足以充犒迎哉彼恃衆而挾
賞則難爲始伏詐而逾盟則難爲中得志而
責償則難爲終且我之讐奴固矣何親于虜
而指臂視之肝膈委之不愈以開弱示四夷
隙乎用之而得如回紇之于唐岐隴同渭之
間騷然無寧宇猶可言也用之而失如金之
于宋遼亾而金強金橫而宋削矣不可言也

故用虜不可不慎也而士大夫以其名之美而論之快侈言召募秘言用虜似非所以爲遠策久長也雖然東事將不可爲乎愚以爲莫如急練邊兵嗣猶邊兵以實之而借聲朝鮮以爲之翼蓋人慮朝鮮之惕于奴而中持兩端規我獨不思朝鮮之畏折入于奴雖就我而無敢貳焉其情亦可念也第可借之以爲聲勿遽狃之以胥敗也所惡于邊兵者塗

妙遠堂全集

策

八

人象馬不可驅策耳蓋留精銳以自衛而區畛域于代軋則邊臣之陋也倘屬功令以燕之雷霆號震其上視督撫則督撫力矣視大帥則大帥力矣又何患抽調之不得實用哉而其要莫急于練土著之民與招內附之衆蓋遼人膏血腥于川原冢墓戕于斤斧枕籍而死者非其父兄則其子弟是必憤憤而勇可使也巧生于所習故屢溺而善沒者出

矣屢蹶而善步者出矣遼人習于奴而漸窺其長短去來之狀則其弱可使也遼人雖苦兵其風氣筋力素悍驚亦勝兵偵卒邏騎第庚擇而省旁求其智可使也遼之陷奴者日夜引領望救其散入而廬其廣寧登萊之衆皆飢渴易于拊循與內地望影而怖思轉徙窮道者反覺不侔則其愚可使也使得一嚴毅廉仁之將屬而部伍之厚其精爲練資寬

妙遠堂全集

策

九

其期爲練日精其法爲練課庶乎人人思奮無衆無寡俱可試于用矣然而他日之制奴又出于用奇不見李泌之策安祿山者乎曰侍子女玉帛皆輸之范陽此豈有雄據四之志奴之舉動亦類之所恃爲跳擲者三叛人耳今當事議三方布置其得失姑未敢深言然可謂正而衆以張其勢矣於班超薛訥李愬狄青之著奈何不亟圖哉蓋

用奇之說有二焉曰用戰用間誠如項羽之救鉅鹿沉舟破釜示以必死之心而始可以語戰誠如韓信背水李愬垂鎚所謂置之死地使人人自力而始可以語戰誠如李牧目推牛饗士人思得當以報而始可以語戰也誠如馮睢操金遺書宮他而始可以語間誠如陳平見項王使佯驚謂爲亞父使徐以惡具雜進而始可以語間誠如种世衡遣王嵩

抄遠堂全集

策

十

入元昊又設奠遺版以殺野利天都而始可以語間也以奇赴機則立正之衆不贅以正張勢則用奇之魄愈堅夫然後可以決戰可以圖守雖十八萬人不爲不武故願亟罷召募絕言用虜而專以事遼將見天怒已盈廟謨畢集奴且有授首之期矣抑老子有言兵者不得已而用之恬憺爲上此非老子之言而大易之訓也易之師曰裁至險于至順

險易知順不易知也其象曰丈人貞吉弟子與尸則凶而終之以開國承家小人勿用夫所謂小人者非必貪婪徂變懷向背而圖機宜始足以當之也蓋微有翹然自試其奇之心與冒然矜伸其說之意卽如吳起所云僞士卽無益于國家矣倘能求師帥之丈人而無用尚僞之小人尤所稱制勝之本萬全之圖折衝帷幄之上計乎而非昧注之夫所敢

抄遠堂全集

策

十一

置喙也

策二

問兵陣之法所從來久矣或云原于井田或云本于易見于詩其故可得詳與自軒後而下號爲精奇變化者莫如諸葛武侯其八陣遺圖最奧復難測諸如李奎張燁趙本學之解紛紛駁擊其肯綮安在也說者謂陣法絕

自南宋而我

先朝諸名世大帥著邊圉鍾鼎之功者
仍有一二嫻習者與抑專恃野戰也
逆奴狂逞聞其行兵實精悍有度故
不易當然則奴反習法而我以師武
臣力全盛之世用兵顧甘出奴下耶
是不可不亟講矣昔唐之太宗宋之
神宗鯁鯁鑒鑒於布陣束伍之制若

妙遠堂全集

策

十三

謂舍法無能軍而古名將又有不願
學古兵法者有謂運用之妙全在一
心者于易詩所稱將無謬鑒與諸士
於中觀析久矣務質而言之勿繙輓
說鈴爲也

兵可以無法乎彼旋鞠制碁且有物有則焉
而況于兵然則必恃法而後兵乎是膠柱可
所鼓瑟執方可以攻瘕此趙括之所爲禽而

房琯之所以立敗也譬之學士家孫吳符鈴
之書其四子六經也營陣行列其比耦帖括
之技也演繹訓練其私課羣試也戰必勝攻
必敗其脫穎而出囊登歌而通籍也世固有
腐儒老生酣飽傳註之文濶翻訓詁之說而
不得志于有司者矣未有游閒豪舉目不觸
縑緗手不操筆牘枵腹而遊子墨之林可以
指陳古今籠取青紫也此學法與用法之衡

妙遠堂全集

策

十三

矣營陣之法何昉乎或曰其說本于井田四
方爲正四餘爲奇比肩而耨鋤授之以行列
整齊焉固古人寓兵于農深意而或曰其象
盡于易之師伏義氏則星布卦以十二卦當
十二星布四坎于中以爲貞布八卦于外以
爲悔一陽居中用事內外諸陰環而聽命焉
將道也故名之師諸葛武侯八陣遺圖知者
謂出於風后握奇之法而多寡亦準于易上

統三十下統三十四皆配合上下經之數循
環藏露準于爻餘奇爲握準于蓍其說非卒
語可盡而儒者謂先王行師伐國之制不可
得而指授畧於常武之詩如飛如翰如江漢
如山川想見之抑何盛矣至於魚腹彌牟之
圖所可睹者壘石也所可計者算數也諸家
爭臆測而手模之李筌之所演張燁趙本學
之所詮出入異同雖不一指而大約天地風

雲龍虎蛇鳥其位也一而二二而三以至于
八而六十四其變也天覆地載風揚雲垂龍
飛虎翼鳥翔蛇播其名也其說幽微浩瀚有
耆儒之所不能通宿將之所不必曉然總不
外乎方圓曲直之形奇正分合之理有衡有
軸有衝之別爲六爲八之分而中貴有帥以
主之則風后之握奇師象之陽爻也善乎獨
孤及之論握奇曰立位也備物也致用也陰

堅拔深如星馳天旋雷動山破頗得聖人握
機之意而張行成所述八陣謂閱習于平時
一旦當敵闖亂而不可亂形圓而不可敗則
千古兵陣之肯綮矣武侯而下以追勝國人
自爲陣而陣不可勝紀也陣自爲法而法不
可勝贊也說者乃云陣法絕自南宋夫何代
無武功而必曰南宋而後無武法哉固矣其
隅見已我

國朝草昧肇造之初靖難三犁之舉咄咄赫
赫震殊俗而帙往符寧非有開合六花飛揚
九地者哉卽其後文武名臣王驥有立伍之
陣矣俞大猷有三疊之陣矣戚繼光有鴛鴦
之陣矣騏驎大猷姑舍是繼光百年間名將也
兵家方艷稱之其爲握奇也八陣也不可如
而要之恃法而後能勝熟法而後能變則古
今人一軌矣逆奴狂逞敢逆顏行而我屢挫

之餘奄奄不振若謂女貞兵滿萬不可敵其語近確者而不知奴恃蟻聚烏合之衆耳奚足以稱敵國第所爲行兵則彼有制而我無制彼能習而我不肯習耳何也奴之自推以至耄皆兵年也自名王當戶以及部落零星皆兵人也簿書期會考課等差皆兵事也飲食耕鑿起居嬉戲皆兵具也而且聞有水煉之法焉有火煉之法焉乃中國則反異是矣

妙遠堂全集

策

六

其視兵也相駭爲非常之原兵而談及于陣陣于法尤迂之矣毋論衣纓文墨者等之塵飯芻靈卽材官蹶張別有窟穴以寄其精神問之公望司馬而不能舉其名氏有之矣至禦制于剝膚而始呼救于燃燄謂猝足以得營陣之效有是理哉愚竊嘗聞其緒矣以陣言之天地風雲龍虎蛇鳥之自用之諸曲險阻或未必盡然而所謂貴正分合可習也舉

重挽強不怯者力瀕危隣殆不撓者膽日經月歷不變者筋三者可習也以具言之虜所長弓矢也騎戰也而我所長以詘奴者步卒也火攻也車營也

成祖文皇帝嘗經營百戰率用神鎗聞近日西北邊恒籍之虜無不望而嚙指焉乃萃火具于遼而輒苦不競曰虜遠而駭近則勢曠而不可驟及也虜後而駭先則簡熟而不可

妙遠堂全集

策

十七

更燃也凡茲皆恒怯祟其中耳故火器可習也犀兕丹漆之尙多而函何以不輕且堅金羽膠輪之不勝用而弓與矢何以不鉅且銳故美其材昂其直良其工而甲冑絃括可習也誠能如馬隆之所造偏箱車且營且戰用以取京州而車可習也如岳飛麻扎刀輜以白榜專用之指斷馬足中人腰膀而步可習也且我數奔者以其怖耳若目閑于旌幟之

色可以不驚耳恬于金鼓之音可以不震身
安于雨雪霜露之氣可以不疲心矜于作坐
進止之場可以不懈夫不見馳人之教馳乎
乘千里而一息視過却如歷塊然初鮮有不
掉眩欲墜者乃爲銜以勒之轡以總之箠以
笞之夫然後手足有所馮而心口有所止一
試而可以御馬再試而見無全馬三試而恒
恐霜蹄之不速矣故營陣之法其使明于二

妙遠堂全集

策

十八

廣五軍魚麗鵝鵠者其文也使之上下相維
呼吸相應手與器相操師與卒相倚爲命于
以定囂止許反懦鼓衰驅之萬變而爲我用
者其神也奴雖橫終機亂耳此其說又証於
唐之太宗宋之神宗矣太宗束髮起兵以神
武取天下衛公之博綜曉暢武侯後一人耳
乃君臣相與問答一何諄切詳至哉宋神宗
時值契丹元昊搶攘之餘擱焉爲富貴強兵

之舉宜其咨之朝士見之詞論于東伍立陣
反覆致意焉而齒莽者多好稱霍去病岳鄂
王蓋不至學古兵法以對漢武去病之言也
運用之妙在一心以對宗澤鄂王之言也
嗟乎有去病鄂王之人而後可亦如縱掖之
徒賦天授之絕資空入倫之妙選流覽則數
行俱了慧識則三隅可通馮虛而上固其所
耳而必欲陋臨染爲守堦喚伊吾爲嚙木是

妙遠堂全集

策

十九

必家嫖姚而人飛將始以充駕馭彼易象所
陳風后所創武侯所圖李筌諸臣所研釋皆
爲欺我雖唐宋二帝猶眉睫之見也與哉晉
樂臧之稱于楚曰好以整好以暇於鄂之戰
卒令遣使承飲以實其言而六月之詩曰有
嚴有翼共武之服解者謂敬以將事也故以
八陣諸家視營陣猶武夫之粗迹而以詩書
之文視營陣之法則致精而極微矣且兵之

方練者有戒心焉戒則必敬得志而汰或中之矣奴僂勝而汰而我方戒而敬屈其所軋以求仰其所長又唯今日爲然矣雖然百珍海集而毀土簋六書雲興而返結繩迂而不可施也越方斷髮而資之以章甫秦方馴鷄而教之以方舟強而不可久也風后武侯其人邈矣談於堯鑒之前有睜目發狂華耳所稱威繼光者同百年間名將也其在南則紀

妙遠堂全集

策

二十

效有書在北則練兵有紀宜人予一帙而課其成焉或如張睢陽令諸將各以意教而無掣其肘巧者變通疎者循習將不數月漸可追踪江漢常武之盛矣夫兵法者嘗苦有可習之時而無其意有不得不習之意而無其人三年蓄艾今猶可緩哉故吾願遠之諸將寧爲李荃張燁趙本學拾金版玉符之遺瀋而不願以去病鄂王自侈冒白刃持空拳反

出蟻蠱之奴下也雖然更有進焉桓桓糾糾士卒之任也悅詩書敦禮樂敵王愾而固吾圉者將帥之任也明功罪區枉直罰不貸親而賞不逾時者將將之任也夫使急公與縮朒者同科而誰肯先于起使殉難與保身者同寵而誰肯勇于死使持局與旁睨者同諱而誰肯殺于承彼區區廢律野戰又其小耳嗚呼今天下之無法也久矣

妙遠堂全集

論

三

論一

志伊學顏

伊尹起莘野之中負鼎而干時主其迹甚奇南巢之舉翔唐虞未有之勛功甚高桐宮之役易置其君如奕棋事甚烈也而顏子淵棲遲陋巷之間郭外之田僅足以供餽粥郭內之田僅足以供泉麻恂恂誦讀終其身蓋亦約結無俚之甚矣而濂溪先生乃云志伊尹

之所志學顏子之所學不亦相舛謬而不倫乎非也人之志無際而學方凡有所欲爲于天下以身試之而失者非盡無志也正其學不足以御之也且顏子之學何學乎固學爲孔子者也夷考孔子生平飯蔬飲水營一飽之無時輟爲環席爲不暖而乃曰吾志在春秋大春秋者皆撥亂百世之猷尊夏攘夷之事當其時號爲九合一匡庶幾可比隆伊尹

妙遠堂全集

論

三

兩無媿者非夷吾乎使孔子效其變魯之長以建東周之略其作用規模未必非盡夷管子不足道然孔子亟數仁其功而獨小其器則以仲之志則是而其學非也由此觀之非特管仲而已也儀秦也申韓也皆的然思有所制于天下以斯世斯民爲志者也彼固曰吾之汲汲于天下如是非必拯斯世斯民以俯合于吾所欲爲則不可而不知志大而武

有以矯之志密而或有以遷之志虛而或有以中之於是利未程于一身害已禁于一世卽苟且補苴民物或襲其慶而吾之心膠膠格格立于四驚之途有不勝其僞張者矣善夫周子之教人也彼若曰寧使宇宙無事功不可使問學無根抵有澹然漠然若置若忘之局量而後有赫焉卓焉不震不迫之精神以志若此以學若此可象可則鴻羽也可見

妙遠堂全集

論

三

可隱龍德也其斯以爲太極之精詣乎漢博陸侯受遺定策於社稷勲無兩得世並舉而稱之曰伊霍然前史譏其不學無術矣豈欲其釋圭組而簡編也哉誠使轂丹佩玉之時際乘負墮之會稍有彈琴咏歌浮雲富貴之意則其神必不濁而欲必不盈甚矣周子之言能見其大也其學一傳兩得程兩程子茂叔之教必令尋顏子樂處而胡瑗在大學舉

問伊川曰顏子何所學故兩程得詣其微後
當安石行新法時程子徐以片言折之天下
事非一家私議願以平氣聽之夫安石志易
天下其自處固不下于阿衡也而不能有以
奪程子嗟夫學寧易言哉

論二

先和而造大事

舉大事者其神燭于事先必握乎豪傑庸人
妙遠堂全集 論 三五

交劑之樞而後吾之事萬舉而萬當何者大
事者人心之所集也惟集則媒爭勇爭于技
智爭于鬻古爭于鋒意爭于柵於是乎不顧
事之濟不濟而務有以持之究且使事之整
而造勢事之靜而造躁事之有端委有節候
而造輟轉凌忽決裂之禍卒國受之甚矣不
和之爲害也吳子之言不和有四曰不和于
朝不可軍不和于軍不可陣不和于陣不可

戰不和于戰不可勝而謂有道者之用民先
和而造大事嗟夫知兵本矣雖然此非特兵
家之言亦儒者之所恒道也孟子曰天時不
如地利地利不如人和而尉繚子亦竊其語
稱之今夫負百鈞之囊者必血脈靈通手足
調適而後可以遠而無蹶也聚千金之族者
必主伯蒸洽亞旅恪恭而後可以安而無戾
也而況于國之大事乎然大事恒易失于不
和者此豪傑之責非庸衆人之責也何也庸
人能隨不能規能附不能徇豪傑之士其精
神瞻睨往往浮溢于事外而蓬勃于事中使
豪傑任事而庸人駭之一豪傑任事而衆豪
傑參伍之擘析之常覺曼曼焉閤不相入故
曰不和者必豪傑非庸人也試以起之所贖
就春秋事証之殺之役秦穆公遽蹇叔出師
使哭送其子而卒以西乞孟明往遺之禽所

妙遠堂全集

論

三五

謂不和于朝者也城濮之役楚子欲退子玉
欲戰少與之卒而弗止焉館穀于敵而自戕
其身所謂不和于軍者也大棘之役華元饗
士羹弗及于羊斟而遂御之以入軍所謂不
和于陣者也邲之役先穀違命荀林父不能
令從韓獻子分惡之計而以脫扃掬指貽譚
詬所謂不和于戰者也嗚呼此秦穆楚子華
元荀父之過而非諸人之過也謂其智不能

妙遠堂全集

論

三六

用之也有道之主知之其紐握于和其軸轉
于先是故意有所不必膠權有所不必藉才
有所不必驚術有所不必籠續續綸綸閃忽
咄嗟之變不必問而惟就人心之微默抗之
其受如谷其圓如環其翕如橐其發如括其
靜如陰其動如陽在國而一國如一家在軍
而一軍如一人在陣而一陣如一體在戰而
一戰如一心夫然後下令流水之源而決機

風雨之迅雖使天地辟易禍社丘墟首領戰
塚妻孥土梗用之萬變而其民無不樂爲效
殊力噫和之益大矣是道也夔曠得之以諧
八音侖扁得之以咀百草易牙得之以適五
味則皆豪傑之用也蓋絲竹土革樊然列于
懸得金石以始始終終而音舉矣故金石者
能用絲竹土革者也鑿之爲辛爲苦爲毒蟄
蠱通羣然卑陳于篋而國老能和之故國老

妙遠堂全集

論

三七

者能用百藥者也苟藥之醬虬麟之脯鹽梅
之羹熾然雜投于鼎而甘藥能受之故甘藥
者能用羣組者也有道者消豪傑之角距以
庸庸衆之聰明亦猶是矣蓋豪傑之氣靡所
不張而不能不爲大事抑就其細惟恬于節
拓于量夫然後順于衆而和于朝一和于朝
而告元龜參天時皆其後矣易曰聖人以毒
天下而民從之而孟子曰得道者多助夫從

必出于不自疎助必出于不自用甚矣吳子之言近知道也間嘗釐觀宋事而得和不和之極致矣宋之盛也其大舉無過澶淵西夏矣澶淵之駕寇準與欽若見明乎不和而百萬渡河天威震疊其制事何定也西夏之績仲淹與琦迹似乎不和而好水之衄鄜延之守其濟事猶均也迨其後而新法興洛蜀構主和主戰畫江畫淮始以豪傑與豪傑爭繼

妙遠堂全集

論

二天

以庸人與庸人爭而宋之大事去矣故愚以謂有道之用其民去不和以致和必豪傑之責也雖然將妹妹媛媛鐔處其身而虐舟視其國乎是賊事之甚者然則何以晰和曰惟其公何以決和曰惟其斷請附二言以伸吳子之義

妙遠堂文集

妙遠堂文呂集目錄

疏文一

募修滌河通濟橋疏

西關門外募甃街疏

募修邑侯司公生祠疏

唐縣白秋鎮募修東嶽廟疏

募修廣生祠道房疏

募建報國庵疏

妙遠堂全集 疏文一目

一

唐縣土屯廟募修白衣觀音庵疏

黃臺寺講經募緣供養疏

襄陽府重修臥佛寺募緣疏簿

乾明寺重修藏經閣及兩廊禪堂募緣

疏簿

屯頭重修觀音庵募緣疏

翠林庵募緣疏

爲賢僧如賢募建禪堂疏

果園村菴募供養安禪講經疏

龍泉菴疏偈

安樂寺募化供養道場講經疏

乾明寺募齋萬僧疏

誦法華經疏文

募置水陸全像疏

誦梁皇懺文疏

拜懺施食放燈疏文

妙遠堂全集 疏文二目

二

捧誦梁皇懺及放河燈疏文

破建懺罪祈福道場文

施棺圓滿度亡道場疏文

中元日建追薦亡友道場疏文

酬謝黃河之神及超度水亡道場疏文

侄宗痘愈謝土主尊神疏文

爲母度誦金剛經疏文

爲母祈安建立禮懺度亡道場疏文

爲母禮懺祈安道場疏文

誦梁皇懺薦先文

追薦亡室道場疏文

妙遠堂文集目錄終

妙遠堂全集 疏文二目

三

妙遠堂文集

新野馬之駿仲良著

棠邑張鳳翼附之閱

疏文一

募修潦河通濟橋疏

蓋聞王政利民生紀徒枉於十月佛詮傳善
喻標寶筏于千金維此潦河夙稱巨浸南接
荆巴之版壤北通燕豫之輪蹄每至積雨奔

妙遠堂全集

疏文一

四

臨兼秋浩淼止公無渡時寫怨于空篋向若
而悲難施長于舟楫等視同已溺叶于人
謀爰希編竹之功共免寒裳之歎伏望某等
作功德主割慳貪心將鞭石以駕鼉鼉漸看
巨索如積毛而填鳥鵲何擇鴻纖屹然不日
之間宛爾垂虹之影竹見塗謳巷頌福田自
食于四天即令岸圻山崩香齋永留于百世
謹疏

西關至門外募甃街路疏

周道其直如砥夙著美于詠歌陳國弗不可
行乃徵亡于朕兆沉屬咸謂之內更當車馬
之衝惟茲顯佑坊西以及觀瀾門外室廬則
連牆比屋來往則躡趾摩肩且城隍廟可一
方善惡之衡威靈烏爽廣生祠主萬姓宗祔
之寄血食崇隆駿奔則旦望勤于宰官禱祀
則遠近逮乎婦子而水泉無以流惡磬確多

妙遠堂全集

疏文一

五

類迷陽居憊而跽武啗岨卽青蹕何由稱善
陸雨則兼旬沮洳雖禹橈安得交通寔爲閭
左之憂勿等途人之視蓋必斃之以石乃可
傳于無窮祈我嫺鄰各捐粟帛准錙銖靡惜
冀將積羽以輕金始荒度惟勤乃便懸水而
砥地敢望銅溝槐里同上都九陌之規模庶
幾白日紅塵利閭境四民之出入謹疏

募修邑侯司公生祠簿

伏聞桐鄉祀能逾子芬俎豆于千秋畏墨誼
不忘君暫衣冠于百代寧獨后讐殊迹亦且
浮剝知風我邑侯某事以俊人起爲循吏清
堪飲水屢聞懸甌生塵早可爲霖立使焦原
改色不鄙彈丸之邑丕恢游刃之矧識朗燃
犀狐絕憑城之尾政祛害馬鴻希繞澤之音
導美利于久湮胼胝而先民事撲兇鋒于方
熾旋席以過王師且增餉徵兵遭時不易馳

妙遠堂全集

疏文

六

車呼馬較昔尤艱凡閭閻不聞不見之中悉
籌畫以保以臨之事若由已以饑者惟然不
遑于安非每人而悅之乃其所以爲大忽遷
郡佐尚缺輿情願借寇君叩帝閣而眇訢孰
嗣子產遊鄉較以興歌祗憑丹艘之區常肖
紫芝之宇憩甘棠而歌勿剪萬口猶碑擷溪
藻以薦維馨一朝成市爰資鴻助始便鳩工
試思四載之間何以仰有父俯有子必同二

代之直或知殺不怨利不庸旣弘不朽之芳
翠且作後來之炳鑒倘念衆繁則舉庶有望
焉如其薄德自甘亦奚責矣謹疏

唐縣白秋鎮募修東嶽廟疏

伏惟東嶽之神號曰天孫名爲司命列玉霄
之簪笏比王公燦金簡之圖書炳靈秦漢
維此白秋小市舊存青岱行宮風雨漂搖朱
椽遮滅使入者無以作敬卽過焉莫不興哀

妙遠堂全集

疏文

七

乃有羽士某者忽來施藥探千金龍藏之方
殿爾朝真叅五夜驚旂之隊勤思鼎建普望
雷從寸鋌縷絲卽同珠壁支流餘滴將作江
河庶不日牲祝告虔煥碧瓦雕甍之盛且異
時清虛註籍享丹丘玄圃之庥謹疏

募修廣生祠道房疏

伏惟廣生尊神炳靈棖栢衍慶宗祊惟叢祠
當草創之餘故副室眇茅茨之地黃冠旦至

而夕歸逆同旅客婦子風行而露處視等途
人欲虔崇奉之心宜飾莊嚴之貌伏願廣施
木石勿瘳錢刀庶幾積圭黍而成小丘俾得
潔香燈而考鍾鼓人以仰瞻悚志稍弘輦飛
鳥革之觀神將默運爲功必獲麟趾螽斯之
報謹疏

募建報國菴疏

佛說四恩國王居一然方袍圓首之衆無可

妙遠堂全集 疏文一

八

事事惟有晨夕持誦悲祈以資利益而矧邊
氛踵接暴骨如亂麻滯魄幽魂必變雪霜而
惜星月者偉哉寬公之募建報國庵也自遼
左發難以來簪紳祿養之士規道德而矩名
法多乘間抵隙攫官爵眩筐囊以自肥潤儼
然居之不疑而寬公以緇衣赤脚從寒灰枯
木中勃積血誠不忘國恩如此倘非焉裾會
脫必有對之而汗下者矣卜式有言天子誅

旬奴賢者宜死節於邊有財者宜輸委而後
旬奴可滅也居今之世苟未能殺賊貲未能
轉餉者請皆施之于庵以存此意勿徒作福
田佛事觀也

唐縣土廂屯募修白衣觀音庵疏

我觀音大士者從聞思修得正徧知助宣法
教若公輔之佐天王悲愍群生類慈母之撫
稚子其在白衣之號尤關繡閣之祥寶地琅

妙遠堂全集 疏文一

九

雨誠依梵網石麟玉燕慶衍宗祊祈普發四
衆之喜心可立成一方之盛事悟非幻而幻
幻朝鍾暮鼓突生陸地潮音由無生以生生
秋實春花悉屬蓮邦法種寧獨比丘尼修持
有所將使闊浮世繁衍無窮福不唐捐佛爲
證嚮謹疏

黃臺寺講經募緣供養疏

黃臺寺殿閣落成寺僧乞余碑爲文之矣已

來告曰惟茲月望禮講師名山建壇說法以
惠學人願居士一言以勸施者夫楞嚴二十
五圓通門從聞思修爲震旦第一義今詩書
絃誦之流館舍以群之討論以晰之弗精弗
詳猶同糟粕况金口所宣貝葉所紀希有微
妙十伯世諦者乎因施生信從講生悟施者
之功等於講者乃不辭擲管而爲頌言

稽首調御疲津梁 四十九年作道場

妙遠堂全集

疏文一

十

微言妙義時宣揚 副以瑠函琳札藏
誰能掉臂入祖堂 手扶寶山施貧厄
名山上人嗣法王 片紙能焚五燈光
獅子吼地白象狂 舌端辨辨青蓮香
緇俗圍繞皆熱忙 傾耳徐聽沾清涼
有如岱雲雨八荒 蒲稗稻禾各自長
根因勝劣視所當 雨實無意爲災祥
復如人覲孫子目 延師嶽嶽絳帳張

拾青紆紫爲願償 遑計修脯資相當
何況菩提甘露漿 生死大事超無常
吁嗟檀波恩不忘 子視衆生慈無方
金繩法幢非渺茫 願言亟破慳貪囊
襄陽府重修臥佛寺募緣疏簿

竊以驚峰西峙啓日月于銀繩鹿苑東開麗
雲霞于金牕凡茲名槩恒表精廬臥佛寺者
襄陽之舊刹也肇自唐代炳于周興鷲堂弘

妙遠堂全集

疏文二

十一

接引之門虎井著幽通之迹其地跨連岡澗
漱咽烟嵐韓夫人之雉堞朝青羊叔子之龜
趺春綠風檣霧樹接几席于江山粉堞丹標
寫畫圖于屏障而以屢遷荏苒漸至飄搖上
座塵飛俄開時柳法堂草長誰覓腰鑰矚矚
舞以分燈璫璫垂而網戶飢鳴畫簾斷王馬
之一廬山鬼宵趨離天龍之八部乃有吳中
高士彭君城者浮雲游于慧業文人疲於津

梁味晉賢之名理光生殿閣想漢世之儀形
 兆發夢徵勃興慈願遽上人常榜行圓十地
 智解五空固已持寸鐵而入宗庭燃五燈以
 揚祖德謂微懸直捷雖空小果以蹄筌然教
 示莊嚴如指迷途之圭表分勞筌並望檀
 波維茲南苑之舊邦風號上游之雄郡紫氛
 霓布朱鄂星羅鼎食鍾鳴洪都之珮環駢響
 袂帷汗雨臨溜之車轂爭摩浮江多珠船鐵
 妙蓮堂全集 卷十二

冶之豪比星饒夢烏吞蛟之彥且座頻視日
 里傳龐史機鋒語接彌天代有道安氣岸寧
 無上器想出同心第如稗米之分太倉將積
 恒沙而成多寶行見林開叢樹重湧金棺地
 闢孤崖立成紺宇普同食息經行之衆時轉
 常樂我淨之輪敬介管城代循道鐸倘得池
 窺惠遠容信元亮之眉若令碑勒頭陀終媿
 簡棲之筆謹疏

乾明寺重修藏經閣及兩廊禪堂募緣
 疏簿

乾明寺舊有北藏一部爲閣度之久之弗飭
 且兩廊及禪堂不具觀者有卑陋湫隘之嗟
 寺僧將乞之檀那而新焉持簿來謁漚菴居
 士歡喜踴躍而說偈言

偈曰

佛說貝多葉 大慈爲四生

妙蓮堂全集 緣簿一

十二

執經以求佛 如按程允路
 將經置槓中 見槓不見經
 而況覆以閣 鞅扉加肩鎖
 種種諸障礙 皆非經面目
 然人望見閣 卽知中有經
 不作富貴家 樓觀室廬想
 閣經見不分 經在人心故
 因經而念槓 因槓而念閣

牕戶及欄楯

金碧雜綵絲

宛轉相窈窕

儼如善法堂

總於一念中

諸相森然具

何況合萬心

以畢一念事

仁者勿慳護

豐殺視其力

材木絲與穀

委積塵土同

當其出囊時

業已傳經竟

伏願無相施

普獲無量義

妙達堂全集

疏文一

十四

閣廊牆壁間

熾然皆說法

屯頭重修觀音菴募緣疏

我觀音大士從聞思修得正徧知分流說法

聞名現身以故遠而普陀近而震旦大則百

億由旬莊嚴之境小或三家村市雖卓之場

具感通心無分別想屯頭觀音菴者某哲妣

艾孺人香火院也歲月崩頽丹堊剝落某諸

君謀一新之而艱於力授疏白足乞於檀那

余惟大士名號首稱慈悲慈必如母之視兒

凡植福種因俱爲願復悲莫甚于之追母凡

觸緣視迹卽是皈依誰無烏鳥之懷請興龍

象之願具一樣施一粒咸開金界之光祛六

塵淨六根普聽海潮之響謹疏

翠林菴募緣疏

楚剎之興帝城爲盛塗金堊繡崇取莊嚴占

市歸衢無從幽曠每當遊息輒苦紛囂乃地

妙達堂全集

疏文一

十五

經北郭之偏有水自西山而下始漱珠而瀾

流漸滙玉以空明葭葦縱橫槐柳森蔽白蛟

黃鶴卽太液之春波黑米紅衣非昆池之切

火每至夕陽栖堞秋露凝臯鷗沙與鴈澈依

稀雉影共鮫宮吞吐飄笠而至者等於衆流

之歸巾車以來者寄其五湖之想而野空浮

碧岸少精藍僅茲翠林一菴不足茅茨半畝

類維摩室難安寶座三千作化城觀尚欠僊

樓十二聚托瞻依之不易將經行禮懺以何
資滇南海公發深憫之心與廣度之志誓循
衣被往歷關山與遇上袞立開宏構而余以
爲欲完積願在戒泛求祇園何以傳經知精
專之難奪阿育胡由湧地想圓滿之不殊斷
非彼小乘人可作此大緣事懸機待信如海
之摸萍積想生基似種之得果穿雲漏月何
關法界成虧捨宅聚沙總視前因深淺宜定

妙遠堂全集

疏文一

十六

說已獲系偈言

凡茲國都 以土爲宅 以水爲輔
澗澤卜維 涇渭環泰 往符可觀
溯彼清泠 瀉於翠微 而絡玄武
帝澤所憑 神光含欲 可無蓮宇
世之慳夫 有同結蟻 抱丸自苦
請以水觀 雲照而影 風遭而怒
起滅須臾 百千億態 如織如組

水自如如 初無去來 初無忻忤
作如是想 其視貝珠 擲同塵土
早啟淨域 報國王恩 暮鍾晨鼓
將大香海 忽現神通 化爲白乳
以量福田 等深等廣 佛不誑汝
爲菩薩如賢募建禪堂疏
痛問資以不忍弘仁益憫物實補天之憾佛
以無私垂教故濟人爲度已之津世所最悲

妙遠堂全集

疏文一

十七

疾莫如瞽雖云眼在身中見暗見明見精之
根不滅然業生同宇內欲安欲逸欲惡之性
寧殊苟視其失途而愆然亦未嘗易地而思
耳矧競色則願奢凡刻桷連櫺總易種貪癡
之業而忘情則求寡苟蔽風逃雨卽全收清
淨之因俾之蓋頭有一把茅未必傾桑損十
斛麥庶安行脚未免宵啼雖日月燈之無所
施不害草衣木食有階席坐之可以相寧殊

燕壘鳩巢惟人人發憐愍之心願世世遊光明之藏謹疏

果園村菴供養安禪講經疏

蓋聞二十五圓通門總向蒲團攝受百千億貝多典悉由金口宣揚欲假筌蹄或資禪誦乃閻浮世但遷流薪火誰知狂象之難調卽出家兒亦漸滅門風不問野狐之羣聚敢力求夫勝果願其結此良因蓋禪非能所可機

妙遠堂全集

疏文一

十八

縱古廟爐灰尚湏究竟講從聲聞悟入饒香臺花雨恐屬塵勞欲六時不斷于薰修必五食無惱于供養誰其任功德主在普生迴向心分海邊麗老之金勿爲錢虜潭座下阿難之涕請看鞭駒福不唐捐人隨喜捨謹疏

龍泉菴疏偈

祖印上人將結庵龍泉寺中晨夕課誦以待四方白足之安祥者供禮之而問疏於漚菴

居士居士深憫其意而說偈言

偈曰

佛法如水浮大地 凡履地者皆履水
忽有渴人四顧走 滄然穴地甘泉出
里兒斟酌其餘瀝 相與咨嗟詫希有
廣資椎鑿及瓶鉢 名是人爲求泉者
寧知日月處水中 雖不求水水常在
上人履下如闌雲 東及普陀北帝里

妙遠堂全集

疏文一

十九

風柯潮音飽經歷 乃知故鄉卽佛土
願以葢頂一把茅 供養十方諸賢聖
安禪課誦而經行 人人盡得成佛道
普求檀信破慳執 共以七寶爲粧嚴
譬持瓶鉢與渴人 得泉匪獨一士潤
倘悟求泉泉卽是 施者受者悉清淨
居士毫端有全海 故是說法甘露滴
安樂寺募化供養道場講經疏

安樂寺僧持疏向予曰將以十月望日設水
陸像廣集緇白延遠公講楞嚴諸經而供具
不饒將乞之四方惟居士一言導之予躍然
喜曰茲土之廢講也久矣遠公今之龍象也
時不可失爰題其願力深贊之爲綴韻語俾
謁檀那

祖機刻文字其意貴懸悟譬彼知味人不執
飲食故非謂可枵腹竟之餽餽具末法旣衰

妙遠堂全集

疏文

干

漸講堂久塵污金函多滯義寶筏盡迷渡派
漫噴野狐筍空飽仙蠹金剛鈔若焚天龍指
難豎招提臨青嶂丰茸隱花樹矢將求莊嚴
像設以晨暮皈依人天眼鍵椎發重錮有如
大明日而啓積陰霧有倡固必應非衆胡由
聚所異諸仁者猛省登覺路各損黃白資共
爲川嶽助倘猶秘慳囊請以世法喻千錢駭
優伶百夫競純素沾沾意所尚買勇靡不赴

劫大事因緣累劫所難遇或樂奉稌黍武樂
鄉刀布廣則恒河沙少亦樂苗兩威儀舍衛
國突兀眼前露潮音振群耳慈幢澹諸慮我
願聽法人良駒見鞭去我願施供人種蘭取
香獲居士爲證盟佛力不汝誤

乾明寺募齋萬僧疏

蓋聞一飯以酬漂母武夫且激于俠腸百金
而貸監河玄客亦資于外護况供段食足廣

妙遠堂全集

疏文

主

福田乾明寺選佛名場堪聚五方之瓶鉢慧
開士濟人弘願勃興一念之津梁將以齋萬
比丘敢徧告諸長者斥茲長物願分鴈鷺之
餘餐聚比恒沙盡庀伊蒲之淨饌俾與沾禪
悅味得共發菩提心饑時喫困時眠覺宗風
之具在香種蘭根種穀知定報之無差謹疏
誦法華經疏文

伏以纏綿疾疢罪必由于宿愆披導昏愚法

恒資夫大覺偕千蓮座願鑒蔡私益因某素
稟清羸或多頃恚偶違霜露幾至顛危幸微
芝朮之靈功益悟芭蕉之脆質謹一心皈命
三世諸佛延某恭誦法華真經祈佛慈愍伏
願懺其往業予以新禧俾沾功德之餘波永
茂康寧之遐祉謹疏

募置水陸全像疏

蓋自阿難冥照悲鬼趣于容針梁武弘仁驗

妙遠堂全集

疏文二

三

宗風于燃燭法留震且教準瑜珈盡三界之
鬼神合一堂之水陸其來固已久矣惟吾新
邑夙號九封僧徒率同陋以沿承像設皆零
星而補綵事非其故道或沒亡有某上人發
憐愍之心爲功德之主謂名號之途非一必
全乃以便于瞻依而精神之用甚微惟工斯
可傳之永从將邇漢流而下往來吳市之中
夫信自心生要從悲而種果然施惟力視須

取喜以破慳勿分累黍之觀總屬聚沙之助
於是漚菴居士歡談歎而說偈言

偈曰

人處三界中 鬼神所環伺
凡夫侮不見 日墮黑業場
試令冥坐時 一念生迴向
髮膚若牽捺 鬼神森然立
是以瑜珈門 攸此懺度法

妙遠堂全集

疏文一

三

令設種種像 瞻視而悲哀
嘗聞道侶言 水陸外無神
辟世村市豪 不知有公府
爲示茲令長 及牧伯監司
大小諸公卿 法無可狎視
又如國藏中 有書必有圖
書以釋厥理 圖以繪厥形
智愚獲兩入 無可偏廢處

貝多非不多 水陸未容少

小邑值末法 一切苟且成

當其移湊時 水陸已不全

虧盈視人心 其根輕漫故

上人發血誠 分身入六道

矢以衣鉢餘 遠求精良工

素練與純繭 丹綠赤碧黃

假以五綠色 倏現不壞身

妙達堂全集 疏文

三四

載以賈舫風 宮以莊嚴室

百二十軸中 軸軸見圓滿

普凡供養者 請禮仰嚮往

極此三塗苦 現千億化身

而視覺繪像 如如初不動

以此計功德 恒河沙難喻

常人建道場 以我見水陸

而惟施像者 水陸時時具

他人供養時 我福德與等

何不急檀施 共成不朽事

稽首水陸像 諸佛爲証明

施者及藏者 罪福永消滅

誦梁皇懺文疏

伏以日逢秋望會號孟蘭仰賢聖弘度之心

同願未空夫罪福原凡夫悲祈之意實惟有

觸于歲時敢微貝葉之靈少種恒沙之果敬

妙達堂全集 疏文

三五

於某月日延請僧人某普放河燈燭口虔誦

梁皇懺文伏願以無盡燈攝無量衆用不思

力獲不退因凡我先靈逮諸冥族早悟光明

之藏長隨法喜之筵謹疏

拜懺放燈施食疏文

伏以衆生有眞痛苦卽根塵薪火之間諸佛

爲大鑒王出針砭刀圭之外欲求解脫但有

皈依伏念某等游經春夏恒苦病魔床第沉

綿膚顏憔悴想其粉膩膏爽夙世之誓尤久
積是以恩寵愛扭現前之煩惱易芽欲求寶
帳以獲風燈何以火城而需法雨延某拜懺
施食放燈伏願佛力所持惡星未退宜其家
室恒雖雖穆穆以無愆振我箕裘仍蟄蟄繩
繩而有慶謹疏

捧誦梁皇懺及放河燈疏文

伏以弘願難酬如蟲蟻之號雨暘有呼必獲

妙蓮堂全集

疏文一

三

業緣不盡類蜣蛆之沉糞塚非導何升爰觸
感于蘭秋謹皈誠于蓮座竊念_某濁胎未脫
道念相堅向以問渡黃河有虞舟楫繼以施
棺白骨冥助資糧雖沉淪無補于微塵乃在
甫已彌于三載延僧恭誦梁皇懺文如法放
河燈焰口凡我冤親之衆以逮魚鳥之微各
轉法輪悉蠲疑網覺人天之有果如則常如
證罪福之皆空得無所得謹疏

啟建懺罪祈福道場文

伏以龍藏垂文沃四生而資利益鷲峰立教
空五蘊以表真常凡屬歸依具蒙攝受伏念
_某惟劣弱質瓦礫微生感薪火之不停時悲
脆骨悟鉛華之易朽竊發道心當茲設悅之
辰倍觸聚沙之願特延尼僧等恭誦金剛經
一部伏願以茲誠悃長保安康楊露沾軀未
享清涼之境蘭枝入夢仍開繁衍之祥謹疏

妙蓮堂全集

疏文二

三

施棺圓滿度亡道場疏文

伏以四大浮塵世相莫悲于暴露三塗惡趣
凡情易至于沉淪欲完廣柳之初誠特借孟
蘭之神力_某竊念本境人民貧乏多不聊生
卒遇死生苦無棺槨特發心于某某年施捨
棺木若干副今已圓滿訖因思其幻影之身
既得卽安于抔土彼妙明之性將無失感于
迷津原其始乃以要其終導其生甚于惜其

死敬於某月日延請僧某人拜誦深皇懺文
普放河燈燭口並祈鬼錄咸震佛音試思殊
穢桐棺皆由種因而得果共仰玉毫金相胡
爲逐妄以忘真乘我弘濟之微虔證此菩提
之大覺謹疏

中元日建追薦亡友道場疏文

伏以際金締好篤夙契于芝蘭逝水關情感
浮生于空電仰資梵唄俯慰嬰鳴伏念已故

彭遠堂全集

疏文一

三

開原真備會事贈光祿寺卿崔君儒秀巡按
陝西監察御史莊君紹昌密雲兵備副使馮
君汝京工部郎中徐君爾恒擢材篠蕩比質
珣玕秉川嶽以下生綴徵麟角乘風雲而橫
厲佩振螭頭或同通籍于杏園或與接陰于
枌社莫不引誠白水指喻青松傾倒肺腑劣
戴笠採葵之味雍容琴酒窮幕天席地之歡
方憐踪跡飛蓬詎信存亡異路乃崔以遠疆

瓦裂遂慷慨以捐軀聶剛隴節爪還竟倉皇
而資志馮病纏于子舍徐泣止于郎曹參差
凶問以颺傳循省往來而縷結酒釭如故頓
隔河山隣笛方聞況逢冰雪鍾子之絕絃誰
聽張公之雄劍終淪埋玉樹于土中百身何
贖墜古釵于井底千尺難呼遺墨未收餘言
可味在世法尚慳于宿艸念壯心何異于空
華且諸君來自不凡歸當有所或負忠君大

彭遠堂全集

疏文一

三

節尚非透領于性宗或爲慧業文人未免輕
于于語戒恐再弄三生精魄須早明一事因
緣伏冀導以金繩納之蓮藏俾挺爲將相建
光明俊偉之勳仍超詣人天悟圓滿真常之
理謹疏

酬謝黃河之神及超度水亡道場疏文
伏以水府幽深誠有呼而必應佛詮廣大理
無證而不章祇叩法筵肅申冥報竊念某
仲

春赴闕往返經河寸波不驚片帆徑度倘非
神力之垂佑胡由行旅之獲安特藉孟蘭之
盛場普宜貝多之妙典惟神蚤躋正覺未作
民庶凡茲幽宅之精靈咸借寶燈而嚮往從
此逝者晝夜變禪味于醍醐使彼悠然去來
息危機于風浪謹疏

爲宗痘愈謝土主尊神疏文

伏以至仁天覆聿垂慈幼之功鴻願山堅愛

妙遠堂全集

疏文

三

舉酬恩之典咸同桴鼓報比涓埃竊念

某某

中痘艱危叩神祈禱仰微冥佑已獲痊安刀

圭次第以奏奇頭角岐嶷而日王寧惟宗榜

有托慶流一氏之弓裘抑且休戚均同喜動

群情之眉宇特潔牲脔之供敬抒蟻螳之誠

伏惟格此微虔枉玄鶴九霄之駕仍冀資其

後福開神駒千里之程謹疏以聞

爲母虔誦金剛經疏文

伏以西方有真覺路證解脫于皈依衆生具
大願輪隨悲祈爲響應五體委地寸草酬天
某因母偶違調攝致患怔忡海闕居諸未離
殊憐特陳烏鳥之悃仰干龍象之威敬延僧
某虔誦金剛真經五百卷伏願仗般若之妙
詮保金剛之法體速蠲母患永注佛恩謹疏

爲母祈安建立禮懺度亡道場疏文

伏以法垂蠲疾悲祈勃發于懃誠業重騰生

妙遠堂全集

疏文

三

懃度必資于妙典咸衆龍象誠竭蚍蜉伏念

母素稟清強偶膺疾患七更晦朔尙滯牀

藉其生平慈惠貞純諒無干鬼神之怒憫

此病狀纏綿困頓難言藥餌之功搏額旁

求拊心深念或以歲時之悅子女稱觴慶會

既繁脣封不少多有戕于物命致仰累于天

和今某言酬罔極之鴻慈矢代終身以素食

特延僧某禮懺施食及燈願一切刀俎之衆

生早獲津梁之冥助俾母宿愆以洗長薰清
淨之香後福遐增永沐旃檀之露謹疏

為母禮懺祈安道場疏文

伏以六塵載于四大識病為病病之根三界
攝于一心法生即生生之路敬開龍藏虔達
烏私茲為等母某初患怔忡洊淹時日刀

圭罔效眠食失常或由夙障之沉綿以致顏

齡之徽纒吳天何報十地堪憑特延僧某故

妙遠堂全集

疏文一

三

建道場誦梁皇懺文併放焰口施食伏願
灑以甘露燭以寶輪倘定業之難空矢微軀
以恭代興增景福盡謝往愆非關養生安餘
年于鼎釜西方蓮現皈正覺于旃檀謹疏

誦梁皇懺薦先文

伏以孟蘭紀勝衍象教于三車瓏柏垂陰慘
烏啼于五夜仰叩旃檀之座少舒風木之忱
伏念先考堂公臨終謀懷音容之久隔先慈椿

栢存澤憐電窆之方新維茲創鉅以痛深何
啻乾摧而坤裂淒然霜露邈矣人天特延僧
等詳誦梁皇懺文河燈施食一壇願我嚴慈
逮諸眷屬聆海潮之音以震耳灌甘露之潤
以灑心悟罪福之根本空與登真于果位倘
願復之恩未斷尚流慶于宗祊庶慰子情未
銘佛德謹疏

追薦亡室道場疏文

妙遠堂全集

疏文一

三

伏以慾界遺簪煩惱終成黑業迷塗覓筏慈
悲卽指玄津懷觸往以如新理叩聲而提響
念某蚤年禍結經歲釵分思在世之因緣有
同露電必夙生之惡障積若山淵欲求接引
之門爰賴菩提之力更於悲仰作是思惟佛
所破除首在無明之惑茲焉執着多屬有情
之痴雖抒璣璣之誠恐遭獅子之吼從此入
非想法身心寂爾以相忘庶幾得無漏根眷

族因之而弘濟謹疏

妙遠堂文調集
疏文一

妙遠堂文調集目錄

啓一

回襄國主啓

回唐國主啓

祖饒孫老師啓

東張親翁啓

公請董定翁老師啓

上襄國主啓

妙遠堂全集 啓二

回李鑑翁公祖年伯啓

孫體翁老師啓

公壽來馬湖昌啓

回胡老師啓

回唐國主啓

賀李鑑翁年伯老公祖啓

答毛海若寅丈啓

答張鳳翁啓

復侯年丈啓

祝王亦房壽請啓

送徐賓嶽老翁公祖年節啓

答潘昭度老父母啓

答吳金臺老父母啓

奉壽徐賓嶽老公祖啓

賀唐國主壽啓代

賀唐國主壽啓

抄述堂全集 啓目

二

啓洪學海司李啓

餞張霖蒼父母入斗啓

答唐國主啓

答唐國主啓

候洪學海司李啓

候周孟巖老公祖啓

候易南虹明府啓

答高李郁三廣文啓

答洪學海司李啓

迎史存詒啓

答李潤初啓

擬答謝周學臺代田直指

擬答兩浙吳鹽臺賀壽啓

擬迎胡撫臺入境啓

擬賀胡撫臺到任啓

擬賀吳鹽臺誕辰啓

抄述堂全集 啓目

三

擬答啓

擬賀周學臺誕小啓

擬賀撫操兩院年小啓

擬答周學臺吳鹽臺啓

奉迎司白鹿老父母啓

妙遠堂文調集

新野馬之駿仲良著

虞山錢謙益受之問

啓一

回襄國主啓

伏以丹傾瀉沼每隔晨風素結魚箋藹同冬日祇佩銘而罔敦欲敷述以難宜恭惟大王殿下天錫聰明動嫺繩度錦闕接八公之

妙遠堂全集

啓一

四

彥無勞井幹求仙綵毫擷六書之精何俟蕭齋移額寄玄討于赤綳細簡比芳蕤于珠樹更柯豈期戰綫之材亦貯萊籠之未飛來翰藻龍鸞之采紛垂駢出精鏐雁鶩之腸頓飽春存有忝榮寵無方惟茲朱明恢發之時政當玄德就將之會尚隆純簡益迓天和

回唐國主啓

一陽滄復六氣維調 大王茂迓純禧益弘

膚德有懷獻襪難扞嚮日之誠何意投珠忽枉從天之訊拜裏蹄之鄭重披兔穎以瀾翻吹律動陽春幸拂和風于寒谷登臺望雲物空紆歸夢于鄉園祇布謝言不勝欣戴

祖錢孫老師啓

伏以花深紫禁仙旌遙出于燕雲柳篴青門祖席乍榮于渭雨悵步趨之將遠冀咲語之暫溫維時爽入高軒晴浮芳甸驂驪度馬破

妙遠堂全集

啓一

五

弱草之如袍格磔調鶯坐深林而似曲雖錦里快晝遊之樂乃雪門垂夜立之誠敬庀行厨願迴前導三薰三沐春風環侍于皐比一詠一觴香屑微聆于塵尾披絳紗而不隔迎赤鳥以爲榮場藿堪歌冀伊人之若止菊松無恙思稚子之將迎拱聽鳴鸞俯如躍雀

東張親翁啓代

伏以簫叶鸞聲碧落會雙仙之侶卜開鳳兆

赤繩綿百歲之緣敢將棠棣之華竊附蒹葭
之倚恭惟門下德爲人望才號時髦玉質金
相積慶遠垂于弓冶芝蘭茁奇姿並毓于
門楣用藉狐冰借陳雁幣青閨彤管雅稱蘇
惠之錦機畫省朱衣寧遜太真之玉鏡忻標
梅之有咏將投李之無慙星燦香奩已快雀
屏漾彩虹流綈屋還期麟趾徵祥草草布函
頌頤俟諸

妙蓮堂全集

卷一

六

公請董定翁老師啓

伏以金鑑炳千秋閭闔際同天之慶玉衡高
列宿門牆快瞻斗之私丹衷久積于葵陽素
籟况臨于桂月式將燕衍僭謁皐比恭惟老
師台臺命世偉人佳兆匠鍾四明八之
秀標挺瓊柯滙九之奇襟懸珠鏡始
自祥刑而典學爰法以叅藩德稟忠貞
兼資文武調陰陽燥濕蒼生視爲小鮮

博冰雪而走風霆朱邸消其大尾雖莫嶽在

惟中之地乃從星勞拱北之恩億萬無疆虎

拜遠趨于河洛在三如一龍門迎接于蓬萊

惟茲函丈諸生各抱皈依寸念憶儀型久曠

多寒茅爲問之心或頭角初呈深飲水懷源

之感共輪誠于蘋藻聊比咏于菁莪敬筵月

之日弘啓絳帷恭迎赤舄有歌湛露方當宴

銷之時其從如雲恍似適周之駕枉簪裾于

妙蓮堂全集

卷一

七

半座折樽俎于中宵寧獨亦步亦趨迥出文
字語言之枚擲且爾昌爾熾永旌君臣師友
之休伏冀

上冀國主啓

伏以春滋冀砌遙開紫氣于春陵雪泛梅郵
忽墮素輝于梁苑莫罄敷揚之悃祇深銘篆
之秉恭惟大王殿下睿德日新山標天挺
溫文長世率承謁梓之規屏翰維城丕振剪

桐之緒固已屏招隱求仙之異好乃獨隆禮
賢下士之盛心如駿疎庸亦應存記捧函盟
手楓披臺上之風拜賜驚心知近水邊之月
蘭蓋時香于托乘驕裘頓富于當壚嘉賦比
瓊毫無藉效傾葵之悃歸心繞烟樹何時厠
設醴之班率布謝棕兼詢新社

同李鑑翁公祖年伯啓

伏以棠蔭滋青久拜褒衣之賜梅楫抒素遠

妙遠堂全集

啓一

八

勳繡段之將威存記之不遺欲敷宣而靡聲
恭惟台臺猶龍仙閣吐鳳殊材粉署持籌裕
國秦冰刀之効轉帷秉鐸淑人弘禮樂之聲
楚勞雲臥于商君復遣星占于益部惟茲豫
壤重仰台垣談笑解潢池桴鼓絕鳴于綠野
精誠格田峻林松茂實于青疇運星緯以持
杓鎮天樞而時嶽滄沙月靜頻移庾亮之牀
桐水風輕自緩羊公之帶行覩寵膺飾鉞終

當名冠旂常駿分切編氓誼叨循子通姓名
于半刺誠阻關河分音問于遠伴情高瓊玖
祇銘心而難喻欲藉手以何由芳譽比麟鳳
喜見新恩日下歸心寄廩鹿空勞積想風前
統冀鑒垂不勝淵仄

孫愷翁老師壽啓

伏以谷計巖栖方繫東山之望毓流電繞載
開南極之祥誠既阻于顯瞻誼難宣于敷述

妙遠堂全集

啓一

九

竊聞初度亦世恒遭倘無三立之真奚副九
疇之古伏惟老師大才丹棟純德琮璫榮榜
中習子沈向于麟角筭班遊羽優啓沃于鸞
坡時號書倉人歸宗鏡寧獨好古卑周秦而
降抑且致君有堯舜之思故體國憂時往往
出文字語言之外而知幾觀變悠悠甘異同
鼎鑊之中業已屹然若山將或用之如虎蓋
已天所資必優帝師難老之福以調代于休

明郎論理之常惟茲仁者至靜之衷能葆和
于性命由出當五百年之名世是所謂八千
歲以爲春魚水風雲行見白麻之及鶯花松
菊甕看紫氣之新某等各苦繫匏均同散櫟
分燈少室願隨餘燼以吹噓寧極尼丘自望
高山而嚮往莫遂稱觴之願可勝縮地之懷
祇布遐哀仰干崇炤

公壽來馬湖請啓

妙遠堂全集

啓一

十

伏以經尾知秋寫素颺于桂嶺介眉有慶騰
紫氣于桑弧聊申歡伯之盟同效封人之祝
恭惟道之祖也先生文心颺發道骨天成一
口吸西江風洗野狐之障七襄麗北斗早懸
繡虎之章爰上金閨獨標赤幟汝爲良匠明
堂高柱礎之功惟恐傷人武庫壯干城之氣
不獨希稽阮而呼知已亦將取屈宋以命衙
官况茲龜齡大衍之時適值魚貫小星之後

儲爲白侍肯令樊妬蠻腰若在唐宮不遣梅
稱肥婢並爲韵事可乏嘉筵用小月之廿四
日北海開尊南飛度曲雖無人無我無衆生
無壽者融諸相以現光明然如阜如陵如川
至如日升翕太和而綏福祉清譚蜚雪勝侶
如雲柳叟疎條骨燭籠于堤上菊含密蕊窺
舞袖于籬邊謾誇白首同歸直願朱顏永駐
由周而來五百餘歲政應與名世之期茫茲
以往四十三年皆食肉躍馬之日均深鵲咲
式聽鶯鳴

同胡老師啓

妙遠堂全集

啓一

士

恭惟老師台臺琬琰名流經綸巨手擘畫則
實心實政真家視國而身視官風猷則允武
允文自民有懷而吏有畏最績已成于三載
新恩佇聽乎九遷塞上之倚元老金湯屹屹
遠標銅柱之勲師中之錫丈人鄒履桓桓佇

拜彤弓之賜歡騰簪組喜溢門墻方慚燕賀
之未將遽枉鴻施之先及銘篆無數登拜多
慚祇布謝忱餘容嗣展

回唐國主啓

伏自初春過宛兼久沾榮設醴酒以殷勤花
生飛蓋度陽阿之宛轉雲駐雕梁方深銘篆
之私久濶起居之訊何期存注載及迂疎梁
苑驕驄裘纈使相如暴富美人錦繡段轉令
平子難酬矧雙睇于鴈池綴八行于鯉素仰
惟睿鑒不任冰兢

賀李鑑翁年伯老公祖啓

伏以星標孤峙外臺凜列栢之瞻霜節高懸
近履慰慈棠之願仰旌門而動色附世譜以
公華祗托魚裁薄陳雀躍恭惟老年伯台臺
白珩國器金粟仙才濯魄三湘領蘭芷鮮芳
之氣填胃二酉開縑緗泱泱之觀牛刀初試

于花封鷄舌載含于清暑絳紗傳化雨焚林
盡變桃谿朱旆揚秋旻鳥道爭看牙角惟久

試著歷敘之譽乃新恩隆屏翰之權綰唐鄧
而松襄荆作中原之吭背撫痼瘼而摩彫瘵
借慈海之舟航照臨甫式其風稜歡頌已聞
其雷動輕車熟路馳六轡以中鸞和大纛高
牙炫九苞而揚鳳采行上旂常異績允爲節
鉞先聲其等操槩凡流析薪薄祚孤蓬自斷

姓名久隔登龍大厦堪依羽翼不如歸燕肅
布起居之訊遙將三沐之誠爲憲萬邦作誦
遠慚于吉甫通家百世交驩聊附于孔融統
冀電垂曷勝淵玄

答毛海若寅丈啓

伏以畫省特等萬里重轉輸之寄錦函裁訊
八行通縑縑之歡拜鼎呂以神搖企旂軒而
色動懷同集木感切投桃恭惟老寅丈臺下

峻峙斗杓清凌冰柱種花赤社芳猷風試于
牛刀起草明光香譽載蜚于鷄舌惟茲重鎮
特藉分猷鄭侯克嗣美于關中充國寧勞屯
于境上似暨王之劑六脉調經絡以酌盈虛
如乳媪之哺羣兒扼吭喉而中緩急千箱紅
腐儲胥何待于量沙萬里青烟貔虎但聞其
增寵已繫岩廊公望允爲節鉞先聲駁凡櫟
非材附麻幸迫脫穎而出讓利器之居先見
妙達堂全集 啓一 古

鞭以馳慚凡蹄之不進豈意量移之瓊瓊乃
煩垂憶之慙慙吞吐風雲想墨池之逸韻溫
文膠漆挹蘭佩之鮮飈我姑酌彼黃金壘何
以報之青玉案屋梁看夜月同人真類于朝
儼恙蓬度春池戍士尚期夫宿飽祗陳謝悃
統冀慈涵

答張鳳翁啓

伏以霜峻虎牙萬里重節蕙之奇波回魚腹

八行流翰墨之香泮鼎臞以神搖捧瑤函而
色動識荆恨晚報李何由恭惟台臺琬琰純
姿鍾鏞大器赤松黃石續帝師王佐之徽言
龍肉龜毛負博物多聞之早譽花縣雅歌其
豈弟銓曹載重其清通舌久含鷄角仍疑牙
百城分陝寨帷高敷歷之猷四嶽詢虞端冕
振旬宣之烈論久推于公望名遂簡于帝心
天僻鬼方特藉師徒於南服地遠懷部仍煩
妙達堂全集 啓一 五

羽檄于相如調威惠以並流妙弛張于不測
窮崖密藉咸知漢吏之威儀花犯紫苗同稟
周官之戎索行見永銘鼎釜寧惟潯陟台堦
某質既凡庸員仍冗贅比散材于樗櫟空深
教社之慙竊餘聯于枌榆遽荷從天之貺敢
兼愛而知感聯交戟以通忱仰冀霽垂不勝
淵天

復侯年丈啓

伏以三載書庸鵲譽方隆于朝日八行念遠
魚音乍墮于春波祗深銘篆之私莫罄敷揚
之惻恭惟老年文臺下殊材命世淵學傳家
授簡梁園先雁鴻而首序臨軒漢策遠鷁鷺
以同班覽紆民社之勞已冠人倫之選湛芙
蓉而迎月日何有于全牛求芻牧以當身
已往其害馬指顧而稿甦仆植張弛而露沁
霜凝由烹鮮宰肉之中見其大手當垢簞歛
妙遠堂全集 啓一 六

祝王亦房壽請啓

伏以芝茂蘭芬仙族挺焉衣之後虹流電繞

佳辰當黃菊之時敬合詞盟端申華祝寒山
削鵲堪描秀出之神涼露催虫如闢苦吟之
吻尊同北海曲譜南飛勝侶司天中跨鶴朝
來笙嘯妖童粲明下爲蜂夜宿花房但知不
醉無歸卽是大年不朽庚寅以降真看再世
之靈均甲子屢逢願比他時之絳老蚤祈命
駕均此摺示謹啓

送徐賓嶽老公祖年節啓

妙遠堂全集 啓一 七

伏以香傳梅迺和風乍轉于星轡煖入萸堦
麗日迴臨于鈴閣薄假結蒲之訊虔抒頌栢
之誠恭惟 道貫三辰氣涵萬有張弛憲文
武宰大猷以神鼎化鑪舒慘合陰陽先和氣
于窮簷蔭屋已快羔裘之有頌欣逢鳳曆之
維新野秀紅陽更綠王孫之草冰漸白水仍
翻帝子之波茂對舒長駢增純嘏變劒刀而
買犢爭誇播喜于東皇秉節鉞以建牙行觀

承恩于北闕 分親版籍陰切悵瞻望大厦
以飛翔有同賀燕經喬林而睨睨窮和遷鶯
聊陳芹曝之私少效屠蘇之獻仰祈電炤不
任冰兢

答潘昭度老父母啓

伏以矰繳橫空驚鴈乍還于別浦瑤華墮地
游魚遙溯于流波感存記之罔遺欲敷宣而
靡罄祇憑麻折聊代荆班恭惟 天錫琳球
妙遠堂全集 啓一 六

代傳榮戟鍾碧峴白蘋之勝湖山聳峙于孤
標羅清霜紫電之奇月露繽紛于藻思奔席
人推理窟聽經客臥隣家古鏡吟成無待十
年之贖銅符分去仍開四郭之花允如慈母
之哺嬰兒遂以才人而兼循吏雲霄間放鳥
誰占魏闕之雙鳬鼓吹靜鉤簾獨對飄池之
亂鶩已見歌騰章袞行看武接台符其在木
離奇爲駒歟段念燥髮而登仕版雖早偷造

物之羸然棘手而操算鞭亦未落人倫之後
獨以弓疑蛇影驟令轍覆羊腸澤畔吟漁空
擷蕙蘭之秀車中載鬼寧明慧苒苒之寃豈期
咄咄之餘忽枉慙慙之間淋漓筆墨欣聞韻
叶于冰絲燦爛篴篴頓覺春滋于空谷悵金
蠡之獨酌愧繡段以難酬濡牘有懷臨淵同
天

答吳金臺老父母啓

妙遠堂全集 啓一

九

伏以洪河之潤九里寧新澤于牛渚岱嶽之
崇朝先敷陰于麟野竊幸蛩然之響仰披
穆若之風恭惟 秀削琪牙富蟠象緯治安
奏策驚著畫之官展窳御游刀快新礪之初
試得意絃歌之外遊神簿領之先清轉畏人
言 于白水慈堪稱母推衽席于蒼生固
無前先行待豹班遙尾維大雅之聲曲
而直風秉鑑于蘭陵乃化國之日舒以長適

回陽于黍谷豈期存注忽及迂疎鯉腹淋漓
喜榜加餐之字裏蹄鄭重併叨絕少之仁其
拜手知榮捫心增媿雖費餘溝斷甘謝世以
無庸乃泥蚓池蛙亦乘春而作語倘穩衡門
之臥敢忘隣壁之光肅布謝忱統希慈炤

奉壽徐賓嶽老公祖啓

伏以露沁霜寒憲節寄屏藩之重虹流電繞
嶽辰開弧矢之祥丹誠未遂于樞衣紫氣空

妙法全集

卷一

二十

瞻于別戟心同賦鶴響效鳴蛩恭惟台臺霏
雪希音補天大手嶺南輓轡久高駭歷之聲
苑土寒帷載借撫綏之任履險夷以一節憲
文武于萬邦民歌羊杜之仁神閒緩帶神作
甫申之瑞色動充閭當葭灰欲動之先表松
節後堅之操江東舊譽共知天上麒麟句曲
新班爭迓雲中鸞鶴允矣五百年之名世熙
哉八千歲以爲春其庇厦素深添籌倍慶茲

犁谷口難同北海之尊渥爵華封竊擬南山
之祝仰惟鴻鑒俯茹蟻將

賀唐國主壽啓代

茅錫銅圭昌運方綿于鰲極孤懸桂殿榮光
載繞于虹樞既叨附肺之親敢效介眉之祝
戴山知重動地成歡維時六琯迴陽三靈叶
瑞松番其以流脂梅孕霜霰傍綺

祭而拭粉跨鶴爭來其鶴禁呼猿齊應于猿

妙法全集

卷一

五

嚴敬舉瑤卮肅迎法駕和鸞曉出旌旗霞疎
柳參差浮蟻宵分恭履共繁星灼爛曼笑素
暉于草應知白日千秋卽看几杖錫其平止
孝止慈而止敬尚冀岡陵齊北其多壽
以多男

賀唐國主壽啓

伏以桐葉分圭世寶授赤刀之重桑弧當戶
天休徵繡紱之祥葵誠莫罄于稱觴芹獻聊

將于削牘龍光在仰雀躍維殷恭惟 大王
殿下明類承宗孝慈武國收六經之散佚芳
徽克紹于河間從七子以飛揚才譽陋稱乎
鄴下允擊銀潢之文浪儼爲瓊樹之喬柯乃
茲玄冬轉律之餘適當紫殿流虹之會樂存
爲善何勞并幹求仙道勿搖精豈必洪厓作
仙喜溢于池臺鳥獸齊于日月岡陵某夙
叨幘幘倍殷馳嚮潔三薰以遙對期百福之
妙遠堂合集 啓一 圭

駢臻伏冀淵容不勝冰疎

候洪學海司李啓

恭呈殿下禹鏡孤懸吳鉤百鍊雲霄射策鳳
高鴈塔之聲江漢明刑載著鸚鵡竿之瑞桃李
盡開于春雨栢楊日臥于朝霜橫夢澤以張
琴入穀盡隋珠和璧登庾樓而舒嘯開尊餘
芳草晴川同知妙蘭楓梧行待聯班栢掖某
樽檀小器林莽孤生遡舊社之粉榆風篋親

于同井接新塲之屠齒潤復竊于洪河聊抒
貢蟻之忱薄效吟蟲之響仰惟電炤不任岩
瞻

餞張霖蒼父母入計啓

伏以日麗虞廷輯玉遠趨于螭陛風清周道
和鸞近出于鳧郊難抒臥轍之思暫藉飛觥
之樂蓋情牽折柳同人易恨于離羣詩載悲
棠異代難于咏德兼茲二緒况值三冬水
少遠堂合集 啓一 圭

六烟燕騎馬蹄之鑿落寒山霜樹度鴻陣以
參差雖黯然銷遊子之魂寔展矣似登仙之
駕薄陳紅友快領玄言分半室之春風應得
殷劉絕倒聆九天之湛露真堪卓魯同班拱
俟責臨不勝詹佇

答唐國主啓

伏以歌驪白水方添攀桂之榮烹鯉燕臺載
荷藏蒲之訊難酬繁褥祇佩崇深恭惟某啓

重藩垣德凝圭璧優東平之好善穆穆旒居
軫西伯之如傷恢恢道岿固宜醴惠覃于宇
下芳聞聞于寰中矧被鴻恩有如某者顧餽
生潦倒嘗思梅叔之遊而謫宦沉淪方濯楊
朱之泣旣無緣于縮地復拜覬之從天肅布
謝忱仰干睿炤謹啓

答唐國主啓

某生媿桑蓬質同蒲柳過仲華拜察之歲空

妙遠堂全集 啓一

五

憐寂寂笑人同安仁拙宦之嗟祇此悠悠送
日豈知鴻注尚眷初辰分桂殿之餘香榮逾
托乘拂蘭臺之清沐典入披襟從茲老馬終
盡力于鹽車庶比應彪永托身于靈沼傾心
有素鍊骨難宣肅布謝私仰干睿炤

候洪學海司李啓

恭惟某舟楫長材琳球重器螭頭射策蚤回
正色于青蒲鸞羽驅車載散春風于丹筆執

法麗金科之響程材衡玉尺之平清襟湛冰
雪時烹漢水以明心勝賞寄雲霞遙指峴山
而作判行見鳳鳴阿閣寧惟駟結高門某社
木離奇轅駒駑下尋根故里幸知桑梓之同
陰仰燭隣暉復喜輔車之孔邇聊執晏輶而
飛動敢持礪刺以逡巡不腆疏麻有懷贈繚
統惟淵茹無任岩瞻

候周孟巖老公祖啓

妙遠堂全集 啓一

五

伏以星標孤峙外臺凜列栢之瞻霜節高懸
近履慰慈棠之願仰旌門而動色附世譜以
分華祇托魚箋薄抒雀躍恭惟某挺爲圭璧
穆若醇醪墨陣飛花吐二龍之麗藻烟霄並
副軼五鳳之徽聲蚤膺棘寺之特銜過入水
曹而荷橐畿南剖竹名高循吏無雙濟上褰
帷身領諸侯十二惟久試著歷敷之效乃新
恩隆屏翰之權綰唐鄧而枕荆襄作中原之

吮背撫痾瘵而摩彫瘵借慈海之舟航照臨
甫式其風稜歡頌已聞其雷動輕車熟路範
六轡以驅馳大蘇高牙布列城之綱紀駭
類轅駒洞同轍鮒散材自棄空慚輝映于聯
枝大厦堪依幸托羽毛于殘壘倍喜披雲之
望難將縮地之誠伏冀電垂不勝淵公

候易南虹明府啓

恭惟門下純德琮璜長材丹棟峨眉積雪蟠

妙遠堂全集

卷一

美

爲習次之嶙峋濯錦朝霞散作毫端之波浪
香譽早高于射策芳猷載試下鳴琴三異播
新歌已快流鴻郭上九重膺異寵仍有從驥
江干欣占驛騎之星臨早覺歡聲之雷動臺
瓊允基嚆矢台衡無待耆壽不候忝廁通門
矧居隣壤南枝飛羽無由翔集于鳬堂下里
微芹聊爾週迴于鯉素仰于慈炤無任翹瞻

答高李郁三廣文啓

伏以風清壁水久高鱣集之聲雪墜瑤華忽
枉烏卿之字方篆銘于道素難抒寫于郵筒
恭惟門下秋苑飛鏤詞林巨棟總九家之條
貫班固遜其鴻裁說五經以紛綸大春比于
微譽乃分魯鐸共振桐湄置身于周規折矩
之中淑士干操纓調絃之外洪鍾資巨筵爭
誇奪席之雄鋒大海滙羣流屹作倒瀾之孤
柱寧獨蔭滋桃李行看武接雲霄不肖樗櫟

妙遠堂全集

啓一

毛

答洪學海司李啓

伏以一驄疑角方殷仰止 雙鯉函書忽
枉加餐之字誠同感集報學 恭惟臺下
敏手霜飛玄襟冰湛持衡玉律 閭共式其

無寬遊亦銅符獄市咸歌其勿擾更篤懷人之想乃乘休吏之餘蒐冊府而組談叢墨瀋淋漓于風雨對青黃而抽玄白朱絃鏗戛于宮商寧惟十部以同賢抑且百朋而埒重其文非霧豹技比泥蛙投綰紆以無慙竊效延陵之義枉襜褕而作贈祇吟平子之章草泐謝言尚侯崇鑒

迎史存詔啓

妙遠堂全集 啓一

六

伏以鸞版疏榮麗日迴明于楓陛熊幡領郡清風遙指于桐川顧萬間深庇厦之歡乃千里阻執爰之願祇馳于墨肅迷卿雲恭惟臺下天錫琳球家傳榮戟鍾碧峴自曠之勝湖山挺峙其孤標羅青霜紫電之鋒月露瀟淪于添思蚤人南金之貢邇升片玉之科射策上承明爭誦治安比價剖符得江左暫令保障分猷瞻此方州喜纏福躍秉神鑪而融洽

方勞煉石之心解化瑟以更張必待成風之手巧聽遷鶯于枝上羣看飛鶴于琴邊細侯之車冠未臨馬爭裁竹廉叔之袴襦久肢歌已成碑寧惟簪笏之具瞻定緊繩衡之造始其爲駒欬段在水離奇半刺以奉鞭箠暫穩鵠鵠之奇前驅而負弩矢難隨燕雀之卑薄引榮堂聊先芝導伏惟鑒茹不任冰兢

答李涵初啓

妙遠堂全集 啓一

五

恭惟台臺命世真儒佳時哲匠中朝簪筆風霜生獨坐之寒上國持衡桃李茂成蹊之譽寧獨人文燦于東序抑且皇路藉爲南車芳名永勒旂鍾新簡行膺節鉞其離奇濳斷局促轅駒向嘗濫吹郎曹固已飯誠台斗三年一壑字咄咄以書空半刺方州身飄飄而似葉豈謂江潭之迹乃叨通德之鄉誼宜趨叩塔墀側聆聲咳而會鷄肋初嘗之日適當鶯

車遠狩之時雖濁水清塵已隔雲萍之分然
青天皎日時懸葵藿之心方慚疎節之叢慙
忽辱注存之下逮瀾繅兔頰光射剡溪之藤
鄒重裏蹄色潔荆揚之冶不覺寒灰頓熱詎
惟華袞知榮固將藏什襲以猶香篆五衷而
罔泐者矣拜長者之賜屏息既無敢稱辭報
美人之貽藉手又未知何所祇憑鴈足薄效
螢吟伏與淵涵俯垂電炤

妙遠堂全集

卷

三

擬答謝周學臺啓

代田直楷

臺柏凝霜曉紫芝之在望浦蘭吹雪慙青案
之難酬祇抒伐木之思竊效美芹之獻恭惟
某稱 匡時詰匠命世真儒頓鐵網以登才耀
燦機機于東海批玉衡而品物森羅象緯于
中天寧惟化雨所沾桃李茂成谿之譽亦且
下風可佐蒹葭深倚玉之榮詎謂初辰重勤
腴腸深情醉骨味比醇醪逸韻閒襟吟成風

月覺百朋之非寶藏什襲以猶香集谷有
懷報瓊無地丹丘可開願並駕以仙仙赤鳥
常閒想自公之几几誠非備物言未宣心

擬答兩浙吳鹽臺賀壽啓

伏以白駒馳日壯心空負于桑蓬頻經迴波
風好遙敦于蘭蕙祇佩銘而罔泐欲敷述以
難宣恭惟某峻峙斗杓清凌冰柱梅香庾嶺
蟠爲胃次之清芬珠始滄溟散作毫端之異
妙遠堂全集 啓一

采仙鳥蚤翔于周甸花廳載借于離符迨謬
謬以登車自快恢而遊刃春潮復海維圖策
敬伸之先暑踏飛霜高議軼桓寬之上左則
殮而右則粥全越席其膏滋千斯倉而萬斯
箱大農倚爲命脉已見勞施軍國行看位陟
台衡某學步未工同心有素字聯題塔姓名
謬附于鴈行氣滿充間歲月忽增乎鴛鴦敢
頗有記過辱駢蕃千里停雲漫切伊人之詠

七襲終日不成織女之章薄附蟻封聊鳴雀
躍仰惟崇鑒不任翹瞻

擬迎胡撫臺入境啓

伏以豹尾升班盛際王風雲之氣帟牙臨鎮
先聲播江海之波秋光乍爽于星占喜色方
深于霓望虔馳短簿肅迓前驅恭惟 某稱清
畏人知忠懸帝鑒禁池小鳳丁年委佩于梧
垣瑣聞祥鸞乙夜抗章于蒲薦俄借屏藩于

妙達堂全集 啓一

三

外服過高添鏡于洪都龍作納言衣履逼星
辰之上駒攻問寺簪裾繫棟礎之思遂陟中
臺節臨江左旌旂曉出度魚鳥以參差葆蓋
遐飛映川原而震疊四履爭親渠尺一時共
倚長城 具猥比鉛刀持茲繡斧托粉榆而繼
繼固管名 人龍奉鞭弭以周旋更喜輝分
卿月快睹泰帷之伊邇猶懸負弩之難前削
牘散松煤神爽已先驛騎執爰趨柳幕光儀

如對霞標伏異淵涵曷勝斗仰

擬賀胡撫臺到任啓

伏以楚璧登筵重寄冠十連之上吳雲建節
穹塔升八座之中丹衷尚鬱于振衣紫電遙
瞻于列戟薄陳庭實祇代潢羞恭惟 某稱朱
鳥鍾晶白珩比質歷險夷以一節孤衷愈粹
于委蛇憲文武于萬邦公論翕歸其磊落弘
開制府屹立名都蓋嘗俯考地紘且以旁諮

妙達堂全集 啓一

三

時勢自秣陵而左顧日邊郡邑旣基置以星
羅由越絕以西窺澤國帆檣復鮒居而鮒入
兼之瑤琨機杼窮上方工作之奇卽其刀錯
衣冠居海內聲華之右 通方賦日繁而情日
僞遂至吏日陞而法日弛必賴公忠不二之
臣乃致寧遠無言之化瞻隼旗之甫蒞已鴻
轡之旁流波上水犀軍夜月光明組練山邊
金虎氣秋宵氛淨璿璣近之期周文襄鎮甘

餘年功存竹帛遠將同吳泰伯垂億萬世名
表江山其跡阻繫輓誼深敬梓處空輝而成
響聊效彤于吟蛩望大厦以飛翔願抒誠于
賀燕統祈涵納無任忻光

擬賀吳鹽臺誕辰啓

伏以嶽動山搖峻烈方高于攬轡虹流電繞
佳辰初屆于懸弧梁間深落羽之懷柱下快
占星之慶薄言削牘聊代鸞鶴恭惟其族貴
妙遠堂全集 啓一

蘭陵材翹桂海馴魯恭之雉桑暎泰郊乘桓
典之聰栢生秋府爰借簪于鹽筴更飭羽于
輶軒作賦擬冰鮮膏滋國軸載車看玉潤靈
效天吳欣玄英吹律之餘值紫氣充閭之會
烟綃霞幄赤城開部內之畫圖鱗脯驚驂方
丈集雲中之綺侶北陸心懸北極南林曲譜
南飛自應竹帛垂名作礪作金而作楫寧獨
松喬齊筭如川如日以如陵其托契同舟依

光隣燭思五車于惠子難抒縮地之誠效三
祝于封人竊假臨風之訊仰惟淵納不盡岩
瞻

擬答啓

伏以日麗宸楓正氣方弘于韜鐸霜凝臺栢
孤標獨振于衣冠積深儀斗之思忽枉從天
之訊瞻芝有待報李無由恭惟其夢鳥殊材
參龍石閣蒸光接家學窮九流七略之奇冰
妙遠堂全集 啓一

舉重時髦挺八俊三君之列蒞榜蚤推拔幟
花封俄聽鳴琴快遊刃之恢恢取爛柯以開
畏壘望登車之嶽嶽由持堂而待勾陳欣當
外中孔棘之時值此賢雋瓊茅之會指爲屈
軼落邪膽于堯階鳴作嘻扶叶瑞符于軒閣
將爲生民立命脉直與天子爭是非溫而常
寒表河山之峻概鮑聰可識聽都邑之新歌
寧惟名重法輪行且化調神鼎其猥慙辭淺

幸共班聯四牡鄭鄉事大夫而敢後一函達
使比從事以猶賢祗深烹鯉之懷竊效聞雞
之舞澄清世路願托契于同心學結玄風尚
需期乎異日祇鳴謝淵統吳慈涵

擬賀周學臺誕小啓

箕疇衍九富福康以維均穆立稱三德功立
爲不朽必掀揭在星辰之上斯推遷非日月
之常道固待人言難盡意

某稱

啓

金莖玉尺日

鏡天球窮猶相木讀之書胸次蒼吞雲夢得
靈均不傳之秘毫端曲注銀潢輟法從于中
臺文星于南國更快得辰之慶值茲宿歲
之時駐景亡大小年悶悶定醇醇之極浹日
分新舊曆終終開始始之先願葉傳觴翠看
比鸞桃符憑櫻紅可鑄顏樹穀何如樹人凡
杞梓梗柏盡作明堂之棟礎壽民行將壽國
舉紀綱風俗同歸太和之春秋

某緣比附題

誠殷放鶴南山作賦仍負愿于飛花北海開
尊聊酌添于涓露茹存有禱非頌無窮

擬賀操兩院年節小啓

日軌行窮星轡兆始江雲作帶分曙影以飄
紅坼草抽茸染晴烟而散碧快值畫鷄之節
敢忘獻雀之誠

某稱

身作長城手調神鼎仙

冀吐砌和風溢于旌旄細柳開營霜色頓迴

于組練想行春之有脚知納祐之無疆戲列

某

啓

某

魚龍憶上國衣冠之盛陣開貔虎奠舊都鎖
鑰之雄

某

叨附同舟幸逢首祚椒香可頌聊

紀序于瀛棠梅信空傳祇馳神于懸華仰于

崇炤不既翹瞻

擬答周學臺吳鹽臺啓

矢以鵠筭還添未登生中之頌魚箋載及麟
步答衛之章既登拜以神搖欲敷宣而意積
恭惟

某驂駟絕地鵬鶚行空隻手扶乾鳳采

振皂囊之譽六身周亥麟歌開繡紱之祥休
徵倍集于桑蓬喜色更殷于蘭茝顧雷門奏
響方懷善辭之慚乃月脇穿思輒枉過情之
報遠陋谷雲之筆札如瞻崔瑗之鬚眉千秋
奉而萬年酬君子之交如此金錯來而瑛瑤
往美人之想依然某啓牘瀾翻拊膺緒結句
成伐木和餘韻于鴛鳴影妮馳轡學後塵于
聽步祗憑裂素不盡傾丹謹啓

如遠堂全集

啟一

三

奉迎司白鹿老父母啓

伏以日麗鸞綏百里重裁花之寄雲催鳬舄
四郊騰際竹之歡寵光甫溢於除書喜氣爭
先于驛騎松崖自快負弩何由恭惟某稱琬
琰瑩姿鍾鏞大器韻成矢口新聲敲戛于琳
琅書誦等身古趣淹通于鍾鼎蚤奪蟬珠之
秀遡高崑玉之班鵬萬里以孤騫雲翼欣穿
月窟鳳九苞而下覽棘叢聊代桐花曉言晨

爾之區遊此蒼然之月川原有色依列宿以
分輝草木何知借一雲而占潤乍聽遷鶯于
枝上琴勞望鶴于琴邊馴維拱桑行見長芬
汗簡兼聰弭筆仍期游陟穹垓某廬次微生
費餘棄質觸目兼葭之唱念夙篤于伊人傾
心章衮之謠思更殷于我后祗結寸丹而雀
躍薄茲尺素以鴻羽伏冀鑒涵不勝翹仰

如遠堂全集

啓一

三

妙遠堂文陽集目錄

啓二

答金丹庭老公祖啓

賀萬會恭老父母啓

賀夏孺和老公祖壽啓

請司白鹿老父母啓

賀顏太屏老公祖啓

答董崇嶠明府啓

妙遠堂全集 啓二目

賀徐崇星老公祖啓

請司白鹿老父母啓 代新進諸生

答馬心遠明府啓

賀郭太蒙老公祖啓

壽王孟村老伯小啓

賀李自生啓

答潘昭度明府小啓

答張涵月老公祖啓

請陳心抑老年伯啓

答徐玄仗京兆小啓

答李漢儀毛我石二明府小啓

答張月沙明府小啓

答戴在秉明府小啓

答房潭石老父母啓

答王孟村賀初度小啓

賀郭天谷老公祖啓

妙遠堂全集 啓二目

答唐國主啓

饒諸公應試大梁啓

請倬星中五二黃老先生啓

請舊大京兆徐玄仗啓

擬答易按臺小啓 代

擬回易按臺送節儀小啓

擬回過學院啓 代

擬迎新大京兆文宇鄭公啓 代
目錄終

妙遠堂文陽集

新野馬之駿仲良著

內黃司廼疆達支閣

啟二

答金丹庭老公祖啟

恭惟老公祖台臺琬琰瑩姿鍾鏞大器含香
畫省孤標高鸞鷟之班握算嚴疆萬甯壯貌
緜之氣載拜明綸於日下過分憲節於天中

妙遠堂全集

啟二

三

控重地以開牙永奠漢京周鼎拱名區而列
戟坐紆洛水嵩山人歌憩樹之召公代重沉
碑之羊叔惠威調於四飯熙熙消養楚之諸
文武憲子萬邦皞皞慰黍苗之望當索賦徵
兵之多故見輕車游刃之壯猷今春軼雲霄
其頌清霜紫電新恩降節鉞行張大纛高牙
其轅下凡駒滿中斷木握蘭東省緬懷逐隊
之遊負采南陽竊快授塵之願望兼葭於一

水榭蘋蘩於三薰肅布候忱仰希台鑒

賀萬會庵老父母啟

恭惟某琮璫粹品舟楫長材富兵甲以羅胃
概揭鑒間之役藥樹烟雲而寄腕瀾揚瀚海
之澄泓香名蚤貴於上林濺澤久深於全邵
鳳難接枳士元之論同歸驥且服箱伯樂之
鳴過值煥新綸於舜日借重地於堯都汾水
條山倚屏星而吐色桐鄉畏壘指棠蔭以興

妙遠堂全集

啟二

四

歌某素庇幃幃倍深距踊刀圭贈呂難抒燕
賀之誠輿仰題陳快奏管籥之曲薄將引意
統童琴酒

賀夏孺和老公祖壽啟

伏以燕乳鶯逸淑景方長於棟信虹流電繞
嘉徵洊益於松年難抒縮地之懷聊效如聞
之頌恭惟某家隣屈宋身比淵雲彩筆摘霞
登冠楚材之杞梓玉樹泛雪長流闡海之瓊

璘晉雙戟以憑熊周四封而集鳳仁裾義佩
遊神於案牘之先覓駕靈輶秦理在几幃之
上瞻言初度欣值芳春某席咤殊倫效誠竹
素竊見匹夫行長者事尙多貽芹鯢齒之詳
矧茲度世現宰官身豈在熊引鳥伸之末欲
以羽儀於千仞試聽尸祝於萬家揚名則熟
釜景鍾則非大藥貽後以顯庸隱德悉屈良
節又寧必問冥靈以樹椿酌甘谷而飲菊哉

妙遠堂全集

啟二

五

三薰欲謁一介以將仰冀慈涵不任欣注

請司曰鹿老父母啟

伏以赤社流膏令望方翔於馴雉青郊泛景
芳時喜聽於鸞選續陳逸少之壺觴薄代任
棠之薤水誠殷操等期戒馳箋恭惟某氣秀
黃圖材雄紫電縱橫子墨蚤窺策府之奇的
燦郎星載瞻榆河之影解全牛而巧中祛害
馬以無留六月立水霖霖成驚在手千家覆

錦收芻其切勞心雲霓之望方藉章袞之韻
事起葛洪仙骨陋異好於求砂潘岳文江寄
閒情於種樹睠此鹽車凡質尤沾火井溫風
山木有歌竊興思於公子溪毛可食聊比獻
于野人敬卜佳辰肅迎台馭粥濃錫白在曲
水之後期柳媚花明對芳林之長日聆樂談
而拔霧接荀席以分香煖借衡門始信春行
有卿遊陪醉國請展夜飲無歸

妙遠堂全集

啟二

六

賀顏太屏老公祖啟

伏以麟竹疏榮千里重旬宣之寄熊幡貞采
列城騰佑目之歡微誠向阻于執爨薄貢虔
申於賀厦背同片曝眉擬是瞻恭惟某琬琰
純姿鍾鑄大器嶸岫道榮武夷玉立于孤標
浩淼文瀾閩海珠光於四乘蚤敞桂筵而鳴
鹿遄隨杏苑以遷鶯列署字玄雲共指星郎
之若月分曹臨易水時聞俠客之歌風香名

久商於宸楓福曜欣躍於豫壤部脣骨赤遙
欽廉叔之務儒驛騎塵清爭迂細侯之車蓋
刃試型而奮兩兩隨轍以油然父母成謀已
快飈傳與頌公孤晉秩行看列穹堦某曠
附有綠螻蛄無用雲霓藉望心知旌節之從
天花木偏春身北樓臺之近日素誼祇將於
縞獻丹衷倍篤於葵傾伏冀鑒涵不勝忭仰
謹啓

幼達堂全集 啟二

七

答董峯嶠明府啟

伏以鴈序聯雲上國重墳虎之嚮冠郊向日
中原騰章表之誼芳標尙阻於巖瞻嘉問先
勤於縞贈佩蘭可挹報李何由恭惟某淵學
傳家殊材命世峨嵋積雪蟠爲胸次之層峰
灑瀆春濤散作毫端之異錦蚤絕窺圖之好
幸高題柱之聲披于墨以縱橫共仰碧霄玉
尺瞻郎星而的燦欣看綠髮銅章迎揮霍於

庖刀妙馳驅於奏策丹江岸靜爭燃繞郭之
花黑時嵐生徐草放衙之句風物居然畏壘
姓名卓爾西京吏畏民懷佇見先鞭臺瑣兄
麻第草還期並掌絲綸某轅下凡駒溝中斷
木尼元方之驥矣已定於千秋頌叔度之波
潤尤滋於九里豈謂注存之俯逮更叨鄭重
之遙頒思公子兮未敢言空厓紫芝之想念
美人焉何以報永懷青案之誠祇布謝忱統
刻達堂全集 啟二

八

侯慈鑒

賀徐譽星老公祖啟

伏以日麗螭頭一路快法星之照風清曉步
列城爭時雨之思積誠尙阻於一鴈薄貢祇
同于縞獻瀝肝子墨悚目卿雲恭惟某標
琅玕氣含沆瀣石麟表瑞久知擢秀江東續
虎分奇共許掩才鄴下蚤聽桂庭之唱遙看
杏苑之花鼎可函牛人並推爲名德車先飾

鸞帝初試以祥刑遙傳寬飾之塵飛已覺風
稜之嶽動壺冰若月映絕壑以盟心案鐵如
山霏五花而作唾長流膏于丹筆獨表望于
朱繩至理奏無冤寧獨恢恢祝網殊恩隆不
次行看謬謬登朝某底切悵懔材慙樗櫟托
空堦而成嚮僅比脂羊吟蛩望大厦以飛翔
聊鳴歡于賀燕仰惟鑒納不勝翹瞻

請司白鹿老父母啓

代新進諸生

妙遠堂全集 啟二

九

伏以銀艾敷春雨露久滋于棠蔭玉衡指瑞
風雲普建于茅茹上欣模楷之親人慶遭逢
之盛祇陳燕喜僭謁龍門恭惟某身挺瓊琳
唾成藻績探天心而穿月脇久推藝圃之淵
雲先保障而後繭絲共仰明時之卓魯寧獨
鳴琴而阜俗仍勞懸鑒以程材甫學安絃言
齊線綺纒經說劒云是青萍念童子之何知
屬良工之無擇俾茲樸遫盡被薪樵較雲臺

圖書之英尚羸其二比魯國莚綿之士已得
乎全詎飲醴以忘源用投瓊而思報敬循舊
典爰叶嘉辰列映于衿黌瞻公哀鱗離繆鈞
敢私偃室之塵鸞載旂聲快咏泮林之句近
荀香而期披拂立程雪以識依歸夫子誘人
見宗廟百官之富國士遇我勤驥黃千里之
思伏候鳴騶曷勝側弁

答馬翁白明府啓

妙遠堂全集 啟二

十

伏以塔雁孤鶩風力快紫霄之翻舄鳬雙翥
露膏滋赤社之香積衷未展于巖瞻嘉問遠
勤于鼎錫鏤心莫既藉于何由恭惟某秀挺
琅玕富蟠象緯經傳南郡共傾列帳之笙歌
酒命新豐起作明廷之棟楚卿月甫輝于日
下郎星遙曜于天中春野麥翻涼暖見雉鳴
應雨青簾視散影清知馬骨如山張弛互取
以霆鞭舒慘立調于神鼎媿西京之汗竹已

看勒績旂常來北闕之鋒車佇竢升華塤闥
某林丘薄相草土餘生接棠樹于隣疆久鬱
識荆之願停梅花於驛騎初沾荀令之薰轉
集木以增懷謹折麻而鳴謝仰惟鑒照不任
屏馳

賀郭太蒙老公祖啓

伏以寵分鸞綵專城隆剖竹之聲春溢熊轡
四履慰想榮之望抒誠子墨引睇卿雲恭惟
妙遠堂全集 啟二 十一

某朱鳥凝精白珩比質胸吞雲夢者八九散
成册府之菁華水擊扶搖以三千起作明堂
之柱礎猶此雷門之竹盡歸懷縣之花更績
比西京爭道社懷慈母帝恩眷中土寧辭案
牘勞人先聲甫震于塞帷濺澤已殫于惜燭
游善刀而再試芙蓉傾奪月之鋒總輕轡以
遙馳首藉捷追風之步迎細侯而恨晚頌鄭
產以爭先寧惟增秩賜金佇觀譽尊于師帥

握樞履斗行看班蓮于公孤某放逐孤踪離
奇散質授塵樾蔭竊托幸於棲鵲望厦雲梁
尚疎誠于翔燕薄引潢汙之敍僭邀巖電之
輝仰冀茹涵不勝瞻跼

壽王孟村老伯小啓

元開鳳曆欣逢世運唐虞瑞表虹樞快覩陸
行佺倅早以巖巒而輕軒冕直將著述以代
經綸當南極之旁一星光搖若水邁後車之
妙遠堂全集 啟二 十二

載三歲兆恥非熊某跡阻登龍誠殿放鵠挹
潢汙之末潤將祈羞敬王公矢雅頌之餘音
猶懼貽謫作者伏惟鑒納矧任瞻馳

賀李白生啓

伏以雲翔一鶚中朝高斗嶽之聲玉剖雙麟
南國重屏藩之寄御膺車而恨晚投札縞以
無慙祇覩龍光薄抒雀躍恭惟某畫溪靈氣
金粟仙才湧具區八月之潮散作毫端之藻

續發委宛千年之秘羅爲胸次之菁華蚤香
姓字于桂叢遙對天人于楓陛計曹振佩劑
調果劉宴之思嚴塞持籌輪轉啓鄭侯之績
久著雲霄鳳采遙高江漢熊幡酌寬猛以靈
鞭皜皜慰黍苗之望調操扞于神器猗猗消
長楚之謠接羅羞倒夫高陽屬員已隆于峴
首寧惟松生腹上兆開異日三公終當石補
天邊獨作明時八柱某牛涔瑣迹雞骨餘生

妙遠堂全集

啟二

十三

翠黃霸之米鹽有懷吮筆喻任棠之薤水無
地樞衣夙勤嚮往于卿雲祖放濶翻于子墨
仰惟鑒灼無任瞻馳

答潘昭度明府小啓

三陽弘啓萬葉昭蘇某在苒流光棲遲窮壑
沐芳蘭而恨晚酌栢葉以慚先遠錫芝栢特
頒鼎寶吹鄒生之律黍谷知春傳驛使之書
梅枝帶雪旣銘高雅竊自省循用土壤以益

泰山世皆知其非等投瓊瑤而報木李人猶
以爲不情道茲疎節之未將輒枉隆施以無
已濶翻揅墨繼繼歲時雖伯也吹埤自軫連
枝之愛而匹夫懷璧轉增集木之懷用抒瀝
于愧餘冀垂原于格外維王正首祚明堂開
白獸之樽適循績久成花縣聽遷鶯之樹尚
綏福祉以迓殊恩某臨臧可任翹抃

答張涵月老公祖啓

妙遠堂全集

啟二

十四

伏以豹尾升班重寄冠十連之上虎牙臨鎮
峇階躋八座之中丹誠未遂于樞衣紫氣遙
瞻于列戟祇陳庭實聊代潢差恭惟某天挺
龍媒代傳魚笏花封製錦蚤高保障之聲蘭
省含香載懋寅清之譽近堯樽而祝草懸禹
鏡以程材憲文武于萬邦甘澍雜秋霜並濟
履險夷以一節浮雲開皎日孤懸海長藩垣
入翔勳寺和羹調大七高依日月之光分閭

得長城遂王風雲之氣應茲中土不借台籟
控崑崙以疏疆皂蘇油幢卽紫微之背省揜
鳳麟而頓網南金東箭皆絳帳之餘村前茅
甫慰于寬瞻下甲翁聞夫雷動寧獨忠貞世
篤重輝駟閱之蟬聯行看衡軸時登獨作楓
宸之輦柱某櫛櫛小器林莽孤生歷行坂以
悲摧自恥轅駒之影望夏渠而翔集猶深厦
燕之懷敬澹惻于墨卿特于誠于籤帥仰俟
妙述堂全集 啟二 十五

電焰不任水兢謹啓

請陳心抑老年伯啟

伏以九官炳化法星初耀于虞廷四牡揚輝
憲節載光于周道竊慰披雲之願庾抒嚮日
之誠恭惟某命世真儒補天巨匠太微臨楚
坐綏鵲鶴以銷烽貫索司秋遂領鵷鳩而開
署睠茲下里幸枉前茅維時柳碧江臯雨清
莎徑旌旗曉發度魚鳥以參差羽葆遙臨散

川原之震疊暫快鳳輝之覽均深雀喜之忱
某氣識真人分親猶子修藻蘋于白水敢淹
五夜珠繩奉樽俎于春風共聽九天香屑伏
惟寵蒞鈞任超瞻

答徐玄仗京兆小啓

恭惟某命世真儒匡時哲匠朱絃泛雪彈子
惠于花封玉尺依天湛人倫于藻鏡帝排大
七星近中台久高清署班聯遂領舊京鎖鑰

妙述堂全集

啟二

十六

江干棠覆漫誇漢史之趙張腹上松生行作
虞廷之稷契某櫛櫛下品黔劓餘材儀斗嶽
於雲中素鬱識韓之願備衣冠于宇下竊符
御李之私敢云葵藿之傾陽頓覺樓臺之近
水祇憑旋羽先布鄙城伏冀電垂可勝淵仄
答李漢儀毛我石二明府小啓

某溝中棄木轅下凡駒五載卽曹遠摧輶于
壠坂一官謫籍時弔影于湘潭何期北關之

新綸翫托南枝之弱羽其琮璫粹品舟楫長
材露湛水壺飲水但甘建業春敷銀艾種花
將徧長干已芬漢史之舊聲行受虞廷之寵
陟春焉飛翰導我脂車惟是子舍方溫尙承
顏於彩服要亦王程非遠將問路於朱明計
當蒲艾之辰可挹芝蘭之采先憑旋羽聊布
鄙衷伏冀鑒涵不勝馳企

答張月沙明府小啟

妙遠堂全集

啟二

十七

某標峙岷峨睢分參斗赤松黃石貢帝師王
佐之奇材龍肉鳧毛蜚博物洽聞之宏與綸
秀早高片玉致身過比雙金板蕨當門無藉
任棠之水種花繞郭爭迎潘岳之車循聲久
冠於南天新記竹簪於北闕入虞廷而曳履
共知人仰儀刑使漢野以埋輪快見家傳風
采某芝瞻有素兼倚知榮羽托一枝翬擬鶴
鵠之賦箋題五色遽傳鴻鴈之聲佩高誼之

勤拳托遙悰而嚮往統惟昭亮不任顯馳

答戴在秉明府小啟

某秀削琅玕富蟠象緯曲臺三禮執林代著
於師模斗酒雙柑道韻孤寒於物表蚤對大
廷之子墨邇高南國之郎星試貞瀨以盟心
濯濯一泓湛月指大像而標樂稜稜千嶂橫
秋庖鋒遊簿領之中化瑟宰絃歌之外拱桑
馴雉炳日星於往符弭筆乘驄起風雲於前
路某幾餘枯質帳下凡蹄閉戶書空已忘情
於麋鹿巢林息影翫適願於鶴鵠何煩遠使
之勤求永篆雅懷之鄭重兩題五色如披懷
縣之花興引一帆劇念剡溪之雪率焉布復
不盡顯依

答房渾石老父母啟

伏以鶯遷高樹尙踈賀厦之忱鯉迴游波遽
枉加餐之字媿因簡集感逐懷深恭惟某楚

妙遠堂全集

啟二

十八

壁九賓吳鉤百鍊雲霄峻望孤標揭上黨以
嶙峋岳牧新猷惠澤灑淮流之浩蕩遂膺帝
簡入蓬仙曹馬簇珂聲重待三條之月鶴含
香氣仍吹九畹之烟滯淫寧歎乎馮唐輪輓
方推大劉晏豈期存注俯逮迂疎某樗櫟散
材剿黥棄質風前駭浪風動色於同舟天外
孤蓬尚飄踪於岐路惟瓦爍之資宜後乃瓊
瑤之誼何先把驛梅而思故人無緣縮地取

沙遠堂全集

卷二

十九

香草以喻君子有句停雲薄引謝悰伏惟慈
鑒

客王孟村買初度小啓

壯齡初舉顧協見爲已衰華髮秋吟潘安歎
其過拙念鴈枝之未穩悵驚齒之漸增迹窘
丘園色慙孤矢辱俯存於長者敢自外於通
家袞筆分花縷同長命素鱗游浪字執加餐
至別披巾笥之新章悉屬帷籌之餘事許伯

曾傳哭世不聞承吐猷謨燭武自詫亡精未
見業嫻著述寧獨擷菁華而垂琬琰實爲存
廊廟以濟江湖媿莫贊夫一詞併申誠于九
頓仰惟慈啓易任翹瞻

賀郭天谷老公祖啓

伏以星標孤峙外臺凜列柏之瞻霜節高懸
四履慰想棠之願迎細侯而恨晚御元禮以
知榮祇托魚箋薄陳雀躍恭惟某白珩粹質

沙遠堂全集

卷二

二十

紫電雄材銀浪擊孤鵬首拔文林之赤幟惠
風隨四牡載褰使署之彤襜卿曹邁晉于水
衡倫品悉歸于水鏡顧晉世共推裴橫方聞
擅譽清通乃漢廷欲相望之遽試宣勞駁歷
補茲苑土幸耀台躋結唐鄧而枕別業作中
原之吮背懾豺狼而矜鴻雁借慈海之舟航
照臨甫式其風稜歡誦翕聞大雷動秦韓石
握總六轡以馳驅禹鼎當庭布列城之綱紀

某跼類駟駒洞同轍鮒車前負弩從父老以
難前宇下授塵事大夫而敢後虔擷潢汚之
簌用賡章袞之詩伏冀霽涵揚勝淵仄

答唐國主啓

恭惟某溫文慈惠博厚高明天序班崇迭拜
東平之几杖人倫譽重坐開北海之圖書撫
茲大冶之炎蒸想見法宮之行樂園林夜永
月度金輿殿閣涼生風停統廟時授詞于枚
妙遠堂全集 啟二

馬獨傲趣于羲皇某風近桂山今攀蘿樹滄
海飛塵者再難逢仙客之來華封效祝者三
自蜀野人之分何勞慈注更在隆施陪舟楫
于鄂君自識錦衾之貴誦瓊瑤于衛于逾衡
木李之輕鏤骨不宜臨風倍切伏惟電炤可
任水競

錢諸公應試大梁啓

伏以運啓龍飛典首隆于造士文成豹變象

利用于賓至薄扞折柳之忱預引食萍之唱
維時風輕少女河淡黃姑茅店板橋映殘荷
而頓轡梁臺未寢籠高樹以迎車里浮白水
之靈光家載朝雲之秀筆人比葉宮之漏滴
滴鏗鉤名齊雁柱之絃聲聲飛動冀北之驂
驪欲騁荆南之杞梓誰先一戰以張吾軍寵
分榆社代興有如此酒色映蘭襟佇望聯升
祈嚴頤埃

妙遠堂全集

啟二

二十二

請倬星中五二黃老先生啓

伏以此門祝草久高槐棘之微聲南國待衡
共慶茹茅之盛典虔抒誠于樽俎聊貸勝于
江山擬窺叔度之波瀾比李膺之御且地稱
豐芒時入商颺踞虎盤龍奠千秋之弓劍巷
烏磯燕寫六代之煙花幸常藻鏡之餘並長
錦囊之價廬陵力刊苗札收隋珠而珍和璧
未聞興點手雲霞供奉句泣鬼神方秦龜而

慨吳宮却遜陰繁於桃李惟天眼而兼法眼
喜使星以傍文星敢云攀長者車座聊以示
都人架尺寵分半席快親室內之芝蘭墮落
九霄願洗胸中之蓬藿俯躬擁篲拜手馳箋
請舊大京兆徐玄仗啓

伏以卿月凝華魁柄近三臺之上福星絢彩
仙班升八座之中幸竊陰於幘幘祇抒誠於
樽俎恭惟某擎天鯨柱瑞世龍文舊因寄畢
妙遠堂全集 啟二 二十三

公懋東土保釐之績新恩錫方叔隆西臺鎖
鑰之權凡茲簪笏之倫悉慶逢逢之盛乃如
下吏尤庇鴻私亦步亦趨方矢效鞭箠之末
於臨於照遂成躋衣被之間頓看草木知春
敢曰樓臺近水雖雲泥分隔難攀鳳輅以雍
容而葵藿心傾冀奉塵毛於清燕敬循舊典
式庇荒筵微一眎以爲榮光接中宵象緯瀝
自觚而忘醉香飄清室芝蘭拜手馳箋齊心

候諾

擬客易按臺小啓代

豸義柱下懷人方切於江雲鯉湖波間投睨
忽來於明月味唾花之霞燦企標玉以巖瞻
恭惟某氣合粹清德兼茹吐封皂囊以翔虞
陛仰稽俯畫聿嚴藜藿之防持繡斧而履周
京大法小廉丕慰黍苗之望固已名播山岳
行看班陟星辰某又佐下風素親冬日聽鴻
妙遠堂全集 啟二 二十四

作字聊通意於關河比蟹輪芒寧將誠於沼
沚辱此駢蕃之貺溢乎施谷之常我姑酌彼
黃金鼎佩銘無地何以報之青玉案慷慨臨
風草泐謝言尚俟崇鑒

擬回易按臺送節儀小啓

桂魄流輝蘋蘩薦爽某懋迎澄霽丕振激揚
兔頰含霜耿駭車而賁采鶴枝警露依懸轡
以增華方深翹溯之懷輒枉駢蕃之貺一函

五色疑穿織女之銀梭千里寸心難報美人之繡段祇泐銘於葵臆聊占訊於梅郵

擬回過學院啓

代

伏以鸞綾耀日謬叨綸綍之榮膺帛封霜遽荷瓊瑤之貺佩蘭芬而逾烈跼芝采以難親感切鏤肝報疎藉手恭惟恭琮璜異品舟楫長材繼鮑司隸行步之歌風生都邑邁富鄭公救荒之績春盎淄青更勞鐵網于東溟遂

妙遠堂全集

啟二

二十五

執玉衡于南國神窮相馬在若滅若沒之先夢應載熊得非角非麟之兆寧惟比千里之肩求士實將爲百年之計樹人幸附粉榆猥慙朽櫟鉛刀試其一割驟躋建節之班臆拔愧夫五窮更凜負山之誦敢勤燕賀遠損鴻施奉鞭弭以周旋尚冀迷雲豁日咏蒹葭而迴溯空館秋水興思肅布謝忱統俟崇炤謹啓

擬迎輯大京兆文宇鄭公啓

代

伏以虞廷兩化方隆喉舌之司鎬社分茅益重本根之計捧鳳綸之遐布同燕厦以均翔聊借濡箋代稱負弩恭惟恭錦江紆秀玉壘標奇憲文武于萬邦負紫電庫兵之具歷險夷以一節高朱繩壺玉之聲爰從彤陛吁衡聿佐銀臺出納維北斗在星辰之上共思界以神鼎化爐念南天當雨露之餘遂特借之妙遠堂全集

啟二

二十六

輕車熟路身配鍾山而作鎮恩隨淮水以揚濶寧惟慶洽衣冠頓覺氣明花柳恭素私隣燭久附同舟趣曹平陽之裝意借舍人通指迎郭細侯之蓋驩將稚子知心伏候鸞鳴不勝鵠俟

妙遠堂文雲集目錄

啓三

回高山孫明府小啓

擬答浙江蘇撫臺啓代

公請京兆黃際雲啓

候史亦步小啓

通王大司農啓代

候寧太道王與悟小啓

妙遠堂全集 啟三日

一

擬與王撫臺回禮啓代

請司白鹿老父母小啓

賀鄒靜長太守啓

答劉同吾明府啓

壽唐國主啓

候楊衡毓老公祖啓

公壽蔣幼明小啓

請白鹿司明府啓

賀周冀維老公祖啓

請岳完懿父母啓

答王孟村小啓

賀趙翀南老公祖壽啓

答梁篆一明府啓

請省中顧若虛啓

賀白明府啓

答張與立司理答

妙遠堂全集 啟三日

二

答程興濟小啓

答趙翀南老公祖啓

請諸茂才應試大梁啓

賀岳完懿明府小啓

候撫臺畢東郊老公祖啓

回劉學臺小啓

遠迎少司農靳習翁啓代

與巡撫鄧遠游啓

目錄終

妙遠堂文雲集

新野馬之駿仲良著

淮南岳鍾秀完懿閣

啓三

回高山孫明府小啓

某鴻翔天路鳬翥花封尹子奇之敏妙夙成
霞迴錦製馮元授之綏柔立效風浴韋編朱
絲獨映于南雲紫綵行頒于北闕允矣瑣臺

妙遠堂全集

啓三

三

嗚矢斐然竹帛芳模某向以薄遊幸承半面
溯伊人于秋水方深葭莢之思勤郵使于梅
花忽枉瓊璫之訊祇佩銘以罔數欲敷述以
難宣伏冀崇深鑒此勞結

擬答浙江蘇撫臺啓

代

伏以柏臺建節鯨鯢銷千里之烽梅驛題箋
鴻雁下三秋之色彈貢冠而載寵進遽使以
紆懷敷述難宣翹依有素恭 匪某武夷揭秀

滄海鍾靈辨劍豐城斗野煥雌雄之氣攻駒

問寺天閒騰駉馳之歌崇班特冠于十連重

地全昇之大越玉簪嫺虎帳案頭分聚米之

峯鐵騎耀犀渠江上勁射潮之弩照妍媸于

禹鏡妙驅策于秦鞭漸之東浙之西大法小

廉丕凜旌旄之威望海以內海以外文經武

緯同揚賜履之聲華樞衡行矣登庸竹帛卓

然名世某猥慚驥附夙庇鴻庥舊國濫竽敢

妙遠堂全集

啓三

四

謂領北門之鑰故人解佩何來貽南浦之蘭
心永泐于勿諼感真勤于無已祇鳴謝悃伏
冀慈涵

公請京兆黃際雲啓

伏以日拱龍蟠東土重保釐之寄風翔賀燕
南樓騰叅佐之歡幸竊蔭于幘幘祇旌深于
樽俎寵邀一顧誠篤三薰恭惟某湛月清襟
補天巨手抗章蒲薦窮霄流蹇謬之聲招隱

桂山溥海繫安危之望爰入調乎帝七遂出
牧於王畿銛比吳鈞迎亂絲而立斷吹同伶
律調六管以俱春照臨甫慰夫電思歌誦翕
聞其雷動欣與興作四方之則惟德和民且
汪汪同千頃之波引醇醇物某等材慙鞭策
器玷甄陶通澧蘭公子之懷薦蘋蓼王公之
敬維時水澄桃渡寫烟態於六朝葉盡楓天
疑錦林之二月敢云投轄聊借紆籌瞻巖象

妙遠堂全集

啓三

五

於商秋倍仰道峰巖某接塵鋒於午夜期窺
武庫縱橫伏候鳴騶可勝擁篲

候史亦步小啓

恭惟某麗霄星鳳絕代人龍正色而立青蒲
蓋懷貫日盱衡而銷赤羽偉畧扶天允爲名
世之斗山豈獨同人之冠冕某附麻幸直失
路增悲誦停雲陶令之詩愁轉盈於搔首近
結駟于公之里願尙阻於樞衣薄具芹私代

旌葵臆仰惟鑒昭曷任瞻馳

通王大司農啓

代

伏以玉佩風清弼一人而熙帝績牙籌星燦
調九賦以佐時艱祗憑翔鳳之箋虔引登龍
之惓恭惟某條山揭秀汾水紆晶禮樂起含
香斗北凜儀型之譽光輝生仗鉞畿南貽衽
席之麻玄圭遡錫於漕渠蒼佩載斑於計相
裕成周園府之箕千箱紅朽儲命脉於三軍

妙遠堂全集

啓三

六

陋末宋制置之司萬里車書酌盈虛於一孔
廟畫允資煉石邊塵立靖安瀾曳履上星辰
人識熙朝元老銘功垂典金代標間氣名臣
某久切巖瞻與沾河潤濫竽白下鍾聲隔夢
於承華結綬青荷琴韻生香於晚沚受采芹
而曝背聊比藿以傾心伏冀淵涵不勝水仄
謹啓

候寧太道王吳悟小啓

恭惟某琮璜粹品舟楫長材江國祥刑溢仁
歌于麟趾縉雲列署振清譽于鵷行泝分名
郡之銅符益作羣僚之玉尺遂持憲節更福
南天羊嶺粘雲標神襟之峻峙宛溪寫練涵
道韻以冲融行當開幕府以建高牙不獨輦
帝鄉而安磐石某溝中斷木轅下凡駒通姓
字于龍門幸附元方之牒範馳驅于鸞轡欣
操晏子之鞭肅庀芹將崑旌葵臆仰惟鑒焰

妙遠堂全集

啟三

七

不任翹瞻

擬與王撫臺回禮啓代

伏以豹尾升班重寄冠十連之上虎牙臨鎮
壯猷軍四履之間敬份墨卿偕千籤記恭惟
某天田貴品日觀元情簪笏盈林振烏衣之
鴻緒風雷拔地搏羊角以孤鶩蚤紆赤社之
銅章遙遙朱衣之玉筍斷斷以持繡斧高翔
賜鸞于天中檻檻而轉大車事統貌貅于萬

里弘開憲府填歷全吳由宛句以西馳虎踞
龍盤奠黃圖之三輔自淞區而東沛江氛海
燧銷赤羽之千烽凜然大法小廉展矣文張
武弛提衡登列郡爭瞻紳弁儀刑補袞登巖
廊行作朝廷喉舌某猥慙窳器幸附通門承
流而佐下風尚冀周行之誨引背而親冬日
敢忘邇室之思薄貢芹將遙抒葵臆仰惟涵
昭無任皈依

妙遠堂全集

啟三

八

請司白鹿父母小啓

序屆天中節稱地臘雖瞻雲攀柏愁逾澤畔
之吟而負日美芹心結丘中之賞敢燒枯蟻
特迂飛鳧垂蘭艾以當門歲時爾爾依葵柳
以布席晝景遲遲祈披荀令之香共奮王公
之塵解慍之絃一奏爽拂南薰辟兵之縷長
懸氛消東園折深投轄願早鳴騶

賀郭靜長太守啓

伏以郡伯古諸侯埒屏藩於赤芾長安漢京
兆隆保障於黃圖自匪殊材曷膺峻陟恭惟
某擲金在賦照玉爲山辨日靈心蚤審延陵
之樂談天慧口遽傾碣石之宮當機雲韶秀
之年陋桑孔縱橫之奠處脂膏而不潤壘餐
自韻於宮商官山海以無遺榆塞絕呼於庚
癸遂宣綸於北闕睠剖竹於西京河箭嶽遵
峙境中之鎖鑰秦宮唐殿開掌上之烟花乍
妙遠堂全集 啟三 九

迎游刃之風已快隨車之雨第反毛日急曲
突將燃積育三星杼軸切東人之歎旄頭若
月旃裘懷南牧之心倘非銷萌於調絃更瑟
之中思將致警於巢幕覆隍之外豈獨米鹽
課政固因履屐知才青簡姓名建循吏不刊
之績黑頭公輔破文人無用之譏某夙映蘭
襟久睽芝采通微誠於薤水思同煦沫之魚
將薄貢於谿芹聊附繫書之鴈仰俟煥亮可

任顯依

答劉同吾明府啓

伏以萬花蔽郭春城華製錦之聲一葉飛城
秋浦荷投珠之訊祇深銘篆莫罄敷宣恭惟
某用則干將望知孚尹編窮七略負子駿之
淹通版答百函具道和之敏給南國久儀夫
鳳羽宛陽載試以牛刀魯甸絃歌共見譽隆
保障虞廷韜鐸行看身上雲霄何期推崇之
妙遠堂全集 啟三 十

餘忽狂加餐之訊溫文而比膠漆真成繡段
之章宛轉以逗宮商疑寫朱絃之韻烹魚動
色躍雀知心某草土餘生則黔秦質曝腮涸
轍祇索市以將枯分照隣牆幸瞻雲之孔邇
尚愧羞溪毛而傾筐筥豈期投木李以受瓊
瑤河漢無梁何日下南洲之榻恭設有味終
宵懷西土之音率布謝忱併俟崇煥

壽唐國主啓

伏以葭灰轉律催回左个之青陽蓬矢凝祥
光映朱門之紫電杼瞻無旣敷述難宣恭惟
殿下忠孝性成聰明天授東平几杖冠同姓
之崇班北海圖書執異朝之芳譽指中嵩而
作礪奠南國于維城忻此玄冬恭逢令誕駢
螭駕鶴駢來陸地之偃佺唾霧裁雲爭托後
車之枚馬長兄銀潢日麗從教滄海塵揚恭
幸附哀蘿方悲草土望桂宮而獻賦猶慙下

妙遠堂全集

啟三

十一

客之長指松蓋以祈年薄效封人之悃仰于
乙覽曷任三薰

候湯衡嘯老公祖啓

伏以鵲印專征特重師中之寄鵷班晉秩聿
揚閭外之聲殊勳行奏于舞干醴澤猶溫于
賜履僭憑于墨祗謁卿雲恭惟某玉壘鍾鼎
錦江濯秀歷險夷以一節衣冠高斗嶽之瞻
憲文武于萬邦江漢昇節旄之任奠豫秦十

磐石綬荆蜀以帷籌森森大法小廉屹屹外
威內順乃小夷負固敢怒螳背以當車輪惟
上智伐謀遂移虎牙而開幕府詢於黃髮鑒
此赤心疏爵中樞貳尙書之喉舌扼吭要地
爲和父之爪牙撓槍夜靜於瘳霄熨舊立銷
於飛電圖畫於九天九地共欽方叔之壯猷
指撝以七縱七擒重見武鄉之妙算寧獨威
行貔虎終看身畫麒麟某草土餘生剿黔穢

妙遠堂全集

啟三

十二

質壺漿道左難儕負弩之班章袞舊疆空切
憩棠之咏薄抒誠於躍雀聊托脂於吟蛩伏
冀鑒涵不勝馳悚

公壽蔣幼明小啟

伏以青陽催律一元漸轉於鴻鈞紫氣克間
百福欣盈於鶴算虔陳樽俎共誦岡陵維時
香入梅附秀存松骨影連岫雪移玉界於平
田漏咽壺水應銅渾於長夜喜訪戴之舟未

返正生申之嶽重逢濠濮禽魚堪畱惠子華
胥賓客何美封人試投海上之籌且尼井中
之轄三千年淺蓬萊之水依然倅倅飛行九
萬里厚扶搖之風佇見夔龍接武仰惟光賁
可任翹瞻

請白鹿司明府啟

伏以青滋鳧野漸回踏草之春光射鰲峰載
屈傳柑之夜祇邀璧月共醉芳颺火樹籠堤
妙遠堂全集 啟三 十三

先錦林於三月繁星綴壁散蘭炬於千門祇
聆稔歲之歡聲聊展公餘之妙緒廣陵不遠
何勞術幻虹橋牛渚非深共龍影交犀燭已
親擁篲佇聽鳴騶

賀周真維老公祖啟

伏以崇陰敷惠聿弘解網之聲楓陛疏榮載
重含香之寄薄鳴雀躍祇賀鶯遷恭惟某讀
九丘八索之書鍾萬壑千巖之秀清水映座

晨生魚鼈之塵丹筆流膏夜戕鵲亭之哭按
部春稱有脚啟盆魯普無冤一毛棲棘知難
畱鸞凰之輝五采泥芝遂高列鸛鳩之署柱
笏與看山之氣鳴珂接繞殿之烟蓋鬼神之
席甫前帝仍知不及也而章袞之歌游沸人
將石豈徒哉行看味勺於傳羹不獨愛畱於
羊石某素叨衣被快飲醇醪觀衆正之登朝
倍切彈冠之慶等羣兒之免乳逾深卧轍之
妙遠堂全集 啟三 十四

請岳完懿父母啟

思肅貢芹私端旌葵臆仰俟電登可任嚴瞻
伏以赤社流膏令望方翔於馴雉玄冬轉律
積誠虔效於焚魚肅陳文舉之壺觴薄代任
棠之雝水禮殷操篳期戒馳箋恭惟某銓淬
干將委明乎尹帝臣有五輶舜都河嶽之祥
國士無雙挾淮海風雲之氣蚤拔幟而雄子
墨黼劄符以燦郎星技解全牛霹靂咸驚在

手叢祛害馬牧芻真切勞心雲霓之望方獲
章袞之誼聿起葛洪仙骨陋異好於求砂潘
岳文江寄閒情於種樹睽此塩車凡質尤沾
火井溫風山木有歌竊興思於公子谿毛可
食聊比獻於野人敬卜佳辰肅迎台馭祭禽
畫虎當嘉平合索之時看竹尋梅值退食委
蛇之暇聆樂談而披霧接荀席以分香爰借
衡門始信春先黍谷遊陪醉國何妨漏緩蓮
妙遠堂全集 啟三 十五

花

答王孟村小啟

竊聞立德立功斯博無忝若夫何山何恃號
曰不辰撫此驚商之增倍觸腸腸之裂輒勤
存記過錫駢蕃慶宮徵以走龍蛇分稻梁而
飽鴈驚惟雅社之締盟有素兼通門之推愛
無窮禮以拜爲恭敢自外長者之賜吉惟兆
乃采寧更求老人之星率布謝忱統祈慈鑒

賀趙狝南老公祖壽啟

露濃棠蔭朱轡開一路之春瑞繞桑弧寶曆
永千秋之奠祇將裂素聊代稱觴恭惟某品
貴天田祥鍾日觀鶴隨琴畔清標遠紹於宗
風鹿繞車前惠澤懋輝於郡履悟任棠之雍
水陋黃霸之米塩北闕芝函將共虎牙而並
錫東皇花信喜隨麟綬以俱新泛椒爲駐景
之尊剪綵卽長生之樹維衡犁雨真同畏壘

妙遠堂全集

啟三一

十六

人情燕寢寢音不數盡在物色某庇厦素深
添籌倍慶食芹自美難抒野客之忱行地無
疆竊文封人之祝仰惟鴻鑒俯茹蟻將

荅梁篆一明府啟

伏以楓陞疏榮五色煥鸞綾之采某野傳暖
八行騰鯉素之歡慶杼方深敷宣莫罄恭惟
某摩霄健翮斷石銘鋒合南北阮以稱宗標
韻風流高中原之偉閭同大小馮而宰治撫

循保障流西土之徽聲遊神簿領之先得意
絃歌之外魯中牟之雉桑知化步履春溫虞
朝歌之枹鼓絕驚指揮嶽立馬骨表清於鈴
閣鯨波息警於潢池惟關隴著赫赫名循績
允孚於廷論乃公車列上上考新恩遂渙於

天章赤文生花縣之光彤管闢蘭闥之秘十
行灑墨陋稱漢代之璽書三載陟明行受虞
廷之車服琬琰允貽家寶樞衡待踐台堦某

妙遠堂全集

啟三

十七

猥忝鴈行欣聞鴻典披裘負日尙踈賀厦之
誠搔首停雲遽荷燭隣之照撫朱絃而永歎
報繡段以何能祇布謝悰仰俟慈鑒

請省中顧若虛啟

伏以鳳羽銜符卿月湛虞廷之采龍函駐節
使星揚周道之輝祗抒投縞之誠仰慰執鞭
之願維時雪晴碧埃春麗青郊曲徑芳莎引
雙飛於野蝶上林御柳待百轉於宮鶯啟云

傾蓋以成歡竊擬望塵而展拜袁尹之白楊
散屨壺觴不拒於遊人辟疆之苦竹盈園嘯
咏頓邀夫高士挹芝蘭而有喜供橡栗以無
慙蓮漏緩清霄塵聽四筵霏屑花谿驚小隊
座期三日畱香側耳鳴騶齋心貢疏

賀白明府啟

伏以天高楓陛夙隆射策之聲春盎花封戟
重剖符之寄執鞭恨晚獻縞宜先恭惟某秀

妙遠堂全集

啟三

十八

毓黃岡材雄紫電謝華啓秀豪學海之詞鋒
漱玉編珠紹香山之宗緒奮異端開於萬里
許身遂比於雙金瞻此巖城得分良牧康神
爐而融冶全勞煉石之心解化瑟以更張立
見成風之手社無嘯鼠澤滿歸鴻消水晝窺
簾清見釜中歷落雉衡遙卓案涼知水上人
行翕聞章袞之騰歌佇俟瑣臺之遶羽某林
丘薄相草土餘生斗仰層霄素切披雲之願

河滋九里敢忘飲醴之懷祗托響於吟蛩聊
比誠於賀燕伏惟鑒茹無任翹瞻

答張與立司理啓

伏以花駟驚鸞聿揚破柱之聲陽鳥啁箋忽
狂投珠之賦祗殷鏤篆未罄敷宣恭惟某淵
學傳家殊材命世雲扶翔鵠蚤回正色於朱
繩火炳燃犀立散春風於丹筆執法麗金科
之響程材持玉尺之平烹白水以明心共見

妙遠堂全集

啟三

十九

澄清千尺指雄衡而作判行看裁薛三台豈
期推案之餘遙荷加餐之間淋漓墨瀋驚看
峽倒於詞源縹緲蘭香如奉塵揮於談藪藏
青箱而永寶媿繡段以難酬某庇厦知溫摠
衣媿晚脫傳梅信空深集木之懷睇引芝暉
切披雲之願肅陳雀躍用識鴻私伏冀電
垂不勝淵仄

答陳興濟小啓

伏惟某沆瀣清襟璠璣異質方城振鐸聿揚
淑問於人師馮翊飛鳧載懋循聲於良牧鳴
宓琴而不擾游庖刃以無畱利在百年想屑
屑陋繭絲之效用當期月已洋洋聞章袞之
歌寧惟竹簡無前行見栢臺虛左某猥慙散
器忝附通門渺矣懷人方阻誠於縮地惠而
好我忽拜貺以從天難藉酬木李之忱祗永
佩芳蘭之味率陳謝悃統冀慈涵

妙遠堂全集

啓三

三十

答趙翀南老公祖啓

伏以白駒馳日壯心空負於蓬萊賴鯉還波
風好遙敦於蘭蕙祗佩錦而罔泐欲敷述以
難宣恭惟某峻峙斗杓清凌水柱鶴隨琴畔
宗風久播於衣冠鹿繞車邊金譽更翔於保
障人軼龔黃而上地當召杜之遺農安耕女
安杼春生渡虎之津社無灌城無憑霜淨懸
魚之壁露冕已敷渥澤建牙行陟穹堦某沒

渤微材剿黔穢質字聯題塔姓名謬附於鴈
行氣滿克間歲月忽增乎驚齒敢煩存記過
辱駢蕃百里停雲漫切伊人之咏七襄終日
不成織女之章率布謝言統希慈鑒

請諸茂才應試大梁啟

伏以麟須結網皇恩正急於中原鴻喜漸遠
景運載開於甲子預引承筐之唱虔抒祝輶
之私維時鴈下遙汀蟬吟亂葉晚雲千變蔚

少遠堂全集

啓三

三

添思於心峰曉露九臯快修程於天版獻賦
奪鄒牧之席憂時傾晁董之裳况氣有開則
必先里著燕巢之瑞衆無戰而不克人稱犀
利之師桂香狼籍以沾裳愧並扶疎而引旂
選皆入穀文應比價於青錢捷待飛書歡共
沸聲於白水祇殷擁篲佇俟聯鑣

賀岳完懿明府小啓

恭惟某代挺宗工天開福曜銅章赤社懋水

壺五尺之聲繡紱朱門值電柱虹樞之慶靜
察匹夫之私願翕觀通國之輿情莫不共
鳬趨冀稱鶴奠况於下邳尤倍常倫乃紫氣
映塞帷方恩敷於械櫟致青山艱縮地遂誠
阻於舳艫敬憑下走之馳驅薄代封人之呼
籲伏願椿齡延曆允躋上壽八千春楓陞升
班重歷中書廿四考

侯撫臺畢東郊老公祖啓

少遠堂全集

啓三

三

伏以豹尾升班重寄冠十連之上虎牙臨鎮
壯猷折千里之衝高標未遠於巖瞻積悃薄
旌於獻縞聊憑于墨俗謁卿雲恭惟某浴日
丹心補天巨手禁池卜鳳揚委蛇華紗之聲
都市行鑒著貞肅澄清之烈載借保障於南
國遂膺節鉞於中臺包蜀秦楚豫以疏疆大
法小廉効捷於化鑪神鼎提文武軍民而致
治外嚴內順神周於柳帳茅簷鈴閣宵閒雅

堪噉月軍書朝奏立見飛霜行看出則將入
則相爲裴晉公寧惟遠人信邇人安如羊叔
子某驚鳥下駟柰祝凡材庶祿郎曹愧起草
含香之譽授塵氓版深飲河席霧之思樞衣
旣阻於繁艸濡膺微抒其採蓼伏從淵茹不
勝水鏡

回劉學臺小啓

某明廷鉅棟執海飛航簪筆中臺直氣久伸

妙遠堂全集 啓三

二十三

於屈軼持衡南國徽聲益洽於蒼我懸水鏡
以照羣材克藥囊而甄逸品神窮相馬在若
臧若沒之先夢應載庶得非角非麟之召寧
惟比千里之肩求士寔將爲百年之計樹人
某幸附粉榆猥慙樗櫟甫達瓊宇覺鄙吝之
復生忽拜瑤華感注存之不棄率憑旋羽附
候新禧伏冀鑒垂不勝翹仰

遠迎少司農新習翁啓

代

伏以寵溢天閤佐計才微命代職專臬府經
邦力藉疏源簡在帝心肩茲國脉共切彈冠
之慶先施削牘之忱恭惟某譽冠中州文宏
昭代嵩高惟岳靈光久接上台介人維藩偉
績屢宣東臬膏雨不擇區而潤仁風寔應候
以施三輔建牙消民岩於鴻鴈列城象指壯
軍實於貔貅乃倦雲戀岫以暫閒顧璇月麗
霄而逾朗解恩弘需舊京持棘寺之平吳命

妙遠堂全集 啓二

二十四

重申新秩副計曹之重試籌時事真可危心
中澗外通勢已成於竭澤東呼西索變屢兆
於脫巾非仰資名世之經綸何以葦危疆於
磐石某向叨棠蔭今切兼依奉鞭弭以周旋
敢不勉殫夫駑鈍望旌旄之責止祗勞遙待
於壺漿敬將負弩之迎不盡執殳之悃統惟
垂炤可任翹瞻

與巡撫鄧遠游啟

某執鞭藝苑敢云臭味之餘隨牒班行幸屬

照臨之末其爲私朴實倍恒倫竊念某握規

靈蛇命遭磨礱畏塗一蹶迹久類於飛蓬聖

室三年淚欲枯於宰木方謂長依鋤耒寧期

復點衣冠似是馬曹聽怡情於柱笏未捐鷄

肋請試効於處囊伏遇某以風騷屈宋之才

建江漢召方之烈赤烽白羽共看塞外銷氛

虛天彤弓行待師中受錫在明主謂長城賢

妙遠堂全集 卷三

二十五

於李勣乃下吏則二天比於蘓君仰冀弘慈

俯憐沉滯不獨折箠而使仍勞垂手而援但

獲拔出汚泥稍慰拔雲之願自當揮茲熱血

永堅夢

切皈依繼之悲憤無階伏

謁循例馳聞

妙遠堂文雲集終

妙遠堂文騰集目錄

書牘一

候孫愷陽老師書

答汪遺民

又

又

與程孺則

與逆公

妙遠堂全集 書牘目

又

妙遠堂文騰集

新野馬之駿仲良著

竟陵譚元春友夏閱

書牘

侯孫愷陽老師書

凡天下事曹以爲急而急之曹以爲緩而緩之此庸衆所以自待也見以爲急而急其所可緩見以爲緩而緩其所當急此庸衆所以

妙遠堂全集

書牘

二

待豪傑也乃惟真正英雄不然以身任天下之重其凝如山以心赴天下之機其往如脫自古豐功偉績爛于竹帛表于旂常鮮不由此道者伏惟老師心身天下安危之所繫此自明主公卿大夫以及羣兒童所具瞻也然力竭寧橫潰勢且不支中外相沉屢奴騎長驅之慮若驚敗舟莫必旦夕老師毅然出而當關收拾殘疆緝綴破局從容于尊俎之

上而勿驚吾神迨三年以來神氣日以恢張士心日以激奮奴震懾喙伏不敢動老師秣馬厲兵亟籌恢復又似時刻不可待者其緩緩急急之故豈庸衆肺腸可萬一管蠡探測哉晉之伐吳利害固灼然也乃杜預屢請之而賈充等力沮之見與合者惟一張茂先耳淮蔡之役憲宗端任晉公不疑而昌黎著之于碑曰惟此蔡功惟斷乃成今明主之倚注

妙遠堂全集

書牘

三

老師固不啻憲宗于度然當事大君子其不爲賈充而爲茂先者幾何人此某每從邸鈔疏牘中隱窺老師急於進兵之心與其所以不得急于進兵之故未嘗不流涕太息悲憤填中也用敢陳其特說如此計奉違函丈七閱春秋伏聞老師蕃履康疆神明湛王下棕慰恤殊倍恒倫某服除補謁已列京兆馬曹竊自念下劣無似然以十五年老科八年謫

籍三年草土猶鹿鹿與喻等爲伍自念面目
可憎今之仕者職業之外有局愛憎之中有
權交遊之內有壁其踽踽落落既不敢望逢
時乘旺之輩高舉橫飛而若以小才微智觸
忌取嫌復不能與望塵逐臭之人隨牒平進
寧惟業重良屬數奇老師以四海爲治知必
不肯以鼓鑄之力私一門牆菲薄之夫矣

答汪遺民

妙遠堂全集

書牘

四

弟以季秋抵桐川向交遊屢詢吾兄動定意
謂必偕周廷吹進士南還或不靳一權訪岑
寂也舊臘至姑孰見一新貴人云周已在籍
絕不得仁兄下落政與景升懽恍者久之使
者忽馳至開書快讀幾欲提如意而舞矣弟
以校文之役爲按君所留滯留江干者一月
清景升亦卒然邂逅相得如平生歡景升云
山夏時屢向吾遺民言何時得見兩馬今劍

合矣不敢忘豐城望氣人計仁兄必時時耳
熱也初九日弟渡江而北矣計十一日可過
潞陽倘兄能飛馳來冒一把晤良快不則聊
園木藥下遲足音耳扇頭新詩奇情曠韻激
射人眼時時出入腕裏如奉緒言弟恒追維
往昔長安社中止兄及亦房及弟可並建旗
鼓今天殲我亦房是于是喟非遺民其誰鼓
我比見近日爲新調者沓拖繚繚如腐儒伸

妙遠堂全集

書牘

五

欠小兒嘔號心竊厭之又念潦倒不得志于
宦途將力掃榛蕪別開壇廡願遺民勉以相
輔使後世並傳焉王汪三子不亦快乎弟近
來筆研頗勤新集七卷在桐雨後者政托景
升付梓此中先刻成錄微一卷外小記一卷
題曰節牘弟行時俱可殺青當托景升覓便
寄覽也曉起欲賦一時見懷苦病酒不能握
管僅書近作扇頭請政一片不足當李報遺

民咲茹之可也

又

弟以八月杪抵秣陵卽向知交首訊吾遺民
何狀或曰病卧瓜步又或曰方遊武林未歸
也子夜持手翰至捧讀數番喜劇欲舞弟閱
世日多定友日少所欲淋漓傾倒不能忘情
吾遺民者固其所矣來札苦貧病貧病自是
佳題弟處之者難堪耳新安家里金銀之氣
妙遠堂全集 書牘 六

燭天移家其中或亦漸清風氣爲貧病藥耶
弟欲辭世路冒宇日催初轉不望今官而今
竟今官矣家慈自仲春抱恙猶未痊安弟與
家兄依依膝前幾欲棄此雞肋而憑期已迫
勉爾絕裾初擬抵此卽尙借差如洞川故事
乃值一時官聯半缺當事者必欲因爾繁烏
鰓魚以日爲歲此方遣奴迎家爲數月計家
兄亦俟明歲轉官方可出山承詳詢故布其

縷縷耳佳集靈微爲質純慧爲幹英黎爲姿
自亦房死誰能爲此言者弟於此道近別有
所窺欲鎔冶古今更進一格其左提右挈以
竟此大業非遺民又誰屬耶弟在南中矢不
見一新客亦以新客政不必見兄過訪可於
臘前勿久耽故鄉猿鶴也矣獻之意氣中人
頃已南遷徑來抑暫返耶懷抱萬千捉筆都
不成語小詩寄扇頭兄意牽率而成宜無佳
妙遠堂全集 書牘 七

思耳臨池不禁神迷

又

秣陵快遊未盡雅懷惟變以來更慙慙辱骨
肉之誼平衙齋握別相對吞聲凍雲不流白
日欲墜每追憶爾時光景未嘗不腸裂意搖
也別後雨雪連旬至正月廿三始抵敝里庭
幃不殊慈容永隔撫柩而飲痛詠風木以
興衰踟地號天復何所贖雖苟存視息生理

已大枯矣兄向來有千里生芻之約野之次
心歸稱于家時良躍起對舞倘移家之計甫
定彼中郡侯聞使或不難曲處資斧之需初
夏早秋俱堪命駕爾憂之人以友朋爲性命
况不孝兄弟之於兄耶賤恙愈而復發途間
遂大作楚抵家又調養兩旬始漸復舊如通
閭閻川幸以此告之或兄來時求其仍用前
方製藥見寄爲囑維揚人歸草草市候二詩

妙遠堂全集

書牘

八

登弱請政南瞻雲樹但有馳神

與程儒則

辛酉冬仁丈顧我長干方幸躍然延津之合
不謂亾祿適以先變歸也重荷高雅仁祖分
精之義迄今銘之肺肝遺民兄來復荷良書
香統之惠停雲聽雨逾令搔首勞勞耳聞仁
丈向以南北多警欲返新都今皇路漸夷似
可無煩遠徙淮揚陸海風土清華漂母有祠

伯倫有臺叔夜有廬躋仁丈于古人間俠烈
文酒誠無愧色矣不孝廬次靡狀可紀遺民
不遠二千里來哭先塋此其誼何必減古人
留之三月餘倡和詩遂成兩帙時念仁丈不
去口共有俚言寄懷恨仁丈未能御風縮地
來共玄賞也筵頭拙刻就政大方貧里無一
毛可以將誠者炯炯此心矢之異日而已遺
民雅意欲重鉸拙稿于南都弟似未敢以此

妙遠堂全集

書牘

九

仰累或仁丈與二三知我者共齒之何如餘
懷縷結統與炤涵

與蘧公

和尚法體無恙別來觸冒風雨跋履山川業
于九月八日抵彼土矣駿于途間未敢放逸
稍拈傳燈數則讀之又盡讀近儒王龍溪先
生論學書益悟從來三教聖人千針一血俱
在塵勞煩惱中作道場一切世法卽一切佛

法談幻說假無有是處駿于此中亦討得一小安心法以故近日做官隨緣付命作小伏低胸中頗灑脫不生厭倦怨尤之想已發定誓歸來與吾師拚命理會此大事一番凡一切舊習嗜好有捨不得耐不得處裝裹躲藏俱是不能拚命然駿亦未敢自信便盡捨盡耐盡裝裹躲藏或者逐款減去如古人所謂減擔子法或亦是拚命中漸著耶吾師近日

妙遠堂全集

書牘

十

精進如何二六時中作何料理風便幸一一教示

又

節間未有以修敬反辱厚惠謝謝日來從忙中過了日子都不得料理自家事如荒園草日蔓日長始失于畱根久憚鋤治又如稚子解塾過年嬉遊習安纔遣執書便言頭痛何時乘涼過池亭一懇求鞭策也

卷終

妙遠堂文致集目錄

傳

朱韓國家傳

陳松傳

張太公傳

陳隱君傳

處士石溪王公傳

陳贈公義菴先生傳

妙遠堂全集

傳目

張季君家傳

丁節婦傳

封文林郎廣平府推官崇邑張太公傳

配三孺人合傳

伯頌張生傳

南州郭生傳

妙遠堂文致集目錄

終

妙遠堂文致集

之駿仲良著

漢陽蕭鳴甲爾先閱

傳

朱輔國家傳

唐藩輔國將軍吾友伯和者諱碩瞻

高皇帝入世孫也祖郾城昭憲王凡三子長

爲榮康王繼立早薨次宗正公宙楨次鎮國

妙遠堂全集 傳

二

將軍宙楨是爲公父配陳夫人感異夢而生
公公少穎豎看目如刻畫鎮國公恒勝弄之
屬以儷語或鉤逆射覆每應聲通曉卽英英
負千里之目矣長治舉子家言言輒工饒廩
于庠直指嘉禾姚公按宛見而奇之欲特疏
聞于朝會有所格不果公自是益發習陵委
宛之藏揣摩緝綴晨夜不少休公聲詩古文
詞湛思孤往崑門之士屢爲堅壁退舍居鎮

國喪以孝聞已而宗正公公以冢嫡稱繼

經理遺業簡極情文久之束于禁罔邑邑無

所表見乃愴然太息曰士生斯世既不獲如

曹子建所云辭遠遊載弁鵠東屬大司馬西

屬大將軍當偏裨列校之任而日提三寸腐

毫吐藹自縛梁衡陽侯恭有曰仰眠床上看

屋梁著書千秋萬歲誰傳此者乃闢地治圃

種蒔花藥同兩弟板輿御太夫人周覽爲樂

妙遠堂全集 傳

三

園內多植桂因頌之曰小叢社取淮南招隱
意自是海內名士方幅接軫至矣先是唐宗
子侯有孔炎子厚者以文雅著聲然猶高簡
不能廣延接至宗正公兄弟始折節下士而
公益虛懷引納遇所心慕者輒辟呼逡巡北
而註弟子籍宛故孔道縉紳孝秀劍俠縉黃
經過造謁無虛日幸舍坐常滿酒酣以往自
起剗節度吳歛歌冶步儼矜履舄交進人人

得其歡心蓋如浮雲馬如游魚說者謂原嘗
在今日矣公不侵諾然憂樂共人昏夜叩門
不以緩急夷病爲解又閱覽曙大體於國政
官常多所諮解往還雖泮棘亡賴子依倚幕
府尺伍符徵兵宛中多窟集凶黠少年釀變
幾不測公憤形于色謀之臨邑士大夫移書
當事得震定從衽席上過其有功于不見不
聞者如此體素壯俄鬱鬱以疾卒年僅四十

妙遠堂全集

傳

四

七耳所著繡虎塾集小叢社稿社規續草廬
志唱和吟各獻錄藏于家公豪于酒性謙慎
夷朗與予兄弟交可三十年相晤莫逆貌魁
秀然銳頭語抑而陰三醵之後歌哭無時予
居恒心憂之而竟止于下壽夫固有限之者
耶

外史氏曰今制于宗人雖爲一切之令然國
自爲政去輦轂疎遠非真有所謂凝脂束濕

也大抵其間號賢豪者有二聲利之養適性
文酒之迹宿名此亦何與人家國事以余觀
輔國恂恂退讓如儒生死之日四方無賢不
肖皆歛歔惜之而摧林之風尋根之斧卒所
不免悲哉安在善可爲乎

陳松傳

陳松字晚翠別號六合散人邑人也少爲諸
生有穎思已忽遇異人挈之山中若數十日

妙遠堂全集

傳

五

始還還卽棄去舉子業不治祥狂自放家亦
益落有一婢名之曰墨奴有一羊酷愛之俾
墨奴手縻羊相隨招搖側弁而哦于市中或
聚觀非謂之不顧也松故能詩至是吟逾豪
凡歲時景物欣戚吉凶觸緒引情率以詩發
之詩莽莽出口脗傳以俚語取譏譎然大致
多感慨高逸之旨能書字畫飛動色遠近琳
宮玄閣亭候障壁往往多其題識焉時墨奴

爲舉一子漸苦貧至不能爲生乃之鄧鬻其
子於賈人所旣成質矣松隱之甚爲長歌書
州宇之壁刺史王出讀而悲之呼松前爲償
值予賈人而自取其子以歸松復北遊梁魏
如京師將至順德止郵舍題詩牆間有山色
三分猶白晝鐘聲十里已黃昏之句亭長猝
辟客曰太守來松踉蹌走已太守至讀牆間
詩而詰亭長故曰奈何逐詩人楊之亟物色

妙遠堂全集

傳

六

松松去已遠太守愴怳久之太守者濟南李
于鱗也松又嘗遊商洛山行夜宿古神祠中
四壁蕭寂惟銀杏一樹婆娑覆檐爲詩告神
曰窮人捉筆叩窮神爾我不親誰是親除却
清風與明月眼前都是有響人俄就寢夜分
神出答松詩曰園中果皆落獨坐空山久何
以其長宵慙無一尊酒松竊而異之自是遊
皆落落無所遇以困終始松所鬻於鄧爲刺

史予值之子某者刺史歸卽自子之讀書薦
于鄉仕爲商丘令遣人迎其母曰墨奴者歸
養之時松已卽世久矣邑北三十里曰沙堰
鎮烟火千家諸生張金沙名某國初來鎮人
不知伊吾何事自張首掄爲諸生後人文寢
以繁盛張爲駢語楊其戶曰寒舍猶他笑去
蜀門自我推開一日蚤起覺有偕行于途者
張與語且聯吟吟亦有致日出忽不見張心

妙遠堂全集

傳

七

悟其非人旣寢疾見前所偕行者貽以詩曰
只因昨夜聯佳句已薦先生伴玉堵未幾張
以其事與松徵類云
漚菴居士曰余東髮聞長老言陳君甚著猶
及于寺舍壁一二見其遺墨云使婢牽羊以
從蹤跡頗肖劉壽而無其樂若頗放詭卓卽
唐之李亦周朴不解於此要其才可惜也賈
島衝京兆節被縛幾困松僂遇一順德守而

失之窮矣松及張君與鬼神倡和事皆不妄抑其時多才鬼耶故附傳焉

張太公傳

趙周有言善吾生乃所以善吾死夫死生大矣而人罕能知所以善者譚及之世輒目爲外道異端彼曳杖而歌宣尼何所詔示端木氏何所緣而趨子輿之易簣于張之語申詳鎮定從容不紛不濁若胸中有成畫定期者

妙遠堂全集

傳

八

考亭大儒端坐瞑去鼻洩下注如簷水嗟夫彼皆非耶易曰原始反終知死生之說夫惟知死知不死矣余深有感于張太公之事太公諱展字坡山號御屏天水安定人也太公

有子曰民部君書卿故法得稱太公父曰憲副公嘉孚爲嘉隆間聞人太公以名家子生

而英敏頭角殊凡兒六歲卽能屬偶句客試之于坐上立成語語輒工趙浚谷先生見而

異之有童烏桓麟之目長治舉子業用好奇

細于有司去之治古文詞益工甚太公家隴

西障塞地山川雄衍居恒落落抱大志任俠

借交所延接皆四方賢豪長者以故遠近多

所聞比書卿成進士以司農郎譏潯開迎太

公廨中潯去匡廬最近太公性故好遊聞而

樂之乃以甲寅六月率季子茂才君及客李

往登廬甫取道山趾入東林寺寺晉遠師卓

妙遠堂全集

傳

九

錫地也太公既憩東林周覽廊廡徘徊灌木

倘恍若有寤迫然曰卽此便佳寧必躋巔造

頂乃稱遊哉支一繩床踞遠師龕左日夜危

坐同遊者察其有異色卽飛書民部民部奔

至伏床下謁太公垂目歛息不復動民部及

茂才環而烏烏泣且泣且請太公默然徐徐

曰此着便勝坐三日儼然瞑矣蓋先是北平

有李公天麟者嘗按楚夢神人撫其背曰汝

遂東則住過公則止李公起而疏之既累官
觀察使以賀萬壽道潯陽謁遠公東林忽悟
曰得非神所謂耶遂止不去浹旬而歿時爲
辛亥之六月而太公之來也先一夕寺掃除
沙彌夢見李公幅巾寬襦倚杖行戶外步格
格似有所待者醒告之寺僧而太公適至其
坐逝亦以六月去李公僅三歲耳異矣所云
此着便勝語其了了且色愉膚舒無少懣苦

妙遠堂全集

傳

十

狀豈漫然已耶潯陽人既奇太公事民部兄
弟乃礬石肖遠公及李公與太公像而三屬
其友朱君記之而始歸太公斃于天水太公
配王安人支夫子四長諸生國綬先卒次卽
民部書卿名國紳次國綺出後從弟嗣次國
絃卽從太公遊者茂才君也蓋後太公三年
而王安人卒于京邸其甫病卽不欲餌藥民
部旣進藥爲少濡唇曰知汝不忍然無所事

此也已自知死屢問頃何時曰戌時安人目
小闔聞子婦擗號乃微開曰吾以是時良故
欲亟去何號爲復闔目而卒嗚呼真太公儼
矣

外史氏馬之駿曰書卿與余舉同籍官同曹
最善嘗爲予言太公魁願碩幹鉅人也余偕
書卿飲長安中偶見他客父貌類者書卿卽
掩面泣下霑襟就而徵之逾絮泣至談及東

妙遠堂全集

傳

十一

林逝去蹟則不覺髮指眉揚神爽浮起也子
謂書卿彼太公者方且以四大爲飛塵枯枿
以天水爲郵以東林爲塚以無何有爲鄉以
寃親無着爲眷族而奚悲焉雖然忠孝淨名
若書卿其庶幾矣

陳隱君傳

不佞束髮志當世每慨夫潛德煥行稍稍蝕
於末俗而究心薦申學士之家謂彼其人崛

起承造物之羸是必有奇而息者以預苞隱
滋之蓋吾觀于陳隱君知天人之際也陳之
系自宋郡倅仲珪出再遷爲安平人類傳有
龍泉公者寔生隱君隱君名獻淑字民德我
慎其別號也少卽穎異從里塾受博士家言
注目輒成誦不忘是時閭猝中倭難龍泉公
先用賈遊滯粵中久君遂以次任家乘廢觚
管矣已娶黃孺人不數月卽裹糧間關行侍

妙遠堂全集 傳

十一

龍君公於粵數歲度不能俱還乃復心念母
氏遂獨身歸歸則夷江浸棘廬井皆焚剽成
墟君遠徙郊野避之伺夜或匍匐榛莽間脩
璲粥之供嘗遇寇且見迹幸墮一塹中獲免
人皆稱純孝之報焉暨難定始挾貲從賈由
旁郡之燕之越之維揚吳會靡不轉徙君雖
治計然術然不屑屑關織趨之奇會有天幸
輒羨視他賈倍問弗登子錢泊如也又好行

其德所至多長者稱從弟某得奇疾卧旅中
僮僕爭避匿弗近君獨手浣刷褴褛日兢兢視
醫藥迨不起又爲之經紀其遺櫬自數千里
歸從祖某客死溥上或以水行險難之君奮
然曰生吾宗也而鬼餒于異域如葛藟何挺
身以輕舸載廣柳還然果厄風濤之警弗顧
也君卽用賈顯恒念先世固細素奈何以末
富奪之恂恂被服都雅已民部君長君噐之

妙遠堂全集 傳

十二

爲潔修脯延耆儒授學間從它所選名流異
書咸手錄以寄時鳩族子輩與民部君角菰
取雌黃焉丙夜聞窻間伊吾聲乃甘枕否則
以色見矣民部用是奮勉無少媮君伉直多
古人風又好面折人過少肅舍亭中有奔婦
立叱去時與諸賈遊諸賈罔敢以狹邪聞者
曰畏陳君知也其爲人所悼敬類若此晚再
至吳間示微疾遂逝年四十耳君所配黃

孺人尤貞孝多婦則後公十四年逝時民部
成進士者且三載矣其他子姓行誼俱詳誌
中

外史氏曰余與民部同籍復官同曹每望之
輒氣立盡寬然君子也所爲受於隱君者深
矣隱君多湖海迹且非久當膺詔爵之典稱
隱君從其德也使隱君不受抑家難所光大
寧俟奕世然後太丘不迂通顯談者不以彼
妙遠堂全集 傳 十四

處士石溪王公傳

孝武間南陽有名大臣曰王文莊公凡薦紳
家稍聞乘談名理者人人能稱之再傳而爲
王孝標先生嘗三典邑工詩賦成一家言予
鄉里後生獲讀文莊之書復身以父友事孝
標先生爰追次其先德傳石溪公焉石溪公
者文莊公少子而孝標先生父也諱某字一

乏別號石溪母劉淑人公幼穎豎文莊恒抱
著膝上授以詩稍長力學無統袴習文莊薨
安陸時公甫七歲擗踊號泣哀感路人已充
博士弟子員久之棄去一意奉母遭喪毀瘠
然寔窈治辦輒中禮里人孝之事兩兄恭婉
甚長兄性卞急每片語拂意卽震怒自絕去
公引咎刻責復歡如初文莊營葬例得賜金
公稚不知所耗處已乃拮据陶甓建丙舍周
妙遠堂全集 傳 十五

壙以時享焉公清白吏子投產薄中更子女
婚嫁居數徙益落落蕭然不介意惟擇師開
塾督誨子婿晚從子宦邸惟勗之廉慎孜孜
以無墜先世聲爲年八十二一夕無疾卒配
張孺人有婦德丈夫子三長光祖卽孝標先
生次述祖次繩祖善行草書亦文士

外史氏馬之駿曰予讀漢書黃叔度傳抑何
寥寥寡稱舉也當時鉅人才士心歛意消擬

之殆庶豈史所謂道周性全有在言論風旨之外者乎石溪公挫名棲道用章縫老無赫然可表著然父文莊而子孝標先生使論世者恍然思愾然若見此其於作述間何逸也醴泉有本山川出雲詎不信夫

陳贈公義菴先生傳

先生諱 字行之別號義菴先生自南昌

遷于麻城卜居三崙山中七傳有崙峯公者

妙遠堂全集

傳

十六

先生父也三崙在西陵東鄰里人族子皆不治儒去而治刀筆或給事臺察監司爲郵繻行李輒得小官不則亦媮衣美食自豪而崙峯公獨治儒儒又不售生事益旁落族子竊唇訛之比先生受儒崙峯公督愈切族子至相戒曰無若孟兩世鑽故紙不能易一飽也乃先生儒自若邑有曾孝廉者名爲知人得先生文心異之雜門下諸生試試輒前行諸

生皆譁不服而未幾先生試有司補弟子員高等後先督學如省吾金公愚谷鄒公霽崖陳公郡伯洞觀瞿公蓉江楊公皆負一代裁鑒無不器拔先生者於是譁者稍服族人子亦蒸蒸向經術矣先生讀書好深湛之思取精詣然終以數奇艱于一第顧先生遇益左學益攻苦時或教授鄉中及天中諸隣邑無問寒暑手一編突黔不繼婦子啼號泊如也

妙遠堂全集

傳

十七

性莊樸高簡多古人行嘗居停郡中主人出一處子獨留夜遣老嫗啟席門裝菓餌以勞先生先生知其意戒倉頭子謹守舍徐起出赴他友所卒不言所由去也萬曆庚寅辛亥間楚大疫取所納束屨之間藥病瘞身不以貧故廢爲德三崙山舊有崇狀類一匹白馬者先生躡而逐之忽寂不見先生兄嗜酒一日醉涉山中潭水似有人負之以濟適值先

生來急持之負者化去鳥有去家數里爲龍湖時時見惟異先生於雪夜策一長耳行望見橋上有長人影可數丈先生趨近長人趨避達岸而滅俄聞橋下有聲則溺一擔夫濱絕矣先生與僕舁歸絮擁之俟其復乃遣去終莫知其姓名先生有女適徐氏子者逾月徐氏家俱中疫死先生將改適女具楮鏹至其故墟焚告之夜半風厲若數人自空中下

妙遠堂全集

傳

十八

者啾啾泣窓外先生呼其少長名一一與慰問久之始去屋瓦皆鉤蟲作聲侍者髮立舌吐而先生危坐自如也又於商城野中見奇獸舉礫中之如狎羊豕旁覘乃有騎而伏者詢所見曰虎也先生之格異類乎真其蓋人入侈述之矣先生晚歲卽鬱鬱惟日課子儀邵君其自爲吟誦亦不衰止卒之前一歲郡試仍冠軍病中惟孜孜勉儀邵早振且顧

其配饒孺人曰若定勝我當目見此兒貴顯也旣又囑勿遽葬必俟一命蓋卒八年而儀邵成進士令無錫之三年報最封先生如其官又二年卽儀邵始請歸繕先生窀穸遵治命也余又聞先生貌微瘦一督學校麻城士首遴先生比見先生乃乙之爲第三人漸至第五人復乙之卒置爲第十一人屢當餽學官卽有所格竟不成俾其數奇乃如此

妙遠堂全集

傳

十九

馬子曰凡鬼神異物人間遭之號稱非常如陳先生何夥也每聞鬼神所歛避者非有至行必有降福而陳先生乃困躓以死然造物者豐其才阨其身嗇其年先生無如之何而先生上承父志下啟子孫終始於學卽不享于躬不能不享于傳則造物亦無如之何是乃天與先生能交伸其奇也彼鬼神異物固見先生之常耳夫舉子業天下之至腐而常

者也而往往奇人志士銷沉于此悲夫

張季君家傳

張季君名榮陽上世爲浙之龍游人季父君曰望溪先生賜諡賜瑤父曰昱自昱以下世授璧龍游之張有容六公者云裔出趙宋賜姓世代濶遠不可考而昱少故業儒嘗視子姓省試遊武林與溧陽史公玉陽馬公孟河猝遇招提中即日成定交時史公母方寢疾

妙遠堂全集

傳

三

乃力延昱歸起之昱因往來溧陽携望溪先生及兄子珏居巖列肆取什一佐其術旋占籍爲溧人而珏外家尊行有宦勝博士者珏往省之畱家焉望溪先生少以璧顯其技旣精出可寄死生緩急而性好客樂下人汪汪如千頃陂江南數百里間裏強倒屣爭迎致之以爲快史氏嘗有爲人嗣而與嫡子陰相仇者賂監奴酖之酖薄得不死先生爲調護

攻治月餘復如初或欲引繩批根所繇來先

生謝曰吾知療病而已遑及他人以是稱爲

長者其後季君兄榮隆榮陞榮階皆紹父術

早有盛名季君與弟榮陟爲少子望溪先生

出入金陵陽羨必携季君與偕其切脉治藥

銖兩節候固已目習心解而先生又時時指

授古人方書大畧季君卽領悟有絕人之智

先生出恒留季君守舍病家急不能待屬季

妙遠堂全集

傳

三

君治藥服之輒奇効以是病者往往陰禮季君季君爲然自信曰斲輪者有言父不能喻之於子今在是矣望溪先生在史氏宅一夕卒季君同諸兄往奔號擗載輶車還終喪析箸季君又獨以璧名名在諸兄上因別號曰起望志永思也季君謂璧人所以托性命藥必審所能受病必護所不能創一意以沃根本滋精氣爲先緇趨險爭詭之說故所合劑

率不越數品日計之若無奇然持重善後可
自信信于人已而之金陵陽羨凡客望溪先
生家以不容季君已而之京師錢太史受之
五月病寒疾壁誤投以熱劑眩不知人舌苔
寸起惡氣逆嘔鼻所發少奴酬酌而後入起
居偶所知延季君視之季君命亟飲以冰霍
然蘇更藥之十數湯而愈於是季君名大噪
長安中緇紳屢窺戶無虛日人人謂見季君
晚也洽嶼楊公填撫遼東大中丞逾艾無子
時苦火炎上客有以季君薦者藥之良已已
而客齎大將軍如薰所起監司肖華王公綏
弱病遠左自護軍裨帥而下無不願結張先
生歡者嘗客武定營營弁盛供張于野命降
虜健兒分耦角射每注一矢卽立起奉巨羅
爲季君壽季君引滿無算僞如廁避酒而營
弁適得百金番馬得不可制使兩黥徒夾立

之繫臺下季君騰上曰姑縱之徒諾馬狂奔
如飛鳥風聲雲氣靄靄起蹄鬣間季君總轡
伏鞍恣其所往一息馳二十里而營弁大駭
色如土羣下鼎沸遣騎卒十許曹分出遮止
季君季君還而命酒自豪馬猶噴沫作桃花
嬌首驕嘶與人聲相答也由是遼人亟壯季
君季君亦時舉稱之爲笑樂已而遊吳時不
佞方推鶴市關苦脛膝掣痛季君起之已之
華亭起華亭令鄭公咯血之患交太史玄宰
董公儀部玄水吳公徵君眉公陳公而儀部
推引季君尤至已之武林交御史洪園楊公
益三泖九峰六橋兩高之間靡不有筇杖屐
齒焉已還溧已再之武林交僉憲武莪何公
時陽羨稠雲陳公爲臬副分部衢飭傳車來
迎龍游衢屬邑也季君喜謂芝本醴源可藉
是拜先人馬鬣下至以情白陳公厚賜而車

遣之張故雄族又龍游俗負氣習奢靡以相
高宗人聞季君歸皆數十里外班迎塚舍巨
麗規制整嚴有祖祠一宗祠千三既裸而燕
毛可五千餘人季君位第三乃至有九世孫
龐眉鮐齒伏謁辟咤無少假漿酒藿肉張錦
縱金遠邇傳以爲榮季君貌不逾中人而坦
易亮直急然諾無賢愚貴賤皆樂與相親洪
于酒可丙夜不醉藏釣炙輒四座厭心神采

妙遠堂全集

傳

三十四

湛王每誦說生平事意滿口流繁繁如珠貫
泉湧有所舉述輒起立戟手作形似能度曲
爲要眇之聲始強之必遜謝既醉而按拍卽
厲聲不能止矣兩取婦王李皆賢季君客遊
四方婦毅然持門戶家以忘貧既史氏世客
恒歲遺之精百鍾史鍾鳴蟬聯富甲江左別
業園池奇勝季君每歸卽與主人方舟網鮮
觀拔給割箸之狀把酒相樂也史有諸生致

福者子二長躬于痘時邑子徧痘痘率無金
者史生懼從里嫗說寄養少子于外使客說
季君季君夫婦夜盛服往迎之掃除樓居不
使着一塵婦王躬自哺餌俄少子果痘史生
省問之使屬于途季君夫婦易寢處藥食雜
進延請者累謝不應兒痘卒以瘳史生乃命
子父事季君曰兒骨張所肉也深人愈稱季
君長者婉德望溪先生矣始昱兄子珏往家

妙遠堂全集

傳

三十五

滕者舉子二次子宗孔第壬辰進士筮仕冬
官郎守平陽遷憲副鎮易州以病未上是爲
平陽公向平陽公聞季君在京師馳使與書
曰葛藟也而長飄蓬其迹乎若有子幸歸我
教之于是季君將子如滕平陽公友愛特至
子旋娶婦補博士弟子廩于庠故季君於蹕
於滕兩家焉時時懷刺謂東諸侯稱流寓草
莽臣上泰山觀日出金紫耀射大駭駭茂才

君居滕可十餘年而會勝有妖賊之變先是
茂才君携家爲村人塾師法最肅一日早起
諸弟子皆烏獸散無至者登樓望則紅巾如
蟻塞野矣倉皇驅村人蹇驢負婦走而平陽
公已先亡其孤發諸子亦乘間絕城去至夏
鎮始和跡也茂才君微服蛇行崎嶇灌莽沮
洳之區數遇賊兵在其頸命有天幸輒免而
卒覓賈舟載平陽公夫人及羣從浮河達于

妙達堂全集

傳

二六

溧是時季君再客武林織造大璫所聞東變
崩心雨泣握粟出卜幾不聊生而茂才等適
至雖資篋空乏手足胼胝然骨肉環聚無恙
相視涕洟沾衣裳武林賢豪間人謂茂才
罹危難能自完實食季君陰德報而又心憐
季君爭相問遺季君皆哀以養嫂若侄衣之
食之藥之稍稍有起色明年滕賊平季君仍
質衣爲貲斧費歸平陽公夫人母子及茂才

君於滕而身復客遊四方茂才君名廷化始
生有異兆爲吳太史去聞入室弟子今方以
文學起家麟角鳳毛張氏且日大矣

漚菴外氏曰司馬遷傳扁鵲卒被殺于李醯
謂以技見殃不如倉公匿迹自隱然鵲過邯
鄲爲婦人帶下鑿至周爲耳目痺鑿入秦爲
小兒鑿何多逢也則其巧寔爲累張季君世
載其厚以德輔技故所至天人交福之欲無

妙達堂全集

傳

二七

昌得乎余嘗調贈季君有楸枰生活能生人
而不能殺人與其青囊之業正等語海內傳
爲雅謔然卽此可什七得季君嗟夫有機事
者必有機心此子貢所以見斥于抱甕丈人
也

丁節婦傳

丁節婦者婦于舒而女于丁者也節婦祖知
縣公昭以經術政事表其家父處士公垠娶

于陳而舉丈夫子二鈴誌皆爲諸生再舉爲節婦少而端慤靜好有聲笄禕間組紉漿經之屬皆以旁睨而精之父母雅憐愛焉爲擇婿得舒五常氏十六歸其室五常治舉子業不問家人生產間以內節婦職其詳無幾微謫言怒色三年爲五常舉子仲芬未幾五常以病死節婦抱遺孤擗棺而號曰天乎未亡人無生理矣羣婦百凡譬解之不聽日夕防

妙遠堂全集

傳

三八

獲惟謹不卽死逾年骨柴立朝于墓而嘯于寢淚未嘗不浪浪漬重幃也以萬曆三十八年之正月節婦竟不勝毀瘠死死年二十一耳有司旌其事爲立棹櫟以時饗焉

外史氏曰余嘗讀北地之傳六烈女者而深悲其志也彼謂儉臣苟生比于蕪婦逆瑾之世入保命于賕而習爲偷故北地于六烈女發之其磊塊抑塞之氣何其蔚而章低迴而

弗忍竟也然臣死遽而無緩婦死緩尤難于遽哀至則情極痛定則戀生恒態也龍逢上矣如張睢陽之拒祿山近如鎮鼎臣之拒靖難當其遇主不過僅僅當一面寄非有深仁特知以固其心而宛轉鋒鏑中賈敗爲功由終畢始是孰爲迫之要以皎然自獲其志非苟而已也是誼旣衰而人始倡死而殉名之議至疑其僞夫名與生孰親死而得名是云

妙遠堂全集

傳

三九

弗死奚其殉將必吐名而生可以覲顏二儀乃爲真哉節婦方美少非必果有所歆慕且其家素溫溫則無虞活也兄弟衿紳門閥鼎重重又無虞侮也而子而乳之以延若宗死而趨之以完若義仁耶智耶貞耶所謂得已而斃者矣張鐵故鄧人豈非英靈醇正之氣千古仍有所寄耶余文蕪不足當北地而節婦之事無遜六烈女之爲烈試爲我採睢陽

之溪蘋攬司馬之墓葬以薦節婦知節婦歆之矣

封文林郎廣平府推官棠邑張太公槩

配三孺人合傳

史氏云觀士君子于家而知天道人紀盈虛廣狹之數易易也不知後視所殖不知前視所馮乃殖矣而不必章章矣而不必副副矣而不必完匪外襲必中慙焉吾夸世之驟盈

妙遠堂全集

傳

三十

而槩伐其先者謂身遺不盡以養子子食之終若不可盡者始足術也其爲說見于張太公張太公者余鄉闈師天官大夫下之先生父也其稱封用余師司理廣平最故太公諱字和夫別號臨泉居士其先爲萊陽人再遷棠邑世世有隱行太公爲人仁惻勁毅少豁如也初佐兄仲勤苦治生主賓客客乃獨進以美斤旁畝卽爲德于族黨内外養二

女兄子之孱者婚從子之貧者居久之太公

所治生與其爲德俱日隆起里寔人孫朝盼者從繫中質其產繫白卽折券還之不問直夜聞隣姬哭徵之曰兒孤斃于豪太公毅然爲身蔽孤孤恃以全性好浮屠家言取金剛等經梵夾而唄唱之緇白之侶遠近如歸夏子茗冬子湯子寒者絮子殤者檣歲飢子粟途塾子梁又闔館舍鼓邑子使嚮學故環棠

妙遠堂全集

傳

三十一

而強者皆歌之曰緩急必顧有張父太公嘗如清源遇一人瞠目視之曰陰陽文起矣忽不見已而生子師下之先生及茂才附之君翼揮金購圖書不言費余師解褐理廣平迎太公館舍晨夕泊然唯經行禪誦爲事午卽不食下階步骨鏗鏗然聲間從容問子師平反狀有游微卒考良民金錢者法當永戍太公曰辟一人耳而世成之不痛于抵耶屬余

師寬之丁未余師拜天部命太公曰郡之前
若天部者邑李太僕之嚴飭武成王侍郎之
端潔若安法焉務重官勿以官重未幾示病
自刻逝期猶咨嗟念隣友之無子而不葬者
以收卹命師病漸執二子手曰大兒勤官次
兒勤學條然瞑無他言得年寔六十有九太
公居恒曰煩惱衆生歡喜菩提吾平生清涼
散也又言人苦不自識則視鰥寡孤獨窮困

妙遠堂全集

傳

三

皆與已無關涉苟識之其能已乎斯言也蓋
有道者其好施亦本諸此太公之初娶于馮
也曰馮孺人與太公同居約相之以勤膏二
載卒繼之者爲吳孺人父知縣公迪之邑著
姓也吳孺人少有女德迨歸太公其勤膏如
馮而識度尤踰勝機杼澣沆爲太公勸拮以
故太公恣所爲德不內顧事姑董太夫人最
得其歡心退齊丘嫂雍雍如也至戒臧獲置

職辦又悲如髦如矣太夫人嘗辱孺人搏頰
乞以身代誓斷鹽醬不入口蓋終其身不辨
味焉太夫人屬纊而授之枕曰以報若孝發
之金也與丘嫂共之不以私已爲太公置貳
趙舉二丈夫子趙卒孺人復子之東燥濕時
飢飽所撫而慰之者百策長策之學顧嚴甚
夜篝燈課所業不使書聲先續聲希余師兄
弟父視孺人不知母母視孺人不知所從母

妙遠堂全集

傳

三

也偕太公舍廣平時上宜太公使得泊然禪
誦中嚴局鑰潔燂滂以專余師于政間與太
公對案環侍于孫舉酒相樂談先世舊事爲
一解顏既庚太公之喪余師奉之北征居長
安邸中領時愀然向師曰安得復如廣平舍
時濁酒對案耶適念歸余師從潞河御還舟
中猶軋軋紡聲四聞不少衰止偶感病神觀
凝然不受醫諸婦子念其髦而食澹具滌澹

食孺人而自食澹求代如孺人之代董者孺
人曰無苦我我以是事太夫人亦以是見太
夫人地下卒之年得歲七十有三孺人性簡
素尚朗其自健尤天性少鄉居一卜人過而
大言曰若日夕當死孺人正色曰妄言也
讐則可不讐將戒之官卜者遁去一切里婦
俗戲不以經日邑中傳爲內則焉趙孺人者
儒醫嘉言女即吳孺人所置貳而舉余師兄

妙蓮堂全集

傳

三

弟者也其歸太公以養父故先太公二十八
年卒年二十有六令甲繼嫡母不得封余師
之最廣平也既贈焉爲孺人矣乃上書言吳
孺人母慈狀逾常等萬萬 天子下章所
司嚴之封吳孺人如馮孺人所爲贈者且著
爲絮令凡繼嫡而有母恩者封無格自廣平
理始後以覃恩復贈趙孺人如吳孺人所爲
封三母煌煌併膺 綸宸時人華之其他子

姓嫁娶詳志狀中蓋余師之將葬吳孺人也
乃併彙先太公狀授某某得而論之曰張之
先於周宣時有孝友之仲詩人歌咏之茲其
裔歟乃復而始矣太公之封于德也卽不子
封寧泯泯也其檀波也其委順也行有爲之
迹居不染之心蓋引餘以亢宗而精于爲身
耶嗚呼淵哉三孺人婉婉德婉名顯吳不自
母而啟趙母趙母母矣不終母而吳復不廢

妙蓮堂全集

傳

三十五

爲母若故爲缺陷焉以教天下之爲慈者夫
刑慈于天下而開一代之令懿矣大矣其爲
德又曷下太公哉

伯頰張生傳

伯頰名希昂張其氏余初識生介自文弱楊
子蓋楊子之言曰有荆溪狂客者於人無所
不罵初畏不欲見稍進而狎之與奕奕中下
酒戶大而顛極歌笑俳諧之致快士也會生

留滯南郡不卽來而他客有自武陵習與同
遊者盛毀生縱誕不可近已生刺入余目攝
之難楊子言勉出執賓主嫣然白晢清揚人
也與之談益無他乃客之里中久之彌親每
見無莊語狂呼雅謔令人胃間痞塞湔滌殆
盡絕不及官府升除政令得失流品臧否他
陰陽毀譽人無親疎貴賤醉恒詈之曰乞奴
醒質之謝不知叩之實無纖隙蓋生特以自

妙遠堂全集

傳

三六

娛耳非真能罵人者也詩清氣矯舉如兒驥
嬌嘶雖未中銜勒音響可觀書從仇十洲錢
罄室入作大上海潮人物宮室麗甚間布遠
山密樹饒蓊蓊之色然其意似不欲工專也
爲吳趨歌有穿雲裂石聲每履舄交錯被薄
酣按拍雜奏之使季女色飛變童心死最爲
擅場善爲清白眼轉喉效新安豫章人方言
酷肖似聞者絕倒能食酒可數斗不亂或竟

日不粒食其遊凡吳越宣歙申汝巴蜀靡不
至而在江南則金陵最久在楚則荆上最久
士大夫多倒屣延之者所得屢脫手盡生雖
貧好飭車馬衣冠務作豪獨身羈旅或稍悔
之與所心非者輒奮袂起不少貶嘗客楚偏
邑邑多奔女見生美爭譽之生嚴自持卒無
有犯者人多其規檢焉一日偃而謁余曰昂
三十不爲家索不能名一錢今且欲如京師

妙遠堂全集

傳

三七

觀 天子宮闕尋入名山髡首衣緇以老
惟公傳我無使不知者詎厲余謝曰子肉相
也其家其索絲需之姑與子言游游則無有
先京師者因次第其行事爲傳俾代乘韋焉
漚菴居士曰魯仲連有言富貴而綢人寧貧
賤輕世而肆志彼揣順逆規利害柔顏色伺
鼻拂魂濁血枯惟日不足卽纓而紳者且不
免而況於游人然等此百年耳張生於游道

殊疎且蹇會有天幸亦未嘗乏絕視夫汲汲
耽耽者不猶賢乎哉

南州郭生傳

郭生名昭字伏生世爲江右南昌人其初非
今名今字也少攻制舉言試於有司不售值
學使者出攀輿而號因獲與于試而才之補
邑諸生郡大吏以恩非已出心銜之亡何郡
大吏卽晉其省學使者又中鄉里貴人蜚語

妙遠堂全集

傳

三八

遂刊章捕治生生與其同志謀曰男兒地上
有七尺足下有九州奈何默默低頭就刀砧
乎遂微服出亡久之悵悵無所依乃薙髮爲
比丘居于東粵瓶鉢之餘卽精其學益旁讀
古人書多所撰構間歸省父知故牘猶往人
齒牙復跳之江淮吳越間或說之曰遊一也
而世相出世相則俗眼所繇甲乙也生心動
始反居士服以詩遊而定爲今名今字云吳

中風雅名賢及菰蘆耆宿無不慕說生爭倒
屣定交時不佞方譏許關從友人扇頭讀生
詩而異之亟遣人虛左以迎恨相見晚也蓋
吳客遊于不佞者側借名貴人牘爲先資獨
生無有生亦靜泊自賞不求異也數年家難
解始還豫章父已先歿爲哀憤踊地屢欲不
生故業蕭條旅葵覆井距初出時已十六年
矣乃聚葺瓦礫居之而復時時以詩遊佐其

妙遠堂全集

傳

三九

食貧嘗自京師東出榆關西走鴈門觀山川
阨塞愾然太息焉生詩靚遠夷澹五言古從
謝玄暉庾子山入得其髓骨五言近體尤屹
然長城矣又虛懷善下嘗出其集就予遴正
予奮筆汰其十之六七生益自力爲刪改精
綴愉快之色達眉頤間襟度冲素每值精藍
名衲竹牀茗椀竟日留連貌日秀而癯數
後曼聲度曲輒忿厲激昂談疆事朝政大計

言多微中別爲快注記醫方藥物皆有奇効
嘗願小畢婚嫁以一茆蓋頭賣藥織履以老
尙論千古具自出之見時舉以語人曰嚴子
陵辭故人召命一羊裘隱澤中特枯稿宿名
者耳不聞其度世輕舉有所得于耳目之外
也孟浩然與王右丞齊名相善王贈孟詩曰
醉歌田舍酒咲讀古人書好是一生事無勞
獻子虛直以遞世無悶期之而孟答詩乃曰

妙遠堂全集 傳

四

當路誰相假知音世所希自牀下出對玄宗
稱不才明主棄句熱中富貴猶嫌雜此吾
黨山林之士所羞也其持論每如此

漚菴居士曰古名人經爲浮屠者湯休劉勰
劉峻徐孝克劉軻賈島輩其本未顯晦各不
同然大率迹就而心去之非其素懷也余觀
伏生雖絲竹奮馬堞車涔中而噬巖林壑之
氣撲人欲冰此真於性命山水有所膠漆

不可解者不然豈能以空言刺譏嚴孟而無
假乎

妙遠堂文集

妙遠堂全集 傳

四

妙遠堂文雨集目錄

墓誌銘

中憲大夫河南按察司副使劉公墓誌

銘代兄

高士王君墓誌銘代兄

茂才漢垣劉公墓誌銘

魏處士墓誌銘

勅贈安人元配田氏繼室左氏祔葬墓

妙遠堂全集 墓誌目

誌銘

墓表

大理寺評事贈承德郎工部主事華臺

李公墓表

墓碑

四川重慶府推官王公墓碑

妙遠堂文雨集



新野馬之駿仲良著

廣陵顧大猷所建閣

墓誌銘

中憲大夫河南按察司副使劉公墓誌

銘代兄

內黃劉公之守宛廉平愷易大得民和遷副

臬司使事分部大梁宛人遊車泣留者繼屬

妙遠堂全集 墓誌

也何公投綬歸可十五年餘公里人司明

府宰予邑時時聞公起居健飯無恙歲癸亥

公當開八袞曆先期明府微予言以佐祝史

而未幾公訃聞公子千里持狀介明府屬子

文竈中之石余夙庇公宇下而余弟為諸生

拔擢出于門墻固誼所不得辭矣按公諱

字伯延別號胤從先世為山右洪洞人國

初募民實畿內始遷于滑再傳為祖源源生

奉奉五十未舉子取子于曹而始育有子二
恩惠乃冒曹姓至公第始復焉再遷于內黃
定居東莊鎮恩子政政即公父也公幼而端
重寡言笑不爲童子嬉鄉先達多器之者乙
丑補博士弟子過餼于庠時郡置天雄書院
大辟孝秀課其中公屢試冠軍與同郡李霖
寰少保魏崑溟董太初兩吏部聲相甲乙也
萬曆癸酉以詩經舉京兆試三上南宮乃改

妙遠堂全集

墓誌

三

治春秋仍勿精左氏公穀家言著筆益闕肆
丙戌偕同人禱于碧霞元君神祠中夢神示
公偶語曰此公聞報地已入都僦寓殊湫隘
觀其榜柱聯則夢中語也已而果雋解褐理
登州登遼海雄郡積案如山公下車即白天
曰民命莫重于獄一字之出入王章鬼責所
交麗也爲精心獻折剖決如流佐御史行部
六郡所縱舍擊斷皆鑒鑒中情實程量品流

尤號精審人爭稱劉公心如秤腕有霹靂矣
登人憲副郭公有呈誤在重辟公廉其冤力
出之登人至今頌之無衰視蓬萊萊陽兩屬
邑篆惟總總計先民隱肺和芋之餘皆斤修
學官海閣不使囊名一錢俄丁贈公艱歸痛
擗幾頓以未及沾一命榮贈公也壬辰服除
補南昌時豫章張公在政府屬意大宰迫欲
得公公至平亭無害聲逾于在登時廣信青

妙遠堂全集

墓誌

四

衿之歐令者宗室子孫之徙法者公不畏豪
強悉裁以三尺豫章省會劇地撫巡藩臬大
吏取大觚投公出入恒戴星不言勞譽望鵬
起報滿如例貤封兩尊人甲午分較粵東得
士七人如潘公澹明輩皆通顯爲名流時多
公有人倫鑒乙未晉戶部主事蓋公素侃侃
行意不能突梯鞠脰結津要貴人歡故僅就
常調途次用母太孺人艱歸喪之如所喪贈

公者丁酉補江西司主事委督御馬草場科
條嚴密報竣事獨先期胥史窟穴管賄者摘
發不少貸已權河西開關差爲民曹擅途河
西而近京聲悉謫充易作公競競飲水通漕
會商調聲飛翥于路是時上特旨額外征萬
五千金吏請增則利以副之公嚴拒之曰則
例已定吾寧損諸額中不忍哀於額外也期
滿凡銖兩皆括充正項上以塞旨而下不病
商往返携圖書數卷耳大司徒楊公悉其狀
題覆褒予有加已亥監兌江南監兌既客使
而地復饒山水各勝公日與故人襟袵步障
巨羅沙棠藍荀極登泛觴咏之致爲書貽長
安友生曰予吏而隱且隱而仙諸君得微色
殆乎人傳其語以爲快雲間軍有索盡會長
例求增米而躁者禍幾中華亭令公疏叅衛
官正其罪往事報命則商人醖資備包甌靡

屨之費公正色峻却之吳中縉紳高其義爲
供帳河干累日月始別曰使君舟宜載石不
者何以敵揚子衝濤也已擢員外郎郎中皆
在本部公益精心任事三載考最晉贈公爲
奉政大夫太常人爲宜人吏部推僉憲職啟
事凡十上不報客諷公宜謁當事與轉移公
曰義命吾素也且諺有之祿食有方奈何力
千之乎亡何出守南陽蓋一疏卽報俞矣南
陽值大役後又楚蜀戶限輪蹄趾錯于途屬
邑民多流亡田拘爲蒿艾不治公議賑議墾
全活不貲金吾楊銜上命開礦裕州舍人平
翼附爲奸所至貽籍將欲移治郡城以公力
拒而止諸生劉元勳與唐藩嬖人有郅王左
嬖人誣以詬毀國太妃逮下犴狴厚遣公欲
死之以快其憤公不可密以其事轉聞大吏
竟從寬解他日王見公頰頰不能相對公語

家人歎曰餽人者媿于人不受餽人者不受
侮于人廉亦快心哉新野令以制科筮仕侍
氣冥行用小故銜邑紳李刺史父子將陷之
重法所上爰書鉗織詆毀以百端公讀而笑
之曰是寧與祖宗律令有萬分一相傳合乎
令亦何自苦爲碎其牘以片語立釋之李卒
得完其子今舉于鄉方德公無已也試童子
右寒暖而杜倖門品藻卓越得一佳士卽反

妙遠堂全集

墓誌

七

覆獎籍不去口其他建學坊新神祠皆調自
廩祿之餘毫不以損官帑知汝南兌軍本色
上臨

累之苦力請之上官

奏改折色迄

稱永利焉懼分守大

梁道駐節禹州前驛所以供具爲名箕歛
可三百餘金公聞之曰是府穢也未上卽爲
檄嚴革之會直指使者以體貌小嫌摘公公
翻然曰年逾六旬官至外臬明農課子自足

何必車前擁八騶始稱愉快哉卽解組渡河
歸歸謝遣一切家政姻婭中丐請力不能償
者悉焚其質治藥餌急施予爲德于里中公
固豪于酒至是益借儕耦修糟丘之政卽君
家伯倫幕天席地殆無以踰勝之矣有以請
託及門者卽塞兩兌不欲聞出入徒步短衣
縠皮巾與田庚褐父齒揖卒遇之不能名爲
金緋貴人輦上交游勸駕謂當一出以申晚

妙遠堂全集

墓誌

八

節槩置不應脩然事外無所關喜樂者凡十
七年卒之日無他憑苦小若闔目遂瞑時爲
天啟正月初九日距生嘉靖甲申十月二十
日得年八十元配云兩公子狀公可二千
餘言余稍爲敷飭之而益以所目觀南陽事
爲誌之如此史氏曰余讀魏志韓暨八十起
家爲司徒高柔在官二十三年轉爲太常載
筆者疚之謂不如徐邈常林遠甚夫脫簪組

而眷皇壤至適也士大夫恒夜行不休母亦
性各不能強耶跡劉公治宛狀敦大不苛卽
以儕班范所傳循吏無媿而早弘止足之分
宅心事外究其天年以視陳壽所譏知免矣
是宜銘銘曰

遙遙帝裔秦龍氏再徙乃昌經術起鞭駕赤
螭驟驂駟日坐甘棠精斷比嘉石有造覆盆
起東海西江一泓水載畀計籌佐經紀身無

妙遠堂全集

墓誌

九

潤脂政無疵宛惟腹心楚唇齒採金穰歲飢
且毀公調神漿執大七榮我膚顏軫我痕衣
冠尸祝同畏壘豈由義冠蠅點珙翻然歸來
稚子喜仕宦何必車生耳爰解天殽縱生理
朕彼鴻蒙弟溟滓返白雲鄉疑晚屣雙鱗鱗
齋離其社槩公百年終衷始爲國幹臣里端
士其嚼如絲直如砥漢之寬寵差倫擬罽如
一丘樹桐梓銘我舊君惟信史

高士王君墓誌銘 代兄

嗚呼此余友王季高先生之蛻也余與季高
交垂二十年季高乃卽我謀婚卜我里是居
病革居始定入居之四日而季高卒卒越二
年七月餘始葬而余志其窆中石嗚呼奉德
之死任末車輓之東野之坎昌黎謚表之余
卽謝古人其胡能使季高泯弗章也先生諱
尙修初字叔治後定今字世爲松江上海甲

妙遠堂全集

墓誌

十

族少孤育于兄長工舉子言入貴太學偕里
兒講業金陵所交多四方俊人光價隆起已
更善騷賦俳偶之業北之京師多縉紳雅遊
稍稍出餘貲治生以自奉唐藩中貴人有上
書閣下者資用乏絕轉貸之先生幾千金蓋
先生所善表生某習遊唐先生欲因徵賦來
宛中居何中貴人死不能名子錢悉以汚
邪斥鹵償先生金不得旦夕售脫去而會唐

國君方虛左延士以賓禮禮先生一切表頌
箋記非先生製不以行遠遺諸王子就學章
句北面惟謹先生意安之且於樂籍中有所
嘒不欲輕去更用所得塾廩之餘權息于秦
于楚于吳數年一歸省海上以爲常宛南北
孔道先生又負風雅盛名於凡乘輅續食擔
簪懷刺監司大吏郡邑長令下逮擊劍踴鞠
輕俠縉黃之徒往來宛上無不願納交王先

生而先生亦傾意延接人人沾溉去故過南
陽者僕指以謁先生爲課幾不復知先生非
南陽人也劉將軍光祚者嘗總中都校尉都
護大寧爲偏將將偏關所至皆請先生居幕
中凡長慮秘書率多先生贊成之者其於文
酒交則孔炎子厚紹齊肖齊伯和諸王孫武
陵龍君超君御中鄉李子田襲美南陽王孝
標浙川彭用沈敝邑不佞父子兄弟輩最爲

恒結社稱詩以道義劇礪其他非所屑也先
生初娶某氏有子已而俱亡先生始邑邑絕
故上之思所嘒樂籍中姬又死先生哭之痛
其家飭侍姬張薦之幸有身免而生女先生
絕憐愛焉余爲通婚于劉氏先生齒漸衰倦
遊方欲携家就倩治圃買山與不佞兄弟約
爲優游菟裘之計而不及待矣先生爲人方
準豐下美鬚髯伉爽自言善食酒談譚鋒穎

傾一座歡操履更端慎清夷若近世游人陽
設陰施凌轢踰躋突梯儻易之習先生皆絕
痛惡之與人交惟恐不善又練習典故妙揣
情事人就之謀卽瑣故片語必殫盡學淹雅
靡所不窺爲文勁爽有致詩尤道健流美得
劉文房司空文明之神向在上谷嘗自選其
生平所著示家弟欲傳之會人借閱失原本
遂佚不收今尙記其雋語數十則每擊節誦

之未嘗不泫然想見其人也先生生乙卯二月某日卒戊午三月初十日年六十四女二張出許字聽選主簿劉宗源子七政墓在新野城西北里許蓋宗源父子所營也嗣男翁寄妻陳氏先生撫育如已出翁寄亦克承其家余交先生自宛中始故所知先生者僅僅如此因係之以銘銘曰

維家于客客乃適維身于友友乃久維詞之妙遠堂全集 墓誌 三

昌昌乃楊維德之滋滋乃思

茂才漢垣劉公墓誌銘

天啟元年春茂才公以疾卒余往哭之痛已數向長君伯顯問公寢窆期爲陳古人歿則宜藏之義長君辟咻未卽應也癸亥冬閏十月始舉公柩坎于先塋之次而以墓中石屬余志嫺姪知厚習公若余若者烏忍辭公諱逢源字取之別號漢垣里人稱漢垣先生最

著少治舉子言穎異秀出顧屢試坎塲戊子長垣于田李公來視兩河學錄公文補郡庠弟子員時公且逾弁浸尋壯齒矣益下帷發策矻矻弗少休偕楊君來鳳石君攻玉王君逢古齊君來旬李君春華及予兄弟輩結社課文每拈題湛思吮毫欲腐不卽下心口自商聽之喟晰如語不可少者耳晷盡始奏篇其攻苦如此已酉督學董公賞公置前等試妙遠堂全集 墓誌 十四

于大梁然卒不一遇開塾課兒旁及授經弟子皆嚴整有型矩所治毛氏詩最淹熟精詣卽酒間談次偶及輒成誦縈纒如貫珠石可攻難時人稱之曰匡說詩解人願今日再見劉公矣天性孝友事長兄恭撫諸弟情好周洽家既雄族每庭闈子弟之會公執爵祭酒爲燕坐陳說農桑勸勉孝弟雍如也公饒勝情健談笑於飲律可申戶然一往多酣放之

趣凡行觴度曲之法呼盧射覆之技炙轂膝
城之說駝車路臯之書下至市諺里談百工
維藝靡不嫻習該舉時取以佐捧腹以故予
輩凡廣筵密席不公至輒一座不歡也素耻
織青錢刀然以用儉起家晚粗給饘粥卽以
達生知足爲念別業去城僅數里短衣策長
耳晨往暮還省植穫成以爲常或時酣村醪
簪野花一折角巾陶然相爲傲樂自命曰四

拙遠堂全集

墓誌

十五

餘居士以昔人所稱冬爲歲餘夜爲日餘雨
爲月餘所自道以老爲少餘也二子旣長長
冬疑疑露頭角復舉少子最愛之酒酣卽執
予手爲托曰吾子若子也余雖承其言而心
訝之叻何公病猶強起禮神就枕漸革數手
麾少子使外嬉不忍復見計公所噉噉地下
者獨此耳時天啟辛酉三月二十四日距其
生嘉靖丁巳六月十二日得年僅五十有五

公體豐碩矯健一疾遂不起殆命也夫元配
蕭氏繼室吳氏皆先公卒助運者葛氏丈夫
子三女三皆葛所舉也長三謨邑諸生娶諸
生齊來句女次八愷娶某女次復一女子三
長適諸生李元白春華子也次適匡齊衡次
適田永續蓋劉之系本江右永豐人高祖際
始遷于新野深生演演生志道志道生璵璵
生公兄尚源邑諸生有隱德予亦誌其墓仲

拙遠堂全集

墓誌

十六

卽公季爲宗源以文叻害任績溪縣主簿予
里黨密交也嗟夫魏武酌橋玄墓舉車過腹
痛之言以爲一時戲笑生平不忌乃如予與
公居同開社同盟計非遠遊疾病無三日不
促膝相向者雖閨閫之私筐筭之細無不耳
聆語接恍如昨夢而遽公身後金石之役以
終公托絕絃一轍卽誠有文生於情者矣銘
曰

學不必享而經術則明足以教其後也家不必殖而達生爲適足以樂其有也算不必耆而身各無虧神理綿綿足以長久也其子世之而其友文之夫是以爲不朽也

魏處士墓誌銘

辛酉冬余小草白下以君約魏生偕蓋魏生久執雉從余遊云王正奉先恭人諱歸雨雪艱瘁魏生時時修色前慰勞迨去邑之信宿

妙遠堂全集

墓誌

十七

聞其尊人處士君亦逝踉蹌返拊棺而號已各扶服相弔也是歲冬十有二月葬處士君于新阡生以窆中之文來請嗚呼余何忍辭按狀處士諱中原別號嵩峰初爲豫章新建人世所傳爲杉林魏者衣纓鼎族也上世有諱隆興者仕爲行省方伯再傳曰孟德曰孟智德逐什一遊都門載遷新野智三子曰典口賦曰湯亦與俱來遂占籍焉湯卽君祖也

湯子文清娶于雷氏生處士兄中州又娶于廖而生處士處士少孤事兄恭鞠肥磬折或竟日侍立無跛容嫂恒慢易遇之處士益冲退後雖斬然自成立未嘗幾微慙齒牙也處士性儉樸堅忍明農饒心計歲程所入耕耨其餽其膏其薪其芻輒居其餘而息之以拓旁田宅之腴者故業漸隆隆起度于禮神凡里社祈報羣釀君多主辦歲朔月旦街鼓統

妙遠堂全集

墓誌

十八

統少行人叢祠閤門入必處士者燔楮幣頌額塔下絮語移時始徐徐去他或負處士子母者處士耻與競惟通指質諸神明爾已幼嘗入貲爲椽然非其好也垂將給事京省至河而復竟棄去曰不如簞簞襦之適也伯子蚤慧補諸生處士蛇行異詞終其身未敢意色加人抑可謂退讓自牧者矣偶恙遂卒病中惟以不得見伯子爲恨是爲壬戌正月

六日過君初度辰僅一朝耳得年六十三要
馬氏先處士卒繼侯氏側室吳氏胡氏丈夫
子四長卽魏生名濟衆吳出次濟時胡出次
濟世吳出次濟美胡出墓在城西南二十里
蓋伯子重前偕客卜而得之者嗟夫余觀魏
生所欲不朽處士者竊有感也昔趙景真聞
父叱牛聲自傷不能榮親投書而泣裴之禮
美容儀能言玄理梁武帝經其父墓及范雲

妙遠堂全集

墓誌

十九

二廟嘆曰范爲已死裴爲更生人固不可無
子哉魏生及諸弟咸穎秀露頭角異時必能
奮勉自樹以一經報處士卽病中不及伯子
訣無憾矣乃爲之銘銘曰

新丘奕奕躔白水安需棲真馮而子

勅贈安人元配田氏繼室左氏附葬墓

誌銘

嗟夫子之不振也蓋閱曆一紀而喪兩安人

而忍復志之而忍復銘之然慙不能使泯泯
乃質言之田安人爲邑諸生田公徹女長予
一歲十八于歸初先中憲公習與田公遊締
婚姻焉田公雖早世然兩家居同城太恭人
時往撫安人與安人母陶孺人相昵愛以故
安人於姑姊娣姒情貌語言飲食嗜好自在
閨中咸心喻目染迨成婦事太恭人能得其
歡心時余方濡首攻經生言安人又少婦默

妙遠堂全集

墓誌

二十

默無所見出入嫺睦而已安人體素羸旣婦
鮮婦色旋苦脾瀉不支室予三年而卒時丙
午十月八日適生丁亥四月十三日年僅二
十耳陶孺人止一女痛絕不欲舍安人卽殯
官爲藁葬郭外而予驟失儷不勝情日夜孺
子泣太恭人心憂之亟擇繼得布政司經歷
襄陽左公誥女是爲左安人時生十有三齡
矣安人幼韶秀雖笄猶在稚齒好自行意太

恭人女蓄之間拒誨不入予跼蹐引過無所容而安人顧自如然發于至性哀樂輒過人太恭人雅善調護虞傷新婦意安人年十六予舉于鄉明年成進士迎安人侍太恭人京邸壬子官戶部癸丑出權吳關悉以安人偕安人自童牙時卽能操持家秉御僕婢以威慈張弛部署燁燁獎扶勤惰井井具條理故諸僕婢無不慕戴安人且斤斤者太恭人顧

妙遠堂全集

墓誌

二五

而色喜曰婦若此足代肩筦綸矣性尤敏慧予教之詩遂誦詩教之書遂能書凡所置簪珥褱務匠心取經奇得所未有事太恭人友弟眷族漸多先意之逢矣未幾安人病嘔血是年予竣關役同歸壽太恭人明年再如京師病寢劇加之暴下遂不起安人病中每語次及太恭人淚泫泫承睫也已予知無如何爲言攝念皈向西方安人曰若爲西方予

曰有佛處是安人額之已歛息若寐忽所然笑曰佛來導我矣俄逝去時乙卯六月十七日距生甲午四月初四日得年二十二嗟夫使安人不死其事太恭人必有加于二十二年以前操持家秉以逸予于宦學必不止如童牙時而嫻習今古縱不敢望辛英徐淑亦當蔚爲女士而竟已矣以故予自亡安人三月不內飯恭年不能一視其肩滕標識也歲

妙遠堂全集

墓誌

二五

丙辰返安人喪戊午正月初六日啟田安人寄柩並附于先塋之右予向以主事報滿得一命故各得稱安人

馬子曰予每讀志內則者不終版卽思廢去以其多溢詞蓋婦人不必皆有可傳而附于必傳之筆以存姓名意志內則者苟非其親昵第當綴行次生死歲月已足矣彼安人奉倩之倫無待闡壺儀列懿行而千古如新則

文之用也以予不文矧重之以不德其胡能不終泯泯然閱曆一紀而喪兩安人而復志之而復銘之使世知予之不辰也銘曰

維隻夫甫三十年而桃載襦維兩婦合四十年而舜載菱其胡能不悲先十年而歿偕一日以歸其孰以爲尸將不歸者幻耶知愛河三生之業其歸者真耶俟我乎百歲之期於戲噫嘻

鈔遠堂全集

墓誌

二十三

墓表

大理寺評事贈承德郎工部主事華臺

李公墓表

余於同籍中最幸于水部郎李長叔以道義文酒相切劘戶外之武旦旦可數也長叔顧從容向予言其兄真叔風流標舉自遜以爲弗如最後忽愀然過予齋頭曰先君之棄藐諸孤蓋三十餘年所矣以先君子之自致通

顯不獲微再命之榮卽不孝得藉手明綸以

有詞祝宗而坎中之珉與土相蝕願圖所以式楸櫨而不至泯泯萬歲夜者則惟吾子余堅謝不獲辭乃按狀云嗚呼此華臺先生之狀也蓋景陵楚望邑有以經生言冠天下士者曰魯文恪公鐸以經生言冠其鄉曰李公華臺四方並豔姓氏焉華臺卽先生也諱

字伯庸墮地負奇骨目下數千言悉成誦

鈔遠堂全集

墓表

二十四

父龍山公絕憐愛之十八補博士弟子員試輒屈其曹耦父母歿偕兩弟居身任家秉肅穆無間言先生雖食貧平勝情雋氣孤往不倫性尤篤好竹石筆研之息卽築圃北郭外雜蒔幽花美箭之屬構一亭吟嘯其中時人莫能窺也先生於舉子業最號攻苦每一義出遠近傳寫然數踰于有司癸酉始領賢書爲第一人曩先生兒時龍山公感異夢夢睹

先生領解狀瘡爲喜而歌識之二十年卒應
如響里人以爲奇庚辰舉進士高等謁選得
大理寺評事不二年被驟恙卒郎中長叔所
悲不獲微再命之榮以此狀又稱先生魁岬
豐願望之嶽嶽如仙于書少所不窺發爲詩
歌皆高宕適性情不爲一切雕鏤標擬之習
洪于酒數斗不亂酒酣度曲爲要眇之聲掩
喉數座善射射輒命中據地投壺能使矢躍

妙遠堂全集

墓表

二十五

丈許取勝以爲樂好借齒牙暖人里中大要
害身譽供爭於上官無隱退則蕭然不問生
計起家自孝廉至服官未嘗拓一丙舍增甕
脫地其大節後如此配諱夫人饒壺行白首
相莊二子皆譚出餘俱詳誌狀中

外史氏曰李先生高朗君子也造化者予以
枕林盛名而阨之使逾壯危得之復奪以去
何嗇也乃前不難豐之以才而後不斷錫之

佳子弟果真夢夢哉蓋予度先生意不欲以
貴人先名士復不欲以文士先達人肯頗延
之諸兒各得其一斑獨其狂謂不可及予謂
真叔得先生之逸長叔得先生之文譬之於
河星宿之源深遠矣簪組浮榮先生所自有
而捐以遺後人亦長叔所自有而仰以報先
德皆非所重也特撮其要表之使知先生所
以真爲不朽者

妙遠堂全集

墓表

二十六

墓碑

四川重慶府推官王公墓碑

上元年之九月從臺省建議者大徵蜀徵諸
夷兵東削奴難大中丞移節重慶爲蒐簡軍
實以護其行會蘭州蠻奢寅及其裨長樊龍
樊虎等竄窬鑿齒包藏禍心卽治兵日戕殺
中丞徐公以下文武將吏數十人據城叛而
司李內黃王公與焉是日賊挺稍中公顛不

殊習昇匿民舍中公眷屬僅僕聞變各緹垣
鳥獸竄去聲響不相聞越數日迹及公猶獲
環聚與訣其被禍號慘烈無比而識者謂公
高朗負當世具譽則樞栢豫章錯而待用焦
原之燬燬不擇材尤可爲流涕長太息者矣
十月喪歸黃池明年春公子走使千里介余
邑侯司公以誌銘屬家中兄而俾余紀公墓
道石鳴呼余固嘗一接公顏色心儀之爲偉

妙遠堂全集

墓碑

二七

人而竟止于是得效于戰卒固不忍辭也按
公諱三宅字別號六如主而魁岸標特
目熒熒如曙星早負倍年之覺見者咸嘖嘖
賞歎卽君家琳瑯珠玉不能絕也庚子舉京
兆益交海內奇士士亦爭下之已屢試扼春
官愀然曰丈夫不能行冒懷雖百年無益奈
何從佩阿側理間耗居諸哉謁選人得司理
襄陽襄陽風繁重爲楚劇郡公至望者咸以

瞻風采爲幸廉而不刻嚴而不殘襄以大治
數月用內艱歸服除補青州未上而復值太
公之變公連庚大故備極情文澹冲之雞骨
支牀崔九之當風輒仆于邢魏間隆隆有稱
述矣庚申再謁補得今官公念天下寢弊蜀
又遠在西南鼉霧杜宇古好亂之國也益精
心致力佐臺察監司平亭亾害涪守缺以公
攝刺史事則毅然新先聖官加丹雘焉植生

妙遠堂全集

墓碑

二八

理察訟獄愛戴歌誦之者謂文翁廉叔合爲
一人秋有事於成都歸數念涪欲趨還治事
其長章君屢挽之謂調遣相仍需彈壓而猝
與難會豈非天哉自公亡後蜀事益糜爛諸
守令率望風奉身無一死社死民者使公不
死必得早伸臂股之用乃以非所死死嗚呼
此不佞所以投管而歎也諸生卒歲月家世
子姓不具論爲撮其大都而做漢東京例系

之銘銘曰

烏衣餘社更千百祀乃復而始魏者大名激
清淑英爲王國禎皎然玉樹身澤文霧手編
繁露六翻孔張河漢無梁且翔且翔乃巾鷺
羽乃貳齊斧祥刑于楚海岱魚鳧並號雄都
載殫猷謨引室于燭置吏于木鶴亭消哭萬
民之望斷則干將噓則春陽妖星晝燿坤維
顛拆自罹于辟虎噬狼餐不避賢豪鉉掩金
妙遠堂全集 墓碑 三九

刀來歷一劍越石百煉古美奢美公神行空
怒髮裂瞳其光如虹默佐王國以美以功
廓腥穢飲其醢
匪佞來茲昭暎

妙遠堂文露集目錄

祭文一

代詞林公祭沈歸德文

祭申少師文

公祭張太安人年伯母文

祭江龍翼文

祭襄國太妃文

祭王季高文

妙遠堂全集 祭文二

祭呂蒲城文

祭黃太孺人文

祭齊博士太翁文

公祭田月桂文

公祭周養吾文

擬祭楊太翁文

祭曹太師母文

祭張太師母文

祭韓太夫人年伯母文

祭申年伯母文

祭黃逢一年丈文

祭徐年伯文

公祭馬孺人文

祭張漢峰文

祭周老伯母文

祭湯太夫人年伯母文

妙遠堂公集

祭文二

二

妙遠堂文露集

新野馬之駿仲良著

同邑李春華就實閱

祭文一

代詞林公祭沈歸德文

黃閣彤闥厥職丞輔莫足與三近天尺五仰
叅穆穆協師師格君孚友于古難之在昔
元良有稽建置公謝春卿用矢不二覆甌海

妙遠堂公集

祭文一

三

及納牖維艱公齋額帝所轉疑開選味而庖
醴甘梅醅使君投箸孰司其故凡公所遵若
際其窮人憐霧豹未竟雲龍始焉一退以官
明志繼焉一去以節風世達人弘施隱顯同
歸物忘春潤月益秋輝繫公出處安危所競
四海一心三徵九命旦未還袞說忽乘箕洛
川倒咽太室銜悲總公生平碩膚博亮學殖
聖壇文爲詰匠凡茲閱歷孳孳嶙嶙炳于國

乘散在人倫其等後先鸞坡餘芬可襲型範
方新棟撓胡急頌公之大以暨于幽潔陳香
藻儼侍靈旂

祭申少師文

肅皇御宇四十一年是爲壬戌策士臨軒先
期籲帝與賚名賢帝之鑒之詢于山川翳惟
東南氣醇神醺林屋洞庭奧區靈腑乃篤生
公冰融霞舉爰首天人聯班冊府花磚倬直
妙遠堂全集 祭文一 四

芝殿橫經胸藏神海筆奪繁星公於斯時如
璞甫礪占爲國器薦必明廷 先帝龍蟠
价龍弘啟妙選英條我公是揆 今上青
宮授書潛邸廣廈細旃其容几几嘉謀入告
讜議時聞導以姚姒抽厥丘墳公於斯時如
山出雲潤歸萬物還質霄雯大寶嗣升盥衡
左右乃貳銓宰乃執大斗栴利巨川隅調羣
口其閭雖黃而髮仍勦彼司魁柄所尚申韓

勞公斟酌濟猛以寬譬彼溫續適覆祈寒復
如景風以偃驚濤女恬于紅農嬉于室士飽
于邊馬騰于櫪公於斯時如天翔日權還九
重政還百辟前星隱耀異議如林人諍于顯
公機則沉敏與微語長源苦心卒奠主器九
廟居歆四序推遷倦飛冥引十疏乞休皇情
益軫潞水祖筵上方鏐錦奉此完身丘園高
枕堦庭伊何蘭玉雙高幃幃伊何琮珮同罕
妙遠堂全集 祭文一 五

諸孫濟濟咸冠時髦車門行馬剝喙無勞公
神脩然容與綠野釣舫秋陂巾車春社淋漓
墨池主張風雅二十四年倅佗上下存問異
數三賁綸溫玄纁桂嚮憲而乞言期公百歲
以福元元胡乘箕尾驟返雲關在昔有言天
人殊違邇公生平庶幾無咎則元上公名德
眉壽承之天者獨鍾其厚玄化不測忌盈取
虛如公舒卷退藏永譽禮先臧獲仁被鄉閭

享之人者尚息其餘以此歸全夫復何憊所
爲悲恫在于斯世崆峒問道模楷丹宸司馬
在洛安危攸繫政如五嶽爲天王公卽之意
懾望之春融麒麟芝草國瑞攸同溢焉適盡
地老天空聞公彌留無怖無愠修潔冠裳剋
期委運黃石共祠朱魚不問知公去來非復
汶汶其也不類隸職司農先人通籍賴公登
庸抱關鶴市席蔭飲釀曾一謁公強起從容

妙遠堂全集

祭文一

六

歲時飛書肯必纚纚值我家慶玄黃以修是
用感恩仰酬厥美將頌大椿乃歌蒿里公蛻
遺坎公神行天太常議謚國史陳編寧枉雲
旌蒞此几筵吾薦吾私聊抒耿然

公祭張太安人年伯母文

嗚呼凡人所爲不忘于親倚廬啜指陟圯羈
身風木難待蓼我罷陳其當蒸蒸則號全倫
凡人所爲不忍于死恒援彌留說 陳第三

泉永錮萬古長已乃或了了則亦恒理惟太
安人寶婺禪精載徵于仲海潤霜明勃磳絕
隙聖善流聲德爲女宿矩則儒生惟仲惟季
無方備養倥倥膝下與與堂上彫胡可炊枯
藤堪杖選膺泰溫覘其神王胡被霜露遽謝
刀圭言遶良旦行矣非迷語無雜及色不旁
悽鬚眉難矣而矧黨筭世言鄉死客死殊故
亦旣釜食以遵皇路彼直者子彼髫者婦必

妙遠堂全集

祭文一

七

恭必親寧云非土且厥有歸非客非鄉魏存
並駕龍姥偕裝如遺蛻蟬如掛角羊大年極
樂孰爲短長惟二三子稱仲朋好肺肝互披
憂愉同抱往造其廬啜泣而道而帷番番而
裳顯顯隕梧道路廣柝關山言瞻丹旄奚止
奚攀虔陳葛必以霑潏浚母其佑之庶往無

報

祭江龍翼文

嗚呼友朋間淵鴻生恒只矧隔存亡緬追終
始惟子魁特蚤升髦士窺日牖中含虹匣底
有筆夢授尔欣朱紫願易而蘭以釐先社眇
焉投鸞誰爲貽鯉殖德厥躬如播如籽弱和
被物引繩置履暇號園公或修觴吏把臂以
呼掀髯而喜僉謂枯穉方春可埃豈悟靈椿
先霜輒萎嗚呼夫人百憂長寢乃已惟子之
亡百憂伊始封豕橫突怪鴟斜睨竿竿棘針

妙遠堂全集

祭文一

八

繁自葛藟朝稱寡嫠夕下胥靡琴慢懸絃書
零殘紙雨摧花葉烟封窻几嗚呼傷哉惟我
同好托廬冷比雞壇舊盟言猶提耳奄及十
年半已籍鬼替莫子如道值其否初聞子訃
腸裂步枳薄俗僉夫願以身砥侮于我禦爨
于我弭卑雌遺蛻俾安沒齒倘負斯言將爲
虎兇他日地中何以見子子神在天宜究至
理如水起波波還爲冰如風滾塵塵非風體

四大且妄數傳誰氏香山自達若放寧餒不
招子生異子安死

祭襄國太妃文

於戲仁宗中葉受社于襄代有禮祀爰啟靖
王於惟靖王明類淵塞乃齊藩政乃修閭則
額于川麓川麓爲儀寧惟儀之乃寔祺之禪
精標秀文母之休姑非媚鄭姬克興周迨佐
椒塗每隨芝殿名著當熊瑞徵投鸞珠胎既

妙遠堂全集

祭文一

九

潤玉牒過升祿禴畫翟以主嘗蒸太妃稷穰
于含于息王后庶子盟而問食鹿門之藥春
以代糧漢江之波注以稱觴僉祝聖善遐不
百歲胡戀玉京蚤揮珠綴帝申懿典史著彤
褒共驚簪奈何藉歌蒿其等授版隣疆曳裾
下客引睇佳城于心孔虛潤蘋沚藻度酌玄
尚兼好精白式格青冥

祭王季高文

萬曆戊午歲三月十日王季高先生以疾卒
其友人馬之駿哭于所館懷焉惻焉若疑若
夢烏鳥焉不能成聲也越廿有一日四月之
朔始撫哀思刲牲醢酒拊棺而酹之曰嗚呼
惟子壯齡奮起烏衣三舍獵秘四始鈞微弭
輟駿市停橈燕磯於以擬之入洛之機夜光
玄圃藻譽同歸迨客于唐從容詞令梁園授
簡鄴宮陪乘師惟弘啟賓筵通盛于以擬之

妙遠堂全集

祭文一

十

傳楚之孟諷諫成篇老謀惟疏十年一夢朕
豪則杜明月蕪城橫波桃渡千金一諾厥俠
則布激氣颺銜寫腸霜素非通非隱且玄且
儒昂昂出羣謙謙托軀究其孤尚偕樵侶漁
人恒徒倒子屢垣踰豈謂壯遊家鞠于凶著
簪忽造羸博且封魘膾可念菟裘已空人寔
疚之天值其家無家而家肌血未斬萬難寄
生門榻姚姚絮詠謝庭書傳蔡本天寔殖之

人悲其晚惟天之窮昭其德豐惟植之晚異
其有終旒車奄白漆燈滅紅天耶人耶孰叩
鴻蒙憶我髫髻戢子風雅托契孔堅周旋靡
舍迄于服官有綬若若諷我道廣憂我機寡
子言則矢我衷且焚坐令短馭蹕蹕孟門譬
謝脁人垂綬倚轅宛其蹟矣始恨無援以茲
坦腹聽子彈射如佩有弦類砥須石如何一
旦殲我三益劍懸馳想塵納增戚嗟乎億當

妙遠堂全集

祭文一

十一

吳會秉燭夜深死友我呼古歡我尋豈其識
哉卒以有今白水不涸朱絃永音子女我嘯
子骨我土我償我噴鬼無悽旅後千百年誰
客誰主子固達人其舉斯簠

祭呂蒲城文代

嗚呼死生朋舊稟有前聞國罕卿辛于密契
平期托響于希音或短絳引不前之轡或長
劍懸旣封之墳斯人莫不精誠貫白日意氣

薄秋旻然猶非聯牆同井肩隨趾羣比肝肺
之互附類形影之難分如僕之於君者矣憶
當髫髻始同操縵矢盟則東野之逐昌黎輩
譽則應瑒之齊公幹前干而後喁一唱則三
歎揮言屑以並玄擷文林而偕聚籠螢燭以
永宵接談雞于清旦而未幾膺弓帛遊辟雍
互負獵纓之好長交奪席之鋒雖嚶鳴過于
喬木而芝蘭芬于舊叢蓋無衷而不披亦何
妙遠堂全集 祭文一 十三

睹泰恒之已移嗚呼哀哉復思君之壯時
有場于項領形累縈以自矢意憾感其靡
折簡我招連牀有頃君方思修短之無恒每
履堦而視影僕爲廣之莊生逍遙之門移以
成連山海之境既後祿之駢臻謂修程之必
承夫業負之大翼又奚爲而短絆尤僕所欲
問巫咸而審詞祝修文而增哽者矣嗚呼余
車北首君廬是經暮楊列白室燈滅青燭動
妙遠堂全集 祭文一 十三

輪之賓從睇折薪之寧馨研席霜寒池臺露
零念佩刀之子授慨隣笛之我聽固不覺神
怔魂徙髓枯淚熒至如君卓犖魁奇之品邁
往孤特之韻方德則含珠挈才則遊刃立朝
負淵雲之望宰邑有卓魯之問方木將喬而
遽摧錦玉纔礪而俄磷固冠紳之所同憐豈
知己之所獨恨僕哭僕私君能鑒之矣

祭黃太孺人文

惟共與順是爲婦職惟太夫人代君于室唯
慈與養是爲母德惟太夫人代師于膝是太
夫人之取于天者偏值其變而以奇植太谷
貴矣于晉建侯駟車翟錦薄言往遊太谷逝
矣門羅雀投哭壯子淚益未已愁是太夫人
之承于天者偏植其窮而以薄酬芳蘭損霜
不斬其蔓有挺孫枝雪膚霜幹啼鳥樹巔饌
鯉河岸顏凝霜鑄髮無星亂至于淑問家式

妙遠堂全集

祭文一

十四

里讚陋惠操觚耻輶設慢然則天之所以報
太夫人而可信爲理數之常者獨此聖善之
名而期願之算之期濁世梵天之日宗黨
於焉盡傷而行道亦爲永歎雖然我聞服田
是播是封偶當獲儉會且年逢我聞導河決
防去壅暫疑竭澤終快朝宗惟太夫人貞靜
溫恭厥遺未食必芽而種太谷之政有卓魯
風涓涓輒息將湖將江併茲兩息丁文孫躬

克顯門閥益熾益隆使後之上塚而醴奠謁
廟而修饗者頌太夫人爲黃之仰嫺而不徒
爲時之郝鍾則天之所以終佑太夫人者果
真爲變真爲窮哉

祭齊博士太翁文

嗚呼人生百年吾聞斯語卽開九表亦難其
侶伏生宿儒鬻子帝師童殺魏武鹿裘啟期
襟袖人倫芬香圖史今乃有翁惟翁有子司

妙遠堂全集

祭文一

十五

我邑鐸玉潤金融清凌積雪移若春風居恒
念翁大耋無二擬棄冠紳衷綵而戲詢翁視
較云方考寧步同奔馬曉燭飛蜩僉謂扶輿
精有獨注漢流比長太白同固云何一疾遽
爾歸全漆燈夜暗總帳朝懸博士苴麻雞骨
緩脊彼人師哉而孺子泣誠感行旅哀裂心
脾孰教之孝維翁之貽人惟無年與蟬蛻伍
其或無後與草木腐翁維三鳳兩長芹宮仲

也代養亦號明農生則備物歿則中禮世法
天倫可無憾矣厥神行天騎烝徜徉帝彼儼
忽友此彭殤望翁蒿里醜我椒醕鄉人之思
博士之故

公祭田月桂文

嗚呼里閭右族寔首諸田惟公挺生紅蕖紫
荃譽由舞勺業勛懷鉛蒼蒼雲岫冷冷雪絃
乃秀于澤乃觀于國豈乏長風六翮展息以
妙遠堂全集 祭文一 十六

糞以畚嘉秋弗獲遇固有司天誰與直同人
訂社文酒招搖惟公高戶百觚一蕉有時堅
壁或雨羣蠶燭銀漣滅山玉嵯峨五十五年
倏如彈指豈夢瓊瑰遽歌蒿里竹林歡滅荆
樹花萎塵尾朝懸笛聲夜起有情之癡夫人
所同乃惟公身如繆斯龍舌之李陽室類敬
通市焉興寄誰誦于躬服紫輪朱或易如掇
乃惟公學偏斬之達卽儼于官數子而奪狀

轅哀嘶奚翼奚祢總公生平豐屯寡夷獨此
坦衷獨此古儀儼披皎日若履壯趙繫在知
交同稱匪私憶公年來神爽黜跪凡愛公者
憂心煩憊風輪不停林枯已撼驢鳴助悲鶯
求加慘公之故廬于闔于垆呱呱血胤落落
哇下苗苗日媽槐榆霧青依然城郭誰尋戶
庭率侶詣公蘭秋月旣厥初是辰今已稱忌
生則有觴歿則有醕幽冥萬年俯仰一涕鳴
妙遠堂全集 祭文一 十七

呼傷哉

公祭高養吾文

稽山翠樾鏡水淪漣凝品吐秀乃產豪賢上
者鸞翔三事卿相次亦豹隱五湖伉儷惟翁
早歲抵掌多奇僉稱唐舉水鏡無私雖遊大
人侃侃自見又如君卿喉舌是擅孤雲出岫
俄止豫南格甘白水自買青山世澤蒸蒸芝
蘭迭盛翁敦義方納之于正神駒汗血京國

雍容文惟亡害與乃亢宗翁心孔愉陶然林
麓鳴冠鹿裘綠尊紅燭撫時逸世正議斷斷
彥方在里未俗還淳八十餘齡方瞳如電挺
若長松能傲霜霰胡然一疾遽返冥寥命能
順受魂豈須招某等列在枌榆夙同風誼椒
漿告虔翁其無棄

擬祭楊太翁文

嗚呼洪河混濊俯漣百川遡源星宿萬里通

妙遠堂全集

祭文一

十八

天嶽首岱峰屯雲翬烟小分蒙繹雄長東偏
積厚斯彰有間必始太公象之早爲名士氣
潔氷霜韻香蘭芷救雀等仁雕蟲何耻乃啟
柱史棟礎明堂彈琴雄馳弭筆鵠行文孫趾
跋天衢服箱麻聯簪笏器並珪璋太翁安之
色愉神王徑謝羊求侶偕禽向黃石蘿糧
龍選杖八紘眉睫五湖盆盎凡人所華列四
鳴珂乃惟公室蒸然太和唾涕圖史呶嚅

歌太丘遙慙其得孰多凡世所希百年九命

魏闕江湖出翁至性俠腸颺發丹誠霞漢萬
石醇謹亦遜其用柱史鳳鳴嶽嶽登車東越
離符南荒簡書民部英妙瓊葩始舒奉以出
入皆翁之餘翁年雖耄食德方半賴觀綠瞳
芝顏松榦胡蛻塵囂歛遊汗漫天或忌盈人
已無憾某夙與哲嗣附翼同心民部小友復
快披襟德比礪玉誼齊斷金故於知翁獨得

妙遠堂全集

祭文一

十九

其深凶問驚傳川崩濤壓方繫絳帷難驅白
馬敬撫哀衷臨風獨寫願駐素旂來舉斯筵
祭曹太師母文

嗚呼禹所營邑玉鈞之麓仰插天心俯維坤
軸將起鉅人乃先閨淑太君象之珠焚荃馥
宜贈公室蒸饋惟供投懷若燕占夢爲熊機
杼之緒以琢以礪時如陶母嘗所由隆嶽嶽
吾師鵠鵠虎受射策金閨佐楹淮甸栢棧之

春若慮攸徧時如雋母法所從識天官子晨
天語垂光笄珈翟茀雲漢其章太君在御厥
容孔莊乃云荆布我安我臧繁惟諫垣居

帝左右提絜風霆噫噓星斗時爲犯顏不皆
拜手師身母遺遂爲君有母顏肆頌孝可移
忠師殫全力夙夜于公以補袞闕以砥波衝
白毫赤膽無所咸宗爰育清卿鼎衡步武言
念太君乙身良苦疏金可揮萊衣仍舞出處

妙遠堂全集

祭文

二十

君親盛遭今古板輿朝捧彤管宵披豈無大
藥不駐麗眉歸真玄造返秘希夷存幾無憾
往亦奚悲獨我夫子嬰啼啞亞某等匪倫夙
由鍾冶啜醴知源庇陰思履鉢魏黃梅車慙
白馬然師之用皆母之年孰謂九命不輝于
阡孰爲千秋不翔于天荷遷軼壺弟子之虔

祭張太師母文

嗚呼在昔雋母屬于平反每閱解網輒爲加

殽以茲如保致化無宛更聞山公獨懸水鏡
時髦羣集哲媛竊聽各爲銓目推其度勝乃
知植治必厚斯豐乃知秉心必慧斯通如泉
肖源頽月印空於惟太君早偕燕婉運勳金
綺寄芬細管掌置鸞雛手光熊膽吾師奮迹
垂翮青雲一爲郡理衆覽祥刑存升天部衡
玉明廷皆奉母緒以成名德于以報之寵詞
於赫師邁念歸南陔是宅板輿偕止雍穆孔

妙遠堂全集

祭文

二十一

休呼禽祝噎種草忘憂卽還綵服尙繫珠旒
方今品倫玄黃瑤琬蒙塵以皮混魚于目易
面則鬼徵心如他欲融嶺治誰任神惟欲占
趨嚮誰作元龜人思安石師豈介推母胡不
留條焉遐邁總帳空懸輿車何在瞻彼儀型
儼然苦鬼獨稽榮養克備情文母魄安子師
身許君若寬餘地使樹嘉聞念駟弟兄稱門
下士譬彼食禾緬懷所自九京一觴千秋復

字

祭韓太夫人年伯母文

嗚呼太夫人竟脩然遐舉耶騏等覽觀古人
于母子之際蓋難之矣何論行役有嗟捧檄
有喜及夫介推以偕隱矢怨元直以方寸致
辭凡佚人烈士於道義事功名節利害之關
卽擢賢其胃斷在必往而不能不牽于內顧
寧惟顧復之思通于旻天或爲之母者識議

妙遠堂全集

祭文一

二十一

解力能出尋常帷閣簪笄外誠不可理譬而
情割也獨范滂之母不然曰汝與李柱齊名
吾復何恨乃知女人之賢明者伸其子之道
甚于欲其子之生想其胸中于國是人情必
有憤鬱于懷抱間者異其子一代爲宣吐之
非必鬻養以爲甘而膝遠以爲驪也太夫人
相伯氏爲賢婦撫求仲爲賢母旣以令聞棣
棣矣方求仲之冠廷掄官禁近人爲太夫人

樂而顧能穆然自如迨彼夫貝錦慘于鎮鄒
逐響者幾爲瘡大之瘳使太夫人幾微見眉
宇求仲能遂怡然乎而太夫人于于然含怡
葑護宮闈在封官綵在舞數年來慈情無方
之卒以高朗令終也然則太夫人之識請解
力烏可以尋常賢母擬之人徒欲匭求仲之
遇以憂求仲之親而不知乃所以安求仲之
身于太夫人前俾之發明其母子間道義之

妙遠堂全集

祭文一

二十三

素懷情文之克備也太夫人雖脩然遐舉寧
足戚耶抑賢明如太夫人其神行之必且高
視默听于形聲之表求仲遇抑伊久望實漸
隆其所以仰稽永慕爲脩身報國之具者當
何如鯁鯁焉是太夫人之不朽不在年也騏
等因以多太夫人之食報且期子之爲報稱
者非在浮議可限非浮榮可窮故敢舉以告
太夫人亦以非太夫人不可以此言告也

祭申年伯母文

滔滔洪河維梁之紀晶氣潛滋榮光浮起兆
大慶門乃先女史既嬪蒞人鳳和燕喜標芬
蘭芷竭勸蘋繁錦機不斷彤管自翻乃毓二
雛其文孔鵠引吭而顧導飛試鸞伯也出羣
蚤年騰蹕竹刻單符棠留六詔實奉母慈以
成國教仲尤奮翮乘風奔峭窺梧秘閣采葑
天池石渠栢臺咸用爲儀每云若節九膽之

妙遠堂全集

祭文一

二十四

貽好稱純素晝夜所知母方合脩有健七箸
彫胡可羹靈護果樹九命將新百年非遽胡
念上真輿車邁赴人誰不朽惟志易傷伯既
身侍仲亦子將究母之歸奚憾黃腸報母于
來紫朱孔揚仲也銜恤拜杖有莛骨同難支
淚將鯨寫某等猶子肩隨仲者未拜登堂忍
聞罷社爰陳椒醑遙望蘭幃栢倦斷澤松楸
分愁內則難宣中心若抽母神儼咫尺格于

幽

祭黃逢一年丈文

憶昔壬子子官倉部睠此蘭交于焉萍聚緒
言屢新古歡迭主比於竹林陶陶栩栩張生
伉浪得酣輒舞馮郎鬼殺長松出土賀監龍
躍馬卿鴻序子承其間或參或伍沈沈車轄
統統街鼓鯨吸百川羸視千古子倦而逃氣
竭強努願謝齊盟退甘邾莒有時微吟宮商

妙遠堂全集

祭文一

二十五

吞吐春容正始清冷小杜臂彼淪漪文霞以
組子饒鴻鉅匪獨風流身餐苦藥手運牙籌
嗽啁狐鼠泣問其幽入鮮曳綰出惟故裘忽
爾弗怡乃賦倦遊言指五羊杳鴻眇疇馬卿
遠使過子淹留云念故人若沉若浮尚煩齒
憶豈乏出郵胡觸霜露遽返山楸廬餘舊樹
川無靜流嗚呼倘竟子材何速弗際大必碩
儒小當循吏卽論子遇有植而刈駛電莫追

尺璧已碎紆朱拖紫豈其殊類惜我良人百
夫孔悲載經黃墟數子所私人琴朝霜隣笛
夜颺羽觴不波苔裊已移昔恨暫睽今真永
離素車欲邁山川間之傾淚和墨以寫我思
可復當筵可復舉卮嗚呼哀哉

祭徐年伯文

於惟同籍驚翔鵲起其共師門尤親毛裏徐
卿快友旁通具美于以知翁維翁有子譬彼

妙遠堂全集

祭文一

二十六

寶鼎煜煜九金譬彼脩幹落落千尋冰日浴
月攫枝瓦陰誰其爲之首山鄧林卿郎水衡
祿翁以報翁健往還鹿裘席帽孔碩丰容有
嚴履蹈人知翁子匪翁弗造孰斬翁才而舍
縹緲孰飲公翼而道輸枋洪河千里有曲逾
長亦如執勸乃獲其香居恒羨卿實福純遇
有懷二人得偕朝暮擇甘而嘯選溫以御賦
則大夫啼猶嬰孺翁之寄托于廬于田歎絕

旁騰勞必躬肩厥贖則緣而髮方玄僉謂斯
人小猶百年胡疾河魚石麟徂邁露自薤晞
山因木壞知翁所安修短奚礙矧翁所餘顯
揚方大獨卿鷄骨搏血而號卷我同人心焉
恒切薄陳翁格以解卿勞

公祭馬孺人文代

嗚呼少君還郡力挽鹿車砥操服禮無忝家
模徐淑饒藻花飛繡鋪亦有哲昆嘉譽同驅

妙遠堂全集

祭文一

二十七

於惟孺人三媛比德川后誕祥月娥分魄金
綺滌陣圖史弋獲匪貴是驕其儀弗忒鳳鳴
既川熊夢俄占方期綏祉如日初炎胡爲短
折膏火俄殲風猶憂珮星容掩奄嘉儷歎歎
孰襄孰鼓錦斷無章案閼莫舉令器英英孰
育孰撫盡茲淒涼傾捲酸楚其等粉落風同
蘭盟孔芳耳欽淑問心與歸藏合抒茲惻持
醢椒漿靈兮髣髴在上在旁

祭張漢峰文

惟君早歲三語聲翔提携鐵案出入琴堂俠
骨自抱小心孔臧譽推月旦志烈秋霜迫陟
天衢作尉秦隴枳棘陰低荏苒塵壅暢沙維
貴鴻弋是悚遠引蕭然曾不旋踵且曰丈夫
四方有志粉榆槁項寔非吾事上黨名區成
周王氣善賈是藏薄遊如寄駛哉駒隙淒矣
狐丘嚴裝首塗沉疴未瘳胡爲遐邁弗少遲

妙遠堂全集

祭文一

三六

留薤露無朝松風欲秋憶余弟弟門祚中落
夫或睨之風濤凌礪多君調護惟婉惟格識
蟠之飛窺熾于燭以茲莫逆雅共周旋酒人
擊筑姪女數錢有呼必應何役弗虔俯仰瞻
曩一十七年人所難忘云思與怨宛其死矣
總歸飛電不知若者君嘗掩面我號知君寧
無悽戀惟二三子遊好攸同墳草未宿帷燈
尚紅乃陳鷄絮爰叩鴻蒙靈旂倘臨鑒此素

衷

祭周老伯母文

嗚呼淮水湯湯胎簪蠱蠱蘊彩浮晶聿標閨
淑閨淑維何太君孔揚勸流錡金慶衍宗管
維周百世給諫崛起若屬于毛言提其耳如
羽斯括如華斯揉如引杼絲以繹以紉理郡
曰平侍帝惟近給諫之庸太君之訓帝聞穆
穆默不聞聲彤扉茂草青瑣晨星幾刊其印

妙遠堂全集

祭文一

三九

始予之節奉此四牡宜勞王國四牡克飭歸
御家園太君怡之無假樹護翼翼太君尚茹
眠食勉勉給諫重還而職胡天弗弔朝露俄
晞悲猿屢驚慈鳥不飛彼朱者裳乃麻如雪
彼素者旂乃建如月嗟嗟給諫忠孝是將孝
曰罔極忠則不違載帝之寵以襄蒿里永思
太君媚于天子某等不類奉接榆粉給諫私
之聖善孔云有歟盈遵有醴盈金願駐鸞輪

在上左右

祭楊太夫人年伯母文

於戲太夫人竟爾然棄修白養耶慈竹方茂
需護已喪雲黯黯而封廬風颭颭而側帳固
宜撫機杼以沈澗飲栴捲而愴恍第太夫人
蹈圖史中規繩宜家室格嘗蒸雖不出于閭
靡得而稱而修白少爲雋士長爲循吏孚六
德于忱恂恂一躬以砥礪今日時羽聞闔之

妙遠堂全集

祭文

三

間升華日月之際莫匪奉太夫人之緒餘以
引之勿替其于名也旣章章于世矣乃胡不
更綿歲時洽及貽耆以視修白之跋涉雲霄
從容台斗而返真涉于大迅食報歉其未久
第六垣禁近陟帝左右出則磊磊以立孺廉
頑入則諤諤以獻可替否是他日修白侍從
之身非復太夫人庭闈之有也乃當其辭承
明眷林壑固已御板輿而周圍戴華勝以加

爵條厭塵翳遡翔寥廓若惟此需次之日正

修白報太夫人之時而太夫人又若預釋其
顧復之念而隱覓其顯揚之期可謂去留靡
恡歿存俱怡者矣某等小子修白所篤午戌
兩闌驥附蠅逐何啻奏埴篲以齊聲比蕙蘭
而散馥未展登堂之拜已聞罷社之哭則自
修白而下悲太夫人之悲仰原太夫人之心
以俯慰修白昊天之想者非某等之責而奚
庸也生芻千里白水一觴臨風以呼詎無肅
肅洋洋者哉

妙遠堂全集

祭文

三

妙遠堂文結集目錄

祭文二

公祭王季高文

祭王季高文 代

祭石中嵩文

祭李尊翁文

祭閻小山翁文

祭齊明淵文

妙遠堂全集

祭文二目

一

祭岳翁岳姬文

祭陶太夫人文

祭劉漢垣文

祭董閻風年兄文

祭周夫人文

祭董大司馬夫人文

祭彭封公文

祭馬茂才文

祭馬茂才文 代

祭茂才劉漢垣文

祭孝廉陳景會文

祭王年伯文

祭茂才江龍翼文

祭胤從劉憲副文

祭楊太老年伯母文

祭田仁室文 代

妙遠堂全集

祭文二目

二

祭左仁室文 代

妙遠堂文結集

新野馬之駿仲良著

江都顧爾邁不盈閱

祭文二

公祭王季高文

嗚呼季高塊然長寢者二年于茲矣凡季高勝情雋氣談笑襟標業隨七尺俱冷而與季高友及困友以知季高者恒若企若追久而

妙遠堂全集

祭文二

三

逾新徬徨而不能已則季高之有所以永思也其等交天下士不爲不多陽天下變不能不感凡墨客韻人輕快靈動可喜可哢者固不乏人而至其以道義愛人以肝腸許人叩之必應持之必堅如吾季高者不一再遘也以故季高之生顯者歆其介操隱者樂其坦度而比其亾也邦君大夫敦維時之護之恩嫻姪交遊備易戚情文之致自所謂勝情雋

氣談笑襟標下至琴侶酒姬罔不追味餘言

纏悲宿草此則季高之所以爲季高也嗚呼

季高生爲吳人長遊天下安知于天下中有

宛宛中有新野而今之畢如而封其骨者非

所俯所仰之人也亦孰爲尸之而孰爲使之

嗚呼季高不定者遇不住者緣不朽者德不

昧者心吾儕撫几而呼知季高必掀髯以聽

妙遠堂全集

祭文二

四

之矣

祭王季高文代

嗚呼惟公南國才人西園名士嶽立孤標霞蒸藻思卽之意傾望者神企伊余淺淺深慙非類介我素交朱陳盟締自附蘿薦飲德幾醉有借隱言爲終老計憶公示病往詢惕次猶急卜居是託是寄燕壘未燥馳輪已逝五夜風酸九幽泉閉公之嬌女玉瑩珠媚寧惟

坤順足代震器公之寡嫠冰嚴霜厲拮据泉
麻操約僮婢松高有節逆淨無膩皆可逸公
厥問不墜古人一諾千金擲地張紉待引范
麥可施矧二姓歡有百年誼敢不力勉以成
公志公女我婦以育以誨我子公婿公嘗公
祀願怡玉京長笑勿喟茲啟佳城往安仙蛻
不泉不泄乃完乃垺魂無弗之神當不昧其
安斯土松楸永閼若公生平燬行高致宛彼
妙遠堂全集 祭文二 五

中郎碑詞罔規今昔懷耿死生途異吾醉吾
私一瀝一淚

祭石中嵩文

於戲白水滄漣絡繹穠襟楚結爲文星炳于冊
府碩果之實燦其可數惟公代典載舉旗鼓
翹村條篤砥質瑤琳肥猶鷄跖專同盡心江
花散彩魏樹隨陰八又官職十年鏡吟縱橫
墨陣有戰或靡公如飛將往必摩壘乃授選

擇升于 天子乃問桃渡乃遊槐里勝情
自選雋氣無前石書蔡邕笈負鄭玄盍簪白
下捐珮江邊僉期六翮鵬鶚秋天豈謂倦飛
借棲枳棘操匪尹刀棒同毛檄岩岩魚鳧絃
韻萬室以撫以摩小心翼翼睠彼哀鴻既翔
既翔寧無害焉且爬且搔雉雛羣唯鳧影雙
高覆焉則錦潤矣奚膏淑問聿揚芳猷彌振
皇路逶迤若授之鞠忽咏陶歸俄歎虞殯薤
妙遠堂全集 祭文二 六

已憐晞棠仍餘蔭伊余昆弟夙契椒蘭言聯
研席共插盟盤燕市淋漓逾敦古歡寧期揮
手遽至摧肝佳城既啟千秋長送向笛難聞
張紉無夢知公不亡翩翩三鳳吾志吾思憑
棺一慟

祭李尊翁文

廣陵名郡海掖江咽鬱紆川阜盤礴風烟既
饒靈氣代挺高賢亦有隱逸考繁樂天誰翁

早秀比潔蘭荃明農自喜市隱翛然荷簑植
杖巢林弄泉豈無稗熟擲之如捐霧隱類豹
露飲猶蟬伉浪幽貞逍遙大年以茲厭世奚
撼歸全况毓三麟頭角爭妍奉翁餘緒後福
方綿念余無似千里絲牽鳳占鵲比詎曰非
緣遙塞總悵特薦荷遵翁其有知來格几筵

祭閭小山翁文

小山閭先生以丁巳歲卒于正寢越四年庚

妙遠堂全集

祭文二

七

申其子出來告葬事某乃以持賻往併爲文
叩先生棺而哭之曰嶽嶽閭翁崛起龍畝洪
響笙鏞重姿圭鹵百氏醴鷄萬殊芻狗龍德
弗試獨全于酒先公早建翁附逾親允矣投
潦穰如飲醇肝披可析皮櫟皆真蔭同社樹
採並官芹翁厭側注旋冠紫綬蹕蹕五方棲
遲壑谷口非賤潦梁可樂曲譟廣庭高談
雄辭我公棲里歆伯周旋惟翁入暮朝夕觴

船次道傾釀汝陽墮涎狂呼五夜旁睨千年

箏鴈暗移燭龍初繼初若驗喙少俄橫厲掉

比怒鯨溺疑奔驥言衡槽丘推翁上第翁饒

曠致情亦攸鍾挑心季女斷袖明童無譽無

悶且玄且空黃金試藥白鶴依籠追余不造

游經大故往拜床下翁泣語絮勞我瓦盆勉

我竹素誼猶古人視同嬰孺翁晚舉雄庶籍

宗嘗莖棚草寶黍拒蘭漿逍遙負杖以引以

妙遠堂全集

祭文二

八

將尚希祖割胡遽舟藏昔賢有言賢聖寂寞
惟飲者名達人所托跡公生平實離縈縛具
腐銅山蓬蒿雲閣伯倫荷插云死卽埋泉
營葬陶家是懷返其真宅蛻此遺骸知無怛
化與古爲儕獨我悲翁因悲先子生同翁辰
寔先翁死今倘遇之遽須之卽以茲臨穴洗
瀾不已

祭齊明淵文

嗚呼在昔鷄壇友坐膠漆惟予名家代有郢
質鄭草紆帶江花繞筆間值操觚旗鼓一室
孤詣斷髯湛思踟躕壁文成把視楮墨驚黑纏
綿蘭絲蛇蜿蜒鳥跡午閑跼踖北溟已激誰負
大翼翮風無力小隱豹斑終悲驥櫪豈命不
肖於寶共惜物情芸芸智殫巧悉子獨頽然
視夷蟻蝨馬呼則應鷗機永息寄命濁醪陶
陶朝夕庶幾古人八仙六逸江湖益益天地

妙遠堂全集

祭文二

九

幕席何以佐歡玉管清瑟黛眉屢請談轂亦
炙齊環帷婦平原笑汲子全于天匪形爲役
燕姑固媚敬通同疾荔挺側生前天音
擊尔謝白日忽匿在再歲時佳城已甕積雪
川原淒風帷帶其在路人於心孔亮龍焉同
好能無限泣華屋壘悲酒釭戎威備子照臨
鑒此芬苾

祭岳翁岳嫂文

嗚呼湍水西帶穰封東趾風會所交晶光漫
瀾篤生翁姬琮璜雙美早厭塵囂幸安田里
汜勝之書神農之史仲長之宅子真之未以
籽以播以董以理如蝸潤屋似燕營壘素封
可豪義問亦侈脰彼若涉翁梁其圯問誰佐
之孺人麻泉既鞠雙麟頭角疑疑德固儉承
家亦貲起舞綵曳朱娛翁暮齒憶翁倬幹豐
頤方履茅柴滄然禾黍遂矣歲時伏臘烹鮮

妙遠堂全集

祭文二

十

而喜修焉松凋姬亦蘭萎惟余長胤牽絲翁
子言念周旋愾焉生死白日弗以玄扃弘啟
爰酌翁靈異姬偕止

祭陶太夫人文

嗚呼在昔湛母留賓截髮遂使士行令聞震
世厥宗百葉爲里名裔崛起雲間珪璋特貴
亦有聖善闔儀唯闕靜好孔閑毛裏均視靈
相太翁聿稱士女迫秉筦鑰逾嚴漿饋機杼

窮操金鍾手計有虞則權靡役弗勤雲間安
之內政有寄精白乃官崇閣于治胡爲弗留
厥車長逝玉隕珠傾栢枯蘭刈繫余犬豚呱
呱弗類於惟仲孫姻嬋夙締式靈慈淑能無
隕涕何以抒哀香蘋芳桂何以銘德丹旌素
旆

祭劉漢垣文

嗚呼與君隔面未經旬日往卽君廬送迎非

妙遠堂全集

祭文二

十一

昔有童兀兀不聞掃席有稚呱呱不聞繞膝
移冠于榼置帷于室君果何之痛來填臆惟
君韶歲磊砢英多千里壯心伏瀝有歌便使
經筵森森文波柔翰淋漓殘燈揣摩老生自
命飛將奚過殆歛春華于喬于柯至於一往
勝情奔詣酒雖小戶談則深致調笑名姬謔
訶俗士下迨方言里謠諠諠中等機發麗猶
玉綴座無車公使人歡廢膳惟金斷匪獨段

連元直呼忝鍾期拊絃有來不速何役弗虔

倉卒可致悲愉代宣醉恒累月交直忘年白

日壺冰肺肝皎然憶君年來酒酣輒起絮語

夜深托我妻子居恒調君皆迂謀耳更二十

禩乃宜及此奄忽若斯宛其識矣金石可刊

山嶽靡徙王敦開閣病散樂部白公頽齡亦

遭焚素若有專姬游經大故或云斧斤寧知

電露達人死情庸夫死數試問彭于秋旦

妙遠堂全集

祭文二

十二

暮君之佳胤頭角爭高長旣嶽立少亦蘭苞
譬生丹穴自罕凡毛舊德方食餘絲可縲矧
彼荆樹輝映周遭君雖長卧奚恒奚切獨感
君亾倍歎浮世無幾權榮真同蕉脆元伯夢
呼子張玄契薄醺椒漿往呼幄次復此友朋
復此兄弟君能蹶然舉一觴未

祭董閭風年兄文

嗚呼資江之淵寔生二龍一龍行天雲雷以

從惠彼楚澤露濯膏醲章爲帝袞黼粉其容
柱下臺端是名雄職惟公嶽嶽百僚矜式出
岸豸冠入簪狐筆萃彼梧桐半其屈洪森茲
小醜腥穢巴渝怒螳不戢瘼徇何殊夢延黔
部同惡相須已盈人怨奚遑天誅 帝念危
疆簡書是畀僉推公才叱馭勿避公本蜀產
而受黔寄不遑家卹爲國攬轡是時道路赤
白証傳憶公過我殘燈輾然於何躡瑕於何

妙遠堂全集

祭文二

十三

陷堅釜中聞泣掌上罔全刊袂無幾云次南
郡訛言繁興倏承凶問公司黔命乃傷蜀憤
家慶永捐國威誰奮岷嶓涸流屹屹嗟嗟歸
舟狹狹旅慢蚺蟻窈窕山鬼蒼茫楚妃凡茲
情事行道獻欬某等同人駢肩接武緬憶經
遺從密賓主別榻未寒離唱可譜雲雨一乖
蓬蒿終古我如鍾子絃絕知音矧彼王猷抱
痛人琴寓書醴酒以寫此心風馬雲旗公神

倘臨

祭周夫人文

於戲自昔壘魁之臣必有靜貞之佐儼景則
鵷飛比聲則鶴和桓甘勤于鹿車之推王砥
操于牛衣之卧迹留縑素常新名與琳瑯同
播然而事有非望理不可齊蘭或蕤而霜折
桂甫魄而雲迷則有安仁藻麗奉倩神悽孫
楚之情文宛轉秦嘉之贈荅際携足以迸猿

妙遠堂全集

祭文二

十四

賜而立斷灑鵲血以長啼乃夫人之相夫子
左女士之偕國彥方其新命朝被宿裝晨餞
指輶轅背畿甸經草露于鈿車送荷風于紉
扇驚帷裏之身輕颯鏡中之顏變僕夫卒瘁
稚兒悲戀續斷之膠不靈返魂之香無驗慘
如之何悲孰與唁而况法曹雄職如星麗天
豸冠俯仰馳馬後先簡書之賜孔邇雲霓之
望同虔羣瑞之條駘載道列城之手攀駟肩

乃忽爾踐妖夢于炊臼鼓哀音于絕絃寧獨
心易傷夫廣柳寔亦神難叩于筵簞噫嘻生
寄死歸達人所目生榮死哀世相所穀夫人
雖埋玉于首丘夫子方漸鴻于大陸于以祗
羣生明庶獄入踳跋于臺垣洵從容于衡軸
百年綿澤于箕裘九命式靈于宰木固將駟
玉蚪以逍遙奚爲傷蟪蛄之短促與臨觴以
洋洋慰臧辭之翬翬

妙遠堂全集

祭文二

十五

祭董大司馬夫人文

於戲淵淵雄都黃圖隨柱襟辰山川晶英麗
同篤生鉅公以襲天步亦有哲媛闡標聿樹
於惟夫人淵韞珠輝旣諧鳳卜遄警蟲飛琮
璜在佩瓊積充幃言贊績學視此殘機赫赫
司馬天衢昂首循令名郎隼旗螭紐夫人佐
之有嚴門牡彤管素絲借芬人口甘泉驚火
潢池沸麻乃拜司馬決勝攻瑕在天喉舌爲

王爪牙憂微顧內公違恤家乃駕鸞車歸全
何暇帝閣震悼窳封題奏國有彝章人榮殊
邁豈獨里人春音不又我聞緯婦卹在宗周
忍哉將起乃爲身謀孤忠小察勇往無尤矧
茲賢淑寧昧同讐代成有終婦責臣道尙佑
司馬張皇天討熱金景鍾榮名爲寶潘賦空
傳莊盆奚悞惟某下吏耳熟遺芳心驚薤露
誼切維桑束芻灑墨以介淋浪與靈格止在

妙遠堂全集

祭文二

十六

上在旁

祭彭封公文

丹析之區秦豫之會流峙清英龍從睽帶絨
靈輶彩幾千百年乃生鴻鑑出而承天惟翁
詔齡蟬珠荆璧蔚起豹文澤同雞跣誰使含
章棲遲一丘杼其餘緒以授弓裘偉矣冢君
皐夔奇表羣曲看花石渠視草入而啟沃出
則譬繡春容德宇旁魄詞源惟禁近臣帝恩

隆渥佩此蔥珩易翁褒博翁拜稽首間黨華
之於鄉祭酒方德人師南宮新猷初元爲盛
僉惟家君畀以藻鏡旣載桃李遂獲梗楠言
念翁衰駟還宛南素髮堂上綠衣堂下聚順
蒸和堦莫屢謝露胡晞薤星遽乘箕山摧川
濶遠邇驚悲凡民所願貴子賢子貴則鬻金
賢則圖史稽翁遭遘庶幾能兼榮名永寶乘
化何嫌緊如某等牛馬下走辱交冢君步趨

妙遠堂全集

祭文二

十七

恐後爰馳薄酌皮達微衷於瞻靈止颯然惠
風

祭馬茂才文

嗚呼柱峰截嶺漢水淪漣品英効魄乃啟名
賢惟翁壯齒南郡經傳夢生絳筆賦比青錢
草抽帶文波倒泉篤生龍種歷塊爭先伯
仲立仲更霞寒女蘿附柏千里絲牽翁時
撫視得奉賓筵白浮長夜青踏春田寄歡盛

瞻謝勛丹鉛神明湛王意度踟躕晚安故里
霧隱雲眠如何一疾遽返荒阡人倫所貴曰
惟大年翁已八袞矣憾歸令仲道歸省莊欄
膝前流觴營藥倍竭精皮諸孫疏秀世澤之
延快翔寥廓莫叩幽玄是等茂才
賜煎欲驅白馬脩阻山川奚瞻宿草敬辭序
遷祈翁歆格靈來儼然

祭馬茂才文代

妙遠堂全集

祭文二

十八

嗚呼惟夜光之靈珠兮必蚌淵之所貽彼子
霄之松檜兮寔托根于崔嵬家或承而愈上
兮機有輪而必開邇太翁之嘯起兮懸壯志
于九垓早采芹而歌狂狷兮復置河而念僚
枚氣凌而嶽嶽兮書懷雪以醴醴雖九苞之
未煥兮豈雙關之遽摧鞠兩駒並五花兮仲
尤號乎龍媒既折薪之克荷兮翁曰吾卷而
可懷寄野情于農圃兮付世事于蒿萊策青

疇之短策今映紅燭之深杯詰婦齊顏于白
首兮文孫迭啟而朱良入香山而遊社兮釣
渭水而均才謂百齡其未艾兮胡少微之遭
災風颺颺于曉帷兮燦沉沉其夜臺惟某等
之無似兮交仲子兮無猜比焉蘿以枝附兮
或芝蘭以佩裁皆承訃以驚惶兮欲奔哭而
徘徊托微誠于瓣香兮靈其鑒而悅來

祭茂才劉漢垣文

妙遠堂全集

祭文二

十九

於戲辛酉之春公捐貲客往撫公棺寒飈蕭
瑟瀝酒于觴裂情于帛奄忽及今幾更其英
戶庭無改音問永隔憶惟重九離花堪摘長
君折簡招邀西陌卽公故廬俯仰陳迹抒爲
短章鴈聲淒咽比于向生山陽聞笛倘公冥
冥能鑒而頽公之冢器圭璋金錫庠重警髦
同推溫克仲亦鵬奮長風待積季如蘭芽扶
地甫入行且于雲條柯森立諸昆輝鬱羣倚

聯璧計在九京輟焉心懌惟此玄冬往啟幽
宅霜樹減紅土花沉碧執紼引棺友生之役
椒漿憶邁公其枉格

祭孝廉陳景會文

妙遠堂全集

祭文二

二十

武陵幔亭翠棹杳冥激英噴靈惟公揮藹乃
鍾厥美亢宗而起汲汲丹鉛藁蔗研田詎不
逢年局困弗顧玉杯繁露廣川同步六翮旣
舒風積之餘登賢能書長馭胡絳代耕而宦
數學相半橐裝一肩舊物青瑣此外蕭然惟
便便腹觸爲理窟載爲經簾巨挺洪鍾清流
溶溶寧憚惠風公時起舞掩關攻苦尚友千
古發爲文章雲霞其光山海其藏學徒泯泯
咸歎負笈入芝蘭室公如國工靡材弗籠芝
渤攸同又如巨冶過物而寫寸長罔舍淋漓
勝情唇舌君卿杯鎗涉兵江嶠海月肴烝錯
列擊鮮召客必手拒羅以脯以歌問夜如何

闌干首肯曾不眉蹙熙熙春谷居竊思惟公德可師公羽可儀是必華騰爲國柱礎完福純嘏詎謂歸元一疾永淪乃作羈魂憶夏之夜延公曲榭深杯嘉話中席而興聒嚚膏騰神若罔憑亟掖歸止維投藥餌屢訊有喜繼徽及秋長桑殫謀云苦弗瘳省公于卧公猶獨坐寒暄酬和私諡丰容陽氣屯蒙憂心忡忡菊黃萸紫於時無幾俄岱遊矣嗟公之生

妙遠堂全集

祭文二

二上

孝友和平姜被田荆卽以皮相豐頤巨吭火色騰上執子之才孰逢之災旣植而摧仍弗遺勅斬其血胤理數奚信霜月鬱陶水颺刁騷卑雖畫號門閭百歲屹屹一第蒿草同翳其在路人猶爲沾巾而况同倫門墻高足孰堂于哭孰場于築廣柳間開跋涉雲山萬里言還生則祝輟死則挽鐸念之心惻其等散樽辱攬公袪斷金弗如焚椒陳楮揮涕成雨

公其勿吐

祭王年伯文

凡人所貴壽豈考終亦異有子列釜鳴鐘概諸羣倫遊會廣同陟岵有望叱馭爲忠南陔棲遲北門怨漏乃惟翔翥備極尊崇日雖葵捧山仍梓恭以扶以將必親必躬是爲完福家戶希逢以視方今其我太公太公少日履脫樊籠市朝機寡丘壑道豐迨啟民部玉樹

妙遠堂全集

祭文二

三上

蘭叢三冬旣足六翩高柳循吏清郎霜寒露濃懋承庭訓蔚作儒宗帝曰都哉源深派洪驚章渙紫象服紆紅民部嶽嶽如日方瞳言念公年憂心載忡陳情有疏手叩宸聰芥茲鷄肋歸問鳩節厠膺自浣滌滌代充公逾難老宣髮方瞳盟恒共鳥醉合稱龍沈冥方外耆英社中俯仰數年搜洩融融如何厭棄遽遊太空以齒則耄以爵則封隱逸可傳義方

可風履順歸全往侶鴻濛於惟民部爲時機
隆起而報國駿業膚功三旌九命將貢幽宮
顯揚光大奚際奚窮某等小子自顧顛侗肩
隨令嗣視翁猶翁素車絮酒聊剖微衷庶幾
几筵盼嚮可通

祭茂才江龍翼文

嗚呼人言交誼死生乃知范張夢葬國罕腹
悲亦有製服亦有分宅我思古人展矣心獲

妙遠堂全集

祭文二

三三

惟予之徂七易星霜念昔周旋觸境盡傷促
坐傳杯分題角藝何殊夢中空華無蒂閒閑
雖近邈若河山青繩自弔白鶴難還應門減
童行園易主衰草郊原陰雲庭宇子之遺孀
泣水嶢然崩城有淚泣柏成篇詎期舊藹迷
陽塞路日暮斧斤本恨奚顧城沙狐涎虎視
齋食惻惻摧殘如恐不力汚邪 膳方家
困苑彼松楸錯爲東嶺彼斃刑布其庭 主

羣評而前將爲刀組致未以人過市歔歔凡
茲里黨咸爲淚揮嗟豪無良衰如充耳猶肆
淫兇誰訶惡凡六尺之蛻未掩一抔鼠牙速
訟幾墮狂謀子生何辜而罹茲酷憐我同盟
如卽于谷惟子厚德助順者天况復乘龍毛
裏均焉佳城既啟玄冬引緋萬緒紛京有同
初沒弟聞先正貴在達生聖賢莫度今古代
更爲怨爲恩瞑奚知矣計所微憾在於思餒

妙遠堂全集

祭文二

三四

中郎傳女伯道覆宗香山趣勝摩詰懷冲以
子相方何庸爲感還氣太虛潛形玄室蘭肴
挂酒敘此生平有竭者詞無已者情

祭胤從劉憲副文

嗚呼黃圖那魏其氣決決生公魁碩驥首天
關出佐名郡人稱清郎覆猶衣被斷則斧折
朱彼兩轡來蔽死土壁有稿魚渡傳號虎令
問仁心塗歌巷舞其在小子無煩樓數億其

是時稱譽諸生某試童子公造之成升其儔
侶策使長鳴芝蘭幸接桃李知榮不賤下邑
于旄子子遂使席門有長者轍自顧雲泥屏
息于側引共賓筵惟公折節銀罍手薦以行
客觴公曰無庸僕素是臧余苦饒熱汝苦周
防陶尊草具竟夕頽唐丙午之秋梁園升士
讀我賢書占公眉喜云胡雙鳳不借飛止歎
使夷猶言猶轟耳名雖瑣知窺公德源由此

妙遠堂全集

祭文二

十五

祭楊太老年伯母文

嗚呼世不乏隱約詩書蟬聯圭組一命三命
起而稱封太公者然就有迹阜壤而心闕廷
感時致主以憂樂爲已任如可亭先生者乎
轍朱丹而衣青紫莫非王臣然孰有讜言正
色諤諤班行如中丞公曙大體勤小物洞軍
國之計綜核精敏如司農文弱者乎太夫人
主可亭先生之饋而母中丞公若屬于毛撫
司農稱王母其素所浸灌激發于忠義道德
之言何如也往遺難之初棘也中丞公實御
可亭先生以造于朝先生扼腕而顧中丞曰
車驅之車驅之奈何以賊遺君父中丞夕入
春明門而朝上明光之牘凡所爲急材賢籌
兵食如破髮救焚不肯但已雖以是觸時豪
之忌而可亭先生憂國急公之腸振暴于天
下迨先生鬱鬱以中死中丞鵲骨支牀司農
復出而肩莞鑰之寄握算縱橫古爭毗裂爲

妙遠堂全集

祭文二

十六

嚴塞待餽糧爲縣宇惜膏血使天下壯而稱
之曰是父是子計太夫人雖深居閨闈所聞
司農之狀于中丞公以仰瞻可亭先生之宰
木于以愜然若太息者必且爲小慰矣今建
氛未戢且絀于蜀擾于黔四海脊脊多事倍
于中丞御父造朝之時大江以西雖號爲清
謐然民生日蹙利頭大鬚探九伏莽之衆詎
得無操飛艤窺左足出沒于波濤間者

妙遠堂全集

祭文二

二十七

天子赫然持節鉞以畀中丞公千里長城方
拭日廓清勘定之効而太夫人棄祿養不少
留矣嗟哉此豈太夫人遨遊白雲鄉時耶中
丞公蔥珩朱芾未免易而麻衣大纛高牙未
免易而直杖是昔可亭先生以疆圉之安危
中丞之出處爲一身之榮瘁而今太夫人以
一身之榮瘁爲中丞之出處疆圉之安危其
等附在司農騷尾素奉教于中丞公耳目可

亭先生向時急公憂國往來顯隱之迹者得
不爲天下悲太夫人耶若太夫人生平聖善
之儀茲惠之節織屨給養如翟方進之母中
丞左右無方口不言老如胡廣其他六珈翟
律之榮璫珠含玉之典此猶薦申家戶所有
而奚足爲太夫人稱焉

祭田叻室文

代

嗚呼惟姊之亾垂十三稔霜栢已圍烟蕪長

妙遠堂全集

祭文二

二十八

翳歲時高堂喟焉嘔涕悼若蘭芽胡殖
胡暫聚艱胡長別易姊丈旣官皇綸乃責夜
川不暇斷錦同麗生者增悲逝者或慰茲歸
若阡言啟其蛻譬客還里如物返寄是憑是
安庶俾無戾醴酒刲牲音容眇跼緒追端
初喪不異心之哀矣言不盡意

祭左亡室文

代

於戲芝蕙蕙敗玉折珠淪寧惟主者旁觀若

原缺

妙遠堂文爲集目錄

誄

馮宋臣誄 有序

頌

東田頌 有序

贊

游羽儀像贊

張忠鼎像贊

妙遠堂全集 目錄

帳詞

奉賀唐國大王六袞令誕帳詞 有引

賀劉同告明府壽帳詞 有引

奉送邑侯白鹿司公榮擢淮陽障詞

小引

白雲集小引

棹雪篇引

唱和吟小引

客邸塵譚小引

池塘餘習引

沈景倩集唐小引

葉茂先詩小引

陸君騰制義小引

妙遠堂文爲集 終

妙遠堂全集 目錄

妙遠堂文爲集

新野馬之駿仲良著

歸安韓 敬求仲閣

誄一

馮宋臣誄 有序

宋臣諱汝京余庚戌同籍中友生也宛
水鐸其情瀾敬亭截其道慨載遷帝里
早奮賢科始長四門蘊朱監以成彩晉

妙遠堂全集

誄一

三

籌九府矢清白以盟心固已儀羽表于
天間鼎鼐負其地望矣迫司遼庾洵值
奴氛通緩急以撻笄鞭門真如水商陰
夷而佐帷箸米可爲山盛酒消睨褐之
嗟單醪愜飲河之願勤于輪轉播在聲
謠遂被命師中治兵上谷老謀惟競小
物克勤履屐咸宜謝幼輿之通識手口
並給劉道和之敏藪人中之子將儉歲

之梁稷宋臣有焉俄點樂羊之書卽返

季鷹之駕霜露沉滯舟楫逡巡甫受日

于膝前倏還星于箕尾矣嗚呼痛哉宗

臣有追琢君子之章具河海公侯之相

而修轡未騁長寢都捐里見爲之輟舂

國士泣其撓棟昔仲宣淪喪于建述哀

徵士還真廷之揆藻况余交深曩哲感

切同人敬銘德于素旂真成言于黃壤

妙遠堂全集

誄一

四

誄曰

粵惟畢公食采于馮代延圭組蘭臯桂叢驩
雖辨士異則元功野王吏績仲文儒宗更二
千年川嶽攸鍾何以象君敬亭雲氣言念舊
京江山綺麗鳳輝覽止豹文炳蔚張憑理窟
邊韶經筵唾米成珠賦聲擲地明廷射策去
羶取爽爰分教鐸允足人師舍曹秉鑰出納
惟時處周木屑潤絕膏肓三年餘蓄七萃騰

嬉司計於遼迫憲上谷咸值邊烽狼奔豕突
烟塵坐臥雪霜桺汴洞若發機圓同轉軸作
九州被爲百間屋輓者方力忌者何庸寧勞
繒繳自引冥鴻酒賦可續郊居有宮人稱江
左帝念雲中薤胡晞露楊已悲風嗚呼緬
昔長安肩隨出入佩比韋茲投同膠漆聚卽
占星別無間日笑顰共貫肝腑畢瀝嵇阮非
狂王貢伊尼我從謫籍銜卹奔還及諸舟中

妙素堂全集

詠一

五

扶掖以前召苦二監余恨終天無言寒燠有
涕而漣江波咽流峰文黯烟以茲分袂惻惻
不已云寫離心素書雙鯉使方及戶弔已在
里元伯無夢罕生莫起味絕芝蘭韻零山水
爲吏則廉爲臣則貞爲友則信爲士則誠節
可授艱才可定傾凡茲數者人貌榮名乃其
懿美幾無得稱向在郎曹有虛銓席惟君里
人時論甲乙君曰無競委蛇何恤遠之若宛

卽焉欲匿使昇驟夫枌榆荆棘於時國論鉤
黨攀援察士凌諄譏人捷幡競分黑白君示
同立餘波濺腥覆轍摧轅如漢中屠超然獨
存至於居恒勝情藻思投轄之歡揮塵之致
陸雲工笑衛武善戲俱戕一棺蓬蒿掩翳公
爲才惜私爲情涕嗚呼痛哉

頌一

東田頌

有序

妙素堂全集

頌一

六

蓋聞至仁象帝則耕鑿之力忘太和在
民則鐘鼓之響作匪唯依聲斯永抑亦
靡德不酬白鹿司侯叶辰緯之瑞符標
雲霞之雋氣燃糠永夜五車庀其匠材
爲玉豐年百里寄以郎宿製無傷錦割
有良刀魯仲康之雉雉自親王稚子之
露井不宿焯然于昔方之茂如乃復越
阡陌考圖經咨楚豫之舊墟稽召杜之

漣迹雖厥田中下版戶饜夫蒿藜然其
畝東南縣花接于粳稻於是因地之利
辨土之宜漑洩植以科條耘耨扶其逸
情涇水之泥數斗爰盡人官翟陂之鵠
兩言有同神授三時無奪其年有成民
乃甘食以相往來稿項而無逋勾既應
既教不識不知吾侯且飲玄漿以澡羣
引智炬而燭事矢清肺石香盈口碑徵

發眇歛箕之讒踐更樂出郊之問尤爲
神爵所闕紀庚桑其遜休矣茲季夏日
屬吾侯攬揆之辰邑北甌民某等積此
芹愚忘其泉賤爭持牛酒往集鳧堂某
爲遠繹曲風彌觥之文上采魯宮在泮
之義以爲古詩之作有頌頌者所以志
祈報傳誦思也吾侯博物負君子之稱
登高擅大夫之賦誠以爲監皇聲而奏

渠吾不若歌穠稭以快穠穠之願疇康
疆而祝男壽無寧進襍禩以通款款之
誠詎非以其真而不飾久而無誼者乎
其辭曰

維新九邑衆流滙之白則奔突深則漣漪漢
有名守曰信臣詩多方引漑萬室以滋如豹
漳水猶景浚儀旱溢靡常丘陵乃移拆龜敗
製耘鳥差池天錫司侯來字憚黎允武且文

旣秀而頤置燭闔室引刀亂絲鸞鳳仁只鷗
鷗閔斯周原撫撫實切詢謚星言露宿股毛
足朕謂此利源自棄若遺胡家埋玉而市啼
飢乃究分合乃辨經史約其汎濫正其徑欹
灌則有候洩則如馳下竹以捷置石爲坻微
波始通醴於秧陂針青紋綠迎眸渺瀰旣驅
蟻騰亦集鳧鷖爰躍魴鯉或伐紫螭秋實告
成倉箱溢而俯仰以遂婦子載婦今也持梁

昔也脯麋昔黔滅突今白流脂嗟欲報侯靡
肖厥施有父之尊有母之慈工爲水官食爲
農師兀兀者禾稂稗必治侯則於邑鋤姦詰
疵荏蒲銷警難本亡議惟農有畔罔或越思
侯則于政運掌察眉片言能折百世爲規我
聞茲辰皇路弗夷行者于戈賦者鞭笞庇于
侯宇庶幾弗知往登公堂丹靚素願迎而勞
苦如覲所私何以象侯寒旭炎颺何以獻侯

妙遠堂全集

贊一

九

駢莖兩岐龍德見田鴻羽儀達豈弟君子百
祿寵綏誰謂天高而聽則卑輶軒可採願達
謠辭

贊一

游羽儀像贊

武夷疑骨滄溟澡肺穆乎冲襟輟焉高視航
虞卿之著書而非窮愁有平叔之入理而無
巧累驥首昂共一鳴鳧原表夫三異圖將與

天爲徒乃復中人之忌而猶剽焚履屨絕瑕
遠賦囊空蕙苴之珠庭結椒蘭之佩聽風泉
而偶絃釀玄釋以頻醉試觀其豐順隆準霞
情淵致必翅翔衡軸以蔚爲偉人卽宰割方
隅而不失循吏自可相皮而知我將爲期而
侯寧惟標其獨往之神亦聊壯此同病之氣
也耶

張忠昭像贊

妙遠堂全集

贊一

十

宦不爲巧隱不爲孤儒不爲僞禪不爲枯志
和箬笠元亮藍輿白蓮春吐紫芝晚鋪素女
伶俜宰官必芻凡我所譜筆不能圖乃惟瑩
膚乃惟魁軀冲焉若歛積焉若餘莊生所謂
與天爲徒其斯人歟

帳詞一

奉賀唐國太王六表令誕帳詞

有引

伏以瓊樹分柯屈川至日升之運仙雲吐葉

開虹流電繞之祥歡聲徧洽于茅封遐慶駢
增于箕福鶴觴方御鳬藻隨廚恭惟某聰達
凝資溫文浴德剪桐啟祚包雉衡清水以疏
疆訓梓垂篇實繁弱夏璜而作鎮雅度式其
如玉壯猷允矣維城輸帛以憂邊陋曹恤
通親之表執杯棬而飲慕帙周王問寢之文
散十牘之墨精軸三雍之策府彙淮南之字
出入風霜探孔壁之書鏗鏘琴瑟建羽儀于

妙蓮堂集

帳詞

十一

宗牒隆寵眷于帝心車馬弓矢之賜接于途
琬琰絲綸之章表諸國芙蓉開苑溯容與以
方舟修竹夾池映檀栾於飛蓋惟賢者而樂
靈沼師牧子以問具茨綠字丹臺永勒清虛
之籍朱輅素輅方安熙洽之朝渤澥之塵且
揚春陵之氣長紫禁逢周曆適際玄冬松檖
霜濤韻大夫于墀陛木含凍甲標貞女于巖
阿清冷浮甘谷之杯縹緲下緱山之駕鯢紇

晨撥晴宇雷傳螺黛夜陳冰谿花笑寧惟拉
八公而爲友抑將指五嶽以名賓號比冥靈
當八百歲誦莊生之樹謔成童殺更三十年
稱衛武之詩某幸廁衣冠猥叨蘿薦薦安期
之大棗欲做烟雲奏宋玉之小言獨慙金石
願駐屬車之響少聆下里之歌詞曰

朱門寒薄香霧霏簾幕炙鵝管饅鱗臠指揮
羽葆集咳唾珠璣落誰能學屏藩皇室如山

妙蓮堂集

帳詞

十二

嶽○英問雙丸躍甲子周如昨南飛唱西園
酌賓筵盛枚馬陸地期佺偓君王樂年年笑
對瑤池鶴

賀劉同吾明府壽帳詞

有引

伏以製錦蜚英白水振絃歌之化充間叶瑞
紫氛開弧矢之祥恩載維郊歡騰鳬藻恭惟
明府棟隆杞梓劍淬芙蓉系本帝堯主組代
延于世澤書稱臣向縑緗風富于家傳雞接

晨談鳳從夜吐王子淵頌成聖主句簪龍文
李供奉才本仙人廷揚霞采臺千金而市骨
橋萬里以題名道固委蛇誰變投珠之色器
優盤錯仍開展驥之區取琴瑟以更張臥桁
楊而弗試春風繞郭香迎潘岳之花皎月鈎
簾塵落史雲之甌珍笑顰于敝袴勒俶載于
新田林畔奏刀遇髀髀而立割宮前懸鏡照
肝膽以俱驚還山無蟪蛄之聲食甚變鳴鶚
之響三投河伯婦壘俗于焉韋心一案主家
奴豪宗因之歛手寧獨先八荒而開壽域抑
且引九里以潤隣疆惟商秋超盡之期適申
嶽初生之日菊銜霜葢映彭澤之深杯露濯
芝莖供商巖之晚簌試看倕佐陸地何如卓
魯明時稱彼兕觥秩賓筵而瞻雲氣佐其燕
衍隸樂府以採風謠詞曰

蘆渚紫烟蘋腮薦冷見單車忽下琴堂國中

老稚歡呼家家衽席處處笙簧漫數從來蒲
亭單父縹囊汗竹燦生光忍見此湍陽福曜
移照淮陽○試看時事非常里空杆軸道滿
豺狼索俗吏無文迂儒不效請愁纓短腹鞭
長知郡國難留游登華要早爲霖雨徧窮荒
願同念舊封畏壘常祀庚桑 右詞壽星明
奉送邑侯白鹿司公榮擢淮陽障詞

伏以綠綬敷春舊績懋專城之譽玄圭弼治
新恩隆半刺之權歡載見郊情深囑唱恭惟
某棟隆杞梓劍淬芙蓉郁桂謝蘭道韻代鍾
于世澤隋珠卞璧風標風冠于人倫恣有談
雞筆能吐鳳張安世之背傳五篋腹作書倉
李供奉之立試萬言廷揚霞采驥千金而空
北鵬六月以搏南賦有靈蛇共仰天人之策
製成美錦遂分民社之符寧獨軼牧牛羊而
無曠責抑且協比鸞鳳以瑞明時碩世際澄

清都市龔桓君之馬而帝思輪轉河渠勞遷
史之書空歌賈父以成碑欲借寇君而無路
長堤疎柳依依籠去蓋之塵遠浦驚鴻噉噉
丁離亭之泪乃有衣冠末屬僚佐下員素叨
在治之私莫喻臨岐之恨自茲升矣遙瞻仙
客之班何以贈之請聽巴人之唱

小引

白雲集小引

妙遠堂全集

小引一

十五

余初與竟陵鍾伯敬游則伯敬好稱白雲先
生云余微之爲稍稍道其槩曰向從南都林
茂之所見先生遺詩一卷蓋竟先生世無能
名其詩者死而知寶愛以聞于人亦多茂之
與其兄子丘力傳所稱從旁痛哭有以也比
伯敬再入都則茂之業携先生詩從湖湘間
授之與俱來矣二三同好傳玩幾敝相與論
著而梓之夫有明以來詩之窮無如先生者

飢寒喪亂窘辱悲苦種種皆備昔人之所未
有而性情足以副之吾無以窺先生獨見其
手鈔原本波畫枯硬如燥枝斷蚓而補綴編
葉無一字苟則先生之挫名憤世所自托于
不可知之人者爲計工且遠也伯敬曰吾平
生崛強獨不能不北面畏先生假使先生而
在粗爲供具以給餽粥俾不向卜肆屢傭中
分吟嘯之日其痛哭將何如哉刻成聊題此

妙遠堂全集

小引二

十六

以志治起餘已詳伯敬所爲傳中第聞先生
他體有十六本亦在南都某氏家天不忍沒
此異物當必有任創合者使天下知奇窮如
先生不能以不傳之日害其傳而且令草莽
間知爲詩者必如先生始斷斷可傳也歲在
癸丑暮春之初

悼雪齋小引

詩人死後其遺稿必歸於遊離合于明好纏綿于山川

搖曳閃忽參錯浮動于時序景物而僞者至以詩借遊自詩爲遊用而詩氣萎且其遊也干請則傷骨牽率則傷思節飭則傷情於是詩之道又不盡爲遊用以迄於交相廢則僞者之咎也余里棲兀坐書空懷緒單寂年友施凝甫氏乃自浮光輕六百里而訪我意園把酒泫然已耳熱起舞相屬也凝甫之羈旅及不佞之窮愁皆奪而用之於詩所爲與余

妙遠堂全集

小引一

十七

兄弟唱酬諸篇具在凝甫復以其間南之漢上訪所知則羊杜之名德孟皮之文章大堤之花艷皆騫映道發佐其毫端而厥時適冬雪與遊相終始歸而輯其詩若記以雪棹名篇志懷人著所遊之端也凝甫詩靈動高妙具眼共賞余謂凝甫惟儻然去來故無借詩於遊之病而詩骨詩思詩情皆無慮傷焉更其版傳之欲明夫真能以詩爲遊而且媿

其僞者

倡和吟小引

咏物之詩古人不輕著筆雖櫻桃紀於摩詰鷓鴣著於都官皆特見孤傳未聞賡奏良以情有獨至響不並工無爭龍爪之遺致劣鼠穴之闖桃林曠識千古可逆窺也月華虹梁等二十則不知初始何人予髫年覽徐茂吳先生所賦初心艷之既見其流布日廣繁穢

妙遠堂全集

小引二

十八

漸臻至如鴈字楊花諸咏近且紛唱選酬多者人至百首縻求弋騁無取情研寄指等于鑿空陳事不嫌架屋余每爲之眯目泚額懼鄭海之難載怒秦焰之不揚嗟夫陋亦極矣友人伯和氏刻所與分憲使者李先生倡和吟四十首雖按舊章各匠新意每一諷誦覺紙墨之外別有希音且李先生雍容旄節乃胸膈于同聲伯和氏裊藉河山惟斷髯而逼

古其爲不朽更有足術耳余題其端歸之俾版以行用見倡和之傳不專以詩而伯和氏之詩之工其不盡于倡和者有如此

客邸塵譚小引

余初識來道之時自詫爲能酒而亦不廢吟咏始與道之角數十觥船道之輒遁去相與同笑之已習與之飲其洪實倍于予道之每見余詩或清言往復多咨嗟吟賞余遜謝不

妙遠堂全集

小引一

十九

敢當而比多讀道之所結撰及聞其持論幾同平子之三倒乃信道之恢奇多智不易測也顧道之意不屑屑是獨好譚竺乾之旨取直證開大方便門每廣筵韻集棒喝瀾翻以至入御姬媵旁對臧獲或肉僧市僧無不孜孜焉俯導曲引色獎耳提者夫道之于酒于詩不易使人知而其于禪若未恐人不知是又不可解也休夏之暇舉其與二三同志問

辨之言集而板之曰塵譚自塵譚行而道之之大方便門人人能知之矣雖然以影喻鏡而影不可卽爲鏡也以鹵喻鹽而鹵不可卽爲鹽也恐人人知道之之知譚道之之譚而道之反晦必自塵譚始或曰然則何由知道之哉曰姑舍是披道之之詩於道之之持論可矣或曰進之曰日與道之飲而亦可矣

池塘餘習引

妙遠堂全集

小引一

二十

記向時從太史公講業每拈一義輒惱裂目眇恨不旦夕釋去今置之十年餘反見獵而喜何也或楞嚴所稱顛倒妄想即右丞詩云不能捨餘習偶被世人知夫餘習誠不易捨迦葉大士聞鐘鼓琴箏之音且於定中起舞况在學人着此於八識田中政恐他日胎毛中卽迸出之乎者也耳偶取幾承便向佛前焚筆以懺矣

沈景倩集唐小引

春秋大夫稱詩率取材舊篇寫已情事至宋遂有集句之體王介甫最爲繁夥然率偏詞短章寄情游戲欲求春容比偶組百氏爲一家之言或亦未之逮也吾友沈景倩所構悼亡集唐人詩詩盈五十首首皆七言律分之璋判合則珠圓闢天巧於鍼芒極人工於楮葉如右軍之書綴爲聖教汾陽之墨色變臨

妙遠堂全集

小引一

二十一

淮此非好之以綃機驅之以秦策輔之以神鼎沃之以黍丹固不能動魄驚心奇麗杳冥如斯也昔人云文生於情情生於文而予竊以有才者未必有情左州右蔡肉陣色漁縱令繪香粉而譜笑啼大抵多典寓之言耳景倩於閨幅生平無尾生之譽乃茲集獨纏綿悽咽絕才絕情幾使死者可生生者可死樹幟古今當無異論矣

葉茂先詩小引

昔人有云工書人每臨古帖書輒長進一倍德山度燈復滅能使金剛疏鈔盡舉付火力有所素積悟有所忽開學人苦心導者明眼相迫以有成耳新安葉茂先所爲詩清微夷曠無餽飢蕪蔓之累兩年中再相過從每與之橫襟接塵悠然自賞也茂先不甚酒或中宴早歸客一招提中擁被微吟霜漏曉鍾與

妙遠堂全集

小引一

二十二

喉吻間啾啾闔苦篇成人以示予一字彈射隨手竄易其詩逾新警澹遠若發石引泉有汨汨不能自己者矣茂先歸將取付梓屬某爲之弁附三都玄晏之義某何能益茂先爲扶其孤情深致質諸同人者如此今天下以詩飾遊大指借爲羔麋耳竊沈剽任吞李剽杜比比而是如茂先之努力嚮往者吾實未見其止也

陸君騰制義小引

居業者不當一有似也然不能不有所借以通之故借者興象之寄而變化之門也韓柳之本龍門歐虞之本內史青蓮工部之本漢魏操槩者爭言之然而卒無所以乃以自名至家雞野鴛會稽父子間謂外人那得知彼寧有所薄虞相掩哉政深以爲借耳爲必借則似之必似則遠之古人相承世澤間妙爲

妙遠堂全集

小引一

二十三

同異多如此不則如許伯皆兄弟之面雖眉頰輔耳無別一而足矣再遇則猶未偶安所貴之吾友陸君啟以文章妙天下有弟君騰而才甫髫即負早譽雪手妍手旁漚玄通予初讀其文驚歎以爲似近時名高子弟別去踰年再徵其文披閱之以爲似近代吳縣宣城諸名家乃進而骨逾老格逾嚴余大詫以爲近似君啟凡予所云似者皆君騰默運以

爲借者也其往鳥能涯之君啟雖好稱其窮然家庭肅穆予每過從如游陳長文之門客私君騰輒以火攻譴君啟君啟夷然捧腹曰唯恐不至昔人云願爲人兄乃如不佞之於君騰豈非利於爲人弟也耶

妙遠堂文集

小引

妙遠堂文霜集目錄

題辭

題譚友夏西山詩

快宜堂詩題辭

題汪遺民半塘草

題徐辰生三刻

夏長卿俟草題辭

澹軒十二義題辭

妙遠堂不集 雜著目錄

一

讀羊玉齋近義題辭

且軒

園響

鐸微

畸草

題募修唐河通濟橋簿

戲題酒社移黃生文

題清明上河圖

跋

三利紀跋

遺事

書新鄭江陵遺事

志

慈寧召諭志

妙遠堂文霜集目錄

妙遠堂文霜集

新野馬之駿仲良著

侄 超宗雲孫聞

題辭一

題譚友夏西山詩

友夏生三十九年而始遊寧歸余與友夏叶聲相思十五年而始於寧師識面以告人人無不歎且愕者京師舍西山無可棲托乃余

妙遠堂全集

題辭一

三

急邀晤友夏而友夏卽以是日入山其早暮後先離合避就之候若有爲所司之者而余不敢爭迫友夏山歸挾岩壑之神傳以筆墨余坐舉其成涵諷之商討之而山亦聽焉此其故皆非淺士所能知也夫山以詩文爲憑爲傳詩文以其人爲妍爲醜自有西山水名俊固非所論然詠染之爲山詬辱者或亦不免計山之待遊人也有若慎若擇若矜若跋

之心焉友夏靈腕幻悟妙氣勝情足冒出于山而使其肩目膚理爲之一變是山於友夏脫昵而盟專有與余同故序友夏西山詩莫余若者友夏取自楚而燕途次之什皆附之法若當先途後山而友夏以西山表其篇又其情有所專昵而詩聽焉不敢爭者也

快宜堂詩題辭

張元休五言古詩以趣輔氣轉筆如丸能不

妙遠堂全集

題辭一

四

作假漢魏古選面目七言古一往悲涼有吹笳擊劍之槩五言律拔異標新運巧畦逕之外七言律如幽泉咽石素月穿雲吐飲百靈澄溪萬里所未敢知然而蒙氣除矣竊謂古今詩文之妙在翻在幻在曲翻如畫家設色匠氏染絲腐者能翻之使新近者能翻之使遠正者能翻之使倒稿者能翻之使靈唐翻六季中晚翻初盛不翻不足以傳故法莫先

予翻仙人嘯樹火師吞刀非幻也昔賢云作詩必此詩畢竟非詩人語所不可至而忽至焉語所可至而忽于非所至至焉作者心泣讀者色飛想者神往斯真幻幻真之極則已九條之市千疊之峰使一覽可盡幾如嚼蠟有官方丈韃之別之終日游不出于闔乃若萬里之不可窮曲之與非曲異也歌者宛轉悠揚拍有限而音無盡若用唇則唇用喉則

妙遠堂全集

題辭一

五

喉鳴嘯鬼啼無當于耳矣元休妙得此解放富有日新乃爾余不識元休何狀嘗聞之友人秦京李元鎮爭津津心折之今乃得快讀元休詩時方殘暑坐意閣小閣中輕颼冷然偶一中體羣籟以舉百竅以疏若有甘苦辛鹹之味窪隆起伏之形而不可口舉語寫也故曰感人者莫善于風試於秋之曉夏之夕風焉可以觀可以羣可以怨可以知翻可以

知幻可以知曲敬爲題元休簡端以歸之願異時分餉秦京元鎮二子知以余言爲旨也

題汪遺民半塘草

半塘草者友人汪遺民氏甲寅客吳所著也時不佞視吳關間與郵筒往復半塘之在姑蘇麗郭而瞰野獨居其勝梵宮金碧盪霞劃烟幽花美箭環蔭俯映或雨朝露夕鳬飛魚撇與梵語人語相雜予每命輕刀容與其間

妙遠堂全集

題辭一

六

意其樂之今居燕中苦鄴濁回憶半塘已落夢境讀遺民詩其山水之神理交游之情文如備見之信乎遺民之樂半塘所深嗜遐想不減於予匪徒以志地標目也夫予居燕而讀半塘詩猶之重經半塘乃今歲遺民客燕其與予輩涉往之迹較吳關時更密他日讀遺民燕中草不將如此日共周旋耶詩之義足以通交遊而代晤語乃如此若遺民詩

辭雋淹快海內多稿之者無庸予言矣丙辰

新野馬之駿題於邸之綠吹齋

題徐辰生三刻

借辰生初第時余及二三子稱詩卽好推
辰生而辰生更旁通書畫鑒賞輒川海嶽合
而據其勝場真不能不令人心折也去數年
再聚首長安余嗜詩益甚而辰生方湛思臨
衆取攻苦專一之效故予贈辰生詩有興有
妙遠堂全集 題辭一 七

所寄餘輒已知君獨往意如此之句乃未幾
辰生讀禮清源與同人結社談詩詩輒工且
富有版而示余則謝靈運之初日芙蓉謝敬
仁之文學鏃鏃無能不新殆或兼之而余近
以學道剗心竺乾之言研席間可置蟲作網
乃辰生併苞適上度非兼四庫而超百家不
止者抑何不廉也第辰生工詩余學道致不
同而名猶相敵倘辰生見迫不已亦轉而學

道余不得不起而學書畫鑒賞復與辰生角
旗鼓之長恐中原之戰猶未愒也

夏長卿俟草題辭

天下之事內不足于賞而外規所趨以爲重
則翹然有迎之心而後天下得持我以奪之
氣筆墨名場賢豪所爲擢筋髓焦髮膚以赴
之者也射洪之胡琴誦而詠右丞之琵琶單
而誕皆未免有迎心焉若夫柯亭之椽韻以
妙遠堂全集 題辭一 八

宮商豐城之氣章于剗緯求之者如幸得之
者若驚甚矣迎與求之間似之而非也吾友
夏長卿嘗佐其渭陽求仲氏治文在文閒二
則彙萃百家分身赴流爲之反覆說法其自
運制義復囚放奇恠祛返儼巧獨森然存先
正之典刑其勁如石梁之矢躍而飲羽其鉅
如孔周之劍見影而不見光其麗如相如言
賦合衆組以成文其冥叅玄解如香巖擊竹

臺山買餅汗血俱下而未始出吾宗然公事
之後再報罷世無有知長卿者長卿之言曰
奈何以逢年之詭而易力田之恒吾嘗吾賞
而已嗟夫才士名人于升沉顯晦間磊塊佗
僚易易耳雖然入于迎將出于詭內或實有
所不足而氣授之奪耶希音獨貴神物必合
夫亦曰足吾賞以俟之而已敝邑司達文明
府讀長卿所著而善之爲繡而懸諸國門不

妙遠堂全集

題辭

九

佞僭名之且引其意如此

澹軒十二義題辭

方虛谷爲司徒公季子麟角鳳毛源于家學
兄弟父子並舉起秀發爲才雋勝流余雖近
在里社之間未能一把臂定交時時切曲針
腐芥之媿也比從友人戚不磷所讀其制義
深者入九淵麗者組五色如項羽破河北軍
簡練精銳無不以一當百又如神僧道佛祖

語機鋒曲觸面目更新以之衡霸中原當無
堅壘矣余向聞士大夫傳說陶會稽已丑大
學義半思緯澀甚乃伸腕疾書闌中賞歎以
爲絕倫又曾晤湯宣城談其在九華山中拈
義有一束語改至七八日不成者夫惟知居
恒有心之苦而後獲隙事無意之奇千古慧
人同領此解公侯孫子必復其始吾日爲虛
谷誦之矣

妙遠堂全集

題辭

十

讀羊玉齋近義題辭

不佞某年十五六時帥吾治生先生以文而
先生之奇實不盡于文也記己未冬不佞謫
居桐汭先生過從語次及時事先生訊曰子
自通籍來所師友衿契度可以弘濟艱難振
起衰窳者可若而人某具以意對先生泥堅
起爲談人情民隱兵食疆腹大計可數百言
條柯森貫如倉廩切脉牙夔審音甚辯也已

別去二年所先生應 明詔貢對大廷不佞
竊喜先生旦晚脫縫衣可用世使世爲我用
乃試于京兆復被放僅僅割婁江一縷以南
不佞又時時向人語時艱未及猝定卽如先
生才不得試見其一端也今年先生郵寄近
義見示爲一再齏繹覺桐泐坐間所憤者悲
觀者指者皆出沒藏吐于尺幅之中有借人
酒盃澆我磊塊意蓋先生之文又非復向日

妙遠堂全集

題辭一

十一

之文矣昔人有言用之則帝師王佐不用一
山谷窮叟耳先生具奇骨定力于世豔俗羶
不屑置背磊砢多冰雪之氣而明決敢任其
銛可剗兕其微可承蜩今淪落窮年欲歌欲
哭乃歛其雕龍大手一出于帖括比耦之場
若云我猶是爲師經生之官業經生之業使
聽之者有心言之者無罪爾虞卿之春秋杜
恕之體論杜牧之罪言勝流寄托千古一軌

不然取先生昔日之文較論今日其骨韻情
事迥別易見也乃猶沾沾以遇合利鈍代先
生唾壺之擊真淺之乎爲丈夫矣

且軒

余性喜齋居每內處對妻孥輒意憊神燥不
能忍晷刻丁巳夏待放國門之外屋後有隙
地可以軒然可以不軒也而且焉軒之因以
且名軒焉偃仰之餘筆墨間作得之軒者居

妙遠堂全集

題辭一

十二

多故取軒冠吾詩併北歸者附之

園響

余性樂山水而鄉中曠衍百里內外無一丘
一壑可供遊目者乃謀爲園園山水之寄也
少文園山于壁曰援琴動操使衆山皆響余
對客則嗜談獨處則嗜吟覺林之籟池之漪
風之窾花之態無非韻者吾園固自響而
所待于琴夫詩猶其細也已

鐸徵

夫引志爲詩發聲寓物總人心寫其悲喜斯
天籟叶爲官商作者不知聽焉勿爽余春初
北邁觸暑言還秋復南征徧除僑客凡草木
涼暄之變峰原燥濕之殊見聞雜遘以遞新
肝腎雕鏤而畢吐莫不歷于伏軫得目褰帷
浸假而旌爲輪漆園所以立喻卽當而鈴是
曲蜀道未免傷神聊復綴于巾箱粗堪代手

妙遠堂全集

題辭一

十三

里鼓甘荀勗審樂惟其不和趙鐸偶逢金石
俱定乃知頑質或有至音余旣抱幽憂之懷
多出變徵之調因感斯旨撮而名篇云爾

畸草

庚申春自江左還轅徙家止身及眷屬通
病幾廢嘯歌逾年理敗楮凡得詩如于首肯
愁卧靜尋之音朋從酬勞之迹也以系鐸徵
則不倫以附園響則非統因其餘贅判而成

編蓋余本畸人自無通旨取肖懷緒粗紀歲
時爾

題募修唐河通濟橋簿

唐水蜿蜒南入江晏然劍戟相摩撞左城右
塗一帶通跳波吞沫尾魚龍寨裏來往羣螭
同筮篥無渡奈何公是惟架梁橫其衝與水
不爭水乃從千帆出腹飛騰腫王政十月成
徒杠彼上人者香逆風天眼坐見山河空乃

妙遠堂全集

題辭一

十四

思寶筏哀蟻螻一手一足將奚庸宰官長者
居深宮試以靜念攝困窮逡巡艱阻猶有躬
斥茲長物兼陳紅有如萬流惟趨東其安如
山卧如虹紉以蠲房遊鮒鰕聚失爭道賈語
江儼然懸度行崙隆船子大笑驚蓬受者
忘報施忘劫我將纖挺發洪鍾爲師一啣愁
耳聾

戲題酒社移黃生文

糟丘之神酒泉之伯旁拉杜康上邀儀狄特
援情以定辜遂聲罪而馳繳舉自孔稱百榼
堯號千鍾一石妙傳於齊贅八斗密益于山
公鄭泉則爲壺而願佳伯倫將鍾荷以知終
莫不留名于飲社垂譽于談宗蓋親故相逢
觥籌迭主絳燭高烧翠眉低嫵挹爽氣以怡
颺接微言而沁腑在有歡以畢陳亦無慘而
不世長鯨之吸川迴運羣豕之接波堪伍或

蘇東坡集

題辭一

十五

已去而復延在將疲而忽鼓易不速以著爰
詩無歸而賡諸較往賢庶足無慙在吾黨之
所必許乃有思和黃生者宛具鬚眉早耽麴
藥壯年微過于陸機翩翩頗同于蔡澤固嘗
竊負大戶之稱妄與入林之列寧知其鼯鼠
之飲無多溝澮之盈易竭望尊輒倦把盞俄
醺秩秩初筵尚勉看其撐拄沉沉良夜遂漸
至於紛紜味寧別于從事令不聽平將軍初

狂花而病葉遄露齒以張顰寄汪洋于肴核
沾浙瀝于衣裾雖行行念爭幸免灌夫之過
乃僂僂屢舞有同衛武之云甚至卽坐欬傾
沿門丐食匿影而立市中抱頭而逃戶外喉
囁嚅以難吞氣空湧而欲敗腹同怒瞋豈勇
夫之式遇越王聲比哇鵝若廉士之歸從兄
戴烏鵲望而欲爭蚊蚋集而羣嘅乃行矣復
有後言且叩之必以詭對蓋技止此耳卽坐

蘇東坡集

題辭一

十六

忘以奚加夫召豈徒哉僅肉食之是快於是
珠柞蒙羞銀罍獻詛紅友矢謀黃流作語泥
一丸而閉關法三章而固圉爲屈子任其獨
醒惟公榮可以不與請自今束身褊席絕口
枯觴或侶巢父酌清冷之水或隨桑門餐般
若之湯免呼劉毅之雉永捐景山之鎗字曰
通臣效北山之移孔班於俗物類尉氏之嗤
王庶幾麴部員清醉鄉俗正在勉強以循賢

可駸駒而中聖平原之期續展高陽之侶交
慶卽此崩摧受款業可比于前禽倘其奮迅
贖愆尚有須于後命

題清明上河圖

坡公有言善畫者師人天地一大繪譜也凡
一切人物禽魚雲行水走無不日獻其工巧
以新耳目人自不知取耳此卷精麗宏肆細
入針芒如飛天仙入聳身雲際下視九土似

妙畫堂全集

題辭

十七

蚍蜉雞鶩憧憧往來然後分身入衆流亟以
筆墨赴之固非徒以皴皴點染爲長也據圖
稱爲摹張擇端寫汴京景物者今梁園一片
地蕩爲荒阜飛埃欲想像其繁盛之似亦不
可得而此圖以好事家寶玩因與夢華文字
並佳人間嗟夫莫真于天地而繪事爲幻乃
真反易滅幻反易存吾又安得執大覺而問
之

跋

三利紀跋

肥親之察魯恭也卽所稱蟲不入境化及鳥
獸豎子有仁心不幾于矯誣誕設藉譽飾覽
之甚者哉而不聞其施于中牟者何如夫且
曰異異且三矣吾邑司侯治邑之明年大播
諸河自深達于郭教民瀦洩教民樹藝越數
月革油票之以金入者又數月請于臺留邑

妙畫堂全集

跋一

十八

賦以自供馬直而無仰給于他邑茲紀所以
傳其文告案牘之詳也夫三者與邑來所繇
遠矣卽使民無田水油稅票如舊貫馬直仰
給他邑因無病于治公則皇皇焉若飢渴之
于飲食不一日副所求寢席不卽貼矣邑之
人食稻而甘賈不荐賄賦無病郵翔舞于薰
風閭日之內而不能名其自伊誰之庸也嗟
夫三利云者百世之利也惟夫三者因所從

來無病手角而皇皇焉若飢渴之于飲食一日不副所求寢席不即貼公之心又奚啻百世矣初水田成有蟲生焉公曰無穀乃功蟲以不害元年十租明年三十租秧針刺波羣鷺集止少長叩公馬訴晴雨如籌所親嗟夫魯恭之於公功三之一耳而且曰異異且曰三矣

遺事一

跋一

十九

書新鄭江陵遺事

隆慶初西虜孽孫把汗那吉來降大同撫臣王公鑑川上其事時執政高新鄭公力主受降因以款虜與王公決策密圖之言者遽起持不便新鄭槩置勿聽而給事中葉公夢熊專疏攻王公高公爲擬旨黜葉邊方雜職蓋欲以安王公堅款議也繇是大同山右虜皆俯首就絛勒獨宣府鎮尚撐拒兩端而高公

罷江陵繼之先是高公張公同在政府高公性簡傲儻易又以前輩體凌其上每語有未合卽面斥曰蠻何知蓋以張公荆人言之也張公唯唯遜謝而已然心銜之甚厥後屢中以危法獨念款虜未有完績每向人曰高公此舉閉境息民爲宗社生靈大計不可不究乃績一日諸給事旅見張公曰宣府款虜事重今撫臣清謹守文恐不足任若何謀易置

妙遠堂全集

遺事一

二十

右事聞自今川貴制府張公張公薊遼公公子也故其事巔末確而核而余識之如此嗟夫近日相臣值國計邊情稍稍關切者無不聽行止于言官邊臣卽千百言如石投水間偶稟擬奪一二言官俸且羣譁爲攘權被以莽卓之目而高公乃不憚重黜給事以安巡撫矣執政後先相承微有嫌怨無不思振暴其

短以敗若名實者而張公雖甚銜高公
卒以款虜利國爲代終其局且注記居
平所器重之人而信之矣揆席地絕百
僚今日非六曹長貳及臺省要津或不
得數望見相君顏色而吳公以一進表
外藩張公與特見且質問試之矣破格
用人近日恒言之然率奏薦自言路偶
以出執政意必力詆爲掃門媚竈而張

公且以獨見拔吳公究能使吳公感奮
不負所舉矣士大夫恹恹異選者必收
所摧抑之人使親我而益之疾乃張公
持葉公雖高公歸僅僅爲量移矣言路
以失相臣意外擯遇其敗必盛氣居爲
名旦夕峻遷取京卿如攫遺物而吳公
第用潘泉馴致通顯語及前事媿謝不
遑矣然封貢告成之利如彼而兩公捐

成心握定力其哲鑒其爲相之意如此
以今日視兩公人情孰險孰夷國事孰
治孰不治哉嗚呼噫嘻

志一

慈寧召諭志

萬曆四十五年五月四日日哺時有妄男子
持挺入慈慶宮擊傷中官越上殿及前簷下
就擒慈慶 皇太子所居宮也

皇太子遣使奏聞

上

上下章法司鞠其名曰薊州人張差病風癲
眼踰闌入耳獄既具少司寇覆案之將疏報
且視草矣提牢主事王之案出不意鈎餌之
亟疏聞先是差事初起中外不無皇惑睹之
案疏益大震爭交章疏言差非癲蓄有逆謀
然差實果癲也省台部寺章凡數十上

上皆不卽報聞羣臣益猜沮謂從中有尼之者而司寇屬所司覆鞠差差乃稱謀出中璫龐保劉成等寔主之厥親李守道輩寔勾引將不利 東朝冀環柱進魚之利語絕兇悖不可聞台省諸臣迺引繩批根之連及戚畹椒房間而給事何士晉疏尤危切

上難外廷議始悚然 勅法司一切嚴治

而尤惓惓以株引無辜爲戒此廿有六日事

妙遠堂全集 志一

二十四

也越二日

上忽御慈寧宮門召輔臣大小九卿及科道等官入

上冠豸善冠冠及服皆純縞中石欄設小几

坐 皇太子旁侍坐玄冠青袍 二皇

孫旁立侍或有跪者冠小冠如外庶人製獨

上有寸許金頂耳羣臣班立

上西向立令先謁

聖母几筵蓋慈寧舊

聖母居地今仍用安靈座故也禮畢向

上叩頭

上連曰上來上來朕自

聖母升遐以來朝夕思念每遇朔望卽躬詣几筵行禮遇因下部火稍礙步履然遇

皇太子素慈愛

太子亦極仁孝昨風瀕

張差事第當誅此三人何得妄有猜疑羣臣

妙遠堂全集 志一

二十五

食君之祿不思體君之心汝輩各有父子乃

離開我父子耶語次手引 皇太子指示

羣臣過座 三皇孫頂復拱揖向上曰

聖母有靈 太子自六尺孤長成今已三

十四矣又有諸 皇孫朕安得不鍾愛自

冊立以後國本大定復何疑且汝輩動曰

福王福王既分封俾有膳養蒞其土地矣縱

一旦有事渠能飛來耶汝文武百官不奏卽

朕安能召彼汝文武百官寧肯奏此事耶昨冬無雪今數月不雨皆天地不和故止宜將

死不得株連無辜以傷天和

上語雖峻而色霽又氣駛詞流頃刻三過羣

臣卒無應者御史劉光復乃越班對天下共

仰 皇上慈愛 太子 太子孝養

皇上 云 時御史班下又所操南音

上驟聆弗省也耳屬近侍曰若何言近侍伏

妙筆堂集 志一

二十六

地奏若言天下但願 皇上慈愛 太

子孝養

上以為但願云爾者若猶未然今方願之乃

怒曰諸臣不言而汝獨言何也復詢若何官

左右以對

上云掣了 國制擒人于朝皆錦衣承旨

從事而是時以御宮門金吾期門悉候于午

門外

上乃屬中官掣御史中官數輩摧拉墮光復冠碎其服揪髮持大挺亂毆之

上曰無庸擊徑掣赴朝房候旨遂引光復出

少司寇張問達復跪奏

上云誅三人三人為何原詞有李守道等當

何指揮

上歷數其名曰張差龐保劉成此外皆不必

問也而 皇太子亦跪

妙筆堂集 志一

二十七

上前奏云止宜誅三人

上手掖 太子曰汝起言之因云汝即面

命百官 太子再命百官曰

聖旨止誅三人不得濫及復曰因汝輩為無

君之臣幾使我為無父之子

上解頤曰汝言是因指百官曰諦聽之

太子言甚好也頃之曰好送他們出遂退當

上諭羣臣時或坐或起立憑欄楯左右顧指

畫英爽 天宇益粹時 朝儀輟廢久

卽三事者傳鮮有曾接

上者驟出不意中召對不設函簿不具句牘

上既御宮公卿始奔走入吏部尚書鄭繼之

年最高又不良於行眩幾死或續至者

上悉令入不禁班次譁不整又見

上面襦御史衣冠益股慄屏息以故

上三問竟無承者先是 西宮聞變日夜

妙遠堂全集 志一 三八

上前泣先一夕取諸司章雜進之

上

上持刑部疏再四覽終夜不寢意殊震驚次

晨乃先召 皇太子入中宮議議定後出

諭百官廷臣聞天語諄切復見一殿之上

顧孫父子譟然羣疑 冰釋矣廿九日

百下法司決張差而釋李守道等不問龐保

劉成亦杖死掖廷中而竟下光復刑部獄初

原缺

妙遠堂集四十卷 兩淮鹽政 採進本

明馬之駿撰之駿字仲良新野人萬曆庚戌進士

官戶部主事是集凡詩十四卷文二十六卷萬曆

季年文體漸變竟陵鍾惺譚元春倡尖新幽冷之

派以詩歸一編易天下之耳目之駿於惺爲同年

亦與王穉登之子留造作新聲務以僻警秀異相

倡和均別派也鍾譚之名最盛後來受詬亦至深

之駿與留名不甚盛故所作亦如花香草媚不久

目萎談藝者遂不復抨擊此集蓋偶爾得存耳

東極篇四卷

〔明〕文翔鳳撰

遼寧省圖書館藏明萬曆刻文太青先生全

集本

附《四庫全書總目·東極篇無

卷數》提要

東極篇第一詩

海東集一

辛亥東征詩十五首

月宿

東征雜詩十首

王季木告魯仲連墳所因諱之

新城別季木二百四十字

自灰阜驛之平度作

初至萊陽境上

東極篇八目錄一之

辛亥觀海詩八首

遊賓都宮

詠白香山

過羽山

登蓬萊閣

望淳于髡墓

大風行二首

歸自萊州由旌旗鄉入邑

辛亥日華詩十一首

路蟬逐觀於五龍口

嗟哉行

擬古決絕詞

讀孩之先生盧隱諸集

五日飲張伯行儀部亭山

以蜡出

古意

君不來

大堤曲

東極篇

目錄一之

述感

淑問章

辛亥東萊詩七首

觀海二首

遊太基山道士谷書石

鹿山頂觀海書石

萊州道中作

日華堂聽訟喜雨賦

雜詩

辛亥蓬萊詩十首

采蓮曲孤山下作

艾山二首

行路樂

登嶧嶧峴

羽山

發新店郵亭

松山

棲霞縣

東極篇

目錄一之

方山聖水泉書石

辛亥蓬萊詩二十七首

方山詠

國風重十二首

擬卷耳二章

擬樛木三章

擬鸛鳴二章

擬兕觥二章

擬茅莛二章

擬汝墳二章

擬木瓜二章

擬綢繆二章

擬秋杜二章

擬羔裘一章

擬渭陽二章

擬株林二章

國風變九首

關雎少歌

東極篇

目錄一之

四

葛覃少歌

桃夭少歌

漢廣少歌

殷其雷少歌

標有梅少歌

簡兮少歌

桑中少歌

澤陂少歌

出郡病於棗林一晝夜

艾北艾南二山

無限岡南行

自松山至星榆館進行

秋海乘查試諸生

辛亥蓬萊詩十四首

火山辭

夜就松山

坐雨松山得張仲嘉兄弟牋

十月十日

東極篇

目錄一之

五

宿龍山

海嘯

西道歸邑詩

東望方山二首

入至北鄙

續作聖吟三首

以詩訊張伯行儀部

辛亥蓬萊詩二十二首

萊山

登州飲東嶽祠

出郡門人之送者鏘鏘被於路

入郡經馬耳山牛頭山龍山羽山

爲沈恤部壽撫齊天司馬黃公四十韻

登州雜詩十六首

詠齋中瓶梅

東極篇第一詩目錄終

六

東極篇第二詩目錄

海雲集二

二子東萊詩十一首

盤古廟

行歌

萊州青蘿觀

宿靈虛宮爲劉長生故處

發武官雨雪風霽

新作尊經閣紀喜

東極篇第二詩目錄二之

懷季木

輶軒聊述

季木舉第一郎

中上人將行野鶴子適至戲占請其書爲贈

編戶以十有五日止一百四十一社

壬子蓬萊詩十三首

北行喜五里一亭三步一柳如令

小霧引

暮入登州

瞰海行

密之水辭

石梁口

九目山

夢吞韻兩編覺尚有紙氣紀以口號

行當諸山之間

嶺山

空城

方山

東極篇

目錄二之

二

入自飛駿館勞亭長

壬子遵海詩二十四首

行部造迎仙觀禮四真閣遂由挺城至五龍社

諸生止我

張伯行儀部邀宿姜疇別墅

望三架山

觀五龍入海處

門人邀遊三架之足觀千歲銀杏夕陽不赴

以諸生十五人登行村寨海船

登大山

大山下爲田橫島

鹽竈引

定大嵩衛并大山海陽二所軍丁

觀海市

高未孩待我碧嵩寺集句

登大嵩山

宿恢村

北山憶孩之三首

東極篇

目錄三之

三

石劍

朱吳社夢吞墨二寸

登觀山觀昌陽廢城

孫養澤二首

宋孝廉待我龍門寺因邀宿萬柳別墅左孝廉

陪宴詰白赴張儀部溪聚新業之招遂偕飲於

烽火山得十六韻

烽火洞書石

壬子九青詩二十首

登山探徧諸洞

四月九日

四月十日大澤谷口雲來四首

經櫃石

雲堆

天耳石

天泉

歸自西峰書石

夜觴邀月臺

東極篇

目錄二之

四

香積石

上北峰書石

穿洞至第三窟書石

北峰絕頂改題九青山書石

自北峰絕頂歸作

船石

蟾石

雲海

壬子日華詩二十三首

天上謠八首

解禪客六首

內觀口號四首

東極先生歌

亭山雲從洞贈張儀部

野行

五日射柳

五嶽冠成

壬子蓬萊詩十四首

東極篇

目錄二之

五

宿朱姜趙茂才草齋

游仙行

飯楊础過棲霞見招不入口號二首

賓都宮喜見武太公柱端墨跡

登崑崙峴

小羊腸

紀景

小景二首

蓬萊閣

平山

自棲霞之星榆館作

榆林村雨次聽鸚黃

東極篇第二詩目錄

東極篇 目錄二之

東極篇第三詩目錄

海雲集三

壬子入院詩七十五首

西征初發

雨過青州望雲門山

初入闡答馮羽明兼懷張全銘

闡中紀異

中秋雨得秋字

楊子曲三首

東極篇 目錄三之

羽明和我中秋詩走筆答之

是夜月竟霽予弗待藐姑自他署詩來有誰其

與飲足千古海上仙人字太青之句次韻答之

二大禮詩

次韻和金銘見懷之作二首

病已

放吟

天上謠後十六首

夢

秋夜回文

秋風回文

吾生二首

遠遊詞十八首

贈同舍王景旦肥城兼呈張笋玉滕縣馮羽明

堂邑

讀羽明所挾季木問山詩二首

秋氣回文

東極先生自嘲

東極篇 目錄三之

將撤闥言別馮子

涌輪泉同陶路叔

白雪樓

發濟南

長白山醴泉寺訪王聖俞弗遇

聽泉

伏生墓

陳仲子於陵祠墓

東歸述懷

二

投金嶺驛聞唐堯章先發

雲門山下作

秋興

昌樂東得孩之書

孤山歌

濰上別陸鳳臺掖縣陶虎溪卽墨

將入邑

壬子歲晏詩二十一首

紀夢口號

東極篇 目錄三之

出郡雜詩六首

望萊山

崗山東嶺書石

崗山西嶺書石

出崗山

贈徐生

題三星繡圖壽外祖翁

至崑崙谷口

煙霞曲二首呈王刺史

三

書掃雲石

竹菴龍卷

登州道得縣圃壽家夫子序

登景州開福寺浮圖

青旭詩

東極篇第三詩目錄終

東極篇目錄三之

四

東極篇第四文目錄

日門稿一

辛亥雜著二十一篇

陶比部野絃閣初集序

韓求仲餘稿序

贈秀上座

投海若文

告獄神文

跋高勞餐紫

東極篇目錄四之

跋季木所藏省長卿贈卷

告城隍文

湯黃縣考績序

祭八蜡文

再祭蜡蜡文

三祭八蜡文

亭山序

謝八蜡海鳥食蝗文

楊础觴記

祭吳侍御母太夫人文

季木辛亥詩序

萊陽重修遊仙宮募疏序

校邵子全書書首

送宋童子琮

筆海夢記

辛亥儷體六篇

報孫宇懷戶部啓

報署福山袁廣文啓

東極篇 目錄四之

報張棲霞啓

報宋招遠啓

報湯黃縣啓

壽燕少府啓

二

東極篇第一詩

西極文翔鳳天瑞著

海雲集一

辛亥東征詩十五首

二月奉太夫人東征始得涉全齊之槩自德州如

濟北矢志於陵縣館其日至臨邑邢子愿來顧云

先知有異人來遂如青城謁于泰寰先生先生有

玉質金相之夢尋至新城訪王季木諸王咸集過

青州登雲門山以三月二日視令事旅館吟頰沐

東極篇 一之一

海雲集

之得十五首

月窟

壁月弦成窟迢迢二十年魄生華向滿雷動地須穿

一復初辭妬六坤欲變乾乍憑龍戰力黃血化爲玄

東征雜詩十首

芥蒂胸中若許吞卽防枝葉蔽靈坤吾將斫却桐江

線不爲人間浪繫魂

其二

上春流月待清狂可是人間快意郎贈以芳華詞

妙天人應不爲情忙

其三

華陰赤土淬神鉉劍氣飛騰入斗匡匣底一鳴塵割
斷九州懸月洗蒼蒼

其四

若可寒盟卽用尋斷腸千折不平吟收功必記平原
館也學雪山苦行深陵縣爲古平原

其五

丹陽亦在昌陽里識應金蓮海上行千載恰逢孫不

東極篇

一之二

海雲集

二帝鄉雙掣白雲迎馬丹陽仙跡在萊陽城中將第時外舅夢予爲丹陽令蓋

其六

分明夢作黃金相廿五王春夜半時伸却兜羅綿樣
手縛雲擒電控雷師正月在都門閨人夢予編體作黃金色

其七

作聖詩傳學士口將無目我以狂生興言及此頻揮
汗恨不肩撐八柱行予有作聖吟三十六首韓求仲爲梓行之

其八

客子須防上盜船盜裝客載兩帆牽瑤山渺渺連海
海可恁收其棹曲還

其九

上士捐房一百年風雲償債待婢娟直須立斷人天
想萬劫無情返固然

其十

夜夜星辰挂眼前推開環堵攬長天峯回路轉君須
解聖廬賢堂可一筵

王季木告魯仲連墳所因諶之

東極篇

一之三

海雲集

辯折田巴駒已神談天稷下未須珍安巢六鳥包誰
繫却贈千金笑亦听王事合歸賢者誓夏聲不避義
夫噴可憐蹈海空求死一二十年卽帝秦胡傳以王事責秦穆

新城別季木二百四十字

臨邑

那知吾

獲新賞青城

于泰雲先生

寫舊襟逢者當吾

世要之千載人南詢王季子拋擲仲連墳片刺懷良
久因回問山尋浣足漂水垂大風略亦存眼有長白
山名好狂客欲攬岑醴泉架其足范老讀書痕我行手
范集以當攀嶙峋昨出邢侯贈粲然齒頰新夕矣車

驅之平蕪帶輜塵望望數雉堞藹藹動緬欽暗雲微
綴黛春餞淨浮林劒器知靈合衝匣時一吟高軒過
徽凝命婉注醪醇諸王少者佳揖我謂我吞朱火迫
晨嘉堂設并郊陳珍此丹霞眷安能愛笑嘖我受谷
王招鞭笞龍栢民將收連鰲具安此仙聖魂萬川朝
宗待五山拱向頻良陰駐片期元會遞千巡須君舉
玉趾爲君市若門紅日出東沼魚棠射金銀卽道無
供給水陸進鵬鯢

自灰阜驛之平度作

東極篇

八一之四

海雲集

周客觀於海東之障倒瀾齊統裁欲扇華嶽表而冠
蕪野條風逐青山淨眼看謂大衿裾饒物色七十二
城端

初至萊陽境上

何以卹民瘼腹經一寸無木堪先百士況乃首千夫
野曠天開曙山遙海獻圖願言諏父老酬此向隅呼
辛亥觀海詩八首

以三月六日就郡宿棲霞縣七日造丘仙之賓都
宮遂浴湯泉於艾山之麓宿寨里館八日過羽山

抵登州九日登丹崖之蓬萊閣縱觀海島十日蚤
作登丹崖之觀日樓是日陰晦弗遂十三日宿黃
山館驛十四日抵萊州十六日歸宿柴棚館十七
日入邑汰其行吟得八首

遊賓都宮

翠構陵丹壑煙霞故故畱映途松欲語衝檻水相求
結桂齊迎幟辛夷藹拂輶月華真可醉清界向人流

詠白香山

別構誰云在海鄉去來兜率遂清狂饒他爲築金銀

東極篇

八一之五

海雲集

館未是香山樂老堂

過羽山

觀濤就蓬萊縹緲羽之野昔有姪直人終然化熊者
神禹奠九荒配天隆郊畷有虞一何公宗堯超頌雅

登蓬萊閣

櫟弧夢射蓬萊庫遂陟丹崖十二樓翠合近疑天撲
鏡曙開平待日垂旒若華影送憑欄入鷁首風驅向
嶼收縱有金銀休望氣連鰲恐起聖仙愁子家居時
夢有摩天
之宇曰蓬萊庫
射之廓然洞開

望淳于髡墓 在黃縣蔚陽里

主人休待更畱髡但說羅襟已倒罇行便手攜春一石那能呼起醉清魂

大風行二首

北海之若嘯何爲直下朱橋披靡之日脚欲逐萊州道箕爲歟揚慧爲掃百夫抱輿不安輪十夫牽騎僵欲倒此時礙眼入風軸昨旦迎旭雙竹疊大竹小竹二疊走

謁監司如謁帝狂颶繫維將無意我提玉龍不敢呼近來天吳多負氣無已吾將肘神兵前旄徑劃蓬

東極篇

一之六

海雲集

沙去

其二

沙中新柳間桃枝託根弄色耐風吹風捲十里五里雲柳挂一尺二尺絲我犒肩者不肯住忍見憑陵道旁樹頻折腰無半日閒趨走登萊不厚顏乍捕潢池纔就蹟旋訟殺人未收官簿書旬外淹廳事歸時判決如排山黃縣主人初罷酒掖縣拈刺已在手山館月上讀律牀驛路塵生問俗口海面風波捲客來勞勞繭去將無醜君不見單父書人或掣肘鄰車誰向

瑯琊蔽堯舜難論戴晉人世事益堪呖劍首

歸自萊州由旌旗鄉入邑

十日登萊走未遑入郊茅舍徧焚香天桃也借旌旗好青眼須消道路長信有息民寸心苦曾無折獄片舌強村籬看到青青處雞犬誰知非故鄉

辛亥日華詩十一首

以三月十九日聽訟四月十三日有蜚徧竟積尺許是日卽舉春蔬食步禱雨至五月十九日海鳥至自百里外唼蝗殆盡政隙不廢詠懷汰之得十

東極篇

一之七

海雲集

一首日華堂蓋予所表其廳事

踏蝗遂觀於五龍口

五龍山前五水會流

今日不雨明日不雨我心如荼亦泰苦青青大麥莖已枯小麥房實味其腴恨無炎火收螟螣願言甘澍蕩平蕪仰天恰有片雲結長風摘斷如摧葉余出撰轡立路岐百首號咷叩馬隨壑窅空聞闕神羊嗟爾五龍蟄何爲

嗟哉行

須得黃金模重鑄趙飛燕香屑庚入骨以酬孝成願

蟾蜍蠹桂實缺月恨滿輪手其風落子于以顧菟
解二桃李本無言託根當中路過客舉而柯賞者堪
延駐解三靈僊假凡蛻姑具世人餐安能競餘桃口味
盡生酸

擬古決絕詞

嘗怪織女降河東郭翰齋頭香霧紅華首如雲抹滿
月纖腰以柳颺輕風分明別作五七字懃懃懇懇寄
遠鴻翰也恰有心一片終身不償閨房願引領頻翹
烏鵲橋撫躬但掣駕鴛鴦練天端樓榭杳虛無來年尙

東極篇

一之八

海雲集

望春歸燕寄謝人間薄倖人君心如鏡雙開面

讀孩之先生盧隱諸集

北地拊其背濟南不足營海濤觀八月岱岳了千城

釵脚風驅古冰心玉貯清淥波青向汝以踐歲寒盟

五日飲張伯行儀部亭山

孩之以下咸
集并有賦

或割如拳石置背郭之畔其東翹而坏其西窈有澗

準竇注濕雲架嶺危顛胸上有結桂旗下有雲容館

摩錫禹與禹名是亭亭禪儂亦嬖姍入山骨捫可戀

肯換鹿巾迎朱明得良宴相與話千年因贈心一片

新曙遂薄暝清燠四時徧獲父熙於條簣笛裂爲練

客忽疾叫嘯欲撓蘭亭絹煙駐并水停鑲雲兼縛電

顧謂所攜儕何如曩初彥起謝共手之汝言擇亦善

羣玉樹槐眉戴勝所然粲儲與八駿驅聊浪七萃諫

我征窮日域匪懷月謁嘆毛骨突代易濯足天池岸

聊且爲我圖我亦系之贊劫灰重固堅此山長過半

兩兩扶桑枝青田三四見題跡擎巨靈化而長虹貫

遼天終跨鵲當就洗腸算八月濤上查假以窺雪漢

以蜡出

東極篇

一之九

海雲集

昨出祈於蜡皇牟受以羣綠搖仍帶浪黃刈漸收雲

每每原田道芊芊錦繡文有蜚遙在野衰耳不堪聞

古意

人情無千里區區有寸心況此松桂性匪作道路親

靈官一注射萬劫須其真世無生死春何以副密存

蕭艾本苞植宜托荆與榛緬彼羣啄鴛安能鴛鴦羣

亭亭百尺條獨亘龍門岑羈雌迷鳥輩疇得宿其陰

君不來

君不來兮山中使我肉不知有著膠不知有鍾山童

童而宿雲澗滌滌而立松君不來今使我綢思不可
化氣隆隆而欲焚腸汨汨而憂瀉恨無良冶鑄君腸
之九盤今使之長專專而無辨

大堤曲

勸郎莫恨大堤女襄陽琵琶爭拈取五繭化作繫心
絲八蠶織爲送客眉眼睛少小幾曾濕只解流盼不
解悲有客意氣凌蒼月過之贈以珊瑚玦相從浪作
摧心語明朝如掃庭前葉有子東家過隴廉同騎竹
馬舊齊肩共巷要盟神亦聽郎跨青驄枉自憐

東極篇

一之十

海雲集

述感

乍撥含愁眼力新不嫌琅月就清人看來正好隨緣
去欲點黃金用水銀

淑問章

勸邵獄
檢場作

皇帝昔清問欽哉惟恤刑咎絲汝作士淑問手其平
俾子從欲治乃休造天成千載祀獄上端門長法星
我愧聽訟古哀矜並得情自讀邵家案五夜坐屏營
嘉嘆張司李前疑若通靈邵母良東壽疇與辨肌膚
我欲翻舊牘五令已相仍奪痛發其幽神鬼恰爲驚

歸而去更衣寺林待眼青子每出檢輒更衣於
城隅小寺屢決疑獄

辛亥東萊詩七首

五月二十日自芝山鄉造萊州宿餐芝館詰午馬
上得亭山序下馬坐山頭命從者索水山坂之下
烈日立蓋伏地書之至萊往觀東海廟於二十里
之外登觀海亭遂就滌硯於潮際是夕宿中國有
聖人之堂歸自劉長生之武官莊南登太基山遊
道士谷出谷登鹿山絕頂客詩五首邑詩二首

觀海二首宿東海廟下
是夕雨輒霽

東極篇

一之十一

海雲集

白領專城控海嶠門庭習聽萬川朝觀濤幻市張帷
蓋向若平瀾挹斗杓怪龍乍捲噴山雨別嶼齊開渡
日橋滌硯防他鰲冠去鮫人掬水候迎潮余滌硯
於海濱

其二

東海手牽綸似綸又如書帶轉堪紉得草如帶按
爾雅當爲綸
絲欲繫蟬蛸島名肘劒將橫鴈鷺津罷戲龍歸猶帶
雨騰裝雲擾似非神星查好探扶桑外我已藥成手
不龜音均

遊太基山道士谷書石

我本清都舊侍臣暫將行跡寄時人杖藜叩青山
骨却恐松風待葛巾

鹿山頂觀海書石

雙眼分明出大園翠虛騎鹿當千年腰間舊束虹蜺
帶挈向滄溟飲萬川

萊州道中作

情盡心花淬是鋒任教香露泣芙蓉快刀利劍胸中
出躍上晴天欲化龍

日華堂聽訟喜雨賦

是月海島食蝗
殆盡雨又時若

東極篇 一之十二

海雲集

海若靈驅萬鳥來沙蟲顛顛未言哀旋翻錦浪噴東
極如捲明河瀉上台肅肅弄珠鳥集瑣森森帶玉栢
環臺手揮千案須史事流徵引商座右裁

雜詩

春恨殊難浣懸風望車輪病已良復作謬禮參與汾
攬月收佳淚以爲良契珍

辛亥蓬萊詩十首

六月十二日如東半至棲霞就張令飲於孤山之
倚亭歸有感輒悅怒不平往觀於聖水泉有句書

石遂登方山之巔凡十首

采蓮曲孤山下作

采蓮手自下深情更選陽文馬上擎不爲路人青送
眼含香弄色有餘情

艾山二首

大澤藏山臂運神年年骨法倍嶙峋負之而走東投
海夜半須防有力人

其二

雲至艾山東不流風箕捲陣雨師畱崇巖鑱得霞千

東極篇 一之十三

海雲集

尺下壁湯泉上壁汗

行路樂

日行山孔並水面木旣緣岡亦被澗雲之油油上覆
之北溟波色岡頭見舍車與蓋調鞍馬回首立黛如
相眷更有風快剪刀冷於一足澄江練

登崑崙

忽漫登岡召羣師西山千萬不勝詩側身北望天開
否海氣分明湯之遇佳山水即命寫

羽山

魑魅御東荒羽山姬姪直其北坂在野九折困行客

車既不方軌雨亦墜雲黑有地曰十步九溝出郡本

憂讒在險心排側棗下何纂纂崦嵫望已迫三椽有

白茅澆酒決胸臆宿於棗林安得垂天雲立運排風翼摧

折楮項領夙尚蹴八極

發新店郵亭

我亦小儲與乖怒忽相尋却蓋罷彈棋冷眼憶青岑

篋探文選讀丹橙暗入衾譬如南徙鳥搏茲北運雲

有觸輒伏枕按劍對星旻陵晨具膏沐迅若疾雷奔

東極篇 一之十四

海雲集

呼與印呼馬徒步踏泥津戎僕如追霧馬至輕雨屯

一馳三十里破顏始代輦人生欲快志風捲萬里塵

松山

松山或好客藹藹折幽芳艾山或好雨容容表雲房

此有一碗澗彼有一粥湯湯既東赴澗合流帶斜楊

憶昨假清寐魂夢亦莘莘鳴金復張錦莫厭俗士裝

駕言就賓都巋然樹靈光至人遼遠矣耳目尚發皇

棲霞縣

雨臥煙炊就此間松濤含韻不曾關潛龍過澗還疑

客語烏安林自選山

方山聖水泉書石

山骨帶泉寒墮月石蘭彌澗暗留霞鸛黃不作人間

語誰解此中緩歲華

辛亥蓬萊詩二十七首

七月十九日又如登州茲行辨訟事謂郡公云殺

人以媚人吾不爲自此微忤故其歸涂病予理劇

縣吟嘯槩在輜軒間故咸繫之蓬萊二十七首其

爲昌陽詩者惟試諸生一篇

東極篇 一之十五

海雲集

方山詠

魯儒帶此巾佐以遠遊履逢客便談經是爲學子矣

國風重十二首

七月北行輿臥有弗釋者取國風讀因節其語爲

擬十二篇曰重少歌九篇曰變

擬卷耳二章

曾卷耳之舍予今至頃筐不遂諧也嗟懷人兮

曾高岡之病予今姑却馬酌兕觥也嗟傷人兮

擬樛木三章

樛木垂垂葛藟則纍樂茲君子履綏

葛藟彭荒樛木則裝樂茲君子履將

葛藟牢縈樛木其膺樂茲君子履成

擬螽斯二章

爾子孫什耶爾育不極

爾子孫伯耶爾鞠不側

擬兔置三章

或栳丁丁武夫或公干城武夫

迹迄于達武夫卽之亦曰我公是逸

東極篇

八之一十六

海雲集

武夫卽兔入于林中武夫有心有甸

擬芣苢三章

采芣苢哉葢斤斤則采芣苢哉葢存存則

采芣苢哉葢格格則采芣苢哉葢抑抑則

采芣苢哉葢祁祁則采芣苢哉葢媿媿則

擬汝墳二章

伐其條枚條枚森森未見君子遵彼汝墳

伐其條枚條枚薿薿未見君子遵彼汝墳

擬木瓜二章

投我以箴報之以緇匪報匪報永以爲窺

投我以縛報之以鼓匪報匪報永以爲樂

擬綢繆三章

三星之新矣見此良人矣良人如此子兮子兮

三星之就矣見此邂逅矣邂逅如此子兮子兮

三星之赭矣見此聚者矣聚者如此子兮子兮

擬秋杜二章

獨行踽踽豈無他人不如我同父嗟行之人

獨行覯覯豈無他人不如我同姓嗟行之人

東極篇

八之一十七

海雲集

擬羔裘二章

豈無他人不我顧居居他人維子故

豈無他人不我報究究他人維子好

擬渭陽二章

送舅氏兮渭水之涯路車乘黃何以贈之

送舅氏兮悠悠之思瓊瑰玉佩何以贈之

擬株林二章

駕我馬說株野胡爲者

乘我駒食于株胡爲乎

國風變九首 並臥興行樂
筆研爲之者

關雎少歌

王雎關兮河洲荇參差兮中流女窈窕兮焉求既考
瑟兮伐鼓疇予思兮勞苦

葛覃少歌

葛之繭葛之繭桔予手兮不爲徒慘也予旣刈而服
之黎黃尚集予卉也

桃夭少歌

桃灼灼兮其華予于歸兮宜家桃葉蓼兮蕢實予宜
東極篇 一之十八 海雲集

家兮宜室

漢廣少歌

南喬上句不可休漢女水潛不可求南木翹錯刈其
蓼漢女御歸秣其駒吁嗟女也不爽江之永矣漢之
廣矣

殷其雷少歌

子振振兮南山間之雷殷殷兮南山升之涕霑霑兮
南山見之

標有梅少歌

梅標七我迨吉梅標三我迨今梅頃筐兮暨之搶庶
士兮謂之

簡兮少歌

東日中兮上處赭執轡兮如組彼美人兮西方侯公
庭兮萬舞

桑中少歌

羌期我兮桑中羌要我兮上宮采麥兮采葑沫北兮
沫東要我兮送我慘姜弋兮并庸

澤陂少歌

東極篇 一之十九 海雲集
澤有蒲兮陂有荷美一人兮傷如何獨寤寐兮涕輟
轉儼無爲兮中悁悁

出郡病於棗林一晝夜

中夜忽徬徨遂作張旭痛呻嗟攪起居當是薄寒中
健馬遙呼醫不耐小兒弄余病益有以昨辯殺人訟
求去不媚人惻衷緣此動豕苓正當權勉戒窮途慟
豕苓益用莊子語作詩訖
詢醫則果以豕苓爲君

艾北艾南二山

艾北有平山杏藹赤松家對則青玉案側卽碧雲駮

艾南有方山良繪不能嘉真宰持工布天門截匏瓜
此山子近陟斜風并杵霞其上屯萬馬其下羅千車
舊爲割據國今是潺湲涯曙者觀此狀蠻觸戰於蝸

無限岡南行

出門乍聽聲收令已攬蕭森向帶間旅病直須妨萃
士宦裝難免笑靈山澗中籬密青堪問樹杪雲流翠
許攀挂眼艾松供給好容吾足馬往來閑

自松山至星榆館述行

二更促具藥乃知帝豕苓覓句頻得識謔浪笑莊生

東極篇

一之二十

海雲集

清童然桂火鵠列滌丹鎗坐攬長空練數稀白曉星
駕言棲霞道探騎捷飛騰主人金石契兼之蕙蘭情
醫來迂省之勞此小屏營焉跡懣趨召出郊枉子旌
孤山卷然蠹其胸架荷亭命樽強就几旋以蓮房呈
起而向榆科我醫亦遐迎余苦在腸胃觴酌不廢行
秋雲作世態所惜半狂醒安得刀圭好立將灑練醒
下馬怡庭柯把斗聊自傾松耶殆栢耶只爾不寒盟
秋海乘查試諸生
八極周流路短長如騎日月過扶桑霜濤只送中流

開行李遙騰上界裝氣燭人間星是客潮通天際水
疑鄉不逢青眼成都肆那辨身曾下太荒

辛亥蓬萊詩十四首

是行爲蓬萊第四遊以十月七日晡發宿朱姜明
日宿松山明日雨明日宿龍山明日入郡以重煩
棲霞令改道西還十二日宿石梁明日宿畢郭以
十四日入邑其還實穿東道西望諸山之背柳港
爲蓬萊竟石梁爲黃竟趙莊爲棲霞竟草店爲招
遠竟畢郭南十里之嶺爲我邑竟蓋五十里畢郭

東極篇

一之二十一

海雲集

蚤作爲王李木作辛亥詩序涂詩十三首邑詩一
首

火山辭

昔我來只西有匿月探咸池而不待余之狎招子亦
不爲列炬俾輿人之蹶松栢而掌蔭藜今亦已既勞
過短亭而筇長雜熠燿以束燎星熒熒而不下馬蕭
蕭馬夜號今我餉于左次手其溪毛子亦不憚具炊
屏石鎗與鸞刀曾余不可與朝食羌容容而據巢戒
拳旗而伐鼓恥含睇于桂椒鬼爲嘯曰噫嘻盜其名

而不堪詢者若但以爲台曹耶

夜就松山

山空月遯寒驅馬列炬疎林綴遠星金鼓逐風齊入
澗夜深溪底有龍聽

坐雨松山得張仲嘉兄弟牋

宵來本怪雲追馬未解騰裝是雨師林卧又遭山鬼
笑吏抄生怕野猿窺瑤華入裊雙懷月玉表當風並
想芝澆臆不堪頻近酒爲君傾海向春卮

十月十日

東極篇

一之二十二

海雲集

太青子發松山行風隧中作十月十日之七章是
日高孩之民部之官金陵自大嵩遵海南懷及之
雨栖風征我客營營栖費口征不福我膺

我在澗畏雨不前我在岡風與偕行

我性宜馬風蓬蓬奈何輿封不見山風不可張弗奈

何

驅而驅而往有次若炙印背

我在輜軫讀穀梁子風擊伯紙僕夫促膳行我其已

大讀穀梁子

觴而就輜軫太宅有餘陽首疾廢觴又不宜輿行
十月十日印北卽海高子斯舉爰南遵海思爾如環
引錐不解

宿龍山

日脚擲長繩山光待客凭軒聊有托茅茨未須憎
室小能容几籬卑不礙燈此龍屠可餉噉口北溟鵬

海嘯

海嘯忽驚西極客雷奔軍杳水盡立薄莫遂作吹山
風一夜千門攻打急白曉東帶就監司拂拭雪花過

東極篇

一之二十三

海雲集

督督天公詩張真如此大笑不爲區區使出門策馬
上嶙峋却顧全城不滿罇上密神山

西道歸邑詩

東行恐致棲霞主擬輿西歸別見山曾帶晚雲衝劍
首轉迎朝日映刀環風侵柳黛黃將斷雪入芝田紫
未還東艾西萊皆咫尺輜軒使者嘯其間

東望方山二首

主人如可買方山以許易仿不厭還玉案萬夫能一
餉置之草野爲誰開

其二

燕山臺上置千金，金帛區區結士心。
我欲開書兼授館，六經牛耳詔詞林。

入至北鄙

入境行人止道傍，却驢叉手晚成行。
使君於爾真何有，慚愧蒼生泪滿眶。

續作聖吟三首

吾嘗攬轡追明月，策馬清都是劇驂。
朝署直闕紫座北，部亭遙指絳河南。
體全功德一千二，步歷門庭八

東極篇

一之二十四

海雲集

萬三恰好荒淫周，域外無何有處任狂探。

其二

素王登座詔淵濤，特地口中下玉涎。
萬劫心花結兩字，謂克已千春國璽貢初筵。
爲衆父父天无首，當兆人聖比肩欲罷不能真。
有立憐他苦海浪，撐船

其三

自從羣玉受書還，弱水遙遙望眼懸。
欲盡蛾眉看細月，要鏗疏瑟近幽泉。
拈經恰印心間葉，陟座常開舌上蓮。
好取天羅爲袈裟，星辰錯落袈裟前。

以詩訊張伯行儀部

君是東皇領袖春，奈何玉體亦吟呻。
維摩警辯原非病，吳客要言浪莫陳。
濤氣熟觀休謝憊，祇園遣使不堪倫。
閒居蚤爲蒼生起，華髮騷時暫一揮。

辛亥蓬萊詩二十二首

十月杪旬以文宗至自西道入郡，迂邇往觀於萊山。
是爲蓬萊第五遊，有詩三首。十二月上旬以恤部至自東道入郡，以太夫人初度歸，遂改歲是爲蓬萊第六遊，有詩十九首。

東極篇

一之二十五

海雲集

萊山

在黃縣境，祠稱月主。

七山平五岳八主匹，三靈海運天通噫。
月臨地破暝騰蹤，收漢史幽嶂校秦銘。
復澗衝流雪勞勞，眼獨青登州飲東嶽祠。
借者爲王寧海湯黃縣張棲霞陸福山宋招遠

薄遊天地長男宮，太昊蒼衣盼蟹中。
繫肘真形光逼劍，侵罇黛色翠浮空。
雲生藻井如含雨，霧宿丹楹欲轉風。
遂有虹蜺爲帶者，請予彤管紀神功。

出郡門人之送者鏘鏘被於路

韓門弟子氣糾糾，口授爭誇自柳州。
五十六衫青共

眼人人須向古人求

入郡經馬耳山牛頭山龍山羽山

鞭馬不前馬昂藏驅牛牛豈爲服廂騎龍未試茅盈
法解羽空郵穆滿裝人本西夷周禮樂天留東極漢

車遨遊未乏明時在海曲梁鴻道不妨

予初得萊
梁鴻於海曲豈乏明時春首又
夢吟李詩梁鴻入會稽之句故云

爲沈恤部壽撫齊大司馬黃公四十韻

漳海更開天龍光仰大年七閩周版籍兩粵漢星躔
上相環匡衛中華緯太玄武夷真攬秀元晦殆嗣傳

東極篇

一之二十六

海雲集

卿月三能比王春五福駢人登義黃後學寧魏晉還

一抱公車牘三騰大禮篇彩雲圍詞陣長虹護筆椽

賦成觀者堵御得望爲仙腰裏玉珂振麒麟金鎖穿

刺州雄列霧雷犢仰歸併竹騎迎甘後陽鱗遞不前

天牢空有待秋憲秉宜專冬日原兼夏襲憐敢向蜺

見麾雖出守直道總如絃列郡股肱喜文昌藻鑑縣

劍門遼迎矣玉壘拂披馬去去蠶叢國行行灩澦船

洞庭青在眼雲土翠仍煙行省參南紀中書贊北璇

國風須問大楚使自堪畋淑問咎繇往巡行召伯賢

棠薇甘且紫衿轄次而聯西領端門首右當執法權

多冠雲豎立虎鉞霧屯遭尙父神機發曹參相業全

坐龜安萬歲求石略三編密運五輪指輕擔八柱肩

岱宗松其久賜谷宅同延初度逢皇覽持籌俟海填

金銀瞻寶氣列缺敞雕筵願餉滄溟鳥因斟沆瀣泉

賓於王父母佐以月嬋娟匪我私從華惟君大濟川

保釐徵畢命袞繡踐周邇正怪誅求急誰能法令綱

帝齡常九九王道尙便便小吏趨風下蒼生就日邊

大臣喉舌柄元氣鼎鼐鉉公竟崇明德爲氓競受塵

東極篇

一之二十七

海雲集

登州雜詩十六首

涉冬三陟府每出便兼旬膝拂千階雪襟收萬馬塵

世情輕小吏吾道愧要津食豈匏瓜繫滄溟亦解羶

其二

客歡狂喝采鱗費亂呼盧撥悶原同調消時且貰鬚

北冥麗月駐南陌好山俱几几雙塵鳥何堪竟化鳬

其三

客子來西極風流足令君骨須松桂秀丰合蕙蘭薰

戶近成山日城連海市雲蓬萊真射庫時與羨門羣

其四

珍重煙霞主寧海 崑崙不負山勝日清相對虛堂曠

是閑兩眼青天似千峯翠影環可憐心皎潔嘉話共

追攀寧海崑崙山有煙霞洞

其五

吾愛宋高郵招遠 霜枝颯遠秋藉書高伏枕交客笑驚

鷗熟我童年事重爲宦海遊據君吟榻坐如上廣陵

舟宋君曾攝高郵少小從游

其六

東極篇 一之二十八

海雲集

雪甚迎秋部應憐紫燕蹄得風輕過澗當岸却回溪

斷樹容巢隱聯拳嘆鳥棲返旌欣見海波上郡城低

其七

日射之罘島天開不夜城豹乘山罷市鯨立海收兵

芥蒂吞雲夢鯨鰲冠岱瀛酒人空炙轂無翼遂遐征

其八

繫酒入真閣聯鑣大帝家水光平展鏡山黛淨開華

忽漫晴霞出扶桑過日車蟄龍如可譯投句訊靈槎

其九

探碑臨閣道招遠辨蘇王眼力名題入心精古法詳

或能銘月脇吾與撰天章不朽惟真氣續紛海若堂

其十

每運潮門噫樓船控武威汝收驚鷺下濤捲怖龍飛

月散千林氣城街一鑑輝八潢低出入燈火遠星微

其十一

昨遭陳學憲詢問古人風遂送神輿看而期子野逢

象占因孔父方部比楊雄近自叅觀物兩篇數適同

太微本名神輿家夫子改命之

東極篇 一之二十九

海雲集

其十二

見招吳越署沈恤刑稱吳越間人 良晤坐清齋似結三生契同

披萬古懷太虛收眼界神物現庭堦我亦靈根露時

時所遇諧沈湛源氏與子印證所獲有契謂予骨相類呂純陽

其十三

海上青青鳥云從太華來萬金書自好千字父親裁

思海今朝涸愁山舊歲推月經新制作又復落三台

其十四

桂編偕叔定劉解 金籍又雲從與政同司馬論儀補

秩宗子如餐露鶴子走帶霜松何事脩文急誰叅太古容

其十五

綵翠棲霞縣靈仙只此居結交逢令主移酒駐籃輿共指榮山桂羞爲賦芋狙兩獲青囊贈叢著肯付予

張令上蔡人
兩贈著草

其十六

驅車上火山溪壑寫其間翠堞流雲映丹城瑞靄環政堂千牘待清夢兩旬還得遂家慈祝遊人亦破顏

東極篇

一之三十一

海雲集

詠齋中瓶梅

客或修瓶史予懷厭插花花在枝頭好生意屬誰家就林卽開口辭遲不收霞谷蘭豈爲人安用七寶遮攀條生意斷於我亦何嘉盆魚惜籠鳥蟻陣賀蜂衙昨抵勝谷畔有貽梅數葩帶雪將遠道選水護仙芽聊復小安置却是大生涯春深而香至放藥向人斜快眼兼清肺正几讀三車愛此貞介性不受俗衿譁右詩之一八綱六十五目一百十四首簡文七千五百六十八箋文三百九十七統七千九百六十

五字辛亥十二月萊齋定

東極篇

一之三十一

海雲集

東極篇第二詩

西極文翔鳳天瑞著

海雲集二

壬子東萊詩十一首

孟取如萊州得盤古廟於芝山之畔廟有石盤厥
狀詭異云生民初以磨盤卜配者蓋齊東語繇來
矣萊東武官莊爲劉長生故里特就棲止時方捐
百金得地爲尊經閣其材以海舟自淮輸遂定百
四十一里之賦涂詩九首邑詩二首

東極篇 二之一

海雲集

盤古廟

海氣乘春上客襟探春攬轡此登臨盤垂異象疑龍
馬廟梵洪川迅古今句始童童窺碧棟翔陽冉冉駛
蒼岑玄王古帝全零落季葉誰徵一寸心

行歌

春日平林兀自過苦無佳語付行歌安能一嘯華陽
雨五臟風翻百尺波

吟訖雨畢立至

萊州青羅觀

青羅觀峙玉嶙峋琢月鑄雲過眼新丹粒鼎間空憶

火黃塵鶴上不逢人

宿靈虛宮爲劉長生故處

每扣丹扉沈舊顏蒼蒼不厭太基山名山化人門戶風
相吸天桂宮庭霧與環島影參差遙落海鶴聲嘹亮
好開關探箋摹盡螭頭去肯遣虬龍又掣還

發武官雨雪風霽

紫庭侵曉聽滂沱翹陸銅蹄遂涉波俄有雪埋盤古
廟更堪風捲大沽河芝山莽莽雲千里霞社蓬蓬鳥
一科却召東王來捧日終教春脚送陽和

東極篇 二之二

海雲集

新作尊經閣紀喜

布地黃金連五丁彩虹飛架太微庭三千卷軸園青
眼十二樓臺列紫冥卽見雲梯連閣道遂占魁柄起
文星聖人遞出東西海會指同心印六經

懷季木

時將紅日浴春溟蜃市銀樓作外庭龍栢獻鰲連六
首遼天贈鶴過千齡我看長島當長白登州有長山島濟南有長山
山君見太山想太青彩筆能令煙雨作何嫌笑萬共
啼猩

輜軒聊述

近聽腦中童子語舊看心葉 玉皇經木公考課巡
三島白帝傳觴宴百靈有骨凌雲周外界無才佞世
冒天刑吾將力挽長楊斷諸座時開樊口磬

季木舉第一郎

予領西皇節鉞尊每邀蒼帝過蒼門按圖面訊麒麟
種降嶽誰分日月魂親乞釋迦懷抱玉送歸文水竝
棲鴛仙才翼日凌王父作聖還師八樹園子園有八樹故名

中上人將行野鶴子適至戲占請其書爲贈

東極篇

二之三

海雲集

啞然中上人颯爾方處士偶從泗上借甫冠仍向身
弄說梵字由來假蛻六尺耶區區蹤跡真細事自楚
割襟雷史行何思先生向吳納刺陳令至元明迢迢海際征
塵過五千爲探文生釋舟策蹇驅煙霞洞口具桃笙
蓬萊閣頭求蜃市亭山活水亦宜人濯足狎五龍攜
手弄七真丹陽靈窟迴白日不二虛堂繫彩雲君如
經營八極之空王東驚西馳不足等閑忙緣熟而來
浮震旦其去隻履蒼蒼廳事忽集盧耽鶴三人對
而天東角壁不堪上風不堪捉舍利茫茫只在五濁

百聖千佛吾領却大皇之璽曾訂約作詩將之登軸
者此鶴好音待子殊不薄

編戶以十有五曰畢一百四十一社

三單政典垂幽雅九賦輿圖壯禹功宅谷謬當義仲
後料民非比太原窮星辰望眼中極日月飛光海
大東百社未誇行電速版章土宇敬臣工

壬子蓬萊詩十三首

改歲既決疑獄仲月又定賦則太青子殊自快是
行爲蓬萊第七遊自西道往還其詩十三首頗有

東極篇

二之四

海雲集

容與之樂

北行喜五里一亭三步一柳如令

出自闔都路眼青短亭卽已帶長亭行行又見新編

柳珍重蒼生趁雨靈

小霧引

往子已亥
有大霧引

大霧茫茫日月晦寥廓小霧蒼蒼山川失遼遼余如
橫絕八遐聊浪無鄰之獨鶴周還四顧去路回薄萊
山孤根垂地軸艾山兀頂沒天角將挂朱絲繫翔陽
遂卓青丘堪廣莫挹北海於觚樽澆胃臆之落籀丹

崖塊峯蓬萊閣何堪寫兩淥秋水之湛清因之寄
一衿春風之戍削夸詫谷王貢蜃樓千旌百帳布城
頭臣本陽侯薄供給大府雄節倘佇畱馳符願牒扶
桑帝娛樂春心客綢繆海之人今市奚爲去去但結
無情遊我不作市井眸又渠愛珊瑚釣他日神足酬
精衛苦海填平子亦休尙悲礙日之鯨冠山之鰲舫
勞於瀕洞之湫無煩作書寄枯魚波底魴鱖淚不收
願假六氣爲翼出神州又何須來往百花橋一葉舟

暮入登州

東極篇

二之五

海雲集

遠山微剩黛近島澹留青海若收城市鮫人掩戶庭
宿雲如待曙歸汐解藏靈日母東巡至余將攝太寧

瞰海行

出郡登密
神山作

近上丹崖瞰海時精光束縛向天池海氣在襟濤在
眼大竹小竹立參差沙門黑蜃城千堞鼉磯黃雀陣
六師遠上密神瞰海時神在海外收攝之海平如鏡
山如點坐見遼天萬鰲馳射鯨之杳連強弩五嶽額
高歛沼陂海人只說臨海好蓬萊閣上空草草雲露
一觴碣數鐫鳧乘漚狎興亦槁香水海挿須彌山可

但須彌着淥老

大竹小竹沙門
鼉磯之杳並島

密之水辭

密之水匯而爲貴溪帶君子之芳洲面結亭於漣漪
撐魚骨而爲梁渡月影於曲陂適出山而卽潤子曰
何其密之水還而赴天池載登州之繁華和萬家之
鼓吹收畫橋之黑水貫雄城而北馳旣希澤而朝宗
子曰何其

石梁口

西峙萊陰揖石梁黃河雖小泛蒼茫蔚陽翠鏤淳于

東極篇

二之六

海雲集

墓柳港碧通密水鄉審子行吟青玉案春風好掣紫
騮韁旣閒吏事兼歸耕處處征衫總未忙

九目山

一雙秋水何曾少億萬寶眸承是多君看齊州原九
點我觀瀛海總無波

夢吞韻兩編覺尙有紙氣紀以口號

昨入登州清伏枕夢吞沈約韻雙編汗牛詩卷削楮
玉吐鳳心花弄筆椽

行當諸山之間

西蘆東艾兩摩天其外好峯湊眼前被嶺新松回翠
黛入村流水聽潺湲旌麾或訊登山路駐蓋頻窮山
地泉筆硯輻軒殊不廢行行覓句染長牋每於輿中
滴硯濡毫

嶺山

平野立如好丈夫垂青木羽弁山圖乖龍截耳宵嘶
雨捲電收雷不敢呼

空城

立馬空城有所思煙炊想見就人時年年自秀王孫
草不管春風吹未吹

東極篇

二之七

海雲集

方山

東行西行總在山大山小山費登攀相看未厭方山
好俗吏腰閒眼亦閒

入自飛駿館勞亭長

旌旗名山無望不朝宗約束登萊千萬峯身現宰官天
列宿澤收獫養海提封乞裁伐肆成馳道杖鉞操弧
壯國容肉食未堪當父老省刑真愧日如冬

壬子遵海詩二十四首

昌陽幅員六百里東南百二十里而爲大嵩衛二

百四十里而爲海陽所並令君統之三月仲旬予

往定軍丁始遂游觀南出迎仙門造迎仙觀禮四

真會葬之閣四真者馬譚劉丘四君子鐫像惟肖

閣後爲任風子壠弁州集所謂元人樂府有馬丹

陽度任風子者也城內任風子巷存遂自五龍山

宿鳳山鄉之姜疇張儀部蓋待我五十里之外明

日觀五龍入海處予於是欲作海祠於海中之香

島三架七子諸山則峙青道左不及往至行村場

諸生十五人從登海舟明日至大山所登大山蓋

東極篇

二之八

海雲集

登萊所謂東海實北海徑千里而通遼昌陽竟上

始爲與天無際之波臣自香島遵海東行至大山

始臨巨海之涯天光日華眼力與心精並促矣其

下爲田橫島西眺則爲勞山之陰至衛諸帥弁千

百夫長姑罷謁明日定軍丁遂俾海陽長以其冊

至定之蓋遙遙例不必遠入風濤而直造舉島也

已乃視學爲諸生四十人極談是有兼營度新衛

學子於是以所蒞公署之地勝欲更置學舍因目

其中堂曰學海諸帥從予至海畔縱觀云東眺則

爲朝鮮南眺則爲淮陰爲吳門也命侍兒攀蝶蜂
之詭殊者并獲鳳眼菜以獻反轡則高未孩待我
大嵩之麓陟之坐危石至夕麓有寺予爲錫名碧
嵩遂宿恢村恢村者高孩之里也明日遂就其北
山觴北山者孩之墅也清水千章兼山有之已乃
自招虎山西北還更名以伏虎行白水界中有石
劍插地宿朱吳社明日登觀山臨昌水寔廢城之
墟萊陽故昌陽一曰觀陽曰挺曰盧鄉云閱穰養
澤澤於周禮爲幽州藪以配醫無閭崑崙跨海而

東極篇

二之九

海雲集

爲封域也宋孝廉則待我龍門寺遂宿萬柳左孝
廉亦至明日張儀部又待我溪聚溪有魚鳥石或
以魚石獻則蛻可以指剝也鑿溪底石中得之蓋
魚之淤沙中久之化石者滄海爲桑田不妄矣遂
踏雨偕飲於烽火山之洞洞故無水有客僧持不
語戒者鑿之遂得泉凡七日入自望石門望石山
者云麻姑飛昇處山拳石而孤撐如抗掌也得詩
二十四首圖而列之曰比觀遵海云邑蓋詩所謂
大東與海邦者左氏稱齊地東盡沽尤沽大沽尤

小沽也寧海文登之界則齊東之野矣是行也縱
觀海表一游一豫且在邦域之中他今有暇我公
出陰物色以中傷者其後直道竟忤太青子在大
嵩署實見諸夢寐

行部造迎仙觀禮四真閣遂由挺城至五龍社
諸生止我

恰有煙蹤待客輶選仙使者舊門庭絳衣尙化齊雲
紫綠野還浮挺縣青六座移星臨上將五龍鞭水赴
春溟相迎却勞衿裾雨如向圖端奉嶽形

小極篇

二之十

海雲集

張伯行儀部邀宿姜疇別墅

走馬龍溪又鳳山東溟主者興誰刪千林柳黛情初
繫幾點桃紅恨不關大谷雨招籃荷入長公春在海
棠閒餐君數筓松花飯登眺眼從天際還

望三架山

若華濡海勒晴雲仙掌高揮月暈分鎮日蛟龍供掣
曳何勞三架枕千軍

觀五龍入海處

五龍歸海處百谷見王時地湧亭螯鼎天開浴日池

架山煙莽互香島氣參差謬作神靈主將崇血食祠

門人邀遊三架之足觀千歲銀杏夕陽不赴

囊中自貯金光草筆底長生玉蒂花招飲爾誇銀杏
好貪程予悵消盤斜千春鄧野殤天老百尺龍門礙
日車枚叟莊生稱說妙安能卽策白鼻騮

以諸生十五人登行村寨海船

少小江湖足歲年每談舟楫遂攸然諸生忽漫邀浮
海津吏相將解纜船風送權歌漚鳥和石廻日母似
綸牽濃霞澹霧平連島春水分明坐九天

東極篇

卷之十一

海雲集

登大山

東遊至此
始臨大海

材官爭跨紫騮環脩臂烏號控左轡前導遂探龍扶
眼山足有石眼曰龍
眼水不流不涸後騎猶蛇虎窺關海濱七子鄰
翁丈其有七子山八
家如子從丈淮上八公遯大山日下濤明千

萬里廣乘如向九青攀

大山下爲田橫島

雖屬即墨實
在萊陽海上

海中拳島亂崢嶸有島曾羅十二營五百精魂都飲
劍鯨鰲尚作不平聲

鹽竈引

慶州花馬是神池大池小池其如飴河東空賈形鹽

苦耀邠弗食強就捕遂使鹽丁太不恭千夫百馱密
遊蜂所至蹂躪掠婦女枉道伐村禍太宗我嗤舊年
長武令手麾全城擊後勁遂遭束縛薄領頸吁嗟朝
廷執利權奈何朵頤爭百姓我亦東徠官山海散粟
禁民私用醢昨編竈戶不錄丁摧徵鹽課平不殆海
畔纍纍如蠶立澆土收漉煎半日一沸霜皚皚再沸
雪粒粒知是神工是地力爭掣青絲摘貫錢旋向鹽
頭償其直我見破顏忽大笑海人割腴亦窮隄日曬
東極篇 卷之十二 海雲集

定大嵩衛弁大山海陽二所軍丁

伐鼓鳴鉦大海干按行就隊羽林官神鰲鼎在龍文
結仙令鳧來鳥幟寒萊子部人兼萬戶幽公軍法用
三單雀風蜃氣侵襟肘其禮切雲華嶽冠

觀海市

諸帥從予海際西南見勞山之陰隱隱浮一城旁
湧一樹是日陰弗究其波詭姑紀以詩

海面誰開百雉城須臾一樹載如萍居然振鷺初翔
羽可是輕車驟勒兵影借勞山迴自寫氣浮橫島望
全平遠方兄弟諸侯在日母濤形欲破醒

高未孩待我碧嵩寺集句

水勢潺湲萬壑分落花時節更逢君爲君下筇一餐
飽海上青山隔暮雲

登大嵩山

東極篇 二之十三

海雲集

海際嵩高十仞霜苔痕一壁削蒼蒼何堪載向青囊
去天爲孩之賜紀堂

宿恢村

我攜一部雷霆吏到處翻雲作雨花空館吁嗟縣圃
了春風畱滯未孩家銜杯大被笙簧聒伏枕仍將軸
卷賒嘉旦北山邀跨馬山行都忘吏排衙

北山憶孩之三首

使臣陟北山佳人羈南國松未雨霖鈴相思思似翼

其二

其三

石劍

昔君跨蹇驢來往北山道通客客移文鳳凰臺上好
肘將赤堇發新硎石是蒼龍暫化形干斗氣騰天極
紫截雲影斷海嶠青夔懸一足嫫嫫遜鯨飲百川偃
蹇停歐冶未須金五色春還空谷夜霜零

朱吳社夢吞墨二寸

東極篇 二之十四

海雲集

却怪詩書入肺腸蝌文鳥跡浪清狂八蠶綿賦蛾三
起五繭絲抽漢七襄更吸墨精雙徑寸須生筆彩萬
尋常七尺曰尋
八尺曰常溟池近采罷磯骨孕雪胎星又幾方
孕雪胎星
于硯銘語

登觀山觀昌陽廢城

六百幅員下土方宅義暘谷總稱陽兩眸海色山宜
觀千頃日華水自昌誰促爛雲歸挺縣未收佳氣入
盧鄉遊仙却乍丹陽叟亭子山前卜允臧今縣治舊
爲蕪野馬
丹陽語人曰此地終當成都果
然遊仙宮馬仙故居在城央

猗養澤二首

萊陽當爲營州地
周入幽州與遼合

八陵十藪亘中原獨割東隅入北垣陽谷日華天展
角幽州陸海地開閣周官跨薊通馳道司馬屏燕奠
左藩叨主寅常員分命者不堪四國贊于蕃

其二

家門正想周焦穫客眼仍方宋孟諸綵翠欲浮華不
注尊嚴直墮鑿無間潮推碧海歸銀漢曜枕蒼龍捧
帝居主月名萊垂日表須標山鎮小青徐

宋孝廉待我龍門寺因邀宿萬柳別墅左孝廉
陪宴詰白赴張儀部溪聚新業之招遂偕飲於

東極篇

二十七十五

海雲集

烽火山得十六韻

曲竇捫蘿入荒途逐澗分足音登谷眼旌影遯塵羣
遐探收嵐靄冥搜駐日曛法王花不雨釋子飯誰芹
坼石成幽賸撫柯就獨芬千盤仍蹇跡九折倦蘭筋
陪傷心胸拓招邀禮數勤淵明驚萬柳倚相讀三墳
嘉樹宜延月清庭不散雲命樽消夜艾開幔快風薰
旅夢與之帝是夕夢至帝所聞
天籟是諸聖品次心齋豈茹葷遠襟偕
上假春恨謝糾紛溪聚行行好烽邊去去欣桑田徵
海變魚鳥帶松紋有魚鳥
松紋石僧異泉迎手有不語僧
鑿洞得泉詩

狂筆掃軍祗應關尹氣占紫送氤氳

烽火洞書石

未須春黛送千林雨過山佳足嘯唫空洞不妨雲出
入清泉如待月追尋冥冥桂樹衝煙立曩曩天絲撲
礪沉觚斗暫時容主客餐琅玕法共誰任

壬子九青詩二十首

初夏如萊州是時門人遲允成輩讀書大澤山中
飛困致我以其月九日自萊州登神山神山劉長
生脩煉所七真咸醵像維肖山有雲母石十日陟

東極篇

二十八十六

海雲集

自大澤之西嶺山高可十五里而有寺於坳云盛
夏則白雲入榻際濕不可留是日陟天外峯天外
者西峯也十一日則陟觀海峯蓋北峯窮殫險悸
向所謂天外者又不啻足底之墮焉爾因更名其
山曰九青徧山翠石也徧石蒨松也巨者如舟如
屋然咸肖物形不可繪一派真源掌流奔注山又
似疊石爲之者類累基然予所遊自太華外罔儼
矣十二日自山之東嶺降則白雲環山四匝而填
覆登萊兩郡者千里無隙地如雲海諸遠峯則露

數尖如樹杪也僧以爲山市是遊也遲生爲觸具
所登處卽把杯子卽索筆爲詩允成善書法卽鈎
諸石壁尋卽命鐫人是爲予生平山遊第一快詩
二十首爲九青者十八四子卽並稱九青山人四
子者遲允成竟成大成王民望也故予嘗欲作亭
山中曰講德

登神山探徧諸洞

手撰藜牀選翠霞煙耶莽殆非耶騰裝下鷺還濤
氣拂木浴池自日華王屋箱將石丈枕安期聚比天

東極篇

二十七

海雲集

門瓜不禁萬壑松風老大澤相看興益嘉

四月九日

宿夏丘鋪

我生今年當四九四月九日又廢詩追思已丑雙逾
紀那克庚申盡殺尸矯首帝車天歷落拓襟蓬岳地
屢屢聖門如問中書考月窟春宮愧等夷

四月十日大澤谷口雲來四首

山根縷縷起雲根半起半垂戀故屯風送不嫌催過
澗樹畱仍許暫闢村

詰者以石爲雲根予獨謂雲自有根遂成前說

其二

入山蘿石若爲情每被流雲取次迎雲出定知山好
客客佳何負鳥求生

其三

春雲靄靄挂天絲又似鹿狂逐欲時君看夏雲爭似
好千峯歷亂向人奇

其四

山家幾畝種雲田山下攤綿馬不前放去不收歸甚
處雲如可買費青錢

經櫃石

東極篇

二十八

海雲集

劫錄曾編獻上皇還抄貝葉過千箱雲封尙有琅嬛
貯倘許攤來譯滿牀

雲堆

山中雲出不堪簾客愛時時掬向手安得臂如大士
多拏雲作雨翻北斗

天耳石

音經

中有真音非管絃混沌七日宇幽田我生不墮聲聞
道可信光音屬舊緣

音緣有目我爲天音者

天泉

天際與源四字在西峯之半

既觀瑤井月宮天也問真源白帝前止許金華仙掌
露芙蓉共漏一杯煙

歸自西峯書石將登峯題洞天二字
峯上題青天外三字

枕石呼行月松花落酒罇海風遙入帶隻眼具靈坤

夜觴邀月臺

停杯試問月天子同姓何須又待邀月名
文中四十九句

齊墮酒杯杯總吸桂香飄

香積石一日登
北峯望之

天邊他化皆如願也似青蓮法喜飯倘乞鉢中一筋

東極篇二十一十九 海雲集

雲交梨火東直一萬

上北峯書石山逕題藉殿二字望香積可揖陟
而將至洞之第一窟書一絕句

瑟瑟澗迴風謾謾松挂耳山骨自長成幾度吾與爾

穿洞至第三窟書石題呼吸帝座四字又穿南
崖之幽書詩懸壁之上

目盡長空杳翠煙真堪搔首問青天想從此度臨風

去更長由旬過幾千從者曰先生來山若此
而高矣遂有此作書石

北峯絕頂改題九青山書石

大澤似華山高得其三之一險勝得其十之二探

頂餘三尺不得陟此遊書石者皆遲子登至此予

與子登子與元吉皆畏不前因使王于周題杯海

二字其頂子登題作聖二字於所陟處而頂側有

孤峯出頂上使子登改題九青山子作詩并鐫

大澤逢子字九青絕峯作聖手鐫銘坐當震旦中央

土身應文昌上將星注酒平提天北斗洗腸直掬地

東溟長風縹緲衿裾下兩掖脩脩挾羽翎

自北峯絕頂歸作出洞題其所入處元氣出入
四字因書一聯曰上天雲送

客出洞
鶴迎人

曉命肩吾帶日雲穿窮月窟到斜隲桐參太白天盈

東極篇二十一二十 海雲集

尺垂外簪人足二分須奉石函藏策府遂開苔壁寄

山墳藏於洞第四窟鑿壁
藏家夫子天經耽幽我輩更毛骨矯首征途

五內焚

船石

楞伽五石濟川功不泛風波苦海中蓮社幸容陶令

醉春清一吸枕山空

蟾石

玉杵玄霜咀不勝結璘何日繫朱繩我曾識汝吳王

處家住長安蝦蟆陵

雲海

四子爲子言山中陰雲縷縷入戶至濕不可居予
欲爲白雲之詩恨雲不生子足跟前十二日自東
峯還邑至嶺將別見山外白雲平鋪無地無海惟
他山之高者露數尖而大澤諸峯絕無一片四子
者以爲未曾有又非所誇向來雲也山僧亦謂數
十年不可見蓋山市云子以爲雲在地如海遂題
雲海二字四子復策杖相將下山遂藉草坐作雲
海之詩

東極篇

二十七二十一

海雲集

耕煙種玉太清家誰遣白龍送海涯真宰欲酬天五
嶽密雲流映日三華天有中華東華西華三門遙連島嶼渾無界
近抱峯巒別是霞休比梁園千萬頃容吾陸海一乘
樣

壬子日華詩二十三首

四五月間未出有軼俗之槩嘗馳筆爲百絕吟嘯
於風雲之外然往往離而去之汰其略就音節者
合他詩得二十三首

天上謠八首

聽我清歌天上謠勸君休唱木蘭橈天牢世網爭多
少幾度玉京待早朝

其二

曾挂朝衣五鳳前朝班初就聽鳴鞭也知天上雙龍
闕御史糾儀立禁煙

其三

太赤天端五色霞化爲一匹踏春紗披風直造三千
界肯學回仙又浪誇

其四

東極篇

二十八二十二

海雲集

或謂天班舊挂名太清館署是前生莫言舊日周元
甲不記當年林子卿

其五

蚤歲默朝玉界城琉璃一壁向人清風雲更被黃繚
問攪我從前無限情

其六

如到日宮月宮天藥淵瓊井好林泉知君未解雙輪
妙張表文申舊置筵

張表文申日月姓名

其七

清都稽首叩元皇玉塵高揮太極牀請鑰天門誰付
與扶搖主臂并雲將

其六

但面專城手一童簿書還自燥肝腸轉輪何況兼山
瀆朝會須拋女寶忙

解禪客六首

須信玄皇不負人聖宗中夜喚梁津六經讀罷緣非
薄再取中庸看一巡

其二

東極篇

二之二十三

海雲集

文考姬公下太空手披清界運神工一腔睿聖歸何
處不識人天有大雄

其三

泗上原非選佛場杏壇休擬布金堂若容權教通方
便孝子忠臣枉斷腸

其四

百尺浮圖百里青千林貝葉千林經人間自誦梁皇
懺俄向臺城可有雲

其五

大梵桑門日閉關十方緣熟頌開山爭知爲甚營生
母擲向家園誓不還

其六

若教尼父御中華賢聖齊生千萬家千聖萬賢偕出
現諸天大地總成花

內觀口號四首

道作心花想未然我心如見是青蓮若話心似青蓮
葉笑落人間萬口涎

其二

東極篇

二之二十四

海雲集

莫道心花似水晶心花原只是虛明也曾現出千般
妙却向本來見太清

其三

我道心開似玻璃靈臺果似九重梯安能拈出憑君
看君欲看時我亦攜

其四

似有金堂界玉欄弄珠而坐五情寒心開葉葉青蓮
好拈出安能使爾看

東極先生歌

先生恥讀山海經周王傳何況大章所步東極西極
之津畔世界雖闊終有岸屈指從前籌一半古來玄
聖眼全清五嶽猶然混真形上有紫座太垣不老之
雄長下有赤縣神州無漏之墳經吁嗟戴晉人既往
宋榮子不來一雙秋水向誰開 帝既闢三才之館
我應築九流之臺先生圖傲何爲者天地爲場日月
爲馬小容與八十一州馳驟中區大逍遙五億萬年
虛無上假暫擊游絲弄妙春借蛻開眉作世人營營
尋尺顏須厚噴唾喉中溢漢津七孔原非我五官不

東極篇

二七二十五

海雲集

亭山雲從洞贈張儀部

壁峭沙明手拄藜交門嘉樹乍迴溪白龍驅澗移陽
羨宜興有張公洞朱雁啣亭出會稽園有山陰競勝之亭山骨磴穿雲
輟殿羽觴流寫水喧梯但容看竹能寬問休費叵羅
選勝攜

行野

百計息民未有方催科四月不開倉可憐畝畝黃雲

麥都辦官家五限糧

五日射柳

夾道朱榴欲掇英探郊赤驥正蕭鳴東秦也眺長楊
榭大夏如傳細柳營穿葉未虛琴氏勁攬杯宜繫海
雲平孟嘗食客堂前幾狗盜年來却刺名有感故云

五嶽冠成

但冠五嶽讀天經莫問山人是太青 大帝豈曾供
侍史五文子亦戴真形緯書稱天皇帝冠有五采

壬子蓬萊詩十四首

東極篇

二七二十六

海雲集

五月二十七日入郡是爲蓬萊第八遊是時都御
史薦剡優予道固亨然陰瞰上大夫有我忤者故
茲行頗有感至郡而二十九日夕有異睹奇之詩
十三首歸卽以六月朔如萊州是爲東萊第五遊
得良園於城東南隅而棲之丞尉不戒有獄警馳
歸則罪人斯得懷惡無詩自是罷萊遊以十三日
又入郡上大夫與他令有顯忤我者其受病姑弗
殫述自西道往還止爲一閱於逆旅兩次無他詩
是爲蓬萊第九遊而太青子始如坐芒刺矣

宿朱姜趙茂才草齋書懷

碧澗斜通草有齋去秋明月望全乖未甘獨馬翹山
坂自賸新愁付部蛙九曲腸迴傷直道一官業薄負
雄懷濫竽轉憶觀兵政接旨朝門尙我儕

游仙行

巾車忽漫上蓬丘碧海青童臥不遊我自手持龍一
角九雲呵斷北溟流

飯楊础過棲霞見招不入口號二首

每以折腰俯海鄉不如操案尙堪忙客情幸仗棲霞

東極篇

二之二十七

海雲集

縣一派松花落澗黃

其二

雖具眉鬚強事人六經讀盡不扶身壯觀幸仗棲霞
今每遣官僚送水濱

賓都宮喜見武太公柱端墨跡

爲辛巳仲
林望月題

三十年前舊使君畱題子墨尙蘭筋玉山光逼清都

月金闕靈收太古雲半秀枯松凌柱下乍遷幽澗照

鵝翠有松半秀半枯數
百年物澗水亦遷芹翁壁左題仍好寂寞羊曇

竹欲聽壁有呂
谷先生詩

登崑崙峴

登岡眼力太虛長杖底霞明攬四荒岑嶺促雲歸北
海萊山嚙日照西皇帝車俄指星天極濤氣全收地
谷主安得羽人肩八駿銀河吾欲泝流光

小羊腸

在羽
山陰

每出關門望太行黃河沙岸費梯航鹽車十載空噴
驥白汗交流但漉漿九折青泥仍宦跡千盤紫劍困
征裝向來謬說羊腸小直道于今步步妨

紀景

五月廿九日登
州無欲軒所見

東極篇

二之二十八

海雲集

臥現青蓮綻寶城至人毫相大分明儼然如陟崑丘
外不借三車悟此生

小景二首

瞥見玲瓏七寶林一池荷葉布球琳且看鶴舞長松
樹卽向李官戶外尋

夜現松鶴品曰詞
司李其門壁繪此

其三

旋見玄端童甫神不知長踞欲何陳似傳我已因緣
至立就青都牒上真

蓬萊閣

山青媚眼鮮海綠上襟妍閣冠蓬萊小滄波倒浸天

平山卽崗山

安能運郢斤郊却人心險盡比此山平莫教元氣減

自棲霞之星榆館作

北雲如曲遽片片南歸促南雲突而歸千峯排空谷
雨師忽行令垂垂布鴻陸啄溪鳬與鷺求林不禁沐
驅車方山側榆科重極日微風薄四壁盤屯掃亦速
我僕力推轂能不畏詰曲杲日揚清暉惡雲枉追逐

榆林村雨次聽鸛黃

東極篇

卷之二十九

一轉如稱行路難再啼似訴青泥盤矧予蹢躅困於
讒何用斗酒與雙柑使我慘然摧肺肝

右詩之二十六綱八十一目一百五首簡文七千四

百七箋文四百九十七統七千八百九十七字千

六月萊齋定

東極篇第三詩

西極文翔鳳天瑞著

海雲集三

壬子入院詩七十五首

是歲春葢夢至直指校士所出自其右闔云八月
朔始奉檄兼四日夜馳八百里雨霖鈴弗寐
弗止以五日朔謁臺館於舜皇廟同止者韋聊城
張壽張馮堂邑初七日宴已入院得謄錄張馮偕
之金銘曰我儕雖弗見收三人獲日夕亦一快子

東極篇

卷之三十一

海雲集

曰我儕署其西直乎已乃改金銘他署金銘大輿
惱比入果西直如夢羽明笑相目兩人猶稱幸金
銘時以詩來曰我儕不相違亦何至托之篇什予
病卑濕甚拘悶者兩旬然猶恃羽明歸則偕唐諸
城陸掖縣陶卽墨以九月七日至邑蓋西行詩二
首闡中詩五十八首出闡詩二首東行詩十三首
合七十五首

西征初發

徵書初下海東荒半夜呼騎劍掃霜翹陸我非李八

百萊陽至濟南八百五十里縮程應謝費長房小沽水名正渡雷偏
怒大澤山名平推雨故在安得西郵天子馬追風千里
破封疆

雨過青州望雲門山

遙望雲門雲出處石街天鏡月安輪乘風去歲探靈
窟沐雨茲晨墊角巾險傷牛山妨跨馬泥衝溜水良
通津征夫縱怯休辭遠海岱惟青不負人

初入闍答馮羽明兼懷張金銘

我挾滄溟氣翛然抗羽來寥廓青天眼飛騰紫電材
東極篇三之二海雲集

海雲集

遜膚周几烏刷錦漢龍媒歐冶待風胡銅山赤童開
選仙良使者校錄亦清儕羽明同舍郎團團露承杯
薦以灑練我幽思霞上裁只尺藐姑射蒼莽阻蓬萊
梯月凌素魄輪囷藹予懷金石託遠契羣玉眉樹槐
金銘號
藐姑子

閨中紀異

五百人相驚以鬼遂問於至公

丹鉛領繕三千牘月在高隅夜颯然窺座未驚喧異
物伏牀真笑攪高眠五曹何事愁相傷七豕還應故
現前敢告文昌司命者寧將青眼向才賢

中秋雨得秋字

同張笋玉王景日寅文馮羽明年丈

雷雨垂垂弄不收恰疑真宰各清秋皎暉却共詞林
鑠濁酒虛勞望眼留玉斧欲揮天上界金波定湧漢
中流行空一點憑誰借撥悶相看強獻酬

楊子曲三首

汎汎楊子津冉冉離瓜步生憎一幅帆載却所歡去
其二

其三

東極篇三之三

海雲集

郎是白榆樹託根種絳河儂如萍錢子日日逐江波
羽明和我中秋詩走筆答之

佳節平分聽戍收祗緣賒月負高秋幾虛杯酒停相
問那許嫦娥醉欲畱山吐四更暉素晚雲封九道歲
華流誰能杓上深涵桂摘魄清襟一勸酬

是夜月竟霄予弗待藐姑自他署詩來有誰其
與飲足千古海上仙人字太青之句次韻答之
月生東沼霽全收不夜城頭早得秋應爲絳旌西出
使若教金鵲夜遲畱青開爛爛中天眼素鴻冥冥大

海流汾水比隣憐處子肌膚冰雪坐堪酬

二大禮詩

關中退千
秋萬壽節

忽漫波生月相將桂舞仙小臣叨鎖院大禮遇掄賢
海望瀛環外星瞻斗運前聖人何所頌君道本如天
次韻和金銘見懷之作二首

予見金銘詩嗟賞之三年所始以于役偕歷下之
舜祠羽明存焉比入闈又獲偕三人相晤慨然旋
以金銘他署良爲悵惋故與羽明托之篇什寫其
曠思焉

東極篇

三之四

海雲集

見面詩全似文章信有神攬袪酬夙契鑄玉貌斯人
星好封蟾窟天開揭桂輪也知吾與汝靈合仗清曼
其二

觀濤昔就海三似嘆非神鵲鏡月天子冰堂地主入
欲騎霜曰兔遙策望舒輪此地欣逢汝消中悵小曼
病已

我無麥麴窮疾腹奈河魚子春不下堂賈瓊正閑居
據几聽聖人霍然遂起予要言不可致客云却飲茹
用後試抄方病甚遇俞跗如獲裴司馬羸鶴代毛徂

匡領望星辰飛精攬太虛

放吟

五嶽頭顱墮地來豈分凡骨並仙才性將黑氏雙花
捨天爲鸞公六界開正印欲超增減劫智光先上化
生臺心齋坐至身忘處吾道青蓮是種胎

天上謠後十六首

天符昨下玉山京又向人間牒姓名知己乍逢都統
部相延別作太虛盟

其二

東極篇

三之五

海雲集

稽首清都謁素王皇人鵠侍至尊牀御前飛下霞光
勅軸卷分明七寶香

其三

帝告東溟并岱宗有人長跨八毛龍清齋豈止三千
日玉斧鐵冠莫厭從

其四

蒼溪忽召山玄卿手集瑤光獻上清親選一章分校
閱諸天譜入步虛聲

其五

八十一天禮上皇跪殿劫錄貯瓊箱琅嬛不似山靈窟
資以碑礪五百雙

其六

皇曰娑婆劫運長攬符分命六文昌岐西已遣姬蒼
帝更掣雙虹建大常

其七

玉樓新製五雲梯紀德論功總不齊八百行圓推孔
父列仙扶掖上虹蜺

其八

東極篇 三之六

海雲集

靈旗下狩日宮天寶座紅雲捧自前百道光明城關
出義和持攝五風旋

其九

歲歲仙靈選帝鄉金文丹籙細裝潢神霄欲問人間
頂或是中宮太紫傍

其十

上壽蕭臺別致詞雙料沆瀣注瓊芝不稱日月升恒
好共讚元初了不知

其十一

天桂山宮擁紫烟七十萬日注梯仙通天近報抽魚
鑰界外晴暉亦儼然

其十二

雙輪不照藥珠城菌舊花開晝夜平晝夜亦非明又
晦人人都放大光明

其十三

天樞上相訪南軒太極真人手一編云是扶桑新奏
記靈霧今現海東邊

其十四

東極篇 三之七

海雲集

前年九級越層城少廣丹桃核乍生此日閭風仍結
子春秋轉盼不勝情

其十五

板松而上有樊桐遙望玄都咫尺通列炬燭龍幽吐
火北垠新到不周風

其十六

晴空飛墮三茅龍屢促朝元未果從欲挾崑丘填苦
海姑將聖教寄詞宗

夢

思鄉夢入秦又上東牟路來往六千餘營何所

秋夜回文

晶晶玉團露下林蒼蒼山色翠浮襟烏衝烟靄寒流
影皎月孤看坐院深

秋風回文

蕭蕭乍過穿花落颼颼徐來趁蝶歸遙夜月暉晴掃
霧朝寒集鴈帶霜飛

吾生二首

吾生於世上三十六年矣意氣徒桀恍茫茫塵鏡理
東極篇 三之人 海雲集

六指探大園何術測終始執常兼討悟庶以蹈克已
內觀殊悅然奚取咎杜李虛中靜待之變化成議擬

其二

吾生於世上三十六年矣攬轡馳鴻陸恢襟登皮几
辯舌既徒饒直躬安用此海涯強一官殊懷良獨鄙
心諧善高王孩之李本其他甘訕毀宙父侈封疆涼涼二

三子

遠遊詞十八首

一夜祥光入戶庭青藜似欲勞窮經杖端吹火休相

問或乍星流落紫冥

其一

別來懷度尚依然屈指春秋三百年甲子空籌亥二
首我生原在一元前

其三

上帝何如有弄臣閭浮遊戲訪天真憑君一話須彌
腦四萬仙媛是甚人

其四

聞道軒轅獵太荒都仙各束五雲裝既張鼙鼓鴻濛
東極篇 三之人 海雲集

渡更聖星旂沈墨鄉

其五

每愛宗臣弄紫霞芙蓉江上占晴沙酒酣一詠千明
月應有天香偏百花

其六

杜陵老子不哦仙亦信潛通小有天自是仇池原洞
豁汝曹欲往我須前

其七

石扇劃開也洞房藍橋却怪蔡絳娘既稱神聖長無

悶又寫佛書恁幾行

其八

海女觴人幻作官鳥啼歌舞出花中不知爲甚長辛
苦十載瀟湘又向東

其九

涇陽神女牧雷霆何事傳書阻洞庭貴主還宮新獻
樂烟波應亦現雙星

其十

太華百神又授觴蓮開玉井藕船香鳥書可上金天

東極篇

三之十

山雲集

主昔我登巔汝在傍

其十一

石鼓岐陽雨剝殘响嶠苔鎖禹碑寒人間秘載摩搜
徧却倩玉清寶笥看

其十二

玄晏一車借帝書太冲秘閣料三都一星東壁求圖
記查客來時可寄予

其十三

打麥空中恐浪傳旌陽拔宅未應然若教雞犬猶貪

戀只可黃塵老歲年

其十四

瑤池金母號龜臺或道文殊現相來其狀似人誰戴
勝遙從豹尾唱訓迴

其十五

玄霜絳雪入珍盤紫玉青精亦可餐蛤殼恐非清客
飯虀藪莫作綺人看

其十六

三十六宮洞是天神尙靈館太幽玄白龍遣問華陽

東極篇

三之十一

山雲集

主近客誰窺洗藥泉

其十七

能向長空構月橋霓裳譜得路迢迢不應此曲干兵
象舞向春風恨未銷

其十八

香風不是引蓬球偶見元暉獨上樓試問仙人能造
理彈碁何事賭松籌

贈同舍王景旦肥城兼呈張筭玉滕縣馮羽明

堂邑

我宅京師野君家蒲坂匪脉脉衣帶水一葦可航之
少小陟蓮嶽攬秋神四馳兩眸收王氣地絡固有宜
黃河所亘紀太行立屢屨之子挺其間隕區遂擅奇
爲邑花千晦樂郊口是碑從政固獨賢論交堪久期
于役偕樽醴如澠欲作池有友馮濟子一字嘯龍不
爲疲摘月分坐客三百弄枯基眼花失基道深罰不
慙辭滕公殊近古高涵樂有儀周旋再問句井梧玉
露滋予亦差飛揚狂論快風螭仰攀掇光柄倒注天
河垂酣歌繼申旦賦志伐木詩

東極篇

三十一

雲集

讀羽明所挾李木問山詩二首

下筆分明快剪刀王郎氣岸似觀濤苦吟欲寤眠龍
腫勝語真凌唳鶴高把讀月窺青玉案橋來烟瀉赤
霜袍清秋那可酬雙眼百盞因君醉葡萄

其三

濟子能餐九色霞奇書常載五雲車問山錦句收丹
續入院晴光護碧紗眼界星懸天閣道詞波風送海
靈槎唱酬成作驚人語莫寄聯篇入翠華

秋氣回文

夜來垂簾踈映月江澄鼓棹輕翻霞下山空翠寒侵
袖中酒濁醪香撲花

東極先生自嘲

每攀日月問蒼穹東極先生道未窮自表因之冠五
嶽好奇應又帶雙虹玉皇舊吏司香案碧海神君積
大風行卷常持三百首佳山水處弄絲桐張金錦亦
有海上仙
人五嶽
冠之句

將撤闌言別馮子

卽將身化日月走長空何異籠中雙鳥翔天似轉蓬

東極篇

三十二

雲集

不然伸眉吐氣成星河文章挂萬里之晴虹巨眼有
如凌岱宗下眎吳門匹練重又何况世上區區摧細
事蠻觸蝸角所雌雄須知此日馮濟子曾排天戶叩
空同西極狂夫東極長也飲長江快心胸我曹相看
非婦女言別安能作私語天既付我五嶽頭骨淪海
脣爲君狂歌君莫嘆從他世兒壽張五百秋八千春
我不能使子逐影而渴杖鄧林

涌輪泉同陶路叔

七寶八功此更奇翻空一注性還時玉團只恁看雲

正輪湧幾曾見月虧翠蓋未誇張海若明珠休道弄
江妃垂垂向夜低銀漢直瀉天心北斗提

白雪樓

新題誰借鮑山樓泉畔踈簾也上鉤最是客來歌白
雪流雲奏互代君收

發濟南

之罘島外探櫓書王日山頭攬帝車八月觀濤江
曲負六鰲張網巨人虛縱能三匝華不注休售一言
海大魚此去安期新剝棗滄洲玉樹正延予

東極篇

王十七

集

長白山醴泉寺訪王聖俞弗遇

秋聲在樹亦歸泉坐聽寒生五內烟客是青天蒼遠
矣山如白雲縹緲然王生結機何由得范老讀書可
似前頭跨兩龍周萬里共君高嘯八風還

寺即范文正讀書處

聽泉

山是何年開人從絕代來醴泉如喜客深夜落蒼苔

伏生墓

東郭

真搜禹穴並人間羣玉西郵未可攀天地有靈移策
府心胸如許野名山秦燦不到書生腹孔壁重歸女

史環却笑安釐汲上冢殉書王弼爲誰關

陳仲子於陵祠墓

長山城內

昔有灌園者苦心迥不回祠前車馬客應厭逐塵來

東歸述懷

去去三山卽故鄉不知秦樹遠扶來寒門夢到通幽
館賜谷雲來待羽裳

投金嶺驛聞唐竟章先發

一就佳山宿空青晚上衿出林湖貯月投驛氣收岑
爾快明珠採子甘白雪吟夜衝星斗去孤枕到蕭森

東極篇

王十七

集

雲門山下作

李清百丈好絕空却犯北扉悞乃翁仙界故知緣分
別青州從事揔春風

秋興

旣攀蘿柱小山幽更擬乘槎貫月浮若不欲摩天不
夜虞泉或礙地西游

昌樂東得孩之書

母爲郎署折腰我不嗔更情從髮短世態競秋新
大雲錦懷生月桂輪太青還自若猿鶴未隨人

孤山歌

昌樂東是夷
齊避封處

孤竹先生昔上假客弔孤山如拳者誰築伯夷避紂
堂平捲叔齊蔽風瓦二叟可教日穿眉邦人倘借茅
盈把山色青青橫墮野藤輪日夜孤山下

維上別陸鳳臺掖縣陶虎溪卽墨

每愛雲間小陸文况逢陶令足清芬齊探屨市懷瀨
好並望神山忍遽分自摘黃花浮綠酒真連白雉下
青雲爭知二妙風塵隔後會誰能便索羣

將入邑

東極篇

王之王之十六

雲集

海雲飛度傍慈庭海若憐予每送青我欲酬之誰授
簡譯龍千歲不潛形

壬子歲晏詩二十一首

楚蓋云歲既晏今孰華予予千歲晏予蓋知道不
容世姑託之聲詩所謂我歌且謔不知我者謂我
士也驕者也以九月七日自濟南東還邑遂造郡
十三日歸自石梁迂二十里探賸於園山予蓋知
將不復再涉海故遂畢此雅願家弟報捷秋闈殊
爲我點綴鬱懷寧海之烟霞洞清絕冠東溟其守

王堯如欲我一命嚴請於上官獲踏訟田於其竟

遂以十月自岷嶠而東抵寧海之南郭不入偕王

守前又東行四十里抵崑崙之麓遂宿山中又偕

南再宿而至竹菴龍菴之山二山近高孩之里殊

幽勝轍跡殆不至於高氏里別王守以歸歸而太

青子之治裝迫矣十一月遂將太夫人婦子於海

雲館客况索莫遂不復詩夜揮毫數百幅以文空

明爲賞人踰閨之二十一日予遂北將者載道蓋

踵不絕者三百里咸有詩予蓋自知其轍不復東

東極篇

王之王之十七

雲集

也諸生尚望望然予默與之決矣亦竟不復詩夜
揮毫數百幅以適志庶寡口過逆旅止得古今詩

各一合二十一首

紀夢口號

九月十一日至登夢前庵有雙絳旗皆勒作聖字

遂登萬丈之山者二

絳帛雙懸作聖旗神人爲我快襟期登山萬丈超人
鳥兩度攀雲總詫奇

出郡雜詩六首

黃縣黃河出犬蹲有蹲大山細如卷蠶不濡禪盜名空與
河宗校天上清波別是源

其二

海人過詫杳無根太華先生笑欲噴可道黃河還自
小寧海安得大崑崙黃縣河曰小黃河崑崙崑山訛稱大崑崙

其三

縱有黃金豈置臺世情都厭五花來輜車卽事標題
徧尚恠青山不妬才

其四

東極篇 三十七十八

雲集

何事天容蘇長公浮沉海畔爲飄風朝廷不道冤詩
禁斤斧文章千萬通

其五

九青山長酬新願三百酒徒赦舊狂五嶽崢嶸天賜
骨百川澎湃海輪腸

其六

何處逢人不折腰交流白汗氣全銷人間幾曲羊腸
坂只合追風爲駕輶

望萊山

一年十上郡五度此山徬主月逢運海客星却應郎
不堪臣馬白頻度此溪黃任客呼萊子德衰笑楚狂

崗山東嶺書石

子每登山輒喜書石命從吏就石抄稿

每度看山到絕峰坐邀天鏡挂虬松猿愁鶴怨雲流
處大可拍風跨八龍

崗山西嶺書石

千章清木綴嶙峋雙艾蒼蒼亦解顰可道百年無半
日營營只作路傍人

出崗山

東極篇 三十七十九

雲集

出谷征輪輾故塵杖頭蒼翠尚依人蟬蛄十里秋聲
遠故逐長風落澗津

贈徐生

海氣晴開送此君杯搖翠色落浮雲臨行曰有玄霜
在不惜神工幸見分

題三星繡閣詩外祖翁

不教良綸繪三山却笑三山十種仙堅固精液無休
息諸勝名流千萬年却教國繡繡三星請看三星亘
古行南極旣出六六度福德司祿并耀精持此爲寄

二足鳥遙想幽山氣色好三星化作王父身三山且

占蓬萊島

至崑崙谷口

山外松濤落澗來山中石扇掃雲開肩吾已采芝房
待旗幟分明結桂枝

烟霞曲二首呈王刺史

滄瀛片石架蒼烟誰摘驚簪挿玉田與爾弄烟烟欲
語雲衣風馬卽翛然

其二

東極篇 三之二十

小雲集

滄瀛片石架丹霞龍柏網連致海涯與爾餐霞毛代
否安期休贈棗如瓜

書掃雲石

蒼松立化二茅龍跨向丹霄第幾峰眼底不禁霞片
片杯搖海影快心胸

竹菴龍菴

眼青殊不負山青旋探南溟自北溟流水導入尋竹
澗定雲畱客憩山庭

登州道得縣圖壽家夫子序

年來我行衆生道細如沙蟲繡松根成施不奈日六
岸遶條何堪踏地垠載讀西極夫子序重撥精石說
爲人挹此滄溟釀桂酒遺以白龍酬得否

登景州開福寺浮圖

自從拖電架虹來幾見天人眼際開我跨仙鳬攀上
界遙凌梵輔越中台香花散雨歸瀛海德水團雲覆
獻臺立挾八風生羽翼不知耳是塵埃

青旭詩

良鄉北
菴紀夢

秋駕不可傳髣髴夢見之青旭子矢志望道赴前期

東極篇 三之二十

小雲集

夜讀龍谿錄有觸良自怡遂夢朱與陸相繼手青藜
鑑光本寒人負局亦何施

右詩之三三綱五十三目九十六首簡文四千八

百三十九箋文一百四十二統四千九百八十一

字士子十二月燕京定

東極篇第四文

西極文翔鳳天瑞著

日門稿一

辛亥雜著二十一篇

陶比部野絃閣初集序

緊赤堇山封若耶谿涸羣神徊鵠而不下歐冶弗復
鍛五金之英而萬國執玉之會稽都收精於藏書之
穴鄉人子長一陟而闕之採其靈輿削而爲編太青
子匡几讀龍門之書愴不連渭北與江東參暮雲以

東極篇

門稿

春樹剡之溪倚山之陰倚棹我遊神展斯馳夢虎谿
子秀東南而翅上國一試而冠孔氏春秋天下嘉尚
其人無足異者顧虎谿下交以碩耀之夫攬局幽之
器茲所謂異也匪某有雅畜虎谿有特鑒也至某交
剡曲無介紹之先有肝膽之密茲所謂增異匪某良
於契剡曲妙於俠也虎谿子與太青子兄弟也太青
子嚴與剡曲子之嚴亦兄弟虎谿又剡曲弟剡曲子
發藻右氏儕謂其能屢試屢折捐其藝而仕爲比部
琅然以詩鳴曠曠還頗走鴛於丹霞蒼靄之上博該

衆體咸肖昔人音奏爾乃葛山若何之詩越人學楚

之歌彼寥寥雅騷之裔此颯颯軸籤之腹昔會昌三

鄉一題猶能發千古至槩耶溪雲閣亦自佳逸矧伊

人手大雅之業具煙壑之姿含和而吐其音若篇茲

上客爲之卷舌下士所以銷魂年乍壯牘已尺積逮

其道就勒世當使山關閨溪回流羣神交禮穴藏挾

閱卽今有子長益欣然趾恐後矣不知者謂太青子

交剡曲以其季知者謂重虎谿以而兄耶詩曰有美

一人婉如清揚謂剡曲子兄及弟矣式相好矣謂虎

東極篇

門稿

谿子飲之食之教之誨之謂之二人於太青子右蓋
題陶氏野絃閣集若干首

韓求仲餘稿序

求仲餘稿行謂我曰序夫求仲孰惡取我序序求仲
太青子盱衡嘆曰唐三百年氣節文章風流高逸李
翰林爲之冠宋三百年氣節文章風流高逸蘇端明
爲之冠二子者一奮山林動色人主七寶林間金蓮
燭裏望之朝霞嘆則奇才而氣覆一時的貴今茲無
兩蓋造化貌人格有高華品或佳麗命曰才子厥遇

亦叶才弗琥琮奚耀清廟之文遇匪特達靡展豪傑之雅肆乃顓有一律也解大紳華而不實康德涵氣而不道肆台以前二子槩求仲其尚維何人知其他青蓮名甲杜陵獨低回黃鶴題客走數千乃敢擬鳳臺非以其心虛而性化與既愜奇於風雲亦馳驚於王霸而晚乃嘆大雅不作思文王而懷頌聲希聖如立絕筆獲麟之詠可與適道眉山經術似優李氏嘗上躋於孟子程正叔固孟子何至恨不打破其敬字不黨不已爰蜀爰洛又嘗多韓子之排異家也乃溺

亦汗不事阿太微曰人或坎斯皇或覽斯別去當勿爲寬語拈圖澄之五內相與澡一掬也二月二在裂帛湖上輶軒中辛在亥

贈秀上座

余居闢者剎則余闢者客卽闢者亦爲其剎客寄此剎於京國興謝俄然吾能年剎則剎亦爲後之闢者與客於闢者客耶又安知大載之不爲太虛客耶又安知善爲客乃善爲主耶余居剎而有寤於不可客不可年則居匪暫雖以此一息當大化元運之變可

使如西竺氏又將曰予某某劫居某剎證上果以至今耶又安知闢者與其剎不爲吾道客耶余至闢者榻輒移日廣慧寺乃至移歲辛丑得秀上座於閉關時規之曰料得出關後應殊未入時仲父太史次之有心關盡閉時語甲辰自西來上座始出關蓋三年匝也失雋始索月就栖再失雋又赴鄭生招爲一宿已酉則就其一間屋讀得捷又就其日鑒堂余詩有晚僧更少壯憐客備窮通語余移歲又至十移歲匪以寺蓋歡秀座云嗣余而居者沈虎臣請

勘主客之案

投海若文

辛亥正月之二十五日閩人夢台偏體作黃金色駭之以誥二月之十二日瀛海道再一鞭策並鋤所繫念有不如砍却桐江線之句二月之十七日陵縣尋盟有收功必記平原館之句是日過邢子愿於臨邑子愿曰我已午促膳知當有異人來二十二日新城館夢神人語我顏淵爲古人第九聖人登一橋見顏淵位在第九柱予立其下又臺上見河圖縱橫文顏

東極篇

八四之五

門稿

淵位在第九心籌之以伏羲神農黃帝三皇堯舜二帝文王周公孔子三聖止八大聖儒者固謂顏子優於湯武又云禹比顏子便粗顓頊與堯或亦禹湯儔也而遂覺予近蓋有味於一日克己語是爲應也自維東行有萬古無情返固然之句三月九日在登州館重尋舊盟恨前志不果罪過日以滋作聖無途流涕何從惟有去慾何以築基而沈滯不決永負本心流汗如雨遂名其館之軒曰無欲後堂曰正己堂曰誠動嗟乎既悟固然當使外相日澁並分別好醜之

念一掃愛恨從何生子罪在有分別好醜相見既到此不爲鬼神不爲天地不爲養生不爲作官不爲生死止返其固然一切勿論既書此辭遂以翼日登蓬萊島之閣投贈海人比於蓮獄焚誓

告獄神文

維萬曆三十八年歲次辛亥三月二十四日萊陽縣知縣文翔鳳敢告縣獄之神曰維茲邑歷二百餘禩神與獄俱以護持奸究而並庇廢之翔鳳奉命忝長百四十一里視其門居中門之外而周牆之繚卑薄

東極篇

八四之六

門稿

且囚多屋狹棲杆非宜又問神舍得一椽屋而提牢吏榻卧其傍褻也翔鳳探囊出二十金謀於二三寮者而邵尉浙產諳形家言詆是日寅吉改門於中門內自吉方建土圖作重圍並潔神祀於宇側作小舍以棲吏使與其晨夕之火神尚贊我四三人使諸囚毋作苦慎固我圍也謹告

跋高勞餐紫

雨過廳事想孩之不可耐會有造却車與語而曰朕昔適至自勞我悠悠之思似大消息也稱青蓮詩我

昔東海上勞山餐紫霞高亦稱青蓮詩泰山雖云高
不如東海勞因探其囊獲若干遺山首促裝爲軸系
之曰高勞餐紫咲匪高勞其孤矣勞固李生之餘桃
可獲口味予餐子之詩愈於履拳石之多乎然勞繫
而不食如天門之匏若之詩走八埏一切青眼都見
霞片片案上舉也予有軸茲不可辟穀與

跋季木所藏屠長卿贈卷

季木生死於文予生死於道客有長卿方予者予與
屠不同調也去年始悟愛根之非然遽難捨春將東
東極篇 四之七 門稿

行遂灰心焉夢徧體作黃金色平原館又矢大誓願
子愿似有異人來促膳以待以余就餐之新城夢上
危橋顏子位在九柱居八大聖人之次予立顏子柱
下過難得一解以不作人天男女想爲第一義不識
長卿詩贈王生時身之否也孩之頃有志於道并請
題其左招季木之從予也

告城隍文

其長之初造有譽以年者曰不易尋見雨零又肆然
而喜而不需乎何蟲之人食食哈誰對其長不自律

壽用謝萬首翻手作雲信神有職有柄我其攸如

湯黃縣考績序

陽羨湯闇生氏第之三年所余始通籍比其最而考
績余始以爲邑至余初通籍當爲邑客士有詰籍中
之他當邑者若將邑知邑之艱某某有應者曰吁艱
維何蓋諸下惟我操上大夫艱也余否否謬代之應
事上大夫之難匪以徵簿書期會不若其指卽有謫
謂踵也或大小聘爲勲劬與洵然若跡上大夫爲焉
如矣上大夫詎小恭是進不嚴督其局之責與邑之
東極篇 四之人 門稿

長操三寸牘垂淥庶首之上須之并且囊者家千伯
計口萬億計卽厥東靡妄而聆或不敷卽厥耳靡域
而囑或不繼片期而治獄萬億口之欲吐而輒茹者
移晷不殫也而子易焉耶我謂艱惟下匪上上大夫
匪吾徒與詎至有求車求金之使矧有嘗邑之苦者
將吾師也虞難事耶余友劉如健氏墨握余手啞之
曰台不意子有知彼語殊未子其決爲邑將不辱咎
於邑父老乎而余竟邑至之日計與語時又一年往
矣趨上大夫之所最先交棲霞之長張已乃交文登

之長賈蓬萊之長邢咸有契黃之長湯氏幣交棲霞
之陬長招遠則宋高郵氏長寧海則王寧羌氏而宣
州陸氏亦尋至福山並後先束帛諸君子槩足品也
余既事監司李公公之開朗如海門乍曙而喜稱詩
其酒余則曰雅哉黃縣杯百行而儼有秩也暇將進
子之長黃登州氏與次第詩以湯生賡子不曉覓句
我則寤子余灑然私異監司有是哉交湯氏簿書期
會外矣已過余之長黃公又寬禮數誘使言余卽謬
有請公笑使竟余又嘆上大夫固易事將不終罪余

東極篇

卷四之九

日門稿

矧如湯氏因造萊而館於黃之西郊湯則駕西郊因
招我南陌余遂南陌授几更僕忘白駒之移陰也不
吳歛而四方音與余論京朝新事關國體之大者語
輒合其清襟環立照人余甚鄙余陋而湯氏又飲若
靡有私又慶我有良朋哉獲師上大夫并若師也徐
而行其野桃李交於途桑麻封於墅則又信湯氏獲
上匪以善爲事惟局之責副也因尋去黃縣之詩有
黃縣主人初罷酒掖縣拈刺已在手語歸而治其邑
月逾矣鮮有效如行大霧之市茫無所舉趾上大夫

靡我督然井而爨者其情何能罄之三寸牘也益信
余往語效轉嘆湯之善黃余惟以文藝謝湯氏遂後
三閱載湯報政矣余始來是政又殿三閱載也天書
褒嘉亨衢立陟方其所挾負將驂八龍而迅舉蹕而
後睴耳又奚論三載四載諸君子自蓬萊下當有公
贈葢邢氏欲余言固余所欲言是月之十三日以踏
蝗行嗟峨足據鞍而嘆余乎余乎將何言余之蝗大
麥青青飽其腹眎湯氏桃李桑麻之黃汗淫淫雨如
沐也辛亥之四月十三日

東極篇

卷四之十

日門稿

祭八蜡文

時長養矣蝗蔽其野條之油油條之濯濯耶主牧痛
之主穀者安之耶祝再三神其靈以從事我何愛於
裸將也

再祭八蜡文

蜡之與邑百世俱也惟民我自春徂夏而五風時而
百禾泝某某里之災麥秋不受明秋麥又莖存嗷嗷
懇我者篋盈盈矣我惟祗厥祀神其靈於從事蜡之
通也我不敢虐民矧慢於爾有神與爾有神矢

三祭八蜡文

胡然蝗也惟鄙不宜於焦焦眎之罰鞠茲我庶罔有
戾獲祇茲我士罔有戾獲茲我僚罔有戾獲職鄙
之郵盡罪移我躬神有聽官我庶并其士僚以血食
往雖不鄙食鄙則張目瞬人

亭山序

使子遭黃繚戴晉之徒值其不倦談之時爲道豎亥
所步之東西彼將啞然之奚翅鶴鳴之垠今夫亭狔
山幾丈綆澗幾尺堂縱廣幾筵室縱廣幾肘東園良
東極篇 四之十一 日門稿

於對南園良於枕西園良於傍山之肺腸罄無膺通
縱廣幾每每西客乍見欲豁眼東人以久據爲居奇
也至貌其詩者琢山骨年之以五日亭山之觴當蘭
亭使乘豹從狸者含睇而稱窈窕毋爽於讓乎西客
輒又解自有大儀不遂有此亭亭蓋與大儀年亭蓋
并使我儕與大儀年然大儀與亭之未模不已有我
與諸君子尚耶亭之與大儀彈不尚我與諸君子留
與我儕譚于嬉化必不太忘事亦不必皆零落四之
伯千萬億古之後共手於大皇之塋相與語曰爲某

大儀之某某元某氏有大縣曰赤某有小縣於羣壑
列嶽之奏曰昌陽某有山曰亭扼其背而遠靈焉是
我儕與今萬首之大父東瞰西暢者耶積若干算而
道成以造今元氣更何老少之俄更乎亦可謂大強
記知亭之年我乎我之年亭與又知大儀之不以我
久其遺乎命善校劫錄者爲我述本行又知交繡之
閣皆山之堂繁蘭滋鞠之居飛虹之渡亭山之園不
望金銀之氣於三神山上屢市然神皐然太清之別
都乎是吾割其齡之九者與亭以三也亭夫亭夫吾
東極篇 四之十二 門稿

又奚翅能年子

謝八蜡海鳥食蝗文

維萊陽父老旣邀惠於大蜡八五六月蟲乃已其知
縣文翔鳳等以七月戊戌朔合聚而索饗之遂致告
曰春禾之秀倚年且甚有也維翔鳳政不諧民不若
是用大作戾或曰子寔廢伊耆氏之祀翔鳳旣四往
執事父之海鳥萬餘一夕唼啖之其弗盡者亦兼夕
羅空去求其野若有帶而箕者其敢不神功耶秋又
將稔雨零亦叶翔鳳曰我聞蜡仁之至義之盡我於

仁義莽蒼矣然敢不有恪嘉取益之教天下用往索
先嗇嘉思文粒我用往索司嗇嘉黃茂之遺用往索
百種嘉釐成來容鼠豕是食用往索農及郵表噉禽
獸嘉事用往索坊與水庸土宅水壑之效我既躬丁
之昆蟲作而息矧溫鳥出水夷信貓虎有靈茲又增
異我儕既服堯行堯使四方咸可記歲無恙民無恙
我將終通草笠而至維是若有訊喚者曰諾尚饗

楊础觴記

文子北行張叔正約餉於楊础炬行三十里至則孫

東極篇 四之十三

日門稿

受之高未孩董長孺咸悅相就四子者皆睥淥十行
馳毫千字笥受琅嬛徵流郢里猷養觀藝餐玉採珠
爾其心開舌炙卽烹鰲釀海未足以豪也翼夕又集
於寨里顧中和樂職予愧王襄天符人瑞實優講德
且大學士稱四駢臻蘇門視爾姚姚予曰有張晁子
曰有黃秦安得坡老那此專凡

祭吳侍御母太夫人文

代作

珠玉有房芝蘭惟本女士先釐振公斯引明興百稔
區寓太蘇誕元育愷世濟賢科大曲洪河滙濤巨海

思媚碩媛發靈真宰帶紉芳蒞佩禎流霞弱笄奇朗
含德高華王假有家袿徽內暎舉趾銀臺攬輝戴勝
德風都覩菴霽瓊林雙栖鶯領振綺綺縠琛彤管憲箴
與聞諫草太史霜霰令姬月皎陰符晴昊畢萬蕃宗
南宮周士頰上荀龍白琥黃琮駢歸華胄右氏嬋嫣
周蜎秦樞抗排磨囿偃息皇池翺翔四術冠蓋雲馳
驥子熊兒又十六族義訓川流比于頊嚳我欽繡服
魁岸無前萬夫翹首立觸夔蚺禹鼎魑潛堯羊佞却
旬始景銷湛盧鋒卓吳公嶽嶽列郡股肱吉祥車駕

東極篇 四之十四

日門稿

生梓府庭季琰含靈新除典詔神虎轂摩清裁墳奧
園晴四隄淑問獨妍禮借鄒母教被八蕃直指行邊
憲臣于役雖發篋書封章扣額人情鳥革直道如絃
冥鴻林鵠綵舞堂端陵雪還萱東征擬賦厭世千年
望舒顧兔我瞻神姬盼蠻江臯槐香闕解谷鸞號
海若亨鰲江妃共餉下女可通詒而惠降或移紅帳
驂以八風蹇脩念只頤指大東

季木辛亥詩序

季木嘗造余說詩無昏曉手市頭風蓬蓬穿耳僕大

苦不耐申旦馬亂行繞徬徨釋袂去且揖且語者旦復旦也大指可獻吉而微憾於申國弇園余嘗談鮑岳諸君子晚不可請國門之關季木卽我他寺中共被極論舌橋而輒下者夜復夜也余謂季木使子陟八座九列而弗李杜子甘之乎季木皆溢曰子知我肯以許易祊者乎使子謁孔氏不坐於兩廡之間揖配聖之座拊其背而弗李杜子甘之乎季木太息曰我豈甘中計子言作聖者難竟也詩可履之孤壁可查之獨津與李何我可代而取比余道臨邑邢子愿

東極篇

四之十五

日門稿

先生過詫我嘗一致季木訊所獲曰一天瑞堅於石訊其人乎文乎曰之二者嗟邢氏過聽於王生矣已訪季木之新城客歌驪駒主人歌毋庸歸爲畱信信舍詩無他說觀其所架閣者所軸裝者眼青青弗能白也季木又姑舍子愿曰東夷之人其孩之乎迨子而才三矣且曰蘇侍御爲我言阿文頗時名譟人以其言月日若謀不朽異代不此君心折使拈百二十二語行遠不日邇乎子於我果然安處嗟王生過聽於蘇氏矣子右氏子少小奉千百人職不以八座九

列之程途極枯其獨往之匄以身殉不競之冷業曰吾且百年吾且萬古氣若天策上將斬敵頭孩之曰王季木濟河焚舟之孟明視也再來吾將卷甲矣孩之不安昂然來不疎而待乎余好以唐吻寫宋腸終不叶於此道行將遜去使爾輩成名詩壇當撤此一座也子不聞釋澄空之模佛三收銅閱六十載身投熾汁中而莊嚴端好之相成作詩作聖如模佛不殉不成不莊嚴端好子其終季何氏瞋眴矣萬古一生終身一計志公卿百年而公卿公卿百年矣志季杜

八極篇

四之十六

日門稿

百年而季杜李杜百年矣志孔顏百年而孔顏孔顏百年矣咸此歲月不假再蛻各專一家靡專弗遂干將鏢邪之於劒吳鴻扈稽之於鈎竝身殉冶金而見榮星文之上流燭今昔之餘余卽不能詩又安知子不終志道乎子固曰我於天經將顏氏子矣辛亥十月十四日文翔鳳言蓋在至自登之逆旅簞上

萊陽重修遊仙宮募疏序

余蚤讀羽家編知南宗張平叔北宗王害風而尤遠尚丹陽子之夫婦偕蛻去每誦先歸蓬島之嘆與所

原缺

壽燕少府啓

大年五百歲春秋備五已登洪範上士三千功圓滿
祝三竊效華封傾滄海而爲樽凭萊山以作案恭惟
執事英雄骨秀豪傑格奇以金聲玉色之盛年得久
視長生之寶訣老人星座原爲晉野之分王父扶桑
正蔭溟波之畔娟娟月露比團魄於西恒曄曄日華
婉瑞光於東杲呼吸應一元之氣共驚矍鑠龍蟠笑
談生四序之和爭快從容鳳翥某折腰遠隔風塵

東極篇

無卷數 浙江
巡撫採進本

明文翔鳳撰翔鳳有太微經已著錄是集皆官萊
陽令時所作嘗自製五嶽冠並以五嶽爲號東極
亦其號也故以之名篇是集不分卷數詩總目曰
海雪集文總目曰日門稿其中子目有所謂蓬萊
詩者以登州之蓬萊閣也日華詩者以聽訟之日
華堂也九青詩者以遊大澤山遂易大澤爲九青
也入院詩者奉檄入棘闥前後題詠也詩文率多
怪僻紀夢詩無非自爲誇詡尤狂而近於誕矣

文太青先生文集二卷

〔明〕文翔鳳撰

江西省圖書館藏鈔本

附《四庫全書總目·文太青文集二卷》提要

文太青先生文集叙

子書之藏發于子丑然望紫氣而出于將庚戌諸策太青先生早已開之先矣故其文多奇崛艱奧一字須作些時解人詫為楊董復生太華嶽嶽突兀之靈龍門澎湃橫溢之氣至是一洩哉或者病其整軋不易讀則股盤同語不列于書漢字秦鐫不應珍于世矣理勝者或不琢于詞才奇者或不束于格西北沈厚之氣機之自不與東南同世有桓譚寧令草玄之亭竹迷三徑乎況先生問奇之履日滿又不託此選名天下也然一方風氣一代人文要可于此得之

皆

崇禎壬申鵬日武林陸雲龍題于翠娛閣

文太青先生文集目次
卷上

序

陶比部野絃閣初集序

韓求仲餘稿序

五經臆說序

同門行卷序

送宋童子琮序

石梁橋祠錄序

遊莫愁湖序

遊記

游城南雜記

列台莊丘合遊記

徐州登雲龍山記

青泥澗吉祥寺遊記

文太青先生文集卷上

西極文翔鳳著

陶比部野絃閣初集序

繫赤堇山封若耶谿涸犀神徂鷄而不敗
治弗復銀五金之英而萬國執玉之會稽
都收精於藏書之穴鄉人子長一陟而闕
之採其靈與剛而為編太青子巨凡讀龍
門之書愴不連渭北與江東參暮雲以春
樹刻之溪倚山之陰猗棹我遊神履斯馳

夢虎谿子秀東南而翹上國一試而冠孔
氏春秋天下嘉尚其人無足異者顧虎谿
下交以碩耀之夫攬局幽之器茲所謂異
也匪某有肝雅畜虎谿有特鑒也至某交
剡曲無介紹之先有肝膽之密茲所謂增
異匪某長於剡剡曲妙於狹也虎谿子與
太青子兄弟也太青子嚴與剡曲子之嚴
亦兄弟虎谿又剡曲弟剡曲子發藻古氏
儕胡其能屢試屢折損其藝而仕為比部

琅然以詩鳴曠曠遐邇走驚於丹霞蒼鷺
之上博該衆體咸肖昔人音奏爾乃葛山
若何之詩越人學楚之歌彼寥寥推騷之
裔此珮珮軸籤之肢昔會昌三鄉一題猶
能發千古至樂耶溪雲閣亦自佳逸矧伊
人手大雅之業具煙壑之姿含和而吐其
音若簫茲上客為之卷舌下士所以銷魂
年乍壯積已尺積逮其道就勒世當使山
闢聞溪回流羣神交禮穴藏扶闕即今有

子長益欣然趾恐後矣不知者謂太青子
交剗曲以其李知者謂重虎谿以而兄耶
詩曰有美一人婉如清揚謂剗曲之兄及
弟矣武相好矣謂虎谿子飲之食之教之
誨之謂之二人於太青子古蓋題陶氏野
絃閣集若干首

韓求仲餘稿序

求仲餘稿行謂我曰序夫求仲執惡取我
序序求仲太青子肝衡嘆曰唐三百年氣
節文章風流高逸李翰林為之冠宋三百
年氣節文章風流高逸蘇端明為之冠二
子者一奮山林動色人主七寶琳間奎蓮
燭裏望之朝霞嘆則奇才而氣覆一時韵
貴今茲無兩蓋造化貌人格有高華品或
佳麗命曰才子厥遇亦叶才弗琬琰矣耀

清廟之文遇匪特連靡展豪傑之雅肆乃
顯有一律也解大紳華而不寔康德涵氣
而不道肆台以前二子樂求仲其尚維何
人知其他青蓮名甲杜陵獨低回黃鶴題
客走數千乃故遺鳳台非以其心虛而性
化與既愜奇於風雲亦馳驚於王霸而晚
乃嘆大雅不作思文王而懷頌聲希聖如
立絕筆獲麟之詠可與適道眉山經術似
優李氏嘗上躋於孟子程正叔固孟子何

至恨不打破其敬字不黨不已爰蜀爰洛
又嘗多韓子之排異家也乃溺西域氏以
老莫之極也吁異也道之僻塞斯亦才子
不聞道之過我尚求仲蓋由執而進於道
求仲固才子者子少不無借筏於彼岸而一
聞家夫子尊天子學舍然大喜不為強項
慷慨發憤翼我孔宗若將不上其髡而不
止即我一技好之一若已手出也酒熱顧
座笑曰我欲與太胥子遊於繩之內余為

極駁異說之附會而誕者惟若亦以彼書
多中國人標孔子而攬和之也心虛而性
化余何敢終求若於氣節文章風流高逸
之間嗟求仲若自與余藝游而道志惟余
亦汗不事阿太微曰人或坎斯皇或覽斯
別去當勿為寬語拈圖澄之五內相與澡
一掬也二月二在裂帛湖上輟軒中

五經臆說序

耶子以易書詩春秋為聖人之四府比於
昊天之春夏秋冬非四時惡得有物類非
四經惡得有人倫二千年來之生民非吾
與若宗祖耶吾宗祖所以得相安於人倫
而衣且食於民教之中者誰氏賜非四府
力耶繼字今千萬世後之生民非吾與若
子孫耶吾子孫所以得相安於人倫而衣
且食於民教之中者誰氏賜非四府力耶
吾與若既世食德孔氏矣而逃之異教以
無聖無天為大宗造物得不以為不祥之
人余服膺孔氏必不敢為方外之談以獲
罪於造物孔氏天之適子其說則天之律
令何至以不祥之說叛之孔氏雖稱六經
然非天子不議禮雖有其德苟無其位亦
不作禮樂是以僅倫討先生之餘無成書
樂寓於詩禮寓於春秋故四經即具六非
禮樂經亡而尚待補二戴收舊說而稱五

亦不失為孔子素臣即揚子雲亦稱五經以逮今茲著為令而夏邵合章氏曾抗節於士辰之變與聞猷域之謀弗言賞奉毋病廣陵愆試期為學使君所汰弗卹也其思孝大節可稱摧又卓毅不為異說所侮而紬思於五經有臆說若干卷章稽句探勢繫在門廡之間矣遊金陵質於其師李本寧先生既可之并質於余余取其能經學雅賢於世之甫掖而待貝匪者布衣而

代長人者之憂其擔荷良武因為道所尊信於孔氏之指蓋實以事天為貫串六經之樞紐也

同門行卷序

文章之變如四時之不相能眾夫子嘗別之以五體而以清當春以暢當夏以健當秋以古當冬以雅攝中氣而兼四時故弗雅弗收然必使各遂其春夏秋冬之氣士或至學一先生衡者無專主一家言余蓋自十五即往應鄉大夫之三物當十七八時於此道已陟其堂端而遲滯弗遇遂至二十載八試而獲再遇自謀其道差增於

往耳十年而遇一先生校傷亦申韓之苛哉私心安得決洞庭之波洗肉眼翁俾之青耶項于中原風雅之役反覆其牘必四三過夜或午弗罷客誦於泰若余不敢主一家言諸體咸材之期於叶雅良久夢余山園有厥五龍擾蜺於左厥虎五馴踞於右者曰余之家物訝之詰日五士星聚於案頭矣故榜之前猶尚勤勤手其乙者弗忍置去亦竟弗得金收也客謂余舍多材

材亦惡取集于一先生其以過余為不幸
哉然五士體各專一不相兼若非余獨眼
所收者又五郡人郡又方置如五豈居然
五氣之習與而吳生平十九齒獨殿其榜
蓋得春氣良多予猶錄不獲薦引況秋冬
之客哉

送宋童子琮

事嘗可愕而可喜宋童子之挾策游不售
就其大人燕謁予去即一事也予才童子
甚其用筆如零月金花園林玉露矯矯來
宜穎豎其囊收五十六衿而汰童子人爭
嗟者其行卷文昌之一雙瞳人何故白解
之曰孺子良之雖秦皇帝氣不靡六合乎
而圯之人履之者三竟師王者其初止可
俠子家耳童子銳將一息千萬里而咫尺
挫則氣實於中矣射者石手若抱子則矢
雖而疎不誑不前予密自喜琮也志之帶
鉤間以為別

石梁橋祠錄序

廣陵之西一郵曰天長其又一舍有橋曰石梁縱二十七丈廣什之一間疇樹之曰雷進夫民間厥貲曰以金錢六百萬計間所自損曰弗煩縣官弗假檀越而于橐于囊者也間落止以迄成曰自戊戌而丁未以十年所間雷氏之里曰關西之涇陽三千里而遙明洽比之鄰間所繇肇基曰世陽翟之曰策駟一躍而勃有縣乎其懷遠

力任鳩材者也間所為表濟美其杜端者曰太史朱蘭岵氏問所自表曰厥子文學鵬霄輩寔踵若考成之問道左祠曰雷公之績與橋俱宜有食於茲工邦大夫采父老之輿誦而為之宗伯氏聞之曰禮也余既雷公鄉人迺益從金陵識鵬霄而與聞於若考之俠義而魁岸世之蠅營趨赴者至等寸金於割膚其母顏汗赭於西人之慷慨而嗟我里之尚可共圖天下事為救

世道之良工可緩急需者哉而特導導咎咎焉謂豐鎬之間無周士惡乎其可置一詞也噫噓八潢有鳥鵲之填固罔浪而闕天津百花為蛟螭之構亦奔莫而測海若然天官書稱雨斗為天梁南河北河間曰關梁牛一曰關梁茲象示靡誑而天根為成梁之候卑襄蓋以占改雷氏固逆旅之一蹄一策也其歲累裳之幾何而愀然為選計空金鰲而斧老椿以通此壁嶄波詭

之津勤勤然如移太行王屋之北山公且屬其子孫使世之有國事之擔者咸以其身世殉之則天步不艱難而涉川之利無覩駟馬奈何縻大官之祿肉食帝世而即其身世濡足滅頂之患尚希圖又惡知夫暨汝爽其濟者之為如何事也其遇雷祠而若賴不淫淫泚耶世稱蔡君謨通靈陽侯余嘗讀其所為萬安橋碑之鐫未嘗不壯而武之彼固太守能舉一郡力者而雷

公直布衣然聞其遠致石於覆釜山中也
若其遭廻而夢神詔之云去橋之若干武
有伏石可任也者如指發之石齒微輟水
滲滲半沒之有間而涸而得石至數百艘
也橋之材具矣異哉天長為吳越通中原
之輳所利視萬安之海一隅者如何其假
靈於鬼神不妄也余讀其錄而序之且告
友生之為國家呼許大木者無震虢于壯
輿之輓神之聽之終和且平

遊莫愁湖

秦淮蓋吳市當舖之通川鷁首競窺歌
五答罵而不可堪撒浪也玄武湖則幾于島
嶼紫洞海瀛錯組又禁不得蕩漿惟莫愁
一湖閒曠幽渺鼓枻泛入如踐明鏡之皓
澄坐青天之碧霽周圍數里不通波于外
津而棹轉客酣颯然有上假虛無之想睨
危樓于鳬鷺之岸布列墅于萍苕之濱眼
井山青月將露白北瞰則石城卓壁西暢
則鍾阜冠霞翠微夭矯于空際幽興淋漓
于雲還客因稱南國佳人盧家少婦若將
掃鬱金之堂塵敷玳瑁之梁頭酒人浮之
惟是暫謝輪鞅之役直破琉璃燕之堆代
沆瀣于椒漿和嚶鳴于風笛澆心花之空
湛抗舌電之光流其樂則且何事請佩江
妃索珠漢女握石向成都之市逐雲入高
丘之阻好色傷大雅青蓮蓋微輟于楚人
若乃華清為玉環之芳泉石淙貫金輪之

瑤几并以文君村以明妃壽擅浣花拖鼻
若耶必錄珠與紫玉始虎丘而金谷未厭
吟頰殊慚遠況且所謂天地有情色界在
牢籠之內江山匪勝豔姪為寶貴之精與

遊城南雜記

地之精妙在山川天之精妙在風月物之
精妙在花即就其所值兼之無佳客鑒賞
其妍與麋鹿禽鳥之出入林卉何異人之
精妙在詩酒以當於六者非三才之雅契
良姻與金陵佳麗在十里外者即不暇換
藥訊訪惟聚寶長干陌上近城易就特屢
挾桃簾以往二月積雨霽旬三月朔忽化
為晴吳陽日向人如新報之繡清晚為清

明桐華之候予既分祭黃侍中祠於桃葉
渡遂分祭先賢祠於普德寺之後岡凡曾
至金陵之名人或與如吳太伯諸葛武侯
王逸少李太白白沙陽明之流祠當報恩
丹碧之塔而遠揖鍾山亦于氣象之綵翠
禮竟而會祀方正學於梅園之上與諸君
子偕飲木末亭至日昃是時趙生并兩郎
已自高座寺登雨花臺反坐於永寧庵之
東亭挾醪榼而藉草雨花者如蟻增附筆

漸塗也客稱佛頭青良肖而梅岡所入陰
坂曲道并方壠後岡亦徧集靡隙地予既
別諸君子遂就兒輩於永寧東亭行數觴
即再攜入高座坐其花積堂之後亭僧獻
千葉絳桃以佐箸危紅鈞奪晴視夾道垂
階之天桃已涉減豔已又觴看竹軒琅玕
之杪予所去即有挾觴具而占勝者踰日
將為靈谷之遊諸君子之邀薄除使臣策
人張比部飲者故我偕則偕楔飲於黃祠

之青溪閣既申蘭亭之雅雖乏詩賦姑有
肉竹之娛足跡不踰却市而煙碧柳金調
笑狂呼視往春之束帶走燕塵謁上官於
銅市芝廬間者果孰為真洛陽春也

列臺莊丘合遊記

太青子之自洛入吳無他吟嘯於中之境
獨過鄭之圃則禮列之故居之祠於道左
有三絕句蓋有台者八如卦形而其東南
隅更有台曰御風云其至宋之葵丘則禮
莊子之丘墓於道南有一律體墓無祠而
據孟諸之勝儒者以其常詆孔子是以吏
其工者或置佛敢祠也亦因矣從者曰夫
子翹中州之陸千餘里其食于鄆之亭者

兼旬于他氏之跡未嘗有繫焉於蕭颯之
餘獨取於二子之遺而悅然欲追其人於
雲霞之上夫子固方內之遊而方外之契
哉太青之日程叔子不慙莊列氏讀然即
予之詩則云觀風禦極心方醉對景頽淵
坐正忘又云若無揚子天人學安有莊生
內外篇而又以其雄辯為千載一人則二
子殆不可謂之不聞道其遠舉之識蓋類
曾皙氏風浴而學或駸其前倘得遊聖門

而我之亦願曾子徒與而世徒以門戶黜之則炭冰矣二子之不肯自裁於聖人之矩而遊方之外至劉仁義道德目之二茫茫然如提風上壁之不可憑仗其徒之達者如白海瓊馬宜甫之流皆離而去之人倫之外而采以為聞道者必不在父子君臣之中不逃不休亦二子之過與二子學老子者也孔氏嘗長老事老子即邵子亦不重非老子老子之提提仁義即二子之

先鞭然其徒獨推黃帝老子未嘗明推二子於老氏之雁行無論儒氏之堅閉門而不納而道家者流述仙靈位次至次二子於道陵旌陽之後若以其三千八百之功德不加於飛符待呪之筆而其書又未嘗明拈龍虎之指是以或左其譜宗茲又其徒之過也然二子之必深於導引之奧而非苟為放達之空談以玩世可想見又顧然有治天下之說此其所以近於聖人之

道尚可裁之為聖門之高第者與

徐州登雲龍山記

夜入徐州詰旦宋戶部來顧予問放鶴亭則曰我其移觴子於亭又問戲馬台則曰我其先觴子於台於是宋君待我於台蓋有丘於城南之畔而項氏登之以觀戲馬者其前有一阜當之則亞夫之所函骨也宋公劉裕九日登之以選孔令而諸謝詩稱聖心以擁戴之者蓋此台又南數里則雲龍轟出而特豎山足之石如羣羊是為

黃茅岡有亭於出際曰放鶴蓋西望當環山之缺焉台足則大湖白蕩礪坡老雲龍絕句新即若為狀元歸蓋坡老於彭城送人春試遂為壯遊賞意之什登山俯仰則徐四際函山焉所謂九里山者而黃河北來直射城東不背流北則望望冠城際者黃樓也燕子樓則州治是也使臣曰余登彭城之山所稱金陵北門不誣也徐西術大梁東術淮陰北則濟充道路維均是南

北之樞紐而用武之都與又圓山而枕河可以守可以戰國家奚不以一大臣督兵其地意者其重地不可以假人與有事則濟寧之河臣淮上之漕臣即可遊而處耳南都之整日長江大江漸不可以分處黃司馬城浦口信善然必以江北之地為衛余謂駐大兵於徐以當中原之衝而其次沿淮張三丈以應之中則泗州按臣是駐東則淮上漕臣在焉西則鳳陽爰為重郡

淮泗之水陸並會於揚而鳳陽以陸入滁此二丈也又應之夫如是後浦城可恃長江可據也南都之昂首而瞰中原者以有徐耶余登彭城之山熟跡得兩都之緊焉

遊青泥澗吉祥寺雜記

予既去冬至城西數里之文殊寺寺闕一
嶺而當其坳折處客云寺更有幽而勝者
有吉祥於青泥之澗二月某日欲并往二
寺而從者先導至文殊寺日俄晡四月某
日又校射於郊堂無訟事日卿尚未至地
予命轡不至二里而晡遂馳還寺蓋西邑
七里耳挂恨齒頰間者屢矣五月七日熊
簿鏡請詣劉史縉從出城西即西北有小

徑夾以平蒼之楚烏韻松濤迂紆如隨人
未既有橋俯小壑又折而微陟則為坂而
平如一臂之撮雲者前有武隆起如車蓋
結文殊之腦而後直鳳凰山之右腋可以
遠眺望有長楸嘯風於薺蔓之域者為一
流觀而又為長壑度之而大陟則又為坂
所眺望有加遙見直西巖琳岬之天息山
有白氣裊空者如練把如川決而弓曲竟
天東北垂於香爐峰之上長可七十八里

兩山則氣黝如黝如或曰請雲或曰宜為
嵐氣或謂其雨然一氣而雙垂如飲澗之
虹疑為白虹予又疑兩山本雄雌之相偶
和一氣而雙垂決知不如朝那善湫之相
搏也然終不可解又良久而車碾吉祥寺
之背青衣或墜馬予嘆曰幸不至飛身直
下八千尺耳寺所踞蓋壺形左右咸斷堅
而其腰頸皆數尺腹為寺首為寺之眺臺
寺蓋圓通寺下院圓通又西三里而遙者

入寺微雨輒止坐而銜杯則見列巘之束
寺壺而直前者左如龍伏右如虎踞再三
折而達於汝峴山其九疊之屏橫雲則業
橫而中有丘如懸珠若侍龍口之銜者此
寺之大體也臨臺則見泉在澗可數百武
遂下行澗中屢折而得泉泉可得水二斗
而不流不涸副寺汲命茵其卉問雲垂帶
帛雨命僧弄笙於澗折之外三弄已歌者
繼之予命青衣拈草於前澗將較以行觴

簿史謝不敢予曰母是為鴈政予之兩青
衣點諸命草木或持或撥或連茹或枚且
肆以報予笑曰文殊令善財採藥云是藥
者採將來而善財徧觀大地無不是藥者
文殊祐一杖示衆云是藥能殺人活人較
草之於飲賞罰亦具善財之採賢於黑氏
梵志之供養兩手花空更放下甚者遠矣
令點青衣較之二客遂負數十鴈而予亦
以板請至酣蓋較者以本以枝以花以寔
有華英雙辨小蒂連柯之異如良工之安
置斧石於繪事如清人之市案筆枕研床
維旅如靜姬之鉛朱赤白悅人周厭亦一
微解須剗綠稱紅黃白間之或本枝錯或
花實以序大約得佳花為奇良卉次之若
雜然命之爵三行而未榮不猷妍不索英
欲僊為惜大駸乎既闌而起予因嘆曰一
澗而草百名不既禹高之舌本誑矣方志
所收百不一多華英大譜耳西家施不辱

予買薪乎予青衣有手草如蘭叢一本者
長五六寸中有草葉如孟而結如組雲諸
從者皆北者蓋小鳥之既卵既子而遺子
射干者也命以盆植之而擎置之案比於
見安鵲梁者志祥焉將以所較勝諸卉遺
兒輩已又鴈於所謂眺臺者飯僕夫而歸
踐所謂鳳凰山之石版者晡矣徘徊佇立
二客感千載不寤者為一噓也嘉其雅地
因命鴈又下藉卉於小橋之畔行數鴈又
迫城闔數百武得大胡桃垂陰於月燈之
前坐之行鴈歸則鼓人在國門之闕矣是
遊也有天感焉以望氣有地感焉以察形
有物感焉以命卉有人感焉以觀化遂記
之蓋蘭亭一作實獲我心矣

文太青先生文集目次
卷下

解

蓮蓀戒苑解

醉翁解

議

江西提學按察副使李空同先生謚議

文

洛陽宿城隍廟告文

贊

張岐東方伯祭文

隱客小像贊

十四聖賢贊

書

報姜養冲老師書

啓

報蕭少府啓

徐司理中秋宴啓

尺牘

藍台萬公迂啓

報沈少宗伯

簡董定所

報伊川鄉先生

報來星海

簡徐念陽

文太青先生文集卷下

西極文翔鳳著

蘧條臧施解

新臺之詩曰燕婉之求蘧條不鮮又曰燕
婉之求得此臧施注曰蘧條不能俯疾之
醜者以竹蓍編為困狀如人之臃腫而不
能俯者因以名此疾臧施不能仰以醜疾
云齊女不求疾為燕婉之好而反得此醜
惡人也衛人不援太義而以父子較形狀

之美惡宣公即好客儀遂可與燕婉耶既
不能仰其人必肩高於頂而善為俯既不
能俯其人必狼跋強頂而善為仰一人而
兼二疾此何等疾也不殄可通不鮮難解
何言乎醜疾之不鮮曰否以醜疾喻惡行
耳醜惡云者非其形狀之謂也曰以醜疾
喻惡行是也然俯仰之義亦舛忤費解刺
詩人蓋非以目宣公而歎宣姜耳宣姜子
其初字之夫而以妻為母其以母道臨後

之際能俯乎不能俯乎有醜而目有甚難
為情者其為蘧條也不鮮矣蘧條不殄言
其終身無可施面目處所謂視人周極得
此臧施實其張目以配君父而踟躕無所
措躬難為仰而看也得此謂陷於無可奈
何之地俯仰不得猶云進退維谷云爾然
後知詩人之婉於刺也

醉翁解

老杜曰四十明朝過飛騰暮景斜王摩詰
曰年紀蹉跎四十強自憐頭白始為郎而
歐陽公之四十在滁也記琅琊之山亭曰
蒼顏白髮顏乎其間者太守醉也飲少輒
醉年又最高故自號曰醉翁也三公皆四
十而一稱暮景一稱白頭一稱蒼顏白髮
年最高何其懷聚之太孤益有激於感遇
之際哉予四十當為曆之丙辰誦之而為

一警也許昌道上偶讀歐陽贈沈遵二詩
一曰我時四十猶強力自號醉翁聊戲客
爾來憂患十年間鬢髮未老嗟先白滁人
思我雖未忘見我今應不能識又曰我昔
被謫居滁山名雖為翁實少年又曰顏摧
鬢改真一翁心憂醉安知樂云飲少輒醉
是公未可以醉而稱醉未可以翁而稱翁
者也予不敢自以為少亦不敢輒自投安
禮曰四十強而仕予雖困場屋二十年猶

恨其學未就而宦游者七年矣因書以自
解

江西提學按察副使李空同先生謚
議

浩然之氣直而行夾日之五龍天矯王佐
之才名於世承天之八柱崢嶸黃河瀉汗
漫之胸華嶽挺琅玕之骨哲匠共推天授
雄風獨擅文衡闢草昧於騷壇一代詞人
之冠鼓休明於經苑千秋大雅之宗包何
孕徐復見先秦法物出風入雅豈徒天下
文章壯兩朝墨翰之觀握千古絲綸之命

古道既闕於國運忠貞尤表於人綱疏壽
寧之橫於秦陵光濟之之則憤悲如賈太
傅排逆謹之奸於武廟盤遊之日則慷慨
如陸宣公晁采雖焚不掩白虹之氣龍象
既瘞終騰紫極之光振木鐸於豫章坐虎
皮於鹿洞尊亭之歸海教立布於百城偏
子靜之懸河化不成於三驛於三閭而知
屈正則之蘭皋憲晦匪專千賦之豪總八
代而仰韓昌黎之北斗泰山足是六經之

派空同之學正樹幟於鴻紳弘治之風尚
流馨於故老山河氣作贊玉振於雲門日
月名懸錫天章於漢倬

洛陽宿城隍廟告文

河南河南府洛陽縣知縣文翔鳳以乙卯十一月之十一日宿城隍廟詰旦將受事敬告於威靈公之神曰翔鳳獲長天邑兢兢恐玷邵程之里為懼有如以權教為智以擊斷為能則其所良短惟矢忠信廉介庶弗訶怒於鬼神洛下大賢之薮翔鳳其敢以不律取咎矧西京孔道倘不閑於大休翼日其何顏再假道以煩父老前迹若

乃智謏能薄即鬼神倘不苛求於下士謹祇宿神之宇下布肝膈以相質也

張岐東方伯祭文

嗟公之產其收地釐而化星精故品魁梧如巨鎮氣灝汗如洪溟讀其青竹之著撰如拔浪而起長鯨奉其玉表之對晤如開雲而覩藥庭初持節於閨門之上即馳翰衆君子以布交情推其道以為堯舜周孔今再繼賞其文以為先秦兩漢不足營造其面質而話千祀之襟尚則以為黃河又一度而澄清余小子獲禮謁於靈臺歸而幾空其腸胃之塵垢不復生古之人與古之人與宜其龍垂八桂之森蕃筭富楚南之冥靈而胡其斬焉不綿後臣琴架書莫之承烈畱一燕子樓之閑盼庶幾乎杭素節於皎月証丹心於碧泓余小子繫一匏於汝海即啟少罄其芹肝則焉能有繼此而問公之學行余謹對以畝已問公之詞華余副贈之餘清脫一劍於瓏樹一觴以祖征巫陽詰曰至止應陟降而來聽

隱客小像贊

蒼蒼者非長天之正色巖巖者豈泰山之真形誰能因望芊而測精授奈何即削爪而覓神庭夫子之山隱而天遊耶心花閱萬古升沈之營營應圖而求駿焉吾弗敢見鷗而憶龍章將無同嗟嗟秋水之天然儼可掬春雲之對分若為容月不以斧修益白日不以海浴增紅揖六逸于竹溪訪十友于仙宗西極生贊之比於樹眉羣玉

之絕峯

聖賢贊十四首

周公贊

制禮作樂曰聖經天緯地曰文周作孔述傳之以是周左召右陝姑與分耶

孔子贊

賢於堯舜生民一人聖不可知至誠如神後作弗及故曰配天

顏子贊

五星之木四時之春淵淵其淵肫肫其仁

曾子贊

孟氏之功夫既至曾點之見趣始傳舞雩三三兩兩意思正在忽忘勿助之間

曾子贊

其命維新其德克明修身為本天下則平

子貢贊

跖日升天疇匹子知築場六年疇匹子思愛禮端木與偕偕垂七千子之誠服子其如參而罔炎也

子思子贊

上天之載為物不貳與天地參中庸其至

孟子贊

天以地持日以月代孔父素皇孟雙玄宰

邵子贊

十二萬年為一乾五萬萬元為八坤三十
六宮來往者春建其皇極弗違先天

周子贊

太極圖於道州而本於太易君子修之吉

主靜立人極也

程伯子贊

不遷不貳庶幾顏子萬物得所在春風震

程叔子贊

坐講在殿立雪在庭尊嚴師道啓佐後生

張子贊

乾父坤母民胞物與太和所謂道是以君
子有眾矩也

朱子贊

我夫子曰賢之有元晦如聖之有仲尼也
孔刪而朱傳之六經其可誦持也

報姜養沖老師書

門生潛拙南都雖一年所而懷甚惡與江山若異世者蓋即之處於虛舟而苦海原在官遊且淹留久而歸庭闈之曠闊至情不可耐安得有佳情況也命裝而北聊以自據遣竟未皇馳一函往訊吾師而良使渡江追送於廣陵珍頌遠之且賜之藥石嗟嗟當今所稱師弟子者滿眼孔矣我師於門生則父子何啻今咫尺江干欲一至

金焦間價夙願然不得輒造里何日一償此二十五年之離況也蒞政雖不堪任真然亦不得作套應者以食祿而寸心不可泯也門生嘗攝儀政十閱月矣繼而又攝祠政三閱月矣祠政之不可為以所職紛沓而時與他署為掣肘且緇玄之冗雜而士大半以利觀為棲止則請託不能一一應也此讒怨之蔽而議政亦不可為者以所職有婚姻詞訟亦非禮官所宜也膳部

職小小錢穀亦不雅惟客部終年封印為達人駐足處耳南議清議之地是非本分曉幸而山人以為冷而不留可省橫議然多一番執贊稱弟子者其來而問道者為誰問字者為誰太半以索利來者也無以應之則敲唇而道時事執朝政書生舍筆硯之業弗為而至於與閑縉紳之短長天下之不得不趨於亂者此亦一病也以一弟子而師至數十輩欲何為而南都之不

妙蓋坐此門生從來真心不二無駢舌於交遊即妻子與朝端無一語異同者蓋惟有此一片堅貞之心花可以不滅而往來於元會之際正恐隨俗點綴則而漸漸換而一當生死關頭擲柄并脫手是以洗發精光濯清江而暴秋日蓋四五十年之外惟有皎皎之心鋒常佳一切世局直作電泡耳吾師了人間事出世間法一以貫之造化之樞到手者知門生寧吾師若也

報蕭少府啓

伏以澄江一足練清飛大雅之胸匡獄五
老翁秀挺高賢之骨載若華於曙日奉鳥
跡於遙空恭惟執事蘭雪披風松霞布月
裁大椿為筆管五花振天際之長虹驅滄
海於墨池一幅寫襟前之流翠袖膝閣之
浦雲而至晴暉迷瀝水之濱捲彭湖之雲
浪而來佳色浮嵩高之上於是伊閔望幸
汝海效靈杖藜者極周道之觀負餐者快

神君之戴而敝邑從未塵於三令下官仰
餘照於二天琅琅奉金玉之相袞袞揖雲
霞之氣既還輅於司馬却枉翰於彈丸芳
訊騫騫披誦鈞天立奏隆將筐實跼登昆
采駢臻雖長者之賜不敢辭而君子之儀
亦已過姑授箋使者頓首於臨風俟投刺
闥人振衣以就日

徐司理中秋宴啓

伏以臯陶淑問獻泮水以樂思召伯巡行
化汝旁而先被適仰見月行九道秋深值
團玉之宵況平分天運四時金壯應明刑
之署恭惟執事入洛價增卜瀝功濟金掌
光昇卿士謫仙之行已圓玉京劍挂南宮
朝會之程將滿觀濤江曲共携八月諸侯
溯水伊人不阻一方宛在賸地即天中之
隄佇盼見廣寒八萬三千戶向練溪流映

圓暉居然持斧吳剛佳期臨聖祝之期舉
鵬望天子八十一萬年並嵩嶽偕呼多壽
終是愛君蘇軾某借霓裳之新譜淹留請
醉嫦娥繫鵲鏡於神州揭盡初收砒白瀛
洲襟帶宜垂白兔之宮桂窟香風許獻玄
霜之粒

鹽臺萬公迂啓

伏以堯舜禹建都之域惟臯陶乃風動四方文武之作邑之鄉非召伯誰巡行諸國仰一法星之入部總三行省而采詩恭惟執事天言口代王綽手携彩鳳五章琢襟標以美玉華霞九綺鑄風格於良金唾雨咳雷長淮本咽喉之水顧風盼電芒碭真骨相之山鳴即驚人翻振萃梧之羽怒而運海翼揮礙日之雲屈軼何心四山膽膽

自薄堯羊有鑒九佐之班偏清封事日騰既正衡之北指朝廷無事持節憲而西征天開潤作之池姑課形飴於莞海地獻雲歌之鼎終調鉉耳於傳羹表華嶽而為冠霜臺闢則蚩尤旗陸控黃河而如帶總馬嘶則狼跋卷胡某謬稱伯於九州敬拂掃陟方之館又叨先於四岳欲前驅代狩之旌待轡皇華佇駘征於原隍遣倅洛邑閤望眼於嵩蒿

簡少宗伯沈公

叨命于役餞贖踰格至誨諭之勤談道則本六經而括天人之奧談藝則超八代而挾著作之庭談政則總九司而持中和之印聞所未聞心花與眼界齊開矣出都風雨汎汎渡江濤波射日黽勉就途俟抵燕再報近從寮友遊霞頂燕機之間有俚句一帙以為獻

簡董定所

伏處山中每造五柳二梧間手藥語讀之
脩然且欲立舉矣編烟貫霞之手摘星抱
月之胃斯亦河汾之格言伊洛之粹語也
某於神農嘗七十二毒之苦心亦聊有解
耳

報伊川鄉紳

自門信佳麗之都一丘一壑非不容與寫
意視伊汝尺寸山川為兩載所區登者真
夢想所追赴也况高賢有香山之風對面
如風搖玉樹奈何能悠然于別懷乎

報來星海戶部

吾輩所快為交遊之客者唯薦福塔陰颯
馬廿載而相見各華髮也蘭亭今昔之感
有禱於哀世人所珍我陽伯者以多藝而
第獨嘉尚其不伐所謂秋水出芙蓉天然
去雕飾者也爾時弟嘗以梁壁甲乙伯仲
而近自江干交馭仲其德器不後伯氏也
若乃筆花剪春雲而摘秋月者何容第代
他氏口耶池陽半夜盤飧可當一度華胥

調自此以往燕吳異地南北分席世人畫
大江而論英雄者無乃以我為六朝人乎
恐我陽伯不作如是觀乎漱六佳士昨物
色之澤潞間弗值此來當是良緣熟皇極
篇一部亦不能墨守詞人體謹以貴贈

簡徐念陽祠部

向者從遊左右披良月於松利之陰送快
風於鏡湖之畔清襟雅晤此生難再而倏
艸分手遂作往事石城之工何處聞足音
乎而肩虞兄又以假還粵佳朋捐我隻影
時依明公久未見即想當酬以不次第
卜以九月生魄後直造燕雲當於前途別
毋學筆西還攝祠篆云旬惟明公之芳躅
是陌肩老當過吳門使郵以詢并上皇極

篇之已脫本者其他亦旬日殺青
聞也伏疏杭首雲末

文太青文集二卷

陝西巡撫
採進本

明文翔鳳撰此本爲其七代孫三提所手鈔上卷
爲講章下卷爲詩賦雜作乃偶然選錄之本非其
完帙

漆園卮言十七卷

〔明〕莊起元撰

中國人民大學圖書館藏明萬曆刻本

附《四庫全書總目·漆園卮言

二十四卷》提要

莊中孺漆園卮言序

中孺天性樸醇人也而深

于學問之旨往往僅見其業

舉一班摩盪理境流壑

英藻臺軌于正非近世市

本

漆園卮言

門奇淫之習隨之知為端

人起家浦江令不佞身

稱鄰子辱以臭味見推

許每過遂論文章及同

所為浦邑脩舉芟除

三信為學道愛人之君
子移蘭谿復如是無虧
然尚未覩莊子之全其為
詩賦古文詞亦未盡見也
頃余歸西門而中孺挈

序二

其全以相示若賦詩若
記傳序贊表題墓公移
吏牘三所不彙而中孺之
才華學術流布者十七
矣大都抱醇而溯源深

裏而達表即衆體不同
而不為詭詞險語本諸性
情而津液于彼我上下
之間其理不難不強為知
所不知不強為言其為仁人

序三

篇如一而已矣夫鄉者古
文之道衰幾為瑣密奇服者
所害地蝕自昆陵唐荆川
薛方山二公起接歐蘇
諸大家之脈而繩準其

趨當茲之時頽波漸下
作者盡如中孺復何憂
卦莊生有言厄言日出
和以天倪即中孺名位
日高而東位稱物天倪

序四

自在吾以天倪窺中孺日
出而未有窮也敢謂此厄
言盡文之變而且足盡中
孺乎卦夫厄酒罍也中
孺異日者淋漓以出令

觀者如飲海水即王無
功淳于髡之流其量
易霍也

乙卯夏五富生黃
汝亨謨并書

序五



莊中孺氏臆論序言

夫文士溯源五際取象二儀盤盪本
之性靈發越繇乎煨礪故晦跡潛居
等夫屈蠖湛心一慮辟彼伏雌是以
道妙有積簣之崇文藻富挾天之盛
即使迫而後出無待暴之始彰唯其
無意于文耳自夫士競終華獎滋惑

序


溺不靈之龜藏之什襲含璽之玉寶
為上珍竅鑿而渾混勿存塵鏤於身
心奚裨文士生斯立業以俛首遺編
授足執圃欲從旁竇誰與昭蘓計惟
軌轍不平于众趨造詣默遵其孤進
有味乎中孺莊氏之著論矣中孺簪
綬舊宗標湘世緒韶令自晉被滌有

序

率毗皮相之索遭恩膚見之不免玉
轡傳食遽擬廉夫鐵研矢心癖齊桑
翰功惟內重孰破中堅謂學不極乎
天人終慙正果思不抽於性術卒墮
空華神遊魯鄒之墟理挾程朱之窟
方且參究二宗以勘百氏良工心苦
情見乎詞其曰存心則功夫溫養匪
降伏之說也曰習靜則學貴沉潛匪
苦空之論也曰虛已則意在取資匪
飾實之旨也曰豁古則義取集成匪
孝聞之云也至曰摹式曰俟命則虛
匠心之有盤于通方而業精之致懣
於造物也余讀之殆猶之玄經創作
君山為之服膺三都賦成士衡因之

輟筆者而廼郵簡遠將授簡索序豈
以山陰學脈家有真傳抑亦偃蹇明
經頗稱全病冀官商之擊節識甘苦
於斯輪已乎文懷珠魚其鱗必紫
戴玉之塵其角必斑茲編也在握生
輝擲地成韻精神相感何弗賞心又
奚庸借齒頰于不佞矣顧惟信學既
假舉業為筌蹄質儒復借性命為標
幟而孰知夫語潛脩者之正以逐羶
也而務內照者之祇為堅瓠也中孺
氏處不諱窮出不變塞都青紫無異
衿素履榮潤益勵藥水壑谷宅其衷
灌輸沛其澤坦必有餘于肯綮詡號
自別于盤根以彼設施評其醞藉信

元氣之司心占玄樞之素挈由此搏
挽網維煦映今古舉而措之廓如也
然則是編豈徒徼寵利之梯航博功
名之嚆矢云爾是用忘其不文僭揭
數語若曰知言則吾豈敢
萬曆壬子季秋日慈邑楊守勤克之
甫書于齋心軒



漆園初集序

蓋聞蘭陵逸鬱遂挹韓馬之
宗並澤汪涵迄控鈞鑿之浦
扶輿特秀名世聿興

莊鶴坡先生學本家傳美由
世濟金龜緝業邇學士之璫

序

源山藻飛華紹參和之茂緒
生而味道少即窮經鑄映書
惟探玄珠於學海螢飄琴幌
弋彩翻於詞林其爲文也咀
代之精英漱百家之芳潤甯其
神交千古每遺公碑之冠譽播

元憲時倒中郎之徒詞賦則

班張並轡風騷則屈宋聯鑣

孰能揚芬吐英難於紙上文

河越浪瀉江漢於毫端使授

簡梁園枚牂避其鋒穎所盪

河朔公幹謝其雄深佇夫

序

羣彥入其宇龍衆妙歸其囊

括者矣至乃步承明之祖武

瞻濠濮之宗風九萬圖南搏


羊角而高翥三千運北矯鵬

翼以孤騫加以化洽中年以成

年又乘展驥之公暇揮吐鳳

之名篇翠蔚文條濯，陶家
 之柳香生筆藻翻，潘縣之
 苑是以閩外祥鸞清音叶秦林
 間馴雉縟彩文輝殆文園之
 白眉抑騷壇之赤幘矣不佞捧
 讀雀巢嘆服仙才如臨洞達
 而聽蕭韶敵枕之音若登玄
 圃而覽瓊琳瑯玕之寶不揆
 陋質敬弁瓊編文愧獨孤序
 鴻章於遐升識慚言曷綴短引
 于太冲既不獲秘之帳中友
 亦欲公之海內云尔

萬曆甲寅端陽日
 通家治生徐學聚題



賦部目錄

寶發觀賦

廻暢樓賦

趙相國園亭賦

浮橋中秋翫月賦

賦目

寶發觀賦

盼兩浙之勝概兮唯婺女爲名區方

皇祖之開闢兮駕騶乘于城隅首建學以崇文兮應九五之瑞符簪文物其挺秀兮擅半壁而設都爾其崇基佳境峻坂兀脊寶剎玲瓏珠官開闔上冠星精而輝煌下亘地維而蹴殿前對百雉雄城以崢嶸後倚七級浮屠以攢榻東則通運府治殷殷鞠肩摩轂擊終歲不休吏民萃焉西則依傍學宮踰躋濟濟禮旋樂奏按時間舉師生習焉南則洪濤巨浸砂磧

賦部

硯礪春夏汎溢秋冬涸焦一目千頃青龍馬北則金罍玉壺嵯峨岵嶸晨夕射光雨晴改景若滅若現稱絕勝焉盛夏炎蒸萬國紅燼地拆石流民避無所此焉清暑可以彈解旱之弊絃而恍乎冰山雪嶽之興同隆冬肅烈千山鳥絕指墮肌栗渺無人跡於是曝陽可以近駮旂之義馭而溫乎飲醪挾纈之相從勢天矯而制璀璨氣鴻夏而形崆峒高掌遠蹠以突起納風友日以兼通五都之市百貨之虞貿易於其側三教之子九流之輩臨望於其中離明輪巧盡變

態而結構屈騷杜句握肝腎以形容離奇聳特疑鳳
巢而鸞駕幽隱磳澗似龍窟而蛟宮余兩令于浦蘭
兮浹四期而有奇每登眺于茲觀兮雖身世其何知
嗟駒隙之易逝兮悵勝遊之難追神晃晃而飛揚兮
步遲遲而猶夷酌兕爵而拚醉索克頽而攜辭亂曰
維浙之東稱具區兮至于婺女建劇郡兮負山面水
首帶礪兮

聖祖開基蒞旌節兮寶墟中峙擅形勢兮瓊樓具闕
鎮巽離兮八牕洞達宜寒暑兮騷墨題咏鐫金石兮

賦部

名曰玄暢猶未盡兮

廻暢樓賦

廻暢樓者蓋徽歛江君幼清之所創也晉詩有廻望
暢眸之句故名君之長公清臣同守婺郡余爲蘭令
晨夕周旋命搗管賦之授以樓記大畧含陰吐陽借
天咫焉馮山踞原襲地符焉發歌舒嘯託人豫焉緬
惟江陵極目仲宣據其旅懷蕪城愴心明遠寫其隱
諷皆以揆藻一時殆久百祀而余手不習雕繪之伎
足不履理瑋之觀祇恐冥搜潛契莫喻弘厥之摹聊
以馳精竭神如比登臨之况遂作賦曰

賦部

緊坤輿之豐衍且金柱之山陽臨平原之浩壤傍絕
勝之橫張樹空中之瑰瑋依蜺霓之蜚驤豈般爾所
斤斲盡變態于焚梁仰察星緯俯測土圭揆臬順畧
棘矢飛暈寒暑協溫燠之氣向背適明晦之規近日
月之晶耀摘星象之明輝披風雲之幻宵感霜露之
霏微八牕洞達四面玲瓏闔闔不膠于南北縱橫可
徹乎西東每首羅鮮盆鱗鈞鳥叢生振集于其下圖
書古篆蒲團茗盃離奇克似于其中若乃風清月朗
霞紫煙輕雨綿雪積斗近參橫登斯樓也則有乾坤

同聞古今一園而彷彿乎身上蓬瀛尋遠峯連濤激
漪平花卉雜聯疏竹間行登斯樓也則有遐邇收超
炎涼偏宜而依稀乎神遊太清間奇微俗絕將破迎
斷金珍玉壙唱鹿鳴登斯樓也則有物我共適身世
俱忘而惚恍乎沉汚華胥之府夢寐畏壘之城於是
平積儲仁義不尚富麗修葺禮樂屏斥瑰異敦厚追
無懷葛天之轅簡素並盤古混沌之饕餮太羹之豆
登酌玄醴之匏觶非夫復古之曠識誰能命名于茲
世諦思石家金谷競修幾何王氏蘭亭紀勝不磨瞻

賦部

四

彼早麓有泰者阿含陰吐陽黃道協和襟山帶水青
鳥逶迤麒麟隱軫鵲巢成不日而良止歷傳歲
而恒多亂斯干之式好肖采藻之有那交不擇貴仕
何慕乎金張之聯結游必群仙侶常偕乎期羨之婆
娑解纏緇而守靜篤怡情性而嚶咏歌且以喜樂坐
隱支公之局且以永日還揮魯陽之戈守貞而竟忘
其幻抱一而遐恤其他園蓋方輿包清寧于一掬扶
桑濛汜付升沉于如梭愧無李謫仙黃鶴之賦聊讀
邵處士安樂之篇

趙相國園亭賦并序

夫石家金谷富麗歷于君侯王氏蘭亭風流傳于
騷墨點綴川原之勝人巧可以奪天工品題景物
之華一隅可以騰四表蘭江相公中子郡伯經營
一園足稱奇觀面激水之波背大雲之麓寶塔峙
其左浮橋鎖其右地不廣衍而勢則聳峻屋不重
複而狀則崑崙峭壁懸厓盤旋崔嵬朱甍盡棟炳
蔚玲瓏累層而上攀月窟而躡天根迴環而下瞰
百川而納萬象斯亦巨麗之區而堪寄味遊之興

賦部

五

賦

者也余今茲主公餘偷陸時一登眺因有賦焉
蘭江佳境趙氏名園依絕巘而樹址傍漸石而爲垣
地週五都之湊路經百貨之繁當衝突而築園間寂
靜以無喧通一徑以直上豎重關之高軒激日光而
反照帶虹氣以斜騫爾其體製環瑋規摹豁達寓目
須臾八荒洞闔若乃亭頂棲白鶴澗底蓄朱鱗止客
堂雙榴森列藏書閣諸卉駢陳不踰一宮之景可留
四時之春暑納鮮卑之颶卧義侶于嚴牖寒撒瓊璫
之霞望笠釣于江綸方其上客蒞止主翁肅袂負矢

以驅執爵而饋豪飲無美嘯歌發慨迴眸四周隱隱
如在恍上泰山辨吳門之馬群疑入雲中聽僊家之
犬吠迨夫鳥影沉樹兔魄映巖雲出岫而巖黛露凝
草而淋漓觀杯斝之稠疊覺意興之猶夷嘆居諸之
已邁感榮枯之難知羨林泉之可賞何簪紱之久羈
聊遨遊以寄傲忘逝者之如斯

賦部

六

浮橋中秋翫月賦

有序

蘭城西計有浮橋焉前令葉侯之所創也歲久多圯
余調任鼎新之有艘八十鐵索纜其旁木板鋪其上
行人如履平地所以紹侯之明德而志其不朽也甲
寅晚夏

郡守周侯陞文宗放艇蘭江余以屬吏治杯勺于唐
冢宰舊宅時天氣炎蒸揮汗如雨因進言曰是間有
浮橋可以風盍往焉夙戒方舟連環結隊廣可百武
長亦如之列几筵環僕從將酒肴供絲竹磬折有餘
賦部

七

磐旋無阻時陪遊者同守江侯及金華東陽陳張諸
令君一蒞其所無不爽然若去紅爐而就寒水蕩漾
中流夷猶各適飛觴醉月各極本量而止此六月望
日也越兩月中秋之望文宗試嚴往衢復駐節江干
於時大火雖流而小炎未散先集塔院後登浮橋褰
日同遊欣焉躡勝遠山銜月熒熒樹杪之光近水生
風習習沙堤之景雜劇更唱于樂府歡意且徹于丙
夜東方既白若猶未也文宗解維衆亦旋旆緬惟子
瞻紀赤壁之樂希逸賦明月之篇唏矣煥焉弗可尚

矣余甚不文難忘勝遊援筆漫陳極知蕪陋云爾

蘭皋彌望極目江濱東西隱軫南北繽紛肩摩轂擊
鞠鞠殷殷什伍其軍千百其群城西之汴二水中分
一洲負最鐵纜千斤爲舫八十悅渡如雲橫山有帶
潑水有紋千秋不朽葉侯之勲余來作令唯恐或隕
載其明德夙夜矢勤率命般爾運其斷削完隄補頽
行者繹絡滕腫次鱗橋梁起鵠夏秋之間波光閃爍
可以納風可以舉爵時方溽暑周侯視學稅駕于郊
爰舉杯勺周堂鬱蒸情緒結約移樽浮橋豪興磅礴
賦部

肴核雜陳樽俎交錯且游且咏或歌或嘏中夜不倦
達旦而作倏忽中秋火退西流令行素昊氣當暮收
兼葭橫浦白露凝眸良宵三五四序難儔周侯蒞止
振起薪樵踵事增美芹藻是羞舊僚咸集夙興彌稠
第見金烏方墜玉兔初升雲容歛澹水色空澄望舒
若御冰輪可乘隱隱霓曲圍玉繩恍惚清虛蕊宮
是馮流連繼繼杯勺不勝曙光欲發爵觥頻仍賓起
三蕭環迴告登主意未愜猶不敢承龜勉從命實應
且憎援筆紀勝豈口繁稱於是爲之歌曰流光迅兮

大火西斗柄旋兮天河低涼風颯兮鴻鴈飛湛露零
兮烏鳥啼平分秋兮當皓月晚霞燦兮暮煙迷漾金
波兮寒玉漏照萬國兮臨雙溪有美人兮來咫尺抱
黃瑗兮懷白璧蘋風起兮吹錦帷箭月浮兮動瑤席
流螢下兮落星紅擎兕上兮浮太白態婆娑兮煩鬱
除興翺翔兮情志懽嗟人生兮罹自憂舒嘯歌兮樂
今夕知何時兮續勝遊悵轉盼兮分舟舶意徬徨兮
莫進漿歌嘹唳兮送嘉客

賦部

詩部目錄

五言古

懷古二首

秋夜有懷

離浦有感賦

蘭江舟中賦

少年行

遊女行

四川曾翺羽年兄乃祖孝子一章

詩目

吊浦江郝學傳

七言古

花燭歌送東陽趙年兄登第初婚

壽董母趙太夫人

壽徐母

張令公父母雙壽

蓬瀛圖詩 有引

十洲三島圖歌

海鶴蟠桃圖歌

雙烈詩有引

江太母節壽詩 有引

攀轅詩爲徐丞贈 有引

俠客篇

五言律

金華發棹

嚴灘眺古

錢塘渡江

西湖泛舟

詩目

經徐州作

過黃河

辛亥初春北上赴選將晚感賦 高唐留作

北上途中有感 汶上作

晚發浦江

武義道中

宿東平州

觀歸南次涿中

過雄縣湖堤

新嘉驛道中

秋夜赴發

秋晨還浦

登烟雨樓

過金山

太陽巔

登觀象臺

湧雪洞

紫霞洞

詩目

棲真寺

王露白雲二洞

謁孟子廟

過滕文公廟

秋關四詠

學睡 觀書
奕棋 飲酒

九日過雨

早朝四首

送楚中張大參齋捧

廣西袁鳳南高堂雙壽

送臨清張存字年兄壽乃伯

賀杜太府生子

賀王臬司岫雲連舉

茂寔侄登庠嘉賦

萬習登庠喜作

壽見塘宗兄

壽撫臺二月誕

壽曹思南

壽曹省南

詩目

壽李及泉

壽張慎吾

贈虛臺蔡公祖

贈王瞻明追尊

贈張二府

贈宋三府

贈陳三府

贈東平州守周存一

贈恩縣令劉開和

贈清河令徐薑東

贈余丞二首

北上過陽穀視來西賦贈

贈友人文學二首

辛亥初春北上赴選借敬菴行賦贈

贈醫士朱太和

贈高隱詩為戒心渠作二首

贈潘懋卿移姑蘇

贈周太尊考滿代作十首

詩目

送張貢元赴京

送黃戶部鳳衡浙開稅完還留都

送武義大尹蔣

送吳斗南學博

送林學博陞令尹

送張五雲父母調歸

送黎三府謫調二首

哭涵初荆年兄

哭張少厓司理

哭義烏令朱鄆田寅丈

輓詩

弔薛玄臺

弔趙太母

題月心庵

五言排律

休寧程泰寰年兄高堂雙壽

上虞徐一我年兄乃堂七十

宣城沈逸少年兄乃堂七十

詩目

山東歷城汪麟陽乃翁七十二首

壽詩

懷慶楊景歐乃尊風木悲章一首代作

同年顧思蘭母貞節挽詩

七言律

北上途次景州雪後早行

南還至東阿山路崎嶇有感

途次清明有感同懋卿作二首

登仙華山

三吳大水

胡襄懋梅林手卷題味

送杜太府覲京

送周太尊入覲還楚

送新宰張三府進萬壽表

送張公覲京

張隱君世德詩

秀水鍾年兄高堂雙壽八十

嘉興丘存峰年兄乃尊六十

詩目

山東宋殿徵年兄乃堂八十

四川歐嶰谷年兄乃堂誕日

雙壽祭封詩二爲西安劉年兄兩尊人賦

壽郁近老步薛玄臺吳巖所韶

馬春山陳養虛暨元配杭雙壽

壽南陳翁雙壽

壽陳溧陽吳心塘六十

贈楊洪園宗師

贈縱太初學師

贈別徐三尹春江

贈別朱義翀學博

贈別溪孝子吳子靖割股

送別孔師由毘陵掌教陞北武學

送蕭司尊歸豫章

送藕年兄歸壽乃翁

送金華周太尊陞文宗

五言絕句

戊申元宵舟宿王峰道中不寐枕上作四季讀

詩目

書四首

讀七克西書有感

觀禪經有感

望山寺

江舟漫吟

七言絕句

龍游舟中遇雪四味

寄周王涯壽詩

詩稿

晉陵莊起元中孺者

五言古

懷古二首

范叔非多口鞭辱良可哀蘇季黃金盡說秦空手回
二子豈不偉豪傑恒見猜困極思發憤時至如驚雷
立談取相印幾何何壘壘德怨既已報俠烈奇恢
人生未宦遠疇不懷異才不激惡能奮秦秦成心灰
摩厲以遠須小往乃大來

五言古詩

淮陰善用兵曾寄漂母歿曲逆多奇計及席爲門
丈夫未得志抑鬱難自存一朝乘風雲勳名表乾坤
秦誅項仍感轉盼捐蹇屯士方窮阨時投足如觸樊
胸中抱現異約結爲誰言曠達崇朝間齷齪何足論

秋夜有懷

深秋白露稀清夜燭影輝懷人天一方寤寐如相依
蟋蟀牀頭吟鴻雁天邊飛感物觸我衷興言重睽違
軒車脂何時誰爲寄征衣姑逐鞅掌隙恐貽偃仰譏
盱目遊子吟加手居人稀願言交加餐無爲空噓唏

離浦有感賦

詰旦發浦陽正值小春節霜紅葉多零月白弦已缺
逡巡違一方唏噓謝同列鶴鹿遮裳帷叟童臥車轍
旣駕巫馬星難迴魯戈自古悵西關離今愁南浦別
哀鳴驚鴻雁啣語駭蟋蟀居諸不我留邁征與誰竭
河陽花可携武城歌不絕願言懷好音毋爲忘薄劣

蘭江舟中賦

念予生澤國乘舟固相宜謝彼踰嶺日利此涉川時
極目瞻澄霽傾耳聽流漸川后靜不發天吳匿罔知

五言古詩

水清石可見帆開山忽移弩箭離弦急驥驥下坂馳
千里不留行百川有所之能會河伯理不問篙工師
孔得川上趣孟深逢源機寄言知道者近取在漣漪

少年行

騎馬騎上裘佩劍佩于將朝遊從許史夜宴擁姬妾
會獵上林內行刺御輦傍悲歌變白日裂眦成清霜
仇家刃相向捕吏錢相當急則走異域緩復歸故鄉
輒弭揚周道琴瑟娛中堂將相我何有王侯亦可忘
豈如豎儒輩呻吟翰墨場

遊女行

江千多麗質漢水有奇姿體態妖以閒步履緩且邪
泥顏瑩如玉直髮稠如絲飛雁落洲渚遊魚沉汙池
藏深宜自愛簡出將誰知懷珍欲炫世抱貝思售時
借問有結髮答言無齊眉擬舉梁鴻案行篋真缺犁
跼輕襦寔重妄謗請勿思

四川會翺羽年兄乃祖孝子五言古風一章

古來士人孝會氏稱最賢西川柏亭公千載詎相懸
厥祖參藩邦清白世相沿公生纔彌月而父館已捐
五言古詩

母訓僅廿二隻影洵可憐昔年靡他節教子攸三遷
母子幾相守伶仃歷多艱公性故樸茂純孝山自然
養志竭其力靡所不周旋遇疾嘗湯藥每夜必籲天
願以身代母陽九厄難延毀哀過骨立直欲從黃泉
勉生治幽宅鋤茅廬三年子疾不返顧枕塊情何專
盜至弗爲避亦且獲保全有鳥銜爪種成稔廬之簷
歸來刻母形事亡如生前學使廉其行旌表介賓筵
春秋七旬餘孺慕滋益虔有子列爵官天逝何遄邇
幸有宋氏婦育孤寔拳拳勤渠課耕讀尤在祖姑先

孫才富學海下筆真如椽用能恢祖烈姓字標凌烟

吁嗟一門內兩孀若相連中復遭子天造物疑有偏
及觀其晚路天道豈不還純孝果食報世澤誠綿綿
泉波仍復湧月虧亦且圓從此參藩裔昌熾億萬千
帝錫褒揚詔人賀錦繡篇觚生愧不文附驥勉攀牽
甲浦江郝學博

大何寥寥賦形多參差丹頰固莫測彭殤亦難知

君才饒八斗吞吐成虹霓君志藐千古咄嗟耀下隋

割鉉非覆餗膠序已卑棲三載芹藻潔一朝棟梁摧

五言古詩

解劍竟何及脫驂聊以遺管讀河上篇更念添園詞
昔寄今且歸南面不易茲諒君反其真咄我悼亡詩

七言古

花燭歌送東陽趙年兄登第初婚

余庚戌同門二十人而東陽趙思文年兄最少
且未娶京邸連鑣並席忽聞內艱別余先馳歸
後余令浦江隣邑密邇今讀禮竣期卜吉乘繼
喜可知已漫咏以志賀云

君家夙抱絕倫才春秋兩榜聯名魁弱冠已班鸞鷟
侶青年未娶鳳皇臺爲遶慈艱違北闕星馳鳥道歸
於越俛思祿養恨終天未忍乘龍弄蕭月流光倏忽
七言古詩

逾三秋瑳馬見齒聊除憂其新孔嘉恨不早子今子
今歌綢繆烏紗絳袍郎貌異翠鈿鴉鬢女客麗鄉間
競訝勝非常孔雀屏前稱竝蒂富貴婚姻慶非小文
采風流古來少花燭初從華第迎清夢還從鳩鵲繞
遙整行裝上五雲薦居近秩分氤氲大官賜燕私炙
割婉變蘭房遺細君

壽董母趙太夫人

江東巨族推趙董科甲聯聯襲世寵姻婭交仍締晉
秦詩禮相先法周孔趙家有女歸董君適丁舅氏時

方頃偕夫事姑日惟謹脫簪佐乏操辛勤家計津津
稍成聚里中齟齬催官賦致令剝落不能堪良人抱
樽先朝露兩孤甫就口食時猶記慈幃苦不支呼籲
不難從地下祗緣一綫加恩斯窺壁徵賢費磨琢分
機嚴教成完璞詞源滾發湧江河聲價崔巍齊華嶽
長公射策列明朝中省清班近碧霄次公太學才更
饒佇看聯翩奪錦標百年全節真堪表雙鳳高名亦
復少宸衷軫念報劬勞溫旨啣來有青鳥况復嘉辰
黃菊開華堂畫錦駢樽壘鯢生敢效東方祝愧乏曹
七言古詩

王七步才

壽徐母

徐母有子才且賢漢庭董賈堪比肩東吳遊學已有
年携得囊中萬選錢將來售與帝王前不虛俎豆
勤三遷發星上應婺女躔佇看膝下錦衣旋朔桃安
東供綺筵閨閣優游凡幾千疑霜松栢勁節堅滬露
芝蘭榮遇全縱橫筆底寫哀言臨池猶愧非如椽

張令公父母雙壽

漢源澄澈連天碧毓秀清時生聖傑射策金門中帝

心念我東南分衽席龍門桃李頻成蹊兕野桑麻遍
盈陌羨茲俄頃得民深仁壽高堂雙啟翼沙上駕鵞
每並棲庭前玉樹交枝接海雲深處覓瓊漿絳霞洞
口搜丹液持來祿養佐童顏百歲千秋如赭赤願言
長廕此方氓猶恐徵書下咫尺灑翰予深媿雅歌祝
闕聊效東方客

蓬瀛圖詩有引

聞夫十洲三島渺隔人間紫府瑤臺恍居天上茫
茫海國隱隱仙槎非霧非烟爲雲爲雨區區經臚列

七言古詩

三

既寫象于丹青繪事画形堪諧降于律呂追惟銘
功勒鼎夏祚滋昌揚烈祝岡魯年彌永皆以借物
明志援義寓言而況上德無疆與天淵而並浩下
情不已借金石以齊堅倘令直致省文中多苑結
即使繁儀緝節外涉浮夸是以川至口升天保修
其讚咏朔桃安棗華封托以闡揚夫非根極心靈
借椽手藻情先文而備至愛逐韵以交彰恭惟
明公殷嘏夢養漢席親前裨海東南今推上柱大
江左右昔障狂瀾挺節徽垣各黨扶遂麻之直抽

材棘院同科服桃李之公卦代復乎公侯世榮闕
闕星光臨于婺女人賴瞻依茲者序更仲呂焚晷
初長氣轉巽宮薰絃始咽龍虎際風雲之會熊羆
協筦簞之占施澤有年弘錫兆民五福凝祥此日
遂班台極三朋某馬齒中吳鴈聲東越政無一異
才謝十全而幸揖有道于郭舟龍門獲附獎無媒
于驥祖驥路可驤仰藉蓬海之淵涵俯竭麥丘之
嵩祝良工妙理猶能描奇幻于縑緙末學但言恐
未悉微茫于毫楮祇以宗依百谷佇仰三台採芝

七言古詩

四

綠金闕烟霞將酒勢玉壺日月偕巨靈而奔騰象
翎天沼而戲窮溟持無欲以御有形葆長生而娛
短日雖牛渚一勺驚自失于望洋而龍穴千流莫
矜全于濟涸謹奏七言之韵聊攄一得之愚
浙潮湯湯勢連海從古坯凝渾不改撐持半壁有真
人知是蓬瀛玉仙在玉仙縹緲萬緣空唾手當年典
麗功濛汜扶桑浴長日珠宮貝闕吹薰風薰風倏忽
和烟起萬頃洪濤一杯水仙航昇度億兆民沙堤汲
引二三子巨鰲戴山多崔嵬精衛填海疑虛淚添國

寓言謝知已并携瑤島離塵埃

十洲三島圖歌

披圖一覽驚滄海波光隱躍多奇彩亭亭歷落十洲
時離離斷續三山在金闕銀臺映碧霄霓旌絳節拂
雲輶泰皇漢武幾欲到羨門安期不可招渺茫空泛
東西日虛無難紀春秋筆不知金石變長年謾向人
間話仙術 今皇御宇尚無爲海波不揚山不頽翔
天窮溟浴汪穢悉登壽域遊春臺乾坤倏謝如朝露
榮滄海移非故步祇有真純不雜心千秋萬古常涵
七言古詩 五

素甌生喜得近溫潮頰首雲林慰寂寥從容指我乘
槎路俛借雙鳬省折腰

浦江山邑庭閒政暇客有能畫者令圖蓬瀛於尺
幅漫歌以見志云

海鶴蟠桃圖歌

洪鈞廣曠渾無際大塊紆盤盡荒裔包乾括坤有巨
靈萬水歸王何擇細霖雨不盈旱不枯谷神隱現彌
天吳顛負中流存厥跡蓬萊方丈時仙區芝草瑤花
何不有蟠桃輪囷披岡阜東方同熟已三偷携同瓊

宮獻卮酒馮風戲沼來靈禽九苞輝彩揚清音徘徊
嘹亮多奇態吳歌已舞應捫心世間凡翻櫻籠絡山
木從來自斤削何如海上脫塵埃鶴翱翔今桃綽約
擬從方外學神仙浮丘洪涯相比肩縱目蓬瀛依紫
府同飡瓊藥飲飛泉

雙烈詩有引

蘭江今滄嶼劉君諱宇烈蜀之綿竹人淵奇發穎
雄固揚芬奏賦上林夙當

九重之簡分符劇邑早收三異之祥頃當臆政之考
七言古詩 六

成竹見

龍章之寵錫燕越聲第一

君親矣報無雙揆厥所繇淵源有自追惟伊始涕泗
無從君之先公諱延齡字叔慶號雙鶴秋風桂苑
蜀都高折一枝春雨杏壇南國甲模數載既陳在
廟之俎豆將試入境之絃歌爰發夕乎宣庠行稅
止乎澳邑道經武昌舟宿金口詎意崔苻盜作擬
襲富賈之貲林木禍延誤及貧儒之舶嗟青瑣之
蕭索長物無餘悵白水之汪洋遺殃甚慘于時君

母曹孺人暨妹瓊姐共携抱幼嬰阿陵當倉卒異
變之時爲慷慨同心之計望馮夷而卽命投汨羅
以全貞君之先公因赴愬監司旋擒寇攘而荆荆
悉忽蘭玉摧殘悲亡魄于楚潭憶遺孤于蜀巘笑
哭隻影渺渺長途畏此簡書勉從事今歸化凜
楊知于暮夜移大理造于福於門間慨街恤之多
艱亦享祿之不永載有別傳未暇枚詳獨其義激
天淵矢孤鴻而單宿報隆鞠育聯三鳳以雄飛長
君宇揚季君宇亮皆以連城重寶棟國良材佇看

七言古詩

七

待聘百朋儲胥萬厦而仲若宇烈今爲蘭令者早
薦鄉書隨訴蓼莪之恨前鳴直指獲伸烏鳥之情
朝廷旌雙烈之門郡國欽千秋之範差可勒貞魂於
不朽猶未罄隱念於無涯已而魏登甲榜首膺薦
剡同籍闡揚懿燦當道褒叙貞芳后土皇天配兩
儀而爲烈扶桑濛汜經二曜以爭明惟某景仰英
風圖迴軼事目盼雲霄之義手捧珠玉之篇夫亦
兢兢佩服永銘心耳矣又何必雜蛙鳴於大呂
濫竿吹於鈞天祇以與蘭江君誼託同舟追念疇

昔潯驚之變情懷一體猶餘今茲創甚之悲兼以
浦邑旣解舟輿紛沓之衝亦省簿書期會之擾每
臨池而吐拙爰借穎以揚徽矢筆素箋恐未足發
撫傲雪凌霜之特操傾儲彤管或庶幾表暴就日
望雲之雅志云爾

錦江春雲高接天峨眉秋月清映淵水秀山明鍾間
氣一門雙烈千秋傳君本陶唐帝子裔緬維往事真
堪異先公嘶命今滇南武昌逢盜弗遑避盜利財物
搜舟中憤恚無獲因刺公豺狼肆兇及妻女遂携幼

七言古詩

八

嬰投江浪人生自古誰無死母子同貞歎有此豈無
善盡描丹青并付文人誌書史君家兄弟不可當仲
先脫穎班明光馮寵繡衣得旌烈一唱百和爭揚芳
茫茫天道寧終抑燁燁恩綸下咫尺滄海桑田有變
時孰與簪聞承不易共笑誓欲泛中流曹娥亦曾浮
江漚較茲猶隔雲泥勢留取他年石室收

江太母節壽詩

有序

聞夫坤以承乾義有嚴於從一震能幹蠱倫無愧
於生三心維冰雪之操千秋不朽目寓瓊瑤之什

百代可傳恭惟

江節母太夫人性植貞堅時遭坎坷字兩基而失
鳳侶子矣無天嬀七月而得雛孤兒焉有後井廬
併兼于豪右簪珥耗折于催科仰媚婆姑三十載
歡承菽水俯柔弱息六十春苦伴熊燈幸耳孫策
姓于賢書宦殷彪炳旋

天使奏名於

御座旌旨焜煌享遐齒依稀八旬第一棟松筠晚翠
頌洪庥傲慕三祝亘古來栢柏時馨茲者金天流

七言古詩

九

火玉律吹夷太母家孫清臣叩

命同守婺郡基承乏下屬馮藉末光香火幸借於栢
榆氣味更投於蘭蕙閱覽一編之始末稔知三世
之枯榮凌霜貫日之嚴標雖煖谷寒生於六月憂
玉敲金之雅韻將陽春寡和於三人自慙管蠡之
無長誰許貂狐之可續祇以低回軼事信彼蒼之
報應無私佩服名言笑諸公之賡和匪偶弔黃壤
而追懿節真可勒銘於景鍾附青雲而奏蕪詞竊
慮賈笑於覆瓿云爾

其姜侍如一

七言古詩

十

榮輅詩為徐丞贈有引

諦觀借寇無年情彌殷于卧轍思何有日誼尤戀
于懷榮觀祖帳之盈途安添芳草聆驪歌之徹野
悲逐行塵恭惟 寅丈毓質端和視躬肅慎才優
百里夙呈鸞鳳之音績滿五基宜振鳴鵬之翼何
意浮雲之色竟遮烈日之光報轉王官重孤民望
襜帷解去如離襖襦之安簞豆遂將誰與乳哺之
愛於焉鵲巢丹繪縣志亦文潞水灘頭誰砥狂瀾

于北注暮春晚景孰留鑒麗于東君披圖而稔遺
澤之深閼像而窺寄愛之遠某義重同舟愴無共
濟之會聿聯一體痛生分臂之間鳬翼雙飛冉冉
雲端睇目馬首獨往行行道左驚心爰奏七言之
章有懷未吐還看千里之月永矢不忘
蘭江夾道多楊柳春色青青浸杯酒折枝何忍傍行
車兩袂逡巡惜分手鴻鵠一去不可追瞻餘望處空
徘徊况復臨岐重離別試問途人知不知

俠客篇

七言古詩

十一

少年學劍學不成頭蓬袂短簷弄兵性格豪華喜任
俠身命可擲鴻毛輕王孫公子執轡請勁國強侯擁
雙迎給秦質子饒甘語出楚援師特劫盟坵壇恢復
全侵地書札招降未下城舉手上下授意指授足左
右咸震驚威靈可使山嶽動計策能令滄海傾龍爭
虎鬪多馮力狗盜鷄鳴空附名捐軀殉難徼天倖滅
虜賊倭流義聲勛高立受通侯爵餘勇還堪賈後生

五言律

金華發棹

畫鷁離江閣秋晨泛水濱帆開移舫樹棹舞駭川鱗
碧漢搖星月清波見石磷漁家燈火晚指點問迷津
嚴灘眺古

浹芥為越令今始過嚴灘奇峭天台壁潏洄宿海瀾
山川依廟古星斗落潭寒懿彼磻溪跡難將一樣觀
錢唐渡江

風靜陽侯息扁舟蕩漾輕魚龍何寂寞霜露自淒清
五言律詩

西湖泛舟

水濶中天坐波恬平地行蒼茫多綺閣知是武林城
越地饒佳勝西湖得趣多鷁棹浮月窟漁艇唱陽阿
島嶼樽前動林花鏡裏過前隄還更好無奈夕陽何
經徐州作

過黃河

策馬慙彭城雄圖信有名山形綿迤邐河勢接天濤
四面當衝哭千年起戰爭只今寧息久猶恐楚歌生
發脉來天上歸王入海中古今原不息晝夜自無窮

易回移村聚驚心坐艫艫懷炎漢烈白馬築宣官

辛亥初春北上赴選將晚感賦 高唐州作

風景淒涼還煥萌生稿復蘇山光雲外媚塔影雪中孤
長道鞭加着殘陽渡急呼繩繩車馬客誰割利名途
止上途中有感 次上作

止地多寒苦年來倍愴神無人安屋堵有我逐風塵
細草和愁長空廬入望頻那堪追賦紫何處是陽春
曉發浦江

畫角徹城隅征車促蚤趨柳風搖尾翠荷露走盤珠
五言律詩

水急潺湲渡山高殺業踰王喬何日遇俛與借雙鳬
武義道中

爲吏苦逢迎南征又北行畏炎時未爽避險路無平
橋鎖溪龍卧藤纏石虎橫畫圖如在望頻使旅覓驚
宿東平州

東平古建國入境正嚴寒倦彼爲善樂嗟茲行路難
晚棲孤月冷晨發落星殘行役從來苦何如一壑安
覲歸南次琢州

都會多勞攘長途聊息機風微姑賃酒雨冷稍加衣

情與雲俱淡春隨草共霏莫辭行役苦旬日可遄歸

過雄縣湖堤

砂磧多經歷欣逢曲水隈錦鱗依藻躍文翼繞龍迴
嘶斷虹橋接波平鷁舫開西湖忘彷彿只少挈壺來
新嘉驛道中

春日經郵傳凝眸思欲勞柳條南漸暗斗柄比彌高
起早衣恒濕行忙轄不膏宦途何日了耽逐網英豪
秋夜赴葵

山月嘶雲樹天風拂露枝悄寒秋半景間寂夜深時
五言律詩

燭影輝危路蛩聲語隔離何如高卧者寤寐揖軒羲
秋晨還浦

命駕當秋早晨趨氣更涼露凝桐葉重月挂柳梢長
鴈影穿雲嶺泉聲瀉石塘颺飈清思遠隔塢起滄浪
登烟雨樓

四面烟雲合千家雞犬稠離吳新海蜃入越小瀛洲
地主携佳釀山僧引曲樓馮虛霄漢近何意問歸舟
過金山

誰將一拳石豎立水中心雪浪翻今古風烟掃陸沉

天根浮沒見地軸渺茫尋幾度生惆悵龍王失虜金

太陽嶺

初陟太陽嶺還疑上九天回頭雲漸下舉目日將連
鳥道懸崖迥半腸曲徑旋官途多險側較此孰爲先

登觀象臺

百尺層臺迥登臨絕市囂環衛隨步履帶礪隔雲霄
月窟攀疑近天根躡不遙列風應可御身世似鶴鷯

湧雪洞

初龍水洞

夙聞蘭洞好寓目果多奇龍噴沆瓊液虬騰蟠玉枝

五言律詩

四

山雲迷遠樹庭月映新區柯爛渾忘却王喬與等期

紫霞洞

次觀乾洞

石室何寥廓蜿蜒信有需彩霞連碧落紫氣滿蒼冥
軒帝藏神鼎淮王貯道經條然思物外此處可逃形

棲真寺

趙相公讀書處

禪院多幽寂行遊興渺然松篁盤谷轉棟宇倚山旋
神爽千秋炳篇摩百代傳拜瞻廻旆去搔首未能前

玉露白雲二洞

路崎嶇不果遊

尚有神仙境吁嗟行路難離奇疑島嶼搖曳似琅玕

于壑盡巖豁兩山何鬱盤願爲雙翼鳥往復藉輕翰

蘭谿舊有諸勝宦遊者嘖嘖稱絕余自浦江更調

茲邑甫到任之詰朝適符輿張年丈從寶婺查盤

過縣公事既竣邀往登眺咏此四律多未竟其槩

也

謁孟子廟

亞聖功彌大何容贊一詞因來瞻廟貌遂爾肅威儀
松柏千年古榱楹百代宣循墻延佇久日晷已西移

過滕文公廟

五言律詩

五

一時典政教百世作君師特廟存遺愛疎松寄遠思
齊梁雄戰伐鄒魯盛文辭在昔無英主於今嘆黍離

秋闈四詠

學睡

棘院抽材處深嚴絕境置薜蘿延地逸松栢接天高
尺蠖存身逸繚鷹立臂勞希夷百日寢習慣是吾曹

觀書

深秋日晷短獨坐夜偏長宇下蛩吟月天邊雁叫霜
誦詩知美刺讀史識興亡寤寐羲皇侶何心問未央

奕碁

禁院久嚴局濛濛雨欲零碧梧隨候謝丹桂與時馨
對局神堪寄忘機意不榮桑滄多變態吾欲解樓臺

飲酒

馬首未能東淒其怙凜風巢梁虛去鸞遵渚待歸鴻
西汜戈難退南箕簸易窮寂寥無可慰浮白破愁容
壬子秋日應檄與浙省兼外事先以典試愆期早
赴久羈無聊特甚已而公署清幽深秋氣肅回視
縣治簿書鞅掌何啻什伯然而浹旬逾五旅况蕭

五言律詩

六

森非如四詠所云曷度晨夕縱筆漫吟聊志其景
倘欲求工復自苦耳

九日遇雨

九日局嚴署濛濛雨點蒼空中思殿閣望裏憶蓬萊
雁除川雲隔魚書浦月違悲秋同楚客作賦豈吾才

早朝四首

癸丑入覲作

禁門何刻啓義馭始初升萬國衣冠盛千年禮樂弘
滑稽供應對窈窕習趨承肅踴同夷夏遙瞻玉几馮

其二

雞唱五更聲趨蹌入紫城樹搖殘月澹旗颺落星明

咫尺天顏近須臾日奏行誰云門萬里葵藿可前傾

其三

萬戶猶嚴閉千官已整行珮聲遙接曙燭影近連城
夏曆欣初紀虞歌喜載賡微臣何以報頽首祝昇平

其四

周禮宗姬聖秦儀陋叔孫玉繩龍影動珠履雁行繁
辨色瞻天遠聞聲想帝尊杞懷徒欲獻莫使叩重闕

送楚中張大叅賁捧

五言律詩

七

三楚旌旄重中台星象高辭家乘范轡趨闕獻方桃
古驛聞鐘邈深秋滬露勞遠懷何以慰徒倚欲投醪

廣西袁鳳南年兄高堂雙壽

少年登上第辭闕省雙親淮月歸心速江花入興新
人爭看錦繡案擬上醺尊愛日旋移孝還將獻紫宸

送臨清張存宇年兄壽乃伯

猶子情偏厚成名別帝畿甲科文比玉歸路錦爲衣
世德彰前美流光映後輝一觴酬積愛時草似君稀

賀杜太府生子

天上賜麒麟爰酬明府仁芝田流澤厚玉樹發芽新
懿鳳占初念荀龍瑞有真大椿丹桂接世德印蒼旻

賀王臬司站雲連舉二子

天上麒麟種人間瑚璉姿並遊仁藪異雙捧錦堂奇
寶桂飄香日王槐藉蔭時還誇元愷美世濟在于茲

茂寔姪登庠喜賦

玉洞桃千樹高攀占早春連枝吾輩晚發幹汝曹新
風羽鵲凌漢霜蹄驥絕塵佇看萊綵服旋與報楓宸

萬壻登庠喜作

五言律詩

杏林春色麗喜汝折高枝浪煖龍翔日風和鳳舉時
雙親旋可報半子亦無虧懷璧毋淹久明光奏帝知

壽見塘宗兄

杏錦添春媚佳辰啓壽筵鶴齡騰海畔麟瑞藹庭前
萬里輕珠履千秋種玉田載歌行葦什世澤幸相綿

壽撫臺二月誕

春日宴桃李和風入座輕堯天山谷靜禹地海波平
陶冶三千士謨謀百萬兵年年南極宿常對紫宸明

壽曹恩南

振鐸蒼姬喬梁溪寄一壘齊眉偕淑配接武有賢傳
豪俠來千里虛恬息萬緣何心綿歲月仙籙續新編

壽曹省南

蒼籙自文昭幽棲傍小橋神閒覺亦寂骨傲而輕朝
貴客盈珠履佳兒奪錦標斗南星正曜歲歲燭天高

壽李及泉

柱下宗清淨君今紹祖名觀棋柯已爛煉藥鼎方成
軒盆此身外湖山對面橫遠看蘭桂秀行與振家聲

壽張慎吾

五言律詩

漢代留侯裔修真從赤松青鸞迎日馭彩鳳集雲封
神底陰符密鑑中火藥鎔滿庭森玉樹歲歲映仙容

贈虛臺蔡公祖

當代文章祖中吳擁節旄海波平地靜台燭燭天高
世德光麟畫餘輝起鳳毛馮侯同益載瀝膽幾抽毫

贈王瞻明道尊

往歲承軒蓋茲晨遠旆旌威名山嶽重報効羽毛輕
南海波濤息東方詬誶平殊恩天樣潤直到浦陽城

贈張二府

古粵賢聲著中吳玉節過仙才京邑賦瑞政麥岐歌
召樹懷人遠廉襦接境多庖言聊頌德未許配陽阿
贈宋三府

天子念南圻分符下玉墀真才當帝簡善政與民宜
河上宗清淨車前問瘼痺陽春如有脚生意上新枝
贈陳三府

世德追麟閣新恩出鳳池棠陰仍不改芝馥喜初移
俗以萊公茂民因召父宜緇衣相繼好看取口碑詞
贈東平州守周存一

五言律詩

管讀小東篇懸知征維艱蘇民無上策采遠有真賢
烏道愁投足龍門喜竝肩臨岐知重別未忍看歸鞭
贈恩縣令劉鼎和

我亦將爲令君今蒞此官莫云棲棘止自入芝蘭
語語知情切行行畏路難煩過非索試兼爲報平安
贈清河令徐盡東賦

跋涉風塵際仁郊喜再過星勞巫馬乘里誦子游歌
鄭驛聲聲遠劉鞭惠政多何辭折腰苦師法在清河
贈余丞二首

長材堪大受屈跡贊鳴琴剪惡抽荆棘存孤沛雨霖
幼勞經國賦清白守官箴食報將何地惟看棠樹陰
又

黽勉趨王事真心只爲民計程多犯雪歸路每逢春
紫陌風塵遠丹墀雨露新無辭折腰久看取沐深仁
北上過陽穀視來西賦贈

一入簪纓籍詎容恤所私居官能自愛獲上允將宜
鶴和親無念鵬飛弟有期吾宗將日大爲汝慰遐思
贈友人文學

五言律詩

宏譽彪原早巍科授未遲神龍藏變態威鳳歛奇姿
得雨舒鱗日乘風展翼時方知豪傑遇能破世人疑
又

結契當年好修書此日稀祇因分兩地空使繫千思
傳築拋牆杵姜磯捲釣絲聖朝搜佚士早慰故人知
辛亥初春北上赴選偕敬菴行賦贈

趨闕當春早肩輿喜竝依歷高天漸近涉遠境多非
風日防溫冷晨昏護渴饑本原殊可念從此莫相違
贈醫士朱太和

紫陽遺澤厚澣水一垣居秦越人仍在岐黃術有餘
大椿經歲月丹桂秀庭除世德真堪羨沉吟我不如

贈高隱詩爲滅心渠作二首

誰謂羲皇侶於今不可尋素心珍赤子白首賤黃金
廬曠羅佳卉池寬萃巨鱗山中多富貴吾欲早抽簪

又

壯歲辭鉛槧幽居托一岑乾坤馮笑傲今古任沉吟
點景移山蕙忘機狎渚禽恍疑王子晉抗跡遠清襟

贈潘懋卿暫移姑蘇

五言律詩

周旋積厚誼契濶生遐思三益惟資女四知更有誰
詩豪陶謝典筆擅鍾王姿此去無淹久勞人念別離

贈周太尊考滿十首代作

報政三年久懷恩萬姓多遷鶯留舊德賀燕起新歌
霜肅消稂莠風和長薜蘿福星懸照遠處處映清波

其二

秩滿二千石囊空子母錢無金交要路有鶴伴閒天
碑口傳存愛棠心憶去賢東南勞鎖鑰不用苦攀牽

其三

卧理渾無事瓜期已及秋周詩歌召伯夏諺誦諸侯
奇刃仙人洞崔魏刺史樓使君飛舄去誰與續清游

其四

清風著三楚湛露滴雙溪爲岳忘身貴能官動主知
桑麻落秋實桃李長春枝欲識遺恩處還看贈別詩

其五

婆女稱雄郡君侯抱異材結繩平競俗吐哺活孤孩
碩望傾群岳清光映上台政成膺寵召咫尺自天來

其六

五言律詩

爲郡才偏老居官望獨清姓名書玉陛惠澤布金城
栢影晨鋤穩萑聲夜析寧恩深何以報攀轍有餘情

其七

長材參劇郡治行久稱奇止水同清日薰風並煥時
紀功高牧伯誦德遍氓黎不盡臨岐賦悠悠寄遠思

其八

刺史古來有如君今獨無燭奸慝實鏡茹葉勵冰壺
村舍除鈴鐸兒童飽喂哺祇愁難借冠何以絕追呼

其九

君原荆楚傑才亦海門濤萬壑涵塵垢三山碎境豈
鵬風颺北陸龍雨足南臯沐浴殊恩久歌驪思欲勞

其十

昭代二千石君還第一人清操金百煉勁節弩千鈞
守道何知俗憂民不顧身徘徊凝望遠無計滯車塵

送張貢元赴京

折楊臨祖道聊贈上京臯回首鞭聲遠橫腰劍氣豪
多君麟閣品有子鳳池毛燕越傳佳問槐黃兩地驚

送黃戶部鳳衡浙開稅完還留都

五言律詩

十四

二月春光好行旌拂柳枝庭無頭會政路有口碑詞
蓬底瓊峰轉尊前玉樹移願言時寄語千里慰深思

送武義大尹蔣

廉叔來方暮如何去獨先蓼莪因有恨蘭芷竟無緣
古驛催長道新愁寫短篇枯楊無可折窺月影相憐

送吳斗南學博

莫逆憐同調驪歌不忍聞遠山移日去平水帶潮分
杏色彪龍彩槐陰覆鳳文相思無奈處常恨隔重雲

送別林學博陞令尹

把袂送君行徘徊重此情杏林饒雨化棠樹襲風聲
鶴俸囊無羨麟圖望不輕遙知新政好萬里一江清

送張五雲父母謫歸

行行憐太旆黯淡上楊枝三載甘棠澤千秋廉石思
丹心留帝眷白首慰親慈莫道蟠泥屈翻觀龍躍時

送黎三府謫調二首

春煖情還凜蒼黔爲失慈行行遮馬首色色黯楊枝
會母投機日樊蠅點壁時無緣能借寇延佇有深思

又

五言律詩

十五

惜別河山渺觀棠倍愴神恨無繩繫日漫說馬迴輪
柳暗迷千頃囊空伴一琴使君飛鳥去誰可步清塵

哭涵初別年兄

京國輕分手常懸兩地思忽聞梁木壞不信泰山移
湘水初沉日中山長醉時永懷黃鳥怨含淚寫新詩

哭張少虛司理

三達重清時鄉邦有所師斗山方在望桑海忽初移
棠樹垂仁遠蘭枝毓奇凌烟圖像處世德永遐思

哭義烏令朱郭田寅丈

慘淡藏舟色希噓掛劍情故園無畫錦陌路有貞珉
修短浮漚瀉幻榮哀鴻羽輕獨留千古恨萱草爲誰生

輓詩爲周文學父子
相繼而歿作

白日墜虞淵青郊草欲芊辭家仍再世報國竟何年
翼異飛丹旄悠悠曳素旆還期留不盡龍種表凌烟

弔薛玄臺

浩志凌千仞嚴操障百川如何霜露變竟使泰華遷
後學違太鉢先天絕簡編漫云南面樂莫解淚潺湲

弔趙太母詩

五言律詩

十六

淑德茂溪閨三從世所推口碑銘節孝錦字寫榮哀
懿鳳乘風去荀龍得雨來還看紫泥誥次第下丹臺

題月心庵

結庵背城郭車馬靜無塵一切離空色三生了幻真
有僧參悟早無客叩凡煩羨此阿彌境堪容物外身

五言排律

休寧程泰寰年兄高堂雙壽

程翁好惡因內助復稱賢有子能華國多錢不買田
綵衣承愛日珍膳奉長年親慰青雲望人榮畫錦旋
芳隣欣不遠歲歲寄華箋

上虞徐一我年兄乃堂七十

慈聞聞子捷况復早還鄉喜劇今多勝悲含昔不忘
雙鴛憐隻影三鳳惜中傷懿燦標家範難危起國祚
松筠疑晚翠芝蘭浥天香流水飛仙棹行旌帶夕陽

五言排律

越中多麗景借艷好稱觴

宣城沈逸少年兄乃堂七十

太史風裁烈仙郎韞藉闊執儀曾舉案課讀每篝燈
松柏經霜勁芝蘭帶露榮昔緣夫刲股今見子騎鯨
捧檄還鄉井驅車別帝京風雲如有脚魚鳥若多情
稚子迎歸馬嘉賓薦壽觥婺星光正耀常傍太陰明

山東歷城汪麟陽乃翁七十二首

位列皇華使寧辭畫錦遊雕鞍經古驛花詰錫初秋

去樹東偏好傳杯晚更稠芳隣爲埽舍上客共鳴球
不盡趨庭戀還將報 晁旒

又

行行馬首東緩帶拂微風捧檄情何切持觴喜更濃
世稱文繡虎人賀遇登龍畫棟雲藏雨瑤篇霞映虹
短歌將遠酌歲歲祝華封

壽詩

自結嵩山隱年光鞭電奔手栽松樹古身掛鶴衣輕
爐鼎高人煉谿苔靜更馮玉笙迴日絃繡水泛桃汀
五言排律

桑海乾坤換琴樽夜月清直看巖石爛千載未須論

懷慶楊景歐乃尊風木悲章一首代作

清白關西迥恩榮真比稀擬將萊服舞忽報貽雲飛
秉孝尋家路輪忠上 帝畿焚黃揚懿笑寫素闡幽
微罔極今如在榮衰世不違

同年顧思蘭母貞節挽詩

苦節著當年從容性所然從夫共伯誓訓子孟軻賢
操與清霜凜心將白璧全 九重旌懿德四海和張
篇松柏栽幽域芝蘭長曉天鳳雛文燭煜驥子足騰

爲北地連城寶南河萬選錢芳名標 紫闕華誥貴
黃泉達孝真堪羨雲仍盡勉旃

五言排律

三

七言律

北上途次景州雪後早行

雪後餘寒尚逼人晨行僅喜路無塵
疎梅放白全粧玉弱柳含黃半嵌銀
快馬却愁迷去路遲興猶可躡
來輪長途未得旋弛擔茅店忙沽麴米春

南還至東阿山路崎嶇有感

逐日驅馳未息勞那堪下下復高高
愁看蟾影入千里怕對菱花鬢二毛
縱飲共誰拚放浪浩歌且自解
牢騷故園桃李應饒笑莫遣歸時風雨遭

七言律

途次清明有感同懋卿作二首

客子驅車出帝京忽驚節候屆清明
陌頭嫩柳舒春色枝上新鶯弄曉聲
青塚纍纍茫不識白雲漠漠
渺無情笑啼兒女皆成幻何必多營因此生

又

每記清明折柳條青青路側似今朝
春光半去隨人老景色全非與物消
好詠自知慚白雪多情誰可度
清宵浮生到處堪行樂得失應須付鹿蕉

登仙華山

仙華自古號名山乘暇携朋始一攀
曲徑紆廻旋旋口奇峯兀突插雲間
聞蟬逾覺幽情遠戀壑渾忘吏
事殷果有紅顏生羽翰請從卜築不知還

又

遊客從來莫憊安須公顯爲結蒲團
雲中大呌仙家景月下烏啼佛國寒
霞映碧巖開錦繡露凝翠篠濕
琅玕登高愧擬相如賦願借山靈永不刊

仙華山浦江之最勝也余令茲邑偕同門趙思文
年兄遊于其上因嘉前令須公日華初梵宇一

七言律

以爲憊息之所遂詠二律以紀之

三吳大水

大浸稽天莫可遮那堪沃壤盡成窪
遠山松柏全巢鶴近水樓臺半產蛙
漁網集來叢戶牖仙槎泛去逼
雲霞可憐歌舞繁華地化作洲前蘆荻花

胡襄懋梅林手卷題咏

聞說當年有將星么麼不敢復從橫
堯天在昔攬槍掃禹地於今海浪平
吳越萬家供血食乾坤千古識
威名少年空有終軍志未許當場漫請纓

送杜太府覲京

江干曉日映征袍，望裏如增使節高。
澤灑甘棠深雨露，名鐫廉石動雲霄。
清輝久已光麟畫，世德還看起鳳毛。
祇恐當朝留鳳望，空令竹馬候西郊。

送周太尊入覲還楚

爲有朝天覲紫鑒，雲生故國暫盤桓。
彈冠遙跂春華苑，接浙忙離畫錦欄。
一路清霜隨劍珮，萬家愛日戀轡鞍。
銜恩最是難回首，賦就應知餽肺肝。

送新宇張三府進萬壽表

七言律

雲綺彩鸞氣翩翩，江上遲君啓別筵。
佐郡循良嘉績著，朝天獻納頌長年。
津亭柳暗淮揚雨，驛道花連海岱烟。
名向黃金臺上紀，張堪此日獨稱賢。

送張令公覲京

江臯日麗錦袍新，知是趨朝第一人。
平子未須誇翰藻，漁陽誰許竝經綸。
聖明已早虛前席，卓異應先賜御珍。
此去恐難仍借寇，清輝耿耿列麒麟。

張隱君世德詩庚戌同年張伯鱗高堂具慶乃弟鄉科

隱君世德真堪羨，食報蒼穹有後賢。
餘澤已來宿海新，恩猶見上凌烟文。
鷺兩兩交棲翼，玉樹森竝接肩從。
此熾昌何足論，好將勝事續新編。

秀水鍾年兄高堂雙壽八十

池陽蕭令多陰行，養得先天抱大還。
偕老堂前稱渭水，義方膝下有燕山。
曲江綵服娛萊舞，蓬島祥雲遶畫欄。
擬祝千秋頻跂足，東方桃近可躋攀。

嘉興丘存峯年兄乃尊六十

汀令深思多去後，喜添甲子值嘉辰。
仁風久已歌

七言律

維世德還看起瑞麟，捧檄堂前將愛日。
奉觴膝下餘春吳門東去君，家近歲歲緘時當酒樽。

山東宋獻徵年兄乃堂八十

慈母高堂八十餘，喜聞遊子薦公車。
一封好信馳千里，萬頃恩光播九衢。
命服賜來班服舞，王顏別去母顏舒。
依依膝下承歡愛，不是長途盼倚閭。

四川歐嶠谷年兄乃堂誕日

慈帏佳誕值新秋，一葉金風暑氣收。
白首昔緣夫割股，青雲今報子鳴球。
千尋古色松筠翠，百和微香兒

爵忝捧檄承顏何足喜須將軼事 上宸旒

雙壽榮封詩二爲西安劉年兄兩尊人贈

御屏久已列勲名忽報絲綸出 帝城懿鳳昔年占
隱德荀龍此日慰深情千秋佳氣騰南極萬里清風
播北平偕老庭前繡寶帳令人三復有餘榮

又

九重天上賜褒封百歲堂中有豫容鳳使颺來雕勒
爛鵷班拜處錦衣叢蟠桃已見多番熟丹桂還看次
第榮更泛仙槎問年壽海濤歲歲浴壺蓬

七言律

壽郁近老步薛玄臺吳嚴所韻

蟠蟠國更笑顏開爲安瑤池覆紫杯渭水未須誇盛
遇燕山猶可接清才南星世仰千秋照東海君能百
折廻更老漢廷曾下席還疑蒲聘自天來

馬脊山陳養虛暨元配杭雙壽

太湖秋月浸夫椒知是僊居映碧霄珠履迎來多問
字石基敲處有觀樵文篇渚畔交樓翼玉樹庭前盡
發條幾見洪濤枯又潤一卮雙祝瑞烟饒

壽南陳翁雙壽

翁原姓周從冊姓陳

蒼姬世錄繁南國渭水恩深接有嬌翁伯片言平德
怨計然餘策酌盈虧東方幾竊蟠桃至上苑旋携月
桂來更喜齊眉躋上壽一詩雙祝愧新裁

壽陳深陽吳心塘翁六十

南極祥光照瀨溪臨躋鶴髮是安期幾番過眼三朝
盛初度驚心六甲移蓬島曉雲騰貴易琴檉夜月映
齊眉更看芝茵多森秀咫尺封章下 帝畿

贈楊洪園宗師

一林杏雨灑東吳頓使寒厓盡轉蘇嶺石擎天推

七言律

石江洋障海洗榛蕪雲蒸碧海觀龍種霞映丹丘

鳳雛再世沐恩同蓋載寸心時取對冰壺

贈縱太初學師

少年芒屨氣如虹壁立中流勢不東慷慨欲輕嚴渭
跡委蛇姑曳屣靡踪拂衣漫弄青溪月對酒高吟碧
樹風要識庭前留不盡須知日下有荀龍

贈別徐三尹春江

十月霜紅滯曲隄凄其何忍聽歌驪羨君橋梓緇衣
好愧我蓬麻岐路迷捧檄暫違行且止慘袂難全笑

贈別朱養翀學博

贈荆溪孝子吳子靖割股

七言律

送別孔師由毘陵望教陞北武學

陽關何忍唱驪駒目斷征衣望轉肝百仞泰山瞻魯
國萬家棠樹蔭中吳帝京采藻觀龍種上苑看花引
鳳雛杖策欲追追未得天衢肯使昏泥塗

送蕭司尊歸豫章二首

三載專城鎮越東
新恩特簡摠維紘
廟堂方倚經綸畧
丘壑何堅寤寐衷
棠樹萬家栽召德
口碑千里勤裴功
無繇能縮陽關地
祇咏清風伴去鴻

又

送蘇年兄自吳歸壽乃翁

仙郎意氣逼雲霄千里遨遊涉海潮就我欲裒司馬賦還家擬上笏方桃燕山椿桂舒榮晚渭水熊羆入夢遙南極有星依北斗年年不覺爛柯樵

送金華周太尊陞文宗

匡時經濟高千古名世文章冠二京忽報風事變

七言律

下還驚鴻羽自南征盈車化雨霽帷蓋滿路清風
旆旌不苦侯已難問字依稀咫尺是蓬瀛

—

寧愁天路懸凡路更喜文星卽福星召樹村村歌勿
剪孔林種種沐初榮卿雲影裏騰芝彩瑞日輪中燦
玉英銘勒難磨甍上石泊涯何以報生成

三

禹地泮泮大國風文星兼照浙西東魚龍潛海爭飛
躍鳳鳥棲山欲奮神瑩德雅同金作礪溫規還借玉

爲攻鶴鷄欲附瓊林遠一札須勞萬里鴻

四

穀水灘邊仙舫行那堪萬井不勝情蛟龍水底驚旗
幟鳥雀空中駭旆旌時雨過林桃李笑和風入座管
絃清懸知大雅難追躡可許蛙鼓一奏鳴

七言律

九

五言絕句

戊申元宵夕舟宿玉峯道中不寐枕上作四季

讀書

四首

玉軸還元氣勾萌始放芽乾坤生意到最稱讀書家

其二

誰云夏日烈偏愛暑陰長高枕當書架神閒氣自涼

其三

謾步庭前菊呼童收落英夜深丁癸戰煮茗倍餘清

其四

五言絕句

壁壓梅枝瘦寒香玉有神檢書多趣味好景詩

讀七克西書有感

傲爲百罪總謙爲萬德根 天主首勸戒人當慎其

門

右伏做

妬念動殺機恕心行除德仁忍於此分腔于切母惑

右平妬

貧賤在一時富貴在萬世祛貪以養廉是謂挾真諦

右解貪

忿心火上炎忍情水下熄家督兀不搔自爾消百後

右總念

澹泊能明志穠郁多戕生試語知道者口腹無多營

右醒迷

崇德先守貞修慝急坊淫此中勘得破萬古長聞馨

右坊淫

勒情止一線淑慝分千尋欲避 天主教時刻操真

心

七克西書者泰西耶穌會士龐公勉我所讓述也

其言一調謙讓以克驕傲二調仁愛人以克

五言絕句

三調捨財以克慳吝四調含忍以克忿怒

汨以克飲食迷六調絕欲以克色迷七調勤于

天主之事以免懈惰于善此仙佛之書所不載而

其大旨顯壹欽崇 天主即神聖功力亦屬血氣

心知着落迹象未能脫化虛無 天主二言貫隱

顯妙有無而立號者也西師玄渺之意若云天可

見形體之謂主不可見精神之謂人之放僻邪侈

靡所不爲者不知有 天主故爾人之戒慎恐懼

罔敢戲渝者常知有 天主故耳分爲七惡定爲

七克直滌除罪過之方而積累懿善之法也語庸

論性命詩書載欽勅易以加焉世人盡知有天主

不盡知天主之所以爲天也天主而無主無亦唯是兀

然不動變然不遷者耳而孰知兀然孳然者之倏

忽變化于無窮也善而福之淫而禍之其常福不

必于善禍不必于淫其變善淫報以顛倒而禍福

出于叵測其常中之變變中之常莫可端倪莫可

涯浹神矣哉化矣哉其天主之所以爲天哉爲有主

在焉 天主之教止存其心毋參偽意物

五言絕句

古今一原必吾心先自有主而後可以欽崇

天主於乎西師龐公命之矣

觀禪經有感

鳥兔幾升沉方圓時代謝能不涅槃心千古長不夜

其二

參禪何所着祇明自己心海王無滴水乞子有贏金

其三

渡水不須舟登山何用馬認取無盡藏頃刻遍天下

其四

下士身跡淪上人名行顯腔子常自如凡聖亦雙遺

望山寺

孤峰歷衆嶼截嶺與天齊試問結廬者高危何獨棲

江舟漫吟

江風

巨艦侵晨發須臾過釣臺全憑風伯力不必費移推

江月

誰家一圓鏡挂此溪流中未許扁舟載還將映碧空

江雲

五言絕句

白雲何處有江上賺偏多憐汝長年老瀾漫

江雨

搖櫓蘭桡去細雨打輕帆默坐耽詩句翻疑舟子言

江雪

寒江觀把釣水冷魚吞六出飛瓊宇征人欲遠騫

江潮

駕海排山勢天吳不可回奈何胡騎至三日不會來

七言絕句

龍游舟中遇雪四咏

蘭江正月春色少梅嶺曉風寒意多六出着人肌欲粟不禁短棹聽長歌

飛絮撲頭殊可憐那堪舟次值新年誰家簫鼓喧江畔不覺寒威逼舞筵

遙望空中亂撒鹽千山隱隱半埋尖長途借映瑤天月客子還愁畫舫淹

爭說春光如海縣何令凝霰散瓊花謾將聲

七言絕句

意莫使歡娛綺玳遮

寄周玉涯壽詩

棲遲非敢傲君王奕世勲名付阿郎射策明光應第一

一錦衣馳到綠雲莊

瑤島逍遙有大年嘉賓集處勝群仙嗟予五斗羈東

越莫借雙鳬醉錦筵

文部目錄

序類

章楓山先生語錄序

唐小漁先生遺稿序

四書與義序

程相如蘭江臨帖序

兵法捷要序

三補圖序

潘懋卿詩稿序

序目

飛絮集序

禹川余父母贈詩序

章楓山先生語錄序

先生當代之真儒也元髫歲學文讀先生禮園元卷有味乎其溫粹之度醇實之風慨然與高山景行之懷不啻旦莫遇之自辛亥令浦江從裔孫有成得先生全集昕夕展玩著蔡奉之規矩摹之謂天下文章在是矣癸丑觀還調繁蘭谿拜先生祠瞻其遺像端巖方正凜有生氣出處大節具載年譜初以元宵燈火一號直聲震海內淪落多年後起祭酒加宗伯爵秩廟謚古今所希而計先生實履仕宦之日十一家居之日十九經濟之畧隨在展布卽未盡宏厥施而到處足垂不朽至其心性之學淵源洙泗之微苞孕洛閩之秘原非有意立言而及門之所暗記筆之昔而傳之今深足以發明千古而興起百代譬寒之於衣錦繡布帛均以適體饑之於食珍錯菽粟均以餒口而家戶之所驅使者顧在此不在彼先生不爲雄奇恢詭虛渺曠蕩之說而壹範於人倫日用之常賢智者不得跳而躍愚不肖者不得委而賸斯亦布帛菽粟之類也

國朝理學名家如沔池之曹月川

河津之薛敬軒崇仁之吳康齋臨海之陳克菴鎮海之陳布衣餘干之胡敬齋新會之陳白沙永豐之羅一峯晉江之蔡虛齋和順之王虎谷梁溪之邵二泉餘姚之王陽明泰州之王心齋吉水之羅念楚毘陵之唐荆川薛方山南城之羅近溪安福之王南塘章先後代作肩荷道統而先生函精蘊于心胸吐緒餘于口吻簡編所載神理存焉玄言與旨數公相伯仲此亦天地間氣先生稟之俾後學知所法程其有功名教匪淺鮮也夫先生者詎斤斤係蘭谿一方之文部

重經乎哉

唐小漁先生遺稿序

夫登泰岱之高而後知培塿之爲卑也涉滌渤之廣而後知溝澮之爲狹也何者干霄之峰亘地之濶大觀在焉此以識小漁先生之文矣先生尊人爲縣宰漁石公初起縣令旋取臺中時先生甫入小學日者欲媚家宰云攄經評此子當以蔭貴先生感額曰此豈有志者所甘心哉後襲胄子人謂足了品局而先生日夜摩厲以須聲名藉藉南北間更工古文詞家宰拮据吏事應酬之筆多出其手嘉靖己酉庚戌聯捷及第一人穆廟在邸與選東朝日講多所啓沃其得魚水之懽每當同官更直輒曰不如唐先生先生因頃衷不爲意而聞者嚙之及穆廟繼承大寶加秩奉常厚賜金幣擬將大用而聞湖龍逝焉號莫攀江陵當國意氣自殊先生遂絕意廟堂而堅卧烟霞矣優游赤松白雲諸洞以怡養其天和而絕不與聞人世短長論者至今高之今讀其文疏澹而有原委似司馬子長縝密而多斷制似班孟堅第皆流溢於蓄極之養而絕無掇拾之態從容于自然之度而

盡忘艱苦之形直追古先作者之林而非近世學士
可望其藩籬也先生始學爲文卽兩遊理齋諸公昆
湖瞿公之門得其正傳以故發爲文章獨擅一時所
謂窮山而躡其脉探水而測其源與夫矜十仞而修
一勺固相萬也先生著作甚夥多散逸不傳余令蘭
谿從其孫宗本曾孫明照索遺稿觀之乃始裒集其
不亡者以付梓人自是雲山漱水之旁恒有晶光爛
爍上燭斗極而下輝井里其必斯文也夫

文部

四書與義序

大江以西理學淵藪真儒輩出其最著者如吳聘君
康齋胡布衣敬齋羅殿元一峯念菴王太常塘南等
身任斯道發千聖不傳之秘而開萬古未絕之蒙至
今學者宗之靜如北極之定一動如南車之引述弗
可易也廬陵黎侯景行其鄉之先哲而趣志講學其
於洙泗騁鄉濂洛考亭之精微幼而嗜焉長而安焉
著有四書與義余受而卒業之不覺灑然易容作而
言曰縱觀學士舛盤不經弊有二端俗學支離落之

文部

五

執着而非也禪學荒唐歸之烏有而尤非也彼且於
聖賢宗旨不入其門孰登其堂不登其堂孰詣其奧
夫與有尊之義於象爲君有幽之義於位爲神讀書
沿糟粕而遺精髓涉波流而懸彼岸此夫奴隸與伍
而未覲至尊竈陋是媚而莫對神明者也黎侯於六
經百子無所不窺而純質遂養悉吐露茲編卽使聘
君布衣輩復作亦必引爲閭域而不隔藩籬命曰與
義不虛也夫以黎侯才取高第如拾芥而數困南宮
俛就金谿學博今令浦江驚棲枳棘意常千仞識者

不得以五斗輕睨之雖然黎侯未束髮時馳名江右
使蚤脫穎去功業在一時而義理不在萬世以此衡
量天之厚黎侯者不淺矣

文部

六
序

程相如蘭江臨帖序

程相如者當今偉丈夫也其智畧顓韓白其豪俠顓
原管其書法顓鍾王其詩賦顓孟李而一以純赤之
衷坦白之意與世推移而毫無乖忤可以金屋瓊樓
亦可以茅菴草舍可以珍羞玉饌亦可以淡飯簞盞
可以王公貴人雍容揖遜亦可以夷狄寇攘芟雉助
勦用世則爲通才居身則爲達識余嘗縱觀文紳武
弁無所短長而擔高爵擁厚餼者比比是也相如輕
七尺之軀効三寸之舌講修海外迄今邊鄙不聳民

文部

七
序

受其聘而議者不豐其鴻樹而管其細端不受封侯
拜將之賞而萍踪浪迹到處爲家相如且安之也易
之避世詩之北門無悶于心而祇歸于命笑以過焉
彼其負不羈之蘊懷非常之原今雖伏草莽遊江湖
睢于自得倘南北有故微而試之不可謂涓瀆閒叟
不能興牧野之陣而南陽世將不足征交趾之蠻也
茲馬無所事事隨其所止得騷人墨士之篇付之廁
海內之交相如者幾百千人而遺珠委玉或不盡
而集之茲不過什之一二耳是刻寓蘭谿而成余

不佞令茲土一目而嘉其能揚美也不忘善也遂述
其生平之梗概大有過人處而不顯為雕繪之章妄
附玄晏之名云

文部

兵法提要序

池既鑿澹泊漸澆嗜欲滋繁角爭斯起涿鹿之陣
寧自軒轅于苗之帥興於大禹文王墮崇侯之壘孔
子却菜夷之兵歷自春秋延及戰國孫吳攻守之策
蘇張縱橫之謀雄長一時標表百禩楚漢之際五載
交鋒晉唐之間百年易器宋徂偏安而弗振元
土而及常幾經血戰之功每高革輿之烈 高皇闢
統 列聖紹基創守兼隆後先濟美羨茲麟閣之彥
多抱負韜之猷程將軍相如嗣起其間曾函千頃身

文部

九

序

武百銀鎮撫屬夷衛襄諸夏秘通黃石智通淮陰神
力公弄倖武穆當隆平而虞亂畧處庭闕而計邊
險備目兵符留心武事抽精萬卷輯要一書天地人
之玄機戰守和之妙用燦於指掌昭於列眉可以佐
家侯請纆之機可以鼓庸末執爰之氣譬之千章之
其良材萬群之馬選其逆足斯乃工師所以成
至因人所以致遠道也若夫注意法先而法法者
已遊神要外而要要者自得又存乎王侯將相之
其翕張正變之方云

三補圖序

余讀祝無功先生三補圖說而深爲程相如將軍所
也三補者何將軍氣負豪往而不勝杯勺書破萬卷
一補博一第雅慕司馬取以自方而琴心之好莫備
于陳生平每有三不足之憾解之者曰三千珠履樽
壘不空斗印懸肘揚威絕域翠圍玉繞文姬長閨何
缺曰之與有此其說驕矣而猶知有補之補未知有
不補之補也夫千古直且莫耳竹林豪放空有其名
黃子高第醒來烏有吳宮錦琴絕響多年人世浮華
文部

本補鹿是溪達公高士不牽情於往不逆意于來
祇取見前境界是在受用漆園之所謂逍遙乾竺之
所謂無礙也將軍樹功在昔適性今茲天下爲家與
物無競散盡黃金而貧且不顧銷亡白晝而老亦不
知意將軍十洲三島中人聊以寓形塵寰而三補之
圖進之有不補者存祝無功先生以爲奇之奇而余
尤以爲寄之寄云

潘懋卿詩稿序

詩自三百篇而後唯漢魏爲近古而六朝麗以則三
唐富以博宋元之間清而近於弱華而近於靡矣上
下千載三百篇無論論其最盛獨推唐代當時以詩
進士士之急功名也如馳故其工聲律也如鶩爭奇
出異以博青紫之榮而不免追嗜逐好以落窠巢之
陋詩三百篇中如采芣采芣之婦執衽而歌殷豫皇
華四牡之臣攬轡而咏賢勞妙在有意無意之間故
足述也唐人之詩雖超乘後先而未能步商周雅頌

文部

之林不無功令之局趨耳

明典制科額尚經義而名世遺稿半載詩章如近代
七才子薦紳與山人頗頗標榜摹漢魏之古而肖李
唐之盛六朝宋元方斯茂矣蓋繇闡發性靈摠寫情
景不牽榮辱不顧排譽極其意境之所就而止宜駕
軼往代而胤繼三百也潘君懋卿故饒于才而不習
舉子業雅好爲詩遊秣陵武林之間結社蒲團與賢
豪長者琢金玉之韻吐風露之情一時推轂莫與齊
顏今其篇什具在揚之青霄而不見其高抑之紅塵

而不見其卑驟若迅雷而不見其疾舒若廣原而不見其徐洋洋乎灑灑乎三百首之風味可嚼而苞孕漢魏六朝之精收拾唐人宋元之彩直其餘耳若乃中夾之度介潔之操質直之衷忠信之守尤近世之所希有而當于古人中求之夫豈斤斤以能詩自表見已也潘君名最懋卿其字微之歛產今家蘇門

文部

十三

序

飛絮集序

飛絮集者章子無逸所爲詩也無逸繩其祖文懿公之烈饒有文譽金馬王堂自其故物而今猶虛席有待何暇言詩夫詩與文非兩局要皆以摭寫其心精而止古之工於詩者未有訕于文而其長於文者又未有短於詩者也如楚傳之吟澤畔漢將之咏河梁魏氏父子之雄詞壇晉代名人之剽視苑類有兼才要非偏至唐以詩賦進士宋以經義制科而少陵青蓮齊名異遇廬陵眉山並轡殊遭學士家抵在信心修術業於有意無意之間而付功名于可知不可知之界夫是以其爲文與詩合其爲詩與文合而其爲文若詩又與天合彼吾夫子所刪正三百篇或出廟堂賡咏之章或起閭巷行歌之口莫不有天焉存乎其間是天下之至文也無逸胸富而力賒神曠而意遠深于性命之奧而溢於文章之途揆揚芬藻傳布海寓今日已施圖繪而他年必奪錦袍固不待數計而龜卜也余于此道畧窺一二有乎其言也遂發公一之肯于簡端以見高山流水之知云

文部

十三

序

禹川余父母贈詩序

禹川余父母浙之開化人性行淳和操持清慎以身
報國以子字氓來佐毘陵邑政伍年於茲矣上自薦
紳下逮編伍無不佩其德意欽其教令歡然效子弟
之忱而輸腹心之戴嘗觀古冊以丞起家如張柬之
之於清源宋安恭之於龍門王義方之於吉安唐臨
之於萬泉皆以長材異能夔隻一時彪著百禩今取
以相方難分軒輊也兼以折節賢豪雅嗜文墨彬彬
郁郁矯焉出塵凡所知交咸多讚味余覽而卒業如
文部

十四

哉

文部目錄

碑記

金蘭書院碑

劉侯生祠碑

劉侯建塔碑

蘭谿縣修城碑

浦江縣恢北城記

浦江縣橫溪社倉官跡棠憇碑記

浦江縣修儒學記

碑記

蘭谿縣重修浮橋記

文部目錄

誌銘類

張別駕墓誌銘

言金

金蘭書院碑

夫長世字氓者非第循其名而惟責其實之爲貴懷
恩戴德者非第激于暫而惟要于久之爲難是以太
公之治齊周公之治魯子產之治鄭孔明之治蜀四
聖賢之于民其始皆有所矯拂其好惡之欲而顛倒
其行止之趨卒之政成俗美吏習民安而尚功以表
東海忠厚以祚魯國刑書以志遺愛嚴法以救積弛
雖易世而下猶慨慕謳歌而不置者誠有以深入其
心也所以東沂江而上至于金華號稱雄郡高山峻

文部

碑

嶺廣原大川赤松王喬仙踪可躡東萊香溪賢蹟攸
彰非命世才莫能守矣楚靳周使君蒞政四基懿節
種種隸首難悉其尤大者作泮宮以興俊髦山枉獄
以活同產勦積寇以安閭左平穀值以救流殍新府
治以壯大觀循阡陌以盡幽隱而身無鮮衣口無珍
味厨無羸廩囊無羨金入計治裝不持半緡考成錫
封不通片札雖汲長孺之于淮陽黃次翁之于潁川
其清介廉平當不過是使君治婺兩暮朝廷以杭
州首郡借重臣彈壓之遂有調繁之命而萬衆攀轅

罷市塞關遮呼留寇當事者重違民望題請回天已而王會闕下天曹廉知治行第一議以邊道剛使君而使君謂婺民不忍舍我我何忍舍婺民夢寐中未嘗不在三洞雙溪間力請復任益綢繆未竟之績而光大不朽之墓今且儼然視兩浙學政一時麟角鳳毛盡入穀中而婺民之思俎豆使君者十家而九矣蘭當婺北道使君乘傳出入必經是間嘗語余曰此巖邑也公館止一更無他所而湫隘特甚僅容旋馬賔無停驂稅駕之區主無肆建設席之地士無講學會課之舍民無讀律宣諭之場盍勸建一方以爲異日儲胥余唯唯有待會使君之去也而縉紳編伍交臂受事卜築城西南隅而鼎新祠宇焉余係屬下吏受知使君最深謝以使君轉本省督學嫌弗敢從而奮挿如雲球度如雷伐木於岡鑿石于阜二旬而材聚四旬而工完巍巍之狀上千霄漢堅牢之形下亘磐砥力邁萬指而勞者不怨費浮千貫而輸者不知是役也鄉民報功德之思者一而縣官備緩急之用者四使夫有事於此而景行焉夫亦愈知愛矣唯使

文部

二

碑

遷葬民隱不以名而以實故百姓尸祝使君不于暫而於久傳曰太上因之有因之因有革之因茲特順流與民更始革而實因亦何避嫌之與有余少授毛詩裳華之章曰維其有之是以似之使君有焉甘棠之章曰勿剪勿伐召伯所爰蘭民有焉使君姓周諱延光字孚卿號斗垣楚之蘄水人勒碑以永其傳系之辭曰

文部

三

碑

遐覽受氏姬祚最昌篤生君子厥祥惟長赫赫若臨婺女之疆澤潤雨露操凜冰霜視民不佻造士孔良郊有麒麟沼有鳳凰玉壺我我澌紋洋洋襟帶常在肺肝不忘後有嗣徽千載同堂

劉侯生祠碑

劉侯諱宇烈字冲駿號滄嶼西川綿竹人以丁未進士令蘭谿視事五載而與選留部候命兩朞而簡入天曹治蘭之日士民盡德之而去後見思彌甚遂卜地澱水驛之左偏而建生祠焉所以志侯之明德而俎豆不忘也余初受事浦江適當侯考績之期一見如舊相識有舉必以告余因得免於戾以至今日癸丑入計還浦當事者移咨銓部竟代侯而治蘭蘭故四衝之區過府之所輻集也樵民之所翬處也郵傳

文部

四

疲於征繕而脂膏困於輸將歲課虧於飛洒而案牘紊於舞竊自侯蒞政而門以內清如止水門以外肅若平衡諸如限皇華之夫額定里甲之糧科汰窟穴之積書鋤逋逃之巨寇新久頽之費序建特起之寶剗鐫鄉約之全書編保甲之成法悉侯真精神所寄而刊勒以垂不朽余癸亥冬調任不必更弦易轍而唯奉以周旋罔敢失墜蓋勗前人未有之績而垂後來不易之規侯之造福於蘭真博鉅而罕與儼者矣余縱觀古冊如單父之子賤東阿之子奇小黃之焦延

茂陵之蕭育中牟之魯恭姑蔑之孔奮彼其循卓之風炳耀千古試以班侯今日殆不可軒輕觀也今侯當軸處中懸山裴知人之鑑以廣連茹而甄善類恩澤且遍宇內夫豈斤斤一蘭臯足爲也乃侯始發身而仕於蘭肇畫最精而肇造最大蘭人之子孫百世利賴之是祠也匪其私昵有身者出傭有家者捐貲背阻雲山面臨澱水弘厥爽谿屹然鼎新父老扶杖而樂觀厥成余因是以知侯德之入人者深而蘭民之感侯者至也爰系之辭曰

文部

五

有周劉公曾學秦龍厥孫發跡尹茲浙東除奸剔蠹通商恤農桑麻蔽野桃李盈宮
帝曰良牧入長庶服黜陟惟公紀綱之僕召棠勿剪
硯碑可掬依山之陽臨水之澳棟宇聿成令終有淑於斯萬年永敬工祝

劉侯建塔碑

初西川劉侯以甲第令蘭谿凡五年政成民和百廢具興大雲之釐舊有寶塔頽廢數稷莫能復新父老躡跡忝宮發噓行旅稽往荆駝典嘆且也位列與離文明是象星纏婺女風氣攸關是以曲江雁宇恍惚蓬瀛乾竺崔圖依稀天屆真珠網覆其上菩提樹種其下射光舍利日月輝映晶瑩刻形狀頭陰陽氣消災禳斯其博鉅之德量直與天地分功遂令衆庶之願欲顙仰父母肇造者也劉侯曾包九德有措百行

文部

六

憂國以家勤民以子詳厥懿政莫可殫言長兄卓筆旣冠先儔季弟英敏亦魁當世蜀之三君於斯爲盛方侯在事篤愛黔首召好去惡順流更始相彼浮屠雖非治紀度茲興建實協衆謀若夫白蓮紫竹多微佛力於諸天火宅愛河少拔塵心于凡世豈如五時八會適逢黃道之祥天上人中齊邁青鳥之瑞于是焉鳩工聚材程力計日踵西域聚相之號成東土支提之觀塔旣落成侯乃秩滿閭邑士民莫不擊節而忭舞扶杖而謳歌余以芟芟繼侯作令卽才非合轍

而誼托同舟爲之葺其所未備而繪其所不華厥績告竣父老踞而請曰可以碑矣竊惟華山之亭紀於張旭九疑之峯銘于蔡邕余實不文敢方二子而作而不述前燉將湮遂志其姓氏年月以垂不朽劉侯諱宇烈字仲駿號滄嶼蜀之綿竹人丁未進士初令蘭谿今擢天曹是役也侯創成於萬曆壬子之秋余再飭于萬曆乙卯之春系之辭曰

蘭陰之麓有卷阿曲仰梯層霄俯瞰飛瀑爰有浮圖修靈所扶禹遷霜露盡壞煙途劉侯蒞止百廢

文部

七

具起題雁上林離崔天恩余續厥勲感風雲明德不朽視此勒文

蘭谿縣修城碑

易稱設險詩味實塘城隍之設所以戒不虞備無患
所從來矣蘭谿邑也隸屬金華古志禹貢楊州荒服
之地秦郡縣天下統轄會稽漢隋之間皆未制縣縣
始於唐咸亨五年宋仍之元升爲州 皇明戊戌歸
附復以爲縣而寶婺北道要會蘭實扼焉城西一面
臨江其三面皆阻山舊有四門東曰安政南曰明德
西曰清波北曰拱宸春夏之交每多洪水西南一帶
傾陲大半加以頻仍不秋鄰盜滋起寧海錢江盈盈

文部

八

一水風多洋寇陰放輕艘出沒嚴灘以行劫而蘭數
被其害幾有乘塘而入斬關而出兵壯環視莫敢誰
何者予以疎虞之實而久無嚴密之防宜其及也癸
丑孟冬余方調任適查盤同年張司理至與之乘城
迴環寓目曾無完陴慨然興修築之懷而受事伊始
百務填委日不暇給逾朞而料民于里計值于傭規
時于暇取費于官屬三五耆老董率分功勉其子來
者而扶其逃公者經始于稼登之餘而奏竣于冰泮
之頃盤基堅牢垣堵稜峭雉堞峻聳樓櫓鬼戢言言

焉屹屹焉可以懾寇攘而樓季不妄跳梁可以安黔
黎而陶朱不虞侵掠今而後蘭民其有瘳乎嘗聞善
爲政者樹德不善爲政者樹怨余非能昭德而遠怨
也傳舍其官而委之後人苟安旦夕而蔓不可圖民
未必見德而釀怨乃滋大昔華元巡功于罕行築未
嘗不招謳者之口而春秋譴之余亦知竭股肱之力
一日在事求免尸素毋速官謗而已奚計德怨之與
有後有嗣而令茲土者歲加修葺而無俾城壤是容
民蓄衆之長利也夫系之銘曰

文部

九

城以盛民百雉次鱗奸宄是懾家戶可親臨江阻
壑馮依百神兵革久寢金湯遂湮憂先補牢慮厯
積薪一勞未逸役我兆人算以千緡期以五旬上
予其原下輕其身大雲之麓澗水之濱堅壁以峙
突爾嶙峋永作帶礪百世如新繩繩修葺視此貞
珉

浦江縣恢北城碑記

國朝初制立法海以內悉割爲郡縣所在星列碁置
戒忿維嚴而城垣隅峙雉堞森羅庶幾大易設險
之守雅詩實墉之修蓋其慎也浙爲天下首藩而
婺城係咽喉之府屬邑凡八浦陽居一焉地雖叢
爾然亦東方一扼塞也舊有城築于嘉靖季年維
時倭寇跳梁芟夷我室廬荼毒我生靈當事者亟
請于

朝倉卒尼治斬不日而秦成功其于揆陽測陰絜長
文部

度短一一欲協星緯家紫微黃道之杓首經家青
烏玉尺之瑞猶繫乎其未有得也今譬之車以縣
治爲輻四隅爲輔東西則左右翼南北則前後輪
必有適均無軒輊然後可以收任載之功而免覆
壓敗績之患乃東西南三隅廣相若而獨迫窄于
北直指縣治不能以百武取南境而平衡之倍猶
未也屋巖突煙間殃回祿介雞醺隙時質虞成勢
極變通順流更始姬周有程邑之築姜齊有薄姑
之恢夫亦容民畜衆之弘摹而因時便俗之長策

也浦卽不與周齊同方而失今不圖長此安窮且
微第坎方之民利有此舉而通邑皇皇發憤而爭
先人者俱延頸于春掉而跂踵于雲霓蓋一方之
齡全實關萬姓之命脉而占候于旺相馮實千金
湯者胥賴焉匪細細也歲在辛亥之夏署印司理
洪俯從民願爲申道府轉詳院司允行恢拓及秋
而某受浦事始經營拮据程土物略基址計時日
度工用約有定畫而苦無專督適典史茅希孟亦
初官茲土旋委董治厥績具文報可於是揭麗師

文部

先校夕不懈凡掘地若干尋費資若干繕役夫若
千名鑿石若干方運土若干舉爲日若干期具載
別籍臚列不滄土著之衆家輸錢戶戮方驅以甚
費之孔而民若不知予以大勞之途而衆亦不怨
邑有君子三陽張大叅公聚國族于斯竣事之詰
朝來命曰曷記諸某揣惟秦刻之宋漢勒燕然皆
以矜耀一時誇示四裔浦非巖邑何以記爲第作
事實慎其端成功必貽諸遠雖文辭蕪陋愧遜受
金而歲序更移難湮鐫石俾百世之下知城所由

建則保障扞圍夷寇不得肆馮陵之禍于前又知
城所由恢則鳩聚繕完豪強不得逞僭踰之思于
後或未必無小補云是爲記

文部

三

浦江縣橫溪鎮社倉碑記

余不佞以萬曆辛亥季夏

命令浦江至癸丑孟冬而調繁蘭谿兩期之間宵旰
民事不啻身之濱危而家之卽殆也紀綱紊亂思整
飾之錢穀侵蠹思清理之學校圯壞思煥新之間閭
情跡思振督之更張以漸績効未收需以時序浦將
可觀余不佞豈其小浦妄萌越俎而當事者謂是區
區最爾無煩過計經畧既定便可世守不令考成移
諸衡境精神半耗于遺賓而歲月全虛于作吏還視

文部

四

記

幾日百相懸也憶惟浦邑距婺郡百有十里踰嶺涉
澗高高下下逸于治而勞于行途鮮卽次每憇民家
多所未便浦有東西南北四社倉舊藏廩穀以備不
虞而橫溪其西偏之一他鄉三所皆已傾圯僅存基
址而此獨外門內堂翼翼嚴饗且周以公垣環以民
居輿轍至此良可息肩余不佞因顏其額曰宦踪棠
憩使嗣而令浦者躡踪而尋所止亦一便也夫循行
阡陌詢民疾苦誠令長事浦之地山多而田少浦之
民貧多而富少宰茲邑者遠不可知近如韓如須如

李輩其行矯矯其政循循至今民猶謳歌不置母亦以其抱鵞鳳之祥而絕鷹鷂之意也橫溪金孝子柳保正等請立石以垂不朽意良遠矣彼封南國之棠者思召伯之政泣岷山之碑者追羊叔之德豈獨其民之不能忘以至是實上之人有以深入其心而令嘯結于沒齒焉爾若乃武城之絃誦河陽之名花至今三尺童子尚能口其姓氏豈顯賴此一片之石而後聲施百禩哉余姑順其肯從其請作記以授之鐫勒庶乎遊斯堂視斯石者務勸勉民隱而除其肯或

文部

首置碑垂後之舉未必非裨益政治之一機云

記

浦江縣修學記

學校之設何爲也哉彰志貞教敦倫厚俗於是乎在世之下也置凌詭諂之習成而譙和退讓之風邈澆薄競爭之私熾而雍容親遜之意乖此非民之不可興教化而實上之不先端軌則也古聖王之爲天下欲群天下之父兄子弟盡納之于慈愛孝敬之中而又不遑家至而戶喻之於是爲之法制設辟離之官選譽髦之士肄習以周旋磬折之度和導以金石絲竹之音使之肅然絕于禮而不敢軼越油然而化于樂

文部

六

而不忍亢戾當時庭闈多豫順之休而郊圻成遜避之美不虛耳浙東婺州屬邑凡八浦陽其一也余庚戌成進士越辛亥季夏來令是邑初謁文廟見其傾圯特甚卽欲撤而新之而檢點百務更有急于此者田土花詭中家累賠庫藏侵盜猾胥飽腹行陸疎脫重囚希越訟獄煩噴刁頑思還保甲發馳盜賊多有土地荒蕪農桑未勤市肆狡詐貿易不平事事經紀心心軫念泊壬子之冬畧有成勞纂修入觀當事者廉實治狀俾仍復職而浦不必有所事事矣乃與學

博朱君等謀哀集士夫之有德望者若而人耆老之有行義者若而人齊詣學所經始營之漸成不日法大劫鼎革之象違詩雅暈矢之章聖廟賢師齋士舍靡不易舊更新增無復有春秋祠嘗之典不缺于陳朔望講習之規不愆于素目茲以往父以訓子兄以勉弟塗巷弦歌郊鄙羔酒三五雍熙之盛可幾而晚近暴侈之非可絕未必非修飭學校之功爲之根底也余於癸丑孟冬調繁蘭舉倡其緒未卒其業而嗣令黎侯實董成焉侯積學多文有匹書與義行于

文部

七

記

世文章吏治卓爾不群以至而加意洋官此其識不小余所望下風也若夫土木之功歲月之次載在學籍則有司存焉是爲記

葉侯特躬浮橋重修葺記

萬曆癸丑孟冬晉陵莊子某以浦江令調繁蘭緒受事三月凡邑中地理之遐邇戶口之息耗城郭之完圯廟院之新故田畝之荒治貨物之有無靡不悉心詢究務覈實而止以求不媿知縣之名至稔浮橋一節則前任葉侯之真精神在焉蘭固巖邑大雲峙其東橫山亘其西而金龍二港洪流汨汨變注交會城下號稱激水中有有一洲恍若蓬瀛西鄉之民有事于城胥此焉渡徑可千武蘭境西偏最爲殷勤未建橋

吏部

八

記

前職舟候渡毋旦至夕渡值不下五百緡春夏水漲多至沒溺葉侯慨焉遂躬浮橋其制中洲之上巍植肩輿貫以鐵繩一引于城門之隅一引于河西之許爲舫八十有奇覆以平板張以旁欄行旅往來如履平地日省濟涉之資歲無溺命之慘此真百世之長利而萬姓之隱福也爲贊不貲皆侯自捐俸贖及鄉紳願助編伍樂輸竝不苛罰民間一錢橋功既完而尚有餘金侯以行取爲直指視臧政三吳兩浙之間復捐鹽課七百并前餘金置田租八百石店稅五十

金歲收修理俾無圯壞監守于公正而骨轄于縣尉
美意良法足垂不朽自侯之去也稽較之令弛而侵
蠹之弊起綜輯之法懈而傾跼之形見昔者韓昌黎
公曰莫為之前雖美弗彰莫為之後雖盛弗傳其揣
行能謫薄罔堪觀鉅而一點真心唯力是視苟利于
民愛盾以之失今不圖長此安底是使國中有望洋
之嘆而民間無利涉之期也遂屬父老約期日清租
稅造舟梁往者難諫近猶可追令三年內公正某某
等同心戮力修壞補亡數載頽廢一旦繕完遠而過

文部

九

實近而土著敲擊肩摩熙熙攘攘口不煩招舟子身
不憂壅魚腹利莫溥焉樂莫大焉葉侯觀風毘陵某
時以諸生試最于侯為門下士是役也匪其私驅繼
前之成勞而光昭其令德韓公所稱彰美而傳盛者
庶幾近之若追論在昔經始之謀叙述今茲攻治之
蹟悉侯之惠也二三耆老之勤也余不德其何力之
有焉是為記

張別駕墓誌銘

萬曆乙卯夏五別駕張公之子一琳持其自撰父行
實一帖懇請于余乞言以壽諸墓余自辛亥令浦江
癸丑調蘭谿五載之間與其伯父三陽大叅公為道
義交久而彌信會大叅公奉楚齋捧暫旋錦里便道
宿蘭江兼以命余義不可辭因叙之曰公諱應棟
字汝隆號吉字上世嵯縣人梁武帝時有侍中忠貞
公名暉者閩門死侯景之難武帝義之因以名縣
後裔徙東陽迄今多族屬宋淳佑間浙東提鎮

文部

卷

公祚官于浦遂家焉歷元及國朝代以明經顯公
祖孟暄雅好儒術闢三塘書院延明師羣子姓元中
元諭元敬講習其中悉相繼取科第而張之門閥愈
大公父元正生三子孟應桂蚤年不祿仲應槐即大
叅公君其季也母為廣東開建令趙公瑾女父若母
各以仲貴已贈司馬郎及安人方公生時愛日光照
懷遂小字夢陽幼而隸異長而狗齊與仲同遊序不
利省試適開例貢與仲偕入南國子洪陽相公時為
司成兩奇之謂浦有二難文名籍甚無何仲脫穎高

第而公數奇不售勉授光祿署正三載奏最 晉錫
恩綸列階儒林郎未幾轉判閩之邵武浹兩朞而卒
子官其爲光祿也授大官缺大官爲四署首錢糧浩
繁紹豎把持奸商窟穴不得自如公清流塞源歲省
縣官祿米萬餘石薪料數千金躬請堂卿刊爲定則
以垂長久至今賴之其判邵武也職專糧務加意息
民革守候科派之擾絕苞苴歲餽之例民有訟開誠
婉諭不加箠楚殺則與諸生講經課藝不辭勞勩諸
憲政不具論論其兩地之最著者自稱平生積學小
文部

就至此亦見一班擬致政歸畢其置祠敦族種種義
舉而竟齋志以沒令帛古者發一大喟大鄒公植性
孝友抱情忠質幹國仁勤治家敏儉中古以還不多
見也公生於嘉靖壬子年七月廿八日卒於萬曆庚
戌年九月廿二日春秋五十九元配東陽王氏先亡
贈孺人繼義烏蔣氏封孺人生子一卽一琳女二長
適進士倪葵明公子庠生仁禴次許聘孝廉吳玄圃
公孫之識孫男二長德修聘工部主事樓致虛公女
次德備聘中書金稠原公孫女女孫二幼未許聘方

公之以勤事卽命邵武也一琳扶視還鄉權時
有待舉大事今將與王孺人合葬城西爲公手自封
植之原禮也一琳恂恂端謹能克其家公不亡矣銘
曰

浦城皇皇浦水洋洋有斐君子厥德孔彰官無臚
仕俸無積糧其年匪短其名彌長慶鍾後裔麟瑞
鳳祥銘之壙石永言勿忘

文部目錄

傳類

蘭谿特廟八先生傳有序

范香溪先生

金仁山先生

趙清獻先生

章楓山先生

唐漁石先生

陸鶴山先生

傳目

徐魯源先生

趙澌陽先生

文部目錄

傳類

馮改溪先生傳

唐小漁先生傳

陸宗伯傳

王孝子傳

傳目

蘭谿特廟八先生傳

有引

余令蘭谿每春秋丁祭拜謁 文廟之詰朝嗣而有
事於鄉先賢之有特廟者則有若范香溪金仁山趙
清獻章楓山唐漁石陸鶴山徐魯源趙澱陽數先生
或研究理學或策豎事功或敦尚節義或著述文章
往者讀其書想見其人恍乎若同堂也今親執灌獻
之禮瞻仰遺像百世如生見賢思齊唯恐不及政事
之暇類爲一紀以志明德云

范香溪先生

文部

一傳

先生諱浚字茂明世居香溪里遂以爲號祖父昆季
皆顯官先生獨不近榮利紹興間嘗舉賢良以秦檜
當國不起閉門讀書篤志求道先生嘗謂末學本無
傳承但師心謀道見古人自得之意不爲世俗趨慕
耳每危坐一室敗帷故器人所不堪而先生神宇泰
然終日與之對無一語及世間事其言經術如親得
聖人而授受其旨其論古成敗事如目擊而身領之
學問根本六經貫穿精窈諸文皆斬絕矯健鑒實明
整卓然名家有香溪文集二十四卷行於世朱子獨

表章其心箴云

贊曰牛毛繭絲理學精微滄海泰山間望洋魏好相
當國甘與世違心箴垂訓後學有歸盈盈春澤皜皜
秋輝入戶裸將翹首瞻依

文部

一傳

金仁山先生

先生諱履祥字吉父少有大志於書無所不窺究而欲施之實用十九知向濂洛之學遂棄舉子業師魯齋王文憲公問爲學之要文憲公舉胡文定公立志居敬之說問讀書之目曰自四書始又從文憲登北山何文定公之門何示以省察克治王示以涵養克拓語雖甚約先生服之終身常若有未盡焉當時議者謂何之清介純實似尹和靖王之高明剛正似謝上蔡先生親得之二氏而兼體其撰者也蓋何王之

文部

三傳

學實本于黃勉齋先生幹而得朱子之傳其授受源流粹然一出於正焉先生在宋季嘗以布衣游公卿間進牽制倚虛之策時不能用及國勢已危始思其言以史館編校召之已不及於用矣旁郡嚴陵有釣臺書院郡守以幣聘之勉爲一出舉子陵懷仁輔義之說摠發其精蘊學者始知從事於理學晚歲卜築仁山之下講道讀書以淑後進諄諄不倦言論風旨皆可誦法學者不敢字之稱仁山先生所著有尚書表註大學指義疏義論孟考證通鑑前編行于世

贊曰先生理學炳如日星邇其淵源宗自考亭諸先生望猶翼六經微言與義開鍵啓局春秋灌獻親履戶庭北斗可仰永作式程

趙清獻先生傳贊

先生諱抃字閱道衛人也裔孫徙蘭多顯者遂崇祀於蘭先生少孤且貧刻意力學中景祐元年進士授武安軍節度推官人有赦前造偽印更赦而用之法吏抵以死先生曰赦前不用赦後不造不宜死獻而出之三令崇安海陵江原中遭母徐夫人喪廬墓三年不宿於家孫處爲作孝子傳通判泗洲時濠守給散士卒廩糧不如法幾召變轉運傳檄先生行從容如平時士卒捨首去守得無患翰林學士曾公亮薦

文部

五

傳

先生爲殿中侍御史彈劾不避權貴京師目爲鐵面御史其言務欲朝廷別白君子小人譴小人雖小過當力排而絕之無使滋蔓君子雖謬誤當保全愛惜以成其德論罷大臣劉沆陳執中王拱辰王德用李淑等疏復吳克勤真卿乃約馮京及留歐陽修賈黯等一時舉措得宜先生力也仁宗晚歲不豫太子未定中外恟懼先生請擇宗室賢者教育宮中以示天下大本已而求郡得睦睦有茶稅而無茶地爲奏免之移益州路轉運使蜀地遠民弱州郡多不法公相

觀道先生以身帥之得風爲之一變石在司諫
得郡係信引誘禁中燒煉之非及膺樞密陳升之進不以道之罪章數數上求外補出知處州處素難治先生御之嚴而不苛戒諸縣使人自爲治皆便之官廟外者不幸死多無以爲歸先生取材造百艘并濟其道運費使輿輿而北入爲侍御史知雜事度支副使英宗卽位奉使契丹還未至進天章閣待制河北都轉運使時賈昌期以故相守魏不欲先生閱視和庾使使來告先生曰舍是則列郡不服矣昌期不悅

吏部

六

傳

先是有詔募義勇愆期吏當坐者八百人先生督其事疏請寬之以俟農隙吏獲免坐而募亦隨足昌期乃愧服加龍圖閣學士知成都先生何爲轉運蜀有聚爲妖祀者峻法繩之及是復有此獄意多不免先生察其無他刑首惡而貸協從蜀人大悅神宗卽位召知諫院故事自成都還者將大用不爲諫官必更省府大臣以爲疑帝曰吾賴其言耳及謝謂先生曰聞卿匹馬入蜀以一琴一鶴自隨爲政簡易亦稱是乎未幾擢叅知政事王安石創立新法韓琦上疏排

斥有詔執政令罷之時安石家居求去先生欲令自
改云不若俟其出既安石出持之愈堅先生大悔旋
上封事極言青苗騷動天下正人去國僉壬盈朝非
宗廟社稷之福奏入乞去拜資政殿大學士知杭州
無賴子弟逆知先生長厚駢聚爲非先生廉察犯者
黥配他境改青州山東旱蝗自淄齊來遇風退飛墮
水而盡西川卒亂朝廷擇重臣鎮撫之莫如先生加
大學士復知成都上遣中貴召見慰藉曰前此未有
執政往者能爲朕行乎對曰陛下有言卽去豈問例

文部

傳

哉上大喜至是凡三入蜀政益尚寬有卒長立堂下
呼論之曰吾與汝年相若吾以一身爲天子撫柔此
方汝亦宜謹畏以率衆毋輕犯吾法邠州民李孝忠
私作僧度牒事覺人以爲謀逆先生不畀獄吏以意
決之悉從輕比茂州蕃部鹿鳴玉等掠剽境上懼討
自降願殺婢受盟先生使具之以牲夷人感服居二
歲乞守東南爲歸老計得越州吳越大饑先生盡救
荒之策生者食病者藥死者塋復徙知杭先生屢告
老不許至是年七十二復請遂加太子少保致仕上

見其子帆問勞甚厚使提舉兩浙常平以便侍養帆
奉先生過游諸名山當時以爲榮元豐七年卒年七
十七贈太子少師諡清獻先生忠厚廉潔平生不治
資業不蓄聲伎顯爲惻隱濟衆事嫁兄弟女及他女
三十餘爲政善因其俗寬猛量施要之以惠利爲本
心事坦白衾影無慚觀其畫之所爲夜必焚香以告
於天人品槩可見矣晚學道得養氣安心之術終
與汎訣詞氣不亂安坐而逝眉山蘇長公碑先生謂
其兼有東郭順子之清孟獻子之賢鄭子產之惠晉

文部

八

傳

叔向之言嗚呼可謂知先生矣

贊曰先生之志乾健而剛先生之德坤順而章正氣
克塞彌我廟堂惠政洋溢過彼封疆遠遺劒履柯山
之陽近瞻俎豆激水之旁琴鶴清風百世不忘

章楓山先生

先生諱懋字德懋其先自閩之浦城徙蘭江先生生而穎異讀書過目不忘學問根據六經尤邃於易景泰元年庚午先生年十五補邑庠天順六年壬午先生年二十六舉於鄉成化二年丙戌先生年三十一會試第一是年二月授庶吉士殿元羅公一峰道義風節與先生伯仲先生初授編修值元霄節有詔詞林賦燈火詩先生抗疏非是與同官黃莊二公署名偕上廷杖闕下謫歸臨武時稱翰林三君子先是羅

文部

九傳

公論時宰不當奪情復起亦被責又稱翰林四諫既出國門言者申救改南廷平持法不偏考績陞閩臬僉憲治政如其爲廷平時秩滿三年赴部力請致仕冢宰尹公詰之曰不罷軟不貪酷不老疾如何可退先生矢口對云古人正色立朝某罷軟多矣古人一介不取其貪多矣古人視民如傷某酷多矣年雖未艾鬚髮半白可謂老疾矣尹憮然驚嘆從所請時年僅四十一安貧樂道若將終身海內仰如山斗同志賢哲多過而訪焉殫心竭慮與論道理寒暑晝夜不

少厭倦家食二十餘年時以先生之出處卜治亂執政臺省交薦先生起南祭酒時居父喪辭不就朝廷特置司業虛席以待先生終制昭異數也除服再辭弗允乃就列先生以太學賢士所關身任師帥之責嚴規矩飭廉隅時課業勵行誼留都士習翕然一變先生初不欲出重違聖眷爲國子師三年而絕意告老疏凡五上移疾以歸尋起南太常卿辭旋陞南少宗伯又辭優詔許致其事世廟初服崇禮者臣加大宗伯致仁又辭謚旨有學行老成名實相

文部

十傳

稱之褒遣官存問而先生不及待矣先生德性醇美學問淵微不由師傳多所自得平生襟懷坦蕩不修城府器度宏偉不見涯涘望之龐朴卽之和厚聽其言開心見誠好賢禮士樂人爲善包荒藏疾與物無忤人與之交則親與之言則信或以不情處之亦不逆德也居嘗無甚異同至臨大事決大議則據今援古確乎不易性尤寡慾衣服飲食宮室器用隨寓而安百凡嗜好一不入其心行藏去就以時而動惟義之歸筮仕九轉至八座居官不過十年歷俸僅滿三

考難進易退之節世尤高之嘗論學者須大其心胸
蓋心大則百物皆通必有窮理工夫心纔會大又須
心小必有涵養工夫心纔會小論學術去程朱未久
又大壞必須真聖賢出方能救得論政體必先格君
心收人才固民心爲本然後政事可舉論世道惟唐
虞三代之盛皆是聖人在上致中和下此則一泰一
否祗憑氣運推盪耳論家法如鄭義門兄弟讓死篤
義如此其家安得不悠久乎論風俗須做橫渠復古
之志行監田呂氏鄉約庶可一變而厚論居常處困

文部

十一

每誦伯夷叔齊餓於首陽之下民到於今稱之語便
覺警拔論居敬自謂于專一上見功覺得心中無甚
做僻邪侈之雜論窮理自謂于處事處得力見得進
退辭受之節頗分明不敢放過余事姜公麟贊公喜
怒不形於色恩怨不槩於心矜伐不出諸口驕泰不
措於身碩膚不自見小疵不自掩以闇然自命可謂
稱情矣豐城楊公廉有曰儒雅如黃未軒豪邁如莊
定山公欽華就實獨立其間風節如羅一峯習靜如
陳白沙公既博復約自成一家至於收四海無瑕之

譽膺五福無疆之年此則同時諸老未有或之先者
嗚呼在漢東都不爲危言之叔度在宋鷺湖不立異
論之伯恭先生之謂矣莊公衆稱其無書不讀天下
事無不理會周公時可亦云羅公爰正嘗稱吾弟德
懋雪力澄山之才也先生生於正統元年冬十二月
乙丑卒于正德十六年冬十二月辛巳除夕享年八
十有六 御賜葬祭加贈太子少保謚文懿元配郭
恭人內德允茂初生子若孫皆夭至八旬有二而生
接從子拯有才行歷官大司空今文學有成先生曾

文部

主傳

孫能繼祖武先生其不亡矣

贊曰盛德之容黃美內鍾曲學是鄙直道是從處能
伏螭出能批龍履經百折眷渥 九重作 帝之師
爲儒之宗家聲瞻躋廟貌肅離式虔俎豆百世之辟

唐漁石先生傳

先生諱龍字虞佐號漁石系出堯胄唐侯歷戰國秦漢晉隋仕者不絕而苒宋兩公前後開國於唐尤號貴盛唐末苒國裔孫仁恭避地餘杭後徙蘭谿世以武功顯宋末始復業儒明興先生祖贈尚書思州公與父贈尚書皇嶼公皆以文行為鄉里所推毋鄭夫人方娠先生夢獅踞門而向日及生日光正射尊其貌儼然獅也人相與異而傳之稍長受業楓山章先生門得其真傳弘治辛酉領鄉薦正德戊辰舉進士

文部

三

知鄒城鄒值歲荒先生貸積粟清浮賦却羨餘絕苞苴民用不困大盜起燕齊剽劫至鄒先生督兵拒之斬首三百餘級賊怒合其黨大至先生發碗口長柄諸砲斃其驍銳六十餘人賊乃遁以功陞俸二級丁憂嶼公憂服除拜監察御史出按雲南上疏乞戒巡遊黜貴倖又數以法抗嬖臣人爲先生恐笑曰吾職固然已耶寧戾人誅江西新免於兵而薦饑先生以選往按賑災卹貧理滯除苒民賴以安陞陝西提學副使遷按察使驛作徒數十人歲暮餓而逋有司

當以越獄公悉縱歸使自齎牒投郡縣輸顧直以免衆感泣輸無後期民有誣其弟盜者獄既具公伴執其妻訊之曰汝夫與弟同盜法不得以先自言幸活妻懼以情告誣遂白丁亥徵太僕卿尋擢僉都御史總督漕運條凡兵民所不便大者奏聞小者立罷興利布惠若已與有及召爲副都御史民爭繪像祀焉擢吏部右侍郎轉左侍郎壬辰關中大饑詔發帑金以賑而虜酋吉囊數寇邊天子爲之晏食遷兵部尚書兼右都御史總制三邊兼理賑濟公馳入關奏

文部

十四

平糶節用等十事民賴全活者二十餘萬人已乃簡戎伍飭器械明賞罰任名將以師三萬耀武陰山虜大驚北徙六百里後虜犯鎮遠又犯延綏先生遣調將卒指授方畧各斬首俘獲二百有奇甲午秋吉囊自將十萬衆犯安會先生使將迎敵而伏兵其傍戰既合伏兵起乘之虜大敗遁歸至興武及乾溝追擊又皆敗之凡斬首四百五十級奪夷器無算兵部上其功以爲首都御史王越擒虜四百餘賜爵伯尚書王憲斬虜三百加太子太保官其子錦衣百戶今臣

龍功殆過之宜異其賞會執政有忌先生者不報丙申改刑部尚書初大同卒叛都御史東平劉公帥師討之將盡誅其黨友爲飛語所中徵下獄先生言大同凡三亂輒戕其帥不一正法無以令天下而論者專務姑息以冀苟安今罪源清邊人益得覩朝指矣劉公於是得釋 九廟成先生條大禮大獄諸臣名以請得赦歸者二十餘人戊戌夏乞終養鄭夫人詔報可先生既去名聲益彰臺諫薦者章三十餘上甲辰秋召爲南京刑部尚書以母辭不允改南京吏部

文部

五

傳

尚書會有邊警改兵部尚書鄭夫人諭公曰茲所謂金革之事非汝將母時也吾偕汝行矣乙巳春奉夫人入都先生故習邊事以爲虜云來若風雨而我收保恒後時故多亡失檄諸邊修城堡還斥堠虜至持滿待之其秋虜果不得入自頃年來吏喜以文法繩邊將其跡弛雄傑之才往往獲罪而柔佞乃幸全公請宥諸在繫者使立功以贖廢錮者量其才用之士聞咸奮 太廟成加太子太保冬十一月太宰缺廷推首薦先生 上方重兵事顧銓衡非公不可疏留

中一日竟改吏部先生爲政兼論資望殊勞異能疎遠必援而中才不得越次以進其有所用舍聚僚屬共謀之衆議合然後署疏以請嘗舉廢棄四十人皆時譽也雖不果用正論爲仰夏四月先生實有疾三疏乞休 世廟方倚重先生以爲忘國奪其官放歸出都門二十里卒邸舍有司莫敢以聞時丙午孟秋越三年次子汝楫西戌聯捷及第一人具疏上請復先生原職賜祭葬贈少保謚文襄一時士大夫相與戴 世廟之仁明而幸先生之有子且以昭天道之

文部

六

傳

大公云先生性坦易與人處畢露肝膈而其意氣激昂慷慨見者盡傾尤好獎拔後進士多賴以知名起家縣令歷官冢宰寬嚴之政隨其方俗文武之才因其位著尤有功者籌邊却虜不動聲色而疆圉晏如雖唐之郭裴宋之韓范曷以過焉素善屬文當其得意時長篇短章操觚立就莫不婉麗暢達或戲爲奇文難字至不可讀然終不詭於理所著有易經大旨漁石集雲南江西督府總督奏議各若干卷傳於世公生成化丁酉六月十二日卒嘉靖丙午七月十九

日享年七十配徐繼劉俱一品夫人子男七長汝器
國子生次汝楫修撰次汝舟舉人次汝梅京衛指揮
汝淵汝澧皆邑庠生少汝淮任太湖簿孫男十二廷
俊官生任雲南大理府推官廷倬官生廷倬廷修廷
儀廷任廷仕廷仁廷佑廷德廷傳廷微俱庠生曾玄
孫男宗夔宗本宗朝宗華宗魯宗藩凡若干余調繁
蘭溪適先生孫廷修以柳城令致政歸見其魁梧丈
夫狀貌不與凡人等有乃祖風王侯將相有種不虛
也

文部

七

傳

賢曰豪傑挺生焯有令名遭遇 聖哲暫理治平出
靖邊鄙入長銓衡文武門下聲重連城彼蒼不棄卹
典有榮象賢濟美莫之與京百世如在見之牆羹

陸鶴山先生傳

先生姓陸諱震字汝亨號鶴山曾祖子昭祖宗南皆
不仕父敬夫贈文林郎泰和縣知縣母陳氏贈孀人
先生少穎敏過人十五入邑庠有大志不屑爲世俗
之習入山苦學累舉不第乃與同志黃夢弼從章楓
山先生遊獲聞爲己爲人之辨於是務爲窮理修身
孜孜不懈弘治己酉舉於鄉會試未偶歸祭白鶴山
中日耽經史必求有得凡古人事變經濟大畧一皆
理會以爲天下事無不可爲者先喪母後喪父葬祭

文部

十八

傳

以禮除服後以祿不及養欲絕意仕進因父有遺命
勿忽違戊辰登第差往諭雲南諸夷竣事而歸銓曹
選授江西泰和知縣始至卽訪求民情吏弊與賦役
重輕風俗美惡而一新其政有事于上司而不便於
民者卽請巡守及府中稟議而更易之有事涉可疑
及重難者必親履其地廣詢士衆務得情而後已時
逆瑾擅政以通饒誣民邑中賦戶該償銀以萬計千
連數百人諸邑皆急徵於民先生極力辯白得盡釋
鎮守中貴歲取貢餉亦爲告免大減其數民賴以甦

時江西多盜嘯聚山崗攻掠府庫甚至官亦被執時先生入計還任議欲築城先事恤民乃重減科派操習民義倣武侯八陣圖法演武教場士氣爭奮賊眾環視不敢入境因措置版築內為磚城七里外築土城十里磚石工料規取有方民不知役逾月而功成甯道加其能議將城各郡邑皆委先生經畫撫按調取狼兵禦寇先生調狼兵所經虜掠甚於劫盜乃請總制出令軍船不許灣泊若一船泊近則刑其船戶十船為率以次抵岸領受支應絕無紊亂人皆肅然

文部

十九

傳

兵過後軍門雅服先生而永新等縣黃柏等崗皆委督守擒賊以功受賞又委操練袁臨吉三府兵快以防後虞諸公每有旌薦必以為稱首焉此其軼事矯矯耳目者他如飭費序建忠祠新壇壇重霄飲出滯蘇里從清灑派募勇壯便賴運儲賑救勸農桑編保伍種種懿政難以枚舉秩滿三載以急缺風憲行取民庶灑涕攀留遂相率為生祠祀之膺召赴京銓曹拘於年例授兵部武庫司主事得奉勅追贈父如其官毋為孺人本部委令看本數月每與中人相忤

辭不就改差督漕艘及視武學又差巡行山海繫判等關深嘆武備疎畧欲加整飭則事多掣肘又因論彭中丞及胡憲使與長異議已有所歸志時有太皇太后喪聖駕自北狩奔歸僅數日復旨出巡先生抗疏謹大禮守大法以隆治道事開陳仁義指摘時弊憂深而情切義激而言直幾獲重譴賴大臣力拯而免既而陞署員外郎吏自宜謁印綬監先生獨不往遂移疾欲歸官長日使人速出視事不得已復出迨秋而大駕仍北狩先生見時事日非憂悸成疾越明年

文部

三十

傳

駕回知天未幾復有南巡之命先生與武選郎黃君伯固皆欲直言遂相謂曰古者天子巡狩無非事者而今乃巡遊無度供億煩費為郡邑憂吾輩雖官非言官而與馬侍衛皆所職守苟舉而不法敢後於工執藝事之諫乎况寧藩久蓄異謀中外稔知設有博浪之變悔將何及乃各陳所見而聯署合疏以進曰崇聖學通言路正名號戒遊幸去小人建儲二六事意氣激烈詞旨剴切不自知其上逆龍鱗下忤權貴也疏入待罪闕下嗣而伏闕諫者幾二百人詔以先

生伯固等六人首倡同下錦衣負鉗校以跪于門者
五日先生六人又三加訊杖而坐繫一月黜降爲民
餘皆降調罰俸有差先生在獄中與伯固講易九卦
明夷愛患之道同獄中皆處分後事先生獨無一言
及出獄還舍其孺人謂曰何自苦如此先生曰吾身
所爲吾弗悔也病勢日危索筆作書與諸子曰吾雖
死汝等當勉爲忠孝庶不負吾教也與其配徐孺人
拱手曰吾與汝別矣目遂瞑先生生天順甲申十一
月七日終正德己卯四月二十七日年五十有六子

文部

姓別有氏籍

莊中孺曰余令蘭谿當事者訪採前哲索鶴山先生
遺事因取其家所藏董東湖狀草楓山誌纂爲一傳
報當事者知其忠義之氣克塞乾坤春秋拜其祠瞻
其像凜凜若生先生其天人哉先生爲司馬郎官時
九月宴客忽風雪大作有蔡當軒植立花色不變客
散庭空徘徊前楹感興賦落雪詩後在錦衣獄又賦
梅花詩余讀之不覺灑然動念先生之視死如歸蓋
其性也誰謂龍比不復作與錄二詩左方以見先生

忠憤之風云

葵雪詩

長安九月多北風倏忽飛雪迷晴空千花萬花不知
處小蕊獨立空庭中庭中積雪漸盈尺凍漏沉沉夜
無迹卅英力抗朝日顏翠蓋還持舊風格主人愛花
更愛奇酒闌東燭獨對之芳心濃隔爲誰訴欲語不
語嬌生痴汝嬌異汝情性別汝痴未識風與雪寒葩
灼灼空自憐慮汝雪後難獨妍汝心惟素赤傾日軋
雪排霜非汝質嗟汝百死誰汝惜汝死誰百汝心一

文部

慇懃納汝室之北更以汝名名我室

梅花詩

養得霜髯似舊長山林風骨更添蒼石床一覺膏騰
睡惟有梅花入夢香

徐太常魯源先生傳

先生姓徐諱用檢字克賢號魯源其先居衡之柯山
喬自偃王可謂也遷蘭始祖曰勝二公再傳曰玄德
公

高皇帝畧地至嫠以智計拔授提舉兩尉仁和麗水
間六傳而至菊逸公講生贈大夫誠山公禘即先生
父抱有卓行配章宜人楊宜人皆賢而先生爲楊出
先生幼無童心從仲叔孝廉白谷公學翼而成之初
操觚爲文卽爲唐文襄公所奇若年補博士弟子嘉
文部

廿三

傳

靖乙卯邑令周公錄士先生以宜人疾不就勸駕乃
往及閱先生文而榜于黌堵曰是閭中毅率也秋果
舉于鄉壬戌成進士除比部主事條上恤囚議大司
寇晉江黃公慨從之陸選君五臺薦以代已不果因
調武庫復調儀制疏請

穆廟親郊陞祠祭員外提調南宮試事先期必飭惟
謹同考武闈得季金等若而人凡貴戚干求靡不絕
謝遇日月食皆據禮酌儀救護拜跪要諸至當朝
廷從之轉儀制郎請

皇太子及期出閣讀書凡有獻替中外推重寓直之
餘與同志官金臺者講明理學士類翕然宗之出補
山東副使凜特風裁摧抑豪右因杖歷城相公蒼頭
踰月左遷江西叅議顯轄糧餉往多逋負先生勅畫
由票戶曉之文不越數行行不越數字民皆了了爭
輸安義令以捕盜功見獎中丞而直指以本令不飾
簠簋行勘監司監司兩難之先生曰是不難安義污
則當達撫以就按非污則當達按以輕釋庶可以伸
網紀而服人心具狀以請中丞是之而兩院無間言
文部

辛酉

傳

癸酉王江西武試得林大節等若而人豫章理學淵
藪先生至身任講明之責多士嚮往執弟子禮若甘
中丞士价羅給舍大紘劉祠部元卿其最著者也陞
陝西提學副使申嚴功令敦尚經術釐正文體衆必
鱗集而後差等之以公觀聽又揖端方高等者與談
論質疑竟日乃已以故得士尤盛如王少宰圖胡太
常忻南太僕企仲洗馬師仲王給舍紹先紹微牛中
丞應元張直指惟任其最著者也丙子主陝西武試
得趙寵等若而人秩滿轉蘇松叅政均賦役省煩苛

恒災傷寬科歛民多賴以全活吳江災甚民擁關軍門欲繩以法先生進曰人有急呼天呼父母此嗷嗷者是也竟從寬釋政暇進諸生而訓迪之若俞憲沈公繼部郎王公建中馬公維銘談公自省皆松篁立雪焉以郡失囚一名坐降會丁內艱歸廬墓四載孝感產芝有瞻巷詩語語孺慕服闕調福寧副使偏將盧燭以私事杖一卒千夫長羅文玉露刃直入櫺舍一軍洶洶詣道愬理門者阻之先生出坐堂皇諭曰將不恤士有常刑爾輩狀既白不歸營伍罪且倍之

文部

三十五

傳

逮燭及文玉于獄各抵罪而以知州往諭省從問治衆乃定後給諫王公治兵疏中有曰福寧之不爲寧夏者徐某之爲也因城福寧瀕海屹然有備乙酉王福建武試得陳傑等若而人尋陞漕儲參政議復督河道大臣之便河西務起剝之利及運官更番管理之害鑿鑿可行擢廣東按察使暹羅占城等國航海商粵衆且近萬土著奸民與結婚姻權利有限而醜禍不測先生爲設鎮嚴法防其滋蔓上之制府多見施行夷患遂彌擢河南左布政嚴立徵輸以時出納

故事宗室祿糧折色不足允有低昂先生親監抽驗當堂面給吏難假手宗室感激連名赴院具呈致頌發羨餘開封府置買學田以贍貧士疏請司農法馬十年一易以窒弊竇行之天下遷南太僕寺卿復種馬法大畧以國初設南太僕隸管三輔馬三萬七千至正德年間以水鄉無善馬一變而爲折銀今東南有警寺馬當復請量復其三分之一卽以馬價買補寄養在民不問其孳生而責其買解民獲其利乃可以久若以水鄉爲言我

文部

三十六

傳

高皇帝未嘗不資東南之馬取天下而今胡以廢也時有倭警議州縣籍民兵團練時急調用事息歸農可以省冗食而兼致將材茲具疏題擢太常卿稽較樂舞肅清禋祀任途兩林爲萬曆二十二年四月河南直指陳以不協於同邑政府而波及之論劾先生回籍聽勘嗣而按河南直指涂勘明無他題奏吏部覆本二十三年十月奉

旨以原官在籍聽用當事者薦舉浙省人才未嘗不首先生三十三三年三月少宰楊公疏薦起用三十八

年十一月冢宰孫公兩疏特請權補原官而先生不祿矣先生三十年宦轍遍天下清白之操終始如一小窻墳典蕭然韋素日手一編寢食不釋足不踰戶四方敦請講學三至郡之崇正書院兩至新安赴霞源講期秉心慈愛弟患痘疾親為吮毒置田供祀構祠睦族生平正直剛方毅然以道德性命為己任嘗云娶自何王金許四先生後道脉中微擔當振起存乎其人吾景行前哲有志未能庶幾朝聞以待夕死凡有著作自成一家於新建毘陵無所依附如葵蘭

文部

三七

傳

新安紀會友聲篇劬虔錄三儒類要纂修縣誌等書皆行于世闢發精微羽翼經傳學者尊信至自遠方倒屣問奇繩繩不息間至丙夜隨其問之大小緒論出焉若洪鍾隨叩即鳴仕者戒以廉蔭者引以恒農耆勉以勤賈耆和以義曰即此是學故出先生門者皆名世自世之下也士習雕繪鮮精實而先生文章簡雅吏尚粉藻寡經濟而先生政績卓異叔孫所稱不朽先生有焉晚年教學不厭且倦清望彌隆歲已酉巡撫甘公以門下士為建大雲書院爰資講授辛

亥仲冬先生將易簣尚與侄中丞及子姓論邵子先天之學縷縷數十言不置預言卒在今夕不及家事而瞑先生生於嘉靖戊子十月十三日卒於萬曆辛亥十一月廿二日春秋八十有四元配鄭氏封宜人三子長學質已卯舉人次學貫太學生相繼蚤卒次學范太學生孫男十人京太學生康和彥膏燮樊丹蛟竝曾孫十人皆恂謹克世其家

文部

三

傳

生名實久而彌信浹其之間迎木主於書院進世祀于鄉賢當事之報先生者可謂不薄矣朝廷崇德尚賢三品京秩例有謚蔭元遵憲檄索其遺事纂述一傳以備採擇若其清風高節百世可師先生自為當事重而余言不足重先生也詩云民之秉彝好是懿德姑以見志云

趙澱陽先生傳贊

先生諱志臯字汝邁系出宋清獻公朴之後自循遷蘭代有顯者曾祖年登成化乙未進士仕止水部郎以忤中貴棄官年生至簿農晨生賢是爲先生父三世竝以先生貴贈一品秩毋張夫人孕先生夢日華繞室及生美如冠玉少知勤學冠游庠督學雷公以公輔期之嘉靖己酉舉於鄉六困南宮增自發憤富於學而老於才戊辰得雋及第三人授編修與修世廟實錄辛未分校禮闈癸酉預修穆廟實錄陞侍

文部

廿九

傳

讀江陵以父喪奪情諸疏劾者皆廷杖遣戍編修吳趙兩公復繼之旨未下公糾同志七人以至情大分面詰江陵江陵不能容兩公竟亦不免一切劾疏悉不付史局先生以職掌堅請之不令得秘江陵怒甚會星變察百僚遂出公廣東臬副江陵猶未釋然辛巳先生浩然勇決築室清獻公祠傍自號六虛主人枕石漱流爲終焉之計壬午江陵不祿臺省交薦先生起解州同知陞南太僕丞尋擢南司業歷右諭德掌南院改左諭德修玉牒再校禮闈陞南祭酒歲餘

文部

三十一

傳

轉少詹掌府事復陞南少宰是時公資已深而宦跡乍北乍南意良安之又歲餘改北左少宰辛卯九月特旨簡陞宗伯入東閣與太倉山陰兩王相公同在政府山陰旋去太倉亦覲省還南而新建相公未至先生參贊機密爲銘自警期致太平未幾寧夏有變討之無功先生薦撫按有方畧者誅平之東事復殷先生決策遣將旋克平壤此二事皆世所不常有先生秉政不動聲色而底定之功亦偉矣已太倉還朝請冊立懇旨下三王竝封議先生累疏極言其不可議竟寢自是太倉謝政而先生獨相兩宮三殿災反覆竭誠疏勸修德開採使者四出先生諫止甚力臺省部僚因上封事罹貶竄者營救無所不至陰多轉移自是加官陞子寵賚日蕃乃先生固勃勃有去志矣朝鮮之役自克平壤倭方奪魄而細人遊說許其封貢以誤石本兵竟下於理廟算決戰方有次第而皆本兵者因及先生杜門不出迨我兵破倭東事將竟而公病劇矣乞歸彌懇旨彌篤章旨上不允竟歿邸舍遺疏請冊立罷礦稅簡閣臣用言官四事後

起歸德山陰竟行先生之言云嗟乎江陵氣橫一世
挺身折之至困抑不悔及當國而齟齬者亦時有非
惟不罪言者且并其姓名忘之其雅量何可及哉先
生孝友慈祥樸素和易尊居相位與人嬉游歡然道
故問及朝政俛首不答其慎重如此歷官儉約宛然
清獻家風田宅仍其舊無所增益未第讀書靈洞山
既貴以餘俸造寺買山不爲後人立產業卒之夕有
大星自西南墜於戲夢日而生隕星而逝古稱申降
嶽說騎箕名世仰干天象不虛耳爲文汪洋爾雅類

文部

三

傳

其情性所著有六虛堂稿四游稿靈洞山房集內閣
疏等書行世先生生於嘉靖甲申三月十三日卒於
萬曆辛丑九月十三日享年七十有八計開 天子
震悼輟朝一日加贈太傅謚文懿諡祭羣祀視舊有
加配方氏贈一品夫人子孫多而賈別有載籍
贊曰天生哲人激江之濱懷珠抱璞附翼鱗正學
物身直道事人備嘗險阻久詘而信屹定國本靖掃
邊塵蠲彼凜霜布此陽春生爲碩宰沒爲明神降臨
棖極馨享繁蘋

馮改溪先生傳

余讀發州志而知金華馮氏以詩書起家蓋自孟英
貞齋兩公崇祀學宮而儒者翕然宗之余之知有改
溪先生以先生爲余昆陵白中丞敬齋公壻素聞先
生名及令浦蘭之間而先生之子春生交于余因乞
言以章厥考之美志孝思于不忘余竊其意爲之作
傳先生諱熊字伯祥號改溪世居金華赤松里兒時
絕聰穎出言爲韻落筆成文幼隨父冊山公宦游道
吳中舟泊白中丞敬齋之門冊山故與敬齋莫逆先

文部

一

傳

生舞騰前中丞喜其神彩煥發言語敏給奇其才貌
而以女妻之方年十五冊山公官蜀就試督學得雋
而不居以未稟命尊公也郡大夫笑語曰人求之不
得子得之不有可若何謝歸學于陽明先生聞良知
之說恍然有大解悟處旋補郡博弟子以嘉靖辛卯
中省闈甲辰提南官初拜司空水衡王政持節視寧
陽水泉會通還晉司馬職方歷武庫車駕郎督祭五
軍巡視皇城郊廟大祀特簡陪養恩賜銀牌通才大
畧登滿三輔及瓜報績得贈其父冊山公封其母太

宜人時諸老推轂先生議留增秩擬以京堂酬先生
德望而先生遜不欲居適廣州缺守冢宰調劇部必
得兼黃之流鎮而撫之庶外寧而內益重遂薦于朝
天子可之山川修阻道途跋涉太宜人與俱先生
性至孝視事堂皇意若有失體多不平遂力請當道
移疾終養令甲外臣不得予告唯李滄溟何大復名
震一時撫按特疏後乃再起粵中兩臺援爲故事馳
奏闕下爲先生異日地迫歸侍二十餘年而太宜人
始卽世溫清問視時時周旋與彼人子多懷負米之
文部

傳

憾者爲何如耶蓋先生可以報母氏而終身絕意仕
進之途矣監司訪採地方遺蹟必以先生爲首而先
生弗顧也閉戶靜養從萬卷中作生涯間有所得寄
之吟咏有改溪集行世歲時伏臘以公禮一謁守令
外人罕得見其面雖兒童女子靡不由十仰之一以
爲香山洛社一以爲彥方大丘豈如世人碌碌宦達
順絕裾之謂而榮祿縻身至老死不休哉先生之于
功名澹如也自其侍文成有得而已不爲塵網束縛
天先生春秋八十有五登籍六十年養高四十年此

仕途所未有初有子都生慧而天人皆謂仁人必有
後逾七十而生今春生秀發能文先生未沒而春生
游庠世德世美家聲日大浙之馮吳之白兩姓閭閻
足相當云

文部

唐小漁先生傳

先生諱汝楫字思濟帝堯之苗裔歷周秦漢晉唐宋多貴仕後唐國裔避地餘杭再徙蘭谿家宰文襄公諱龍爲先生考號漁石先生因號小漁前母徐夫人繼母劉夫人方劉夫人娠先生夢桂華撐天而秀雲彩色彌布庭欄異香經曉不散覺而先生誕焉正桂月也初生岐嶷甫五齡文襄已在臺中日者欲媚文襄乃目先生曰提經評此子宜以蔭貴先生聞之蹙額曰此豈有貴者乃甘心哉及總角聰穎日異幼

文部

傳

嫻古文詞奏表括据吏事翰札應酬多代爲之諸生時兩遊理齋諸公文懿瞿公門學問淵源有自以文襄恩蔭補貢士嘉靖己酉擬就試北關憂謁西湖岳武穆廟有神女贈以綠袍梅花遂決北上得意鹿鳴臨提庚戌南宮主考檢題十一未廷對數日前方填家狀於卷首至文襄公名忽有聲自天而下眾驚顧錯愕不知所向先生手握管城片裂爲四識者謂此筆開花也及各部大臣呈進士策先生卷在第九世廟憂有欲效唐虞汝作舟楫等語及覽先生名適

且文詞古雅楷法精工而敬天法祖大意又俱載狀元考是時僉謂文襄巡撫南北賑濟飢孺存活救萬宜得此報初文襄位冢宰數與執政議不合因病乞休忤旨奪官出都門二里捐館祭葬贈諡久虛無日至是先生叩閣泣疏乞所請一時榮之世廟崇信文成五利虔齋禱以希長生而清詞爲入相捷徑分宜授意先生確然勿顧是以登第十數年官止官論時方士又倡爲前星倘耀紫極分光一時

文部

傳

登府景府出就外官不分軒輊儲議未定當時至有勸二王以子臧之節雖分宜亦屬觀望矣獨先生奮不顧身力主長嫡默維天下大本以故庶選青宮日講廷推首屈先生次及日門胡公正學等先生幼侍文襄久處北地嫻習中州音韻每進講敷陳經義闡發洪亮穆廟在邸神清體悅溫養獨優他日更直每曰不如唐先生何不進講內鑄以各期對先生雖得東朝歡處之澹如然不能不叢忌者之怒矣詹府僞具缺先生以官諭暫署篆時江陵官中允欲坐翰

林中堂篆吏趨撤其椅江陵惠悉縛吏刺送先生翼
重捷之堂吏堅持例簿謂不視篆者坐東西偏先生
賦性寬和不妄怒第諭而譴之代爲謝過而已江
陵藏宿後風言官以他事中之先生卽飄然東歸胸
無幾微芥蒂謂升沉幽顯生下已定豈懸今日從容
下天津波呂梁泛淮泗登金山遜跡西湖酬昔所夢
神女而祝告焉償夙願也 穆廟登極稔念啓沃勤
勞屢屢眷注而煬竈蔽之雖特授奉常寵賚銀幣猶
非殊格而枚卜大典虛席有待倘未升遐大拜隆恩
文部

計日可至奈鼎湖龍逝鳥號莫攀而先生出處進退
之閑達於此判矣從掛冠後纖毫無營進念好自稱
白雲紫霞二洞主人葛巾布素徜徉泉壑與田夫野
叟對譚竟日自忘其爲簪裾流也屏跡公庭不通一
刺冀數分校禮闈門下名士項背相望人多先生之
鑒而先生若素不相親者然當路推轂人才必引爲
重至有以緩頰相干則遜謝迂疎不耐此已久倘里
中有抑鬱不雪又陰爲之代理人亦信其無他生平
不見疾言遽色儕輩族屬適相詬厲殊不覺有可動

者其天性然也文疏也似子長縝密似孟堅務令達
意不入恢詭仁義之人其言諄如求文者曰盈戶得
其片言如獲拱璧詩風骨夷曠氣韻和平一字不妥
中夜推敲必求其當斯已字畫摹擬子昂而端楷過
之所著有玉堂集并詩稿行於世先生修形偉度白
皙長眸丰采異常視之若雲儔玉立器量汪洋杳無
畔岸接人溫溫常不輕啟齒尤不喜以辯詰形人之
短一見服爲德厚長者身鎮盛滿終無貴介氣味飄
然有塵視三公芥視萬鍾之概乃其忠君愛國憂時
文部

憫世之懷雖江湖不忘魏闕使其當軸處中伊呂可
伯仲也惜鴻抱未得盡展於黼黻之衝而舟楫盤桓
徒形憂兆弔古者有遺憾焉先生生于正德壬申八
月初七日卒于萬曆丁丑六月初十日享年六十有
六余嚮往先生學行私淑之日長矣求令蘭江見先
生孫國學宗本曾孫諸生明照父子皆德世德作求
明照尤能文故物其在握也景行先哲慕其事而爲
之傳

贊曰先生之居金馬玉堂先生之操烈日清霜初逢

泰吉乘龍之陽終守遜貞伏襲之藏位不酬德止于
奉常召承世施於無疆大雪蒼倉潑水洋洋高風
可挹步武衡墻

文部

傳

陸宗伯傳

陸宗伯公諱可教字敬承別號葵日系出漢鬱林太
守績祖家新安徙居於蘭代有聞人而鶴山公震以
直節顯於正德間是爲公之曾大父鶴山生近仁爲
元子讓恩蔭於季第隱居不仕娶於蔣生封公建家
積學不售封公娶於唐有六男子公居次以大父命
出後於叔父贈公儒家公生有紫衣之祥幼秉異質
稍長日誦數千言九歲能文五經子史無不嫻習十
七遊庠每試輒冠其儕單蘇州蔣公爲婺州守延之

文部

九

傳

著命子錡師焉公雖取重於諸大夫然廉介峻直乃
其天性不關說時事而遇事直言更復無避直指有
下捕豪名章某者公識其名指謂門人錡曰大夫也
雖非良士然不聞其有此錡入以告蔣公出問公公
對如前蔣公曰子言固信奈直指命何公作色曰民
之不寃賴良二千石難于逆上指而忍于蔽下情可
若何蔣公愧卒爲請而免之其人比死不知公亦不
以語人也癸酉中浙江鄉榜以公才何難連綴而竟
不上公車與二三友潛修交易丁丑中會榜第二

廷對名在一甲權璫馮保用事爲政府土地特讓卷
易居二甲第二旋改庶吉士解館授翰林院編修以
大婚覃恩得贈嗣父如其官併得移封本生父母無
何移病歸侍封公家居有終養意封公不可督之出
癸未假滿抵京補原職九月元配胡淑人卒于官舍
丙戌會試同考得平湖王公建中等十八人旋管理
誥勅公以詞臣口代王言推原德意風訓有位不宜
有所濡潤於是戒開謝客奏續者覲得美辭金幣相
屬悉峻卻之終六年未嘗以寸縷入也嗣以修會典

文部

十

傳

功加侍講受紅紵白金之錫戊子王江右試得建昌
劉公文卿等九十五人榜出績學知名之彥十不失
一至今稱盛焉便道還省封公偕赴京次年巳丑會
試同考復得雲間董公其昌等十八人進中秘者五
人秋劉洗馬信陽王公師竹典武試得材官趙紳等
百人陞右春坊右諭德爲經筵講官尋掌司經局
印時上靜攝朝講俱輟公素以厭替爲心辛卯春
推原高皇帝盛德敷演爲十二頌前列聖訓後
傳時事不爲危苦之詞而誠懇之意溢于言外見者擬

爲敬輿奏議。上置案頭閱之不已頗有樂于中後
下罪已之詔稱回天力焉秋主應天試錄文盡出公
手得婺源汪公鳴鸞等百三十五人自吳抵家見封
公雖善飯然微有胃疾且年過古希公自是確然有
終養志至京復命卽欲請告屬西事未寧本兵無
策公爲畫坐困之計以厭疏中條議悉合機宜下該
部傳諭諸將識者尤以不盡行公策致天誅久稽西
民荼毒爲恨公時繫心封公數詣政府太倉荆石相
公暨同邑潁陽相公乞歸養二公共止之欲以日講

文部

傳

留公爲大拜地公力辭不就願得南轉就養於是
侍讀學士掌留院事公馳歸道濟寧登太山慷慨弔
古有南望見白雲吾生歸行休之句謁碧霞元君爲
封公祈禱齋心撰文願已滅筭以益封公文見遺集
及至家封公疾漸愈然終不忍遠離上疏乞養俄而
以纂修玉牒內召公再馳疏以請報聞頃之南司
成之命下公猶欲辭封公不可趨之官因曰自汝至
家膺新命者再不俟駕之謂何南都佳麗當春時和
視汝官舍公頓首赴任睹高皇帝規制多所頽廢

慨然欲大有所釐正上均制額發行証等事得 旨
允行太學諸生無論新舊爭自濯磨而公一以身率
之命所居堂曰身範有差假必以次雖親舊無紊越
月有課日有程舊制俊秀不得餽食至是拔穎異者
數十人廩之公舉其精素服膺辭閣之往往不終
篇比觀監課即初學少文無所棄遺三何轉北雍兼
修國史副總裁得封公書欽公從留都北上而身以
單舸會公丹陽道中蓋阻之歸也公詢從人起居狀
因馳歸至杭發請告疏不允是冬南宗伯之命又下

文部

三

傳

公以親闈不可暫違 朝命又不可久曠家居而屢
進秩是坐邀榮寵也因治行至蘇州復上疏引疾因
乞休致蓋恐朝命再至云歸而營山居初爲元配胡
淑人卜地得邑西形勝曰棲山甲午冬瘞胡淑人因
築書舍于其陽臨前山爲湖層閣登亭宛若城墉
遠絕塵囂高休老遊隱庶可畢綵衣之願是時休致之
疏不允封公督公出甚力公內戀庭闈外畏簡書覺
進退之道有未安者方謀奉封公抵任封公忽以七
月暴疾終公哀毀殆不欲生居常咄咄念已之所以旅

進旅却終遂欲棄簪纓者以依依老親而旦暮之得
承歡也今雖幸得周旋于床褥殮舍之際然曩者太
山之役不能如昔人之冥感每哭輒慟絕因上疏請
爲封公丁憂蓋公旣出爲從父後則制不得持所生
服封公卒之明年葬事完而公亦以過哀搆疾矣公
素壯無恙是年沾瘡不半載遂嬰沉疴始猶自謂無
害日著詩解一章繼而浸尋以至大事年僅五十有
一耳卒之日郡邑無間識不識莫不錯愕曰嘻善人
亡矣抱疾經年他人多懷不虞之戚公曾無怛意洋

文部

三

傳

洋自如作親故書辭旨曠達或以禱福請公曰古人
齋志而沒者不可勝數吾於古人無能爲役叨逢至
此懼盈量矣第世受國恩不補涓滴及冥佑封公於
期願爲有恨耳語諸子當力學爲善無忝先世不一
言及家事即幼穉滿前靡顧念可憐之色比屬續脩
然不亂指點衣冠命侍者掖坐引足受履衣領稍斜
筆之正拱手而逝嗟乎死生亦大矣殆所稱無愧于
曾子之易簪者耶公孝友天至事封公見於奉養者
纖悉備至太孺人唐早世不及祿養每燕居深念淚

未嘗不淫淫下也歷官二十年僅置任房一區封公
老得幼弟未及管居不令別異同室怡怡登第後不
受坊使有不可却者輒以新曾大父鶴山公忠清坊
餘者以葺褒忠祠關邑發身而仕者卽品資下公遠
甚多樹模棹相望而公顧闕如也平生于師友之誼
尤篤存則問候無虛日沒則爲治喪恤孤有不啻身
丁其難者座主王師竹先生沒道二千里信陽哭之
見于哀辭者三適其家構訟不可解百方爲之調護
事定而後已中丞少菴滕公公諸生知遇師也孤孫

文部

古

傳

甚幼族人齟齬之竭力爲請當道卒以無恙今底成
立刑郎東麓廬公上疏忤旨杖闕下公傾身營救
有言諫草出公筆者公不爲動廬公創甚公夜分易
服往視起之潰血之中身送至張家灣而別公沒廬
公嚙德訪其幼子未婚妻之其他執事頗多此尤其
矯矯者居恒人人可嚙就當大節毅然不可奪持身
雖一介不取故舊或有所需旋分甘應之在鄉絕不
與守土大夫通尺一其以冤抑來訴聞亦白其不平
尤安淡泊食服不求精好苟可自適遑問其他視人

世之浮華漠如也或以子孫計爲言每舉漢疏太傅
二語以自箴併以戒其家人云故公受先世田僅百
畝足僅數椽比爲二品京官無緇銖增益迨捐館囊
中斤斤數金耳棺殮之費非監司賄助幾不克襄事
葬亦如之此近代名卿之所罕睹而公存日固未嘗
以苦節爲沽沽也大抵公爲人表裏洞達如日中天
言無與於屬垣行弗虧於顧影不嬰情於誹譽不借
徑于藩籬超然自得矜然不染庶幾得公之神矣情
其抱經世大畧將膺輔弼而沒是以百不試一然

文部

傳

其性度冲和議論慷慨隨在設施有功世道考之遺
集班班在焉亦足表見于萬世而無媿叔豹之三不
朽矣

王孝子傳

王生世名婺州之武義文學也生年十六而其父王良爲族人王俊所擊殺時生負笈從師於外聞訃奔歸而其父已斂數日矣慟絕復蘇誓不共天方父被擊傷至家語其母若妻曰吾兒孱兒也比歸無以報讐爲言勝則殘我屍負則禍若屬豈彼強有力不可不慮其卒也生遂隱忍與和割以田受之餽以盤受之飲以酒受之陽無一拒却者而陰各計其值以歲時之先後封識藏匣笥中繪父一小像懸之書室

文部

十六

而夙夜攻苦力學杜口不言父死事除服而遊庠私鑄一利刃自刻報讐刀三字於其上密懷佩之卽母妻勿知也旣婚舉一子顧其妻曰吾今可以死矣妻愕然不解所以新正元宵日營飲於隣家大醉散去生揮刃迎殺於道旁提其首號於市曰吾爲父報讐死復何憾母若妻皆失措不知所爲生徐曰吾平生志事已畢悉出向所封識讐家值金及宿構首狀詣邑請死令公陳君大義之不令入獄居之譙樓以待處分上其事於當道當道轉委金華令汪君與武義

令兩鞠之金華令按律掘檢良屍以活王生王生日吾向者惟不忍重戕吾父遂率以至此今以吾命抵讐命何以檢爲乞放歸拜祖廟辭父柩別母頌妻孥而亡令從之生餓積十日而逝其父被殺爲萬曆四年生十六歲手刃父讐爲萬曆九年生二十一歲六載之間游庠娶婦生子復讐隱舍其寃徐發其難從容就義亘古希有遺妻俞氏乳子三年能就食懇請於姑曰吾與夫有成言今以藐孤賴姑而立媳雖死瞑且合矣亦不食七日而從夫以亡年僅二十二

文部

十七

十二鄉里無知與不知遠邇皆泣吊之巡方使者聞朝廷建孝烈祠兩旌其義春秋祭享無窮噫亦奇矣之

文部目錄

傳類

金沙始祖京口公邦一傳

毘陵始祖秀九公傳

高祖泰政鶴溪公傳

曾大父靜思公傳

先大父古愚公傳

先大人好古府君傳

先母唐孺人傳

傳目

先兄鶴瀾傳

大姑貞節傳

外父蔣養恬傳

金沙始祖京口公諱邦一傳

涑園莊氏自金沙而上不得而考鏡矣卽有可考鏡者若鳳陽若湘潭若鎮江若吳淞家自爲譜人自爲紀不能一一而覆視也雖金沙之西樹後齊毘陵之觀後茅堰縱可考鏡譜牒浩繁分叙以清血脉合對以重本原亦不必強收一冊使名字多同倫序莫辨起後世子孫識認之疑某第于世系序中詳述一家源派總自涑園後裔令後人不至離邊視如途人耳今斷自京口公諱邦一者爲始祖公暴露披荆棘卜止于金壇之觀庄村聞長老言先朝銀注東垣未築漂陽金沙義興之間皆巨浸也今之沃壤卽昔之洪濤其最高處風水甚佳就祖家觀庄而言聞宅之西北有大清太觀宮殿巍峩亭榭精麗背山面水黃冠十指後遭兵燹倏與倏滅爲張百萬所居莫屹兀之臺撫膏腴之壤此觀址也而觀庄則其別業故名已而東垣旣築障水自東而西廻流經高淳太平采石江口而出一以環遶金陵擁護根本之地一以令汙萊可耕瀨溪而下皆成肥田然風水之說信爲有

文部

一

之自築東垣觀庄下濕之地可耕而所稱觀址張百
戶宅者盡皆沙礫化為烏有觀庄祖村舊有前中後
三巷家餘千戶之錢戶有陳新之穀屋留相接基號
寸金目下蕭荒殊甚茅茨爲居巨石埋土僅存遺跡
且有馮處別姓竄入其中幸而力耕爲業志行繁修
地方蒙家目爲舊氏秦晉之好不妄攀援祖遺清白
宛焉可掬嗚呼抵掌數百年興廢其間子孫或宦達
或播遷如遺亭之官翰林少亭之丞海鹽秀九之贅
毘陵鶴溪之爲叅政起元廷臣兄弟之同登進士皆
文郎

京口公陰也綿之詩曰民之初生自土沮漆觀庄吾
沮漆也詎敢忘與

毘陵始祖秀九公傳

公爲邗一始祖八世孫自京口徙居金沙之觀庄百
年培養國族咸聚殷殷鞠鞠家聲日大耕者歲餘倉
稠堪足烹羔讀者獵致水天筆稱跨鶴婚姻來往兩
各相當武進金壇土壤通邇時有大家鄉蔣氏世傳
九侯遺裔毘陵望族此爲首出秀九公爲兒童時隨
父兄歲時伏臘往常郡留幣物蔣太公見而奇之曰
吾有弱息願奉箕帚因委禽而入贅焉公倜儻拓落
四海爲家况是區區數里能不安之遂卜築于余宅
文郎

橋西北之橫堰村龍脉自亥方來豐隆有勢兩脇清
流合抱于前有神山爲案祖隴卽在宅基之左肩堪
輿家以爲善今宅已荒廢爲田而祖隴無恙意者墳
勝于宅故四傳而有鶴溪叅政公九傳而有予起元
廷臣兄弟同第且將來振發未可量與藉令公不贅
毘陵卽贅而墮習故土戀戀必歸則無毘陵莊氏矣
豪傑資性邁往非常爲龍爲豹何地不可變化其公
之謂也橫堰村之東南有余宅宋狀元余諱中者殆
是間今之環處余宅者悉公嫡子孫也綿之末章曰

夾其皇淵邇其過澗止旅適密芮鞠之卽庶几近之

高祖叅政鶴溪公傳

先高祖叅政公諱擇字誠之號鶴溪始祖邦一由潤
州徙金壇八傳而秀九公贅武進爲毘陵始祖秀九
生林林生斌斌生公斌以公貴贈戶部主事初戶部
五十三未舉子素積德行義歲祲行貸貧者焚券撫
孤弟敬如已子割產分授里人德之多祝其有子而
太安人張果生公于橫堰村幼慧性剛無稚子態鄉
學每較詩課立就叔敬嘆曰吾兄積厚宜有此子必
昌大吾門甫冠戶部遘危疾公侍湯藥唯謹陰籲天
文部

五

求代戶部知不起與訣令擇所業公泣曰兒非儒不
可以圖立身戶部曰吾瞑目矣未幾與太安人俱卒
時家業涼薄塋祭必求無憾免喪游郡庠感戶部言
日夜淬勵督學繡衣考輒居最文名鵲起從游日衆
如本郡惲君巍蔣君亨陳君端甫及浙之方君坤燕
之牛君曾楊君文進皆及門後以科第顯登弘治丙
辰進士出令寶坻寶坻爲都城赤縣號稱難治公至
省徭恤患鋤強扶弱盜賊屏迹聲益籍甚寶坻舊無
城請于朝城焉庀工刻程民樂趨之不二旬告竣巡

撫洪公帝之特爲旌薦冢宰倪公疏其政蹟十七條
行天下擢戶部主事以峭直不容于時八差于外弗
堪勞勛正德初劾藩臣匿公帑之尤者時適遣御史
四出閱實帑藏守臣被重劾者若干人嘗督徐州倉
歲飢欲先發倉而後以聞監司難之公曰州距京師
且遠待報而賑其若民命何卽有舉坐某不以累也
遂發粟數千石後竟可其奏轉部郎中又督薊州倉
出納公允奏沒內監占窩糧草於官忤逆瑾罰粟未
幾出守河間尋陞山東叅政官府事清理投獻 皇

文部

六

傳

庄釋滯獄奏除盜賊連坐苛法恩威並行盜不入境
時瑾勢熏灼中外人人自危憂亂三疏乞休瑾怒遠
謫四川順慶民遮道泣留未至瑾敗言者以前閔實
帑藏事據以始公議論劾公公亦疏明其事遂浩然
歸隱白鶴溪與鄉士大夫爲逸老之會里中有不平
事每爲官司言之其理友人枉炮之冤白門生誣陷
之獄激撫臣蠲租之疏大有造于鄉人而性氣過剛
終無少貶然一聞理言虛心聽受又速若轉圜蓋公
之天資學識迥出尋常若此嘉靖丙戌應 詔陳江

南十事 上優答之丁亥疾劇猶作詩賦諷詠自爲
墓誌銘略絕不以生死爲意嘉靖七年正月十三日
沐浴更衣而逝享年七十有一元配楊安人有懿行
先二年卒有子男四人整齊嚴肅孫男曾孫男若干
人並載譜籍中不具述起元及廷臣于公爲五世孫
齊之後不敢泯滅高祖之烈又不及見當年行事斤
斤撮養齋荆川二先生狀銘墓而爲之傳

文部

七

曾大父諱思公傳

曾先大父邑庠生諱齊字汝儀號靜思先鳳陽人南渡鎮江世數已遠典籍無稽雖得耳聞難以臆決所可馮者舊譜宋哲宗元祐七年始祖諱邦一者由鎮江徙居金壇觀庄村五傳而有諱必強字若翁號遺亭者宋寧宗嘉泰辛酉爲翰林學士八傳而諱秀九者由金壇贅武進大名鄉蔣氏因居余宅北橫堰村爲毘陵始祖秀九生林林生斌斌生擇字誠之號鶴溪官大叅娶先高祖妣太安人楊氏生子四曾大

文部

八

傳

父其次也曾大父生而端謹不苟言笑居恒無他好閑寂獨坐不隨世滾滾遂馬頭塵往往凝然若有所注念自號靜思者蓋其志也大叅公長子不甚慧三早天四尚幼所屬意唯曾大父大叅公居宦公餘及告老燕閒時時召與說書校課多所領略弱冠補郡庠生仰承閥閥俯念箕裘晨夕攻苦鳬勉步趨以故學問閎深文辭博瞻院府歷試每居高等屢遊場屋數奇未售卒老青衿大叅公雖令寶坻司戶曹守河

以剛直清介自持公羨公費不一携歸家計泊

文部

九

傳

如也且子姓食指頗繁幾不能給口實曾大父又不善治生業雖貴介公子比簞入子尤甚然尤喜施予人庶知其意匿情以苦告甚或轉貸而與之後竟忘其姓氏他如飢者粟病者藥死者棺殮產竭力必欲週全種種陰德若出所性初非徼報于天責償于人而爲之者其所最難事有一焉元祖父居平每言之大叅公雖四子嚴未成人而天實三分耳以整三子憲繼嚴則些須薄產長房取其二次與四各取其一曾大父故廉慈亦未嘗不願也而詭人交構其間叔姪開釁曾大父受侮忍辱至有不可對人言而祇可與天知者然其性資寬恕事過卽忘卒歡如也曾大母陳節愍公曾孫女知禮曉文善相助以成其隱德生一子一女子爲先大父諱憲篤學好修連試不第予起元及廷臣弟皆其孫女爲祖姑適都御史唐荆川翁今太常卿凝菴公先庶吉士完初公其子若孫先祖姑二女一適白一適孫今孝廉白雉衡公侍郎孫淇澳公皆其甥里中人謂有子女若曾大父者其亦可也曾大父晚年家計日替與弟姪行將高祖

大叅公所營浮橋宅嚮諸須氏鄉居余宅橋之西村
間以角巾野服一奚囊自隨行遊阡陌人不知爲大
叅公子會元外父也卽知者亦謂磊磊無城府而便
易之然其信義夙孚偷者畏產方之知爭者借柳李
之決則駭矣嘉靖之季以倭警居城臨市或謂公得
無黨乎曾大父應曰吾終日聽而不聞市聲終日視
而不見權量終日營而不識所謂子毋盈縮身雖市
乃心未嘗不空洞也意態安閒辭旨簡默于于徐徐
聞有無懷葛天之風焉自號靜思蓋其志也倭警未

文部

靖不得及其鄉庄先業弘厥屬之他姓僦居跼踖老
年不堪且曾太母最賢先卽世無與慰藉鬱鬱不得
意寢疾數日竟卒于城時嘉靖三十五年六月十六
日壽六十九子女見前孫四曾孫六玄孫十四又玄
孫若干孫女曾玄孫女共若干具先大父傳中卒之
日囊無一錢滿市中籍籍口語以父爲高官女適貴
仕身與子皆青衿而貧至是弗信也距今萬曆辛亥
越卒之年五十餘矣聞之先人云大父曾懇名公爲
狀銘或卽出荆翁手今弗復存豈有遺佚與起元懼

今不爲圖後益弗及是使前人之烈光終掩抑也先
志之謂何謹述祖父居恒追憶言指及鄉黨評議
次如右更望名公大人開幽揚隱賜之鴻筆生
叩戴不朽謹傳

文部

先大父古愚公傳

先大父郡庠生諱愚字本章號古愚先世自鳳陽渡江居潤有諱邦一公者徙金沙邦一而後昭穆燦然不紊宋寧宗朝有諱必強號遺亭公者爲翰林學士國朝有諱秀九公者贅毘陵因家焉遂爲毘陵人弘治九年有諱輝號鶴溪公者登甲榜仕至山東參政生四子曰整曰齊曰嚴曰肅齊爲元曾大父止舉大父一子從幼憐愛之不苦以學大父十餘餘途有大志見其業之稍不振也奮而起曰吾家世不乏聞

文部

十二

士奈何至吾身而過侯之慨然以亢宗自任識者已知大父非塵埃中人矣事先曾大父曾大母陳至孝先高祖鶴溪公雖歷官大燕所至不持一錢歸僅遺清白家計蕭然兼以有宦名無宦實費用有必不可省者高堂又不知有會計因訛殆甚至或不能舉火然而晨昏奉養擷北脆之需以娛二尊人至襄大事不以貧故少留遺憾雖賦黨有富貴來助者却不受人以是多先大父云性格醇樸狀貌端凝多髯髭口吃不利言語處人遇事正直不阿立身行已每以正

道自持篤學勵志必欲振箕裘克嗣乃祖年二十餘未登庠先曾大父止一子一女子爲大父女適唐荆翁時荆翁已入翰苑欲爲薦達于督學繡衣嚴拒之曰子能致身館閣而吾不能掛名青衿何以累子未幾亦列宦官卽先君叔父輩四人當未游學校先卽可營弗屑也數進棘闈未能得雋先大父務博極群書流覽淹貫作課亦剋定要束以多爲貴嘗搜唐荆翁與先大父書勸以貴精嚴毋瀨散又嘗見先大父所遺五經子史類俱以硃墨點綴或加標評及著述

文部

十三

盈帙鋪叙典雅鏤筋刻髓似未之有然技之不工而害者十居其五如先大父者足稱真實舉子其不第或大造留不盡以啓我子孫輩耳已而仲父登庠旋即告老與鄉之耆艾有行義者往來游樂間爲詩歌雜曲微醺吟唱以自娛居平嚴義方之訓時時檢閱程課隄防浪蕩稱引祖先宦蹟俾勿墜家聲季父登庠時元與廷臣第年可十齡先大父色喜命季父召立膝前令作破承賞以梨棗及紙筆云二子後當紹吾祖言猶在耳九臬有知或爲慰耳先大母楊孺人

慈順特最琴瑟靜好恩摯有加然亦不解治生喜急
人困憐姬想以絕糧所儲升斗必分之無愠色先大
父幼年治舉子業不恤家政見生計日落且脫鄉校
無所事事稍摠理之略給饗殯與燕明腴洗子女俱
向平之願孫亦頭角可知歲時伏臘羅拜膝前萊
絲承歡優游自得鄉邦中不多得也先大父自少至
老未嘗妄發一言妄行一事妄取人一物素行謹飭
嚴介若此先大父精神燁燁健旺如壯年人隆慶庚
子季春偶以事入城過先外家郛城西門唐氏之樓
食畢而嘔時元爲兒寄學于唐猶及見之歸而病隔
及暮而終瀟灑如先大父不宜有此終不得其解易
首之晨猶遺訓先君輩居喪執禮毋失古道元卽未
深知先大父乃幼侍左右至十三歲乃見背親炙其
言親及過觀其著作自號古愚不虛也嗟乎古道之
不徒久矣某妄僭擬先大父敦倫服道似古質行儒
於飾細行似古廉隅士恬素無營似古潛夫棲情山
水似古泉石高流自號古愚不虛也溪揣謬陋難呈
大方抵以不忍滅沒先大父之潛德故掇拾遺行望

名公大人賜之狀銘以垂百世詎惟不肖銘鏤其
自會玄而下實重拜賜無疆矣

文部

十五

先大人好古府君傳

古云知子莫若父則知父亦宜莫若子又云記人之善則父之善人子又何忍忘耶不肖某卽不能知先君顙目孩提至成人二十有三先君乃捐館出入奉侍族尊稟命有年數矣先君之行非敢溢美過實鄉有月旦計族有長老語籍籍在人不容掩護一或掩護謂之子情不謂之子道弗可徵也爰是謹述所知記憶不忘者泣血成篇不遑倫次庶幾立言君子察其衷言無各芥藻俾不肖某異日可見先君子地下

文部

十六

爲無憾耳先君諱某字伯敬號好古從先大父古愚號且意在信述以見志也漆園後裔萃居濠梁南渡古潤徙宅金沙或播或遷不絕如綫譜自邦一公叙起通傳先君之身共十四世邦一公從潤州十築金沙之觀庄村傳至秀九公贅毘陵大名鄉蔣氏因居余宅橋西北橫堰村遂爲毘陵人金沙毘陵分之則兩支合之則一宗南宋嘉泰中有官翰林學士諱必強號遺亭者前秀九公 皇明正德中有官山東叅政諱擇號鶴溪者後秀九公前後皆隔三代爲嫡

孫云釋生四子曰整曰齊曰嚴曰肅齊爲元

雖大叅孫三品閱闕家然蕭索殊甚無論金錢粟米時時乏絕卽書籍器血不給讀且用蓋祖無宦囊止遺清白子姓繁衍莫與代匱固其宜也先大父治諸生業不以貧故少挫其志日督率先君行攻苦績學假館梵宮說書校課先君未嘗不隨以故先君識見明敏醞藉閱深子史百家占口成誦然率不利干有司雖以數奇不偶亦繇厥苦排律推敲提挈綱領潤

文部

七

畧細微長裾廣步之意多而密縫徐徐之思少過庭時語某曰吾嘗就學于馮南津先生一刊卽試一義閱首義曰此宜利場屋胡不售及問神之聽之搭下二章義見其脉絡稍紊曰坐視耳飭某兄弟潛心經旨倉卒應試乃得力至今佩服耿耿于心并廣其訓于兒輩使知科第非易必從精細中得來以先君才而率困拙乃爾政非矯克豪往精研經傳不可迺其見解議論痛快曉徹已雖無成人多借益同學如南昌守陳君冀養及門如銓部郎周君春臺輩皆

之又性不好家居鹽米瑣屑田舍齷齪習弗慣一歲中除大寒暑未嘗不遊眺外方所知交皆名世贈遺先君詩文簡帙今多存笥可覆視也居嘗日手一編玩味不釋釋則時以手畫臺或澆茶水隨意草書故其牋羅今古墨跡亦自不凡每謂吾莊氏遺亭祖後有鶴溪祖金馬清華隼旃鎮重後先輝映遺事可踵鶴溪祖來幾五世矣株守青衿並未脫穎者君子之澤將斬吾兒可不勉旃勤勤懇懇以教子爲務家貧不能獨延師又鄉居不便附學每秋冬之交輒

文部

十六

傳

上畫開歲師友計必擇有嚴憚切磋之益而止拮据鹽糧屢陸陸續供應歲時在家每當課期夙約里中友之能文者與予兄弟會藝未明先起酒庭列几以待囊無子母以粟易漿餼饌之噫良亦苦矣予兄弟兩人皆以弱冠登庠時偕應試南畿必挾與俱佳跂望有成閔閔如農之望歲父之期子恐未有如先君之諄切者天性又極慈卽有不如禮率未嘗以箠楚加遺惜其不及親見予之薦鄉書售南宮也一生好客客至量其道之遠近時之早晚必餉之未有令枵

腹去者其以窮來歸及來自數百里外或留竟月貧卽不能其肉糜蔬食粥飯使其多財原嘗不足道也素喜動輒不節勞佚且多閒思慮卽如極些小事可無煩置計者亦必留神而大者可知晚年因病痰倦游猶慨然以修輯家譜一事自任遍探金沙毘陵長幼昭穆而次第之畧刻不求寧今讀其親筆所製譜序學問淵深書法端楷此庚辰仲秋筆也越明年辛巳孟春而逝矣呼嗚痛哉先君修形三髭性似急而中實慈見人有善如弗克獎掖其于人之過亦不免

文部

十九

傳

摘發殆盡令無以自容要之亦輒近所難也同母兄弟四人從少友爰中年與仲父有間無太故止以仲父城居先君鄉居仲父欲廢棄鄉之世業而先君不從里中豪覲覲之交構其間竟不相能仲父與叔父季父三分皆棄去而先君孤守其一里中豪覲爲席捲之勢而先君忿焉不平訟仲父于官司官司廉知守禮義之家爲祖產鳴不平欲令仲父取贖以息先君忿而銀已費去可若何于是焉公堂之上命仲父拜先君伯兄拜仲父杖里中豪而遣之時仲父伯兄

皆在學校贊成之際衣冠濟楚雍容行禮至今相傳以爲奇事云若仲父亦非有他腸意嘗好華或不爲虛讓不知者多目以傲其知者猶以古人中求之今廷臣第之父也後亦各相悔禍怡怡以終身至今基址全恢季父與予兄弟同居卽胞壤未復荷給鈐賜足矣毘陵世傳莊氏望族不宜有此而元獨以爲觀過知仁亦何必爲先君仲父諱也大抵先君之才長于料事而短于從人先君之德優于視躬而劣于經用故正人相歡邪人亦多訾議儼然濯汗泥之中

文部

三十

而率不得優裕以怡養其天年易簣時如無疾之人分榻數語往之他所絕不以生處爲念歛葬之具皆一年中親自料理臨終唯命吾兄弟力學取科第做好人并善視幼弟起光時年十一至今念其言元不敢薄待也先君于時半餉不語不肖元泣曰大人心地得無少暗耶先君張目曰明甚明甚遂瞑嗟乎先君之視葉塵世如甌莛耳如不肖之不能爲情何哉草土追惟掛一漏萬所望鴻裁棄短錄長庶幾他日文章不朽先君亦不朽斯不肖元之極思也

先母唐孺人傳

唐宗自帝堯以來蕃茂綢天下毘陵爲尤盛元魁奕世禮義相先名宦婚姻必以其類嘗觀其譜牒稽考行事世德昭明內行淳備非獨丈夫好修卽閨門之中厥足稱述確然別于流俗云荆川翁予祖姑歸之先君其內姪少端慧顧愛有加語其親族八兄某妻之是爲先母先母字先君時予家貧窶室如懸磬朝不謀夕外祖家稍饒給有所資助不以私蓄悉出以供舅姑無論盥米薪餼敬奉高堂甘旨且脫簪珥解

文部

三十

解

純綺時佐公家之急每歸寧輒予輒盡娣行教以叔姪多仍不匿諸答曰吾何忍見舉家皇皇困竭而獨自肥爲甚得舅姑心先大母楊曰安得諸媳盡如長唐者已而外祖父相繼卽世無嗣族以爭繼鳴官先母救先君勿以壻故與聞其事外家遂落先外祖母薛惇惇無依先母迎養如姑後先母二年卒于予家予兄弟殯葬如禮承先母志也平生以禮自閒性至溫和平順親族內外卽三尺小兒亦敬禮加之及待予兄弟輩三婦不啻娣姒居嘗未嘗見其疾言遽色

自幼讀孝經學庸口授元兄弟于蒙時雖慈甚其望
子有成與家嚴同慙自晨至夕婉言勸導某兄弟攻
本業時稱述莊唐祖先宦達赫奕以欣動之育某兄
弟輩絕少分甘忍飢受凍百般酸楚有不忍言者元
猶及記侍食于旁每先君勸先母飯不應越數日衆
已飯畢先母猶飯問何故曰今適梁肉有餘痛哉吾
母其素忍枵腹以饋諸兒也念之不覺涕汪汪下矣
先君不喜悶悶獨處時與賢豪往還卒有尊賓來發
酒趣具顧無以應先母輒自力或以敝衫典饋與金

文部

嫂共持之杯案豐整賓大歡而去遠邇數稱莊家素
清何能款客若此其他師友饋饋之需親戚問遺之
禮童僕女使探視之稿無不勉強支吾務求各適人
意嗚呼爲婦難爲貧家婦尤難爲母母爲貧家母尤
瘁先母自少至老身無一刻安閒心無一刻舒放始
事舅姑生養炮炙傾奩不給中相先君養殮裝葛枯
据甚難終字三子離裏屬毛鳴鳩均視不必具論而
先君見背幼弟無知憐愛無已爲計百年憔悴焦勞
甚于初服中乾外瘠年餘不康戊子中秋子從南畿

試回見其忽忽不樂意于此番又未必中而病勢似
不可藥母子相對悲愴久之果不售母益患病日劇
至孟冬八日而亡終天之恨曷其有極設其時元獲
報捷里中羊酒相賀母必開顏風疾或霍然已追思
于邑惟元滔天之罪詎可追也夫

文部

先兄鶴瀾傳

莊氏之族本有鳳陽支有湘潭有潤州有吳淞皆以武功起而金沙毘陵之間獨以文學聞家置縹緲人操觚管吟嘯之聲入戶不息金馬玉堂之祖達而彌芳朱輪皂蓋之宗近而可仰吾大父嘗曰吾家事事弗若人朱甍畫棟連雲映日弗若也疆場綺紛溝塍刻鏤弗若也選蹄逸駕朝歌暮絃弗若也顧人之弗若我者其蘭茅玉荀森森發秀方興未艾者乎意蓋指予兄弟輩也吾兄未冠登庠予與弟廷臣時方總文部

二十四

卣有知識畧見頭角矣先大父俱有厚望焉如吾兄者曳紫紵金綽有餘量而胡終不第且溘焉朝露耶嗚呼痛哉兄諱起蒙字長孺號鶴瀾先大人三子而兄最長兄生而多疾虞其難育出萬死一生中先大人弗誨也卽誨弗嚴也日嬉以娛顧戲弄之間甚慧而文遂命之讀輒津津喜所讀書自以意解多暗合脉理素有大志見祖業零零替發憤曰所不能茹苦攻堅而顯親揚名者非夫也丙子己卯兩試垂翅而回見先大人有憊態懼不及以祿養則又涕泣曰所

不能乘時樹立而遺風木之悲者非夫也日夜砥礪

組修有無窮之思焉家貧書不繼讀油不注燈寃肯午不煙也先大父又不能時分助予兄弟各爲舌耕先以奉甘旨而後以畜內人先大人捐館時家產以教予兄弟廢幾盡存田數畝雖治命分析弗忍聽全以奉老母養幼弟葬祭必求無憾兄主而某贊之後八年而先慈卽世戚與禮滋益虔每恨不得一出身令兩尊人見也癸卯廷臣第舉于鄉郡太尊歐陽公縣中尊宴公送扁至予家兄侍季父晉接交拜羨以文部

三十五

爲華翻然有凌九霄翔千仞之概更振奮飲一脫青衿而後已時年已半百而志不衰猶立程課徒訓子姪不少廢然以少羸弱長病痰畧與先大人等兼以不講攝生少未節齋逾癸卯之兩暮乙巳而兄逝矣嗚呼痛哉無窮之忘斯窮矣兄事親孝待弟友與人信而和長幼親疎無忤意者更得朋友心而自待則斬斬不苟垂死自撰誌詔遺囑二子昭昭不昧亦可以徵其平生之所得矣使其尚存卽不必翱翔廟堂之間擔析圭爵負荷鍾鼎以酬素志見予之奏捷南

官以愍先大人疇昔跂望之殷彼其孝友出于天性
愉快應萬倍詎如世俗骨肉憚岐以相形故不相能
也嗚呼痛哉所著書有四書詩經導彙行世辭有精
微理學宏深有功後學云



文部

大姑貞節傳

世之爲女子者多矣未有如我大姑之艱且苦也凡
女子無不遠父母兄弟此不足恃賴承事者舅姑仰
望者夫子分憂者叔季繼嗣者子姓服役者童僕數
者倘微有善遭足不踰閭閻目不離檐帷可以終其
身逸豫而永無他虞乃我大姑獨無有一焉微第無
有兼受大累翁李養吾里中稱豪俠有朱家郭解風
而獨不寬于內政偏聽繼配周而督過大姑周時時
詬訾不能堪夫子早夭笑箕一身饑寒切膚叔季又

文部

三七

茅靡不卓立無子之依而有女之費童僕更較悍不
爲使元猶及隨先大人輩時往慰存勸其翁與叔善
視之而不仁人固不可爲語益增凌轢大姑堅守栢
舟之節鳴于官懇印批立嗣使不挫以見所天于地
下隸有世僕蔣禎旋歸旋叛今禎肥而大姑室如懸
罄案斷膳養弗給也大都大姑性極溫慈操極凜烈
禮極周詳見極弘遠未三十而孀至于今矢心如一
日毋家雖襲宦清自無所予夫家初亦豪驕遭大不
幸而日落今年已七十有奇伶仃孤苦恐亦不能久

存嗟夫秉節蹈義至死不變偉丈夫難之况閨門弱
質乎如我大姑者直歲寒松栢經日月煉霜雪而勁
挺亭亭足令人欽仰者世有子長孟堅名氏宜在萬
世元才非班馬誼不能終默默敢僭列外傳中以志
不朽且風後人

文部

三六

文部

三九

外父蔣養怡傳

律禮載外父之服比于再從兄弟輕矣顧婚姻人道
之始子姓所自出翁有父之尊婿有子之分亦未嘗
不重也先君與外父莫逆交每相過竟累日後季父
伯兄之與外父亦如之其爲兒可五六齡外父來輒
舞蹈膝前外父令背蒙書卽矢口如流及出對對立
就雖性資所近亦先君先母行住坐卧時時風教所
得外父喜而約婚歸語蔣太公太公素豪舉亦喜委
禽之曰外父有兩女今梅村貢士謝諱萬寶者亦于
是日行禮謝長予二歲爭欲得其長女蔣太公曰毋
預決視聘禮之先後入門者爲差次予家先至且妻
父約婚時非次也已而次者未字而渴外父遣女之
夕夢朝廷來取驚曰吾已許莊生奈何使者曰并汝
婿取去醒時以爲不祥秘之至子肉子初產離幾命
而後語今其或者斤斤守官箴由外邑晉京秩微幸
携荆室偕行未可知耳外父諱天民字子溫號養怡
先宜興和山人高祖徙毘陵大名鄉相傳九侯世裔
族殷繁不乏文武科第外父業儒爲文清近理不

事華贍補博士弟子乙酉猶偕予就試南畿不遂志
 而歸諄諄以教子爲念蔣太公善治生太母佐之內
 外精勤井井辦理房給居田給耕童僕給使令而外
 父歲游業于外師友如唐太常凝庵歸郡守彬菴沈
 刑部湛源皆一時名公家聲日起已而離兩喪毀形
 破產以自厚稍稍就替而壽亦永四十有九而下
 其爲人也慎行寡言守禮好義臨財不苟遇難不辭
 事父母孝待兩兄敬撫弟姪愛與諸友信御廣衆和
 鄉黨目爲善士惜其間于氣數遇歲凶惜不得意致
 文部
 三十
 有小疾弗大謹後竟弗可藥不能翼其子有成而致
 令先緒之僅存如綫也所望規恢祖烈光大父猷一
 新堂構之遺再振舊書之舊名標清史草慰白雲是
 在其後胤也夫

文部目錄	策類	殿試策一道	會試策五道	一人心策	二性習策	三詩禮策	四謚法策	五理財用人策	策目	鄉試策五道	一紀綱策	二修省策	三諷諫策	四人財策	五克己策	論類	大人下之心論	聖王必以其欲從天下之心論
------	----	-------	-------	------	------	------	------	--------	----	-------	------	------	------	------	------	----	--------	--------------

表類

擬

皇長孫生恭遇

聖母

皇太后誕辰

上率廷臣上

徽號禮成頒詔中外群臣賀表 萬曆三十四年

擬

論表目

上詔比直隸諸處本年應解

內帑稅銀以三分充軍餉一分賑饑民

廷臣謝表 萬曆三十七年

殿試策題

皇帝制曰朕惟寅王致治要在知人權在出令然知人之法不過曰黜陟以言明試以功言固不可不辨歟至于出令則或擬之絲綸或喻之渙汗或謂當堅如金石信如四時令固若是重歟唐虞三代之盛言必底績令出惟行邈乎尚已卽漢唐以下之主猶有能綜核名實用致中興詔書一下而驕將悍卒莫不用命者是豈無所操循而能然歟我太祖高皇帝再造寰區

文部

明並日月威如雷霆臣下每有陳奏情僞立決薄海

內外廩廩奉功令惟謹

聖烈神謨炳耀萬世二百餘年之治安恒必由之可得而揚厲其盛歟朕御極初年紀綱振肅德意旁流洋溢之說稀聞奉宣之吏多有亦仰憑

皇祖之餘烈焉邇來人心躁競論訛成風一人而此是彼非一事而此可彼否甲乙互爭薰蕕莫辨公車奏牘不可勝覽蓋議論混淆之弊至今日而極至于吏治邊防士風文體諸關係治化者朕皆三

令五申期于振刷而守令之貪殘封疆之破壞繼
掖之囂陵文章之怪誕皆日甚一日雖有明綸褒
如充耳蓋詔令廢格之弊亦至今日而極茲其故
果安在歟漢人言四患當屏曰偽曰私曰奢曰放
宋人言國家宜勅條貫煩而無信輕而弗稟上失
其威下受其弊以今日之事質之同歟否歟傳不
云乎君臣同心治化乃成今上欲省而下愈煩上
欲行而下愈格安所得同深惟厥咎豈朕之燭斷
未精而率作省成者非其道歟抑臣下矜伎黨伐
慮不在公偷玩習成有難遽挽歟將無所謂同言
而信信在言前同令而行誠在令外上下之間固
自有潛孚默喻而不在乎科條文告之末者歟爾
多士挾策而來目擊時弊諸所爲省議論定權衡
重令尊君必有畫矣其明著于篇朕將採焉

萬曆三十八年三月十五日

殿試策

臣對臣聞帝王之統理天下也必有真心以端
大本而後能使德意潛孚以裕宰治之原必有
真念以弘大用而後能使法令默喻以廣運治
之量本何以大不貽不聞之中具天地萬物之
蘊芒兮忽兮之內藏天下萬世之遠人品未鑑
而知從此起詔令未頒而政從此出者是已用
何以大錯綜變化之根本心思性命之內張弛
閭閻之妙蓄精神心術之微人品洞照而靈源

本部

三

先濬詔令弘敷而倡率惟勸者是已大本端于
真心是治體之所由以涵也而本非易端唯是
操揖于寂靜之初檢察于萌動之始不求循名
責實之效于天下而堂皇之所履念恒示樹標
植軌之趨大用弘于真念是治機之所由以達
也而非易弘唯是握衡于綱維之重詳慎于
節目之微不求奉令承教之風于一時而廟廊
之所規恢自處仰涖順流之象本非專一于內
當其存有發之機而方寸淵涵固已最弘最鉅

用非專一于外當其發有存之真而內性經綸
亦且最精最微自古帝王所以瑩精理道而籌
海宇于片念之中注意隆平而流惠澤于兆姓
之衆下有熙熙皞皞之俗而一道同風議論不
于渾轍上有蕩蕩平平之治而無偏無黨詔令
不至于廢格端必有賴于斯矣欽惟

皇帝陛下

英明天縱躬不世出之資
仁武性成具大有爲之畧

文節

止孝止慈以篤宗祧而和氣克藹于宮闈
盡倫盡制以綏大猷而洪化光昭于海宇

日升月恒之運萬國際雍熙之景而養恬樂利者

合龐眉赤子以皆春

風行雷厲之威九夷當率服之期而享賁賓王者
環辨髮貫胷而俱凜文恬武熙內安外靖唐虞
三代之隆可趾其芳躅漢晉唐宋之敎已洗其
陋轍窮天所覆極地所載無不沐浴玄化歌咏
太平猗歟休哉弗可尚已然猶不自假滿永維

至計開承明之

廷進草茅之士而首詢以知人之要出令之權中
及于吏治邊防士風文體之敎究歸于省議論
定權衡重令尊君之畫臣有以上窺

純衷思治乾惕不遑雖虞門之疇咨周室之訪落弗

勤于此也臣伏處蓬廬志懷葵藿遇昌言之期

正吐赤之日敢不拔瀝以對揚萬一耶臣竊惟

一人之尊與天竝大天之欲平治天下至殷也

而實有代爲之理者俯而昇其責于大君君之

文節

五

欲統理天下匪輕也而實有默爲承者仰而體
其意于昊天故君與天其勢之遼隔邈不相及
而其機之貫徹每常相因惟知天之所以爲天
則知君之所以爲君矣今夫天渾乎其無聲臭
也漠乎其無詔令也然由可見者以求天則四
時之序不爽其候百物之生竝育其所若是乎
爛熳而彰灼矣由不可見者以求天則於穆之
精藏于無朕不已之命妙于幾先又若是乎隱
微而密秘矣人君代天而理物其位天位其邑

天邑其民天民其道天道其德天德其心天心
而可不惟天是法以克稱其爲天子耶粵稽
之書曰天降下民作之君作之師惟曰克助上
帝易曰天下有風姤后以施命誥四方則夫知
人者固君師天下之要務而出令者尤四方之
所稟仰以爲法程者也是故敷奏以言明試以
功則辨言誠知人之法而至于王言擬之絲綸
發號諭之渙汗定保堅于金石徵信比于四時
則又固令慎重若是也唐虞三代之盛爲之臣

者言有任讓不同協乃心力則一當時如禮樂
工虞荒度致養及舟楫鹽梅疏附先後之儔靡
不量能而竭度德而處而具君之布命宣猷亦
靡不本之欽明落哲聲律身度日躋敬勝之衷
皇極教言固自有本所以無不底績之言上
無不惟行之令亦至顯隆懿懌矣若漢宣勵精
綜核而吏稱民安號稱中興唐肅宣布詔書而
驕將悍卒莫不用命斯亦近古以來英詠主也
然名實雖核而刻薄之資終愧純王恢復誠隆

而靈武之命或損至德難與隆古聖帝明王爭
烈矣洪惟我

太祖高皇帝肇造幽夏驅逐胡元創制立法酌古準

今

離晉之明竝日月殫赫之威宵雷霆決情僞于
奏對之中溥功令于遐裔之遠

聖烈神謨萬古無兩用能恢帝王自立之土宇建古
今未有之功勲乾坤闢而再位日月滌而重朗
真示

文辭

十一朝以嗣服之大計倡億萬載以保業之弘摹者
矣嗣我

皇上聿績丕緒之垂光撫理圖之盛擗魁柄于掌握
厘隱憂于萬姓課功實則黜浮議而求成功敷
猷命則先本根而後枝葉三十八年於茲夙夜
孜孜祇勤無斁

靜攝大內而中外機要攬決無遺

恭默宸居而遐邇情形洞析不爽固宜吏治著廉能
之績邊防奏慎固之猷士風淳朴而不澆文體

平正而不詭而以今觀之繁稱鮮實玩今罔上誠有如此

序慮者臣愚以爲守令貪殘者風勵無術也誠使重勅撫按之遺嚴下銓衡之命果有善狀斯具上薦者不誣果有顯惡斯其居殿罰者心服則人皆襲黃卓魯之行而何憂無良吏矣封疆之破壞者整飾無方也誠使特崇總督之權并簡將帥之任窒瑕隙懷柔土之謀樽俎笑談不忘折衝之計則夷皆重譯貢琛之願而何憂有

文部

八

邊警矣青衿之士本以誦法聖賢步趨禮義而器陵日甚何也無亦師儒之教不先父兄之率不謹乎必尊陽城于國學命胡瑗于鄉校而里社家塾之規亦惟孝弟廉節之是重士習何必不彬彬也文章之設本以閭發理趣抒厲性靈而怪誕滋勝何也無亦弔詭之義多售倣倣之風轉熾乎必著定式于經常慎拔雋于科試而六籍正史之外無令炫奇逞華之殺售文章何必不洋洋也此皆治法也而法法者不存

蓋有所爲鼓化誨之樞焉而苟徒借以空文悲多口而飾非者不下于漢之僞增矣又有所率作省成之要焉而如第視爲故事恐聞令而玩忽者亦踵于唐之倖上矣雅是以真心端本以真念弘用而倖信無言之前著誠出令之始以省議論定權衡重令尊君而我

皇上所以遠追古帝王之休嘉近紹我

聖祖之懿美者其道宜不出此而臣更有

獻焉君身者天下之儀的而君心者化理之根源

文部

九

儀的不端根源未淨而欲使言無廢績令出如流尤小臣工竭誠盡慎萬方黎庶嚮嚮式化者未之有也以今

皇上居豐履泰特獎秉謙非不知人在念慎令是圖矣第恐逸欲之萌一動而天人之介易消晏安之謬一投而厄微之幾難辨是必操存于宥密戒謹于毫茫蒞政勅幾康之戒矣而凝神于寂雖注厝未起每若上帝之鑒觀臨民懷馭朽之思矣而合志于潛雖酬接未交亦如神明之有

赫親墳典所以明義理也而反諸本原之內自
惺然見聖賢之脉絡禮者碩所以資啟沃也而
根諸顧問之誠自純然無僉壬之攻誘愛憎無
常則一喜而榮于華袞一怒而辱于斧鉞者其
端不可不慎也正邪雜進則保惜加于骨鯁者
斥及于佞阿者其法不可不嚴也凡天
務克拓之以滿于志而存養皆爲實
所在務遏絕之以期于盡而克治皆爲實益如
是則淵蛭蠅伏之內無非清心寡慾之資

虛湛一之中悉爲端本澄源之計將見一猷念
所發卽爲恩膏一政令所孚卽爲精神而大本
以端大用以弘邇隆之理可幾而奏矣昔宋有
二臣曰朱熹程頤者熹將入對人謂之曰正心
誠意上所厭聞熹曰熹平生所學只此四字如
不以對是負所學欺吾君之罪不敢願爲講
官言于上曰人主一日之間接賢士大夫之時
多親宦官宮妾之時少則可以涵養氣質而薰
陶德性今臣當登對之初敢效熹之意以畢

愚忠而聖

皇上玩味頤之言以澄徹根本造福無疆則天下幸

甚臣愚幸甚臣不識忌諱干冒

宸嚴不勝戰慄隕越之至臣謹對

第一問

國家之命脉關于小民之精神而小民之精神尤懸于人主之意指國無常安無常危人心合則安離則危而心亦無常離無常合予之失所則離予之得所則合大哉人心治亂存亡之幾在焉是故天下有三大患而扼腕籌世變者童之外之不可厭之戎狄而內之不可測之人心是也戎狄鳥舉獸徙蹂躪中國而每伺民之沸騰以爲候人心撫后雷仇倏忽無常而亦乘我之竊發以爲動久鬱

文部

十二

而一逞勢未有不潛潰其國而焚且極壞而不可收嘗觀三代哲王相循其民德澤浸灌而綱紀綢繆於時調化慈而妖醜胥傳至叔季而民心猶戀狐主卒以享有道之長而延過曆之祚秦隋之主草菅而靡爛之猛鷲以傷心驕淫以買怨而亡不旋踵夫三代之所以久長者其心聯也秦隋之所以亟絕者其心失也

今天下蓋泰寧矣東築鯨觀北威鳴鏑西賊授首南孽彙街至赫濯已而海氛未靖不無厯隱憂于白

山木葉之間至微賤小民其何震之與有而有識者顧不彼之是憂而此之是恤何也誠以南箕北斗仰屋興縣磬之悲籍馬賦車臨岐疲征繕之命主上神慮而臨遐裔宜捐繁困之條公輔矢心而佐隆平已盡調劑之術而更欲圖修政之經以造生靈之命而收未渙之心敢陳四事以備採擇夫人心元氣也一人統元氣者也必務疏濬毋壅闕而後可以周微宇內登閣上裡是故臨朝辟穆以親萬姓經筵日講以習萬幾庶通元氣于海隅而今

文部

十三

以靜攝廢矣胡不令跂袞冕而願瞻抱啟沃而思展者一慰其憊倦乎則朝講宜復也退而具疏何如密語之悉也思而陳詞何如卒問之真也果厯民艱詎惟一二大僚宜時時燕見卽下吏編民亦可延問以知疾苦將元氣無處不流而今否隔漸深下交無日何繇叩九閭而訴隱狀乎則召對宜勤也天子巍蒞畿內而萬里之外所以寄遠方之民者唯是責之守若令而統以監司轄以撫按乃今鸞鳳呈祥者或漏薦剡鷹鸇逞鷲者或微顯秩

幾何不以賢奸顛倒其元氣也則循良宜勵也四海爲匣藏何問瓊盈萬室爲倉庫何計箕歛稅礦之設肥貂璫飽市獮而縣官不得十之二三且誰非民之膏血其涸之也誠慮元氣久耗而當補則利實宜塞也此皆政本也而尤有本之本者

主上淵蛸蟻伏之中凝神一慮之頃清心寡欲注存小民洞析治亂存亡之原培養精神命脉之固人心得而國祚永雖億萬斯年與天長久無窮極可也

文部

十五

第二問

學者必默參天人之秘冥窺存發之原乃可以洞悉才情折衷同異定性以端習體賢以證聖還現自性而完本來之量夫性何爲者於義從心從生人之未生混混茫茫若一物不有而上天一元之秘懸以造命而共鑄于洪鑪人之既生隱隱躍躍又若萬物皆備而下民五常之精馮以立身而同植于大冶天不得人則理亦虛而無寄人不承天則器亦委而不神性也者天人合焉者也當其存

文部

十五

策

有發之體卽性卽情當其發有存之用卽情卽性性立于窈然穆然之初微渺而不可窺情露于卒然勃然之頃倏忽而不可執所以發抒靈炯之真運量懿美之脉而可底之績者則才之以也性情才三者皆心體中故物譬之穀種心也其生生者性其生生而不已者情其生生不已而落其實以食萬民者才分之異名而合之一理善則俱善也卽有不善而非其初也夫子言性兼言習卽不津津及才情而才情固已備矣言近兼言遠卽不

津津及善而善固已該矣孟子皆于已發處體
幾微是邇流以窮源私淑子思而有得焉者也子
思直于未發處闡明脉絡是探源以濬流啟秘孟
子而傳心者也若宋儒氣質之論領畧永鎮而羽
翼其真戰國三品之說角立門戶而外謬滋甚然
要以證性于習證近于遠則夫子一言真節國民
秉而不失針芒勘破習情而不差毫髮此諸訓之
微旨而後學之極軌也蓋聖人之道如天日窟月
域無不覆罔也其言如海長江巨浸無不歸徃也

十六

學聖人者奈何不奉爲著蔡而慎習之爲兢兢也
胡越之人生而同聲比長重譯而不得其數何者
習溺之也童子之始孩也手操珠玉而易以瓦礫
未嘗吝弗予也稍知識而珍惜甚于良賈何者習
聞之也學者而欲慎習則孟氏鷄鳴夜氣之說大
有力焉分利善于剝復爭勝之交培好惡于幾希
未始之頃四端初動豫清活活潑潑之源百行未
試力恢浩浩瀚瀚之量欽才以歸情約情以還性
時時渾涵未發氣象此之爲無執亦無化無忘亦

無見人而天矣發而存矣盡性至命之學蔑以加
矣

文郎

十七

第

第三問

學者載藉極博猶考信于六藝乃六藝中惟詩禮之教以溫養清性彪馳英藻擅長應對之林非詩莫辨而要以議論發于精神亦其卓然有以樹不朽詩而合之禮矣以檢束形神周旋矩矱屹立波靡之表非禮莫辨而要以規恢原于性術亦其曠然有以悟本始禮而合之詩矣探玄于合一之旨而挾奧于精深之蘊夫寧惟是諧律比字按囊刺而觸好惡者足慨歌風貢俗之義乎哉又寧唯

文部

十八

是煩節縹緲拘尺幅而限步武者足盡宰制役使之權乎哉咏嘆淫佚有聲之詩也溫厚和平無聲之詩也整齊嚴肅有體之禮也精潔惠和無體之禮也未有詩禮之先吾心已夙具焉不依咏而自吟矣不秩叙而自嚴矣既有詩禮之後吾心尤渾化焉遺依咏而益吟矣忘秩叙而亦嚴矣劉輪堂下者譏桓公所讀之書爲糟粕神不存焉赤水之珠智故索之而不得離朱索之而不得而罔象竟得有意無意之間耳遺其神而迹是徇矧力索而

文部

十九

不知以不索索此竊經者白首而卒不得其要顧也誠有得于吾心之秘則不惟可以筌蹄二籍亦可以詮脚六經試取吾夫子一言蔽詩者宜契而推廣其義見吾心于正因見吾正于詩而罔篇有會風雅皆蘊廬也見吾心于敬因見吾敬于禮而曲禮發蒙千百皆贅龐也大易先天不傳之奧而恍然于乾卦之時則吾心渾備爻象而四聖目前矣尚書帝王心法之要而默領于允執之中則吾心自有精一而危微不淆矣春秋素王筆削之書而超悟于竊取之義則吾心嚴于褒鉞而萬世凜凜矣不則唐人之聲律類于俳優宋室之青函几于商賈詩禮二家猶然况于諸經有不以卜筮小易汲冢賈書擬王罪麟經共詬厲可勝道哉第就詩禮而言則屈子離騷本忠愛而多婉曲董生體驗尊所聞而堪大用于孔氏雅言之旨庶幾近之而後之學者欲破濃淡之關嚴華實之辨不從吾心體會而曰我有以治經術何繇哉

第四問

國家之典未有重于謚法者也天子之權可以賞罰人而賞罰有所不及用史官之權可以是非人而是非有所不及行則以謚法續之濟賞罰之窮而補是非之缺生平之淑慝於是乎定則以核實履于前萬世之芳穢于是乎始則以昭鑒戒于后甚哉謚法之重也體上天彰瘡之微意肖生人好惡之公心雖有孝子慈孫不能逢君父以曖昧雖有仁主詛辟不能恕臣下以偏私公道著明古法

文辭

二十

畫一謚及微賤不必皆巍尊也亦及閭閻不必皆冠紳也制之上而王后君公顯徽稱于爵秩公而不私竊之下而門生故吏尊號于冥修私而附公若漢謚諸帝皆冠以孝原本百行猶爲近古而忠孝骨鯁之臣被以謚醜貞褊之謚取瑜不掩遺直可師至如逆節盜劉之弔周旋媚女主之朝奸回蒙詎于當年主和不齒于恢復若之何竝以美謚蓋其醜也無益祗益之穢耳夫人無全行宜謚無全美必肖而后傳乃傳而示信倘不其然如

子孫念祖父而繪像于廟塗飾雖工形神不類唯是春秋蘋藻之事登對不知何人而惡用是侈美乎哉

聖祖開基首嚴斯典

皇上紹庭肆隆茲詔哀哉太史勒銘鼎彝蒸蒸盛矣然必慎以行其公而嚴以濟其寬夫然後善惡之品分而勸懲之義著慎之法主揚用之未謚者而公道益著今世之蒙嘉謚者勿論已不尚有芳節未褒貞魂未播而抑鬱且伸者乎卽有之不得賢

文辭

二十

子孫良守吏不能借則夫訪遺逸于會議應謚之外搜蒿萊于革除議禮之中正慎以行公之道也嚴之法主于抑用之已謚者而寬途益當今世之碌碌無稱者無論已不亦有聲實太浮褒予過侈而濫觴宜革者乎然蒙錙生前者易益置垢后賢者難追亦必間爲舉刺俾褫魄而懲剪翼而惧而奸膽可寒如嘉靖以來濫謚者搜剔釐改正嚴以濟寬之要也然非

廟堂之上斷然舉行不爲浮議動而請乞勿顧姑息

勿徇孰能奉天道而大無私者乎

文部

幸

第五問

今天下之患安在哉在乎知積而不知所以積夫積從有餘而名亦從不足而形形名不審而欲以治天下無繇矣天下未嘗無財也而財欲其流注如膏液然浸潤于一身而始無壅滯之病此夫以不積積之也天下又未嘗無人也而人欲其會合如精神然凝結于一腔而始無消耗之病此夫以積積之也公私得失之間辨之不可不早辨矣今者括財之途亦甚稠廣矣窮天罄地籠山絡海入利

文部

二十三

之孔靡有漏遺出利之孔閉不復啟宜其有餘而一有徵發司農告匱何也瓊林大盈積諸無用熏腐窟穴漸成漏卮譬之富人擁金玉篋子抱砂磔兩取相當而俱勿以用亦安所分貧富也不善積者固如是耳若善積者則惟寶賢之爲兢兢矣夫士也鱗隱而係蒼赤之望豹變而任天下之重肩鴻樹駿匪伊勿勝排紛決難匪伊勿售卒而求之鳳梧之會不偶驟而進之魚水之歡不投若之何共不積以儲國之用也顧積之爲術有二有能養

在能重夫一年之計樹穀十年之計樹木百年之計樹人懸爵祿以待之披忠信以結之腹心之與乎而手足之相倚緩急所繇可恃也凡皆養之道也士之有坊表猶女之有衿結鬻不輕諾玉不暗投夫先自重也而上不重之有望然去耳必尊士于泰山之高而約已于谿壑之卑國有大謀不難折節而就政有闕失不憚長跽而聽位師保而勿臣隆上客而勿名彼不傾赤而瀝膽非情矣凡皆重之道也養賢以養民重士以重國誼主所以百

文部

二十四

爲而百成萬用而萬當也倘不其然爲積貯計也者若胃有餘之名而反釀不足之實爲積賢計也者既居不足之地而莫收有餘之利此亦一空虛彼亦一空虛嗚呼是立盡之術也

第一問

天下者人主之所操也而操天下有原其維持之也甚具而有法而其根底之也握固而不搖故燦然明備以約耳目束心志使天下明有所嚮往而不敢動而穆然淵微以浸肌膚淪骨髓使天下陰有所孚格而不及知故人主之精神天下之所奔也精神與天下相攝入則結繩可治畫象可理唐虞不必懸居流之章三代亦可錯疆索之政而鈎繩自固關鍵莫開無紀綱而

文部

二十五

亦治乃有有綱紀而亦亂者則精神不貫也夫精神者人主操天下之原也上自公卿之尊下及百司之卑而轉至于閭閻小民之賤地位懸殊而體統不吝聲勢濶絕而血脉常聯夫豈盡法令之所綢繆以至于是亦其本原之地樞紐定而要領得也天下大器也人主有此器者也器久不用而置諸筭篋則扞格而難操難操必思有以寄之寄之而不得其人則煢然愈甚而弊反過于獨操國勢何以有車閑策勒之安無

泛駕摧輶之患人心何以有波恬塵清之慶無
絲棼鼎沸之虞此防微杜漸之幾陰維默挽之
術唯在

廟堂之上瞻矚其最關係法紀者而蚤爲之計夫青
衿之橫是課之而已黎庶之頑是安之而已卒
伍之譁是肅之而已吏胥之猾是懲之而已獨
計大寮衆長輔弼一人而鈞衡四海甲乙不分
則牛李之是非息水火既濟則蜀洛之排擊消
不則下鮮和衷而上亦無泰交

文部

二六

天子惇惇獨立于上而百官汎汎偷處于位何以攬
乾剛而定一尊哉要以小臣不犯自大臣協恭
始而大臣無猜自一人體乾始五子之戒禽荒
棧樸之稱勉勉此洞于理亂隆替之原者也生
誠以爲操得其要則立剛陳紀紛紛更制設法
之事皆其緒餘而無煩覆說矣

第二問

上天有警皆君心之權一人亦有感格天心之
權蓋人皆以祥瑞之錫爲仁愛災異之降爲震
怒而孰知仁愛無窮之意轉寄災異也則警省
神也人皆以遇祥瑞爲可樂遇災異爲可懼而
孰知戒懼不遑之衷轉當天意也則感格妙也
自古聖王曷嘗不以天戒爲兢兢乃洪範之書
春秋之旨一主事應一不主事應漢宋諸儒各
有所宗以分岐徑而要以休咎根于得夫則修

文部

二七

省爲懲範書未嘗不麟經也乖和一馮天數則
人事爲重筆削未嘗不實疇也此合一之論也
皇上紹天圖繹約已省躬上泰清下泰寧宜靡不昭
格而屬者災異見告不一而是乃至
祖陵發祥之地亦且震驚是可深維其故而默消
其變哉人主視天太重則以爲皇穹憐怒必不
可解而聽之冥漠太輕則以爲時寤勢變非人
所召而付之罔聞曾不思反風滅火圭組下吏
不難以精誠叩彼蒼飛霜赤地卑微細氓亦且

以積忱動上帝而況萬乘之主乎其挽回幹旋
可勝原哉生亦不敢僥托識緯家以封雲禪亭
之詭策免賢良之謬齋受天書之幻陳牲薦璧
之文竇璜聽而效瑱規也當知人主顯出一舉
動天卽有陟降厥士之明陰萌一意指天卽有
臨下有赫之照初愆晚益滌瑕之玉可以薦馨
有初鮮終壘敗之器曷繇微饗生竊以

皇上今日善後之策卽在曩時誤始之圖一轉機括
耳試思前之闕郊祀而稀廟祭與後之謹升中

文部

二天

而儼對越者所關天心之欣厭何與也前之罕
臨御而憚講學與後之瞻衮冕而資啟沃者所
係天心之愉拂何事也前之靳批答而逐空署
與後之無畝中而慎銓擇者于天心之予奪何
政何人也前之重稅礦而罷奄寺與後之恤民
脂而革官權者于天心之得失何財何用也呼
吸而聖狂分途俄傾而仇后易轍上天錫羨奪
鑒曾不能以髮此或者有當于洪範春秋之義
而與漢宋君臣牽合附會以長淫而失修救者

萬不類也

文部

元

榮

第三問

忠臣之事君猶親也其視身猶子也故敦庭牖之孝篤膝下之愛豈忍吾親蹈匪彘卽怙侈無今名于卿黨州閭問哉又豈忍逞意氣忘曲諫犯不可磯之戒罔所補于吾親而身受賊恩之誚哉故夫竭懇誠而收底豫人子幾諫之純孝也瀝肝膽而躋威格人臣諷諫之純忠也人主操威福王食之柄握殺生予奪之權喜則景星慶雲怒則伏尸流血宜其撻鱗之疏投鼠之言

文部

三十

集

百不一聞而代不乏直言極諫之士忘身報國之臣者彼其忠實心鬱勃于中而發洩其所欲吐誠不能默然而已也顧吾欲庶幾一言以求成功而不免犯觸忌諱以瀕不測故事勢難爲挺身匡植則見以爲賣重前人建議稍與同規則見以爲借資利期必信害期必詘則見以爲專主鼠首兩端莫能自必則見以爲浮游而不決談及君側齒及尚方則見以爲犯上而無復忌憚裂府還詔折檻殿上則見以爲沽名剖心

文部

三十

集

膽以明直其鼎鑊而不辭則見以爲矯節而行已意故諫臣有三亡焉犯君之所甚不堪者可亡也遇勢之所必不容者可亡也擲身之所不兩存者可亡也亡而有濟于君有補于國已被吾君以不仁不明之累況于君國無濟且補也何苦而以身試戮哉善事君者批卻導窳相機而動情聯魚水契同膠漆君不謂比時紛勢糾倥偬易乖氣定志和入之無間君不謂謬衆方畏避緘口寒蟬吾肩其重明目張膽君不謂激初試不得置之若忘事窮勢極一言立悟君不謂譎故曰大忠無所拂逆至言無所懷展安用死諫之臣招翹于世而糜爛其軀哉卽如屯金城杜儲燬與比廟奏對薦人補牘者亦斤斤附調君之後而以繫于上臣德化之軌風斯下矣我

皇上嚴主也亦明主也嚴則不效之說無所開其喙而明則切中之言有所採其忠誠以孝子之真精神矢心不二而建白乎前吾固知其百言而

百有當萬入而萬不拒也當此時而不能移孝
作忠以傾葵赤而鳴喜起狼以嚴爲解陋矣

第三問

文部

三十二

第四問

聖王之制世常欲使我不窮天下之用而又欲
使天下之用不窮于我有兩藉焉在官人在理
財此兩藉者得之可以奏治平而失之還以基
圯壞其緩急均也主上加意培養則有餘而忘
情滋植則不足其登耗均也公而用之廣其量
而不虞壅私而蓄之隘其途而反虞塞其斟酌
借貸又均也合之有相維相益之勢而分之無
畸出畸窮之患斯所貴于用人理財者矣國之

文部

三十三

有人所以標鴻樹駿扶翼明盛而振起蹇屯國
之有財所以酌盈佐虛不憚征繕而資給乏絕
詎可一不足哉獨怪立國之初選舉考課之法
不行開源節流之道未講而龍驤豹變之士雲
合而策殊勲東征西伐之費輻湊而供不貲逮
數禩之所甄陶治平之所生息而反中外鮮任
事之臣公私窳窳急之困此何故也創業之君
與其臣角才而驅皆有所嘗試擢擢以知其能
故可與共功而末世則耗英雄之氣于約結功

令之煩草昧之時用雖浩繁皆有量數而末世則傾左藏于驕奢淫佚之場與腐餘窟穴之實宜其有餘不足之相反也

明與累洽重熙人財不乏而邇有少謬不然者家宰美銓而希缺負大農持籌而嘆空竭于是有以鄉舉辟召之典久任超遷之法佐銓衡之不逮而不知其近于迂也有以重農抑末益屯錢鈔水利之術奉大農之灌輸而不知其隣于瑣也今有秦越人于此欲已人疾將視其膚革之肥

文部

瘠而稅藥之抑察其脉理之虛實而湯熨之耶國家取士于三途而甄次于資格似也然遷怒有空署之逐謫譴無賜環之期雖有忠言奇謀無由展錯而人安得不窮

國家諸困于太倉而會計于戶部似也然瓊林大盈之積無稽籍而寺人巷伯之守多侵漏雖頭會箕歛祇爲漏卮爲逝波而財又安得不窮然亦其標也在

聖心加之意耳虛心用賢則環堵卓犖之輩有羣鱗

附翼之榮清心寡慾則粟紅貫朽之朝有家術人給之慶此所謂吾不窮天下之用而天下之用不窮于我者也

第四問

文部

第五問 元

學者盡性之功要須先識真己已之幾一物不容故必磨刮得精而後真幾始淨已之量萬物皆備故必克拓得盡而後真量始滿然而其最精最密者即其最弘最鉅者也其極公極大者又即其極私極小者也非私無以見公非小無以昭大夫子告顏子曰克已既而曰爲仁由已夫克而去之已非我有爲而由之已不得損兩言得無刺謬耶蓋人只此一已理欲共藏于一

文部

三六

策

宅天人交戰于兩岐形骸血肉之軀即是神理灌輸之脉情欲接構之頃即是危微剝復之關即克即由我所制勝人不得而代已操即由即克我所從事我不得而屈人下譬之寇伺于垣攻擊力而門戶清病作于內箴砭至而奏理密斯真能由已而克者也乃其功非空虛無着而靡所事事也又非鹵莽滅裂以求一勝也道莫先持敬矣執玉捧盈之念集木臨谷之懷可以裊繕性情而還諸粹白可以提挈民物而措諸

文部

三七

策

得所克已而天下歸仁是渾融合一之境界也既歸亦其安宅也修已而人與百姓舉安是幷幪英麗之光景也既安亦無旁出也其理合一而無岐徑其幾貫徹而無壅闕顏子之無伐無施不遷不貳可謂真能得已即高明如由而於一貫之旨猶隔一塵宜其未解于修已之弘也蓋天之乾健包乎坤敬順之克復兼乎恕施雍雖請事與回同而心量與回異况商之戰勝僅勝其外之紛拏而非勝其內之有我視回益瞠乎後矣之四子者非不俱得聖人之衣鉢而傳無精粗入有深淺深者醉心于帝所之樂而淺者不免爰居之駭也宋儒互相闡明要皆剖其藩而發其覆而老氏墮黜之說似超遠而彌失真申端道德之意宗清淨而流刻核總之認克已之義而差焉者也毫釐千里之辨嚴矣甚哉已之爲害也大舜舍已不待克而自捐顏子克已未能舍而不戀脫迷罔之津筏登覺証之楷梯超易溺之欲阱遊清虛之真界此大聖大賢合

符之券而後學希賢希聖以希天者最宜克已
爲兢兢云

大人不失赤子之心

論曰人心一天也。論人而求之心，論心而求之天，於是乎心與天同體。人亦與天同局，而卓然獨高于天下，人見其高天下也，以爲必有離跂倫類之行，超絕儔伍之知，如此乎其終不可及，而孰知夫靈樞一點，原同大虛，無翳之而自清，無汨之而自純，葆縉得完，卽是克拓得盡，而於元初體段無加也。故外心言人者，不真；外天言心者，無根。至有幾希，惜于旦晷，萌蘖尋于斧斤，盡消亡其未孩之初，而人始藐乎小矣。故

文節

三

論

曰大人不失赤子之心，此知本之論也。而愚又推之于天，夫天渾渾渾漠漠，安測聲聞，安施工力，而覆幬之體入極，在宥運旋之用，萬古一息，何其恢恢乎大哉！要惟無私，覆露無私，照育故能囊括而無外，善貸而不窮。夫天大人亦大，而往往不相肖，似者天無私，而人有私也。獨不思人心之初，一嬰孩乎？嬰孩之初，備純白乎？俄而知誘出焉，情竇入焉，耽溺于世味，而埋鬱其性靈，日長日蝕，日銷還視初心，幾非我有。如地形然，積漸以往，東西易面而不知也，彼其上

獲躋聖人君子之林而次不及廁善人有恒之列職
此故矣抑知人盛一心心盛一真原自無偽不待還
誠亦自無失不假求得彼偽不能誠失不復得者固
懸千里卽去偽存誠懲失莫得者亦隔尋丈夫心也
呼吸危微夢覺剝復克聖罔狂介分蹊路是謂心幾
靈變虛應神明戶牖靜翕動闢造化生身是謂心精
火燃泉達其端幾何腔子能滿四海可保是謂心量
唯大人能研幾致精恢量本無欲何須更祛一欲本
純理何須更覓一理衆庶陷溺于堦閭之阱大人提

文部

四

醒于物欲之場中人僅返于既失之餘大人獨葆乎
不染之始赤子不識不知無思無爲而顓蒙亦藏變
化侗愿亦祕經綸此夫赤子而大人也大人性焉安
焉未雕未琢而位育本自中和治平根于闇淡此夫
大人而赤子也是故其涵養之大至于禮義無非信
果不徇而要其靈室洞徹之心宛然乎且幾希之心
其事業之大至于格君定國正己物正而要其轉旋
燮理之心依然洪濛混沌之心昔者大禹鑿龍門排
伊闕導河濬川功奏平成萬世稱神焉姬公負展朝

天下鵬梟造謗變惑風雷而赤舄几几者自若萬世
稱忠焉孔子于七十二君不用退而與弟子講學杏
墻世世遵其教不廢萬世稱聖焉三聖人宜其有殊
尤絕跡不可躡企之軌而至今默按其傳心之秘如
禹之祗台公之小心及吾夫子誠正之旨不過純純
常常惺惺疊疊于最初良心外不少加毫末此爲大
人而已矣嘗讀易之乾初爲潛上爲亢總之末至有
待已過可虞故雖有龍德利見之美而不出潛藏未
躍之天大人所以暢于四肢發于事業者此其根也

文部

四

必知在天之天而後知人心之天故曰人須自識其
初心

大人不

聖王必以其欲從天下之心

聖王之治善因而其道善合因而不拂合而不分夫是能以欲從人無以人從欲而已心與人心融爲一脉而弘其太公之量于天下夫混茫初剖象貌旋呈意識既開馳溺無已欲之中于人心夫人而皆甚也所從來矣然欲易私而能公以出之是有欲亦歸無欲也心易隔而能推以通之是萬心亦只一心也澄有之累以現無之體凝一之精以適萬之願此真以吾心肖人心以天下還天下恬愉遍而拂戾消神脉

文部

四二

論

渾而隔閼化非聖王善因善合而以天地萬物爲一已其何能與於此夫聖王之欲何欲而天下之心何心也踐箕翼之祚而馮豐豫之基則其權無所不得遂而其欲無所不得致伏堪巖之下而束繩格之中則其勢既不能自神而其心又不能自逞以魏赫之權臨單微之勢以輻奏之欲當孤弱之心其不恣睢民上以自愉快者蓋亦鮮矣而聖王何兢兢焉貶其欲以俯從天下爲也嘗邇生人之初渾渾濛濛希夷何有澹泊自化唯于各得俄而混沌鑿焉知誘萌焉

性命既決情欲日深追嗜逐好誰不如我朝野異處

而同臆尊卑殊位而一慮世主不達天帝其身草菅其民謂是總總者其何足煩吾念而溺身封已一膜之外有如胡越獨不思人共一心乎心共一欲乎廟堂之欲奢閭閻之欲嗇而詎知夫嗇之可以奢均也衆庶之心危主上之心安而詎知夫危之可以安體也聖王見其然故不以一己爲欲而以千萬人公共之心爲欲不令天下人各自爲心而以己欲之可致于天下者從之而厭足其心我欲逸而何忍疲天下

文部

四三

論

故紫垣華屋可御而不忘肅鴻羽蔽野樗以從其膏慶之心我欲富而何忍瘠天下故瓊林大盈可積而不忍貸子母轉溝洫以從其封殖之心天下白茅標梅之好可以貫魚之寵徹也則從心于結褵車牽而母專欲以違其伉儷天下微生怖死之狀可以延壽之觴燭也則從心于輕比緩獄而母恣欲以供其炮烙彙哲樹俊從民望也亦以愜吾奉簡在邇常吉之欲弛關蠲權從民惡亦以肖吾實不貪藏不涸之欲諸凡一切欣羨之形誘慕之象始若見爲欲實寃且

歸于理萌發竅于寸衷似小而流注于寰區乃大其
隱隱躍躍肇畫者真而灌輸者遍調聖人之欲即天
下之心可也其浩浩蕩蕩人被霑濡之澤戶蒙浸潤
之休謂天下之心即聖人之欲可也此豈聖人曲以
欲徇天下而故爲是勞苦耗弊乎哉彼實暗夫我與
天下所析者形骸所均者性命所懸者分位所通者
意指休戚與共而榮悴相關一體原聯絡而二視非
初性取吾之欲而付之天下如日月之必西而水之
必東也善因而非矯拂也取天下之心而遷之我如

文部

出

論

竊謂之不殺而騶虞之不殺也善合而非強分也譬
之理身者耳目視聽手足持行而天君不從則踈盤
之患作矣譬之理家者內外服勤疎戚庇治而家督
不從則鬻紛之孽起矣夫爲天下何以異于爲身與
家也然非心之至明至誠孰幾于此夫自性不徹而
欲鏡照群情自治不粹而欲均一海內其道何繇故
必兼斯二者乃恢大公無我之量而聖王所以同民
心出治道操天下于掌握而人人莫之得所此物此
志也嘗讀易之乾而悟夫一元之秘歛爲性情布爲

美利資始之化品物流行夫人心中亦隱然具一天
體焉故同欲之治與乾行並夫所謂龍德利見而天
下文明者其惟聖王乎

聖王必

擬

皇長孫生恭遇

聖母

皇太后壽誕

上率廷臣祗上

徽號禮成頒

詔中外羣臣

賀表 萬曆三十四年

伏以

文部

器承休嗣續衍無疆之慶

坤儀篤祐報稱隆罔極之恩率封齊祝于呼嵩

丹詔均頒于率土縉紳生色朝野騰輝 臣等誠懼誠

忭稽首頓首上言竊惟天下國家之福莫大于

明聖之繼承仁人孝子之心孰先于尊養之備

至故流虹繞電本支百世長發其祥而視膳問

安億萬斯年載錫之慶慨自秦關鹿走祖龍之

嗣不延馴至漢室簪迎馬上之儀何簡間有勅

涇康而錫帝範身教奚存不無因封禪而上徽

稱靡文徒侈孰有安莞肇兆能熙預卜他日穆

皇之度兼仰

思齊崇

上壽聿申當年雍肅之情

九重上

徽號以隆親百辟躬殊典以鳴盛如

今日者也茲益伏遇

皇帝陛下

茂播玄符

文部

光臨紫極

大化在手弛文與張武咸宜

重寶膺躬裕後偕光前竝懋乃者

燕翼已及于孫謀

情定遂符于公姓三葉而後已知彌熾彌昌萬姓

于今遙想式金式玉况

神孫降生之日值

聖母壽誕之期瑤池漾幼海以揚波太陰炳前星而

爭耀遂動

皇心之愷懌爰率廷弼以修儀綏惟

母后之尊何殊方澤之貴

篤生既同于覆載

顯號宜並于神祇上之

慈輻昭

一人美報之極典頒之中外溥萬方錫類之鴻恩鳳

使捧來曉日丹青動色鍾渾發處凌風金石興

思臣等身襲箕裘心懷杯棬仰

聖明之在宥感切忘身愧朽鈍之無功心慚報國敢

文部

四八

恭

不用慈以撫衆移孝以作忠勉馳驟于清時同

溫飽于暇日伏願

官府一體

終始同心

臨小民如馭朽索匪徒暱習于庭前蘭桂之馨

承大祀如捧盈器奚啻祗事平藩下桑梓之慕庶星

輝海潤世世歌瓜瓞之繁而鳳出圖浮人人遊

華胥之域矣臣等無任瞻

天仰

聖懼忭踴躍之至謹奉

表稱

賀以

聞

文部

四九

擬

上留北直隸諸處本年應解

內帑稅銀以二分克軍餉一分賑饑民

延臣謝表萬曆三十七年

伏以

虞旨鴻宣內外仰豐居之渙輿情雀躍軍民欣解澤之推

曠典肇于非常深衷叩于莫罄歡騰野域喜溢朝

端臣等誠惶誠恐稽首頓首竊惟天子守在四

文部

五十一

夷軍儲爲重明王軫念萬姓民食匪輕自世襲

恬熙而怡燕堂者孰念三軍荷戟之苦卽時當

災稔而忽鴻哀者誰憐萬民拾糲之艱漢制何

奴曾實粟于邊而跳梁益甚宋悲流徙亦繪形

于冊而實政無聞塞草秋風聽胡笳而愁縈腹

隴頭春雨思秉耒而嘆空囊未有

遠念苞桑豫積貔貅之餉

深憂根抵頓消饑饉之虞

九重灑滂灑以弘敷萬方承霑溉而昔被如

今日者也茲蓋伏遇

皇帝陛下

乘六應符

函三立極

威行塞外瓊裘稟正朔之朝

澤浸寰中機杼息芻抽之稅六兵免衽戈影弩之阻

三農遂刈黍鋤柘之安然猶

注意軍興期用命于溫飽

垂情民瘼切由已干饑寒謂夫

文部

五十一

內帑克盈祇增朽蠹侵漁之弊何如

外庭渙發大開汪洋曠蕩之恩於是留畿輔解額

一歲之供克軍民餉賑三分之賜一洗東漢瓊

林大盈之陋轍再振西周散財發粟之芳規俾

十千萬全之師固沐厚貲而輕生以徇國將米

珠桂薪之衆亦蒙異數而瀕危以獲存

育帝王施發之微權適亘古亘今而獨烈

轉天地浸祥之機軸卽一草一木以皆榮臣等生際

昌期躬逢盛典流膏沛澤已目擊春臺壽域之

隆咏德歌仁敢心忘夏蟲井蛙之響伏願

視已惟人

慎終如始

整軍經武厯意外寧之策其道不在邊境而在朝廷

薄賦輕徭留神內治之猷其要惟先本根而後枝葉

庶于戈不試而朝馳役再鞏國祚于金甌且潢池

無警而塵息波恬調世弔于玉燭矣臣等無任瞻

天仰

聖激切屏營之至謹奉

文部

表稱

謝以

聞

啟部目錄

宰執門

候方相公啟考滿入候

翰林門

求撰勅文啟考滿入候

座師門

候大座師啟

候房座師胡啟

請本房胡座師啟

啟目

候荊州四府李啟別應房座師

六部門

候吏部啟考滿入候

候戶部啟考滿入候

候禮部啟考滿入候

候兵部啟考滿入候

候刑部啟考滿入候

候工部啟考滿入候

六科門

候各科啟 考滿入候

都察院門

賀應天府徐撫臺考滿啟

賀撫臺壽啟

十三道門

謝鄭按院薦啟

候各道啟 考滿入候

賀鹽院楊壽

兩司門

啟目

送兩司齋捧啟

候兩司齋捧回啟

迎金衢兵道堵啟

賀台紹兵道千啟

賀王學道啟

候浙中各道啟

各府門

迎候新金華楊太府啟

回温州戴太府啟

賀杭州孫四府考滿啟

謝湖州李四府查盤啟

請查盤四府啟

各縣門

答仁和縣喬年兄啟

答鄞縣江年兄啟

賀新任義烏同僚李啟

與湖廣斬水令杜年兄啟

文際門通用

啟目

考滿通候京大僚啟

考滿通即署等啟

候院省舊公祖啟

謝薦通用啟

賀呂蘭谷生子啟

與湖廣朱陵年兄啟

啓部

晉陵莊起元中孺著

方相公啟 考滿入候

伏以

三台燦爛夙瞻拱北之光

一脉淵源敢借圖南之潤遙瞻

雲日遠奏鱗鴻恭惟

相公閣下

啓部

河嶽清標

渭莘偉望

夢卜夙符

帝賚

翼爲弘代

天工

持畫一於議論紛紜之時如捲狂瀾而歸大海

主登庸於人材淹滯之日似遷幽谷而擎太陽仰

承

一人恭默之臨尤虞叢挫

俯念四表災祲之告更切調停人謂

位冠百僚袞冕表尊嚴之度某知

身依

九陛樞衡厯飢溺之懷某吳儒一介浙吏三昧揣

衣鉢之親承無忘根本望

恭履之雍暇尤篤瞻依媿無千室百乘之才敢蘄

奏最于上上幸有

九棘三槐之主庶幾微寵於平平伏願

啓部

調鹽梅濟舟楫

相

聖明於三五之隆遊麒麟阿鳳凰

弼治安於千億之遠

求翰林撰勅啟

考滿入候

伏以

玉堂華峻依

麟鳳而成泰交之歡

黃閣森嚴代

絲綸而懋晉錫之典仰藉

衮言之重雲漢爲昭俯懸拜命之輕涓塵莫罄竊

惟天上文昌之府纒映紫薇人間翰苑之區地

聯華蓋倚腹心而參機密司侯舌而廣傳宣妙

啟部

三

選詞林吞吐極才人之致擢居禁院頡頏美儒

者之宗晨趨玉筍之班充朝生色夕草金蓮之

詔下里增榮恭惟

台臺

真心真品

大德大儒

性情常遊羲皇以前

人物不在秦漢而下

中秘書讀盡豈曰腹笥行致吾

皇舜禹湯文之隆四方奏摺來寧云架閣行澤此民

虞夏商周之盛固以朝夕論思薄海內外陰受

無疆之福抑亦典謨潤色職官大小顯承有斐

之文念某吳海拘生越江下吏兩試操刀之邑

幸手刃之無傷三過製錦之期媿線襪之何補

私揣庸材之碌碌難希

天語之煌煌祇以水蘂堅操持冊可對於四壁或者

球圖重命焚黃應逮於九泉謹叩

鐘呂之洪音百世傳宗祊而不朽爰酬風水之深

啟部

四

慕千秋勒父象以常新

候大座師啓

伏以

紫禁絲綸倚

三台而協理青郊花木偕萬象以同春感切銘心
情深拜手恭惟

師臺

天上文星

人間瑞寶

玉堂視草筆鋒裁雲漢之章

啓部

五

棘院抽材燭影映奎婁之色

清標別歷于中外

倬望鄭重于士民

蓬島聯班坐對花磚移麗日

沙堤待拜行看芝蓋啓封雲念某一介書生十室

簿吏春風披拂憶利見于

龍門冬日睽違悵跂光于

鳳閣自分生三之誼莫伸如一之忱茲者陰管飛

塵陽鳥走陸煖谷回塞于剝極枯枝發苗于亨

初每念

公門桃李之恩愧乏藥籠參苓之用所冀

萬間大厦弘覆卑棲

千頃汪波兼容行潦仰沾

鴻雁俯竭隹私

啓部

六

候房座師啓

伏以

運際離明幸附風雲之會恩叨晉錫欣依

日月之光仰跂

龍門俯深鰲戴恭惟

師臺

中朝上柱

寰海嘉禎

宿燦文昌鳩鵲映五雲之色

啓部

道崇典禮鳳凰翔千仞之儀

傳往聖之心燈迷塗頓豁

握後賢之文印謬輟重繩何處得

毆陽品重關河百二人皆知

司馬門妝桃李三千某南華遺東海微資淪落多

年爨桐幾于絕響遭逢此日三鵲鳥修資初鳴祇

慮質遜于羔羊堪民社之寄猶恐文慚言僣莫

據爰使之猷伏願

弘加吹萬之恩大沐生三之澤

陶鎔瓦礫或增價于兼金

洗拂駑駘庶追風于遠道謹盼

朝端而抒悵懇

鑒鄙邑而原忱

啓部

八

請本房胡座師啓

伏以

桃李芳榮托

門牆而吹植藻芹敬潔徽筵凡以

貢臨

化雨幸灑于域中

和風擬親于席上何勝雀躍聊志燕私恭惟

師臺

三秦文宿

啟部

九

四海德星

際五百風雲龍虎之期

主三千禮樂文章之運追萬言策陳

鳳闕而百里命寄鶴城

汾邑甘棠遺愛灑于去後

省垣薇樹精忠貫于直前頃當

國是紛紜之秋儼係

朝端凝重之望

憂深諫草充朝服格

主之真

識洞詞源合院欽拔才之實聲高紫禁

九重袞闕借匡襄秩蒲黃門

萬乘樛將資翼贊爰取修家之嚴肅謹作效庭之威

儀陳俎豆先諸生齊魯之間治性情致吾

若堯舜之上某等分屬在三恩同罔二質非騏驎幸

洗濯以登途材讓梗楠荷簡掄而充用聞沒既

依于

日月土培擬薄于

啟部

十

丘山謹達寸丹爰申尺素值茲和日薦引薰風好

鳥枝頭聲助管絃未備嬌紅樹底彩添雀篋虛

將忠信賴用簋以成孚

尊嚴聽由庚而致豫望塵鵲煥兢惕凜于重淵

駐節鳳儀焜燿生于四壁

侯原任湖廣荊州節推李諱九官男應德房座

伏以

北斗高懸一道清光搖碧漢東隅早伏幾迴餘夢

入

璵天恩飄桂而借

仙風鳩雛喜隨

鵬路倩傳梅而看蟾月雁足欣繫

龍門恭惟

台臺

啟部

泰岱孕奇

渤溟毓秀

淵源河上公之玄麻著道德而垂古今

發揮柱下史之微言妙文章而輝宇宙

欽承

帝簡作士師于江漢之名邦

馳驟

皇華拔俊髦于根本之重地緬惟士習之日下兼以
文體之風靡應舉競剪綵之華而課實則鮮出

身邀炫玉之譽而程效則踈自非師且之持

衡不以文藝先器識必有歐陽之秉鑑斯以真

實易輕浮惟

明公抱天地日月之三無而不弘薪樞之典乃多

士藉覆載照臨之萬有而咸呈伎倆之能網設

三驅沼鳳郊麟齊入殼價增十倍隨珠下玉盡

陳階伏念某祖武勉繩敢云詒穀小兒某父書

雖讀豈日能賢甫當弱冠之年寧妄希乎脫白

竟荷拔茅之利幸濫廁于黜朱眉指壬秋驚心

啟部

甲序三荊荏苒每念

門牆桃李之深恩一念躊躇聊貢淵沚藻芹之菲

敬伏願

珍不貲之軀手錦里移孝而作之忠

隨上方之隊于

承明去家而爲乎

國將顯揚懿燦之休

上台既大豐美而沐浴浸灌之澤下里亦荷波及
矣

吏部啟 考滿入候

伏以

一氣陶甄造化握機衡之內萬情翕聚瞻依歸

十極之間望

日近於長安難隨義馭披

風清於下邑恍奏舜絃粵惟吏部夙號天曹符上

應於文昌秩遠高於庶府冰壺清徹雙眸分涇

渭之流霜筆森嚴一字懸袞斧之斷斯亦重矣

誰與任之恭惟

啟部

十三

台臺

植操孤高

懷材瑰璋

守能良止如高山大岳作天柱而不撓

量以異容似巨海長江納地靈而不竭頃者世運

浮靡士心躁競黨分南北奚止蜀洛之末流議

起雌黃孰秉山裴之遠鑑唯

君侯抱三無私之忠蓋堪表人倫迺

聖上推一有德之簡葵俾司銓叙譬之大匠成巨室

雖離奇輪囷俱收剡削之功國工識神駒將駘

良駿駢盡素洗拂之效念某曾蒙

吟咏之知未有涓涯之報浦蘭兩地懼招曹詩維

鵠之訊燕越一天思徼周頌振鷺之譽因臭味

上同

蘭芷乃衷懷下奏菲葑瘠曠三朞敢妄希於還職

沾濡一命擬拜

賜於逮親俯竭烏私遙將雁繫唯

垂青於綵閣之遠庶鑒素於絃邑之早

啟部

十四

戶部啟考滿入俸

伏以

國計盈虛借全籌于會計之當民生休戚憑獨造于休息之弘矧茲庶宰之考成尤是

上公之掌握匪敢繁稱而炫實祇緣述職以修文竊惟天府崇階地官重秩六卿尊民部轉輸泉貨而血脉攸關三輔壯神京供給餽牽而根本實繫雖有

堂司之分設亦同首足之合聯惟抱禹稷之深憂

啟部

十五

萬邦之協和斯奏倘懷桑孔之淺術四海之虛耗可虞自頻年災稔相仍而諸省稅征未歇嗟東南之民力既已竭矣悵西北之時事正爾紛然幸得

偉人恰當重任恭惟

台臺

冰壺映清冷之淵一塵不染

葭管噓溫和之谷萬象俱融造多黍多稌之慶於農祥還不映不溢之休於

國瑞當此公私交困之頃每有上下兼濟之方昔

魏舒儉德寧不營居宅以鳩流離而劉晏精思亦厚敷腹值以利久遠懿懌已昭于在昔徵美復見于今茲某思爲學不廢治生平政亦先足國初任浦邑清稅額而蠹吏消侵蝕之謀繼調蘭谿分糧收而豪家爭樂輸之便似此三荅之內敢云一線之功唯是稼政之已修庶幾謫譴之興免所願

鵬風萬里吹噓達及于陳人

啟部

去

龍雨九天潤澤廣沾于鄙邑

禮部啟 考請入候

伏以

秩表寅清弼

一人垂拱之化

望高雍肅係四方作式之思仰瞻

天上鉅公遙傍文昌之府俯念日邊下吏敢云列

宿之符祗緣奏績於三荇遂爾颺言于

九棘粵稽周禮爰考漢儀宗伯之分最尊奉常之

司實重三綱五典厚倫序而明則葵六德九經

啟部

十七

正人心而淳風俗麒麟閣宣傳綸綍巍焉禮樂

宗工鳳凰池藻鑑奎婁偉矣文章司命慨自議

論紛紜而莫決遂使波濤靡蕩而忘歸認糟粕

爲真詮孰窺淵源于太乙疑綿最爲至禮誰砥

柱石于中流恭惟

六白臺

胸涇先覺

步絕後塵

爰象本于性安原包四聖之秘

規矩成于問學何假二戴之傳

道爲當代儒者宗如北斗泰山倚青霄而立極

言爲後世述者法似滄江渤海巨黃壤以長流念

其食采披章志敢類于溫飽分民割社心勉學

夫中和懷仁義以事君親絕不媿秩宗之訓竭

忠孝而爲臣子庶可摹常伯之規祇恐兩地之

曠疎或致一禡之莫贖伏願

主持世教俾遐陬僻壤俱入昇平

陶冶人倫使淺學小才盡歸樂育

啟部

十八

兵部啟考滿入候

伏以

六師統命邊庭彪綏靖之勲千里颺言鄙邑拜
生成之賜望

朱旗而稽角奏白簡以捫心媿三載之考成慚一
籌之莫展粵惟雅歌祈父實重爪牙書詰兵戎
尤嚴鎖鑰有文事必兼武備宜聖以却萊夷因
外寧每思內憂文子用襄晉祚矧當國家多事
之日正是臣子急難之秋北虜南倭每報鴟張

啟部

九

台臺

智慮深微

丰裁凝肅

馳張妙用奠宗社泰山盤石之安

奇正微權聳邊鄙鋒鏑烟塵之恐

朝廷陰受不戰屈人之福夷狄默懷重譯來王之
思佇看紀烈于旂常還且貽庥于銅墨其分符

巖邑應知周賦之三單仰庇

白階願固秦關之百二屬有稽勾之責敢罹深曠
之愆緣報政干及爪仰微

思于采葑伏願

勲名遐播戢五兵以又門郊
德化永孚陶萬衆而延百禩

啟部

刑部啟 考滿入候

伏以

刑期無刑體

上帝好生之意

德乃不德引下民時予之臬仰

造福之無疆知感恩之不淺爰當報政遂爾陳情

粵惟明刑弼教制自虔章慎獄詳條紹增穆典

陰慘剝陽舒之氣秋殘輔春長之機領司冠之

崇階實關民命躋秋官之重地爰係官常必平

啟部

三十一

反微棘林之冤斯輕重垂嘉石之譽恭惟

台臺

覆載胸襟

裁洋氣象

肖麒麟之不殺弘宣祝網之仁

比鸞鳳之多祥廣布泣車之澤

洞雀角鼠牙之僞態奸宄銷魂

捐刻木盡地之深文善長保種維

斗之比於皇欽恤之休聲踪浙以東有赫寬和之

令聞其夙曾擁筆長願執鞭忝百室之封疆
敢輕爲獻決票三尺之律令每思重自躊躇今
之書冊策者若而人叢之矢白日者匪有我伏
願

思惟天際開八議于鄭國之刑書
澤沛日邊寬大條于唐家之祭典

啟

三十二

工部啟 考滿入候

伏以

紫綸煥發鳳池瑞鵲動金泥

玄武升華雉署恩光浮粉壁

清秩高懸于北斗下情遠跂于

中台敢奏烏私遙沾

鴻庇粵惟司空職專邦土虞谷大禹八載奏天地

之平成魯任尼宣三月見男女之辨治程百工

而均物力飭五器而察苦窳從來土木艱難矧

啓部

于

值災氛層累

朝廷之大工未就尚費經營閭左之小豎何期誰

停飛輓似此中外之多事幸焉

社稷之有人恭惟

台臺

大造生心

化工在手

文章妙天下千金隻字可懸咸陽之國門

咳唾落人間九鼎一言堪定汝南之品第黜虎譽

而哀實績

帝載其熙勞吾身以逸爾民于工汝作聿矯偷惰之

習式以勤渠頓革淫靡之風示之儉朴此乃

明公分內之事卽是庶姓格外之恩某雉堞遠棲

鳩工遐奏散木無當于琢削

洪裁願藉于斧斤三載考成靡有涓埃之足錄

九天覆載願漸海岳之兼容

啓部

于

各科啟考滿入候

伏以

宸居密邇臣將昭輔德之忠

省掖清華調劑協和衷之美望

五雲而披文彩施三載而鼓

輓陶靡有深言祇勒

遠鑒恭惟

台臺

瑞麟昂箕

敬啟

英鍾河岳

夙挾天人之策乘龍虎而登庸

今乎朝野之情信金石而展錯

翔翔青瑣抗論有補天浴日之功

修削皂囊衷心多拯溺救焚之澤世方黨同而伐

異漢唐宋末流攻擊之禍可虞

公獨持正以消邪夏商周初服寅亮之風足表夫

豈有意于調停而

國家陰受和平之福抑亦無心于波及而民社默

流霜既之思念景庸庸多拙碌碌無奇兩邑鳴

琴何當洋我雅奏三年製錦慚無線襪微功慮

詒鵲服之議三禩不免敢與

龍章之譽再世蒙庥祇以草木雖微倉扁嚙味而資

續命牛馬誠賤卑樂量方而借引途倘曰此

兩京八省冠蓋之衝也劬勞甚矣卽令非三異

十奇循卓之政與

寵錫加焉將

庶庇無疆並天淵而浩廣結卬莫罄隨烏兔以悠

啓部

長

壬六

賀徐撫臺考滿啓

伏以

三載千襄茂著獲龍之績

九重簡在弘宣鸞鳳之章澤沛宗郊情懸

相府恭惟

台臺

岐豐氣脉

洙泗心源

身係安危唐代郭裴並譽

啓

三七

世師文武宋家韓范齊名

撫東南半壁之天家含哺而人鼓腹

奠離異全羸之策軍超距而士弦歌頃常施澤之

有年忽爾荷

恩于此日

朝推異政上駟仁麟瑞干

楓庭

帝眷殊猷下

鳳詔龍綸于槐院榮追

祖考映千秋懷楠以彪光寵貴子孫通百世雲仍

而振彩某躬瞻

盛美莫罄綸揚念附尾

千里之駒班爲年子更叨庇

萬間之厦屬在治民履后土而戴皇天不識乾坤

之大窮尾間而迴星宿寧忘河海之深揣主敬

之無文一詞莫贊

上德之不外百谷廣涵

啓

二十八

賀高撫臺壽啓

伏以

東岱儲精淑氣萃

三台而有象

西池獻頌懽聲騰萬戶以無疆况當桃李之方華

榮躋壽域正是樛櫨之有幸喜園春臺恭惟

台臺

轉旋望重

補浴功弘

啟部

三九

文武表十一郡之師模

風雲應五百年之際會

帝賚良弼撐半壁于東南

天生鉅公佐全籌于西北時維二月序屬仲春

堯階奠焚重新

于府蓬弧初射

麒麟種來天上杵光與煙景同輝

熊羆夢兆人間瑞色偕名花並麗

朝廷倚爲元氣初歲服官而已然

宗社藉以靈長歷年施澤而不可竊念某鷦棲東

土鵠仰

南星分隔雲泥敢借長繩而繫日恩同

覆載聊將短句以趨風伏願

台山永峙擎柱千秋

箕範恒全首膺五福十洲三島每見安期之往來

九夷八蠻常詢

君實之安否

無私雨露吳山越水悉霑濡

啟部

三十

有鄆陽春赤縣神州皆化育

謝鄭按院揭薦啓

伏以

太極無形化陰陽而陶萬象群生有幸承

覆載而統一元覺感恩之猶輕洵

知己之特重可勝齎戴祗秦蛩吟恭惟

師臺

氣備四時

望高五岳

雄文名世詞源傾賢聖之儲

啟部

三十二

正色立朝額宇挺英豪之概海內欽

真御史之號朝端倚

聖天子之知簡自

九重臨茲兩浙行行驄馬清風幾陣拂吳山八八繡

裳甘雨敷車連越海栢影動桓臺之烈景陰留

召隴之恩兼以

朗識辨連城荆壁趙珍來席上

弘襟容祝網郊麟沼鳳入懷中何意凡流亦叨異

敷某青衿久滯羣綬初膺愧化瑟之未調思治

繩之莫解矧邑居偏鄙末由借譽于輿連且俸

僅半菽何自見稱于叔向非上駟而與天閑之

選豈名材而當巨室之求雖天道無心固斟酌

之不盡而陽春有腳實沐浴以難忘敢不益勵

初修虔圖後節兢兢三尺寧希旂常竹帛之將

書凜凜一生永矢

后土皇天之可對所冀

東南半壁屬當整頓之餘

西北全籌可少主持之力時不遑于家食勢已逼

啟部

三十二

于

朝班

雲從龍而上九霄在在盡沾霖雨

風翼鳳而翔千仞人人快覩羽儀

各道啟 考滿入候

伏以

楓宸風議聿司國是之平

栢府翺翔爰著人綱之準披

清風於千里恍侍同堂望明月之一輪疑親異壤

遙盼

鳳苞之九彩敢將雁帛之十行恭惟

台臺

淵神明徹

啓部

斗望孤高

擊海三千甲第占春秋之錦色

吞雲八九疏章吐日月之晶光際茲

恭默之臨每有昌言之奏意不斬于立異瀛瀛霜以

尊

朝廷詞無取于尚同調薰絃而持世界仰借

歷山同人之量俯厯

昌黎知己之恩念恭托跡

龍門繫袍鵲邑念

蘇天之覆曷悵禹地之聯違兩任三赫罪曾莫贖

寸能尺效考課何長自非

推挽于雲霄孰與脫離于泥露鈍文朽甲與淬礪

爲先鋒弱草細萌思吹噓爲勁幹一朝而升七

士

明公之汲引何隆千戴而荷三生鄙人之知遇不

淺

啓部

三志

賀鹽院楊壽誕啓

伏以

三楚望隆河岳鍾孕祥之會

九重眷篤甫申應夢養之期光騰

電繞虹流慶協

麟遊鳳集恭惟

台臺

德完四氣

才擅千秋

啓部

臺

燦奎壁之文星世仰陽春白雪

傳洙泗之心印人欲比斗泰山

忠鯁素簡

宸衷

恩綸借清聲政陋系孔之末計絕彼秋毫陳堯舜之

許謨弘茲甘澍

花驄按處乾坤雨露淋漓

繡豸行來吳越山川搖動維此小春之月正遇

大庾之展霜紅點景于

皇華彷彿蓬萊佳氣砂赤携丹于

仙府依稀瑤島清風念其分屬下僚緣叨年子幸

親

冬日煥麻奚啻九天喜近

春臺蔭庇何殊萬厦瞻仰

觀風之節爰勒牛馬之使以趨踰懇懇向日之誠

敢效燕雀之群而抃舞

送兩司賡捧啓

伏以

萬壽無疆幾處冠裳朝

碧漢四方來賀數行章奏捧丹心仰

北極以馳驅登仙何異盼

中台而抃舞浴佛堪同恭惟

台臺

二京詞賦夙擅班張

兩浙干城今推韓范

啟部

撫茲禹地頻年息滄海之波

三七

拱彼

堯天穀旦上岡陵之頌序維子歲氣屬酉秋適丁

萬曆四紀之元正值

一人五旬之誕流虹繞電

聖天子濬發長祥輯瑞秉圭衆諸侯齊呼永祚同軌

雖畢至于桂月殊方爰整駕于槐天自非膺

帝簡于九重孰與覲

君門于萬里

藩宣推穀翺翔

皇路任賢勞

幾旬停輪踟躕

天顏親咫尺某儒風吳會方愧靡靡吏俗浙郊更慚

落落賴

蓋容之寥濶俾瑕垢之匿藏頃瞻

拜表以勤趨

嵩呼稽角爰敢望塵而勸駕竿奏颺言謹賦周雅九

如之章還擬唐代千秋之鑑

啟部

臯瓊稷契一堂之都俞意在

二六

公茲行矣甸男采衛百同之膺庇能無予日望之

候兩司齋捧回啓

伏以

天子萬年歌采菽而大會

岳侯肆觀辭湛露以言歸遙瞻

祭戟之重臨頻慰

藩維之厚望恭惟

台臺

四嶽鍾祥

河流潤

啟部

三无

春秋總第杏林桂苑早題名

南北雄才文德武功齊入彀

糾紛在握何難錯節盤根

旋轉持衡堪作迴瀾砥柱頃常

一人繞電流虹之延止是

四方秉圭輯瑞之期爰借

賢勞五色雲中班主荀齊呼

聖壽

九重天上獻霞觴

錫內膳而染

御香新擁蓬萊佳氣

撫棠郊而還被署舊開闔閭清風

裴郭威名久推轂于西北

富韓聞望復駐節于東南念其雋棲一曲

鴻庇九天望

屬車之後塵喜傍兒童迎竹馬願負弩以先導欣

隨父老獻壺漿奈勢隔雲泥跂

宮牆數仞不得門而入然情懸

啟部

甲

山斗離

昊天尺五猶擬階而升謹瀝膽以寫卑懷爰拜使

而噴

高聽伏冀

攬轡

皇華之路寄耳目于四野而海甸澄清

珍重

帝簡之躬作股肱于

中朝而蒼黔提福

迎金衢堵道尊啓

伏以

端肅平衡

龍篆補掄才之化

澄清攬轡

文章弘賦

命之猷遙拜屬車之後塵敢將僕夫之先告恭惟

臺下

神周八極

敬部

氣備四時

理學淵微與潛翔而進趣

猷爲博大階補浴以齊勲昔年恭最花封

清舉鶴琴隨兩地此日

望高蘭省名流桃李值千畦素塵

聖天子之心知新膺

大冢卿之首薦

東浙建牙之寄彈壁匪輕

留都秉銓之司威名實重何者是堪鎖鑰舍

四十一

公誰格韜鈴驚

紫禁之頒綸白叟黃童來恐暮盼

黃扉之命駕青山綠水早生春其意實伊蓼承

蔭維桑誦法

瑤編久矣私淑

尼山之範瞻依

玉宇今焉公叅

涑水之門伏願

露冕過臨仁澤灑異離之野

敬部

星軺風駕德輝婦女之墟敬披魚素以旌心恭何

龍門而稽首

四十二

賀台紹兵道按使于振芳啓

伏以

南國祥麟四表播風清之頌

東藩威鳳千郊凜霜肅之聲來蘇延頸于小民

作式折心于末吏恭惟

台臺

世修陰德

代復公侯

文章擅海內之雄

啟部

四十三

事業著寰中之望

宦途別歷一生清白話三釜

皇路馳驅千里賢勞歌四牡頃懸懸于愛日蠖伏

幾年比推重于望雲

龍伸此際方拜

九重之表旋臨兩浙之間一水安流舟發望洋頌德

千山輦鎮車來隨雨沾恩念某舊托維桑新承

御

李燕雀猶知賀屢鷦鷯豈敢寧枝柰義不可以出

疆然情實潑于入室爰陳尺一敢告僕夫幸在

冠公之北門依安鎖鑰更屬

秋相之左盼味備參苓仰借

鴻庇可勝鵠侯

啟部

四十四

賀王學憲啓自扶府聖

伏以

召伯甘棠正茂民飫仁風

宣父木鐸方新士盈化雨欣斯文之還泰慕大道

之用亨新煥生榮藻并動色恭惟

臺下

振古真儒

方今名世

淵溪學問吞吐江淮河漢之源

啟部

四十五

龜重聲名問時華恒欲嶽之秀

擅五百年之作用

總十一郡之生成

臂並龔黃露冕切瞻依之慕

心追周孔雲帷爭小大之從

帝曉浙藩號多才藪

朝推公望俾主文衡越水東西龍種魚群欲化吳

山左右鳳毛麟角呈梓肆振虞夏之規依五常

而設教一洗漢唐之陋尊六籍以敷文恭揣惟

下品幸接

上台

大治無心均在陶鎔之內

陽春有脚不遺煥煦之中走一介以布忱仰

二天而在宥情塵向陽花木意同近水樓臺佇看

禮樂三千揚徽

北闕會見鵬鵬九萬徙翮南溟

啟部

四十六

侯浙中各道啓

伏以

絃維總領

三台會千里之精神

補浴分沾一命荷

二天之在宥謹擬丹而上達冀

垂青以下原恭惟

台臺

張弛文武

啓部

舒卷陰陽

學問滋微脫糟粕煨燼之陳迹

性情簡淡絕芬華瑰麗之浮形夙荷

九重之知注安危于柱石今係四方之仰借威惠于

干城惟此浙左之咽喉實護

神京之命脉洵彈壓之甚重知控馭之不輕自非

范相胸中之甲兵莫銷燧燧必有

寇公閫外之鎖鑰斯慰雲霓何幸

覆載之無私如天如地不啻

鞠育之孔邇恩斯勒斯卧赤子衽席之安閭巷影

鉤桑柘弼有造薪樞之盛膠庠聲徹弦歌佇若

待拜于金甌暫爾樹標于銅柱念某三吳韋帶

之儒兩浙斗升之吏仰

龍先之在望欲入官墻嗟鬼守之徒糜難離湫隘

情傳梅于一介虔潔藻于三薰伏願

海天弘度

山澤虛懷

賜之顧盼之隆下乘追霜蹄而歷塊

啓部

假以扶搖之使敝羽搏羊角以凌雲

迎候新金華楊太府尊啓

伏以

鳳闕啣恩一路福星搖斗漢

麟郊待澤萬家時雨望雲霓歡聲騰八婺之垓喜

色動三春之野恭惟

台臺

高總天紘

厚持地軸

關西世蹟夙傳冰玉同清

啟部

四九

冀北新猷懋著鼎鍾並重

帝念股肱之郡

朝推心腹之臣

王詔初頒金華有慶去天尺五歲寒深挾續之思馳

驛幾千春早切遲禱之慕凡在

覆載之下盡拭目千寮帷况屬瞻依之初尤注心

于露冕兼駿奔下僚陞伏鄙邑割雞慮傷其手

製錦莫匠乎心竊祿半養有奇課功一長無效

所幸

九天雨露灑此遐陬

萬頃波濤納茲微潦檣櫓携桃李之徑漫渤入參

苓之籠將陶鑄之有時底吹植之不遠伏願

程兼星駕馬蹄踏芳草之春

郡蒞雲屏燕語賀名花之景情耽

五馬千勒一鴻

啟部

五十一

回温州府戴太尊啓

伏以咫尺

雲霄每切登龍之想捧持

珠玉彌深繫鴈之思仰

天二之可依慚生三之莫報恭惟

台臺

徵脉鐘祥

星文發藻

應期五百從氣類于風雲

敬部

李一

主教三千轉陶淑于禮樂民謹遲廉范甘棠沐佑
恃之恩

朝議最龔黃溫樹近股肱之寵茂桑麻于原野競
服農疇榮桃李于門墻爭修士域

風聲遠被

雨化遙霑

漢室公孤暫寄親吏之任

明朝牧伯佇班佐

帝之司某東海腐生南華遺胤朽材難堪琢削下乘

豈任馳驅弘借

鄰壁之光廣映遐陬之照樓臺近水接娥影之扶

踈花木向陽逢煙光之明媚倩

長繩以資短汲承

高蓋以覆卑棲家第延臣分屬下僚恩叨

上格頂踵未酬乎異數鏤銘實切于同懷某曩布

涓涯莫遂曝芹之願茲蒙

優渥益厘淵谷之虞謹拜手以揚

休爰齋心而勒

敬部

五二

謝敢祈

台鑒用洞鄙悰

賀杭州孫節推考滿啓

伏以

丹霄掣重應百年名世之期

紫綽恩榮嘉三載匡時之績仰

龍門而動色將燕賀以摠忱恭惟

臺下

荆衡毓瑞

江漢儲梓

學海文山領袖一時豪傑

啟部

五三

春華秋實收羅萬古乾坤

節旄鄭重于首藩

駒轡澄清于屬邑畫象而刑不設化弼

畫棠推腹而圉幾空仁流嘉石

召棠在廕十一郡倚賴生成

冠轍可攀億兆人瞻依愛戴當茲奏最之日名已

上于凌煙不遠喬遷之晨情均深于企

斗獨念其緣叨在昔幸同先後之門寵藉于今竊

承

左右之範祇以鷄棲孤遠未能薄漢馮雲馬力車

微何自追風歷塊揣有雲泥之隔敢將鴈帛之

頌茲慶考成勒

弘勳于黃金臺上敬陳懇款效清奏于

綠綺琴邊佇聽

帝錫絲綸褒嘉無兩還看世依

門鉉與麗靡窮

啟部

五五

謝湖州李四府查盤啓

伏以

珂珮遙聞掛清風于茗上

旌旄暫駐濯甘露于夢中獲親

咫尺之顏敢效涓涯之款恭惟

白臺

陶唐帝裔

柱史仙宗

才氣天下無雙何慮封侯之不偶

啓部

辛丑

文章當世第一奚止門第之獨高

際攀龍附鳳之期

展變豹驤騏之畧

每持三尺之法體天道之好生

不憚一字之更知民命之甚重頃者

經理海嶠之利捐鉅萬于閭閻

恢弘天網之仁造靈長于社稷戶借

五色之彩色人披

千里之和風其傍擺散材幸加棘于

露寢更輪劣騎欣陪乘于

天門沐浴

萬頃之波竭澍可潤休息

千章之蔭鷗羽無飄敬馳一介以披丹爰度三肅

而表素仰祈

高照俯慰卑懷

啓部

五十六

請查盤刑廳啓

伏以

一路福星璀璨寶山川之色

九天德耀輝煌增几席之光潔藻芹以將忱敬
黼黻而成享恭惟

台臺

望重清時

才高盛世

澄清攬轡寄耳目于

敬部

五十七

皇華

端肅平衡作股肱于

帝簡平反徹棘林之照寬仁留肺石之恩兼以夙荷

昭蘇新加振刷市切雲霓之望庠勛龍虎之從

露冕迎來欣

冠君之再至

星輅駐處喜

范相之重臨寒厓草木回春下邑風煙添景某江

左腐儒婺州末吏稟賁暗昧揣一陳之未窺馮

籍

寬明幸二天之可倚刑名錢穀上關

國政者一朝親澄微之源庠序閭閻下切民風昔

千載荷栽培之澤

大治陶鑄雖朽鈍覆短于範圍

洪浸汪洋將汙染藏垢于磨濯遠盼何勝加額邇

瞻更切銘心爰勒丹衷用摠素簡肆筵肆几愧

恭敬之濫塵一兔一匏箕

仁賢之賜履

敬部

五十六

咳唾爲珠玉片言作著鑑之箴

趨步示準繩終身奉象文之法仰攀

鴻庇俯切雀私

答仁和大尹喬古同年兄啓

伏以

寵錫花封闔境慶

神君之蒞

榮分芝檢開函欣星使之來喜益尋常情深咫尺

恭惟

門下

鐘鼎名賢

圭章巨堊

啟部

五十九

雲間振藻氣吞碧海洪濤

日下彪文光掩彩霞麗景

擅聲名于夙昔

展抱負于今茲

帝睠首蕤簡股肱而製錦民依良牧霖雨以隨車

念其繩樞白屋蓬梗青谿曾蒙

目攝衆人之中未及心輸國士之報所幸蒼蠅附

驥千里可馳鷗鳥化鵬九霄能至隣近

芝蘭之宇不隔馨聞依稀

星日之光可携燭照荷傳梅于一介容報李于三

薰

啟部

六十

答鄞縣大尹江年兄啓

伏以

桑梓培根幸叨異數

芝蘭襲味喜得同方仰叨庇于

九天俯拜賜于百叩恭惟

年丈

學探理窟

望振文峰

巫乘宓琴小試千家之邑

啟部

六十一

伊衡傳鼎大展萬里之程

際五百年之昌期

造億萬姓之洪祉弟某忝生泰伯之鄉欲學言游

之政揣惟涼德莫倡醇風自分鷄棲不出枋榆

之陋遙瞻

鳳集崑拘枳棘之卑茲者序轉亨嘉時當震動瑞

符莫莢宜修餽玉之儀情闕藻芹忽捧投瓊之

惠謹三薰而受

命藉一介以達忱頂戴隆重之頒不識涓涯之報

純希

崇鑒因月早懷

啟部

三

賀義烏新任同僚李啓

伏以

咫尺

芳鄰遙睹

鳳丹之振彩逡巡隨邑敬申魚素以將度千郊景

物重新一路

福星遠照恭惟

台臺

帝裔陶唐

啓

仙源河上

括乾坤于俯次雨露隨車

吐今古于舌端珠璣滿席

大才知非百里小試初見一斑惟此義烏之墟久

少

仁賜之跡有如枯旱千郊懸望于

雲霓何幸早秋一旦

來蘇于水火念其南華遺胤東海末儒叨令已及

兩期課長實無一善藉同寅于

左右微

異龍于後先嗟此局駒之身未能越境仰倩傳鴻

之使姑以候

門不腆沼片顯祈

海姑第景曷任瞻仰快暢之至

與湖廣蘄水令杜年兄啓

恭惟

年丈

錦江濯采

峨嶽鍾奇

才擅木天

命分花縣

楚郊異政挺出萬笋之班越壤同心遙跂雙鳧之

翻念弟春風附尾夏月攀顏翔司馬之門時

敬部

六五

陪燕笑踈濶懸魚之署日隔鴻書每切勞心長

思交臂茲有

貴治文學錢某瑜瑾上珍鵬鵬健羽雖值崦嵫之

會定收桑榆之功第必剖破連城斯不窮于三

獻扶搖羊角乃可附于九天是以弟敢比曹生

薦諸

李伯伏願

收桃李以需時重象冬而濟用俾泥塗無久辱而

雲漢可遠馮誼惟錢生藉有天二之依而小弟

亦慶生三之緣矣諸所未盡統惟

台原

敬部

李六

通用候大僚啟 考滿川

伏以

大人應運均荷甄陶小宰受成分沾

化育借

光明于天上耀暗胷于日邊望極

九霄之遙榮加一命之賤竊惟壽陵擬步難學趨

風下里賡音猶思秦水况有無言之界原在爰

象之先亦多不經之馳非隔山川之限言無文

而不達莫成桃李之蹊思有樽而求通恍入

啟部

六上

芝蘭之室恭惟

白臺

崇兩間正氣

擔千古真傳

師相謀猷投魚水鳳梧之祥

霸王勲烈埒山河金石之長

萬乘之眷顧惟

公祇勤駕紫四方之艱難由已恒切其咨

懸明鏡于中天難遁冰壺之照

沛甘霖于下土盡回陽谷之春念某一介書生謬

叨典牧三年薄吏幸際考成業業兢兢匪敢怠

遑于五事庸庸碌碌猶恐譴謫于三禩臨弱水

而望

蓬萊固知躋攀之不易對青藜而瞻

太乙尤覺炳曜之非遙爰及瓜期聿涓冀旦問長

安于日近敢云王舄之仙踪泛牛渚于星旁聊

附張槎之遠使

啟部

六上

通用即署等啟

伏以

三台聚宿勝紫氣于

麟臺百里分符奏青綰于雁塞言無久而思行遠

政未可而望求成俯竭烏私仰祈

鴻庇恭惟

台臺

性情簡淡

學問宏深

啓

六元

脉契

聖真衣鉢接孔顏之緒

聖孚

帝間經綸裁旦爽之猷

早隨仙仗入

承明輕風拂袖午對清琴鳴粉署暇日移磚似茲

天府之從容還念海澨之勞攘某浦蘭兩邑寒暑

三朞未有赫赫之名僅報平平之績幸班

荆有素提携異及于所生將報

李好冊卸結祗深于沒齒

侯院省舊公祖父母啓

伏以

天際上公懋贊絲綸之化日邊下吏深叨桃李之恩
恩仰同就日望雲俯履履天載地恭惟

師臺

聖世星文

士林斗望

蒲郊棠樹銘舊德于江南

深院薇花勒新猷于冀北

啟

爲股肱爲耳目主持國是之平

作舟楫作霖霖膏澤民和之福

特操象晨天之宿日轂馮虛而轉輪

孤標障江海之瀾山維躋實而砥柱某砂礫頑金

夙蒙點化蒐閑下駟曾被馳驅披拂

春風席上珠璣在耳遲回冬日

雲端環佩驚心揣控地于枋榆遙窺天于管蠡

蓬萊浪苑悵弱水之難躋丘垤土培箕

高山之可仰敢托生三之分竊沾

天二之携勢雖隔于雲泥情實深于燕越爰申尺

素用表寸丹望

千頃之汪汪細流并納瞻

萬間之翼翼露樗兼容

啟

七

謝薦啓 司府通用

伏以

萬丈龍淵頓網潛鱗並冒

千尋鳳穴張羅翔羽兼收

携手俯逮于纖微銘心仰承于

鴻鉅荷恩增愧撫已爲榮恭惟

臺下

今人古道

高位卑心

啟部

車望卓冠于清時

溪知簡葵于

聖主

龍光奕葉世宣王霸之新猷

龜組蟬聯代復公侯之舊物

量每同于蓋載世盡賴于瞻依至于

汲引群材

抽揚小節譬如

大冶之鎔萬象盡煅煉于陰陽之鑪

七十三

巨匠之睨千章揔棟梁于離輪之目

鴻恩廣被雖滂漉之皆同鵠力卑微覺啓翼之獨

異某兢心民社僅踰半載之期鞅掌簿書揣乏

一長之効考宜書于下下人亦見其平平希策

勵于歲月之有餘敢過望于時日之不足不意

提衡之鑒謬加

推轂之私昔者孔文舉薦禰生誠爲特達安平仲

遇石父未有先容而某以疎遠下僚崎嶇鄙邑

分

啟部

神照于容光之隙流

汪澤于行潦之區何啻千載之逢竊有三生之幸

感此生而不朽寸心切髮鼎之鑄知

大造之無心片言代玉帛之禮

七十四

賀呂蘭谷生子啓

竊惟珠生合浦玉產崑岡因世寶之非常知
家珍之不偶恭惟

臺下

道承正脉

位著弘猷

祖襲六韜夙應卜熊之吉

居聯三輔近符占鳳之祥紹繼體之箕裘今猶赤
子領傳心之衣鉢後有聞人坦夫宰相之才必

敬部

七五

復其舊晦叔公輔之器還取諸懷見彼蒼之無
私美我

公之有後某昔曾入

竊今復依

隣分雖隔于

雲泥情若聯于魚水欲赴湯餅之會奈跼蹐于轅
駒擬佐張矢之勤又棲遲于枋鸞惟茲煙景正
值花期

彤闥玉樹森枝

丹穴鳳雛長羽心欣

華胤手勒蕪詞兼申裳珮之微殊爲不腆竊冀
江海之大麾納無遺

敬部

七六

與湖廣朱朱陵年兄啓

恭惟

年丈

學問淵深

性資岳重

世恩稠渥國慶象賢

家政睦雍人欽麟德暫榮畫錦輝煌閭里之間旋

奉

天顏黼黻楓宸之上楚天寥遠悵繫鴈之無期越地

啟部

七七

棲遲幸附魚之有籍聞緘奉教已勒金石之盟

拜命復言願襲芝蘭之味第自別司馬之門旋

叨割鷄之任仕途初入習性素疎錢穀簿書既

苦經目逢迎趨謁復困折腰兼以浦邑雖少車

騎之衝亦無舟楫之便出入必踰嶺坂晨昏每

冒霜霧念生水國何憤山城幸而

周太尊令親仁慈恤下寬洪覆短近有忼省之調

如失瞻依旋荷金城之留復還覆載差可逡巡

駒隙躡躡鷄棲不則寧解綬而賦歸來能戀土

而鬱居此耶祇可爲知己道更難爲他人言倘

有往役之書乞爲代謝之語揣弟不能善事上

官顯借以矜愚下僚耳俛思

瓊篇玉訓導愚指迷置之案頭恍焉對面弟有瓦

礫之言願塵

玉鏡之覽楚越異壤雲水均情雖心若搖旌而身

入如窳不盡鄙悰統惟

崇紹

政部目錄

條議類

上李按臺入境條陳

條陳收解錢糧申文

復分糧收糧申文

修理儒學申文

復興社學申文

上驛傳道撥漕水驛站船揭帖

復李按院清軍風轍揭帖

政目

設定士人驛舍夫役文案

上李按臺初入境條議

金華府蘭谿縣爲出巡事蒙本府奉守巡兩道信

牌俱准本司咨手本蒙

巡按御史李 憲牌採訪民間利弊地方興革事宜

限文到十日內具揭徑自呈報等因

緣下材曾何堪于雕琢牛馬微力思自効于馳驅

况目擊時艱太息未披賈疏而心維民瘼流離願

繪鄭圖當茲

虐懷下問之時正是實政上陳之會敢視秦越之

政部

肥瘠守口三緘寧體禹稷之溺飢撫忠一得鷹鷂

赤子呼吸而命脉攸關甘露肅霜轉旋而肇造不

淺豈

休宗海若猶俯借以弘助高深或培塿和汗可仰

裨而不遺卑淺謹撮見聞所及并殫心力可爲爰

依述職之規微罷

巡方之鑒具列于左

計開

一徵糧五蠹二日收蠹三日納蠹四日管蠹四日

改部

解蠶五日給蠶何謂收蠶加勒火耗逢迎有司蠶
在剥下奉上置囊換包收重拆輕蠶在剥聚肥身
浙東糧少禁網濶疎守糧里長多包積棍假官肯
以加耗塗民目以竊貨蘭緒藉規設立三櫃每月
驗里長三人看守匝月帶代稽名雖異驗貌恒同
詢之則曰保歇也親戚也蘭邑二百四十里細戶
當以億萬計包收者三人投銀者三櫃籠統難稽
涵清察辦往時逐委戶糧書手置設號簿登記庫
收臨時比郊憑開完欠散戶惟恐漏號需索任多
里長私囑免管躲閑特甚最可恨者以錢方之申
而上號數分尤可駭者以千百之稅而分文不納
畢縣去冬十月調任金華八縣十完其九而蘭緒
不及七分坐此弊也弊端之多縣書手之聚耳書
手之衆跡置櫃之少耳此輩皆老于其局長子孫
于其中爲鬼爲魅茫不可測畢縣去冬到任即查
革濫進戶糧書手二十四名而以掌記庫收之事
於里通中選行端家殷者爲鄉總專主之共十鄉
點十人分櫃分箇分銀分收銀少者十箇設一櫃

政部

多者五箇設一櫃如徐如趙一姓有銀數千一家
設一櫃箇箇正身不許替代收銀多者不過一千
上下令納戶櫃上完銀赴鄉總簿挾分都箇里甲
自上庫收絕不許書手需索號銀蓋正名經手則
重顧身家分析少收則稽查絕易兼倣古人兩稅
三限遺意依限完者立放歸農舊法月月催徵日
日比邪權柄操于吏胥拖欠積于豪猾自分櫃之
法立而錢糧不比自完其效驗已徵于第一限矣
何以明其然也如蘭緒縣平銀三萬七千兩有奇
倘仍舊法一槩混投三櫃中而以登縣寄之房書
則上下其手多寡其數雖隸首不能辨又况三櫃
皆積包也今臆分片別以面管而以家管家良頑
之黨莫匪攘剝之孔立消甲縣查四十二年以前
相國中丞家丁近萬錢糧稱是每年通稅不肯故
籍可覆視也今責令守櫃而一旦先完以爲民望
且甕脯小家操錙銖納課向有望洋莫知投止臨
比櫃少投多擠挨不上茲認其里中人目攝之各
得其所寬然而有餘閒晏若于不均而茲樂于盡

一矣今

台聲明文免里甲守櫃改用初泰吏著小民自稱自封真官民兩便之方而長久不易之典也第設櫃似宜分析每櫃大約收銀壹千使一吏守之彼其所收不多作奸亦少希圖異日之前程捐減目前之舞竊而豪家大姓官櫃吏守又安得於立限拆封之時而以空櫃呈也吏爲官以輪勤苦官得吏以矢清白則分櫃之法或可以祛收糧之蠹何謂納蠹有田則有糧有糧則有輸民十君一所從來

政部

遠處何從生第爲里長者科細戶之耗以累完官其至加三爲保家者頂里甲之名以代貯庫亦多加一積法止立三櫃每不預先登報臨比呈銀塘塞比過仍復携歸若乃豪家巨族扯人完以蓋已欠輸其一而負其二以致

京邊錢糧積累未解

上司催併如無米難炊束手莫措如櫃既分析完欠之數一覽可知特令細戶人人請櫃所自稱自封置大鐸一面懸于儀門如重毫忽擊喊審究毋

使里長勤耗以沒脂膏毋使保歇代完以滋口實庶可以祛納糧之蠹何謂管蠹甲縣於萬曆三十九年陸月初任浦江清查鈔糧實細勘得三十七八九三年內管庫截吏王堯天邊有勲李元芳等那移者以先應後以後補先銷義若明猶可言也其侵盜者如交盤接管之際竟虧少庫冊所載之銀兩混作無名氏借支大爲駭異即時稟

蕭道尊周知府命卑職申詳

政部

五

南糧將王堯天擬軍邊有勲李元芳等擬徒因余賍未完尚未結案卑職懲創極弊創立庫簿二樣一樣稽查解給額款簿如蘭谿縣該錢糧銀三萬七千零某一項若干前件下該某時解給若干某時完否不令歸于款內浮于款外一樣稽查收放總數簿如一庫吏管春夏二季銀每季置一簿前空數葉開列上手交下銀若干本季併封銀若干摠共收銀若干後挨月日一一登明解給務令收放不差摠撤如一今

政部

上司比較未完數多徒具空文應點故事似此二
簿一可以杜透支一可以絕侵剋骨庫之蠹或有
瘳乎何謂解蠹解糧夙弊吏之作奸與民之受累
者各半作奸何術受累何根世第知無銀上解之
爲苦而不知有銀上解之爲尤苦也如往者歸安
縣之故事可觀矣當其起批發銀時如數以二千
計至省投而磨洗爲一返縣銷而仍收攬爲二及
至敗露銀歸烏有噬臍莫及此吏解之蠹也中產
之家食一解頭始于縣再于府三于道而後得抵
布政司衙門之使費道途之驚恐身家幾非我有
迨解批迴而驚恐釋銷批使費復不釋也壬子之
夏如浦江解入場煙蹄官辦止銀二十餘金而司
用加倍卑職驚而問之答曰堂上投文委官檢收
不大費且累日伺候收時截去兩端止存中塊大
稱刁難費安得不倍倍猶未也卑職于是時先直
額
與司尊司尊降體親自驗收革去舊例舉一可以
知百此民解之苦也是以

改部

吳司尊設立歛解錢糧之法大造越民吏書無洗
換盜銀之弊小民無領銷賠累之困而抗省保歇
始以不歛解致富中以歛解漸貧今又圖廢歛解
以返貧而富歛解之法盡善盡美不歛解之法極
弊極壞豈唯保歇卽杭省之吏書不樂也豈惟杭
省卽各府縣之吏書不樂也夫歛解者其法以卑
月徵銀雙月起解先報司府後府差一首領官至
各縣完明入鞘各縣差奉行吏一人民壯數人擁
護偕行有官則統紀一有從則戒備嚴省百姓不
貲之費絕吏胥舞文之奸良法美意可垂不朽乃
今漸漸隱廢勢在一減不續之介矣此非
司道府縣之不遵前徵而實保歇吏胥之欲肥私
橐也其倡爲不應歛解之說者謬曰府縣以低銀
輕數來解也縣正以慢征誤期緩解也傾銷責銀
匠如必民解無低銀豈其不畏官而畏民催科在
有司寧收泄泄稼政以甘惟三尺倘歛解不及時
台臺恭罰自當不遑而何必苦此里邇以望羣不民
之腹耶故欲祛解糧之蠹似宜復歛解之法而

奸可釐民困可蘇此最上策也何謂給蠹卑縣支給如官吏之俸薪師儒之廩膳衙門之工食城倉之修費皆是也官以扣減爲常例吏以剋落爲私規三轉手而十亡其一二矣甚有名給而實不與借給而終不補錢糧虧折此爲之祟似宜照賦役全書款目不許額外邊給不許無名借給不許官吏各役預給不許虧損原額扣給廢國課清而官職肅矣五蠹之中收關有司之清濁解係小民之利害最爲吃緊而納自閭閻官由庫藏給操王者

政部

台裁

一驛遞一苦關豁之驛名曰激水此水驛非陸驛也水驛之費一陸驛之費十是以額設額夫銀止壹千肆百兩設馬僅貳拾捌匹自非祝融燒空河伯告竭舟楫之利甚便輿馬之用何資而閩廣營販之賈四方遊冶之郎一則買勘合而逐什一之利

一則借傳檄而騁聲容之觀春夏洪水泛濫曰逆流難遡而起討陸夫秋冬江濤消涸曰高灘多碍而輒索輿乘夫夫銀既減則顧募之人不多馬數又少則支應之途難繼如一舟載卷箱數十主僕數人不念夫可挽而上也不一騎可卧而行也登陸則一箱而二三人肩之一主而二三班輿之一僕而馬若卒隨之且前者去則空國而行後者來將束手而待卑職去冬初至任未稔其詳親見有資即與家眷舍舟登岸二差而費縣帑貳拾餘金

政部

九

議

若之何官與民之不交困且窮也其間金衢嚴三注港口羽書之迭至南京八省貴仕之辱臨三院三司十一道府之儼蒞首領承合隸役之重票種種多端難以枚舉卑職矢衷殫力支持孔道心心節省事事減裁不以貴遊而少徇不以憲差而多應受事半載稍可息蘇如得台臺鈞牌除緊急公文匹馬單差外其餘過往使客不許蘭豁起陸革此一苦造福郵傳與泰岱俱高渤澥俱深矣卑職未敢擅便伏乞

台裁

一解軍三害夫軍匪伊異人畧有二種大都人命強盜遇恤典而減擬者也殺人有抵死之罪禦貨在不教之誅今幸免死反貽大累故事命里長與親族同解猶然勢極難行法窮復變今且顯改而責成里長矣說在秀水海鹽二縣之條議諱允合省通行法非不善也而兩浙迥分肥瘠之壤既不相如東西之勢又甚懸絕彼之所便此之不宜似不可不一商權也其議軍解換都順畝每軍一名命

政部

長解正副共二名大率以千里爲則每一千里計路費妻費貳拾金五千里者百金千里者定限兩畝二十甲每甲出銀一兩人戶計畝均出途遠則費增而輪解之法立伴解之族免且嚴限日期以防逗留稽查窩匿以絕逃返處置至此良見苦心其議妻費則今有妻者携與偕往無妻者娶彼土婦携則量減里遞加派之苦而娶則羈縻遠戍故鄉之恩亦便計也法立三年遵如一日又烏容有遺議第卑職三十九年六月初任浦江於是年八

月見道府下帖合屬依行於時浦適有減死充軍二名遵命里解叩首縣堦寧倍徙其路費而不肯以身往後因

上司催督且衛止千里無潰危之虞得以卒事今蘭谿有三軍皆以盜倖減遵命里解六人其苦往之情尤甚于浦民哀哀控籲設令必往寧以一正爲軍一副爲解釋軍囚而代爲質亦得而甘心焉卑職吳產稔知吳事戊巳之間歲歉多盜不能盡誅產降而謫戍邊方卑職目擊里遞解者十不一

政部

反家屬以追比批迥多斃罔甚有免親至衛探信而又不反者軍犯劫殺之性甚于狼虎里遞亲軟之質類于犬羊以大羊解狼虎其不爲所吞噬者希矣關山迢遞行者有性命不保之憂縲紲妻孥居者有控訴無門之苦當其未行之先哀集軍費逐戶剝收錙銖不免膏血多吸以軍一人而怨口騰沸者千萬人及其既行草行路宿困苦流離旋踵無期追呼迫令以軍一丁而破壞身家者數十丁括其大肯科派里甲害一行多不反害二家

無寧日害三欲去三害竊有一策未知當否曰逐
程遁解而已夫遁解亦有三便非使空手而往無
費無妻而已仍量途給費減里甲同往之半而與
之付以衛文與批迴今年終類繳各省都司并上
巡方臺下差承合肅往原處都司合券稽驗略如吏
部繳文憑法其里遞派貼軍費訪有酷里仗借新
例以一科三不如量于丁田上另科一項軍費今
倉解三軍有三百六十金之費若遁解卽六十金
亦足矣而長途無委棄之慘室家免勾攝之累此

政部

三

議

三便或可以易三害也制軍犯實不良遁解而不
祿亦其命也且軍亦非盡才遣當事卽無伴解之
令而至親亦多相顧之情其與里遞號呼畏點長
解而願以身代者尤萬萬不俾矣抑卑職尤有獻
焉或以遁解之法批迴難繳改其遠戍令克本省
附近衛伍離于放進之典稍從寬恕而揮干鉞束
不使作奸鄉井非遲逃竄無所至于解費又且十
減七八縣倉捕快二名代里遞押解倘優給路資
衛所既近百日可歸未知可以佐末議否

台臺代

一人行事生死惟命可否惟命絕軍犯之釀禍救里
甲之倒懸宜在今日矣卑職未敢擅便伏乞

台裁

一育女二惡一曰溺女惡一曰匿女惡浙東山多
田少地瘠民頑其俗與浙西三吳稍異縉紳之家
重于嫁女編氓之室艱于娶婦往往不願生女而
願生男取始生之女多溺之于水夫渡蟻釋龜古
有陰報伏卵哺雛物有至情而何忍心一至于此

政部

三

議

謂之祇因嫁奩之捐費遂至滅命以戕倫甚可怪
也家有婢女以供使令及笄配僕或令出嫁普天
皆同獨浙東大姓匿之終身老而無夫富貴賤婢
盈房中戶效尤勉畜卽如乳母亦不顧倩必以多
金絕賣拆其夫婦團圓餘年內逞縱淫之端外召
篡弑之禍如卑職未到蘭谿時上年夏月有監生
祝養麒被乳母之子姦其婢而手刃之府招可覆
視也此二惡者上干天地之和下招生齒之恨卑
職竊訪金衢之民無妻者半甚至娶既老而少男

爭娶夫未亡而妻先請行且多婢之戶穢德彰聞
無婦之男敢爲不義禍亂之本盜賊之原皆茲萌
孽今有術于此事悉富人所爲似宜大爲禁革
責令十家牌左右隣朔望開報如有隱者以其罪
罪之溺女者治以明條雖宦族不宥而匿女者使
無妻之人報其女何名其年若干得實相當卽與
配合或者聞風警惕收于胞胎之始而蘭蕙不至
折天嫁于笄珈之年而內外不至慈孽未必非保
護幼命之鴻功愜適萬願之隱德也卑職未敢擅

政部

便伏乞

台裁

條陳收解錢糧申文

金華府蘭谿縣爲分糧收以充國賦差官解以甦民
艱謹援已效之規模定永行之例懇恩詳允立石垂
遠中竊惟賦成則壤禹貢已詳制設租庸唐書尤備
國有必不可蠲之正稅民有必不可逋之正供分在
下司職宜清理第時仍災稔催科既阻于天行而獎
積侵漁搜剔復難于淵察近蒙

台臺下車問民疾苦卑職首陳徵糧五蠹大畧一曰
收蠹獎在櫃頭之加勒火耗是革之而已也二曰納

政部

十五

意獎在里書之多科甲首是懲之而已也三曰管蠹
獎在庫吏之侵盜官銀是檢之而已也四曰解蠹獎
在胥役之舞文換稿是剪之而已也五曰給蠹獎在
承行之扣取例金是足之而已也五者之中收解爲
甚收不分概則糧不清楚而細戶困于追呼解不差
官則批不速銷而小民疲于奔命試陳其梗概而
台臺垂聽焉夫收糧之法期于百姓之早輸而已蘭
谿舊設三櫃統收合縣糧銀計其里則二百四十有
奇計其人則億萬不可指數往時當起徵之時聚群

衆于三櫃之間櫃頭出票戶書記號每季索取號銀
臨那櫃開比數權屬胥吏完欠不均卑縣調任初認
括該縣櫃銀三萬七千五百九十餘兩每改一櫃止
收銀一千上下銀少者以千箇爲率銀多者以五箇
爲率如一族有銀及千以一家爲率汰去濫進戶書
二十四名按十鄉擇點十人爲鄉總掌記錢穀數革
絕勒取號銀積弊可省千金不令凌百姓之膏而飽
吏胥之腹勒限起卯寬其期日而嚴其輸將初限元
宵次限端午三限重陽皆不二旬一齊完納蓋限寬

收部

六

七

則民有息肩之辰櫃分則吏無閑擾之柄閣櫃頭簿
而知輸稅幾何閱鄉總冊而知通誅幾何蘭糧之所
以昔虧額而今盈量者用此法也

白臺按浙改吏者櫃里遍沾恩單職奉行惟謹即點
候缺吏吳國治等四名顯管而各櫃頭止令率所分
十箇五箇等納戶聽吏檢收如大里長然納時小戶
自稱自封發時當堂原包原領民不苦羨耗官不煩
督責一時廢幾稱便矣第恐月異歲殊吏偷民玩分
櫃之法廢而拖糧之弊起仰負

白臺欽恤里甲盛舉顯藉淵重長慮斟酌裁度萬一
有俾批允施行至于解糧之苦蓋難言之今世所稱
賦稅極重者至吳中止矣而民不甚病者何也以其
有官解而無民解也吳有銀米兩解如白糧則有府
佐統成縣尉督運而水脚私貼刊有定例歲守爲常
不見其擾一應銀兩縣徵輸府覽籍分解差官領往
依限銷批而民不知也卑職素穩武進一縣金錢動
以數十萬析其款目不下數千如色色盡點民解吳
民無子遺矣今蘭谿錢糧最大者南糧折銀九千兩

政部

七

七

府遣幕官敕八縣總解佃都其金金花袍改兵餉馬
價等共不上二萬金總解本省轉發而絲分縷析大
約百款一點民解爲害不小有解千金而費百金者
有解百金而費十金者有止解十金五金而費反倍
于十且五者如農桑筍竹茶芽僅數金耳而官有浮
征更有常例甚無謂也浦江有進場煙蹄蘭谿有進
場餅酒數皆廿金而驗收有饋刁難有索外賠廿金
未厭其欲皆以官價給民買解不若以庫銀差官顯
解令王者自辦甚爲便益聞蘭谿往年並不齎酒止

給批私取迴文而浦江壬秋實解煙蹄卑職具揭省費推此二端凡各項銀兩民解則費繁而累重官解則用省而弊消何也奸民與吏爲市則有磨洗批文朋黨攘竊之實愚民爲吏箴弄則有需索使費稽誤程限之憂而道遇綠林命瀆黃壤變生叵測事出不虞陞任左布政吳設爲歛解之法每逢雙月報數到司各府差官履縣起解卑職三十九年初任浦江一年准歛解六次不爽其期故案現存今四十二年釐止歛解二次一則官吏忽催科而逋負實多一則

政部

十八

海濱

小民困征繕而差遣不少卑職小令也令不能及一縣之外今有術于此收糧之法既已分三限解糧之規亦擬分三次以縣丞主簿典史三人輪班管解並不差役一民而以每年貼解餘米遵照

三院刊書量行追給使費俾起批徑自往省投解交割明白守取批迴既不違

上司催解之命而又盡免下民差解之苦夫天下盡縣也積縣成府積府成省遠舉一省之規近守一縣之格如府幕先期至則併省縣尉可也如府幕後期

至則必遣縣尉可也翼護以官兵稽防以吏役日累萬千而併往可以不惜鎰銖之費兼都里而代行可以不科家戶之財其與驚恐道塗牽纏時日一聞縣解叩泣縣廷寧倍米津貼而死不肯往者正相萬矣

台臺行文守倉守櫃皆免里遞而民解之苦較甚什伯詳允可久造福尤長抑卑職尤有厭焉吏之治民猶醫之治病遇癰瘡之夫而失參苓之養非岐黃之仁術也當彫敝之俗而鮮琴瑟之調非卓魯之循風也卑職深揣行能謫薄敢希上理第任浦兩載清迥

政部

十九

海濱

盜庫以補解南糧調蘭一期分櫃均輸以充似歲額兢兢錢穀一節所目擊而心維者已非旦夕之故矣每念錢糧有二難未完以前之難難于奸豪之慣賴若各圖量置一櫃使吏守而察之衆櫃既完而彼豈能以空櫃呈也此不比自完之法也既完後之難難于編氓之領解若各縣遣尉自解省不必催府府不必催縣諸欸既足而此亦非第以空文應也此勞官逸民之法也且又非卑職一人之臆見也分櫃之初商之士夫詢之耆老僉以爲便及奉

台臺改吏兼管而糧卒不合併以滋紛擾又以爲便
醫之隨病立方投藥見效便于常服而官解之法以
一尉任勤渠以旬日了公檄省不貲之費于民間解
倒懸之苦于甚迫鄉保有呈紳章有籲求拯此一方
民譬之奏理之疾非施之針砭不足以續命而回生
卑職兩任三期罪謫山積非不知默足有容因可無
咎而遇

台臺仁明在宥察吏安民拳拳撫綏至德計慮長遠
卑職乃敢濫陳芻蕘以備採擇若曰視官傳舍任再
政部

儒時希釋負擔心竊鄙之伏乞

台臺垂青省覽如果可行賜掾批允鐫勒諸石以垂
不朽且貽後人爲此照詳具申

覆分糧收糧申文

竊惟錢糧有二難初難于收人戶之完納不均則國
課匱乏繼難于解官府之點差在民則里甲困疲此
下收閭閻者惟分糧易完而上解京省者惟歛解最
便也歛解之法本府委官領各縣錢糧自縣達府自
府達省按季起解不爽其期可以免衙官雜出之擾
而甦里通累賠之苦無容別議矣至于分糧一節非
更張舊制而創立新規也蘭谿一縣爲里貳佰伍拾
爲糧三萬七千舊設三糧每月點公正三人每歲共

政部

二十

議

三十六人收集之籍公正管之而完欠之數戶書操
之細戶有上號之例金頑戶有拖糧之常饋而一二
大姓糧皆數千歲多迤負平職四十年冬浦江調
任清查欠數卽南糧一項毫無抵解皆積年拖賴爲
之累也如一年欠一千十年則一萬矣而解額有必
不可虧者縣令所以束手無策而不得不通其變也
此時按臺李尚未按臨無改吏管糧之法卽令前所
點三十六人各分十區設一糧糧多者五區一糧如
徐趙等大姓則一家一糧增糧三十減公正六人每

概銀止一千上下分立三限比卯十日齊完即放歸
農汰革戶書二十四名省登額千金之費而點鄉總
十人掌記糧數額戶無縣閣之弊大姓有樂輸之願
行至四十二年夏月凡起二卯皆不比而自完縣縣
併使嗣奉按臺李改吏管糧之命隨點吏農章大順
等四名申詳本院顯一執鎖鑰視衡量而前法俱廢
矣及秋起三卯鄉紳耆老爭來言分糧各管官不煩
而民不擾願如前限併完以息肩于農職重違其意
而又按臺改吏命嚴不敢名遵而實背是以申請

政部

二主

議

兩院一蒙批允行一蒙批再詳職端唯為縣今者於
下民如一家然主伯亞旅之情不忍拂也於上司如
一體然腹心手足之誼不敢欺也今以四吏兼同鄉
總登識糧數各矢心力初無增設員役通同作弊之
實而併貳伯四十小里為二十四大里及一二大姓
自牧自官解給之日即以原封與之官吏毫無染指
富戶小民人人相安此與經年比較費督責而多通
負者似相萬也

修理學校申文

金華府浦江縣為學宮頽壞已極修飭勢難復緩懇
乞批詳重修以妥安聖賢神位以欽恤師儒聚業事
竊惟事苟可仍毋輕革故勢當極做必待開新照得
浦江縣學建自國初前輩名公如吳淵穎葉宋文憲
瀛等文章政蹟赫焉樹表一時垂休百世稽歷年科
第雖云稀若晨星課諸士才華實亦崇于夜壁祇以
師帥者寡遂致凌夷者多卑縣赴任目擊諸艱百務
盡弛一時莫舉唯是聖廟賢廊春秋舉祠嘗之祭師

政部

三主

議

齋士舍晨昏藉講習之安曾修葺于廿載之前已傾
頽于數年之內棟摧梁折無復杏壇之遺壁塌墻沉
幾起黍宮之嘆神碑露日星而飄風雨博士飢他廟
而棲別祠似此崩弛之形對先靈其何忍若彼流離
之狀今羈旅者奚堪本學廩增附生員周大化張孟
科趙渡等具有呈詞懇重修理為此照得工費因爾
浩繁時勢似難濡滯卑縣據呈具申伏乞
台臺照詳批允行勘估計或於卑縣贖銀空役無碍
義助等銀酌量修葺使百年圯壞一旦煥新上以嚴

奉先聖先賢之靈下以慰愍諸師諸儒之望庶幾一勞永逸成亘古邇隆不朽之功上倡下從興將來文明蔚起之象卑縣未敢擅便為此具申

本道林 批學宮傾圮齋舍荒蕪師帥者慨然動念一舉而兩新之此勸學興教之勝事浦陽人文行振起而追蹤往哲矣如議即速估計工費繁鉅有可設處者不妨酌議詳報此繳

本府周 批聖廟莊嚴法塙輝赫豈惟崇德報功實國家以經術作人端本之地何可一日不加葺理

政部

五

議

也既就傾頽宜畫綿葺該縣留神茲舉真以興起斯文爲已任者仰即量材鳩工酌費申院道詳示繳

提學道王 批學宮修葺此該縣喫緊事務但本道巡歷各郡俱議修理而坍塌如故管工官不留心之故也仰速估計葺理毋致冒破仍候通詳示行繳

鹽院楊 批學宮傾頽自宜修葺其應用工費仰府酌議督修繳

復興社學申文

金華府浦江縣爲興復社學以教愚蒙以培育尚事照得社學之設與儒學並儒學以樂育成人社學以陶鑄小子儒學每縣止一而社學各鄉多有聖祖成規於今爲烈未有通縣而不設一社學者也浦江山邑百務廢弛春秋祭祀敘讀歌童具在而社學無存及細詢查社學教讀陳有餘具呈云公司右旁有屋一所舊是社學今改候館遂令教習無所學業又荒卑縣俛思浦江山谷偏隅素非孔道上司之經臨歲

政部

五

議

不一至縣官之何候露擣何妨合行修復舊址整頓新規令教讀歌童學習其中俾無廢業幸而前堂後室依然尚存卽有圯壞修飭非難約可三十餘金卑職自捐俸贖不動公帑擇日起工恢復前規伏乞台臺照詳批允今後永遵俾勿湮沒庶絃誦有地聖功之蒙養不荒亢戾無加未俗之澆風可挽卑職未敢擅便須至申者

本道林 批修復社學使小子有造該邑之盛舉也知一方人士且靡然向風矣如議興工完日冊報

繳

本府周 批社學蒙以養正該縣候補原屬社學印

宜修改俾教讀子弟安然肄業亦儲才視學之急

務也如議行

提學道王 批社學久廢而該縣用意作興甚可加

尚仰照如議行

鹽院楊 批卽將該縣社學逐一查照議詳擇日興

工刻期完報轉繳

巡撫高 批社學教育童蒙既有舊基堂室可以修

政部

二十六

議

葺且俾教讀訓誨子弟足見成就後生美意如議

詳行繳

按察司王 批結社訓蒙總關八初教化該縣慨然

有意乎興起而作新之且捐俸修葺雅稱善政如

議行繳

布政司劉 批准工完日繳

上驛傳道議發回站船揭

蘭谿之驛名曰激水多用舟楫少資輿馬例造站

船二十九隻以十三隻常川停泊錢塘常山之間

聽候

上司使客而以大隻停泊蘭谿驛前此係舊規載在

故冊可覆視也年來蘭谿之船一接差出或往常

山則續差抵本省或錢塘則續差抵閩界並無一

舟復歸本驛者蘭當四衝之地而止有六舟之設

已爲不給况一去不回過省踵至束手無應即以

政部

二十七

議

溫處二府推廣言之蘭谿實不能當試爲

台臺陳其梗槩乞垂聽焉溫處一路只兩道舊有站

船每泊蘭江伺候自此而外二知府二推官無船

也兩府之鄉宦如近日經臨李少宰王光祿張藩

叅等皆無船也又有自衢龍來者自金紹來者種

種難以悉數甫一下車輒便索舟蘭邑與吳中不

同止有民艘並無官舫六舟差出官無歸期江頭

掃淨碧水澄空行者坐驛次而縱橫無計居者因

征繕而進退皆難况

復李按院清軍夙弊揭帖

呈爲條陳清軍夙弊事竊惟人戶以籍爲定軍民安
占其間有軍之家十居其三被軍之害百不免一職
祖籍鎮江徙居常州處鎮者軍處常者民少失怙恃
晚登科目中間閱歷情僞備嘗艱阻非一朝夕之故
矣去夏

台臺下車問民疾苦夏陳解軍三害大意謂長解萬
里遠行有性命不保之憂家屬追勒批迴有固園幽
繫之苦里遞科歛軍裝有比屋怨嗟之聲此猶一時

文部

三九

修清

株累之困而非百世根連之禍也至于清軍一節蒙
尊無窮其足以履當事者之慮而不可不一大搜剔
爲援本塞源之計也縣縣置軍書非知吏役年滿
而去皆老于其局長于孫子其中其視軍戶真如庄
園也即軍戶之自視亦如佃僕也金錢穀粟之饋歲
以爲常牛馬雞犬之擾日不暇給在丁多家富者大
肆苛歛而不遺于寡人傭作之流即丁盡戶絕者曲
爲誅求而波及于里甲親戚之輩此軍書之積蠹也
又有貪民思土古易族離之厚積民希附京邊武弁

雄因繫軍籍百計營謀大得而下唯軍是甚而

其心爲之近則更爲奸狡洗冊籍而訟獄繁興遠
則直走都下

男

勾單而科擾無已職兩任三期稔

知軍事餘可倒推在浦江有名陳一仁因族置軍田
值價五百金思盡占而以身充伍者在蘭谿有名周
二龍因縣追軍費約近壹百金思朋分而以身起解
者皆奉兵部勾單徑填註其名行縣查取寔伍夫普
天之下凡有軍籍者諱首不能悉其數蒼頡不能書
其名而國初問軍適今貳百伍拾餘年安知陳周二

政部

十

修清

姓子孫有一仁二龍之名而坐下令取乎且京軍月
有糧歲有衣世世襲替萬一無後競買踵當唯恐外
省餘丁之來入也而無賴之子不軌之民直以不缺
之伍而行勾補之詐卑職各重繩之毋論新配舊伍
一槩停閣欲以省里遞派解之財杜刀奸貪緣之力
而寔起于積年軍書舞文弄法顛倒鄉愚坐收歲供
爲害滋蔓

台臺以吉水已事驗之杭州若合符券猶恐地方寧
恒異同暫不行檄此虛下蒞莧慎重而發而實宜行

不俟時者也職一奉明命立取蘭谿通縣軍戶細檢閱之共一千一百七十四戶內永遠見在二百二十三戶丁盡戶存一百三十一戶丁盡戶絕八百一十四戶遇例釋放六戶若非加開除豁去之令嚴行需索常例之禁毋論富者貧者存者絕者釋者千百群戶皆魚肉矣合兩京十三省弊實一般而何有于金華一郡蘭江一邑也

台臺頒示清軍畧節五段解補之條一而不清勾之條四總為民休息造福無窮而再加查究奸民自願

政部

克軍隱弊不許與軍書狼狽為奸先追入積書官貯私藏冊底後判定軍戶有丁有田成書其丁盡戶存與丁盡戶絕一概盡數豁免并革逐新舊軍書歸不用一方幸甚天下幸甚謹揭

浦江縣設定士夫轎傘夫役文案

金華府浦江縣為遵典酌禮設定轎傘人夫以優甲科鄉宦事照得國朝典禮特重制科士子出身合膺優遇縉紳高位無徒行之體與隸下人有服役之規兩京各省甲榜諸公凡榮旋晝錦者無不備送轎傘夫役獨浦江僻在山谷舊無驛遞士夫每謁兩道府縣聞多自顧人夫殊褻體統今查各登黃甲者無論及第初回宦成告老着該縣派定十二箇值月夫頭每月派轎夫四名傘夫一名役夫二名共七名政部

日日伺候門牆供役週而復始其非甲科出身有鄉科為京宦者許照此例如鄉科未選及外任并賞即小尉等官不許濫冒恩典一槩朦朧混討一以杜卑散僭踰之漸一以省氓隸奔走之煩且本縣吳人異越同壤而條規相仿夫區區豈有愛也如議設行立案備查

政部目錄

檄示類

諭齊民檄一道

諭諸生檄一道

初立法徵收錢糧告示一道

禁省詞訟告示一道

禁止三事告示一道

再禁省訟告示一道

舉行鄉約保甲告示一道

力行節儉公約一道

政部目錄

推薦類

勸徐太常鄉入鄉賢叅語

勸徐太常鄉顯祠勸語

勸徐太常鄉應謚叅語

勸陸侍郎應謚叅語

勸趙文懿相公顯祠語

勸鄭節推八鄉賢叅語

勸徐中丞石樓備薦叅語

孝子朱伊臣勸語

孝子趙應昌勸語

節婦朱氏勸語

節婦邵氏勸語

節婦陳氏勸語

論齊民傲

竊勘蘭谿風俗淳澆相半按縣志宋王魯齋跋及今
章楓山論大都男女素修耕讀勤苦君子尚禮小人
知分絃歌比屋彬彬文學之風章甫盈衢雖離禮讓
之化此其可取者也而市井多夸郊垌近陋奔利如
鷄尚氣輕生男壯出分競爭財產女生不育懼乏裝
飾者爲論財而改盟尚仍夷習喪因擇地而不塋多
毀者思余必令長每念及斯能冥然不爲動念耶第
圖治難于欲速固必需之悠久而慎趣定于發端尤

政部

一

政

貴示之嚮往如欲一一揭諭恐蒼頡不能書其詳諫
首何以悉其數姑舉吃緊條款開列于左余自惟菲
薄即未必能身先爲鵠而拳拳屬望至意則每以實
求而不願爾輩以虛應也尚其勗諸

計開

一通邑士民有實在孝親敬長恤憐和衆輕財周
貧能如鄉約所講

聖諭六條者訪知定加崇獎以勵世風

一忤逆不孝悖慢親長及強佔丁口財產作奸犯

科等項即來必多人而間有一二賄害不小養禾
必去稂莠養穀必驅豺虎訪實擊犯如律苟懲前
應速俟尤厚望焉

一凡有同居兄弟爲產相爭異姓姻親因事互訐
絲小忿而成大獄遲一朝而悔終身誠思百年有
盡好訟何爲此欲求強彼寧甘弱可行唯一恕橫
逆當三反此孔孟家法勸民息訟再三叮嚀不違
者定置之法

政部

二

政

一製端左道師巫邪術惑良民端倪若微滋蔓
甚大倘有白蓮無爲等教煽動人心及婦女人寺
觀燒香有玷清規着地方里巡檢送究治

一耆儒碩德夙有抱負知民疾苦時加優禮訪佐
不逮其積學不第文理優贖追古作者亦必借資
一二潤色鴻藻但不宜因而要求兩相與有成可
也

一錢糧舊設三樞縣縣百姓體統混納將庫收赴
戶粮房上號乃與作准每粟動銀幾分積累美之
不下千餘以致書手數十擠進如虎而冠小民稱

因今分一櫃止收十箇銀多收五箇如趙徐大姓
一家各自管收井井不奈汰出登號書手三十餘
人歸田而以掌記督之鄉摠禁絕號銀千金不止
此法初行有一二勢豪阻撓今官不嚴比民不苦
輸人人稱便自後里遞不許侵收保歇不許包攬
櫃吏不許需索官府止點數目解戶原領舊封絕
無美耗未爲定規

一店舖牙行操錙銖之本逐什一之利本縣每加
體悉令朔望校通結開報貨物價目貴賤高下

以平市法其金珠綢段等絕不取買柴米油燭類
隨發平價已經歷示外如積行把持多索牙用市
棍徒騙欺帳鄉民及在官衙役朋比爲奸假公濟
私擅官赫許等項訪實依律究遣

一本縣北抵錢塘南通溫嘉西隣閩境東迤會稽
號爲通衢游民雜處流移之人未知跟脚或避差
徭或躲罪犯或携家賣姦或操本小息皆不可知
禁拒則不廣混處則無別着城鄉隣佑一有到者
確速報以便議察本縣嚴行保甲法不得不加

意此輩耳

一私宰耕牛律法所禁爲夫盜賊之源多起于此
本縣已訪知市蠹趙元會通同諸大德等顯一罔
利犯禁責治令里鄰遞甘結外如有類元會再犯
者許地方拿送盡法究處

一私和盜賊皆縣鄉保貪利失主畏事所繇致使
然也殊不知養寇遺患小偷者大盜之漸今匿者
後發之根甚至擄畧鄉村剽劫郡縣皆始之私和
爲醞釀也地保張七六呈賊吳子文後求和息嚴

政部

責不准外如有犯者依律重治

一私和人命甚爲不法飽居閒棍惡之腹轄苦主
鳴籲之口長豪強肆殺之志沉死者九泉之冤三
吳間有兩浙爲甚無非見利而動輕枉法網耳本
縣三尺從事后土皇天矢諸心曲如有犯者定不
爾貸

以上數款皆擇其重大者言之其餘貫頗多不及
一一著之曉諭也各須觀省苟過而能改即爲良
民毋負期望責成之意云

論諸生微

竊勸四民之中士居其首彼其浸灌詩書之府陶鎔禮樂之場楷模先哲以正其趨締結時髦以弘其助當以聖賢豪傑自期待不當以庸愚錫冗自暴棄及一旦離疏釋躋乘要援津入束紀綱之司出膺民社之寄繁纓晉錫崇其體貌章甫渙文昭其尊嚴有俸薪之奉以優身有誥蔭之典以及世朝廷之待吾輩固不薄而吾輩亦不可不預養其具先安處菲薄以負

政部

五

朝廷也世之下也其卑者溺委瑣局促之習而鮮卓犖偉特之操其高者奮虛無浩渺之趨而少精實切近之蘊甚或一掛青襟恍登八座如畫地無上進之階不實白璧炫鬻十城似墮墮歸下流之境知聲利之可徇忘身名之足珍甚可惜也蘭邑山川秀美人文炳蔚文章節義燦焉在昔多可景仰余叨令此土每與諸文學講究古今剖析理學多能窺洙泗考亭之淵源而入洴湖白鹿之閭與心竊慶之第恐其沒溺世趨遺佚古道而斤斤以高科大拜足了生平非

所盡士子之量而不愧宇宙完人也夫配天事業在于至誠作聖根基始于有恒要在敦本尚實心解力行以純純常常之念成磊磊落落之品顧所振勵何如耳惟探討于四書六經中而認取此心故物兢業于卧碑勅諭內而循蹈世嘉謨此不第為天下士而當于古人中求之濫陳葑菲以備採擇如左

計開

一師帥之責不外政教二端政先約束教貴潛濡相輔而行而贊序之中彬彬郁郁師道貴嚴敷教

政部

本

在寬調劑以出使人油然而自得之趣故足術也朱子曰學校之政不思法制之立而患理義之不足以悅其心理義不足以悅其心而區區于法制之未以防之是猶決湍注壑而徐驟蕭蕭以捍其衝流也必不勝矣余不佞欲督率多士而猶恐所令之反好也故先提醒理義悅心之妙以為自淑淑人之本云

一學者須認得知行二字親切知非第講究發明之謂乃心靈中炯炯不昧庸之所謂睿知孟子所

謂良知也行非第經綸厝注之謂乃心體內純純無私傳之所謂自脩庸之所謂近仁也末學以聞見當知迷溺于訓詁而不知天聰之啟濬乃爲真知以事業當行遂逐于功利而不知性地之粹白乃爲真行于此識透學之爲道思過半矣

一士先器識而後文藝故體貌欲其端嚴毋流佻巧心神欲其凝一毋着浮游才情欲其偉大毋聯纖細動履欲其謹慎毋歸放蕩固脩身養性之資亦善世享福之本備習洗滌而忘敦厚孰傲僻而

政部

七

忽謙和以睥睨世界爲孤高以踴越繩檢爲狂達竊爲多士不取也

一聖門四科首列德行唯顏閔可謂足以當之蓋亦難矣士固衆庶之望也敦倫重本修身俟時以事親之孝而移于君故能忠以從兄之弟而移于長故能讓抱慈愛之良而澤必施于貧獨涵剛毅之養而威必肅于僉邪乃其培植根器篤厚本原全在提醒于夜氣清明之時而惕于旦晝惕亡之頃庶德行完而品格卓矣

一士人一生唯取于最大伊尹之居莘也一介不以與人一介不以取諸人異日阿衡事業胥根抵于此世人不達猥云一介不取誠哉嚴緊之守矣若一介不與不幾慷慨之過乎夫財不從天降不繇鬼輸國之汲民之膏也不慎而與亦必不慎而取乃可以濟欲博豪俠之名而居汗下之寶庶者之所不爲智者之所不出也

政部

八

一義命自安乃學者事義主于斷制而歸之于命則無矯亢不恬之意命主于處無而協之于義則無貧賤不實之趨人生處世豈盡如意貧賤無愉快之境富貴多缺陷之端如堯舜之無賢胤孔孟之無高位歷嶮巇而不勝兀臬之危遇風波而幾致傾覆之患自古賢豪往往爲然至于一生平坦萬事亨嘉者不僅一見也君子處安樂每懷兢業處禍變反自坦夷毅然引之義而適然諉之命焉耳

一學須先識得心性情才何謂心人之一身五官百骸賅而存焉心亦一血肉之塊耳而有竅能靈

爲衆形君爲庶事宰而性則藏于心而爲仁義禮
智寂然不動者是也情則發于心而爲惻隱羞惡
辭讓是非感而遂通者是也才則運于心而以仁
之惻隱者兼濟而不困以義之羞惡者裁斷而不
靡以禮之辭讓者謙光而不伐以智之是非者辨
別而不惑是心統性情而兼才虞書之道心嚴危
微之辨大學之正心居修治之先孟子之盡心密
存養之事置力原本之地學之能事畢矣

政部
九
一世人以科舉之學不閔性命之原非深于學者

也敎奏明試兼聽並觀文章性道徹上徹下士試
三場皆吐心靈之秘傳往哲之神實學實用于是
乎在假令孔孟而生斯時未必不繇舉子途而遂
其周流應聘之懷也士人潛跡草莽必純以名節
忠義爲砥礪而不急急于詭遇獲禽之途致身廟
堂必全以君國子民爲擔荷而不營營于私圖自
便之路斯真處不負已出不負世安見科舉之學
爲害于道耶

二舉業工夫得力在看書十分明徹得機在作課

十分純熟譬如田獵射御慣則能獲禽擅百步穿
揚之技萬無發而不中之理開三驅不失之法豈
有敗績覆壓之懼故學思其不精不思有司之不
明業患其不專不患有司之不公必根本六經探
討聖賢之血脉沉酣于史振括百氏之精華寒暑
無少間之功險夷皆自得之境展卷而時有會操
觚而若有神憚耕農之苦者學十五載而爲帝者
師上賢良之策者年六十餘而擢爲第一目前泥
露足下雲霄似可必得在所自取耳

政部

十

一性習之辨不可不早孔子言性兼習孟子專言
性善一則慎其趨操使不流于非僻一則接其原
始使猛向于天養素絲就染而變色習之當慎也
白璧去淄而還原性之本善也故國有習尚鄉有
習俗人有習氣顓頊吾輩主持詎可輕自落于不
善之習如進止不檢以趨謁爲捷徑本領不熟以
剽竊爲常套衣冠逐時而尚風流之致言動隨人
而鮮孤孑之標甚而庭闈切實之地多浮泛而不
根上官嚴憚之所或把持而無忌習之不端性亦

非故不願同志之有此也

一士子出身倘不能擢選木天而寄一方之命則錢穀訟獄兩者實爲最重諸生今尚未遇漫云清理何難訊鞫何苦而設身以處其地倘遇更侵漁而民拖欠胥舞竊而人把持將何以給征繕之煩而信明允之令兩浙之間士子多包攬扛唆之弊蘭固胥臺之風而畏壘之俗也兩者幸不逆我顏行第恐一二無志之輩不無濡染于納戶之餘潤而代爲輪官嬰臂于好逞之微資而黨同罔上學政部

十一

者達大爲期清嚴自守絕意斷

故於列款之終而杜防微以爲不虞之戒云

初立法徵收錢糧告示一道

金華府蘭谿縣爲立法簡易徵收錢糧事照得錢糧出自里甲徵收分定期限點設司櫃以掌國課以記民輸至重役也查本縣舊規收銀止置三櫃輪收止管一月法非不善但納戶完銀前易後難櫃頭收稅初多終少如四十一年舊編條銀今以仲冬本縣調任查理尚欠十分之三倘司櫃之後已滿民間之糧未清將令何人職掌致使歷年拖欠解額不敷爲此示仰縣總巡造籍縣虎頭鼠尾冊田多者在前自多政部

十二

至少俟次開明不許紊亂一樣二本各畝總巡造十甲人戶實在丁田冊亦一樣二本俱限五日內呈縣查閱食點四十二年櫃頭分畝收銀每一櫃收幾畝該銀若干收完乃止不許坐守一月委而去之併點隅鄉總十人筆數登記于比郊前三日造冊總比定爲三限如某畝里長通共銀若干一限該若干今完若干尚欠若干不依限者比責糧銀俱着銀匠印記戶自封不許櫃頭多勒分毫火耗聽府欽解文到數領封解給每日各隅鄉總登記稽查一則革去

舊日敝規不使戶糧書手勒捐上號票銀省費千金
一則鄉都畝里比較齊一不使完欠偏枯增減作弊
致虧解額庶幾在官依期解給

上司免催併之繁在民按限完銀里甲有樂輸之便
因稅易克官法不擾特示遵守

政部

禁省詞訟告示一道

金華府蘭谿縣爲禁省詞訟以培善俗以息刁風事
照得爲治之道太上貴因最下與爭故易者噬嗑之
義詩稱雀角之誣所以懲訟凶而著無情不貴聽訟
而責無訟之意也兩京而外浙號首省東西分界風
氣異宜饒瘠之土既不相如澆淳之民亦甚懸絕宜
其忍情性以無爭置橫逆于不校而今有大謬不然
者介鷄起黨使酒速殃一朝小忿貽患身親夫陳寔
居隣訟者恐爲所短彥方在里不善不欲使知民有

政部

十四

良心胥知愧悔而爾輩以競逞爲嘗奎倖勝爲奇策
及今不止長此安窮曾不思一詞在官舉家皇皇囊
橐全罄于吏胥桁楊半及于子姓吾睹其害未睹其
利况連年受旱溢之災比屋蒙饑饉之苦吾方欲與
民休息乎無爲而爾亦瀆體悉吾靖綏至意無事夙
敦親睦有事尤善調和非重大事情如人命盜賊等
外其餘些微芥蒂兩釋猜嫌永無詬辭小之融睡毗
之怨大之捐禍敗之端皆自不好訟得來倘或仍前
是必以三尺從事并將狀訟焚于公庭決不輕貸

禁止三事告示一道

金華府蘭谿縣爲嚴禁三事以防邪民以革敝治事
照得浙東山多田少地瘠民稠而蘭谿尤爲水陸交
衝四方遊民雜處此土往往與地者不肖之流朋比
爲奸故其風氣習俗每競花蕩之歡而尠樸實之致
是以賭博嫖娼飲酒三事習以爲常雖紳章藉口爲
高曠將氓蚩其心于沒溺苦不禁止小者貽敗名壞
行之殃大者釀喪身亡家之禍思之痛心言之切齒
特諭爾民亟加警省有則速改覆轍無則罔投陷阱
政部
十

計開

一事賭博凡民無行義之尤者不業四民之業而
以六博蹋鞠爲生此宜家無擔石朝不謀夕者爲
之而蘭中有身家者多墮習焉士廢詩書農釋耒
耜工棄規矩商忘子母無不潛跡開場之家徹昏
夜餐飲食拚性命爭取一擲萬錢之利而竟不思
賭而敗裂者什有九賭而完好者什無一其根原
皆起于主家窩匿擅利帮者引誘分潤爲之祟也

今訪的開場主名若而人帮閑誘賭若而人入夥
同博若而人引繩批根務當其實屈首就法俾伏
其辜倘上之人不行嚴禁下之人不知痛改將使
祖宗豐厚之產傾匱而凌夷自己清白之名潰壞
而決裂一念不謹萬有餘喪思之思之

二事嫖娼凡人烟湊集之區逐什一而熙熙攘攘
以至者爲爰精也蘭第一巖邑耳上不如閩廣之
盈衍下不及藕杭之殷鞠而當兩京八省之衢仕
客屢踵相襲彼彈爭扣絃掀幕曳裾目挑心招以
政部
十六

爲容者亦多有之柳巷花街

因不禁絕俾商旅經年在外稍通男女之情而非
令本土有妻室者迷恋而忘其家也今訪有貴介
子弟豪富少年溺于妓而傾盡囊橐之藏娶爲妾
而離異琴瑟之好甚至有爭寵相殺訐告不休誠
念初終殊可灰冷本縣初到驅逐妓家間有一二
留住塔邊者止許過往遊客暫時止宿並不許城
鄉子民尋常花嫖倘或有犯着地隣拿送枷責以
汪淫風

三事飲酒毛詩曰毋荒湛于酒左傳曰酒以成禮
不繼以淫麴蘖之設所以合歡禍敗之流至于召
亂細訪本邑有一種狂逞之徒豪飲酒家不醉不
休富者杖頭有餘貧者典衣不足日日酩酊竟忘
生涯至于歲時伏臘之會冠婚喪祭之期亦多罔
顧禮讓惟圖沉湎不勝杯勺旋起鬪紛甚而嬉笑
之閒竟成擊殺之變夫灌夫罵坐釁極亡家畢卓
盜醪耻貽喪檢唯爾士庶當思聚會有禮燕飲有
節酒或三五行而止宴或逮昏而撤預防荒淫之
政部
漸使無詬誶之端可以節齎精神勿至敗禮敗度
可以保護基業勿至或播或遷是所宜日夕警省
以嗜酒爲痛戒者也如或仍迷餽習不知悛改輕
犯不赦之律決不以始初杯酒之故而爾貸也
其惕之

再禁省訟告示一道

蘭谿縣爲重申禁諭省訟安民事好訟之害結怨不
休無訟之樂貽安無量前示已詳詳勸勉不啻詳悉
而訟風猶不少衰止何也豈獨行冒臆私逞知諂而
然與抑別有教唆沒溺誤聽所致耶自壬戌亂偏聽
生奸無一可者凡目今農務方殷田苗始茂正可親
勤稼穡力事庶幾而伺候衙門擔誤畝東作之務
既荒西成之望何有是使鄉間有深怒積怨之寡而
婦子無高廩盈室之慶也爲此特再宣明勸爾速反
政部
田廬早加芸耨一切官司悉置勿問雖當收成之後
苟非緊要大事萬不得已亦一槩不與准理本縣雅
慕澹泊無爲之化而厭薄深文之吏勝其民而自以
爲愉快者甚無謂也吾民思之

舉行鄉約保甲法告示一道

金華府蘭谿縣爲仰遵

憲諭脩維民風着實舉行鄉約保甲二政事照得鄉約之典肇自周官保甲之法立自管子彼姬代雍睦之風超軼夏商而姜齊富強之烈睥睨秦晉良有以也此兩者分之各益于民而合之交裨于治試言其概俗之敗壞民失德也民之失德競滋也夫鄉約者

御訓錄臨于上職官分列于旁者碩編氓環觀聽于

政部

十九

下講讀有規以開發其性靈善惡有薄以警惕其趨向于是乎淑懿之行成而禍佚之非息此行鄉約而效者也盜之不弭民于何安民之不安職于何稱夫保甲者設十家之牌稽四民之業朔望類報以重其規里隣連坐以嚴其罰遊手好閒則禁左道邪疊則禁竊貨禦貨則甚禁于是乎寧謐之休致而鈴柝之警消此行保甲而效者也一主于勸諭化導而禮法名教之所維特能使強者帖服校者悔俊可以收盜息民安之化一主于防範整頓而刑威約束之所調

劇能使澆漓返厚偏驕還和可以召家絃戶誦之風此又行鄉約保甲而兼效者也夫其效可立臻而卒未見實效者何也繹

宜聖先勞無倦之言味申公爲政力行之語而質諸家宰孫

題頒總約二款捧玩

按院李 着實修舉一檄乃知行之而効功不在民也即行之而不效咎亦不在民也親民莫如有司倡衆莫如身帥本縣叨令茲土加意二事自下轍來每

政部

二十

朝望哀集諸長老于四門公所宣講

聖諭六條親製序端各分一帙俾日夕觀視務知禮讓毋即愾愾而里甲井伍魚鱗比居家與家相嚮人與人相習不使作奸犯科之徒橫行其間亦于朔望令通執結獎其從道者而挾其不軌者任滿兩年原行不廢而調蘭月尤爲益虔今

按院新令森嚴庶司奉行謹恭而其中一切事宜悉爾輩拘墟之見未必盡曉循塗之守不能悉行特示易之規求作遵依之范如行鄉約則有某若干條

如行保甲則亦有其若干條摠之嘉善懲奸務庸員
淫之路乾初惕後不貽玩愒之譏凡爾士庶須各努
力列款如左以便法守

計開

鄉約四條

一逢朔望日本縣親赴在城四門寬廡公所一處
請士夫有聞望者共相闡發禮義務使明析砥礪
道德必求端方以爲齊民鹄式其各鎮鄉約間時
親往召致父老特加勸勉毋怠

政部

三十一

一每鎮鄉約先着直亭老人四名捧

御製聖諭南向置棹本縣到時偕縉紳學校堂上拜
諸色人等堂下拜務循齊整嚴肅之度以革舊凌
詭詐之風

一講畢地方耆老呈遞善惡簿本縣親問主名知
者實書事跡不得顛倒是非變亂黑白致使修繫
淋良以力孤援寡而掩其矯特之操奸邪不軌以
家厚勢雄而覆其作耗之惡

一鄉約耆老責在諭俗誘民不當持官撓法里閭

中方清平無事之時每以爲善最樂等語豫行勸
化及變故叵測之際又以官法無私等語聽憑訊
鞠不許私則武斷鄉曲公則扛扶具結

保甲四條

一本縣共計二伯四十里自城及鄉家不下萬戶
人不下億指泛縣前起編定十家牌各注某家幾
丁口某丁何生理十家立一甲長百家立一保長
千家立一鄉長統轄愈多責任愈重互相覺察以
防不虞

政部

三十二

一各鄉悉置十家牌鄉保甲長一節管一節而摠
歸掌握于本縣本縣于行鄉約時親詣各地方查
照及朔望間挑擇一二鄉詢察并平時廉訪如盜
賊賭博忤逆花蕩等項之人隱匿不首舉畧以管
尚連坐之法嚴治不貸

一保甲爲首之人公報地方事體許據實直陳不
許捏扶曲稟小民有冤枉未申亦止許自赴縣告
不許先投保甲在各長勿容侵有司之權在細戶
勿致召覆盆之屈如官未問理先連名具結指道

曲直依律重擬

一土著之民易于整察流移之子難于辨知保甲之內或有孝子順孫義夫節婦等善類及身犯五倫事乖六行者一一呈究外倘有遊僧外道異言奇服潛住地方即時稟白以憑拘究隱匿者同罪以上鄉約保甲二政各列四條書不盡言言不盡意治世當以大德爲政不在多言凡爾士庶務遵

政部

二十三

曲折筆所難悉者臨時而宣慎無仍前泄泄視爲故事祇應虛文特示遵守

力行節儉公約一道

竊惟儉之爲德于禮著美在傳稱恭復古君子每兢競依以幅限勿使過度而江河之趨逝波莫砥日月之往還影難迴類多賈笑于不華孰有表貞于太朴此浙西饒富久已風靡而浙東瘠薄不宜日汨者也迺今觀嚴水之區月異而歲不同矣飲食燕會水陸哀珍攸積揚潑玄黃繪彩間遺餽送筐篚萃異創始若駭沿習成常彼此往來非是不度不知數年之後作何樣規矣爲此定爲公約戮力同心務相遵守上

政部

二十四

之薦紳先生倡爲標準下之編戶齊民隨爲法程可以節奢賄用而不犯好盡之戒可以坊止淫佚而不罹打罔之愆或有裨益列款如左

計開

一燕飲宜儉山海之錯宜貢天府沼溪之毛可羞王公故宴不過乎三爵著何下于萬錢儲費以養有餘惜福以晉不盡此物此志也今之會客者亦太甚矣撮拾方物無取官中拮据蕪晨不敢嘗食而不知三簋之可享一葉之足嘗惻惻自真華靡

直僞耳今擬爲定式尋常偶集果四般六湯點各
壹時暇坐久加以小盒裁取洽情不煩浮費雖犬
宴饗殺不過十果不過五湯點不過三攢盒不過
一倘有醜虎加邊之類賓告主人三肅而退凡我
同志幸勿淪盟

一牋帖宜儉古人文字書之以行貫之以革載之
以車孔子好易常編三絕惠子多方其書五車是
也竹簡之修短隨文字之繁省餘即折之今易以
赫蹏而尚仍折簡之名志其舊也世之趨也揭用

政部

三十五

綾紉牋加金翠雲霞燦斐堂之色刻畫麗陸離之
光一目既過擲之烏有終年約費積且不貲今與
吾輩相約除上任新婚賀壽等外一應平常交誼
悉用白帖燕見并不用帖遣問止用單帖小吉慶
禮只單紅帖非問人他邦小套足矣護封可省非
難封人言書端可矣副啟可省某棟先祖大叅公
與知交往復舊書朴狹特甚此不過嘉靖年間而
今已極靡矣妄列前約雖云不文或有裨耳幸各
知約

一問餽宜儉殷戒苞苴湯禱自問澹嚴簞簋賈疏
傷時若之何公行無忌以程席之豈薄爲恭敬之
隆殺也夫禮尚往來古所不廢今豈能逃絕牙處
自標榜以爲高顧斟酌于彼我可行之間而參定
于情文不畸之際務使足表羔羊之節而毋貽衆
齒之訕則亦宜定爲規制俾可末遵如上司不應
餽送外其平等交際必不能自己者始物贄見家
纖不過二端土物不過四件而金花羊酒之縟儀
亦何益之與有至歲時伏臘通候或四盤或六盤

政部

三十六

而止其最相知者即一脯足矣兩不糜費亦便報
酬而何必縮取備物俾不可繼也此其或者可以
崇質可以黜浮可以樹儉可以免謗幸相固守
以上三端皆係官箴且不可廢故特揭之至于
冠婚之鄭重喪祭之慎追屋居之樸素服乘之
畧簡僕從之減省不能一一闡悉凡我同志君
子幸推類而悉加意節約焉

徐太常入御賢祭語

且古真儒烈朝碩佐清風亮節主持名教于一時茂
績微言師表八倫于百世身肩伊洛闡圖之真脉心
印金許何王之正傳 高撫臺曾相俸建院爲生前
講習之區 蕭按司有置主迎祀爲沒後俎豆之議
夫非重其窳聖域而躡賢閔倡同志而排異端也若
其以而晚弟痘廬親墓孝友風烈長而周族急賻友
喪仁義素著老而化鄉閭憂君國朝野倚重此又當
代之所惟一見者也第據縉紳欽式之情襟韋推戴
政部

之誼合應列名鄉賢正祠昭往時崇報之大典并建

主大書書院慰來學景仰之公心

徐太常入御賢祭語

徐太常入御賢祭語

勘得徐太常幼抱瑰奇長操孤介歷官三十載文經
武戡兼優住世八十年朝論鄉評翕服最可欽者一
生清白家無儲廩之箱尤有功者四海步趨戶多問
字之屢出弘豪傑之作用擔負乾坤處裕聖賢之根
基維持名教

甘高兩撫院建講堂于存日

蕭王二宗師暨木主于邇年幸衣冠之可藏尚俎豆
之未舉按之往哲則有若金仁山范香溪專祀于前

政部

脩之近者則有若章楓山唐漁石特享于後惟公懿
節可紹徽猷謹據士夫公呈爰備

台臺明鑒乞賜詳允俾永遠行特仍講堂許續額祀
庶幾蒸嘗不缺盛典通傳于千秋功德可酬清風益

起于百世

徐太常魯源先生謚典勘語

勘得太常卿徐孝第素孚清廉夙著歷官二十載
囊無一錢著書億萬言士來千里佩其明德堪作在
位之范型味其遺風長樹後學之繩準宜從易名之
例以昭崇報之典也

陸侍郎葵日先生謚典勘語

勘得禮部侍郎陸質具穎魯才優董賈班聯翰苑
處清華而節凜冰霜秩掌成均弘化育而榮敷桃李
皆作探乾符之秘人仰如山操持秉坤靜之原其心

政部

三

似先生前夫究其展說後宜崇其徽徽者出

趙文懿相公專祠勘語

勘得已故大學士贈太傅謚文懿趙鼎甲名公楓宸
碩輔清操亮節上薄雲霄坦度休懷下舍山谷經筵
啟沃默輪補袞之忠幃幄運籌顯樹襄夷之烈臣子
綱常爲重犯權相奪情起服之議而不避其鋒國家
根本匪輕回明主匹長並封之嫌而旋得其旨當國
十載養中外和平寬大之風住世兩朝繫臣庶愛敬
瞻依之念始同柳聖之黜不易介于三公後並裴相
之勲宜食報于百世查得本邑前有名臣章文懿唐

政部

四

推薦

文襄二公皆仍私建之祠獲微公祭之典今趙太傅
理學事功足追前哲凡筵榘楹宜慰後人現有家祠
不煩官帑倘沾特典庶慰輿情合將縉紳學校公舉
呈詞中詳

鄭節推鄉賢叅語

叅劾得已故節推鄭弘道甲第起家刑名佐郡秉性夙懷忠孝操心兼備清和兩地賢聲美其棠之有口一生廉節嗟苦藥之無家若其年穉嬰而愛扶祖母克敦李伯之情躬清素而勉賑災氓直步范文之義斯真人倫之師表世波之砥柱而允宜俎豆于鄉祠者也

政部

五

鄉宦軍門徐石樓備薦語

助得徐撫臺某者清和毓德氣備四時簡淡涵情行超千古花縣試其錯節薇省表其直聲剔歷臬藩弛張文武三齊兩化陽春桃李舒芳八閩風裁歲晚冰霜欽肅若迺開府福省造福尤弘白蓮鼓煽鄉愚勒正功追禹孟紅番勳捥國脉撫清烈比郭裴雖暫卧東山實作人倫之師表宜表揚

比闕備

聖明之董擇者也

政部

六

孝子朱伊臣勘語

勘得孝子朱伊臣青衿厚養赤子純衷幼有仁心長多義舉寒冰取鱸曾躍王祥之魚暗室焚香每滅蔡虞之粒至于家無擔石而效范希文之助友喪身僅予道而倡蘇公之建祖廟此皆近代所希而旌表宜先者也

孝子趙應昌勘語

勘得孝子趙應昌真純賦性至孝結裏負水生前既篤萊庭之愛廬塚沒後尤深風木之懷若其感化州政部

七

間大有彥方之範雖雍子姪堪追公藝之風至於讓義而還妻更爲輕財而遵俗所當旌表以勵世道者也

節婦朱氏勘語

勘得已故廩生趙崇古妻朱氏躬修嚴肅矢志堅貞孝事孀姑肖禮修之色養烈盟亡王同共姜之靡他撫遺裔而卓矣有成鳩餘產而隆焉勿壞雅有丈夫之概詎惟女子之操今已七旬恍如一日宜併旌揚之列以興賢淑之風

節婦邵氏勘語

勘得已故民童鳳鳴妻邵氏心同止水氣迴清霜哀毀從亡痛夫君於蚤歲劬勞代養娛男姑以衰年化彼比鄰丕變桑間之靡俗守茲靈樞何殊漸臺之貞風且抱侄以繼宗祧能與夫以綿血食似此節孝之婦應沾旌表之恩

節婦陳氏勘語

勘得已故民何啓妻陳氏貞性凌雲烈腸貫日特重從一之義遂甘不二之操侍湯藥而寢不解衣知者

八

動色懸畫像而莫不輟哭聞者酸心乃其居恒而密製送終之資擇吉而徐圖自盡之計雖彼慷慨殺身之丈夫未必賢於從容就義之女子也亟宜旌表以

關幽貞

政部目錄

招斷類

人命二條

一件

軍門劉 批劫殺人命事黃圭告黃大諒

一件

學道王 批檢人命事生員姜承學徐行達

項焯等叅詞

盜賊二條

政目

一件送冤事祝魁告李元

一件獲送賊事張七六呈吳子文

墳墓三條

一件

學道周 批盜葬事趙志清告徐元善

一件盜賣祖塋事張永宣告張元敏

一件

守道蕭 批懇恩俯從民便克拓北城以益

編氓以襄縣治事張黃一姓恢城

存塚叅詞

產業二條

一件違法事鄭氏義門叅詞

一件存祀事生員倪尚功陳應召許告

婚姻二條

一件

兵道堵 批奪婚事龔慶告邵玘

一件

兵道堵 批指盜淫抄事俞大接告歐陽賢

政目

繼嗣二條

一件

按察司王 批抄寡事潘氏告童復第

一件篡繼事葉見善告葉見雲

倫理二條

一件滅祖戮儒事祝大勳告祝屏

一件

兵道堵 批天斬逆異事劉杜孫告劉周

僕婢三條

一件	軍門劉 批燒劫慘變事徐時錄告洪三苟
一件	懇勦豪叛事鄭國信呈法良
一件	激勦兇徒事鄭二答告周九六
娼販二條	
一件	劫殺事曾鄉告月蘭
一件	冤騙事趙忠告朱三二
債典一件	
一件	圈騙事姜應麟告姜金一
政目	
廟宇一條	
一件	甘結事陳宗圭呈錢尚元
訪犯五條	
一件	
鹽院楊	批訪黃三龍審詞
一件	
按院李	批訪朱八入審詞
一件	
按院李	批訪潘尚恩審詞

一件	
按院李	批訪嚴尚審詞
一件	
按院李	批發湯溪縣訪犯章家隆叅詞
一件	
鹽院崔	訪犯嚴汝植審語
政目	

一件

軍門劉 批劫殺人命事黃圭告黃大諒

審得黃時霖者黃圭之子也黃圭與黃大諒黃大愷等兄弟鴈行五服不疏黃圭令子時霖同大諒大愷時通等往閩中販散絮爲生蓋以貧窶之夫而圖細微之利此關民糊口之常態也資本不過數金而在外動輒經年良亦苦矣大諒大愷等先討帳完歸家而時霖以帳未清羈滯在彼黃圭閱閱望子久無音耗與大諒同去閩中福州古田縣探問消息原寓程政部

後泉飯店云時霖回久矣因沿途細緝至秀嶺地方有舖兵蔣卸報称上年八月有一男子病亡于此蘇百戶着軍人以土掩之遺一小雀籠猶在乃時霖之物也當時閩中府縣皆有成案而蘭邑里遞黃四九家長黃賞等僉云黃圭與大諒夙係相好原無怨尤近以子故他鄉訐訟數年本是貧家今益落魄黃圭之告以親房爲強寇以病亡爲劈屍張大其說聳駭聽聞誠爲不情弟憐念其子死他方抑鬱無聊卽其詞過甚姑從寬貸仍着同往生理三人大諒大愷時

通各貼銀二兩與黃圭到秀嶺地方自取子屍歸葬以杜後讞黃圭與大諒因時霖客死他方兢相構訟業業荒蕪家私廢盡若不爲杜案將來餘孽長此安窮斷不貼費取屍庶幾兩無後言黃圭誣命雖虐爲子情切大諒等小質度口劫殺無干各應免罪

政部

一併

學道王 批檢人命事生員姜承學徐行達等恭詞
審得梁拱璧之死在於四十年四月廿九夜越五十
日六月十九而始獲屍當天氣炎蒸之時遭江濤泛
溢之頃收之魚鱉之群認之形帶之際而九泉之冤
可白三兇之獄幾定矣今華縣初審王頭傷擬項焯
抵拱璧母兄原狀首項焯以徐行達而不及姜承學
且項焯自認以門拴擊之其何辭于大辟卽府招亦
首坐項焯矣後項焯復訴屍親再告而刑廳改擬承
學王肋骨傷斷其三且行達承學自認以木柴擊肋

政部

招

據詞內項焯擊頭四損姜徐打肋三斷致命傷頭爲
重肋次之縣招是也而頭損未甚肋斷難續輕重攸
分刑招尤確似百口不能保承學矣但細檢肋斷乃
第五根第六根第七根也五七兩根斷形斜披中六
一根斷形平截倘爲木柴打斷宜斜則俱斜平則俱
平而參差不等似稍有疑且承學又以原狀無名而
直爲此嘵嘵也再三訊鞫頗末情由梁拱璧溺妓陳
一家私傾廢落魄無妻梁猶戀陳而陳欲遠梁久矣

陳一青樓與姜承學等館密通梁故宦家子夙與三
人同娛花市承學許與搭會以固其歡是夜陳一邀
諸文學飲兼以諸文學有省試行而舉此杯酌耳陳
一鴈意于姜欲薦林蕭瞞梁寢聽項焯負至館梁醒
覓妓不得奔往叩門噬其腮陳一之弟陳阿弟聞風
而疾趨救姐矣承學輩怒其殘嬌面而攘臂矣姜浪
雪以館童而從中助毆矣此其勢如以石碎卵而安
得復有生拱璧也晷夜叢毆旣非一手足之力拊屍
拋水又無眾耳目之觀況溺以洪波積以旬日收無

政部

招

全稅檢有余制鞫以嚴刑僉倪首日前獄旣成詎敢
置喙而項焯之兄項燁獨有拱璧自走出館失足投
河之詭說恐爲諸人游說脫禍未可信也泰照盛怒
毆人期以洩恨當以恨濃下手最重者抵此則爲承
學擊肋定案項焯始而起禍復與謀共毆改擬原謀
干律不爽及查毆鬪條內原無弄屍之文死者亦無
殘毀形骸之慘今拱璧之屍殘毀形骸弄屍水中合
擬行達姜浪雪弄屍殘毀之律各擬徒陳一官賣杖
治餘免究申詳

一件送究事祝魁告李元

審得祝魁者已故監生祝養麒之家童也養麒與弟養麟兄弟二人俱在太學萬曆四十一年二月內養麒被乳母之子童文一與通姦婢范氏殺死養麒原無子息已繼其弟養麟大子祝明棟爲嗣先前有義男桂童生二子招貴招富於萬曆四十年十一月盜財逃出當告縣出緝批未獲而其父桂童年四十餘尚在祝門子去至亡而心不變此亦童僕中之有義氣者忽於四十二年八月二十一日有一男子自稱

政部

五

錢塘巡捕李元手持字一封云是招貴改名張三犯盜杭城月認已故監生祝養麒爲父祝養麟爲叔希圖往救夫盜劫之人即使親子姪勢不宜救法不容赦而况連逃之僕在外已久者乎且或緝知養麒被弑根由以在匣之虎兇尚思咆哮食人未可知也今審保正祝燕六等云桂童之子走出在外是實且桂童現出官招認盜逃之子不復顧總又安得累及其寡主母趙氏并其弟監生趙一元旁主祝養麟也恐盜賊之人其心不良或有後累將保族一千摘詞立

案巡捕李元聽憑賊口或不知情姑免其罪但不奉官牌徑自代盜通書爲可恨耳差役押解錢塘查究本人來歷以杜禍端

政部

一件獲送贓賊事張七六呈吳子父

審得吳子文者積賊也其竊取人財非一家亦非一日九月廿二歲地保張七六等呈詞盜朱叔相穀皿而子文之母唐氏有抄詐之告謂朱叔相子朱世一窺其芳年艾媳王氏久與通姦因誣其子為盜而欲有其夫婦比時心竊疑之至廿七日而兩造具有息詞夫盜情甚重何可置不問也朱叔相遁出私和金捌錢而居間者何三五猥稱幫工于廿一之家則始而出首且告者何心繼而養盜傭作者又何心得無政部

唐氏姦佔之說不虛乎夫私得和金非所以為公也欲淫盜婦非所以為潔也子文之兄子忠云七六代契因告而毀三五說和稻未全償保正見事生風不終送賊之舉失主貪寇遺患或緣淫佚之情杖止廿一不及其父子文之行竊七六之扶同箠楚苦之以警將來

一件

學道周 批盜葬事趙志清告徐元善

審得生員趙志清徐元善爭墳職先親往踏堪裡塘山朱畝邵烈祖墳在馬東邊三畝邵門留為祖穴蔭蔽西邊四畝徐信買得二畝三分趙志清先買一畝後邵希龍賣七分與徐元善只扣有穴之所而不顧其他二生爭告不休志清先買理直斷令元善起棺志清分買七分之地則西邊四畝之山徐信有其二畝三分志清有其一畝七分定界昭然弗可淆亂乃政部

本年五月廿七徐元善起阡空還志清買地停棺邵希龍山界今已移別所可杜後釁而徐信即于廿八日又葬一棺侵于趙志清所買邵烈一畝之內夫此一畝山地耳始志清聽堪輿而營墳繼元善惑風水而撓葬後徐信復違斷而侵入一地而三姓紛紛爭奪

臺批一遷一葬不法之極世間有此頑民學校有此橫生真異哉絕無而罕見者也第徐元善與徐信非同族業已自起其墳可勿問其他腸而徐信一鄉里

豪民卽令此山絕佳亦宜從容俟數年之後乃今日
起而明日葬又侵志清之地此三尺所不赦也斷令
立時起棺空還志清分內之地徐元善遵法起尸宜
符其前日惑溺風水之非徐信擬從解道申詳

又審得趙志清買邵烈裡塘山一畝以葬其親而此
山原額七畝邵門自留三畝蔽祖墳先賣與徐信二
畝有餘而堪輿家爭言風水在志清所買一畝之內
適有生員徐元善皇皇擇地亦令邵希龍駕地一畝
四分多金售與元善竟葬棺于志清之地志清控府

政部

九

行縣堪審督令起棺着志清出銀八兩代希龍贖元
善之地以兩全斯文一脉具招申詳

府批希龍還價元善起墳無容別議但希龍偷賣將
無作有元善盜買指東葬西減縣斷之今止令志清
出銀四兩給徐信買丈尺之地以培趙墳肘腋之脉
立石定界各得其所而不意風水之說中于膏肓元
善起尸徐信隨葬青衿之子尚遵官法而不敢自屋
之豪竟藐成斷而橫行徐信之意直欲兩生員皆退
三舍盡踞有邵山而止乃一畝之買志清先有明契

而四兩之斷徐信復已領歸其侵佔趙地者何心其
復告大冤者何解邵墳七畝未賣者三畝已賣者四
畝分析在前合以二畝三分歸徐信以一畝七分歸
志清秀穴衆指稱在趙地徐信尾元善而攬葬宜速
令遷去無使滋蔓元善始惑于青烏玉尺之說爭此
一杯之土而今甘心他徙徐信所葬之女棺其弟徐
諾之妻也元善不與同宗今以爭墳褻服似猶可憐
卽志清之口與里遞之詞可質也徐信勒限起棺還
地如前擬申詳

政部

十

一件盜賣祖塋事張永宣呈張元敏

審得張永宣乃浦江之繁族也衣冠濟楚家戶詩書忽以謀墳告樓文源而賣契之人即其族生員張元敏之父張克深也據永宣稱是祖塋山地及查流水號簿買山三十畝而號簿止十畝豈無因而交易耶永宣鼓通族百人開訟公庭諒以祖宗風水所係卧榻豈容他人鼾睡既爲祖宗而欲墜前庇後想亦公舉公心而元敏執稱已產貧而售諸他姓多得以治生亦學者常務今斷事係通族法難盡行昔范文正

政部

一

上

府

有讓宅爲蘇州學及麥舟助喪之舉况張門自稱二十五分家丁數千各捐毡上之毫贖出爲公產永不許異姓侵塋則樓文源不失原銀張克深不必他鬻而永宣一族之人何用嗷嗷以起干戈于室耶又審得張克深將墳山七畝五分賣與樓文源契價六十五兩伊族張永宣同族衆張應可等告稱三世祖張明一等合塋伍里原見陰萬丁不宜一人私自獨賣且于義萬無可以祖先墳塋爲異姓所有審克深係幼房合族糧差存伊戶內者有墳山七畝五分

遂認爲已產思售他人以竊貨而不知爲公堂之物渠安得擅去乎今斷贖出前墳復還故物仍爲公共祭掃之山張門衣冠濟濟未必非此秀麗之力幸而樓文源雖買尚未開掘張克深雖賣即可取回斷克深名下追銀陸拾伍兩與文源使族衆無言先靈無恙永垂後規但其墳山之糧宜入公共家長各下以公租償納俾後可恪遵不致再變成招存案以貽不朽

政部

上

一件

守道蕭 批懇恩俯從民便克拓北城以益編氓以

襄縣治事張黃二姓恢城存塚祭詞

審得黃仁環係宋訓武郎崇祀鄉賢立祠於三都花
橋地方離城二十里許鄉人尊爲土神祠旁一塚碑
勒黃將軍夫人于氏墓其黃某墓按唐十道圖縣有
此墓及查正德年縣誌云今莫詳其處亦不知何名
又查宋潛溪集內云黃榮家世金華析居浦江義烏
其族屬耳榮之墓不在浦的矣及本縣親勘兩邊遷
政部

十三

石中僅八尺許約止一墳亦不知誰氏所厝既不申
明於嘉靖建城之際又不呈告于本年改城之初邇
者因事起釁跡涉番涎矧恢拓城基先經遵奉各上
司議允批府行縣已久居民自費工本于垣將觀厥
成無論墳之虛實遷之則安各無妨礙且北方地脉
來自仙華舊塚新墉豈堪並峙庠序間里各有公呈
白叟黃童應從其願

覆勘得迂城遺墳世遠人亡黃榮舊傳金華黃仁環
離城廿里黃某名既不載墓亦未詳據稱塚自唐朝

尤爲渺茫無辯帝陵易世多變民塚豈得終天庠序
間閭公呈可信山靈地脉通邑馮依如人望之是從
知改迂之非忍第念孤塚雖云無主枯骨亦疑有形
一杯之土旣存三尺之法難借況張姓原非欲滅此
而朝食乃黃氏何爲鼓衆而雄行合應存塚掩骼以
塞刁口并治冑祖諫衆以杜橫風

政部

十四

附

一件違法事鄭氏義門祭詞

勘得浦江鄭氏夙號義門禮樂相先簪纓代有族繁
在昔風替今茲雍睦之雅漸弛貴陵之弊多熾本年
四月本縣覲回復任至諸暨地方有鄭良周以聚
衆抄殺告鄭惟善以違法殺命告倖焉召屈請得而
甘心焉比將到縣途近義門族衆叫譟遮邀路勘至
旌義牌坊公堂一區之後空地一塊鄭良周父鄭王
事聚材鳩工造作樓房已有年歲擲言建豎惟善阻
撓良周鳴額夫鄭王事上有封翁尚馬鬣鏤下有諸
政部

十五

子亦列序庠倘非已分之基何召族人之闕據惟善
等稱是公基且礙風水鄭封君已份契于數十年之
前鄭王事又營度于數年之內乃待工料既完刻期
豎立始有後言耶初閱兩造大爲駭異尋召致公庭
勸之以禮讓懼之以法律幸有伊親金巡檢傳生員
從中分解途兩相釋憾各肯降心以相從也可置勿
復問第恐造基之後或因小忿再起蕭牆畧爲裁決
以垂不朽此基原係二十五分後并而爲五分其別
分各已周環造屋鄭王事份買其中區自有自造毫

無僭踰族人亦妄云一二置買何不早規尺幅隔限
藩籬以各相別白而臨時相競斯已晚矣且茅土分
封易世多變義門公產子孫有之知骨幅之無違抑
契券之有據况鄭王事素稱謙厚不爲已甚而族衆
衣冠濟楚亦恂恂多以禮自閑過而能改晚節可嘉
縱堪與家兩相煽惑交構其間欲從中覓利必不可
偏信以傷敦睦致取室內干戈之譏也今日之斷要
以防不虞杜後訟耳

政部

一件存祀事生員倪尚功陳應召許告

審得倪盛告懇全祭祀爲祭田七石有族人倪江五十一同伊親兄倪江百三賣與陳和六陳和廿五以通族公共奉嘗之產而輕于擲去又非家長家衆所知倪江百三兄弟之辜不容違矣但契出於倪江百三之手而天奪之祿或者祖考之靈降之大戾也論律則五年交易法無變更論情則禮義相先孝思在念生員倪尚功等爲祖哀籲亦可原也據陳生員各應召者云田屬陳氏冊籍已定管業已久誓不肯讓

政部

十七

續據倪生員伯侄又稱倪氏之田產實與陳氏者七十餘畝而今所贖者止于七石爲非祭田不敢盡取茲所贖亦不過十分中之一二耳倪陳兩姓亦浦邑之巨擘古有以天下讓千乘輕者區區撮土何不肯降心抑志以相從也况前有積案總以爭產釀隙無已倘不爲調停兩族之釁當不自今日止也每田一畝四斗原價銀一十兩今加五兩每畝一十五兩每一石銀廿七兩五錢在倪生員爲祖存祭捐金雖多

得遂孝思在陳生員價值稍浮亦可別置以償去業

向來之紛紛庶幾其少息乎不然者各執一方自雄其見一以爲祭產思血食之復延一以爲遺業如割肉之難捨虞芮之平何時而得覩其盛也但倪氏既贖此產不可得隴望蜀仍思恢復七十餘畝之數而陳生員亦不可堅執不聽令倪氏有後言耳倪盛陳和六自三月告訴因係衣冠之家發令處分兩不輸服風俗無禮讓之美族鄙懷詬誶之象本宜重懲姑令割產以觀其後

政部

案股雄逞一方藐忽三尺非一朝夕之故矣去春生員倪尚功爲公堂祭產與和六許訟而伊族生員陳應召代訴因兩係青衿發學公處并同二姓族親十甲里通議將倪氏所陸續典賣于陳氏之田共計七十餘畝止令取贖近祠廟者一十六畝零計田六石有奇仍以倪氏孝思當重同堵宜輕照時值每畝加銀五兩封庫杜爭此亦出于天理人心之公而非大有所強勉也倪氏返其故產陳氏收有羨銀過冊已訖成案且存可無後言矣但陳氏尚種作未吐爲倪

生員者能無清理而鳴籲乎五月十九差民壯于正往拘吐產和六等卽同族人群打官差甚至碎膚裂表此不法之尤律令所不宥者也據倪生員訴稱陳門止恃陳生員一人敢干橫行歷數其姦私窩盜等情姑置勿問卽此贖產一節在倪生員爲切已血食之需在陳生員爲遠族包攬之利二生之曲直萬耳萬目之所共觀且聞也行兇如和五包訟如應召一苦之城旦一褫之衣巾彼亦何辭姑念山谷愚民久昧王法且陳生員以一身任通族之事視爲固然本政部

五十五

縣到任刑罪每從寬減前程曲意保全倘後悔禍于目望之姑將和五一人擬杖餘黨免擬陳生員應召亦免申原斷田六石餘已經收籍着倪生員尚功執管上給祖考蒸嘗下供子侄誦習不許陳和六等佔種再失生員應召越訟以啟後釁

一件奪婚事龔慶告毛邵玘

審得毛邵玘有女錦綉年十二歲曾於萬曆三十九年許龔慶次子龔得頭爲妻於四十一年十月初八日得頭身死龔慶意欲以六歲幼子龔可大續婚而邵玘不允遂誣告賴婚稱子不死既欲以弟頂兄則叔嫂之倫不順又復以死作活則虛幻之情莫逃毛邵玘見婿既亡業於本年四月轉許張守信子張壽成爲妻壽成年十五歲拘至看驗年貌相當龔慶聘帖八兩內除會銀原不滿數今斷以張聘十金悉與

政部

二十二

之而龔慶心不足也復告於府必欲得錦綉而止龔慶鄉愚非善訟者金應熙以省祭保歇羽裏之紛紛不忌毛邵玘見府告而舍府奔道以鳴不平也合如初斷將錦綉配與張壽成成婚而以張聘十金給與龔慶領去杜其後釁應熙故刀筆掾縱橫指揮顛倒婚姻擬杖何解

一件

兵道堵 批指盜淫抄事俞大接告歐陽賢

審得俞大接者歐陽賢之父名俞良春抱領之子良春實姓歐陽而曰俞者爲繼子俞也良春始而無子因領大接小名佛惠已而生子歐陽賢小名佛助觀其命名之同則其無子之時視爲珍掌卽有子之後列爲厲行可知所以聘郭十五之女翠妹爲大接妻也後又生幼子歐永泰而遂無鵠鳩之均視矣余故駕舡戶也自永康徙居蘭江歐陽賢爲承發房書而

政部

四

三

五

大接仍業駕船飄飄在外久不歸省良春亦駕船于外與大接各自生涯不同舟共濟今年洪水泛濫良春溺死錢塘屍莖江魚之腹不可復得而其子歐陽賢遂思父以操舟亡其身而大接舟人之子渺無歸期擬以翠妹妻其弟永泰而女父郭十五不願也論分則有妻嫂之嫌論年又有夫小之嫌郭十五閔閔望婿俞大接返故廬而大接果至矣歐陽賢不欲令翠妹爲義兄之嫂而作胞弟之妻宜大接之鳴不平也况郭十五雖貧亦蘭中之著姓豈其有女不欲適

勝吾家者而甘與下隸爲配覆視初名佛惠佛助原無軒輊之分豈可以螟蛉而奴使之婚從初盟女無再醮鑒鑒乎翠妹宜爲大接有矣歐陽賢以房書遲舞文而思亂倫幸其謀未成且其父有恩養大接之誼斷出二金遙望江濱灑弔以報歐陽賢違父志致兄告擬杖

政部

二十四

四

一件

按察司王 批爲抄寡事潘氏告章復第

審得章端七七生四子長致整次致崇三致瑞四致福今致福故絕遺妻潘氏頗有家資初立私約不立承繼三分輪管後以長房幼子生員章復可爲嗣於昭穆亦順於情理亦宜而後紛紛構訟者何也因二房致崇次子章復第曾爲潘氏管家今現居潘氏祖分房屋見復可之立後也不肯甘心卽三房致瑞第六子名章復俊亦姑復可之立具告于府控以在刑政部

廳已准章復可爲四房致福之後案云畢竟繼無容動此不易之定論也但既斷之後

司道府縣之訟累累不息以一分之絕產而四分之入爭之其不立盡而歸焉有之鄉者鮮矣古人如夷齊之讓國子臧之逃祿清風高節焯爍可羨而蘭人何沉迷不知遜讓一至于此今斷潘氏生存之日產不許分析置立一簿房屋田業具詳開載悉歸潘氏掌操享用復可准令繼嗣而不可花費待其百年之後以一半分嗣子章復可爲章致福潘氏春秋祭祀

之需以一半分長次三各房均沾其惠以平諸子侄之心章復可所分長房一分之產長房有五子其四子亦不得以復可出繼而爭取之蓋潘氏一日在則章復可一日不得其產卽使後日得其產而亦非全得章復可其兼長幼二房之分產庶可以資其目前讀書之費而杜其後日奢願之萌也章復第既不入繼不可以夙昔管家之故而佔居潘氏之屋速令出居二房祖屋空與潘氏憑伊執管所遺產速着鄉保家長預分一樣二簿官給印信待潘氏百年之後一政部

半給章復可一半與三分爲公堂祭享之需庶幾兩無間言而章致福無後而有後潘氏一生勤苦生可以養而死可以祭矣章復第據呈爭繼不遵府斷致潘氏匍匐上告合擬杖

一件纂繼事葉見喜在葉見雲

審得葉朝日無子而年老原以長房次子葉見道爲嗣見道有子葉應升有孫葉可期今見道應升皆下而其孫可期固可倚也年已七十歲葉朝日又慮可期孤單并立三房一人葉見雲之子葉應召原係三分大房葉應賞葉可期其曾孫也次房即葉朝日亦曾生一子葉見科而絕無後三房葉朝閱生一子葉見雲今應召其孫葉朝日之意爲已無嗣欲使長幼兩分各承一嗣以見道嗣已後而可期接之以葉應

政部

召嗣其子之後中房之產分析固均而昭穆亦爲不紊今葉見喜之告葉見雲只爲見喜長房第三子因身貧希圖分烹絕產耳倘人人思割裂取去則朝日垂老之年百歲後幾無血食矣朝日心因公平事亦安當准與立繼不許再有爭奪但可期既得二房之產則長房有三小分見道祖分產亦宜讓出今查各已爲訟花費無存姑將現在朝日田產除去分女婿大者九畝次二婿各七畝五分又自賣十四畝原田九十三畝計分析變賣止存田五十四畝平分與

可期應召管業承嗣宗祧其外十四畝以十畝分長房應基應陸見喜三人而以四畝歸幼房見雨非偏有厚薄彼居長而丁多此居幼而丁單泰之情法應作如是斷耳

政部

三八

一件滅祖戮儒事祝大勲告祝惟屏

審得祝惟屏與其子世彥以賭博起家橫行里中近因佔種祀田堂衆不與先經呈縣仍復議和祝門多彬彬文學之儒其先有顯達者不一而足翮聯甲第指日可駁何惟屏父子獨與生員祝大勲祝以遇等數十輩爲難據開惡跡多端其圯族敗類之共驩也諸不具論就事論事侵祖先之祀產可謂不孝捏無端之和金可謂不義造惟薄之垢語可謂不仁犯通族之衣冠可謂無禮逞父子之倔強可謂不智五德政部

三九

斷

亡矣所當屏之遠方勿令居中土以爲族黨羞姑念小民無知薄擬惟屏杖不及其擊

一件

兵道堵 批天斬逆異事劉杜孫告劉周

審得劉周者劉杜孫之父劉全有義養子也全有當無子之時視如已出及後生有杜孫兄弟三人而不能有鵲鳩之均視劉周久有二心且全有年太高卽劉周亦六十餘逆知義父亡而杜孫輩終非好相識出資金華縣民方榮之母童氏已經十五年生有幼兒名福順年可七八歲彼於金華有室廬之居有妻子之養優游以終其天年而何苦復返蘭之劉門以政部

三十

尋閭牆之釁也爲杜孫者曰彼我兄也不可以不歸爲劉周者曰我徐而育于劉也誓將老于贅妻之家而不肯歸夫王者有分土無分民劉周不肯認兄長之尊而甘居義養之賤且自稱爲徐九四其於劉氏兄弟已矣杜孫又安得以父死不奔喪之說仗大義而洩小忿也方榮張魚不知字畫福順嬰幼不舉匹雛一劉周繼子一生子老年之人依以爲命而認爲訟師指爲強賊無情之詞一至于此第念父有恩養之誼弟無顧念之情亦可原也斷令劉周處金杜孫

處蘭昔有居曠林而不相能者自應別異息其後爭

一件

軍門劉 批燒劫慘變重徐時錄告洪三苟

審得洪三苟之父洪七三與徐時錄嫡親姐夫郎舅
蓋洪七三者徐時錄乃父之愛婿也七三貧而業屨
度口松江携有小廝名洪來貴徐老欲之遂與其岳
後配以婢女三妹生二子一女四十一年七月偶因
失火并延燒徐時銳家時銳與時錄並居兄弟行時
銳具告署印徐丞時錄重督過來貴夫婦不小心致
令延燒召訟來貴情不能堪復携妻共小子女五口
政部

迺歸故主洪七三家七三與子洪三苟皆業屨小生
意之人勢不能保其僕徐時錄與子徐榮一復稟前
署先拘來貴之妻三妹留家使用而來貴與子處
故主之家洪氏父子既不足恃賴而妻三妹繫拘徐
門不能完聚遂赴縣有佔妻之告來貴初爲洪氏之
僕繼得徐氏之婦兩家至戚非陌路掉臂之比何至
紛紛聚訟竟無了日且來貴出居之日因貧鬻其兩
幼子殊可憐也先斷令洪七三出銀八兩還其舅徐
時錄贖妻與來貴完聚而七三因貧未付乃徐時錄

寧甘心必得來貴夫婦而不肯領銀遂以無心失少
爲燒劫僕歸故主爲窩盜斯亦不情之甚矣斷三妹
仍與來貴元聚令依其洪門舊主查來貴歸洪主之
日徐氏父子曾取伊穀種十石值銀四兩鄉約朱義
又云徐榮一與來貴妻三妹從幼有姦必欲破產謀
得爲奴婢此父子之濟惡不才者也止斷銀四兩于
洪七三名下追給與時錄贖回舊義男不許徐時錄
榮一父子佔戀本應重擬姑念愚民無知且係兩家
至戚時錄擬稍杖

政部

三十三

一件懇勸家叛事鄭國信呈法良

審得法良乃鄭國信祖遺守墳之老蒼頭也鄭氏簪
纓閥閱之家世有顯達今多英俊皆祖墳一脉爲之
蔭庇也爲守塚僕者止宜保護不當侵損乃法良不
顧世代恩養恃其家稍溫厚子有三人竟藐視其主
築基擬造房手墳之右手堪輿以爲白虎邊高此鄭
門所不利而弗肯甘心者也基地係何畝之產向爲
法良所謀得今鄭貴八另以別地換出非復法良之
有矣速令撤其磚石止其畚築無使成房以貽後害

政部

三十四

法良所以肆馬無忌者爲因萬曆壬子前任劉縣入
覲設杯勺于鄉保署名善類討得以義自好扁一面
遂又私自豎崇德堂扁一面竊書縣王姓名誇嚇鄉
間竟忘王分此其假冒官名爲不法背叛王分爲不
義連將二扁額收縣毀跡仍令復守鄭坐擬杖警以
正名分

一件激勦兇徒事鄭二荅告周九六

審得鄭二荅鄭門之小荅頭也有龍陽安陵之風初交周九六後棄九六而交王應悌九六恨入骨髓與遊手張汝化持刀趕殺二荅幸而得脫此所以有激勦之告也九六爭勇甚於爭女不顧其命向賃鄭生員房住因滙其僕卽令逐去他方老死不相往來

政部

一件劫殺事曾卿告月蘭

曾卿福建人蕩子嫖娼楊月蘭而蘭民洪三一亦係同嫖友後月蘭心向三一而背曾卿三一携月蘭避往蘇杭之間今復遠去不知下落曾卿多費囊金今已赤貧鄉保處分先于洪三一未逃之先有十五金之與而後告本府又斷六金曾卿復具詞于縣據其嫖蕩不務生理可憐不足惜况三一渺無踪跡府斷何償而洪三一之父洪廿六代子出訴恨子花遊飄飄遠去如飛鳥遊魚天高海遠不可復得爲其父者

政部

豈能以年老風燭不定之人而千里覓子以結訟乎子之賢者父有餘榮子之不肖者父有遺累姑臧府斷之半令洪廿六出銀三兩與曾卿爲歸閩盤費逐去金蘭境外不許在此撓亂衙門斷結立案不爲府追紙贖以示存恤遠人曾卿并愛憐年老洪廿六之意云

一件冤騙事趙忠告朱三二

審得朱三二與販婦女以徐州所携有病孕婦先賣郭家郭家欲退轉鬻鄭家鄭家又欲退三轉而歸趙貢生皆隱情欺騙恩脫婦得銀耳趙貢生買婦之時爲其有孕生育之後將以乳已之子而不意其病勢瀕危推還朱三二家其初之銀則交鄭家收去而根由則朱三二與販婦女爲之票也論法已經郭鄭趙三姓一婦周流卒復推至朱三二家而下難以復追前銀論情卽郭鄭二家亦與朱三二朋謀同去病婦政部

宜均召前銀而三姓皆庠序青衿遊學遠出俱不在官姑置勿究斷于朱三二名下量給原價四分之一與趙貢生少慰不平之意查朱三二始而與販繼而轉鬻終而領歸節節不離其手今着出銀五兩與趙貢生不爲過也

一件圈騙事姜應麟告姜金一

審得姜金一胡禮二共將田一石賣與姜應麟契價六兩二人分受後復以此田轉鬻他姓金一償值三兩而禮二未也應麟索之禮二以七齡幼子抵當前田兩契俱在應麟之手遂有迭賣田私誘子之告應麟之意見禮二田去無管思取其子以供役而禮二不忍割其幼嬰亦愛子之情也况認過臘月清楚而應麟無乃欲速乎仁者不離人骨肉之恩義士不多取錙銖之利而應麟執留二券猥稱多金實在三金政部

耳其鬻田他姓而未償原主者此三金也其鴛子頂田而未來服役者亦此三金也姜應麟持空虛之券以求多于貧窶之夫亦不德之甚矣追入官斷以銀三兩令胡禮二贖其稚兒姜應麟稍快何辭

一件并結事陳宗珪呈錢尚元

審得錢尚元承父爲有妻道士居橫山襲香火供奉
有年數矣至四十年七月有趙相國蒼頭趙順盜王
財拐二婢藏匿廟中三日後奔吳下半年期獲出尚元
朋姦分贓審明俱經擬徒有罪之人難久處此懼明
神之所吐據社保陳宗珪等呈結城隍廟道士名胡
應科可頂香火亦未見應科果不負所舉而尚元猶
然佔戀山廟以先朝勅居任持世守血食爲言夫茅
土分封易世則變妖道世襲豈得終天錢尚元犯法

吏部

元

卽時驅逐并追其竊賈賜器貯廟供奉神祇胡應科
久蓄撐奪乘窩婦之釁遂爾起波二人俱禁片外着
里社中長老擇選小心謹慎有行義者報充道士以
世其傳

一件

楊監院訪犯黃三龍審語

審得黃三龍惡跡千款有影者居七無據者居三細
鞠平生止以附會徽商致死朝枉苦王尚抱憤恨鄉
閭猶然不容伊堂兄黃五八同難先斃是以三龍狡
免得免前縣既開縲絏今難復致囹圄但其逞筆刀
之鋒搆魚肉之利每思肥己不無損人事涉風聞不
敢槩從羅織勢當星散竊思究其根苗如搶木佔妻
似皆屬于烏有若許銀索酒亦難波及無辜合將本
政部

吏部

元

犯詐黃宗彩黃汝星吳氏等銀共六兩三錢應入官
攜帶繼子何臣龍家伙值銀三兩應給主律姑從輕
擬徒申詳

一件

李按院訪犯朱八八審語

審得朱八八者市井一大蠢也陰竊狐假之勢陽張虎鼻之威交結衙官附任俠而通暮夜之賄指使門隸嚇鄉愚而攫白晝之金訊鞠再三里閭中有切齒傷心之實恨欸跡十二案牘內非捕風捉影之虛詞就其睚眦不羈何臧翁伯之胃窮其閃爍多變合加少正之誅第念繩以沒入之科則悖入悖出金錢隨手輒盡開以矜疑之律則敵惠敵怨羅織難坐無辜

政部

合將本犯騙詐吳四渴張廷尹祝養麟等共銀若干應入官朱邦接王大照等銀若干應給主姑以騙人財物律擬徒申詳

一件

李按院訪犯潘尚恩審語

審得潘尚恩者鄉里之豪也無滑稽以文奸而有鷙猛以武斷同宗受荼毒之慘異姓遭膚剝之殃爲保正者五年多招貪罔錄皮之恨開惡跡者十欸豈盡林蛇市虎之虛縱湯網宜開或弛一面之法而禹車徒泣難有各心之民合將所詐潘余邵法龍等銀若干宜入官王子龍潘應壽等銀若干宜給主姑以重科里甲詐贓律擬徒申詳

政部

一件

李按院訪犯嚴尚審語

審得嚴尚者捕盜快手也捕盜之惡浮于爲盜凡縣皆然而蘭谿尤甚嚴尚之爲捕快也廣綠林以自潤似猴而冠投朱門以張威如虎而翼小倫其佃僕也歲取常供大典其庄田也月加索擾族多共驢之輩聞者愴心家隱埋之奸見之側目服上刑于妬惡宜加擢髮之誅歸下流于紂兜或從疎網之宥合將所詐汪天倪孫日太章五七等銀若干等銀若干應

政部

入官吳堂屠簿銀若干應給主姑從輕擬徒申詳

一件

按院李 批發湯溪縣訪犯章家隆參語

審得章家隆者氣馭非大而思張虎狼之威計智非深而每行狐鼠之譎父子兄弟濟惡不才宗族鄉閭貽禍不淺借衙門以嚇詐半入囊橐之和金附盜賊以攀噬全沒穿窬之隱賄每能無風而起浪不待見影以造形累牘連篇原書冊于故府剪兇屏惡宜衣縶于窮邊第念其行有谿壑之貪家無擔石之蓄武健雖可以行詐文彩不足以濟奸倘愚賈之未盈或

政部

褫魄之可戒合將詐某人銀若干宜給主某人銀若干宜入官以詐人財物律擬徒申詳

一件

崔鹽院訪犯嚴汝植審語

審得嚴汝植惡跡十二款爲本犯自作者七爲同黨助成者五廉察其實狀一門習氣殊無麟鳳之仁姿再世風聲類有鏡泉之暴質僻處深山窮谷藐官法如升髦雄視弱戶細氓逞私圖如席卷縱挑販之醜黨而竊其牙錢客穿窬之偷羣而分其餘潤買田房多不敷之值娶婢妾有強合之婚乃其同惡之奸亦多異變之事如陳三七以私和而得五金湯應慶因火葬而燒二命趙廿五之糾集逃亡周百四之冒錫冠帶繩以嚴律皆在不赦之科宥以恕情多出無辜之累合將本犯騙詐某銀若干應入官某銀若干應給主姑從輕擬徒同惡某各擬杖申詳

政部

軍

所

漆園卮言二十四卷

浙江巡撫採進本

明莊起元撰起元字仲孺武進人萬曆庚戌進士官至太僕寺少卿是集大抵應酬之作下至吏牘公移告示靡不彙錄且多編次叢脞目中列目如啓類之中分宰執翰林諸門已可不必乃又列交際通用之門殆近類書昭明文選之分類與杜詩蘇詩之分類均無是也

銅馬編二卷

〔明〕楊德周撰

原北平圖書館藏明崇禎刻本

附《四庫全書總目·銅馬編二

卷》提要

跋

南仲之筆香田也馬不食芻
軍不捕雉及其以述職行卽一
卒一歸差以爲隨士民感憫駢
集歛賁百錢相送毫不繞指誰
謂趙成都劉會稽難其人哉古
余序一
來砥行之士於世味淡者於應
酬必艱若首陽采薇一歌寥寥
絕響而孝肅伯起輩其文藻率
不少概見今讀南仲南北征二
編大都抒恬夷之趣暴爲蒼蔚
之詞抱曠遠之思擲爲宮商之

韻模古而酷能鑄古趨時而單
厥超時凡采風辨俗吊古懷今
以及禽卉之微忠孝之巨與夫
山川勝蹟異同真似之際剖析
精詳情景逼肖誠淪淪三百之
遺音盛唐之繼躅也者昔晏元
余序二
獻身居弼輔却好爲小詞宋廣
平端方直亮爲天下第一流等
而梅花一賦乃曲盡其艷麗妖
媚之態意文人詩酒自有別腸
又不徒在名行間較饒拙乎夫
南仲何莫猶是也

邑部民余文龍題



余序三

題楊南仲銅馬編序

去年冬余以輯瑞之役次雲陽遇楊子南仲相與捨舟遵陸度天塹涉濠梁踰淮泗跋齊魯以望燕薊行役之次間以餘晷探勝覽古玩山水以忘勞話興衰以寄慨於是激而飲酒感而賦詩詩成則相與存之訂之亦聊費序一

以舒遠道之鬱紆記歲月之踪跡已耳然其宵旦之所望而趨魂夢之所寤而往施之如日瞻之如雲而咫尺之如不違者則固不敢貪流連之娛恣笑傲之樂寄情題詠之間傲騷人墨士之所爲忘其所有事也比至京人春明瞻銅馬仰官闕之崑峨觀

衣冠之輻輳虎拜稽首

天子萬年而後喜可知也事旣竣南仲以所爲記若詩若干篇彙爲帙名曰銅馬編授余曰吾與子役同行同而途中之情之志又同知是編者莫子若曷爲我序之余雅古王者之制天子巡狩則太史陳詩以觀民風其

于述職亦無不然故其時政治之得失風俗之美惡無不入於歌詠而皆可以獻天子自三百旣杳而歌謠詠綴不復上陳于是騷人墨士以其精神口舌之所求輕用之流連笑傲之末不過嘲風弄月繪水寫山以字句之一得自競其長而已究何關於天

下國家之大間有一二悲憤勞騷託
物比興思美人望君子而稍出之淺
露者則不免有看桃詠檜之謂爲詩
案之蠹雖有孤懷而究亦不可以獻
天子久矣失詩之無用而所求於詩
者亦僅曰詩云耳然則今之所爲詩
望三百之藩而未之見者微獨其詩

費序三

躁發淺薄不可以語興觀群怨卽其
所爲詩之心先自薄也南仲積學有
原爲政有譜其爲古田令以經術經
世務而職無不修其入觀

天子也暫而民不能舍相與攀卧贈
路金至數百里不止而南仲夙以賈
生治安天下之才時存杜陵懷感時

事之意故每事未嘗不有心天下而
未嘗不寄之於詩然其居心則平夷
渾厚直追三百可興可觀可群可怨
之原故其爲詩也不以激不以夸其
事詳而核其理富而確故詞與理並
足如此者不謂之詩以當南仲之述
職可也卽謂之詩如古王者之制以

費序四

獻天子可也覽斯篇者其務覓作者
之志按其足踪之所經想其寄意之
所注然則向行役之次視爲探勝覽
古之餘而其中之所有事者固原隱
隱在筆墨間宛轉淋漓而不容已也
此銅馬所以名編也余不知詩而知
南仲知南仲固不可以辭而勉爲序

之如此回想江淮齊魯之間春明銅
馬之上余與南仲謂之役同行同則
可謂情志之同予則愧矣

昔

崇禎甲戌季春之月晦前三日黔中
費道用頓首書于江山舟中



費序五

銅馬編上

古董楊德周齊莊父著

北征記

余宰玉田兩載有奇矣癸酉冬以覲行為陽
月之廿日先是紳衿脩祖道之詞獎誦溢美而
父老念余裝旋醴錢具道路費余曰若愛我甚
其以撲滿溼我乎亟令留姓名各領所投之鐵
去昔趙清獻宰崇安鄒道人鬻業得錢百緡助
公行公初不受既詢其鬻業錢始受之此弗論

銅馬編

卷上

十

鬻業與否公安得有妄納出劉會稽下耶既發
耄稚攀轅車軹不得行數十里外勢醅膠勞之
者村戶皆滿亦復有沿途饋緡者却如前及次
日樽壘尚接踵也蓋此地風俗之厚如此廿有
二日離縣界入建安晚宿小橋茅店臨流斷筍
獨酌差得清趣顧回首翠屏未忍徘徊遽別也
早到建州按宋孝宗以紹興五年封建國公登
極後陞為建寧今仍其名刺桐花下路高低恨
不得六幅輕綃寫入畫耳謁司李解公授以閩

言鉅鹿驚人時有余王兩生從困關買棧
送而沈尉亦至夜作小飲早發甌城樹裏溪
流曲曲如帶入建陽水隱而山環兩面矣地名
云改自晉大元四年又云先改于太康中未知
孰是遷望武夷在數十里雲嶺外按錢鏐二子
長曰武次曰夷故以名山舊志則謂有神人降
此山自稱武夷君漢武築壇祠焉緣行促不及
窮六六三三之勝乃此地一以爲仙窟一以爲
儒林能無艤棹結茆之想晚宿店樓早起雨途

銅馬編

卷上

二

泥濘行數十里溪流復縈于樹裏而甌城之地
有巨建陽接浦城者卽一郡一邑犬牙相錯意
深哉度兩嶺從昏黑中抵浦城取閩越王築城
臨浦也世傳江文通爲吳興令夢人授五色筆
跡是文藻日新今浦城故吳興也縣故有孤山
里人因以夢筆稱耳二日經梨嶺雲樹杳冥峯
巒迴合唐詩所云星斗逼人高者此閩浙分界
處梨關又名仙霞關凡二十八曲長二十里楊
文公云天下水皆東惟梨嶺之水獨北此又一

異也乃仙霞屬江山矣趙汝騰詩云暗水盡從
空澗落好山剛被暝雲遮句亦佳江山卽指江
郎山也一名金純山通典又曰須郎山發地如
筍有三峯悉數百尺色丹奪目太平寰宇記謂
有五色石又或謂石高頂樹生沉香又有小池
霧雨魚輒生飛去相傳烏野游鱗墮子生長白
居易詩云林慮雙童長不食江郎三子夢還家
布康云天上樓臺山上寺雲迢鐘鼓月邊僧及
近日徐文長句日如雲外升天從隙中度之句

銅馬編

卷上

三

頗爲此峯生色而博要云江氏兄弟三人登山
巔化爲石何誕也至儀宴禪師及湛浦子導歸
事理固有之邵詩正咏儀宴卓菴事爾是月之
三日買二舴舺發清湖山行旣久忽聽欸乃聲
暗水披崖扁舟掠岸意甚冷冷因思閩浙之水
各注于海迤邐俱千里而沙截灘迴不以一瀉
故盡洩尾問誰爲蓄之誰爲放之造化之徐而
後發何獨人事爲然蘇姑蔑經龍丘蒲帆竹纜
斜陽半江初七日抵潑水泛蘭橈進長山謁司

李阮公舊遊之地感慨係之舟次作回文類
序發戴生波臣登梓初十日過子陵祠下雲低
遠渡湖落寒沙清風萬古何顏更登雙臺王叔
承記七里灘俗稱七里龍謂南渡山水多稱龍
又以龍脉得名此大謬是必瀧而訛傳之耳瀧
乃水之滙處一音雙原亦音龍何疑焉十一日
抵東安棹阻石尤忽順颶微漾乘月抵江干咏
雲藏樹引潮落鐘遲句錢塘風景宛然是夜遣
一僕一役還家入城訪徐松溪維翰留明聖湖

銅馬編

卷上

四

尋至昭慶共泛六橋宴建陽甌寧兩大令水調
侑笙簫鼓與波聲相應月色如洗留連夜分越
一日買舟度關時松溪先半日發矣望日發塘
樓早經涵山山在語溪村余舊講席處也故人
如倪吳兩公俱物故而吳長君從余授業者成
壬戌進士亦不及晤山陽陽關悲愴何已十六
日宿松陵早次吳門李文饒所指吳之門戶也
按蕪水陸俱八門皆子胥建劉禹錫詩所云二
入城門開道路許渾詩共醉八門回畫舸是也

入我朝又有封赤二門蓋增入而十焉象天門
通閭闔風故名閭門楚在西北閭闔欲破楚又
名破楚門至春申改爲昌門蓋諱之也圖經以
子胥家胥門被誅後抉目懸門上按此門在西
而子胥懸目東門又門皆子胥所命名必無以
已名名之者越絕調外有九曲路閭闔從此遊
姑蘇臺庶幾近之他門俱有取義不及載其他
若示浦門魚城酒城鴨城稀巷豆園胥城糜湖
城擺溪城巫擺城搖城俱堪入詩料而詞人鮮

銅馬編

卷上

五

用之豈吊古者竟不必用古事耶時復遣一奚
迂余虎林者而稍子亦遁夷猶虎丘堤邊者半
日竟不及進海湧峯一步褚淵有云今之所稱
多過其實惟虎丘過其所聞過而不入蓋俗腸
之婦人若此是夜餞舟關上吟張正見顏真卿
張祐諸詩恍如臥遊亦復令人閉筆侵晨乘風
挂帆抵惠山不及酌弟二泉憶十年前遊鄒園
甚潔麗後此經過已不免在殘陽寒蔓中洛陽
名園固隨地陵谷無足挂恨志載秦伯城在無

經里二十三傳至王僚俱都此自閭閻之徒
不再世而社墟霸圖銷歇數輿地會至一丘一
壑又不足係今昔之懷矣德祐間元兵攻常王
安節先死之其後姚峴陳炤胡應炎及包圭之
血戰殉國生氣凜凜此亦何異睢陽遺烈哉舟
抵雲陽山帶梁朝之陵水連劉尹之宅舣棹荒
城正苦無伴而福清大令贊聞如適至蓋原訂
偕行者同心握臂驚喜欲狂又遇舊友荆大澈
早晤松溪旅覓爲蘇二十之一余與聞如陸

銅馬編

卷上

七

行晚宿白兔鎮五更乘月起走句曲道中踉蹌
問無從尋第八洞天第一福地顧咫尺舊都
愧無能摹六朝賦兩京爲國家修豐鎬之盛
耳曉起風勁甚揚帆渡江午憩江浦卽古棠邑
地謁莊定山祠廿有四日過烏衣巷止滁陽時
天尚未晚偕聞如山行從龍興寺東經太僕寺
登山椒遊歐陽公醒心豐樂兩亭亭在幽谷旁
其後祀唐宋五賢流風餘韻前後相映躡磴過
峯則栢子潭迥在山麓此高皇帝五蛇登

處又嘗注三矢得雨登極後遺崇山侯脩祀
典碑鐫宸章極高偉讀章煥繹思亭銘亦自洋
洋山上老栢千章潭水深遠中有白石柱四隅
尚留遺礎蓋當時有臺閣覆其上今不復存日
哺策蹇至醉翁亭按此與前豐樂俱歐所募文
而蘇爲公門人在潁州時從滁守王君之請寫
登諸石較初刻大如許歐公嘗植老梅虬幹輪
囷尚自六百年後呵護留此暗香疎影然不鮮
其茂榮若斯已觀曲水出門觀醴泉已成符井

銅馬編

卷上

七

過十餘武僧導之酌六一泉億辛衡記云旁有
石泓泉甘如醍醐瑩如玻璃將無是耶乃呂元
中所記紫薇泉又復恍惚惜此行艸屛未及細
驗以目証耳手証目耳更欲尋琅琊古寺而夕
陽西下併羅崎蘭堂亦無從踪跡憶其記猶強
人意因思高皇帝豐功偉業此潭實其肇基
之地飲吐風雲昭茲瑞應是固天授之奇而名
賢遺韻一觴一咏山高水長其不朽將母以人
皇耶晚抵寓鉉兒至爲一醉而寢早行度清流

關此滌之南微也藝祖斬皇甫暉姚鳳于落馬
將母在是已過大柳驛則崇崗疊石迴互不斷
其云環滌皆山毋乃環山皆滌乎蟠踞隱隱從
數百里擁 帝都萬年 王氣鬱葱可辨侵晚
渡淮微茫中咏水引寒烟江樹沒之句情景恍
然晚宿固鎮廿有八日行宿州道中是宋共公
從都舊地所懷桓居山之貯書劉真長之說易
尚論者作千古想而趙宋符離之敗能無憾紫
巖輕舉哉曉渡黃河擊凌而過天地源流景蹟

銅馬編

卷上

本

莫書卽博物索隱者茫茫向若豈近日大河志
黃河考諸書便詳顛末悉利害而彭城霸氣累
代稱百戰地如楚王宋公其表表者也讀蘇公
所上神宗書懷桑土者可爲毛豎而驟澍駭濤
沒淫城郭尤不免有其魚之嘆勞民番插重哉
斯地也膺之朔曉過韓庄閘以無梁故五更立
津頭風露悄然沁皮骨已至勝俗傳縣忌鳴鐘
此古小邾國實秦漢以來之蕃與昌慮二縣也
薛縣在縣東南薛河之北其蹟尚鑿鑿可攷

道旁立石誌留侯墓道及孟嘗養士滕文行井
田處皆前令趙公邦清所鑿云次日入鄆按鄆
城是叔梁紇所治之邑而孔子生昌平鄉正在
鄆城地此所云鄆人之子也過孟廟落 照內
古栢蒼蒼不及如唐午冬瞻拜如禮又行二十
里而宿四之日發東平益取尚書東原底平之
義漢有憲王蒼是造景子殿者而思王爲宣帝
子因思遷京師其塚松栢皆西靡地多異人又
多異事所留文彩照耀山川如韓愈溪堂詩蘇

銅馬編

卷上

本

源明泗源亭歌李白送梁四歸東平高適縣前
送李少府蘇軾歲寒亭諸詩及歐陽脩之孫明
復墓銘尤不勝膾炙也耳食者僅詫梁氏父子
科名云爾夜度東阿舊治至更餘尚行寒月莽
蒼中道聞發卒過張秋諸處嗟乎弭盜莫若安
民安民莫如蠲稅得不亟以告 當宁哉晚晤
志水方年兄夜話媿媿縣志載有徐君墓相傳
吳季札聘齊送而掛劍處又傳此地有釣磯子
陵臺愚按徐泗二州俱有徐君墓未審真蹟而

漢書但言子陵釣大澤中不言所在仍意客星
終懸富春之麓未許他處分掛釣絲也名勝志
謂山川里數此邑難攷大抵穀城爲縣治所枕
而穀城在礪礪山下縣治與齊東柯相去二十
里許而東阿果經遷徙縣南南谷鎮縣北新橋
鎮皆有東阿故城則固莫辨其定址若今治係
洪武八年所徙云立之日抵在平山之平地曰
荏邑有夫子堂孟館淳于堯墓魯仲連玉樓店
晉賀樂宅而馬中書令亦得爲縣人嗟乎世國

銅馬編

卷上

十

無貨主也有之誰復爲代書人上聞如常中郎
耶十六日宿恩縣是平原所封地蓋易貝爲恩
降州爲縣者慶曆間王則之亂提點刑獄田京
等繼城出保南關入驍從營撫士卒計誅欲應
賊者縣是營兵皆懾服南關得不陷今之出田
亦下者何多乎七之日從安德渡河屬河間則
長安之馮翊矣瀛州諸勝卽沈佺期高適名作
猶未摹其三二曉起雪深沒馬足扶輿六十
里至穆一片銀海生花其防山村廣川臺細柳

管楊樹亭都在水後雪柱中九之日午飯阜城
卽古昌國也晚宿中水之富庄驛自滇楚來者
爲言天中道梗紆路十許日經山東道上行不
無杞憂之戚初十日發獻縣縣廨卽廩蓋古通用
云或云獻王陵在縣東北八里晚宿河間取地
介高河滹沱河之間也名宦載龔遂今何可少
是人十一日竟日行度任丘二十里而宿漢元
始年中郎將任丘作此城以防海寇遂以名城
其基在縣西北卽丞馬璵取土不得者也雪乍

銅馬編

卷上

十一

作乍止飛霰不歇推車凝冰上屢經顛蹶曉起
雪深途溥復舍輿乘桴度寒沚中余笑曰是水
輪耶濯鳧拂影清寒襲人抵古雄州今更縣有
大小雄山而易水合白溝爲尾濟河又合清河
爲三岔口經尾橋關周顯德間世宗盡復契丹
所侵地以雄當九河之衝控扼燕薊故置此關
而大雄山後有御道西北又有皇殿址蓋
文皇嘗駐蹕焉九十里抵涿州撫督亢之舊
與猶令人弔而悲其志也十四日抵良鄉唐時

以不從安史之叛改名固節今以名驛詢長安
近事多可詫異者望抵都即入門到寓異度五
兄之邸此行計程濫五千里有奇計時五十五
日以 大典故不敢訴行路之難乃以余拙吏
蹣跚道上不欲令僕痛馬瘡所歷付之夢境漫
命管城記之則臘月之十六日也若都城形
宮闕壯麗非椽筆不能措手余固謝不敏云

銅馬編

卷上

三

銅馬編卷上

發玉田示諸父老

百里美谿山鬱紆亘芳甸嗟非製錦材竊祿鳴
琴縣柔和或相安卓異焉足衍山俗多古風上
下意相眷刑省歛復輕好懲惡乃遣宵盡歌周
詩休豫發夏諺忽值今聯離旋憶昨歡宴父老
壺漿迎兒童竹馬餞卧輶轍再停繞車車復應
何能副具瞻爰以結縵縵有告貽後賢勿讓愧
前彥民愛棠樹陰吏惜桃花片慙慙囑吾民樂

銅馬編

卷上

一

土不多見鄉塾須早修山田及時墾但聽雉
聲勿羅雀角譏老叟前致詞使君循良選前去
祝無恙重來請無倦重賡東陽詩相顧淚如綫

又

贈劉借寇古堪論此地何緣繞去轅父老壺漿
隨側坂兒童竹馬唱前村催租未免驚農稼獻
曝何繇荅 帝閭爲語吾民好休息臨期相對
總銷魂

建州謂 解四尊四首

二載重煩攬轡先陽和駘蕩蒲絳田高峯振袂
闌干仍初地留題碣萬年佳會菊英酬節後離
情梅信度春前却慙拙吏虛永鑑回首空歌國
上篇

鳳影翩翩仰德輝月明清湧廣陵歸携將江左
才華麗灑作天南雨露霏夙有幽情裁白雪別
將玄賞結緇衣無聲沒字驚人句搔首臨風欲
和稀

清時綜覈政何如治績應追五鳳初中士故耽
輟馬編 卷上 二

官况澹上公偏愛吏情疎烽烟遶陝秋逾急水
早淮徐夏未鋤宵旰正思經世手前籌早爲
戒衣御

桃李公門樹樹鮮樗材那敢望恩偏漢廷殿最
循良傳唐室初中風雅權邊海而南勞保障自
江以北嘆顛連相逢羞作寒暄語雪涕還憂杞
園天

贈王余兩生建州送別

千里寒烟古木平渡頭把手送人行建州村隱

折柳河橋萬里情

途中寄懷

回首山城帶夕陽驅車猶自繫愁腸荒村穗薄
霜初紫空徃無炊夜正長吏拙獨慙重望杏俗
醇竝喜又栽棠雲霓翹首獨租詔分得恩波惠
一方

途中口號二首

寒梅芳草信天涯執掌驅車趁曉霞歷過征途
猶入夢停來逆旅便爲家孤村流水秋春急小

輟馬編 卷上 三

店懸崖夕照斜祇是西風吹客鬢獨將行役送
年華

總別榕城氣候嚴板橋茆舍去難淹未殘曉夢
車中續于役清霜鏡裏添繞岸蘭橈溪曲曲臨
開楓樹雨纖纖與夫笑指前村近門對漁磯漾
酒帘

寄題武夷

誰向堯堦獻雉羹名山二子竝留名武夷後登
峯六六霞中見曲水三三鏡裏行玉女遊時

玄鶴舞曾孫宴處彩雲迎平生塵累除難盡欲
訪仙源隔幾程

發建陽遇雨天作寒非復玉田氣候矣

閭嶠層層度前林宿霤沈雨聲連嶂曉寒氣到
關深客路單車贊王程萬里心漂搖端可畏慎
莫待天陰

山行

三日山行惜地偏望中衰草正連天雲迷谷口
千峯合路出關前一枝懸

銅馬編

卷七

四

盤輿終日翠微邊古木前村帶晚烟山稻已收
霜蒲地崖藤正濕濕飛泉

驛路初分氣候殊寒鴉落木四山孤迴峯已過
雲猶合危磴將歇荔穩扶

好山斜枕夕陽西獨客臨關野樹低鳥逐飛霞
歸北隴人隨遊鹿飲前溪

百里宵征暮未停西風黃葉短長亭逢陽節近
梅初白隔歲春遲草未青

尚峯夜半聽天鷄望裏扶桑望不迷春樹北瞻

晴日出故山東枕暮雲低

馬跡鷄聲旅客心驅馳短笻又長林曉霜黃葉
經厓滑夜月蒼山得路深

旅覓落木不堪聞未到前邨日已曛地轉數峯
偏繞澗山深孤石亦生雲

松林晚翠竹林斑度嶺層層煙雨間大海迴風
天萬里重開接漢月千山

嘹唳寒空鴈影殘晚嵐蒼靄萬峯攢陰崖背日
楓先落暖谷經霜草亦寒

銅馬編

卷上

五

閭嶠天南去渺茫行行我馬嘆玄黃霜飛鴻影
關河迥月落鷄聲道路長

楊誠齋詩云半世功名一鷄肋平生道路
九羊腸感而得句

鷄肋羊腸道路忙曉嵐猶濕晚煙黃蕭蕭落木
清溪急一夜舟中白髮長

發清湖

孤舟斷岸江南雨萬里平沙蘄北天日落渡頭
催去櫓柳塘水漫打漁船

長傍清聲孤棹枕斜懸日色半江帆鄉心一夜歸何處不在錢湖在蜜巖

秀拔峯巒雲裏樹晴涵水石鏡中天滄浪歌罷日將暝一棹寒溪浸晚煙

太末道中

城郭青山裡人家綠水潯川平秋激溜雲薄凍成陰落日魚蝦市清霜橘柚林征車懷獻曝不敢復沾襟

寄陳樊五

銅馬編

卷二

木

鳴珂補衣侍神堯此日關山情久要泣玉屢過燕市馬飄蓬兼附潞河梳埋輪曉漏名方重賭墅斜陽興未銷不用題詩懷感遇春王左个賜還朝

余戊辰下第日樊五屢過相慰又以貽送余南還

李于鴻

落木征軒萬里餘懷人芳草涕躊躇真慙循吏邀金璽祇是勞臣畏簡書日落山城魚味少霜寒江浦鴈行疎賜環早待經時手未許滄洲久卜居

周震玄

驅車歲晚去途長江樹懷人葉有霜好爲憂時趨夜漏仍瞻報主刷朝陽種蘭自叶論心臭啖荔空餘漱齒香我自賦歸君早出萬年枝上露

懷

林伯虞

憶昔清漳夜話長有懷聚散聚愁腸官貧轉覺交情厚歲暮空驚客鬢蒼北壙悲風生宰木中天湛露入長楊故人近自萊蕪去爲報壺漿滿

銅馬編

卷二

七

道傍

永樂中清江俞行之有句云夜門無客敢懷金秋屋有情耳飲水爲賦一絕句

門外懷金無客到溪邊飲水畏人知雙鳬夜月朝天去露滴空庭碧鮮滋

過蘭谿憶吾鄉沈嘉則有句云估客帆檣當驛口人家樓閣俯城頭其爲景逼肖

澁水泠泠落日晴城頭樓閣俯谿平卽沽歌罷滄浪曲宿鷺無聲空月明

丙夜過釣臺

昏黑過高臺帶月蕩小艇懷人夢不成寒風落葉

富陽舟中

孤舟百里到錢塘未晚天寒夜有霜回首故鄉斜日裏江楓沙嘴隔微茫

夜度江詩二絕句

汀沙依鷺淨江月近人清長詠滄浪曲都忘擊棹情

銅馬編

卷上

八

月上江流細煙浮浦樹微夜深霜色冷驚鴈隔帆飛

文家堰遣小奚歸

積水微茫夜有無天涯望裏一身孤却因道路揚颿駛還憶田園荷鍾蕪海氣嶺雲霜外屬越山吳地渚邊是西陵草色催鄉夢猶是江南草未枯

西湖懷古

明聖湖更西子湖層層臺殿枕平蕪

無窮恨數到堤楊第幾株

處處湖光泛碧筒畫船簫鼓夕陽中岳墳夜月無人過萬馬長征吼北風

三年行

三年肅會同十月成行過梨嶺度迴崗錢塘遡洪派錢塘舟到已兼旬故國關河入望頻明山雲影初含暝鑑水晴光漸入春山外有山空極目客中作客更傷神傷神極目燈湖碧紫驢蹀躞垂楊陌夜靜嵐光鎖梵宮宵寒露氣浮歌塵

銅馬編

卷上

九

此時撫臆是何時此夕分襟是何夕此時此夕落楓天孤棹長征惜暮年抱纜貪程過驛外停車感事憶燈前是處旅魂愁聽鴈阿誰客思恍聞鶯客思旅魂驚漏箭長安日下遙難見石壕空歌小吏篇斥洫未免蓋臣譴世險難辭白壁磨時清終識黃金賤黃金白壁竟何如幾度臨風感慨多黃河雪滿還加策紫塞霜寒尙枕戈任君萬里翔雲路顧我簞瓢老渴阿古來賢達商舒卷雲壑千重雨一蓑

古田舊有草玄閣偶于舟中補此詩

千秋玄草偉爲章那敢輕依姓字香祇是昔時人已去空亭汀樹暮雲黃

廣輿志及花史竝紀玉田桃溪之盛而余

未及問津也

何處天天萬樹開武陵流水夢襄徧東風深閉桃源路不放漁人蕩槳來

吊叔先雄

孝女叔先雄健爲人父泥和永建初爲縣功

銅馬編 卷上

曹拜檄謁巴郡守涪湍水中先雄時育男女

二人竝數歲雄各作囊珠環係兒于父墮處

投水死其弟賢夔雄告六日後當共父同出

至期果相持浮于江惜史傳不與曹孝女竝

載也

千秋孝女蹟堪齊舊史何人灑淚題此日瓣香

吹萬里乘風直過健爲西

吊向化

山東向化者父上以班軍累投海死沿海覓

父屍不得號泣觸海濤陸慶五年四月二十

一日也是日湖中浮出向上屍乃脫落所穿

沉香色故襖未幾化頂父襖浮屍與父一處

家人取而葬焉

幼婦殘碑鮮未陳從教精衛恨波臣千年父子

懸朝日捧出江心只兩人

吊毛氏

至正十五年有姓婦毛氏者美姿色避亂麻

鷺山中賊以金誘之氏曰寧割我心不願汝

銅馬編 卷上

上

金復以刀脅之氏曰汝碎則臭我碎則香隨

刳其腸而去余偶閱氏事用其語作四言二

首

寧割我心不願汝金朗誦斯語白日晝陰

汝碎則臭我碎則香韻哉女史負此剛腸

吊張爰

爰蓋黜吏爲陳恭愍公鳴冤者

市舶當年播雪璫石亭

陳公被逮卒于石亭寺

遺骨淚沾

裳清時諫草傳張爰折檻從來第幾章

萬曆乙酉延建大水男女溺死者蔽江而下

一垂髫女反屍挂江浒衣帶俱無惟以左手

掩其目右手掩其陰反覆浮沉不改也董崇

相邵肇後兩先生哀而墓之且爲立表云

洪水其魚噴陸沉貞姬漂骨挂江濤可憐死後

雙垂手獨障迴瀾萬古心

多少紅羅塚盡枯無衣濯魄在水壺真憤赤體

蓮花坐綸作人間羞耻圖

千里湯湯骨未收芳魂九死尙含羞玉魚金雀

銅馬編

卷上

三

青山裏明月惟懸土一抔

過平望

平湖千頃寬漸入姑蕪道明月寄鄉愁更殘憂

亦到

虎丘

七里堤邊已著梅館娃簪髻暮雲哀那須重鎮

興亡恨只拜生公舊講臺

吳門再遣一奚歸

南北蒼茫羣孤帆相背飛囊中無好句有憂腸

同歸

金昌亭其下卽梁鴻墓

金昌路下訪鴻冥千載高風拂短亭畫舫獨尋

歌舞地鷄坡鶴市草先青

吳門寄題諸作

華堂寂寂鎖春光刺史風流日引觴有客夜聞

當月調木蘭花下舞霓裳

木蘭堂

高樓巖薛與雲齊吳楚東南入望迷偶爾捲簾

看晚色千疊斜日太湖西

齊雲樓

銅馬編

卷上

三

伯通橋下水鄰鄰煙雨吳都草色新聞說五噫

歌不歌阿誰無下卧閑人

專橋

示浦殘兵戰未休東來殺氣水塘秋鱖魚舊恨

難磨滅潮到城邊咽不流

鱖魚門

曲曲朱樓取次排春宵宮裏貯嬌娃東風不管

當年怨落日寒煙暗古槐

九曲路

橫山渺渺舊魚城臺下國人繪作羹今日澄澤

惡網處斜陽猶傍故宮明

魚城

何處橫溪繞舳艫如雲蘭漿散姑蕪獨留一舸

前溪曲又載西施出五湖觀溪坑

秦少游墓在惠山未嘗訪在何處

詞人孤塚惠山隅夜月吟魂不可呼有約春來尋故事品泉先汲薦平蕪

陳敏錢顗俱無錫人敏知台州日朝命立元祐黨碑公曰誣司馬公爲奸臣是誣天也倅立之敏碎其石掛冠行顗疏論王安石坐貶出臺大罵孫御史昌齡謂其奴事安石拂衣上馬行東坡贈以烏府先生鐵

銅馬編

卷一

古

作肝之句

擊碎豐碑便掛冠觸邪兼說鐵爲肝延陵自昔多賢哲竝入陽秋日月寒

毘陵道中

陸程風日好望裏近蘭陵樹遠長天沒沙晴積雪蒸收帆寒貫酒竝檝暝分燈爲問淮徐路黃河曉欲永

雲陽道中

楊艸千里出湖潯擊機宵來便問津塵旣獨航

官况寂村沽未厭客囊貧一枝梅信稍頭月幾

樹楊枝驛外春鐵甕城邊京口樹征鴻又過大

江濱

登丹陽道中

舟樓盡起蔚如霞返照層城入望賒鍾阜南迴晴日上姑蘇東去暮雲斜琳宮龍象三千界孔道魚塩十萬家蜀漢君臣盛祠廟垂楊終古驢啼鴉

銅馬編

卷二

古

遇長至日

飄飄五兩客心驚乍向河干把臂行不盡同舟湖海興有懷攬轡古今情天涯六瑄葭灰動地肺三峯樹色晴咫尺舊京瞻王氣朝來杯底大江聲

至日將暮

一線初添處千峯欲暮時天涯憐草色水上數梅枝宿靄歸村樹寒煙積野炊帝鄉與故國南北恍堪疑

渡江行棠邑道中

霜深馬跡板橋橫曉渡微茫浪未平雲擁林陵
環紫氣風生采石動春聲淮徐此日期獨稅關
塞何年詔罷兵太息登輿回首處江陽斜日照
沙明

謁莊文節祠

仰邇宗風俎豆新嶙峋落照下城闔詩篇三昧
視飛躍禮樂千秋此鳳麟遺像春風依壁鮮荒
祠春祭薦江蘋茫茫吾道狂瀾處古渡何人更

銅馬編

卷上

夫

問津

滁陽邸中鉉兒至

瑯琊山畔掛斜陽聚首天涯笑語長鄉信幾多
燈半落乍開顏處又迴腸

醒心亭

當日滁陽守孤亭祇自怡曠窮千里目秀嶺四
山眉正是雲來處還宜月上時斜日猶未去盥
手讀殘碑

豐樂亭

有美名賢地風流百代師豐山環窮寇幽谷
藏麋湫湫尋何樂悠悠寄所思千秋傳墨妙猶
自漫題詩

豐樂亭觀歐公手植梅

不減風流典幽姿手澤長花前僧汲井樹底客
沉觴山寂霏香雪亭空帶夕陽千秋留鐵幹誰
領一枝芳

太祖在滁陽嘗濯手栢子潭有五蛇擾旆之
因視曰天命在余汝其示附焉一日戰畢群

銅馬編

卷上

主

坐藉土蛇忽踰旌其側上乃掩以堦登頃
復報戰亟載堦登往是日手刃甚衆軍法戰
勝必祭甲冑衆推上功多置堦登于前甫
莫忽霹靂火震白龍天矯自堦登出挾雷聲
握火光驟空而去

真人三尺提劍鏖飛潛乃在滁之陽中原層數
歸吾皇符瑞昭格殊彰彰澄潭潏潏浸天潢
上參列栢影蒼蒼時來盥手掬森茫何物蛇
涎擾其旁真龍將奮御乾綱蛟螭從之俱翺翔

幽入風雲騰戰場短刃相持萬馬僵王師無敵
鼓彭彭兵氣銷爲日月光奏凱莫肯焚名香麟
角亘天萬丈長震霆赤電雨泱泱六軍攝伏驚
非常嗟哉堯桀集禎祥參龍踵武卜世昌締造
黃圖錫無疆紫瓊雲旗肅裡常渾空月落龍猶
藏長霖森澤遍八方御製貞珉倬爲章萬年王
氣頌維揚至今樹影暗山岡恍見雲車五色颺

醉翁亭

此意今猶在詞人老醉鄉泉甘宵作釀水曲暗

劉馬編

卷上

本

傳觴草木俱春意亭臺半夕陽曾經六百載瘦
影更浮香

渡淮和閻如

村鼓促行舟孤眠不可留一川兼地湧四瀆接
天浮車馬迎人老關河動客愁君才祖士雅擊
楫正中流

宿州道中

路人相城夕照垂宋共遺址更離離只今道上
長歌罷可有人憐扣角悲

淮直北朔風吹衰草連天日暮時最是千秋
南渡恨王師六月潰符離

宿州北行見山

一帶川原曠朝來落翠微雲衣晴漠漠霧髻曉
依依地遠村烟澹天寒樹影微淮徐稱要地戶
口較前稀

徐州懷古

山河戰壘入彭城戲馬臺空古木平亞父墓來
千百載劍光猶自泣龍精

劉馬編

卷上

本

舊都重與建黃樓灘水湯湯戰血流霸業好銷
無限恨歌風臺下草先秋

豐沛曾聞咏大風江山寂寞霸圖空亦知楚漢
浮雲壘都付劉伶荷鍾中

伯倫徐州人

桃山岳武穆祠

中原何事折良弓高鳥浮雲正滿空轉戰更飛
千里檄班師竟發十年功山河南北黃沙外祠
廟春秋綠雨中遙夜英靈猶未散長嘶鐵馬塞
垣東

寄懷呈闍如

長征萬里道偕子意踟躕馬上詩相叶樽前興
不孤一燈分小榻雙袖共寒爐多是超朝後行
藏別有途

聞高枝樓侍御出獄還蜀

上書梁獄已經年乍喜春迴黍谷天夢憶雙溪
尋月棹舊同事長山長山覓銷三峽上灘船王恩此日

逢寬網仕路于今惜好緣公嘗言于仕長結東

西坡上隱公忠州人州有只愁宣室再招賢樂天東西坡

銅馬編

卷上

手

黃河晚渡

露氣蒼茫兩岸陰朝來蕩槳浪花侵乘槎八月
行何處欲問河源卽此尋

燕子樓

長鎖雙眉一段愁牡丹顏色豈經秋香消紅袖
今千載春色猶歸燕子樓

宿利國驛呈闍如

天涯杳難問暫此歇征駟沙草寒能待汀煙晚
自生轉縈鄉思切併入旅覓驚相對兩無寐悄

然燈半明

客思二首

白日澹欲落黃河寒亦渾長安五千里猶是少
啼猿

已經千里道猶歷幾重關霜鏡朝來拭知非舊
日顏

留侯墓道

借箸人千古平原土一抔已從赤松去何事願
封留

銅馬編

卷上

手

孟春君養士處

何事向西征函關早度行原知門下士祇是慣
鷄鳴

鮑叔牙墓

路傍驅馬急落照掩荒臺不是無知我魯非天
下才

孟廟

亞聖宮牆萬古尊蒼蒼古木鎖平原帝王全賴
微言續宇宙長依浩氣存夷尹吳趙窺願力賴

思並席遡淵源還期共翼東遷祚傳食齊梁

憚煩

有感曹鄴白髮如草新之句作此示鉉兒
鐫去仍復長蒙葦共草新正須憐歲月猶自染
風塵櫟社通樵徑槎湖問釣津癡兒不解事猶
說買山貧

過交

齊宮魯殿暮烟浮繞郭人家荻葦秋一自陽春
傳子美到今人指嶽雲樓

銅馬編

卷上

三

李崇刺兗州村置一鼓樓防盜今俱仍之
村鼓樓頭聽亂鳴當年太守號知兵却思夜戌
千家警何事春農四野耕

無塩城

荒基望裏暮烟平傳說無塩舊有城金屋玉階
灰滅盡獨留芳草故宮生

穀城山

黃石餘荒祠圯

音夷圯即橋也二
字原不宜並用

邊人已去阿誰

借箸來還尋授書處

莊平是馬賓王故居

半敝貂裘下澤車馬卿才調更誰如便宜亦自
紆籌策不遇常何莫上書

東平是劉公幹故居

荒村落照掩茅茨七子當年風雅師此地經過
重吊古更誰人誦建安詩

嘉陵驛舊有會稽女子所題詩蓋失身所天
驅之北行名情辭淒惻和者成帙余向亦有
三絕句今已失矣

銅馬編

卷上

三

如雲環佩倚粧樓新曲江南唱未休何似嘉陵
亭上向年年芳草動人愁

同開如相城道中有懷長樂鄭明府蓋夙
約偕行也

聯轡相城道征途去未央及春寒漸緩入夜話
偏長頻貰茅柴醺時澆霜雪腸有懷鄭莊騎琴
暇督進糧

四律呈閻如

兼旬渺渺度星軺猶喜開河雪未飄野店日斜

曉背煖板橋霜薄馬蹄驕單車臘後年將盡
關天邊路正遙自愧小臣無獻納也來隨例學
趨朝

碣石雲高擁帝都南天萬里共馳驅邸樓添絮
袞猶冷廣陌逢人伴益孤岸草水堅青未泮堤
楊雪少綠將蕪亦知荏苒耽微祿無柰蕭蕭鬢
已枯

竝馬晨征夜未停夢中猶事嘆伶仃煙生暮隴
孤雲白霜人秋空幾樹青野柝淒淒高下戍
銅馬編

卷上

重

重

川歷歷短長亭縱無泊行追神臂也種桃花蒲

翠屏

老驥垂鞭感慨深長鳴已負百年心野人獻曝
愁無補旅客逢寒思不禁雪重殘枝難着葉塵
飛曉日亦成陰自知貧賤無餘事敢向清時嘆
陸沉

途中卽事呈閣如邀和

輕帆浮太末急舸下錢塘臺上垂絲遠堤邊拂
柳長生公新講席西子舊迴廊千里蘭陵路

寒酒膏

曉色蒼蒼裏晴雲捧禁闌六朝空草樹萬載真
邦幾淮泗龍蟠處江關燕子磯剡都黃屋迥舊
殿漏聲稀

疋馬蒼煙色山河乍可憑彭城百戰地泗水萬
年陵紫塞防陰雨黃河慎薄冰中原幸無事保
障或須增

高目愁時事傷心問土風鄒滕今復業齊魯近
銷烽遍地千家哭憂天百畝空爲言講國者省

銅馬編

卷上

重

飲是徵忠

江南萬里道薊北五雲天祗嘆金錢匱空傳鎖
鑰堅當關高戰壘橫海下戈船肝食厓 明聖
犁庭早着鞭

恩縣道中漸近長安志喜呈閣如

此來行役敢墜難幸沐清時雨露寬旅次擁爐
入漸倦王程驅馬路差安蓬萊日出千門曉聞
闔春迴萬國寒不用陳詩披 睿覽已知無遠
按圖看

來元帶雪蘭芽枯後轉留香血乾杜宇啼長
苦魂作鴛鴦影並翔百代圖儀彫管在鸞封
寧美紫泥章

同馬毅仲趨朝偶觸聞見口綴成詩

落拓爲郎感倍生風前笑語得聯行宮雲巧
變侵晨色禁燕繁添入夏聲東觀圖書趨引
仗內樞戈甲尙觀兵更忻時泰宸遊豫昨報
君王在虎城

妙遠堂全集

七言律三

三十三

藝俳六首

藝語病吟也然其言多俳惟俳故不
傷思於病無加損焉存之屬客和以

代觀濤之發

伏枕梅簷過柳衙北湖又復負荷花門因謝
客全無籍身欲稱僧尙有家七尺向標同草
木三生知久痼烟霞餘年倘遂幽棲志剩我
清滿舊釣槎

攬鏡逡巡每自猜冠巾頻改服重裁雅應焦
悴人人惜豈是清虛日。日來計徧青山謀總
幻觀存白骨念先灰昔賢政語堪銘坐薰桂
煎膏莽自哀

力淺階除步不齊屢呼筇竹代提携難隨徐
福求神棗且學盧生賦病梨送目嶺雲行片
片歸心池藻夢萋萋旅遊換得頭毛落何待
前林社宇啼

妙遠堂全集

七言律三

三十四

和繆爭馳上國名敢因羸劣減逢迎聽隣危
論如臨獄借客清言似解醒枕榻穩嫌喧鳥
過琴樽卧見網蛸生家園舊歲迫行樂斜月
猶賸子夜聲

僅存麻骨戒郎當坐起全慵夢境長適口茶
心。翻禁嗜觸人參木強言香松爐火燼看烟
吹水檻聲喧聽瀑涼蟲臂鼠肝憑造物此心
安處卽羲皇

青雲與白雪各自保貞懿有親必多踈無咎先
無譽此道今人希莫貽古人愧

輿中

登輿隨下捷卽此是深心火候寒爐足書情小
机閒倚衙神亦王挂頰憂初還幕旋通雲氣帷
遮障嶺頗長天收杳邈短杓聽潺湲歷落終能
涉嶽崎莫可攀輒輒行自穩輿衛逐維艱思倦
躬堪曲詩成腹爲刪有憑依作軸不係轉爲環
獨抗紅塵裏多停芳草灣此中有佳趣半在夕

朝馬編

卷上

七

陽間

近長安

蠲殼涎能幾馬蹄空爾忙長安雙鬢路一度一
經霜雪裹車終怯愁邊路未央微官容易歇有
夢到滄浪

景州道中雪

正喜關河雪未飄曉來蒲池布瓊瑤忽看馬首
千村白乍阻雲端萬里遙入廣川塞溜合營
經細柳曙光搖逢君定和羊孚贊稍勝騎駝過

小橋

董子下帷處

文苑敷春華未必儒林若洛陽美才名廣川啓
道鑰至言破鴻濛大道合冥漠心探罔象珠手
振迷途鐸秦火掃厥灰孔壁披其廓天人辯何
微道詎克以擴光曄實不渝旨遠言稍約卓爾
聖人徒四科庶無忤一朝離漢廷王道竟寂寞
寥寥千載後伊人不可作遺澤君子長流風尙
嫻嫻儒者有靈源所望厥與渝

朝馬編

卷上

七

細柳營

六月屯兵戰點開旌旗不動肅于雷將軍莫道
能專閫幾見君王按轡行

襍詩二首

已嘗爲官味且歷作客心自知皮骨賤不敢入
山林林光連雪暗草色破寒青不是村沽薄羈
入酒易醒

寄懷

鏡裡蕭蕭惜鬢侵經秋何復漢蕭森盡從湖海

除豪態才許風塵減道心官賤不煩懷早去家
貧太自稱幽尋無絃琴裏無窮韻空笑先生費
苦吟

亦從與馬馳清課呵手焚香撥火新雪裡垂鞭
開淨界樽前結伴得幽人寒脾粗糲隨時足老
骨嶽崎歷境真自笑旅情能自遣還余丘壑未
全貧

讀近日名家詩呈開如

別開卿法是空靈可是詩家舊典刑漠漠息微

銅馬編

卷上

辛

灰自動冷冷絃歇韻難停千林雪盡峯尖出萬
壑永寒草甲青此果燭龍啗照否莫仍臭腐撲
流螢

見雪中群鶴是進內苑者

卓卓爲群度遠村雪中清影自翩翩昌黎二鳥
增悵悵羨爾玄裳侍九閭

上林清夢露華翻緩步層冰欲斷魂靈沼近來
遊幸少仙姿雖好不乘軒

過日華宮

賢王千古遡高風只說燕臺市駿空野草茫茫
斜照裏停車還指日華宮

吊劉長卿

長卿名文房河間人

詞人文采擅風流故里銷沉古木秋千載毛公
箋已廢更誰重問舊隨州

長卿嘗刺隨州

村鐘

鐘懸木杪卽村鼓類

木杪孤懸處千村閱歲長繡痕不上蘚清響自

驚霜暫謝晨昏候猶嚴戶牖防但期平野靜無

語對斜陽

銅馬編

卷上

辛

相逢

天涯把臂又兼旬望裏卿雲是紫宸願我貌憨
原拙吏對君神澹果幽人前林雪照天難暮幽
澗風生水欲春畧叙寒暄長揖去相逢慎勿嘆
官貧

卽事

積霰寒凌紫着鞭春晴呼舞拜堯天清朝有詔
嚴私謁不是清風擬昔賢

萬樹垂楊照水明殘枝猶傍野煙橫自知老去

曾無用行盡長堤少怨聲

寄懷

征車千里去，轉轉繞枕寒。更又及晨此，後敢言能解事。向來早已不如人，積書尚少，慙任昉懷隱終留愧。井春進退茫茫俱失計，徒將衰髮耐風塵。

近都

雪中行幾日，咫尺近燕山。只認當年路，還驚舊日顏。宦情歸逝水，世事付閒關。非分曾非願，長

銅馬編

卷上

三

征夢自閒

望長安

雄州股肱地，漸近帝都前。入國聞時事，趨朝省宿愆。千門開積雪，雙闕挂晴煙。雨露天恩重，占雲氣候鮮。

雪霽

已自欣天霽，能無惜歲徂。平林雲共遠，邸舍月同孤。朔氣遙連野，春光漸近都。好期新詔下，率土竝昭蘇。

片月

遠岫微茫片月生，曉來塵淨旅魂清。臧寒豫約寒宵霽，添雪還嫌雪夜晴。風動御溝水欲泮，漏催庭燎日初明。聖朝最重黃金璽，若箇先推治行名。

過涿鹿是吾宗始祖，關西夫子所守疆。

關西治魏漢庭尊，清白猶傳舊德門。我亦情深懷砥礪，敢將長物累兒孫。

鷄聲

銅馬編

卷上

三

朝來曉曉晚催鞭，咿啞荒村叫冷煙。鄉夢未還驚又起，蕭蕭風雪五更天。

良鄉道中夜酌同關如

露板霜汀竝馬來，朝昏把手共徘徊。仙蹤喜放飛鳬鳥，獨客羞經市駿臺。夜戍不驚諸徼靖，晴光長傍五雲開。蒹葭客裏看新月，竝坐清寒數酒杯。

銅馬編卷上終

銅馬編下

古董楊德周齊莊父著

南征記

春王之元日隨萬國長吏後行禮 皇極門日
動仙掌香浮 袞衣安得唐人早朝應制之章
頌揚盛美哉三之日聽部察二十九日聽陞糾
咫尺 天顏不勝翼翼二月六日既陞辭隨于
皇極門領勅諭行叩頭禮從東出捧讀 主
上愛民至意以重守令者綜核甚密所不洗心

銅馬編

卷下

十

以奉揚德意豈其非人臣耶七之日仍約費關
如出都門先後抵長店是夜有福唐主人設席
戚曉園邀間如余與焉散及邸夜分矣次日宿
涿州州受涿水而名城形如凹字其最古者相
傳軒轅與蚩尤戰于涿鹿其城是顓頊時所築
而禹之治水始于冀州西尚有鐵柱山爲禹維
舟處至督亢亭樓桑里循其後者耳琉璃河一
名劉李河是二姓所居乃水光映徹如琉璃亦
何必非佳名九日過新城三十里而止地有紫

銅馬編

卷下

二

泉亭張仲錫所咏一片白雲携雨去人家籬落
半斜陽者也白溝河在拒馬河之下流卽宋遼
分界處五代時晉王常帥鐵騎逐契丹而太平
興國間太宗幸此觀鐵林軍人射強弩驅車亟
行何處覓形勝之雄哉惟一路柳色漸青野塘
水浸不減江南春意耳次早從古虞丘至雄縣
兩岸葭葦浸短汀憶昨冬乘一葦度堅冰上寒
風逼人今來則深春景色搖曳隄柳間爲作一
詩紀寒臍之變午過莫州攷莫卽莫州今已廢
此卽石敬瑭所賂契丹十六州之一也唐書地
理志爲瀛州之鄭又云明皇以鄭字類鄭改作
莫過者莫知其詳故畧爲疏之晚宿任丘相傳
縣西北有挂巖爲獻王讀書處無從問也十一
日抵河間按景帝子德字文載分封于此其聚
書與漢朝等而秦世所焚書河間人頗之藏有
孝經古本漢初所有凡十八章則芝子貞所出
者也咏昔人北際燕王館東連秦帝橋及東流
滄海西海延津沱之句堪爲兩河生色令人

八以中一覓罷志不可得次早行十五里前泥
泥淖滑滑沒馬足而所乘又無輜覓小舟獲
渡即渡梁不易成顧茲孔道何可無漆消之仁
哉十三日行七十里飯景州蓋漢景成侯國州
名昉焉蓼漢縣周亞夫封條侯晉始改條爲蓼
耳楊東里先生有野水條侯墓寒蕪董氏園之
句晚行南泥注過二舍入東土矣次日過恩縣
三十里而宿不知貝丘長劉伯言北海范孟興
二碑磨滅何存入夜行蒼莽中寂無車馬聲
銅馬編 卷下 三
一片煙月籠樹影蒼蒼耳十五日過高唐州城
東地有玉繩之廟唐戴黃夷仲高唐不是
那高唐之句可發一驚憶筆歌爲此邑人報髮
綽后何以即劉寔著名崇議論亦以后妻損名
竊龍頭名然則此邦名宦一盼子人物一劉子智平西陽
襟祖載二出宣鳴石山稽神錄載羅弘信龍井疊
溪筆談載歐陽公海市事俱奇而米與誠咏大
覺寺塔詩亦甚佳也晚宿在山早起風雪漫空
止逆旅擁爐呵墨而已次早從殘雪中見草色
吳揭與而東阿之少岱穀城礮礪皮已鈞

山夾道送青倦眼爲燕考郡國志阿井者其
地山繒繚秦王服阿繒之衣者謂此糞膠以貢
僅其一云行瓦礫中數十里飯東平何處問溪
堂歲寒亭及樂郊池館耶晚宿汶陽改汶水自
平陰縣界西南入縣北今改汶上之名所由取
也此卽夫子所宰中都地李白贈其兄詩有城
隅綠水明秋日海上青山隔暮雲之句真是寡
和憶壬戌丁先大人之變奔計至此墮泥淖
幾殞夜分方抵旅舍令殘息無恙惟作客久秦
風麥飯不及躬挂帟錢能禁淚滿潸下耶早行
六十里偵南來者云前途少五兩復返濟川海
色春陰平分齊魯卽欲尋太白酒樓及工部南
池卒卒未暇也乃沈光所作記亦自堪與酒樓
頗頗躊躇間舟值忽踴仍以輿行從間道歷鄒
滕廿二日宿沙河晤閩中諸同寅三之日渡韓
莊開過十里爲徐州界汪汪桃花春流無恙至
此始知魚味云河從百步橋山到九里迴朱陳
迤楚漢臺荒至坡公爲守不特風流文采照

以黃樓臺頭間而築堤捍水徐民實享百世之利矣午以謂舊知留一宿次午抵桃山驛萬曆間新剏岳祠是其十九世孫鍾靈所落適有兩生來迓卽靈孫也爲出忠武遺像及真蹟二紹興寶慶勛各一同開如捧讀殊不勝感念又見精忠所遺若有靈物呵護歷傳無恙林見素詩曰大將幾看刑白馬諸君無分飲黃龍愴哉其言之也二生爲言豐沛間崔苻竊意此百戰地恐他日非無事之國愚慮預防當作何籌策哉

銅馬編

卷下

五

五從間道走宿州之大店宿一名朝解城次午飯靈壁不知蕪公所記張氏園亭舊址何存舊爲零壁鎮元祐中易零爲靈以縣產磬石珍之如壁故云磬石山北距泗水五六十里當橫流之際泗水經山不故禹貢有泗濱浮磬之文宋取和間縣貢一巨石高二十餘尺周圍稱是舟載至京師千夫舁之不動裕陵親書慶雲萬態奇峯加以金帶頃刻移至艮嶽向余同年鄭使宰是邑爲言魏瓊時索石三十片傳太廟祭

銅馬編

卷下

六

案舊蹟無所稽屢祀山靈杳如也忽于夜祀匠石聞金石聲隨掘之得石及數而石告竭此不可不人志乘也午行求向年所入虞姬祠茫茫村落香火何存晚宿虹朱山赤坎澶水夏丘俱彷彿在眼廿八日近泗州泗號曠城以厥貢嶺珠爲酒產云松檜蒼蒼遠亘數里號曰祖陵則皇祖考裕皇帝陵寢在焉又以望祭德祖熙祖二陵凡置灋掃戶二百九十有二望城中轟然僧伽舊塔也僧伽遊淮泗時山陽令賀良玄勝舍宅爲寺伽曰此舊寺址也掘地得碑乃信然至今稱大聖云向訪同年刺州者適崔尚書事敗居人隱其祠余從憑祠唐杜悰及辛諱兩公于此地有大功著正史甚悉而至今尚闕此鉅典又憶唐呂周任有泗州大水記文甚古麗今屬曩亦無從覓渡輿梁卽肝胎矣張目爲肝舉目爲胎詠常建夜潮侵岸寒月近城句真不堪羈旅情也以行急不及酌玻璃泉九日未至天長二十里而宿包孝肅之異政朱司

農之孝行蓋此邑最著者有石梁橋歲久而
陝商雷深者出萬金斃石成梁其子鵬霄繼完
之李大泌先生記中謂鳩工時無從得石神爲
告焉有珠如鷄卵大者二隨見輒隱亦一異也
三月宿大儀偕閑如游小蘭若便是一片清涼
界次日抵揚州揚爲州最古南傳海北隄淮井
而方之蓋萬里後世華離釁析殆且百郡獨廣
陵得昇其名耳諺稱揚一益二而徐凝詩曰天
下三分明月夜二分無賴是揚州所云迷樓九

銅馬編

卷下

七

曲珠簾十里春風蕩城郭蒲耳沸笙歌者甲于
他郡而隋宮興亡盛衰之感入唐人詩水調
憺不復可措手獨大儀鄉有西苑杜牧之所謂
紅霞一抹廣陵春也又有螢苑牧之所謂秋風
放螢苑也按新志西苑螢苑在長安不知二詩
何以云又徐州與楊俱有戲馬臺而楊州吳公
臺下有玉鈞斜此在後山詩話桂苑叢談甚悉
而坡公徐州詩有路失玉鈞芳草合之句此爲
誤無疑矣急買棹敝瓜步次日則修禊之辰也

故曰北山北佳節三月三旣不能矢東暫之對
又不能和右軍之篇乃偕閑如行遊江滸帆掛
海門樹依京口遙望孤嶼揜江流中蕭樹影鐘
聲詩覺浮玉之勝如畫而楊用修謂唐人韓垂
作更勝張處士亦是具眼曉色初開舉棹徑渡
四之日抵雲陽屈指挑山至此俱非去牕經行
處也適聞如以他事暫別兒姪亦先余還家五
日舟止蘭陵城之東雨聲蕭蕭太是無聊計余
兩人南北陸行俱在晴色中至此乃沾霰霽亦

銅馬編

卷下

八

似有幸邀哉越兩日夜宿書墅時值寒食遊舫櫟
還春堤如綺以行趣不及一俯劍池叩講臺過
短簿祠經真娘墓尋唐人所咏寺門山外入石壁
地中開劍池穿萬仞盤石坐千人者悉悠悠罷
此遊山雪將毋嘲吏俗無緣耶考吳越春秋闔
閭十年破齊齊以女爲質吳爲太子波聘之則
友之外又有波矣姑蘇臺在姑蘇山之上一名
胥又名姑餘其九曲路越絕云宮廬所遺史
載云是夫差所造至臺上極望則越王嬰

以自壁錢以黃金而獻之此亦沼吳之一奇也
過順慶度平望經語溪一帶平波細雨出入依
霏中元黃庚石門詩所云落花春雨後流水暮
煙村良足助久客行役之悲也以十一日抵武
林三之日酌開如潮舫連日爲堤上遊桃花將
盡煙景親入古剎名山柳汀花塢遊興未盡亦
從相半覺濟勝之具漸不如前何時拂衣永住
六橋釣艇耶待家人不至留連會城者數日歸
如于十八日先余行廿九日家人婦至西陵矣

銅馬編

卷下

九

早冒雨出江濟細思潮以信言生落盛衰不論
時刻畫潮之期日常加于夜潮之候月必在午
一晦一明再潮再汐一潮一望再虛再盈而浙
江潮之異于他江者浙江去潮生處近掀天浴
日之勢盛怒而來爲江口橫嶺兩山頓爾歛
寬就窄又何惟其奔激作銀山雪屋之觀哉拜
家指爲胥濤不知鴟夷未浮前奚若而具越春
秋謂前驅是胥後湧爲大夫種更悠謬矣朔日
初臘直抵桐溪宿焉蚤過釣臺下岸東灘聲沙

永石齒千丈之流皆縹碧游魚可數高峯入雲
陰晴互異是真古人栖隱處乃屢經游陟俱無
隙容訪玄英先生白雲原與晞髮子壘處惟于
風篁相擊中恍聞竹如意曼聲未歇耳次日溯
瀨而行晚猶不得望潑水早訪章無逸贈以劉
賓客集副本得未見書不勝快然挂帆行潑迺
中沙明水駛以順風多初八日抵清湖次早呼
典行嶺之曰蕪曰楓曰梨曰茶曰大小竿曰仙
霞曰五顯曰魚梁者橫嶺嶺峯危崖迴磴其小

銅馬編

卷下

十

者羊腸扳葛迴者龍脊拂衣累石架于清湍雲
根自活平疇分其暗瀑山祗不枯村鷄栖野
鳥投林山將窮處罨畫乍開路漸夷時奇嶺忽
聳侵曉則萬木俱蒼欲暮則千岩盡紫水蒼雲
碓竹引澗泉此雲山登陟之勝貌雲山者什百
不傳其一二而欲擷而收其嶙峋縹緲之態難
哉十一日雨抵浦城登五雨早發水次澄瀨沿
溪奔流出谷水激石怒飛沫濺衣風挾浪驕驚
濤破峽展鏡則游鱗可數擊榜而潛蛟難馴嵐

影乍交雨聲未歇四之早抵建寧謂直指諸人
於望日揚舲直下道出延津舟經舳浦島嶼微
茫風雷黯淡東以九曲之岸去而旋迴漫之千
頃之成紆而彌險覺吞飲眩於心目之外而瀟
泝蕩於枕簟之間殆晚幾及二百里有奇矣沿
途相逐者無異昨歲將去時却覩奉職無狀無
以對此邦父老慰其雲霓之望而官民相信亦
復相安其疾首蹙額者當亦鮮矣十七日早抵黃
田晚宿困關八之日遇雨行過見田疇得雨蒼
銅馬編卷下

日

鍾如雲是所期歲有秋民不竭貢賦官不勞
催科庶幾課及額而道其罪戾者不勝喜色遂
入郭次早治事如初時爲甲戌四月之二十一

銅馬編卷下

長安寓異度五兄邸舍二首

兄今家是客弟役客爲家夢裏春驚草天涯雪
煮茶宦遊仍失路輦道少飛沙此地陽和到寒
梅蚤着花

脣對長安市杯盤歲暮同紙窓先得月布幔早
辭風 鳳閣晴光迥鵲原雪影空龍睛慎輕點
雷電夜深中

癸酉臘月十九日以計入朝瞻拜于

銅馬編

卷下

皇極門恭紀五首

銀燭光分曉月明曉轎官井寂無聲樺煙槐露
衣冠集合殿香飄着處生

午門拜舞引千官仙仗隨班頰首看誰道 帝

閣遶萬里天顏晝接露華薄

清時 宵旰萬方勞雉尾遶瞻 帝座高朝罷

外臣先退步日光猶映赤霜袍

小臣初習漢官儀環佩珊珊白玉墀細駐爐煙

曾未散脫衣不敢拂遊絲

退朝携坐掖西扉侍 輦中官說禁闕爲恤民

艱嚴守令每緒治狀蚤披衣

和家憲長黃田道中詩

家大兄叔向憲長有立春日黃田詩刻慶鹿

軒稿余蒞玉田黃田固封內也偶閱此韻奉

和而先列大兄詩于前大兄諱德政別號楚

亭成丁丑進士以翰編外轉嘗分藩延平後

再總閩憲云

東風天上送春回孤客逢時轉自哀凍色仍羣

銅馬編

二

隄畔柳寒花欲盡隴頭梅荒荒白日催容鬢

寂青山入酒杯記得辛盤舊行樂蒲堂兒女笑

顏開

原韻

律轉年華又幾回重緇遺韻轉堪哀風生池畔

將翹草雪盡天南蚤放梅驛路玄黃度孔道江

關寂寞廢行杯陽春一曲猶堪和琬琰千秋姓

子開

德周和

漢高祖斬蛇劍

晉武帝時武庫火劍失去

帝挾青萍雷電萍萍大澤行炎祚已

化去不教武庫鎖龍精

蘭亭帖

五代時賊帥溫酒緊昭陵盡取竹王真蹟不知蘭亭後于何代失之

昭陵松栢晚樓鴉金盃茫茫繡墨花地下再宣

蕭奕詔人間真帖落誰家

讀沈家則李筠歌

筠字鳳翔鄆之石塘人妹餘姚金氏子金故

優者筠甥辭賦善調笑偶落塵網憐才者悲

焉嘉則選于海上爲賦此詞

金縷宮箋綠綺音繞梁塵裏夢中尋時將芍藥

銅馬編

三

投桑下舊恨雙蛾春雨深

讀盧月漁集

月漁諱溼字潤之鄞人善博奕善詩以窮甚

訪沈令于黟道死墓黃山沈嘉則爲作傳刻

其詩百六十餘首余於長安邸中見是集

落拓耽樗奕新詩故擅聲吟覓秋月落客塚墓

煙橫同調幽人賞他時處士名沈冥多散佚感

幾時平

聖壽免朝隨班恭

賀于午門

光天電九重明天保齊歌萬國情流落
鐘鼓靜呼嵩超賀佩環鳴宮門香繞迎風細
道春廻颺雪輕 聖世百官傳罷宴由來恭默
恭階平

甲戌元日朝退有作

采恩瑞霽掛朝暎竝集衣冠觀 至尊甲子初
開傳粉荔風光乍轉揮銀幡百官若箇誇重席
三殿于今有賜樽辰賀夜漏未盡七刻謂之辰賀回來推
少長膠牙婪尾慶 皇恩

銅馬編

卷下

四

壽異度五兄七袞

百年兄弟聚天涯佳氣南山捲幔斜世授青箱
原有種獨拈彩筆幻生花舊時菱挂遺民口永
日餐分羽客砂兼以椒盤稱壽尊長安酒價十
千賒

人勝日

此日風光好杯浮竹葉醇俗傳勝蒼
靈神人曰謂之靈神驗歲油紋報占晴柳色新清輝無
召命唐時以是日上御清有客獨傷春

王昌齡詩有云縣職如長纓終日簡我身
又云薄宦忘機括感其言有作

官羈人大踣跡冬簪終宵意不釋猶幸官卑
無妄營差保素心數晨夕吾聞丈人漢之陰絕
白不受機械深閒中別有寥廓地拂衣從此巢
雲林

石室禪師有云除却淵明賦歸去更無一
箇肯休官爲賦一絕

彭澤當年束帶迴君侯欲去更徘徊山家有秫

銅馬編

卷下

五

春堪種那應公田今又來

都下晤徐無競年兄

論交三十載燕市話斜暉祇信才猶健還疑道
漸非柳明馳馬路苔沒釣魚磯待爾尋歸隱栽
松約幾園

晤

時余有初衣之想而亦有微恙吾輩不以付官爲諱也

吾道豈名場行藏別有商長安重把臂短髮更
沾裳性僻尋樂處官貧典驢驢因思招隱賦或
足衛生方

顏茂齊示新集時秋試已登榜犯主者諱
不錄

已自光開十五城如何仍未獻承明上林獨挾
驚人賦燕市爭傳結客行醉後憂時猶有淚燈
前話舊若爲情儒宗文苑千秋事可許名山締
宿盟

劉太夫人姑婦雙節詩代

山來貞木得天全松栢層層鏡幹堅竝織雙機
寒雨咽對啼孤榻暮蟾懸青猿響伴三聲斷朱

銅馬編 卷下

六

鳳毛裁五色審此日陳情開 帝闕報陶兼奏

報劉篇

出都門

長安門外接行杯望裏平林夕照開回首小臣

顏戀 闕袞衣四見 御朝回

卓馬駸駸去未停五雲縹緲捧 彤亭朝來領

出春光重萬樹長條盡放青

是夜福唐主人譙閣如于廣曉園中余與

焉

伊宋亭子護崔嵬倦馬初停把綠醅平楚漸沿
村店轉高樓遙接 帝城開卿雲北斗晴光散
積雪西山爽氣來極目天涯今萬里穿林寒月
共徘徊

過漢先王故居

孤村老樹掛斜曛傳足樓桑舊有君正統從知
無兩立中原寧許割三分武鄉書峽迷春蘚先
主祠堂落暮雲不見郝經遺草在至今故史尙
紛紛郭伯常改三國志以蜀爲正統

銅馬編 卷下

七

雄縣道中是昨冬一雪渡水處作此示閣
如

歸義城邊遇早春寒暄不惜往來頻還思一葦
層冰結乍覺單車積霰新入市魚蝦腥未散依
汀草樹色將勻年華都向征鞭換夜半村醪醉
幾巡

柳色

楊柳枝頭好鳥聞青煙漠漠霧氣氤氳長安路上
風吹至管領春光第幾分

開如出茯苓鰓鮓爲餉

楚地鷺兒鮓絲絲切茯苓帶糟紅有韻入鮓潔
無腥異品食堪勸回甘酒亦醒老饕欣共饗或
勝五侯鯖

河間道中看月

風拂征衣露漸乾踈踈楊柳月中看旅人祇是
多歸思未到江南尙覺寒

景州道中親別書記吾鄉豐考功兄秦氏
家傳高宗勅云岳家軍已到朱仙鎮將置

銅馬編 卷下

八

· 朕于何地卿其密奏感而題此

漠北回鑾不可期君臣心事兩人知岳家軍到
朱仙鎮早約金牌沮出師

高宗之母韋后北歸聞岳少保獄死遂大

怒帝欲出家身終道服宮中

玉輦初從塞上歸班師已久聞兵稀朔風北望
深宮裏泣爲將軍着道衣

吾鄉吐鐵歲時啣以沙沙黑似鐵至桃花
時鐵始盡吐故以各余于桃花時離家凡經

幾歲矣景州道中成此句

江南三月落桃花一殼乘朝盡吐沙船過錢塘
春正好欲歸無奈客程賒

楊妃井在容孫綠珠井在博孫俱在廣西
梧州楊妃本姓梁父名維俊歸楊氏而綠
珠亦梁氏女車行偶綴

雙雙艷質訪孤村不在容孫在博孫千古無窮
家國恨月明背井浸黃昏

華陽亭

在阜城是楊叔夜亭
琴處一云在真定

銅馬編 卷下

本

當年叔夜拂絃長龍性難馴豈是狂一曲廣陵
傷絕調行人猶未訪華陽

德州車中曉望

帝里行來更幾程停車隔浦度層城相銜舟尾
千樅接正穩河身一帶清海上齊風春浪大日
遶魯殿曉山平天門望裏空延佇漠相奈松自
雨聲

德州城下經顏魯公祠

從騎經過感慨生早于祠記拜忠貞尤書早上

王野奉使長留馬賊名廟對荒城

歌古木起秋聲何論兵解還成道叱馭看同日

月行公事蹟正史咸載之而魯子固所作撫州祠堂記尤詳

還憶早朝

五夜聞鷄聽漏殘披衣猶帶禁城寒鐘鳴列戟

明春仗象出千官散曉班最憶賈生陳世務懸

思鄭俠達民艱行來回首瞻馳道尚有封章載

篋還

失題

銅馬編卷下

浸悲懷中挾刺來幾人曾御李君迴長安門館

消如水內院燒燈戶未開

曙光初照掖門松朝罷齊來禮數重爲問當年

會計錄可曾兼領大司農

二月之望在平道中和閣如韻

紅顏鏡裏是耶非扶上春光半已歸旅客計程

貪日永泥民蒲路問年饑風垂綠野楊絲重雨

驚青畦菜甲肥最是鶯花留不住白頭都與壯

聞楚流盜之報

忽傳羽檄自湖潯千里還嗟蒨屋食關陝流移

堆白骨荆襄轉戰泣青燐由來治郡思龔遂此

去駟車借寇恂漢殿燭租新捧 詔春和急爲

布 皇仁

在山坐雪

漸喜春煙暖朝來霰滿空殘梅疑弄影輕絮或

因風麗色開瑤圃芳華銀雪官前村驢背好詩

思漸橋東

銅馬編卷下

行在山道中和徐文長春興同用原韻

客裏愁勝日幾迴在山驛路水雲隈煙歸上苑

因迷柳雪繞空林爲餞梅乍喜晴開爲欲度不

禁春去驟相催落紅更作風前舞暮雨胭脂濕

滿堆

垂絲日曳大堤風客意貪程起晚駐芳草不歸

遊屐折落花長惜酒杯空五陵裘馬看年少一

曲煙霞戀老翁莫信龍蔥春滿徑淮南桂樹已

成叢

一 著花與已降獨餘座匣暗雙龍郊茵

蘇蕪合野納遲留薜荔縫春杜老妻能漉酒午
衙稚子學分疎捲簾頻滴研朱露倦眼攬書尙
未慵

天涯回首憶春明撲面風塵輦道清九曲屢臨
長慮蹟一稔頻換久忘爭荆陽獻主和終別漢
室封侯布亦黥花事半殘憐日永白頭長抱太
玄經

銅馬編

卷下

十一

初網鮓紅深花事正飄山火禁清明節曲
水船扶上已天悶盡世請念歇雲峯吾欲學
逃禪

新鷺出谷柳初黃亦有塢頭紫籜長新荇競浮
魚墨漲落花爭蹴燕泥香空舂月俸身無補爲
揚丹砂典不忘萬卷致君吾已誤何心重爲
授青箱

有事西疇水亂流社倉遺法在諸州散材寧稱
明堂棟大貝終懸左序球詔出別宜搜粟尉

曉邇未拜富民侯兩湖新雨流波館正好問眠
對白鷗

此行羞過舊金臺閭閻青陽萬戶開紫詔近
因蠲稅下翠華親爲勸農來竝棲鸞鳳聲能應
共浦鵲鵲隊不猜時事安危真不淺中原正伏
濟川材

東阿道中

迴峯茅店小屋角露微昕風候寒暄換山光向
背分馬蹄多齒石車慢或生雲橋上人千古寒

銅馬編

卷下

十二

流帶雪聞

抵濟北感而作此呈閣如

往來經濟北踰躅此長途廣矣河難渡班如馬
欲痛穿林偏愛僻問路不妨迂况復同心聚前
村酒不孤

謝象三太僕見余入覲清苦獎慰甚至

臨行更有相勗語志感

鳩自嘆拙謀身敢說萊蕪饒已產差箇當途
古來志士耻言貧清風馬首飄征袖明

月鷄聲蹶去輪握手慇懃臨別語三征正賴
摩循

村行

點點長疑雨前林喜美晴山籠日落景澗帶雪
消聲春事初驅犢鄉心漸近鶯勞勞苦行役歲
月又河裡

尋壑役經丘驅車出渡頭路僻飛沙淨林荒得
境幽鵲鳩鳴雨細蝴蝶引風柔最美爲農圃前
村未輟耰

銅馬編

卷下

古

卽事二首

二月寒威漸已消征車水岸復山腰不知春色
深多少曉雨鷺黃上柳條
平楚蒼蒼馬首看黃龍樓外鎖噴帆過江急蕩
蘭陵漿湖上桃花恐半殘

渡黃河

雲集橋邊汴水渾輕桡曉渡浪聲喧春來正值
桃花漲漲浸堤沙幾尺痕

徐州

曉艇雲氣擁嶙峋萬里長河性漸馴離水不消
亡國恨彭城猶鎖故都春燕歸暮雨樓長眠
放斜陽草自新萃墨登臨留好詠

東坡嘗與山人張天驥

流潞山川千古屬詞人

銅馬編

卷下

五

讀陽明先生黃樓夜濤賦真堪與子瞻少
游作並傳也

黃樓傳是楚王宮四望江河暮色中好聽濤聲
留王氣更餘樹影泣悲風寒沙莽莽彭城北宿
草離離芒碭中讀罷和歌渾欲舞帆前明月浸
空濛

見耕者

東風土膏動呼兒早驅犢愁煞五月中新粳猶
未熟

再過桃山岳祠

岳初謫忠愍繼謫武穆寶慶元年復改謫忠武

寶慶重頒詔墨鮮千秋忠武上凌烟王師若雨
壺漿渴軍令如山壁壘堅唐室汾陽功未就漢
家諸葛志堪憐遙瞻二帝沈沙漠寒食何人掃
墓田

朱戟西湖儼故祠桃山又見倚厓屨空傳泥馬
康王詔自折黃龍大將旗二帝塵沙淹北轅六
陵風雨泣南枝最憐終古華夷統浪捲厓山國
祚移

銅馬編

卷下

夫

瞻拜忠武王畫像

丹青駕英魂炯炯抱雄畧二聖有還期呼之亦
可作

寶慶賜忠武改謫勅

萬里黃沙漠遙遙望北轅翠華猶未返不敢拜
君恩

忠武有告適齋真蹟句云去國權臣力全

軀聖主恩悲哉其言之也

去國辭兵柄全軀沐 主恩孤臣寧惜死望斷

南宮覓

忠武獄中取狀歷叙其戰功官職末云此
便是一生罪過傷哉冤也

廟笑議和戎鑿與耐朔風但期高鳥盡奚惜飲
良弓

忠武遺墨小大二幅

浩氣多呵護遺來汗簡青黃龍書奏捷一洗汴
京腥

重和會稽女子原韻

銅馬編

卷下

主

朱顏偏自妬風塵掩袖迴思未嫁身獨立後亭
花落盡不知何計可留春

空挾明珠上國遊同心羞結恨悠悠當爐羨爾
琴心約何事愁腸賦白頭

獨灑啼痕對阿誰再臨粧鏡不勝悲東牆讀罷
腸爲斷况見當時玉筋垂

靈璧道中虞姬咏

楚歌一曲帳前身啼血千秋葉葉新草色春來
今舊恨漢宮幾貯戚夫人

途中春興

平楚望蒼蒼晴雲覆遠岫未見桃李花約是春
深候

車中倦欲睡兼此清晝長江南花半落映蝶占
春光

憶張球所上呂相公詩

島瘦郊寒學苦詭笑裏朝出幾時休長安近日
論詩少燃斷莖時何處投

楊朴妻送應召詩

銅馬編

卷下

本

酣酒吟詩過此生劒吹刀游事浮名亦知一跌
憂多少爭向遼陽說請綬

風

高下蒼茫路幾盤輕颺乍起動林端快人盡散
峯頭雨妬客微留陌上寒細柳藏鶯眠欲起飛
花蹴蝶落將殘榆枋亦有逍遙樂不羨南溟鷗
羽翰

懷歸

爲役理行囊南天道路長民貧羞月俸年過惜

春光宅畔五株柳門前十畝桑進賢非穩物
水自洋洋

微官民社在那暇苦哦詩不敢虛芻牧無能課
蘭絲長慵材自拙多病鬢先衰三復伐檀什言
歸較已遲

計程

夢裏羊裘款竹扉江南都已報芳菲陌頭樹影
寒煙合天際波流夕鳥微綠浸一犁扶兩鍾紅
霏雙舫試春衣計程千里鄉關近何處桃花驛

銅馬編

卷下

本

正肥

過泗望陵恭述

松檜蒼蒼鎖舊濠寢園湯沐五丁勞天維地絡
神臯迴日羽雲旗王氣高河洛效靈齊合派蛟
龍徙穴敢生濤堯陵禹窆今無恙萬葉也桑永
莫驚

偕闇如步天長橋上

每思花下聽春禽無奈山椒又水潯村店燈殘
寒共坐野橋水漫晚相尋地偏何處非幽興交

淡從來是道心他日石窓尋舊伴雲南雲北

門深

靈壁磬

邑有磬山開杜箱記謂近有產新坑者

磬山一片孕珠琳近甌新坑辨古今舊貢波心
浮玉出乍開山骨琢雲深鳴時更協師襄律寂
處偏流姑洗音荷簣門前曾解否可知在衙竟

何心

胡公儼石磬銘有云審音諸律姑洗角

二月廿九日爲先生母陳孺人忌辰詩以
當哭時行天長道中

銅馬編

卷下

七

我年二十八堂護菱斜陽再踰二十八拱木亦
已黃兒今鬢垂雪切恨詎能忘清明登陸道悲
風吼白楊况茲滯海國睽隔幾經霜生既缺甘
堯沒復違蒸嘗時值靡留日乃在天一方計年
止八襄杜鵑鳴墓旁有懷負來恨空素捧檄腸
兒心多壹鬱所遇後披猖非母莫能語呼之泉
路長遙邇朱康叔涕泗徒流浪朱康叔以孝名是天長人
偕聞如坐大儀之海雲菴與僧閒話
行都忘身爲客晏坐那知客亦僧一片孤雲

門欲閉數聲清磬了殘經

抵維揚買棹徑行愧無詩句酬勝地耳

煙月江都爛不收閒雲曾鎖舊迷樓經行不是
怪詩句橋畔堤邊起暮愁

春風何處訪瓊花戲馬臺前路不遑揚州亦有試馬臺

二十四橋空夜月行人猶指玉鈎斜是揚帝臺官人處坡

公誤用之徐州試馬臺

稷日戲舟瓜步全開如閒行江許望金山

春晴瓜步晚停舟山水相携絕舊遊萬里關河

銅馬編

卷下

七

行漸懶一天風月袂還修林開簷窗江心出嶼
揅芙蓉地肺浮何必蘭亭過此地鐘聲樹影望
悠悠

曉過楊子

隔水蒼茫鐵甕城揚帆兩岸聽鐘聲五更款乃
扁舟過萬歲樓前看月明

昆陵夜雨遲聞如

延陵九嶺路有客倦長征正是懷人思孤舟聽

雨聲

金山詩

金山詩張處士尚矣孫魴詩有過櫓妨僧定

之句羅隱句云老僧齋罷開門睡不管波濤

四面生偶憶詩話咏二絕

滄蒸雲氣潮平減石稜江湖千萬頃那礙定

僧

孤堪結夏地僻好安禪不用開門睡聽泉夕

照邊

入京口仰止藏榮緒康之兩先生青囊

銅馬編

卷下

主

二隱事並詳南齊書

被褐先生

榮緒

拜五經

帝以宣尼生庚子

伯倫

康之

讀罷戶長扁阿誰京口圖雙隱添箇吾家

問字亭

江南禪咏

景物江南喜乍晴亦兼微雨度清明陰晴暗過

春時候卧喚篙師趁曉行

將歸無復惜飄蓬船到江南數亂紅最是大堤

無限思養花天氣落花風

未濯纓逢僧羞答舊時名亦曾

人坐此夕樓臺空月明

元何處不堪憐纔遇花船又酒船別有會心

處處山窮水盡鎖寒烟

虎丘惠山俱以舟行至不及遊

負巖頭印屐苦春深歸思不堪裁從教白髮

時長猶許青山入夢來幾處煙霞長妬客孤

風雨獨對杯近年婚嫁粗云畢五岳何時倚

別

銅馬編

卷下

主

酌開如于湖舫

湖心移畫舫煙靄兩峯岑携客非綠酒逢君便

八林樹邊宜日落花外惜春深偶爾歌輕調無

幼山水音

靈隱

峯巒拱梵宮此地真禪觀等到月上時遊人猶

未散

龍井

龍泓最勝地興衰無限情偶值車馬少寒泉自

在清

法相

山中有金骨一法可曾真至今隨緣度亦認本來身

湖心亭

一片輕波裏晴霞散綺明石闌有遊女都說鏡中行

方棠陵先生舊題西湖寺壁云飛來岑天青也自楊總統琢之天奇損矣天竺後壁王叔

銅馬編

卷下

畫

明畫人奇也自孫率子補之人奇索矣此二者迺山中不平之疑近日法相李長衡畫壁亦爲僧父點污矣

飛來削壁少完膚畫史狂毫亦漸蕪惟有頑峯與散木山前無事領西湖

湖遊賦得尋山莫笑白雲程

春來驕登臨老至健躋陟蕩漿湖內外聳身山南北稍偃古木邊更探迴峯側杳靄未有涯穹後笑極寂處鳥自啼饑腸雲可食地僻天長

陰人倦日欲晷路迷問山僧僧亦未之識

武林遣人迎山荆至署偶閱唐人胡麻好種之句成是詩

携君共泛大江槎何物徵官客是家裙布嫁時無恙在好歸春雨種胡麻胡麻卽芝麻也種時必夫婦兩手同種其

亦分月俸給妻兒柘糲長含手澤悲松檜故園春漸老山空寒食雨如絲

銅馬編

卷下

畫

杭僧溫日觀善畫葡萄性嗜酒唯楊總統飲以酒則不一需唇見輒罵曰掘墳賊攷日觀名子溫字仲言又號知歸子見語林惜西湖志不載也

狂酣湖上酒腥却幕南風筆墨葡萄外山河麥秀中醉鄉全慧性衲影抱遺忠若寫冬青樹相携泣未終

龍井和孫太初原韻

人望石鑑開流淙疏澗踏雲來儘教消受

供不換山中水一杯

偶得新舊書數十冊因憶杜暹常及借人
皆不孝及陳少卿亞他年若不和花賣便
是吾家好子孫之句書寄諸兒

讀書聊自怡知不是長物敢云投青箱况以望
來綬君不見新輪堂上聽微言能者棄魄攝其
魂架書貯得能幾許也頗潦倒誠兒孫

過溪亭

過溪亭外夕陽微樹裏寒泉響石磯回首鐘聲

銅馬編

卷下

走

天上落閒雲送客不曾歸

早發江許順風揚颿是夜宿桐溪

款乃聲催曉色開揚颿偏自望徘徊風前蓬影
和雲宿夜裏鐘聲度水來怒浪千重春樹外垂
絲百尺宿嵐堆奚囊貯有桐溪注

是鄭道元撰

好展

圖經佐酒杯

曉雨過釣臺

泚水長江正拍浪生烟浮樹望濛濛扁舟將曉

生作生熟之生見謝覽及劉禹錫詩晏丞相

與曾明仲詳此作生青之生者誤

過釣臺又二絕

雲原方玄英 水木交陰裏臺南舊有村峯頭聞燕唱云出白

高臺時挾酒慟哭作楚聲至今竹如意空山鳴不平謝阜初

衢州道中對月

蓬底栖身窄樽前受月明樹陰晴自照山氣曉
來清鷺息沙頭影雲留洞口聲故鄉無限好回

銅馬編

卷下

走

首若爲情

枕上聽溪聲

孤枕欲暮泊平林何處潺湲忽送音月到前灘
流漸冷風迴別浦淅初深澗澗槽過輕鷗外
灤沙鳴宿鷺潯夜靜舟人鼾正穩獨驚愁客思難禁

題江郎石上有鯉魚及蓮花

泚池開三峽鴻濛鑿五丁壘中暗盡盡雲重
冥嶂疊迷青黛巖分列翠屏諸巖俱拱秀群

此盡歸青鯉躍天池瀾蓮栽玉井磬嶺危猿墮
嶺峯側鳥翔翎有竅難通棧無梯可勒銘石然
偏吐燭水湧忽聞腥雨挂龍暑濕霞明鶴馭停
何年封地脉永劫護山靈天近嵐垂霖風回響
谷鈴及椒途已斷尋燈戶長局通漢真難仰憑
庭或可經從知人境內斗絕迥金庭

度山有感戲作

午行蕪嶺暮窰關回首重重隔故山一片孤雲
自舒卷却因送客不曾閒

銅馬編 卷下

支

山行

曉起重重鳥道斜閩南隔嶺是天涯人于岐路
偏行路客未歸家又去家峽倒溪流晴響玉峯
樹杪暮流霞寒巖莫道春遲放片片風前舞
落花
竹層山色鎖周遭路出前林度遠臯播穀未齊
農事急落花將盡客心勞陰厓借映開晴蚤亂
遙看匝翠高最是回岡觀老樹風來日午正

滿

聞嶠年來嘆幾經校頭好鳥不堪聽斜陽半
中峯紫晴樹平分兩峽青山畝得泉畚漸熟田
家無客戶長局連宵去路何時盡回首乾坤三
草亭

路到平晴繞澗松村南陡爾掉危峯鳥聲愛霽
啼難歇花意留春落漸慵拳石霧深疑伏豹寒
林雲起欲成龍翠微日上人猶睡寺遠難聞夜
半鐘

萬木蒼蒼曉色開長途祇路翠微堆枝食照水

銅馬編 卷下

支

歸崖出峯爲藏雲藏雲迴取謂勞人辭執掌可
堪征馬怨虺虺石山路窄斜通縣幾種桃花客

又來

天南又樹策軒輶回首風塵嘆白頭林外數家
堪避暑山中四月却知秋溪煙宿樹長飛雨山
瀑分田不住流急問車傍扶杖者言可已鍾
西時

經浦城遙題蒙筆山

八彩空當代毫端五色重到今雲岫裏朵朵削

大蓉

浦城水行至建州

直下波如瀉，淙迴路更長。
嵐飛千嶂雨，虹掛一川涼。
隱隱煙林暮，微微岸芷香。
泊舟聊濯足，不敢和滄浪。

亂石波心出，波驚石併搖。
沙痕兼月淨，灘勢挾風驕。
客思河橋近，鄉心嶺樹遙。
溪頭半夜雨，新綠遞孤桡。

章無逸書我扇頭有詩從累句留之語漫

銅馬編

卷下

手

題寄無逸

太美鮮完巧，偏於拙處成。
文犀多採暈，奇木未憎癢。
無用方爲用，忘名庶可名。
由來有瑕玉，問價比連城。

建州道中懷雨上舊隱兼寄徐閒之

舊隱南湖泊釣船，數間書屋鎖寒煙。
殘春燕子穿簾熟，初夏魚兒入筍鮮。
擊榜危灘迴暮雨，收帆古壁掛飛泉。
却慙夢裏羊裘伴，不見雲林又五年。

五年

寄題隱鱗洞

在延平

宋吳儀字國華，清修力學，漁釣潞溪，龜山先生重其爲人，羅從彥嘗師事之。郡守王汝舟有詩題其處，龜山亦有題，藏春峽詩蓋卽在隱鱗洞之左也。洞前直抵劔津。

松溪竹塢首頻搔，倚杖歌闌落日高。
風雨津頭驚客夢，潛龍睡穩不生濤。

劔津

平津黯黯畫生寒，孤杵飛經百尺灘。
不敢腰間抽佩劔，恐驚風雨一時乾。

銅馬編

卷下

手

抽佩劔，恐驚風雨一時乾。

雨停水口

水口春光淨，山腰暮色迷。
千林梅後雨，百里樹邊蹊。
矮屋炊煙足，高田種可齊。
郊迎謝父老，何以慰雲霓。

卷下終

銅馬編二卷

浙江巡撫
採進本

明楊德周撰德周有滄圃芋記已著錄是集乃其
崇禎中爲古田知縣入覲京師往返記程之作上
卷冠以北征記次以北行諸詩下卷冠以南征記
次以南旋諸詩文格頗厯落自喜詩則庸音也

無欲齋詩鈔一卷

〔明〕鹿善繼撰

湖北省圖書館藏清刻本

附《四庫全書總目·無欲齋詩

鈔一卷》提要

無欲齋詩鈔 汲雲洞定本

范陽鹿善繼伯順父著

過松山題高表白就義處



此地是松山表白竟千古雙綠義更奇是僕殉是主何
哉達彼怒一炬成焦土遺憾親未封苦詞徹肺腑
自聖明關典為公補義既起表白類且錫懷魯猶憶
草時好題筆欲舞到此弔忠魂行吟佐笳鼓

陳節婦

無欲齋詩鈔

婦節烈殉夫或置守者若寧知立孤難白非嬰不轉每
聞陳母節談之淚盈袖阿桂蚤分符阿蘭將結綬而母
受旌綸自緣苦節奏白首節如新黃泉人是舊言念百
年間榮瑩伴兒讀兩苦且風淒永夜與長晝獨有未
人。點。點。將。心。叩。悠。悠。未。定。天。若。順。復。若。謬。擬。六。千。秋。名。
寂。寞。在。身。後。向。非。金。石。標。誰。洗。乾。坤。詬。微。獨。範。簪。笄。無
以愧紳胃。

詠劉烈婦

人傳劉裂婦。歎歎語欲噎。稜稜。我腸寸寸都成鐵。女
以負為經。而有郎與烈。難易固不分。死生終是別。烈婦
抱殊姿。曾聞而父說。亡行重名聞。異香芬齒舌。殉夫事
更奇。三綱日月指。范孤隱。枉深尊。婢勸枉切。大事既已
襄。臨穴一慟絕。只為許相隨。片言憶永訣。嗟哉生死際。
困倒當世傑。如云身後名。知非裂婦屑。然而。在人心。石
爛名不滅。

真氣噴薄。惟其有
之。是以似之也。

無欲齋詩鈔

二

魏李公字文學

長歌以當哭。一歌一歎息。二十五年前。衣冠遭羅織。散
機發者誰。范陽天若黑。偉哉西華公。一人能定國。而於
波險中。奇姿李若力。守凌夫何心。三代有遺直。黃堂抵
掌時。神兔寓主冠。於彼扼其吭。於此傳以翼。所扼無舊
仇。所傳無舊德。寧平一笑歸。足跡絕城闕。貪聞金石聲。
老見嬰兒色。賓筵一赴。不可。日月曾幾何。光
景誰復識。

贈田先生

西山突起。揅天起。氣勢蜿蜒。紫雲水。此地田來。慷慨多
白雲深處。隱君子。君子雙標孝義名。千秋想見古人情。
宛宛嬰兒持慈母。蕭蕭寒影對孤檠。俗儒膠柱何須數。
忠臣一錄堪成古。直從洙泗會淵源。非與新安爭旗鼓。
世事悠悠一塞翁。誰將心苦嘆良工。皮相當途失老驥。
迷名吾道效冥鴻。生平蘊藉何不有。胸中雲夢吞八九。
沈木浮石數自奇。盤懸壁立窮不醜。問字學奇絳帳傾。

無欲齋詩鈔

三

贈杜洲美

夜闌劍氣斗邊橫。金臺遠近稱夫子。膝序聯翩半友生。
晚年門外無足跡。草堂惟對西山碧。冥心天地一身閒。
回首風塵雙眼白。有子不能強業儒。存心兩字訓區區。
勤事桑麻完稅課。官將蔬水易陶朱。年越九十童顏好。
衆謂齋頭成藥早。骨法今逢陸地仙。鬚眉再見商山老。
昂藏七八。豈吾徒欲問生平。一事無不因杖履。識高誼
誰信乾坤有丈夫。

蘭有谷芳桂有叢從來豪氣擅江東江東兄弟非洲美
韻度昂藏有父風厥父俠腸人罕及居恒談義風習習
回首當年共事人患難相扶感微泣跡蹤如生更是奇
每從千載論襟期有錢不買芙蓉鏡有客不過桃李蹊
世局動逐年華改眼前見有吾曾在共作砥柱向中流
不使頽波到東海

范景龍謂選得環縣之任賦贈

當時同在少年場與君肝膽雅相結君家意氣自雄飛

無欲齋詩鈔

下筆風翻電欲掣一經落魄二十年唾壺缺口歌聲咽
敵和金盡果無顏壯士途窮猶有舌志意不堪盡挫埋
謁選長安求一泄神物當前主者驚手提贖尾深擊節
有才落落泥塗中三沐三薰居上列分土誰言墨綬輕
親民自喜郎官切丹鳳城邊下尺書慶陽道上飛霜雪
三氣猶餘靈武臺長篇短篇次第揭小范曾此扼西賊
後身前身且顏頤素關漢月兩徘徊毛錐長劍雙提挈
君家夫子真天人吏才吏守總橫絕僅從兩地露一斑

偏向仕途稱宦拙他日趨庭有異聞此時攬轡無多說
羨君單騎不攜家英雄面孔太直截萬里蕭蕭渡隴雲
孤燈夜夜對寒鐵不必回首念溫清膝下神駒欲汗血
平生知己羅漢前祖帳陽關三四關吁嗟人生不滿百
唯有榮名永不滅冷眼難憑世態青剛腸每為公家熱
七尺豈受一文溫千秋原自當日決瀕行唯贈繞朝鞭
不作沽巾兒女別

雪中集舒嘯亭壁畫風竹移梅相映賦此

無欲齋詩鈔

蕤雲一夜朔風吼朝來雪片大如手主人好客列華筵
滿斟玉碗蒲萄酒郢調曾傳白雪高乾坤今日任吾曹
樽前不用紅一點最愛寒梅韻致騷仙標自與凡種別
勝友相期同傲雪何須回首憶瀟湘壁間畫竹真奇絕
翩翩此物迥不同數尺千霄意自雄每笑剛腸成繞指
請觀勁節當疾風竹梅掩映爭瀟灑天工人巧供清話
既道亭亭竹如生又言冷冷梅如畫對景能令磊塊消
相逢意氣自粗豪淋漓逸興忘賓主狂搜佳句費推敲

贈李孝子

誰言今古不相及。忠信猶存十室邑。李君有子自寧馨。
割股療親名熠熠。心至何知事不經。精神上薄天應泣。
雪。冰雲香點禱時。氤氳有物暗中立。同是屬毛離裏人。
噓吸偏覺李郎急。恨不使縮半通綸。好將熱血玉階濕。

曾太翁畫像

堂上偉然冠者誰。云是愛雲先生面。先生雅負蓋世奇。
六籍掌故供吞嚥。適雲太史生也。晚白髮垂垂。課筆硯。

無欲齋詩鈔

六

時夜直將未。卯求爭請先生。操空券轉。盼十年六。翻張
橫空一舉。誰不羨。或疑精魄入風簾。胡為寸管多靈變。
玉堂聲價震長安。有兒何異身親見。愧殺當時獻諸人。
儻知鴻鵠非雀燕。吁嗟先生陰行善。生氣淋漓猶滿絹。
獨憐太史思無窮。每話風昔淚如霰。周召勳名不問知。
千秋忠孝原一串。

大風中偕孫放泰過劉百世夜飲醉歌時孫劉俱
待公車

街頭栗冽風勢惡。揚鞭直北道相撞。當時商旅駐不行。

兩騎翩翩氣逾三。塵外相期有素心。風頭那怕高千丈。
到門剉啄驚周公。相攜直入談經帳。主人好客倒屣迎。
禮數濶疎情慨慷。促膝相詢別後情。開尊再整從前況。
詩人由來是酒人。酒量雖無有基量。世態堪於半醉論。
奇情惟許深交亮。解事塘光來瞋人。敝威風伯作何狀。
丈夫遇主各有時。憐君使骨猶無恙。董子原非阿世學。
班生豈是薄祿相。春明一舉摩天飛。曾道後來常居上。

無欲齋詩鈔

七

王起濂母壽

春深奏賦甘泉宮。滄海王生聲最雄。與余慕悅話晨夕。
脩道壩關可以風。艱辛如母世希有。斷鴈離鴻年十九。
一瞑何難地下從。未亡抵為孤兒守。孤兒夜讀母之旁。
青藜點點變青霜。策勵何言不下淚。聞見何人不斷腸。
孤兒承恩北闕下。宮袍雅稱跨官馬。共歎青雲自致身。
乃是生不識父者。朝來飛疏聖人前。丹誥黃麻次第傳。
誰將此事屑臆論。萬古綱常萬古天。

贈朱醫近泉

履冬出痘人盡驚朱叟偏成此日名千家飛刺席不煖
一語驅車蓋未傾余為兩雛親擁帶次第痊安借君手
途窮報謝愧無錢恩重形容惟有口艱危國事已千瘡
坐視何人問禁方杞人恨碎憂天齒笑欲從君捧藥囊

白雪篇贈楊長公允諧初度

正月十三雪滿天飛花催赴玉人筵當君初度兆豐年
和氣交通豈偶然君家風骨自翩翩每從局外結奇緣

無欲齋詩鈔

八

俗塵不到玉壺邊男子原操獨運權豪倒屣奉周旋
憐才憂國意拳拳幾家紆難慕肯賢非曰能之願學焉
朱門冠蓋如雲煙著鞭竟讓此君先人依名教自生妍
事任癡心便可傳詎是王孫性格偏若翁當日本孤寒
蘭堂讌客酒如泉擬君俠骨又擬仙奉祝以言不以錢
醉筆淋漓白雪篇

贈別魏孔時

去年聲氣聚長安今年車馬駐江干相聞那比相逢樂

相遇應為相別難也知野居太荒落為君情性宜澹泊
也知農家少儀文為君襟況歎紛紛作主自嫌棄似水
媚賓全借友如雲

往
關城夜坐客有談及青海任公之誼者賦此志嚮

求友十年腸轉熱釣鰲公子有人說繞說意氣薄雲霄
又說心膽如冰鐵龍門高倚九河濱道是蛾眉天半雲
吁嗟年來夫子堂蒙氣蘊崇得君泄涉世吾生恨未深

無欲齋詩鈔

九

悔將言貌信豪傑丈夫本色見當場寸心真為此君折
向袁自如索筆而得贈劍賦答

早向南隣乞毛雞回至中途雷且電恍惚毛雞化龍泉
主人驚怪正驚驚八千里外山川精五百年來一再見
未遑援古頌功熊耳道至今種種喜出門不沾兒女巾
當醉不顧肯遊西嚙擊長蛇虎豹關提挈決勝玄黃戰
拾得無慚骨隨戈下風願佐諸葛廟東來未拭華陰土
磨以天石一片功成當勒燕然銘應知神物多奇變

恍惚龍泉化毛錐即取天山石作硯

與唐劍司

當日鶯鳴曾比隣。今朝劍合更相親。祇憑肝膽隨戎馬。
却喜邊關遇故人。盡如當年擇便地。何取平生談盡瘁。
有友不從患難中。尋常徵逐總成空。羨君立起千營色。
衆口宣揚兩袖風。

信父歌與左羅生

相逢連袂人何許。云是髯仇成羈旅。深情不受泛交憐。

無欲齋詩鈔

十

每就金臺信父語。金臺信父語平平。惟與諸君頌聖明。
施為業洒忠臣恨。次第兼成孝子名。孝子忠臣撐宇宙。
弟兄叔姪更奇濤。愧我權承朋友之。共為名教洗塵垢。
幾載巡消廢大。不沽豈為酒旗高。此後再訂名士約。
照前酣飲讀離騷。

弔滿大帥懷丹

誰向行軍知彼已。勦殲八千提泥水。卒不服習將子敵。
遂令將軍一戰死。我軍雖敵亦權實。道無能復以矢。

寧惡強加辱國名。英魂夜月泣郊壘。

送茅止生如閩

當日相逢千里投。今日相板一夜留。點點飛花清眼盼。
淒淒往事到心頭。從戎意氣風雲起。旋聞共提泥水。
辯謗封章日月光。恐見謫仙赴夜郎。先聲已自傳荒徼。
古色依然照草堂。

謁楊忠愍祠

此地拜先生。昂然氣不平。鬚眉常颯爽。風雨益凜清。想

無欲齋詩鈔

十

見埋輪意猶聞。請劍聲丈夫存本色。千古顏榮名。

贈胡明府芳宇二首

使君天下士。弱冠且專城。幽冀開長夜。風塵遇歲星。溪
心雙鬢老。強項一官輕。每讀循良傳。冀黃浪得名。
真人臨北地。黃道破重陰。感慨河山壯。欬歔雨露深。百
年存士氣。三代見民心。槐轉開清晝。空庭理素琴。

阻泥客城道中二月雪後

雪後泥深尺。誰言此調高。御風思列子。飛鳥羨王喬。春

殷。侵。侵。霜。蹄。控。馭。勞。更。傳。能。虛。表。念。此。賢。茂。極。

轉楊明宇都尉二首

吐。恠。繁。華。隊。何。來。清。冷。雲。聖。朝。高。物。色。甥。館。煥。人。文。威。
慨。君。親。重。從。容。生。死。分。山。陽。掩。耳。過。有。留。不。堪。聞。
竟。是。執。喪。死。誰。云。滅。性。宜。蓋。棺。人。品。定。觀。過。寸。心。知。世。
為。時。中。誤。道。從。合。處。離。何。如。偏。至。者。猶。近。始。生。時。

秋日同友遊淨業寺

追。陪。玄。圖。客。泛。酒。遠。公。池。啼。鳥。自。無。意。白。雲。如。有。期。林。

無欲齋詩鈔

十三

溪。籠。雨。細。人。醉。出。花。遲。把。酒。頻。相。勸。煙。霞。繫。我。思。

赤社丹丘卷詩

代壽徐恒山

金。容。舊。茂。棠。易。水。新。遊。办。偏。好。拈。難。題。有。心。破。俗。陣。春。
回。望。外。仁。風。動。言。前。信。願。祝。百。年。身。長。沾。九。里。潤。

送陳中園

航。牘。當。年。骨。憂。危。此。日。情。強。收。眼。底。淚。不。盡。齒。間。聲。罪。
重。環。成。玦。忍。深。死。得。生。銜。杯。論。祖。餞。擎。筵。憶。高。荆。

秋日閑寧遠塞遂過湯泉用韻五首

倚。劍。千。尋。外。濯。纓。方。丈。間。憂。時。揮。涕。淚。弔。古。聽。潺。湲。寺。

是。空。中。色。人。非。忙。裏。閒。凭。欄。臨。止。水。重。識。舊。來。顏。

珠。湧。欺。星。宿。風。薰。隔。露。霜。依。山。蒙。孕。氣。向。日。火。成。腸。事。

往。重。燒。劫。人。來。再。破。荒。振。衣。新。出。浴。弓。掛。指。扶。桑。

赤水珠無恙。烽臺煙未平。應知池上客。不是世中情。控。

扼。紆。籌。策。山。川。復。姓。名。班。銘。揮。筆。日。纔。不。愧。湯。銘。

先。朝。留。勝。蹟。餘。韻。映。荒。臺。出。浴。披。襟。詠。雄。風。萬。里。來。陰。

陽。同。結。撰。日。月。共。昭。回。尋。悟。西。來。意。蓮。花。火。裏。開。

無欲齋詩鈔

十三

揚。鞭。同。誓。日。敲。韻。異。悲。秋。帳。列。三。千。客。身。當。十。二。樓。泉。
溫。堪。盪。酒。晉。裂。未。消。愁。無。補。席。前。著。猶。然。汗。漫。遊。

題馬都護蒼鷹搏兔圖

狡。兔。途。窮。態。鷹。揚。小。試。圖。雄。駒。奇。寓。正。多。窟。有。如。無。漫。
道。威。非。鳳。生。憎。類。是。狐。問。誰。同。此。意。連。枝。有。征。夫。

和人日抵寧遠有作示同行幕僚二首

舊。宇。索。歸。溪。新。正。日。展。人。三。年。從。患。難。一。意。為。君。親。成。
馬。肥。邊。草。征。袍。厚。塞。塵。平。戎。還。旂。日。紫。氣。滿。彤。宸。

就將遠外日提挈。目中人憂辱宵衣主。驅馳率土臣。略
開今日眼。猶憶去年春。寒塞聞吹律。枯臺擬效噉。
奉和寧城雪夜撫松訪幕僚同滿將軍論邊二首
塞下來元老。師中見壯猷。飛花當列炬。散步不鳴騶。玉
砌空階速。風生大樹遒。將軍真燕領。好佐晉公籌。
曳地光明甲。東來布雪霜。向非親仗鉞。何以佐垂囊。曲
傍陽春燕。梅依晚節芳。無能襲虎略。相勉賦羔羊。
寧城元夕和韻

無欲齋詩鈔

十四

烹雲寒猶峭。開雲月倍明。悠然遠望處。不是當歸情。
次席前箸編為座右銘。行間少筆墨。口號賦宵征。

和孫楚惟寧遠寒食二首

寧城新氣象。云吐歲時加。列陣看賓雁。棲枝念舊鴉。湯
泉堪盪酒。笳鼓好催花。為赴清明祭。西來又萬家。
千古談恢復。難同此際論。從頭開草昧。赤手立兵屯。局
外消多口。軍中定一尊。不憑明主斷。何地得招魂。

王中詡餽人參賦謝

自憐窈影瘦。不覺入山深。淒泊君臣藥。淋漓父母心。八
行生王氣。一味破重陰。多病惟須此。江村有舊吟。
江村漁隱
短棹橫江畔。乾坤一冷然。笠蓑輕傲雨。村落遠凝煙。生
事堪藏拙。幽情不諱偏。徜徉樵是伴。換酒醉堯天。
金臺館讌集諸公子
吾世忻逢聖。人倫重象賢。路傍爭指目。言外尚留連。共
信恢恢網。寧疑夢夢天。蒼頭渾似醉。釀酒亦醺然。

無欲齋詩鈔

十五

蓋左楊諸子弟也
律切精深通古

秋日范陽道中

瘦影秋風裏。行藏漫自憑。見從軍國起。功願衆人成。感
事空肝膽。論交舊姓名。江村三逕在。無辱不求榮。

暮春放船道宗據杜韻索句為賦二首

辟塵尋曲水。轉港過前灘。風順舟如駛。春深酒不寒。境
宜從遠望。人或作仙看。索句收煙靄。同襟興未闌。
樹密雲生岸。沙平雪作灘。舟遲涵遠致。杯滿失輕寒。鷗

烏忘機立魚鷹列陣看中流何限意停棹為更開

過時思亭贈孫啟泰兄弟二首

橫襟東海揖狼山中有一廬無愧顏歟後僅餘眉宇在
愁來且把藜莪刪地當趙北燕南際人跨樹山夢驢間
客子語言忽可味詢知新自見君還

暗攜好手當奚奴此地盤桓用意摹壠上風雲寧自變
墓傍草木為誰枯隔籬雁影時疎密入夜猿聲介有無
翻怪先王不著訓故留別境待真儒

無欲齋詩鈔

十六

小樓新成

新向江干起壯巍林光鳥性故依依中原此地誰青眼
我輩平生自翠微綵筆當軒風乍起朱絃繞檻雪初飛
高樓未改元龍傲遶莫風塵論是非

雨中偕啟泰訪周景文同年以楊忠愍集贈之

雨過梧桐秋色深中原我輩正披襟鑒裁不失真人氣
慰藉何殊空谷音金熱肺腸偏冷眼半瞻猿髮自丹心

家

懷景文

彈劍各操白雪調策名同事緡雲司俸錢敢論侏儒飽
官署惟看日影移愧我腰支強作崇憐君花樣不宜時
公餘一別經三日脉脉屋梁有所思

贈別徐令君扶太翁喪東歸

漢家仙令亮誰倚此日風傳雪滿頭報政已堪明主問
終天不為土人憂素旌忽斂陽春去花縣仍依王氣留
苦恨擁途諸父老半將涕淚入吟謳

無欲齋詩鈔

十七

弔文文山二首

千秋忠義總英雄說到文山未易同大節更餘一死外
奇踪全在萬難中竿無剩步身猶進樓有留層目未窮
絕頂凌空何所御丹心便是冷然風

生祭洋洋炎午言間闕何意歷朝昏莫將死著疑生著
須信身存是國存箕訪九疇無損義周容二餓有餘恩
斯人而外談非易勿借黃冠作便門

弔于忠肅二首

曾聞土木已塵蒙。此際誰成社稷功。絕塞無權留翠輦。
老臣有劍倚崆峒。尋常欲漲盈廷血。終始惟籠滿袖風。
事到可疑無語處。更將心苦嘆良工。
當年數亂無遺策。末路不應智頓迷。元亮盡成經國計。
士人奪作上天梯。可堪據辟居奇貨。遂使臨軒壞好題。
每對名賢神欲往。憂時感事更悽悽。

寵頒紀事和督師相公韻二首

朝近恩綸各就班。無邊雨露濕行間。胸中兵甲龍圖閣。

無欲齋詩鈔

六

天下安危虎豹關。金幣何難揮糞土。聖明原自愛河山。
宸慚白面分殊寵。點簡無堪報賜環。

內府特頒意不輕。榆關一日萬花明。三軍共識金銀氣。
元老偏聞擊鼓聲。珍重蟠螭承異數。憑陵難舞望同盟。
朝來仔細看條奏。漫道班戾論亦平。

榆關八月驟寒遼姜山啟孫魯章賦此

蕭瑟非關秋色高。詰朝嚴令凜弓刀。千營殺氣風雲陣。
一戍藏機虎豹韜。幕下無奇慚借箸。杯中有酒慕投醪。

劇談欲出吳鴻火。華髮年來無可搔。

榆關九月題沛尼扇頭

髮短心長敢浪吟。馬肥弓勁正秋深。舊從吾黨稱狂簡。
新入行間問繼擒。玉漏銅焦全醒夢。山光水色眾知音。
角巾歸里何年事。此夕憑君酒再斟。

九日前屯宴集和相國韻

秋高紫氣度重關。漠相威儀喜共攀。九日盆花依北極。
千秋破斧念東山。乾坤新數中興運。衛霍集來傾蓋間。

無欲齋詩鈔

十九

仰止青雲身自附。歌宣白雪太音還。

再咏六月菊

何事寒花也度關。弄勞上相手親攀。枝繁晚節涵青海。
葉布朝華映白山。兀似神師推坐上。蕭然隱吏入行間。
花神如解無言意。決歲叢生待往還。

中後所

前屯一舍又雄關。兩將風流可並攀。樓櫓排雲天外劍。
毗黎涕雪夢中山。人煙遠濶金城略。王氣重開錯繡間。

將將只今推上相。便。還。復。來。還。

中右所

東來步步望重關。引臂凌風次第攀。頓喜新城盤虎豹。
竟將舊淚對河山。應知隱約三驅意。盡在躊躇四顧間。
宸幸典籤承玉屑。聲歌直薄采薇還。

寧遠城

帝勞上相為當關。關外重城又歷攀。濤擁覺華非屢氣。
箭飛海岸是天山。封疆有置泥丸外。勝著只爭先後間。

無欲齋詩鈔

二十

市寶通都誰具眼。相看留積又珠還。

覺華島

乘桴倘取仲由材。破浪長風亦壯哉。寧遠迄今張特角。
文皇曾與辟蒿萊。諦觀空濶天包海。潮候虧盈往自來。
實著也從虛處用心。花原為覺人開。

佩月亭

平生愛月每登樓。何似覺華樓一丘。為印陰符臨桂魄。
敢憑俠骨傲仙洲。杯和玉露腸猶餒。歌倚青萍氣自遒。

壇石得名專佩月。頓令千載讓風流。

假寐肩輿中。魯章嘲曰。詩色滿面。驚寤賦此。用九

日韻

從來夢覺亦雄關。暗度無勞馬上攀。自借人肩為倚枕。
翻疑吾志在高山。索題託寄風雲思。徵色經營慘澹間。
驢背灞橋爭似此。奚囊未滿肯輕還。

十九日閱仙靈諸邊障。遙見諸將為獵。

披圖指點終屬幻。按轡攀緣政未疲。西去人家仍舊夢。

無欲齋詩鈔

廿一

東來文字止殘碑。為尋枚史搜深草。更策花驄尋遠埃。
愛向合圍看羽獵。豈從異代借龍彪。

平川營示諸將和韻

天地華胥界。自分歷憑沙塞指黃雲。迤南平野排魚腹。
直北危峰過雁群。驛肉暗從鞍上盡。難聲誰共夜中聞。
朝廷不吝道侯賞。幕府何人第一勳。

茅止生奉旨赴督師幕中。相從甚樂也。賦此志快。
風虎雲龍拱北辰。聖朝物色適埃塵。姓名十載聞聲思。

肝膽同時不介。親坐上服青非俗客。軍中衣白是山人。
元臣自踐澄清約。底定三韓萬國均。

春懷和韻二首

春分流水好。題紅縹緲宮牆有路通。炊米何嘗難巧婦。
移山那可笑愚公。嬾從南畝商耕耨。開向東皇如雨風。
應憶陸辭承上語。忍隨群喙費遼東。

局外籌造儘堪定。賈生何事解先醒。臣心誰比葵心赤。
世眼寧隨柳眼青。甘使三年撓築舍。反憎七政論占星。

無欲齋詩鈔

廿一

過河未遂終航海。宋事於今豈忍聽。

贈玉田孫世兄

為問名門駐玉鞭。路傍相見重悽然。王孫今少卓犖地。
而祖原無上黨錢。未逮箕裘還自續。由來狐兔解人憐。
勉旃好整昂霄翼。再助東風送上天。

和九日韻

三年三地度重陽。每度重陽客滿堂。送酒好酌籬外雨。
整冠為拂菊邊霜。遠遶空谷聲傳遠。窮廓高天劍倚長。

賡羅雄篇腸益熱。宵從楚客賦悲涼。

和韻九日一片石小集時聞朝命

遼水東西總漢家。可容出沒開袞笳。也知當事非堂燕。
誰謂前籌是井蛙。渙汗自天昭聖武。篚筐盈路被光華。
兜鍪欲試銜冠豸。不為風高學孟嘉。

清涼寺

處處招提解占山。松門石磴歷躋攀。原因屢氣粧清影。
更借爐煙點翠斑。古意政宜僧汗漫。好音恰趁鳥間關。

無欲齋詩鈔

廿一

事平此地堪招隱。為記幽踪第笑灣。

榆關歲暮和孫魯章韻六首

晴宵幕府檢年光。戛度重陰再起陽。五色瑞雲扶日月。
一鞭寒影伴風霜。角吹清夜隨天遠。甲卧黃沙過雨涼。
最愛健兒尋戰鬪。誰將有種論侯王。
鈴閣紆籌午夜勞。喜談太白近年高。新來翹楚千夫長。
盡是雄飛一世豪。天際寒威嚴鼓角。營中朝氣上弓刀。
似聞公相裁雲錦。特為前牙製戰袍。

偶。青。銅。笑。雪。霜。檢。來。初。志。未。全。荒。毛。錐。敢。望。麒麟。閣。
手。板。難。隨。鸛。鷺。行。幾。見。劉。陽。成。指。繞。誰。從。短。髮。信。心。長。
樽。開。柏。葉。選。同。舍。為。賦。車。攻。六。月。章。

拈。筆。伊。吾。送。臘。殘。驚。人。無。句。夜。空。闌。曾。聞。鄰。燭。堪。分。照。
幸。晴。新。詩。如。弄。瓦。風。雨。快。來。鈴。閣。壯。管。絃。度。入。成。樓。寒。
天。涯。自。愧。稱。同。調。珍。重。相。看。欲。授。餐。

極。日。天。空。塞。鴈。高。颺。颺。朔。意。透。綿。袍。陸。沈。聚。自。爭。竭。角。
吏。隱。憑。人。問。豹。韜。殘。臘。引。春。蒸。麥。浪。高。歌。飛。雪。傍。松。濤。

無欲齋詩鈔

廿四

尋盟此地惜三友見志當場有二毛

卧。病。寒。帷。日。已。曠。常。需。藥。物。濟。微。軀。從。軍。預。辟。留。度。穀。
入。夢。先。浮。少。伯。湖。人。喜。斷。金。聯。臭味。心。慚。索。米。倍。侏。儒。
談。經。臺。畔。成。榛。莽。何。處。知。音。覓。野。狐。

榆關除夕和蔡無熊韻二首

乘。除。四。序。歲。功。成。偕。友。開。樽。客。思。盈。錯。落。也。依。金。谷。數。
沈。吟。總。是。玉。關。情。已。陳。芻。狗。鐘。聲。送。再。拂。旌。旗。柳。色。迎。
詩。筆。欲。春。草。葉。這。回。不。為。傍。愁。生。

乾坤變化腐為新。綠筆迎春更有神。萬事漸除今夕盡。
同袍下上幾人貧。酒樽北海居恒滿。雷雨東皇次第陳。
新奉明綸決大計。從來神武即天仁。

訓茅止生

劉。陽。滿。眼。盡。成。柴。何。事。君。家。尚。杞。憂。每。向。旁。觀。懸。冷。眼。
翻。從。強。笑。寓。深。愁。雙。龍。分。影。何。年。合。千。古。開。帆。幾。樣。收。
求。友。誰。堪。當。別。友。忍。聽。黃。鳥。賦。枝。頭。

歸自榆關別高陽相公

無欲齋詩鈔

廿五

依。倚。龍。門。學。掛。冠。朝。來。進。見。不。稱。官。四。年。殊。覺。從。軍。樂。
一。路。應。知。分。手。難。入。髮。胡。霜。人。並。老。舉。頭。遠。月。夜。同。看。
此。身。當。日。非。輕。許。出。入。風。濤。總。是。安。

范懷洙自密雲還部

帝。命。均。勞。體。庶。寮。分。司。入。署。意。蕭。蕭。考。工。盛。事。尋。周。禮。
題。柱。仙。郎。憶。漢。朝。待。漏。猶。疑。邊。月。近。含。香。不。比。塞。風。飄。
十。年。臥。劍。憐。清。照。直。道。于。今。未。盡。銷。

送王中詠之南儀部二首

除書剡下五雲端。父老倉皇借寇難。煌煌陪京推漢吏。
表章儀禮屬周官。甘棠赤社流風遠。行李清江照影寒。
弔古好尋供奉句。鳳凰臺上望長安。

千載論交意未闌。何期召杜契金蘭。憐君高調難為和。
許我知音謬與彈。世事已隨寒暑易。天涯仍作比隣看。
當筵不續銷魂語。此後難思寄釣竿。

贈別賈明府愧哉

誰使金容黯淡開。十分春色錦江來。寇君未許三年惜。

無欲齋詩鈔

公琰原非百里才。粉署彈冠專視草。棠陰祖帳暫銜杯。
應知直北長安近。預戒驪歌莫浪催。

答王中詠見懷之作仍用前韻

聞到南中春未闌。徘徊畫省賦幽蘭。假因休沐頻容展。
冠為登臨不散彈。聲氣自隨鳴鳥動。嘯吟人當卧龍看。
狂夫病懶無堪報。酣睡寧知日幾竿。

寄耿樸公

此是孤臣出獄時。喜心翻倒轉含悲。替紳却數何堪道。

生死交情祇自知。任彼當年爭屈膝。讓君今日獨揚眉。
一從姓字經清問。處處封章效鼓吹。

題魏子一血疏

三年積血為聲吞。白簡朱殷動至尊。臂指有仇難並世。
濡毫無語不招魂。冤孤痛定還思痛。聖主恩深未報恩。
相對相憐何限意。從來忠孝本同門。

送范質公開府中州

推轂朝來動漢京。中丞新節舊知名。山開嵩少迎真氣。

無欲齋詩鈔

水繞清漳遠達聲。孟博襟抱應解綬。希文胸在好藏兵。
獨憐握手侍觴處。短髮蕭蕭落日明。

短髮蕭蕭落日明。半生肝膽向誰傾。餐冰共仰高秋色。

倚玉寧慚下里聲。節鉞憑君光啟事。面眉容我綴昇平。

猶聞前輩朝天袖。風到于今尚有清。

糧籌

有物稜稜太去華。也隨羣品入官衙。二師固取直為用。
計吏原從數起家。王霸雄圖頗借箸。古今絕唱偶量沙。

莫言黑白無妨混物色離君便會差

贈杜鵬江

一別江干春復秋。京塵點點上征裘。愧無寸善酬明主。
祇有空囊對舊遊。山水敢言鍾子調。乾坤尚抱杞人憂。
長天我愛雲霄羽。南北何常總自由。

春日出都留別知己

跌宕支離太瘦生。承恩歸去領身輕。借籌無補公家事。
把酒偏憐友輩情。木落秋臨榆塞早。雲開月向釣臺明。

無欲齋詩鈔

廿

往來門吏應心厭。十載三番出鳳城。

翼聖親丈過訪賦贈

曲水淹留長者車。朝餐今日為君加。蓬蒿蔣徑無他客。
文獻燕山有幾家。兩榜箕裘攀桂樹。一經衣鉢待蘭芽。
曾聞子敬交公瑾。不是村醪敢自誇。

寄馬齊莊

廿載行藏抱病多。幸從國手起沉疴。時清貧賤難驕語。
歲稔壺觴易浩歌。追省向年憂似把。諱言今日飯猶頗。

朝來得意新工課。細按雄篇字字摩。

新秋邀啟泰啟素不宜夏

病骨今來漸有瘳。聊將舊習任優游。問奇殊愧雲亭字。
折簡專遲雪夜舟。花。逢。逢。迎。方。氣。色。草。堂。獨。坐。不。風。流。
也。知。入。夏。憐。同。病。昨。日。梧。桐。已。報。秋。

題趙羽伯澹遠齋用馬齊莊韻

歇脚如君已透關。豈從世法論忙閒。常觀消息盈虛意。
每在悲歌感慨間。愛畫隆中抱膝坐。時吟籬下見山還。

無欲齋詩鈔

廿

方書不減宣公富。却比宣公更會刪。

東園漫成二首

千秋何事不雷同。同在人情物景中。村以江名通杜氣。
門因康姓扶龐風。柳明。湊。五。顏。無。厚。槐。故。逾。三。蔭。更。濃。
病起偶然思學圃。圖書即篆東園公。

東園蒼莽在江頭。重詠江村事事幽。敢信雪腸人傲夏。
還憑槐井地含秋。便從疏水思樊圃。更按町畦念禹溝。
開眼有亭觀物表。只因牆短似登樓。

軼題二首

誰向衙門破雀羅。草堂相見意如何。攜琴似爾知音少。
彈劍慚余抱病多。且自休心留短髮。可將挽日讓長戈。
野人籬落饒難泰。見子還賡對酒歌。

頌起青天滿帝州。應求當日畫名流。丟開官品憑人品。
打破關頭在念頭。一羽雲霄殊杳杳。七絃山水自悠悠。

二郎必做三槐茂。不盡如君太會留。

看山

無欲齋詩鈔

三十

日日東園門不開。主人常在草亭閒。朝來攜卷消清晝。
午後憑欄望遠山。偶對園丁殊貌古。靜聽林鳥亦音閒。
乾坤事事歸平等。非為煙霞故抗顏。

陳兩生中秋省親

遊子翩翩整玉鞭。省親為賦北征篇。邇來彩筆竿頭進。
此去斑衣分外鮮。客路秋風催雁陣。長安明月照漁船。
而翁若問今何事。他作瞿曇我作仙。

陸放翁有句清時有味是歸來。余取其義名吾園。

曰味園賦此

眼底風光任轉移。江村何事不相宜。田因得歲糧完蚤。
心為無營睡起遲。老圃向余誇舊學。小亭對客賦新詩。
放翁佳句真同調。有味清時祇自知。

丘侍御以詩扇寄次韻書扇二首

棲遲病骨水雲鄉。何幸遙分身史光。花縣遺琴猶隱隱。
蘭臺新草更堂堂。沉冥得遂巢由嬾。開濟全憑禹稷忙。
莫向同時談易地。江湖廊廟各成章。

無欲齋詩鈔

三十一

步檐倚杖一閒身。歷指羣星拱北辰。象著垂衣無闕事。
光搖執法有奇人。每因梁月思顏色。為和陽春報釣綸。
欲問少微狂自許。江天雲霧句猶新。

軼題

病餘短髮不堪搔。千里何憑寫鬱陶。往事祇憐心獨苦。
此行遙論曲彌高。久知夷險皆成易。想像行吟欲變騷。
雁到關東煩識取。人從冀北寄春袍。

睡起有作

吳道紅塵萬丈鋪。義皇枕上一塵無。開來山水推為主。
膝去精魂免作奴。却幸散材人不顧。縱憐多病藥堪扶。
勾銷歲月惟殘卷。屈指乾坤幾腐儒。

雨後觀月用盡心韻

生平酷愛玉壺冰。連雨初晴看月升。測影千尋量有尺。
面光萬古像無繩。神清塵外達仙客。體淨空中對聖僧。
別樣精輝由雨洗。錯於昨夜怨雲騰。

乙亥春日祝少師愷陽先生

無欲齋詩鈔

世

間。潮龍門已。幾春相逢。猶是舊精神。閒情隱約。安危意。
和氣。氣盈社稷身。鐘鼎功成心。獨苦乾坤眼。到品誰真。
壽觴此日。推先舉。還待當年入幕賓。

乙卯冬周葵洲自福州以詩扇託其門人郭孝廉
寄余同心之語。每示友人。後為慢藏。不可復得。已
已過其子士蘭。問其存稿。乃當校難時。訛傳抄沒。
遂舉篋藏。盡付諸火。余每深恨。數為友人言之。甲
戌冬夜。同馬玉壺。孫鍾元。燈下言及。不勝千秋之

感玉壺以為可憶。搔首展眉。數刻遂全。是大奇事。
鍾元曰。鬼神通之也。亟索筆錄之。

一別都門歲幾更。天南天北不勝情。秦關戎馬開時。
急。關海風濤見。愈驚意氣。獨留三尺劍。夢魂欲到百。
樓城。浮名顯晦非吾事。何日重申松柏盟。
相思懷抱向誰開。目斷衡陽雁不來。三十功名淹海。
國。百年心事弔荒臺。壯懷已覺愁中盡。薄髮偏從病。
裏催。世路行藏須努力。月明北望轉徘徊。

無欲齋詩鈔

世

周葵洲曾寄扇頭詩。失去十餘年矣。玉壺親文乃
能記憶。喜極賦此。

忠介逸詩何處尋。每於憑弔費沉吟。誰令亂後文無害。
偶藉閒中客有心。逝水不殊重合劍。廣陵遺履未亡琴。
駢壇漫有傳詩話。此夜新添舊地金。

贈杜騰江社文司客雲詞

驪歌初唱惜檀栾。重鎮熙寧。靈運家。優遊吏。知名窺祖豆。
諸生開業受春秋。詩僅同舍難休。黃酒近旗亭。易典矣。

此後從前稱外翰覺於今日更風流

簡沈羽兄明府

每言策畧便神傷。爭似清風過范陽。暑作真看人最古。
去猶回顧意何長。言深自分交非淺。仁顯應知用愈藏。
肝胆沈吟何處向。盈盈衣帶永相望。

秋日送黃時甫歸江右就試

曾道天涯若比隣。縱聞驪唱不傷神。宣同萍梗他鄉客。
原是鸞鵒我輩人。水到渠成功可驗。青從藍出理應真。

無欲齋詩鈔

秋風莫當尊鑑。忌屈指看花上苑春。

酬王中詠見懷之作

舊盟回首未云寒。晚為提心敢自寬。黃鳥有知吟憶友。
青山無語對加餐。迴瀾應讓中流柱。進步還從百尺竿。
下上古今多影樣。寧容松栢共君看。

贈高生

德善地理

從南來色久銷沈。慷慨還從方外尋。白雲素練應和寡。
紅塵縹緲便深真。憑君里耗坤輿中。盡說滄海心。

大地有人迷所向。唯君頻借指南鍼。

丙子春日祝愷陽先生

入坐春風娛景明。年年此日祝先生。四夷有使詢安否。
九鼎於身像重輕。且向江湖藏劍影。閑從蘭玉聽書聲。
也知綠野膺全福。望治蒼生另是情。

春日偕啟泰祝愷陽先生過馬翔甫賦此

春明快靚壽星高。攜友驅車未足勞。綠野堂中無俗客。
白毛眉際有人豪。君從東道供行李。我自西江誦木桃。

無欲齋詩鈔

廿五

歲歲春明成舊例。為煩童子認緋袍。

謁劉靜修祠

落日掛城頭。樞衣謁靜修。雲深栢色古。風靜鳥聲幽。
勝國三光暗。先生一綫留。斯文推泰斗。吾道寄滄洲。
陶句閒頻和。徵書任再投。當年高蘊藉。千載想風流。

輓林烈婦

少婦誰家女。殉夫事異常。從容絕句飲。依頃變滄桑。
速欲歸同穴。無勞稱未亡。夜臺甘一瞑。宇宙見三綱。
慘慘

都人色飛飛六月霜鬢眉多繞指。閨閣賦剛腸。

輓劉仰岡

北地悲歌客中朝獻納臣。彼哉方覆餗人也竟埋輪歟。
了公家事何妨丞相。頃拔丁功自在曲突。見如神共歎。
鴻儀速誰言龍性馴。若恩恩放逐公意。厥風塵寂寞英。
雄骨蕭沈社稷身上。方傳諫草生氣百年新。

南庄訪黃翁

欲訪隱君子。須聽伐木歌。峰回還見路。泉湧自成河。翠

無欲齋詩鈔

三

嶽依依近。白雲漸漸多。主人儀貌古。攜手笑顏酡。下榻
真投轄。開枰想爛柯。青樽洗磊塊。白眼傲風波。牛馬憑
人喚。乾坤奈我何。山靈應有意。花發許重過。

春日偕友過嵩上人

偕客訪僧家。春明日半斜。人人登法界。語語帶烟霞。鐘
醒三生夢。風清七枕茶。棋巖成破竹。筆肆欲驚蛇。名海
一身業。塵鞋兩鬢華。逃禪終有意。揮麈散天花。

謁靜修墓

寒歷先賢墓徘徊。我輩情山連誇地。古河枕羨流清溪。
凜生前事悠悠死。後名汗青標處士。童豎說先生。樹老
枝新發。碑殘字半明。臨風多感慨。仰止愧生平。

讀允諧封事感而有作

廟算誰操勝天心。未敵兵虎踞。氣甚惡。燕寢意殊輕。弱
冠朱門客。奇姿白雪情。報恩戈每枕。憂杞夢頻驚。搗士
家贊毀。呼天諫草成。慨慷原本色。忠孝自家聲。雛鳳擬
君子人。龍美帝甥。聲名一日偏。蘭藉欲分榮。

無欲齋詩鈔

三

和溫泉次唐韻

曾入文皇詠。重勞相國旌。對人思仰沫。經劫欲吞聲。翻
倒一腔熱。消除兩腋輕。仙源原散亂。珠浦自投明。不是
憑君相。誰令造化生。

侍相國閱平遼馬將軍車營

當關馬上相蒐乘。詠元戎。兵洗連朝雨。威生八面風。分
行旗影外。成列鼓聲中。隅正形因井。錯繚殺起宮。女牆
憑有足。子母應無窮。束伍蛩依距。多方守寓攻。揚眉全

技癢拭目傾心。雄幕府規模遠。皇家氣運隆。馬群空冀北。虎略定關東。面首登壇語。人豪見略同。

曹明府令子秋捷

歲星臨上谷。文宿耀中州。四境絃歌日。一經戰勝秋。彼蒼旌召杜。之子駕曹劉。河洛重開闢。風雲自應求。近看毛是鳳。遙望氣連牛。錦爛三千字。花明十二樓。承家兼報國。宇內幾箕裘。

周介忠之難其友人朱完天竟以身殉今見叔華

無欲齋詩鈔

壬

愴然有懷賦此為贈

當年聞怪事。此地遇奇人。投止非無定。金蘭特有隣。客身須變姓。飲淚不沾巾。天地誰憐影。昏朝自損神。草堂慚作主。日講苦傳真。組豆千秋色。悲涼三代民。

賀胡以寧進序

余不識以寧。因顏君榮我知之。吾黨亦多稱其恂恂。顏自矜得婿。曾以文來。精神掩映。數人也。庶幾質有其文。與質學表公拔入庠。萬里之行。

自此始矣。余不喜頌先達。獨好爵後進。舉必有試。竊附宣尼之遺意。因顏君榮我。言遂為韻語。以佐鼓吹。

烏府恢才館。青衿入藥籠。人文拖上谷。之子擅金容。其謂文多變。相驚筆有鋒。而翁朋跨竈。乃為喜來龍。更望翔千仞。非徒享萬鍾。汚隆看世道。旋轉繫章綱。我為士年。來始問農。庶門恒見過。顏巷每相從。左右江同派。東西樓幾重。肝腸難自掩。情性已明供。久矣屬辭懶。

無欲齋詩鈔

壬

燕之聽樂情。惟於父愛約。敬韻付笙鏞。其杜詩

癸酉九月十九日雨後題菊為杜鵬江六十一歲

初度

觀節全於晚。藏奇政在常。五行金貴秀。萬葉菊清香。逆後存周愛。梅前引孟忙。逢秋週甲子。遇酒更重陽。猶喜催花雨。不愁凋葉霜。愧余非靖節。滿把意何長。

定興至庚辛之交。士氣盡矣。容城錄。故泰時寓都門。十里赴義。豪客感激。事平北上。賦此為贈。

范陽斗六逼神京。發難何人市虎成。既恃無端工射影。
且憑有力困持衡。強令天下服三字。不許廷中議兩平。
諸士南冠生氣盡。美人北邸容心驚。百年忍見衣冠禍。
一體應憐孤克情。上苑飛書賜欲契。都門投袂腋還輕。
蕭蕭馬上縑袍點。點點匣中雄劍鳴。袒臂一呼聯勝友。
持糧三日赴兼程。直衝雷雨蛟龍吼。不避風濤神鬼爭。
每遇崎嶇催後勁。宵因顛頓偃前旌。連翩首尾常山陣。
生死存亡背水兵。旅舍壕衣情旣灑。侯門抵掌氣縱橫。

無欲齋詩鈔

早

聞人却走心方悖。主者席前聽欲傾。遶爾山河開黠漢。
忽然宇宙見清明。梁園業已出鄒子。燕市無勞避楚聲。
憶向風塵動物色。誰將騰氣傲儒生。六年枯墨思親淚。
千里驅馳赴義名。自為斯文作砥柱。共占吾道有干旌。
功成一笑拂衣去。回首高天秋色清。

感懷寄楊爾承

中原我輩日相遇。期許生平竟若何。自信為人非李蔡。
應知取友是公他。英雄天爵神增王。事變驚心異故壙。

屢向孤燈看短劍。相從杯酒度長歌。死生患難交情見。
左右提攜俠氣多。唾手共膺門外寇。同仇豈效室中戈。
寸心不盡臨歧意。感慨悲風冽九河。

癸丑計偕爾承敬奉同寓

春來花滿洛陽城。挾策公車賦北征。潦倒何人憐短髮。
提攜有客對長檠。湛思楊子多奇字。孺慕孫郎自盛名。
肝膽共披當日事。天涯相見此時情。綈袍不染紅塵色。
洞越依然白雪聲。風雨笑回俗夢斷。乾坤多事壯心驚。

無欲齋詩鈔

早

劇談掌上三千字。雅負胸中十萬兵。顧盼中原推鼎立。
連翩雲路見風生。盡簪不辱金蘭薄。報國寧寒海嶽盟。
聞道聚星占太史。寒光三尺萬家明。

留別敬泰

交態曾聞白首新。一年強半得相親。但憑當世君憐我。
不苦長安塵汚人。四十頭顱羞自對。尋常心事許誰真。
平生形影雲龍願。此日天涯去住身。黯黯綈袍秋色重。
蕭蕭落葉淚痕新。將別態薄遊子。不禁臨風各惜神。

瞻明有詩期以共事賦答

珍重美人錦繡段殷勤投我水雲鄉永言家譜開青眼
有感君恩刺熱腸騰踏幸同燧附驥是非羞比矮觀場
中朝旗鼓分牛李邊塞金錢飽虎狼冠魏進賢稱國士
時逢明聖負天王提攜全賴同心友不向風塵嘆鬢蒼

箕生過我夜談有會

北來紫氣入江鄉把臂深談樂未央白首壯懷全盪
青緇舊業半荒唐市中憐我留三顧海內逢君願一嘗

無欲齋詩鈔

里

敢道曲高成和寡笑將髮短論心長乾坤隨地開春色
月旦何人據勝場枉向圓中求駿馬徒從門外望宮牆
代興作祖爭旗鼓一綫千秋未渺茫此會應知千象緯
燈前片片墮青霜

送宋獻孺歸省用師相韻

之子才名自上流公車推轂盡曹丘仙班原佐新參辟
武畧先揚古渡頭投袂慨慷同誓日望雲淩斷異悲秋
百年忠孝無偏重萬里風煙豈浪遊功在榆關儼虎豹

深萊綵舞蛟虬別君永夜看梁月怕聽濤聲趨漏籌

答張錦衣深之

誰向三韓再破荒任教圖盡悞王塙左提右挈憐同調
兩覆雲翻惜別腸投我璵璠生骯髒照人明月益悲涼
立庭行踐三年誓破敵應求百鍊鋼側目時流環伺短
苦心國手計從長肩搖六月雄風起白雲齊歌韻遶梁

春日從關馬大將軍車營

東望曾聞識鼠牛提竿大意在鰲頭應窺左足身先倡

無欲齋詩鈔

里

謀借前籌敵是求陣就駕鸞騶步騎器調子母費春秋
聲從徹夜百八和景合連城十二樓風急女牆俄歷歷
雲平雉尾自悠悠當場結隊無中駟對壘爭衡據上流
懸價千金知市馬登壇發語辦興劉乾坤此日稱多事
且為冲皇靖外憂

丁卯春日馬雲從使來慰問近况賦答

抱病披關再度春一灣流水隔紅塵何來千里折梅使
可是三年共事人追艷當門推虎豹更聞歸路抱麒麟

從容天地恩波潤跌宕江湖意興新下榻已知俗客遠
擁書應覺古人親相憐不盡相期意此日安危政係身

穀日鍾明府見過賦贈

使君行部過衡門隨繞天花觀世尊旋轉乾坤春有脚
渾成圭璧玉無痕語傳八日原占穀色動三農免佩瑣
似為去冬完缺典確於今歲立深根酒旗且見花村處
社鼓堪催麥浪翻相對草堂何限意不言雪子道攸存

出塞二首

無欲齋詩鈔

四

窺豹無非童子見雕蟲不是壯夫文軍中使相寒心膽

臚唱曾垂五色雲

塞月荒荒照髮斑班荆席地廢城間分甘欲壯三軍色

覓顏應開萬古顏

中右所不寤

邊城朔氣欲誰何宿鳥寒枝驚曉多獨有素心看冷月
願從壯士挽天河

延安堡

繞向高崖忽轉灣平鋪千頃北南間低回當日營田意
汗土殷殷尚有斑

無題

多因風便輒彈冠風色還須仔細看縱有招呼君莫趣
上船容易下船難

偶成

一番霜雪一番春萬古天心萬古人座外鬚眉
閒中日月病中身

無欲齋詩鈔

五



2087455

G
Z1 21.5
. 16d



ZW 21181800575256

無欲齋詩鈔一卷 直隸總督
採進本

明鹿善繼撰善繼有四書說約已著錄此乃所作
詩稿稱成雲洞定本詩後間有評語不知何人所
選輯也案李光地有成雲洞詩韻或光地所評歟
善繼成仁取義大節凜然詩筆亦有道勁之氣而
不耐苦吟未免失之弱率